





Ex Bibliotheca
majori Coll. Rom.
Societ. Jesu



67-1-53.
62 62
5 f
1



37

fi

6-11-10

R E G I Æ SCIENTIARUM ACADEMIÆ HISTORIA,

IN QUA PRÆTER IPSIUS ACADEMIÆ
originem & progressus, variasque dissertationes & observa-
tiones per triginta quatuor annos factas, quàm plurima ex-
perimenta & inventa, cùm Physica, tum Mathematica
in certum ordinem digeruntur.

SECUNDA EDITIO PRIORI LONGE AUCTIOR.

*Auctore JOANNE-BAPTISTA DU HAMEL, ejusdem
Academiae Socio.*



PARISIIS,
Apud JOANNEM-BAPTISTAM DELESPINE, viâ Jacobrâ
ad insigne divi Pauli, prope fontem S. Severini.

M. DCC I.
CUM PRIVILEGIO REGIS.

Aug. 18



ILLUSTRISSIMO VIRO D. D.

J. PAULO BIGNON

ABBATI S. QUINTINI,

NECNON COMITI CONSISTORIANO.



REGIÆ Scientiarum Academiae munere defungor, ABBAS ILLUSTRIS-
SIME, cum hanc Historiam, opus Te Autore susceptum & ad triginta
quatuor usque annos perductum sub auspiciatissi-
mo tuo nomine publici juris facio. Quod hæc ante triennium
inscripta Tibi non fuerit, modestiâ tuâ factum est. Sed cum
ex eo tempore maxima studiis nostris facta fuerit accessio, ac
Te apud LUDOVICUM MAGNUM & perillustrem avun-
culum tuum, nunc Galliæ Cancellarium agente, Regia Scien-
tiarum Academia velut novam formam induerit, facta ex
beneficio tuo major & audacior, hoc sibi nunc vindicat,
quod tunc abnueras, ut & de se ipsâ Tibi, & de Te litte-
ratis omnibus, meis verbis gratuletur.

Es certe clarissimus hic Mathematicorum & Physicorum
â ij

EPISTOLA.

cætus à tenuibus , ut cætera penè omnia , cæperat initiis ; sed temporis progressu sic auctus erat , cùm Academicorum numero , tum etiam diligentia , ut inde inventa non pauca , & lucubrationes non pænitendæ prodierint. Cæterum illud dissimulare non possum , ex quo conventibus nostris præfectus es , hoc est , decem abhinc annis , Academicorum studia & labores eum in modum excreverunt , ut novos sumere spiritus & quasi renasci Academia visa sit. Tunc enim in varios digesta ordines , novorum Academicorum delectu suppleta , certisque à Rege sapientissimo firmata legibus , speciem quandam republicæ præfert , cui Tu præes. Enimvero singulari prudentiâ & humanitate , VIR ILLUSTRISIME , sic omnium animos instigas & moderaris , ut , quod difficillimum est in frequenti eruditorum congressu , sine perturbatione acriter , sine segnitia pacatè munus Academicum in singulis ordinibus obeatur ; & quod singulorum vigiliis atque industriâ quæsitum ac repertum est , id in commune conferatur , hoc uno inter omnes certamine , ne quid in rerum natura diutiùs lateat , quo possit hominum vita locupletari. Quæ in re LUDOVICI MAGNI sapientiam ac felicitatem non possumus non predicare , quo imperante non Physicæ modò & Mathematicæ disciplina ; sed quicquid est etiam bonarum artium , quæ cum iis aliqua cognatione junguntur , maiora quàm omnibus retrò sæculis incrementa ceperunt. Miramur omnes , & meritiò quidem invictum Regii pectoris robur , acerrimam ingenii vim , quâ ut Gallicum Regnum supra cætera imperia , ita se supra Reges omnes & Imperatores extulit ; sed & illud quoque non minori admiratione dignum , quòd in tanto rerum fastigio constitutus de provehendis artibus & disciplinis ita sit sollicitus , ut non modò sumptus ædificiis construendis , experimen-

EPISTOLA.

tisque faciendis suppeditet ; sed etiam doctissimos viros , quovis scientia genere præstantes cum e Gallia , quæ magnorum semper ingeniorum firax fuit , tum e longinquis regionibus acciveris , qui in promovendis disciplinis operam omnem expromerent. Hoc quidem præclarè Rex sapientissimus intellexit , nunquam florere magis Imperia , quàm cum literæ vigent maxime.

Nihil hîc necesse est Græcorum & Romanorum ; nihil Caroli Magni, Philippi Augusti , & Francisci Primi apud nos tempora commemorari. Pace tantorum Regum atque Imperatorum dixerim , nullum unquam , ne Franciæ quidem Regnum , belli & pacis artibus magis enituit , quàm sub LUDOVICO MAGNO Quo enim quis eruditionis famâ magis excellit , hoc ei apud Regem Maximum paratior gratia est. Appellarem hoc loco præcipua Cleri Gallicani lumina , nisi foret infinitum : sed tu mihi , ABBAS ILLUSTRISIME , instar omnium videris esse , qui quo tempore hanc Epistolam scribo , istâ ætate , & in secundo adhuc Cleri Gallicani ordine constitutus . ad sanctius Regni Consilium assumptus , & Comes Consistorianus es factus.

Quid enim spectavit æquissimus rerum aestimator , nisi multam & magnificam omnis doctrina suppellectilem cum singulari morum suavitate atque integritate conjunctam ; ingenium semper præsens & expromptum , maximarum rerum capax , nec minimarum negligens ?

Verùm ne videar Tibi plus æquo blandiri , horum omnium pars magna tecum nata , VIR ILLUSTRISIME , ex paternâ & avitâ hereditate magis ad Te transmissa , quàm studio & labore quæsitâ : tamen si ita doctus es à puero , ita institutus , quasi spes omnis tibi in industriâ tuâ fuisset. Hieronymum vidi-

E P I S T O L A.

*mus seculi sui lumen ac decus , præstanti ingenio , & doctrinâ , quanta in ullo homine potest esse , maximâ , egregiâ juris omnis & antiquitatis notitiâ , plurimo rerum usu ; ut dubitares quid in eo potissimum emereret , cùm ipse in unaquaque re ceteris hominibus antecelleret , vir consilio linguaque princeps : vivum adhuc ac spirantem exhibes. Sed tuas & nobilissimæ familiæ tuæ laudes exequi dicendo nec aggre-
diar , nec possim. Cogitandum mihi magis est quid aures tuæ pati possint , quàm quid virtutibus tuis debeatur. Hoc unum volui , & meo , & Academia nomine Tibi gratias agere , qui & nos & illam demereri studio , gratiâ , & autoritate non desinis.*

Tibi addictissimus
JOANNES-BAPTISTA DU HAMEL.



P R Æ F A T I O.



COMPLURES Libri, iique eximii, cum Academia universæ, tum singulorum Academicorum nomine jam pene ab illius ortu prodierunt in lucem, ex quibus facile intelligitur quæ & quanta, ex quo hæc Eruditorum hominum Societas à Rege munificentissimo fuit instituta, liberalibus disciplinis facta fuerit accessio. Sed illud dissimulare non possum, quæ Typis Regiis excusa sunt Volumina *De Animalium & stirpium Historia, de Rebus Astronomicis*; quæque ex posthumis Academicorum Opusculis sunt excerpta, figuris ornata ad vivum expressis, novis inventis ditata, non, ut par erat, litteratorum manibus teri, quòd forte ad paucos majora illa Volumina pervenerint. Alii quoque Libri ab Academicis conscripti, quique variis in congressibus sunt è scripto recitati, nunc magna ex parte apud Bibliopolas desiderantur. Cujus generis sunt *Physica tentamina* à Viris eximiis D. Perrault, & D. Mariotte elaborata, ut alia privatorum Opuscula quàm plurima prætermittam.

Quamobrem hoc operis nec inutile, nec ingratum bonarum Artium studiosis futurum spero: quod utique dissertationes cum in Libris Academicorum, tum in

P R Æ F A T I O.

Tabulariis Academiæ sparsas, ex omni pene doctrinarum genere decerptas, sic explicatas complectitur, ut perspicuitati non obsit brevitās, nec brevitati perspicuitas. Tot præclara inventa & generi humano utilia in Physicis, Chymicis, in re Herbaria, Anatomia, Geometria, Algebra, Mechanica, Hydrostatica, Dioptrica; tot denique observationes non minùs utiles quàm jucundæ in Astronomia per 34 annos factæ in unum veluti corpus sic coaluerunt ut, delectûs, ordinis, & nitoris ratio potissimum habita fuerit.

Magna quoque rerum, quæ hoc volumine continentur, varietas id procul dubio efficiet, ut quod unicuiquemagis arridebit, id amplectatur. Alios Physicæ dissertationes, quæ & numero sunt complures, & rerum dignitate insignes, alios Animalium Historia, multos Anatomia, nonnullos præclara & vitæ humanæ utilia Chymix arcana oblectabunt: ut taceam de Mathematicis disciplinis, quarum nulla pars est, quæ incredibilem animo voluptatem cum singulari utilitate conjunctam non afferat. Præterquam quod ex iis pleræque commune quoddam habent cum Physica vinculum, & quædam veluti cognatione inter se continentur, ut Mechanica, Hydrostatica, Optica & Astronomia imprimis, quæ præ cæteris videtur exculta, quoniam pulcherrimæ illius scientiæ, quæ navigationi adeo est necessaria, & Ecclesiæ ipsi perutilis, promovendæ causâ Academia potissimum fuit constituta, & Observatorium Regia munificentia exstructum. Mitto de Geometria, Arithmetica & Algebra dicere. Multa sane & scitu digna circa hanc puriorem Mathesim inventa sunt, quæ cum magna

P R Æ F A T I O.

magna ex parte edita fuerint cùm in Miscellaneis, tum in ipsis Academicorum lucubrationibus, nihil erat causæ cur tot rebus, quæ merito à doctis plurimi ducuntur, sed minime necessariis hunc Librum onerarem. Quocirca Geometriæ & Algebræ theorematà, aut problemata enuntiare contentus, horum demonstrationes ut in libris jam editis, aut edendis comprehensas, omnino omittendas judicavi, ne actum agerem, præsertim cum selectiora quæque ab Academicis feliciter inventa in ipsa Academiæ Historia, & in commentariis, quæ singulis annis publici juris fient, non omittantur.

Nonnulla procul dubio occurrent quæ novitatis gratiam jam exuerunt: sed pleraque ex iis tum nova erant, cum fuerunt proposita: idque æquum videtur, ut eorum Autoribus suis habeatur honos; diem ipsùm, quo primum eorum facta est mentio, huic rerum in Academia gestarum narrationi, ac tempus adscribi oportuit, ut quantum illa naturalem Philosophiam, & Mathematicas disciplinas promoverit, palam omnibus fieret.

Historia Regiæ Scientiarum Academiæ in priori editione quatuor in Libros divisa fuit. In primo quæ Acta sunt ab exitu anni 1666, in quo prima ejus jacta sunt fundamenta, ad initium usque anni 1675, referuntur; Secundus ad annum usque 1684; Tertius ad annum usque 1692, progreditur; Quartus in annum 1696 desinit. Posterior hæc editio duobus Libris aucta ad finem usque decimi septimi sæculi producitur, 34 annos complexa, adeo ut tertia & amplius sui parte creverit. Liber quintus in duas partes divisus, quæ annis

P R Æ F A T I O.

1697 , & 98 , sextus itidem bipartitus quæ annis 1699 , & 1700 gesta sunt , complectitur. Postremi hi quatuor anni tam amplam rerum copiam nobis suppeditarunt , ut tot præclaras dissertationes , tot non curiosa modò , sed etiam utiliter excogitata non parvi laboris fuerit in pauca contrahere. Quæ autem desiderari merito possunt, in Commentariis Gallicis, & in Historia ipsa , quæ brevi in lucem prodibunt , plenius & uberius tractata invenies : id unum addam per multa quæ in priori editione mihi exciderant, quæque sunt scitu digna, in hac posteriori editione adjecta fuisse, uti utramque lustranti fiet manifestum.

I N D E X

SECTIONUM ET CAPITUM.

LIBER PRIMUS.

SECTIO I.	D E Academia institutione , ac de iis qua anno 1666 acta sunt	
CAPUT I.	Qua rationes moverint Regem Christianissimum ut Scientiarum Academicam institueret ,	pag. 1
CAP. II.	De primis hujus Academiae exordiis ,	4
CAP. III.	Physicarum exercitationum primae delineationes ,	9
SECTIO II.	De Physicis laboribus anno 1667 susceptis ,	12
CAP. I.	De quibusdam experimentis , qua ad Physicam generalem spectant ,	ibid.
CAP. II.	De quibusdam experimentis Physicis ,	16
CAP. III.	De observationibus Anatomicis ,	19
CAP. IV.	De Aquis mineralibus universim ,	21
CAP. V.	De iisdem aquis singillarim ,	24
CAP. VI.	Quaedam circa calcis preparationem & usum Physica observationes ,	29
SECT. III.	De Astronomicis observationibus ,	34
CAP. I.	De rebus Astronomicis qua anno 1667 discussae sunt ,	ibid.
CAP. II.	De rebus Geometricis & Mechanicis ,	39
CAP. III.	De lunari eclipsi , qua anno 1668 contigit , ubi de scientia longitudinum ,	41
CAP. IV.	De Hydrostaticis ,	44
CAP. V.	Idem continuatur argumentum ,	47
CAP. VI.	De rebus Algebraicis , Geometricis , & Mechanicis ,	51
SECT. IV.	De Actis annorum 1668, & 69.	53
CAP. I.	De quibusdam observationibus Astronomicis ,	ibid.
CAP. II.	De quibusdam experimentis Physicis annis 1668 , & 69 in Academia factis ,	57

INDEX

CAP. III.	<i>De analyfi plantarum generatim,</i>	59
CAP. IV.	<i>De Botanica, seu de re Herbaria, ac primam de succi nutritii in plantis circutū,</i>	62
CAP. V.	<i>De Historia quorundam animalium,</i>	66
CAP. VI.	<i>De structura oculorum,</i>	69
SECT. V.	<i>De aliis Physicis experimentis,</i>	73
CAP. I.	<i>De liquorum coagulatione,</i>	74
CAP. II.	<i>De causis coagulationis,</i>	78
CAP. III.	<i>De gravium deſcenſu, & cauſis illius motus,</i>	80
SECT. VI.	<i>De Physicis experimentis, qua annis 1670, & 71 facta ſunt,</i>	88
CAP. I.	<i>De animalium & plantarum anatome,</i>	ibid.
CAP. II.	<i>De quibusdam experimentis Physicis,</i>	91
CAP. III.	<i>Alia experimenta circa vin frigoris reſeruentur,</i>	93
SECT. VII.	<i>De his que acta ſunt annis, 1670, 71 & 72, quæque ad Maſtheſim ſpectant,</i>	96
CAP. I.	<i>De rebus Aſtronomicis,</i>	ibid.
CAP. II.	<i>De rebus Mechanicis, & Geometricis,</i>	98
SECT. VIII.	<i>De rebus Aſtronomicis qua annis 1671, & 72 excuſſa fuerunt,</i>	103
CAP. I.	<i>De Regio Obſervatorio,</i>	ibid.
CAP. II.	<i>De obſervationibus in Dania, & Luteria factis,</i>	104
CAP. III.	<i>De obſervationibus in America factis,</i>	109
SECT. IX.	<i>De Physicis laboribus,</i>	113
CAP. I.	<i>De Hiſtoria plantarum prodromo.</i>	113
CAP. II.	<i>De plantarum viribus indagandis,</i>	115
SECT. X.	<i>De hiſtoria Anatomica quorundam animalium,</i>	117
CAP. I.	<i>De Hiſtoria animalium generatim,</i>	118
CAP. II.	<i>Leonis, Leæ, & Chameleontis anatome,</i>	120
CAP. III.	<i>Cameli, Urſi, Capra Lybica, & aliorum hiſtoria anatomica,</i>	122
CAP. IV.	<i>De Hiſtoria anatomica quarundam avium,</i>	129
CAP. V.	<i>De ſtruthionibus, & ave quadam Indica,</i>	133
CAP. VI.	<i>De teſtudine,</i>	137

LIBER SECUNDUS, 140

SECT. I.	D E rebus Physicis,	141
CAP. I.	<i>De rebus Anatomicis,</i>	ibid.
CAP. II.	<i>De Chymicis & Physicis laboribus,</i>	143
SECT. II.	<i>De rebus Mathematicis annis 1675, & 76 pertractatis.</i>	146
CAP. I.	<i>De Aſtronomicis annis 1675.</i>	
CAP. II.	<i>De Libelle uſu, ubi de Mechanicis,</i>	149

SECTIONUM ET CAPITUM.

CAP. III.	<i>Varia machinarum genera perstringuntur,</i>	154
SECT. III.	<i>De Chymicis, Physicis, & Anatomicis annis 1676, & 77 susceptis,</i>	156
CAP. I.	<i>De re herbaria,</i>	157
CAP. II.	<i>De aliis observationibus Physicis,</i>	159
SECT. IV.	<i>De Mathematicis,</i>	162
CAP. I.	<i>De observationibus Astronomicis,</i>	ibid.
CAP. II.	<i>De Mechanicis & Geometricis,</i>	165
SECT. V.	<i>De Physicis experimentis anno 1678 susceptis,</i>	169
CAP. I.	<i>De Botanicis & Chymicis,</i>	ibid.
CAP. II.	<i>De Physicis observationibus,</i>	170
CAP. III.	<i>De rebus Anatomicis,</i>	171
SECT. VI.	<i>De Mathematicis,</i>	174
CAP. I.	<i>De observationibus Astronomicis,</i>	ibid.
CAP. II.	<i>De iis quæ ad Geometriam, Mechanicam, & Opticam spectant,</i>	177
SECT. VII.	<i>De Actis anni 1679.</i>	180
CAP. I.	<i>De Chymicis, & Physicis experimentis,</i>	ibid.
CAP. II.	<i>De rebus Anatomicis,</i>	185
SECT. VIII.	<i>De Actis anno 1680.</i>	186
CAP. I.	<i>De Observationibus Astronomicis,</i>	ibid.
CAP. II.	<i>De Geometricis & Arithmeticis,</i>	193
SECT. IX.	<i>De Actis anno 1681.</i>	196
CAP. I.	<i>De Anatomicis laboribus, seu de Historia Animalium,</i>	ibid.
CAP. II.	<i>De Physicis experimentis,</i>	200
CAP. III.	<i>De iis quæ acta sunt, cum Ludovicus M. Academiam iuvifere dignatus est,</i>	202
CAP. IV.	<i>De rebus Astronomicis,</i>	203
CAP. V.	<i>De rebus Geographicis, & Geometricis,</i>	206
SECT. X.	<i>De his quæ acta sunt anno 1682.</i>	209
CAP. I.	<i>De Physicis experimentis,</i>	ibid.
CAP. II.	<i>De rebus Astronomicis,</i>	211
CAP. III.	<i>De observationibus in Provincia factis,</i>	213
SECT. XI.	<i>De iis quæ acta sunt anno 1683.</i>	
CAP. I.	<i>De Chymicis laboribus,</i>	ibid.
CAP. II.	<i>De historia animalium,</i>	219
CAP. III.	<i>De rebus Physicis,</i>	221
CAP. IV.	<i>De Astronomicis,</i>	223
CAP. V.	<i>De iis quæ ad Geographiam spectant,</i>	226

INDEX

LIBER TERTIUS.

230

SECT. I.	D E iis quæ acta sunt anno 1684.	231
CAP. I.	De Physicis & Chymicis ,	ibid.
CAP. II.	De Historia animalium ,	236
CAP. III.	De Astronomicis ,	238
CAP. IV.	De tabulis Geographicis , necnon de Geometria & Algebra,	242
SECT. II.	De Actis anno 1685.	243
CAP. I.	De Physicis observationibus ,	244
CAP. II.	De rebus Astronomicis ,	245
CAP. III.	De Mechanicis & Hydrostaticis ,	249
SECT. III.	De iis quæ anno 1686. acta sunt ,	250
CAP. I.	De Physicis & Chymicis experimentis , & de historia animalium ,	251
CAP. II.	De rebus Astronomicis & Mechanicis ,	255
SECT. IV.	De Actis Academicis 1687.	257
CAP. I.	De Plantarum Analysis & Chymicis laboribus ,	ibid.
CAP. II.	De rebus Anatomicis , & historia animalium.	259
CAP. III.	De rebus Physicis ,	260
SECT. V.	De iis quæ acta sunt anno 1688.	262
CAP. I.	De Chymica analysi ,	ibid.
CAP. II.	Anatomica ,	264
CAP. III.	De rebus Physicis ,	266
CAP. IV.	De rebus Mathematicis ,	267
SECT. VI.	De Actis anno 1689.	269
CAP. I.	De Physicis experimentis ,	270
CAP. II.	De Historia animalium ,	273
CAP. III.	De Mathematicis ,	274
SECT. VII.	De Actis anno 1690.	274
CAP. I.	De rebus Physicis & historia animalium ,	ibid.
CAP. II.	De Mechanicis & Physicis ,	277
CAP. III.	De rebus Astronomicis ,	283
SECT. VIII.	De his quæ gesta sunt anno 1691.	290
CAP. I.	De Physicis observationibus ,	ibid.
CAP. II.	De his quæ ad anatomiam & historiam animalium spectant.	293
CAP. III.	De rebus Mathematicis ,	295

LIBER QUARTUS.

300

SECT. I.	D E actis anno 1692.	301
Cap. i.	De rebus Anatomicis.	ibid.

SECTIONUM ET CAPITUM

Cap. ii.	<i>De Physicis & Chymicis operationibus ,</i>	304
Cap. iii.	<i>De Astronomicis observationibus ,</i>	312
Cap. iv.	<i>De Geometria & Mechanica ,</i>	316
SECT. II.	<i>De actis Academicis anni 1693.</i>	318
Cap. i.	<i>De Physicis observationibus ,</i>	319
Cap. ii.	<i>De Botanicis & Chymicis ,</i>	322
Cap. iii.	<i>De rebus Anatomicis ,</i>	326
Cap. iv.	<i>De rebus Mathematicis ,</i>	331
SECT. III.	<i>De rebus Mathematicis anno 1694. pertractatis.</i>	334
Cap. i.	<i>De rebus Astronomicis ,</i>	ibid.
Cap. ii.	<i>De rebus Geometricis ,</i>	335
SECT. IV.	<i>De Physicis , Chymicis & Anatomicis ,</i>	337
Cap. i.	<i>De Physicis & Chymicis ,</i>	ibid.
Cap. ii.	<i>De rebus Anatomicis ,</i>	340
Cap. iii.	<i>De variis visus affectionibus ,</i>	342
Cap. iv.	<i>Quedam visus phaenomena proponuntur ,</i>	348
SECT. V.	<i>De Botanica ,</i>	352
Cap. i.	<i>De veris Botanicae principiis generatim ,</i>	ibid.
Cap. ii.	<i>De plantarum in genera divisione ,</i>	355
Cap. iii.	<i>De generum in certas classes divisione ,</i>	357
Cap. iv.	<i>Idem argumentum continuatur ,</i>	360
Cap. v.	<i>De stirpium natura & usu ,</i>	362
SECT. VI.	<i>De Actis anno 1695 .</i>	366
Cap. i.	<i>De Physicis quibusdam observationibus ,</i>	367
Cap. ii.	<i>De plantarum analysi ,</i>	370
Cap. iii.	<i>De spiritu acido ,</i>	374
Cap. iv.	<i>De quibusdam aliis experimentis Chymicis ,</i>	377
Cap. v.	<i>De rebus ad historiam animalium pertinentibus ,</i>	380
Cap. vi.	<i>De rebus Anatomicis ,</i>	385
Cap. vii.	<i>De Geometria , Mechanica , & Hydrostatica ,</i>	390
Cap. viii.	<i>Astronomica ,</i>	393
Cap. ix.	<i>Dioptrica , & Architectura ,</i>	396
SECT. VII.	<i>De rebus Physicis , anno 1696.</i>	401
Cap. i.	<i>De pondere aeris ,</i>	ibid.
Cap. ii.	<i>De aeris elastico ,</i>	404
Cap. iii.	<i>De quibusdam flamma phaenomenis , & aliquot observationibus Physicis ,</i>	407
Cap. iv.	<i>De Chymicis aliis laboribus ,</i>	412
Cap. v.	<i>De sale ammoniaco ,</i>	414
Cap. vi.	<i>De quibusdam aliis experimentis Chymicis ,</i>	417
Cap. vii.	<i>Botanica , & anatomica .</i>	419
SECT. VIII.	<i>De Mathematicis ,</i>	422
Cap. i.	<i>De Astronomicis ,</i>	423
Cap. ii.	<i>De solstitio hiemali ,</i>	426
Cap. iii.	<i>De Geometricis ,</i>	429

INDEX

LIBER QUINTUS.

435

SECT. I.	D E rebus <i>Physicis</i> ,	436
Cap. i.	De iis quæ ad <i>Physicam</i> propriè dictam pertinent,	ibid.
Cap. ii.	De operationibus <i>Chymicis</i> ,	440
Cap. iii.	De stirpium salibus,	443
Cap. iv.	De <i>Botanicis</i> ,	448
Cap. v.	De rebus <i>Anatomicis</i> ,	451
SECT. II.	De rebus <i>Astronomicis</i> & <i>Geometricis</i> ,	456
Cap. i.	De observationibus circa solstitia æstivis,	ibid.
Cap. ii.	De discriminè inter cyclos lunares & solares,	459
Cap. iii.	Dua luna eclipses,	461
Cap. iv.	De stella in collo ceti,	463
Cap. v.	De Mercurio in sole viso,	467
Cap. vi.	Problemata <i>Geometrica</i> , & <i>Arithmetica</i> ,	471
Cap. vii.	De rebus <i>Dioptricis</i> & <i>Mechanicis</i> ,	476

Libri quinti pars altera de Actis anno 1698.

SECT. I.	D E rebus <i>Physicis</i> ,	ibid.
Cap. i.	De iis quæ ad <i>Physicam</i> generalem spectant,	ibid.
Cap. ii.	De his quæ ad naturalem spectant historiam,	483
Cap. iii.	De rebus <i>Chymicis</i> , ac primo de <i>Atramento sympathie</i> dicto,	486
Cap. iv.	De quibusdam aliis operationibus <i>Chymicis</i> & <i>Physicis</i> ,	494
Cap. v.	De aliis operationibus <i>Chymicis</i> ,	496
Cap. vi.	De <i>Botanica</i> ,	498
Cap. vii.	De rebus <i>Anatomicis</i> ,	501
SECT. II.	De <i>Mathesi</i> ,	508
Cap. i.	De rebus <i>Astronomicis</i> ,	ibid.
Cap. ii.	De aliis observationibus <i>Astronomicis</i> ,	512
Cap. iii.	De cometa in cælo viso,	516
Cap. iv.	De <i>Geometricis</i> ,	520
Cap. v.	De <i>Mechanica</i> & <i>statica</i> ,	522

LIBER SEXTUS.

525

PRescripta à Ludovico M. Regia Scientiarum Academia sanctiones.

527

LIBRI VI.



Membrana Seu Marsupium nigrum in Avium oculis.




Fig. 4.^a
pag. 565.





Fig. 1.^a pag. 389.







SECTIONUM ET CAPITUM.

LIBRI VI.

Pars prior de iis que acta sunt anno 1699. 534

SECT. I.	D E iis que ad Physicam pertinent,	534
Cap. i.	De luce & coloribus,	ibid.
Cap. ii.	De Historia naturali,	537
Cap. iii.	De rebus Chymicis,	539
Cap. iv.	De rebus que ad Physicam, & Chymiam spectant,	541
Cap. v.	De rebus Anatomicis,	544
Cap. vi.	De Botanica,	549
SECT. ALT.	De Mathematicis,	553
Cap. i.	De Astronomicis,	ibid.
Cap. ii.	De Geometricis,	556
Cap. iii.	De Mechanicis,	558
Cap. iv.	De Catoptricis & Dioptricis,	563

LIBRI VI. pars altera de Actis anno 1700. 567

SECT. I.	D E rebus Physicis,	ibid.
Cap. i.	De iis que ad nature historiam spectant,	ibid.
Cap. ii.	De quibusdam rebus Physicis simul & Chymicis,	573
Cap. iii.	De quibusdam aliis operationibus Chymicis.	579
Cap. iv.	De Botanica,	586
Cap. v.	De rebus Anatomicis,	590
SECT. ALT.	De Mathematicis,	595
Cap. i.	De Geometricis,	ibid.
Cap. ii.	De rebus Astronomicis,	599

Extrait du Privilege du Roy.

PAR Lettres Patentes données à Versailles le vingt-unième jour de Juin 1698, signées BOUCHER, & scellés : Il est permis à ESTIENNE MICHALLET Imprimeur ordinaire du Roy, d'imprimer ou faire imprimer, vendre & debiter, un Livre intitulé, *Regia Scientiarum Academia Historia*, pendant le temps de huit années consécutives : Avec défenses à toutes personnes de quelque qualité & condition qu'elles soient, de l'imprimer ou faire imprimer, à peine de deux mil livres d'amende, confiscation des Exemplaires contrefaits, & autres peines portées par lesdites Lettres de Privilege.

Registré sur le Livre de la Communauté des Imprimeurs & Libraires de Paris. Signé, C. B A L L A R D, Syndic.

Et la veuve dudit Estienne Michallet a cédé son droit dudit Privilege à Jean-Baptiste Delefpine, suivant l'accord fait entr'eux.

Extrait des Registres de l'Academie Royale des Sciences.

Du Samedi 11. Juin 1701.

M. l'Abbé Galloys & moy qui avions été nommez pour voir la seconde Edition de l'Histoire latine de l'Academie des Sciences faite par M. Du Hamel, avec une suite qui va jusqu'à la fin du siecle passé, en ayant fait nôtre rapport à la Compagnie, Elle a jugé que l'impression de cette Histoire feroit honneur à l'Academie, & seroit utile au Public. En foy de quoy nous avons signé le present Certificat. A Paris ce 11. Juin 1701.

G A L L O Y S,

F O N T E N E L L E.
Sec. de l'Ac. Roy. des Sc.



REGIÆ SCIENTIARUM ACADEMIÆ HISTORIA.

LIBER PRIMUS.



NTE omnia de ipsius Academiæ Institutione dicendum nobis est; tum quæ unoquoque anno acta sunt, vel excogitata, singillatim & ex ordine persequemur.



SECTIO PRIMA.

*De Academia Institutione, ac de iis quæ exeunte anno 1666.
gesta sunt.*

HOC loco quæ rationes Ludovicum Magnum impulerint, ut hunc Eruditorum Cœtum aggregaret; deinde quæ fuerint prima hujus Societatis exordia, tum quæ laborum & exercitationum fuerit forma propo- sita, & quasi delineata, ac demum nascentis Academiæ primordia bre- viter exponemus.

CAPUT PRIMUM.

*Quæ rationes moverint Regem Christianissimum, ut Scientiarum
Academiæ institueret.*

I. PAX Galliam inter & Hispaniam anno 1659. constituta præter alios be- nè multos hunc attulit fructum, ut bonarum Artium studia acriora quàm usquam antea excitaret. Jam Eruditorum Cœtus frequentiores cele-
A

Handwritten note:
H. J. J. J. J. J.
1666. 1667. 1668.

2
ANN. brari cœperunt, qui cogitata sua & inventa inter se conferrent: quo quidem
1666. nihil utilius perficiendis artibus & promovendis disciplinis fieri potest.

Nostra quidem hac ætate in Gallia, Italia, Anglia & Germania complures prodierunt Academix, non ex omnibus promiscuè, sed ex eruditis & doctis viris conflata, quæ humanioribus litteris, & exquisitis disciplinis perpolicendis magno fuerunt adjumento. Sed hoc unum plerisque defuit, ut suprema auctoritate & Principum liberalitate munerentur.

Utrumque Scientiarum Academia Regis Inviatissimi munificentia est consecuta. Nam sancito cum Hispania pacis fœdere sibi glorioso & subditis perutili, Rex Christianissimus curas omnes & cogitationes suas ad regni administrationem, & populis suis felicitatem procurandam convertit; ac primum morbis omnibus quos grave diuturnumque bellum invexerat, mederi voluit, tum imperio suo tot victoriis aucto litterarum & scientiarum splendorem adjicere cogitavit.

Idcirco tutissimam præclaris artibus promovendis rationem fore judicavit, si Societatem ex doctis & selectis viris congregaret, qui collatis inter se studiis & inventis multo majores progressus facerent, quam si in sua quisque arte aut scientia seorsum elaboraret.

Hanc Academiam non tantum eo nomine utilem fore existimavit, quod fructuosa & novis inventis ferax futura esset, sed vel ex eo maxime, quod ab aliis excogitata, quæque ex publico usu esse possunt, diligentius expendens, illud imprimis caveret, ne sumptus inutiles in probandis singulorum inventis insumerentur. Nam sæpe evenit ut ingeniosos homines inventionis calor decipiat, quæque incurrunt difficultates non intento satis animo propiciant. Quin etiam cogitationes suas interdum ea veri specie sic obducunt, ut difficillimum sit verum à falso secernere, nisi acriter & severum peritiorum judicium accesserit. Sed ubi quæ proposita sunt, accurato subjecta fuerint examini, tum de executione ipsa, & de eorum usu facilius poterit judicari; ac demum necessarij sumptus iis perficiendis tutius suppeditantur, qui non raro majores sunt quam privatorum vires ferre possint. Atque hoc accuratum & diligens examen hoc utilius futurum est, quod Auctores ipsi privilegijs sibi concessis plerumque abutantur, dum alios subinde in societatem non sine magno utrorumque damno inducunt. Id quoque probè noverat Rex sapientissimus non aliam excogitari posse artibus & disciplinis promovendis rationem magis idoneam, quam si veterum cogitata experimentis, & velut oculis ipsis subicerentur, ac subinde novis & utilibus inventis, quæ sunt ætæ ætatem moderatiorum fructus, augerentur, quæ ratio nunquam hactenus tentata est, ne ab iis quidem Principibus, qui bonas artes majori studio coluerunt. Hoc scilicet Ludovico Magno fuit propositum, cum de instituenda Scientiarum Academia cogitavit.

II. Placuit Christianissimo Regi ejus rei, quam mente conceperat, atque è publica utilitate futuram judicaverat, executionem ipsam illustrissimo viro D. Colbert demandare. Hunc ante aliquot annos inter præcipuos regni sui administratos selegerat, illiusque acerrimum judicium, fidem & diligentiam incredibilem in administratione ærarii, & in præclaris quibusque publicæ rei muneribus perspecta habebat & cognita. Magno is quoque Artium & Scien-

tiarum promovendarum studio ardebar, omnino persuasus eas inter præcipua regni ornamenta & publicæ felicitatis instrumenta censeretur; neque aliud esse minus & illustrius florentis imperii indicium, quàm si litteris ut aî mis honos haberetur.

III. Huic igitur perillustri viro Rex maximus id muneri dedit, ut rem ipsam executioni manderet. Is adeo cum doctis & perspicacis ingenii viris inito consilio statuit eam Societatem ex viris qui in Physicis & in Mathematicis disciplinis essent versatissimi, cogi oportere: sic tamen ut singuli unam ex iis præter cæteras colerent, reliquas non omitterent. Id enim persuasum habebat Vir eximius eas disciplinas ita inter se esse connexas & confertas, ut difficillimum sit quemquam vel in una ex iis excellere, nisi alias quoque non leviter attigerit. Huic etiam nonnulli auctores fuerunt, ut Academia non ex Geometris modo & Physicis, sed etiam ex iis constaret viris, qui à politioribus Litteris, & ab historia imprimis essent instructi. Quod urique vehementer approbavit; simul id constituit, ut Geometræ & Physici Mercurii & Sabbati diebus, die quidem Mercurii separatim, die Sabbati unâ convenirent eum in locum Regiæ Bibliothecæ ubi exstant Libri de his disciplinis conscripti.

Consimili ratione qui historiæ dabant operam, Lunæ & Jovis diebus eò se reciperent, ubi historici Libri continentur. Qui denique in politioribus Litteris, Grammaticis nimirum, Poëtica & eloquentia studium suum posuerant, hi diebus Martis & Veneris simul aggregarentur: ac demum ut diæ Jovis cujusque mensis primo omnes illæ societates unâ coirent, ubi ab iis qui in unaquaque Academia designati fuerant, (Secretarios vocant,) ut res discutilas & judicatas scriptis mandarent, relatione facta in generali illo congressu unicuique liceret quæ sibi difficiliora viderentur proponere ex tempore solvenda. Quod si majores essent difficultates quàm ut statim dissolvi possent, ac subinde mutuendum foret, ne una vel altera objectio tempus omne congressus absumeret, tum quæ contra dicerentur scriptis proponenda & eorum rationes diluendæ: quod hæc sit ratio & brevior & tutior veri dijudicandi. Ubi iis esset abundè satisfactum, aut nihil occurreret, quod meritò opponi posset, tum quod proposuimus fuerat, ut totius conventus iudicium haberetur.

IV. Hæc prima fuit Academiæ instituendæ forma designata, quæ in eo statu diù permanere non potuit. Nam in orru suo statim ob certas rationes ea fuit extincta quæ historiæ illustrandæ gratia fuerat constituta. Cum enim historia & Ecclesiastica maximè cum Theologicis quæstionibus, iisque imprimis quæ ad publicum Ecclesiæ regimen spectant, arctissimè conjuncta videatur, arque ex iis quæ sunt facti, persæpe quæ juris sunt deducantur, periculum erat ne ille doctorum hominum congressus quos minime opus erat, offenderet.

Nec diutius stetit eorum conventus qui politioribus litteris dabant operam, sed feliciter tamen habuit exitum. Cum enim majori ex parte ii essent Franciæ Academiæ socii, Gallicæ linguæ peritissimi; cumque primus hujus Academiæ ardor temporum lapsu plurimum defecisset, adeo ut jam pene deserta & interitui proxima videretur, nonnulli ex iis quos

REGIÆ SCIENTIARUM

AN. 1666. 4
D. Colbert selegerat, suæ Societatis amore ducti, quam pene neglectam tenebant, auctores illi fuisse, ut eandem benignitatem & curam in veterem Academiam conferret, quam huic novæ societati tribuebat, neque id opus esse ut diversi cœtus iisdem de rebus cogerentur, præsertim cum iisdem utramque Academiam componerent: nec dubitabant, quin illa Academia pristinum suum splendorem recuperaret, si Rex Maximus eam sua benevolentia suoque præsidio complecti dignaretur. Consilium illud homini prudentissimo non probari non potuit, qui ad restituendam & sustentandam illam Academiam animum adjunxit, ac paucis post annis cum illustrissimus Seguerius Franciæ Cancellarius diem suum obiisset, Ludovicus Magnus hanc Societatem in suam clientelam accepit, quod illi quasi novum ortum dedit. Quin & D. Colbert in hujus corporis Societatem alacri non reculavit, & interdum cortibus adesse, ita ut nunquam majore in honore aut splendore fuerit illustris hæc Societas.

VI. Atque hunc habuit exitum humaniorum litterarum Schola, ut vocant Græci, eaque cum Academia Francica confusa est: adeo ut Geometrarum & Physicorum Academia sola persisterit, quæ primævam sui ortus vim & robur semper retinuit, nec de pristino suo studio quicquam remisit.

Ac Mathematici quidem primi sex aut septem ad summum convenire mense Junio anni 1666. Hi porro erant D. D. Carcavy, Hugen, de Roberval, Frenicle, Auzout, Picard & Buot. Atque ea fuit prima hujus Academiæ institutio, quæ ex Geometris pene solis adhuc constabat.

CAPUT II.

De primis hujus Academiæ exordiis.

I. **H**OC omnibus Academiis quæ nostra hac ætate in tota pene Europa sunt institutæ, propositum fuit, ut Physicam & disciplinas quæ ex ea fluxerunt, observationibus & experimentis non tamen & casu, sed certa ratione & consilio factis subnixam illustrarent. Nullos enim progressus faciet nobilis illa Scientia, quandiu ratio ab experientia divelleretur, aut vagis quibusdam & confusis notionibus contenti circa verborum pugnas hærebunt; cum denique systemata ac libidinem effusa velut fundamenta huic scientiæ substernerent. Nam genuina Philosophiæ naturalis principia sunt observationes & experimenta. His utique, ut alio loco monuimus, si destituatur, vaga erit & incerta. Ratio quippe sine experientia sibi uni relicta velut navis sine gubernatore fluctuat, ac vicissim experientia cui ratio non præluet, cæca est & inconsulta, nec quicquam fere utile procreat.

II. Ea quidem mente, eo consilio Ludovicus Magnus Academiam formare statuit ex viris nimirum fama & nomine jam cognitis, iisque non ruditis modo, sed quod majus est, expertis constatam, qui multa legif-

lent & vidissent, quique nulli scēz velut iurati essent addicti, quos omne disciplinarum genus oblectaret quidem, sed unam tamen ex iis piæ cæteris coerent. Hos deligendi Domino Colbert cura, ut diximus, à Rege fuit demandata. In quo quidem idem iudicium & eandem diligentiam, qua in maximis rebus uti solebat, adhibuit. Ac præter eos qui à nobis sunt nominati, quique ad Mathesim imprimis animum adjunxerant, hos elegit qui physicis in rebus excellere magis videbantur, D. de la Chambre Medicum Regis ordinarium, D. Perrault omni genere Scientiarum naturalium præstantem, D. D. du Clos & Bourdelin in Chymiz laboribus valdè exercitatos, D. D. Pecquet & Gayen Anatomiz peritos, D. Marchant in Botanicis imprimis versatum. Paucis ante mensibus eodem me honore affecterat, atque ut loquuntur, Secretarium Academiæ designaverat, ut quæ proponerentur, scriptis exciperem, & in Commentarios reticerem: utrisque & Geometris & Physicis adjunxerat juvenes ingenio & scientia præstantes, D. D. Niquet, Couplet, Richer, Pivert, d'Avois & alios quosdam pereruditos, qui postea publicis operibus magna cum laude præfuerunt.

III. Die 22. Decembris anni 1666. duæ illæ Societates in unam coaluerunt, ac Geometrz simul & Physici in aulam Regiæ Bibliothecæ conveniunt, ubi D. de Carcavi quæ esset Regis voluntas exposuit, quo consilio eos convocasset, nempe ut omnes summo studio & cura in promovendis his disciplinis elaborarent, ob id maximè à D. Colbert electos fuisse, ut aliquid ad publicam utilitatem & ad Regis gloriam spectabile efficerent.

In eo congressu deliberatum fuit utrum ex Physicis & Mathematicis una & eadem, an duplex Societas coalesceret, an utrique unâ, aut separatim convenirent. Omnium pene ea fuit sententia ambas Societates, quæ sibi mutuas præstant operas, separari non oportere. Qui enim in Mathematicis disciplinis præcellunt, iidem fere à Philosophia naturali sunt instructi, ac Geometrarum accurata & solida concludendi ratio nusquam utilior videtur, quàm Eruditorum Societati, ubi facilè à proposito ibduci, & conjecturis tanquam demonstrationibus vis & pondus addi solet. Ex prioribus Geometria probat insequentia, ex certis incerta. Apud eos illud est capitale in Paralogsimum incurrere; simplicior denum hæc est & severior docendæ veritatis ratio: nam ad veritatem nititur, non ad ostentationem.

2. Ea est inter Physicam & Mathesim cognatio, ut unam ab altera seungi non oporteat: nam motuum leges & gravium descensus, ætris & aliorum corporum vis elastica, luminis reflexio & refraction, quidquid denum ad visum pertinet, vel auditum, Mundi systema, corporum cœlestium motus, atque id omne quod ad Staticam spectat, animalium organa ad leges mechanicas aptata, ne vix quidem possunt sine aliqua Mathematicos cognitione percipi. Nec fere alia ratio afferri potest cur Physica tot retro sæculis veniat efforta & sterilis permanferit, ac nullos pene fecerit progressus, quàm quod Mathematicæ disciplinz à iis qui Physicam coluunt, pene neglectæ fuerint. Ac nostra quidem ætate qui Physicæ majora attulerunt incrementa, iidem Mathesi imprimis excolti fuerunt, ut Galilæus, Galëndus,

ANN. Cabæus, Cartesius, Honoratus Fabry, ut alios pene innumerabiles omittam, tum eos qui vivere desierunt, tum etiam complures qui adhuc vivunt, & Philosophiam naturalem plurimum auxerunt.

IV. Quamobrem id omnium consensu fuit constitutum, ut omnes cùm Geometriæ, tum Physici bis in unaquaque hebdomada unâ convenirent: sic tamen ut die Mercurii quæ ad Mathesim, die Sabbati quæ ad Physicam spectant, tractarentur. Illud eodem quoque die statutum, ut quæ in Academia gererentur, non vulgarentur, nisi hoc ipsum faciendum ea iudicasset. Quod utique cùm per se æquum est, tum in omni sodalitis & societate observandum. Cum autem vix illud consequi liceat, ut nemo unus ex multis qui unâ congregantur, nova & cognitione digna in cœtu ipso propoſita amicis & familiaribus impartiri non amet, sæpe evenit ut quædam feliciter inventa & longiori silentio testâ ab aliis evulgata fuerint; sive eadem excogitarint, quod non raro accidit hac potissimum ætate, cum omnes eruditi in perficiendis artibus & disciplinis tanto studio elaborent; sive in eodem argumento feliciter versati ea sit mentis celeritate & ingenii soletia, ut leviter admoniti artificium omne alicujus machinæ, aut quodvis aliud statim percipiant, & melius interdum exequantur, quàm ii ipsi qui eandem primi excogitarunt. Quod Galilæo evenisse in præclara Telescopii inventione fugit neminem. Cum enim in familiari colloquio à viro nobili accepisset Batavum quemdam in Mathematicis rudem sic duo aptare vitra, ut res objectas & majores & distinctiores cerneret, ut erat perspicaci ingenio & in Dioptrica apprime versatus, quo id fieret modo, statim animo complexus, quod casu & temere ab alio inventum fuerat, ratione duce pene ad summam perduxit. Nam vitra sic expoliri jussit, idonea figura donari, ac tubo aptari, ut Jovis satellites, phases Veneris & innumerabiles in via lactea stellulas primusprehenderit.

V. Non illud quidem permagni refert ad publicam utilitatem id nosse quis primus præclari alicujus inventi Auctor fuerit, dummodo magna hinc in publicum manent commoda: æquum tamen videtur ut quantum fieri potest, iis ipsis honos habeatur, qui res novas & utiles primi excogitarunt. Nobile illud novis inventis & operibus scientias ornandi studium, quo nostri hujus sæculi fervent ingenia, & laudabilis inter eruditos, imo & inter diversas nationes æmulatio, mirum quantum ad promovendas disciplinas confert, dummodo intra eum consistat modum, quem ratio & honestas præscribunt: ac nescio an quicquam aliud eruditorum cœtus magis commendet, & utiliores efficiat: hac enim sublata æmulatione Academiæ magna ex parte languescunt, ac nihil fere utile proferunt.

Sed ea quam diximus adhibenda est moderatio, quæ si abest, cœtus illi in vanas & molestas contentiones degenerant. Idque in publicis cœtibus, ad quos omnibus sine discrimine parer aditus, sæpe contingit: tum enim difficillimum est omnem vitare confusionem. Nam disputationis astu abrepti, non tam veritatis, quàm victoriæ studio tenemur: ira persæpe, pudor, deformis pertinacia nos transversos agunt, ac tenebras offundunt animis, non eos veritatis luce complect.

VI. Postremò hi conventus consumendi otii causa cum voluptate qua-

dam magis institui videntur, quàm ut aliquid generi humano utile reperiat; non enim iidem eruditi eo conveniunt, sed alii atque alii, ut libitum est. Unde difficile est ullum ibi argumentum accuratè & diligenter pertractare. Hoc tamen commodi afferunt, ut multis subinde qui id sibi facillè persuadent nihil utile, nihil homine dignum in rerum naturalium investigatione inesse, gustum quemdam, ut ita dicam, bonarum artium ingenerent. Quin & eam abstergunt rubiginem quæ in scholis interdum contrahitur, ubi vehemens animorum contentio parit molestam contradicendi libidinem, cumque circa quæstionem vagas aut voces barbaras occupantur, nunquam ad res ipsas & experimenta descendunt. Quanquam exercitationes illæ scholasticæ aut ad forum parant adolescentum ingenia, aut ad alias vitæ functiones, in quibus vita civilis versatur, quæ profundas Geonvtrarum speculationes, aut nimis retrusam mysteriorum naturæ cognitionem non postulant.

VII. Quocirca illud fateri bona fide cogimur, publicos congressus sua quidem utilitate non carere, sed eos nihil aut parum conferre posse ad ea quæ Rex invictissimus sibi proposuit, ut par est, exequenda, nempe ut promoveantur artes & scientiæ naturales: adeò ut non mediocres inde fructus in publicum deriventur. Non enim hoc loco agitur de ingenii sui aut eruditionis ostentatione, sed de iis inveniendis quæ publicæ utilitati serviunt. Quæ ab aliis fuerunt inventa, iusto & severo examini sunt subiicienda, ut nova auctoritate muniantur crebræ & accuratæ observationes, experimenta demum facienda quæ certa ratione fieri debent, non temere aut inconsultò. Hoc enim non experiri, sed palpare est in tenebris atque in rebus parvi momenti tempus & operam consumere.

VIII. Ne illud quidem inficiamur publicos illos Eruditorum congressus qui primùm apud illustrissimum Monmortium libellorum supplicum Magistrum, tum apud D. Thevenot sunt celebrati, plurimùm momenti attulisse naturalibus disciplinis promovendis: eò conveniebant doctissimi quique, & si quid recens inventum fuisset, diligenter & accuratè expendi solebat. Complures viri qui postea & scriptis & præclaris inventis illustres fuere, & Galli & exteri eò frequenter veniebant. Atque ut alios omittam, Steno tum adhuc juvenis, postea Episcopus ibi industriam & eruditionem suam in rebus anatomicis primùm exhibuit; ac nescio an illorum cœtum occasione celeberrimæ Academiæ brevi post tempore in variis Europæ regionibus non fuerint profeminatæ.

IX. Nam ut rem ipsam ab altiori repetamus exordio, jam ante quinquaginta annos ingenio & doctrina præstantes viri, quique Mathematicum & Physicum imprimis coluerunt, non una & certis diebus, sed cum libitum erat, apud P. Merfennum conveniebant, & inter alios conspicui erant Gassendus, Cartesius, Hobbeseus, Robervallius, Paschalis uterque parens & filius, Blondel & alii. Hos utique separatim rogabat Merfennus ut pr. positum aliquod problema expenderent, aut experimenta quædam certo fine aut consilio facerent. Et quidem eæ disciplinæ quæ ex Geometria & Physica permixtæ, quæque ad vitæ humanæ cultum sunt utiliores, & majori voluptate animum complent, nunquam alias magis excultæ videntur.

ANN. X. Ac meritò dubitari potest an ulla alia ætas plures ingenio & eru-
 1666. ditione præstantes extulerit viros, qui Physicam, Anatomem, Mathematicum,
 vel puriorem, vel Physicæ admixtam majore studio & animi contentione
 coluerint, quàm ætas illa magnis ingeniis ferax. Tum enim in Italia ad-
 huc in vivis erat insignis ille Mathematicus & Philosophus Galilæus Ga-
 lilæi, qui brevi post tempore diem suum obiit; tum ejus Successor flo-
 rebat Torricellus, ut taceam de Cavallerio, Cabeo, Scheinero, & aliis
 bene multis. In Gallia præter eos quos appellavi florebant Cartesius, Gas-
 sendus, Fermat Senator Tholosanus, Bachet, Desargues, & in Anglia præ-
 ter insignes Geometras, ut Baronem Neper qui Logarithmos primus in-
 venit, eodem fere tempore Guillelmus Harvæus Regis Angliæ Archiater,
 qui sanguinis circuitum primus omnium, vel excogitavit, vel firmis & in-
 concussis rationibus sic demonstravit, ut qui consecuti sunt vix quicquam
 addiderint, tum eximium de animalium generatione libellum edidit in lu-
 cem. Tam præclara inventa peritiores ubique fere excitant Medicos ut
 anatomen novis observationibus illustrarent. Brevi post tempore in Gallia
 D. Pecquet commune Chyli receptaculum & canalem Thoracicum feliciter
 detexit. In Dania Thomas Bartholinus vasa lympharica, Vvarthonium An-
 glos quosdam ductus salivales, quos Steno adhuc juvenis innumeris aliis
 postea deprehenfis accuratius exposuit. Omitto alia quamplurima, quæ
 clariss. Marcellus Malpighius qui nuper è vivis excessit, cum esset Sum-
 mi Pontificis Innoc. XII. Archiater, in omento, corde liene, cere-
 bro observavit quæque universum medendi artem non mediocriter auxe-
 runt.

XI. Ex Anglis maximè qui præ cæteris in rebus anatomicis elaborarunt,
 quod primi omnium sanguinis circulationem reperissent, quidam certas
 corporis partes accuratius examinandas susceperunt, ut Vvarthonium cor-
 poris glandulas, Glissonius jecur, Vvillis cerebrum & nervos, Lovver cor
 ipsum & illius motum, ac novis subinde inventis hanc scientiam sic lo-
 cupletarunt, ut Anatomia ex qua medendi scientia pene universa pendet, ma-
 jora tum ceperit incrementa, quàm unquam antea: adeo inter eruditos
 valet æmulatio, ut in provehendis artibus & disciplinis nulla res plus
 possit.

XII. Sub finem dominationis Olivarii Cromvelii complures viri nobi-
 les quibus & hæ disciplinæ cordis erant, quique magna ex parte Galliam
 & Italiam peragraverant, atque Eruditorum cœtui apud D. D. Monmort &
 Thevenot interfuerant, Oxonii unà convenerunt, qui de rebus physicis
 inter se conferrent, & varia facerent experimenta. Præterquam enim ea-
 rum disciplinarum quas in dies perpolori cernebant, studio tenebantur, il-
 lud quoque vel maximum accedebat, quod legitimo suo Regi addicti mi-
 nus tumuldi iis videretur domi suæ quietos agere, quasi præsentis rerum sta-
 tu minus contenti opportunum tempus tyranni jugum excutiendi expectarent.
 Ea ratione minui posse periculosam Cromvelis de se suspicionem, si his studiis
 se dederent, quæ tranquillitatem animi ac securitatem postulant. Id accepi à
 D. Boyle anno 1669. cum Londini Agerem.

XIII. Hoc genere exercitationis delectati in eo permanserunt, ac Societas
 coram

eorum paulatim aucta est, dum sub Carolo II. magnæ Britanniae Rege, quem earum disciplinarum studium imprimis oblectabat, in unum corpus Londini coierunt. Tunc enim regia Societas Anglicana Regis ipsius autoritate fuit constituta, & suis privilegiis instructa.

Jam, ut diximus, in Italia plures erant Academiæ quæ ad politiores literas, & ad ea quæ sunt vitæ civilis officia, magis spectabant, quam ad disciplinarum augmentum. Excipienda tamen illustris Academia Florentina quæ serenissimi Magni Hetruriæ ducis autoritate fundata magnos extulit viros, ut Galileum, Torricellum, Borellum, Redi, Bellinum &c. Neque alibi ferè quam in Scholis publicis Philosophicæ & Mathematicæ disciplinæ docebantur. Qui in observationibus & experimentis faciendis studium suum & operam ponebant, sese invicem invitere contenti, aut per Epistolas quoddam inrer se commercium inire, quæ occurrebant difficultates, aut solvenda problemata sibi mutuo proponere, aut si quid observatione dignum foret, alios subinde admonere, quid sibi iis de rebus videretur, quid animo cogitassent, ultro aperiebant. Quod liquet ex Epistolis Gassendi, Cartesii, Robervallii, Merfenni, ex vita Peireschii. Hi utique inter præcipuos nostri hujus sæculi viros numerantur, qui in Gallia experimentalem Philosophiam promoverunt, uti & iisdem pene temporibus Franciscus Baco Angliæ Cancellarius, qui formam instaurandæ scientiæ naturalis & certis observationibus confirmandæ primus delineavit, cumque, ut ipse ait, pene solus esset totius regni negotiis districtus, is tamen omnes Philosophiæ partes non mediocriter illustravit.

XIV. Quod si Ludovicus magnus Regiam Scientiarum Academiam eorantem instituisse modo, quo Cardinalis Richelius Academiam Francicam, aut Carolus II. Anglicanam Societatem, ac privilegiis quibusdam eam ornare, impendiis faciendis certum destinare fundum contentus, magna sane illi haberetur gratia. Sed is non modo hanc constituere voluit, aut necessarios experimentis & observationibus faciendis suppeditare sumptus, verum etiam placuit illi suæ liberalitatis ac benevolentiae testimoniis eos cumulare, quos huic Societati certo judicio & delectu adjunxit, ut in eam cogitationes suas & curas omnes conferrent. Quodque mirandum magis est, bella quantumvis acerba nihil de regia munificentia detraxerunt, ne his quidem postremis annis cum tota pene Europa adversus Galliam conjurasset.

CAPUT III.

Physicarum exercitationum prima delineationes proponuntur.

I. **N**unc ad ea veniamus in quibus Academia potissimum se exercuit, & etiamnum se exercet: hoc enim præcipuum est hujus Historiæ argumentum, idque maxime à nobis expectari crediderim. Ac primum quidem vitandæ confusiois causa de Physicis & Mathematicis laboribus se-

AN. paratim sic dicendum est, ut rerum potius quam temporum seriem persce-
1666. quamus. Illud quoque admonendum, hoc nobis esse proposuimus, non ut
integros de Anatomia, Arte Chymica, aut de aliis disciplinis libros con-
scribamus, sed tantum ut ea mandemus litteris quæ ad Academiæ Historiam
pertinent, quos illa progressus fecerit, quæ demum unoquoque anno fue-
rint designata, quæ perfecta exponamus. Neque in eo laborandum nobis
est ut omnes Commentarios aut Tabularia exhauriamus, quod longum es-
set, nec publici saporis: non enim his de rebus magna volumina ferre
ætas nostra potest. Sed priusquam omnes Academiæ labores sigillatim &
exercitationes explicentur, quid illi proposuimus maximè fuerit, quamque
tenuerit viam in unaquaque disciplina pertractanda, ante intuendum no-
bis est.

Atque ut à Physicis rebus ordiamur, vitæ cum viveret ingenio & omni
genere eruditionis præstans D. Perrault, quæ ratione duæ illæ Philosophiæ
naturalis partes, quæ eruditorum studia imprimis ad se convertunt, Anato-
mia & Botanica tractandæ sint, breviter exposuit, atque Anatomes pro-
mouendæ eam velut formam delineavit. Anatomica observationes dupli-
cis esse generis primum admonuit: aliæ enim ad organorum structuram &
conformationem referuntur, aliæ in usu organorum & eorum functionibus
exquirendis versantur: ex organorum fabrica usus persæpe & actiones, ac vi-
cissim ex usu & functionibus organa ipsa deteguntur.

II. Quocirca eo omnis Anatomica indagatio spectat, ut ex organis jam
notis usus incogniti, & ex perspectis functionibus instrumenta his aptata
innotescant. Multis in hanc rem prolatis exemplis tum organorum, quo-
rum usus adhuc sunt in occulto, ut lienis, pancreatis, glandularum, quæ
atrachiliares, aut renes succenturiati dici solent, tum actionum, quæ cum
sint manifestæ, ex organis nondum satis bene perspectis oriuntur: cujus ge-
neris fortè est lactis generatio, & sanguinis ipsius confectio: tandem id
concludit, hinc amplam exercitationibus Academicis materiem subterni, at-
que ea insistendum methodo, quæ in rerum pene omnium investigatione
utimur, sensu nimirum, vel ratione, ac sæpius utrumque esse adhibendum.
Quantvis enim corporis humani notitia ex accurata omnium partium sepa-
ratione, & ex aspectu ipso pendeat, non soli tamen oculi iudices sunt ea
in re satis idonei, nisi rationis accedat iudicium: secus vix de usu partium
quæ detectæ fuerunt, quicquam certi decerni potest, ac frustra sæpe nova
indagantur organa, quæ ratio ipsa minimè necessaria iudicat. Itæ ratio-
nem simul & sensum una conjungere optimum fuerit. Interdum conjectu-
ris utendum, cum demonstrationes sensibiles desunt: conjecturas probabi-
les suppeditate solent ligaturæ, liquorum injectiones quibus vasa sunt aper-
tiora, aut humores coagulantur, & alia ejusmodi de quibus idoneis locis di-
cemus.

III. Quæ de Botanica disseruit, ad hæc duo capita revocantur, eas
exercitationes duplicis esse generis: nam vel sunt meræ Botanicae, vel Phi-
losophicæ: priores quidem ad plantarum historiam pertinent, quæ multi-
plici ratione illustrari & locupletari potest, ut suo loco dicendum erit;
sed stirpium ortus, causas & naturas exquirere diligentius, hoc Philoso-

phi munus videtur, qui plantarum ortus & vegetationes potest expendere; *Botanica.* si exempli gratia earum semina, antequam terræ mandentur, intentioni animo Microscopii ope intueatur, tum iis sapius è terra erutis, quæ iis accidant mutationes, in magnitudine, in figura partium, in succis, in coloribus animadvertat, quæ in germine magnorum præcipue seminum paulatim fiant incrementa, quæ caudicis, aut trunci, aut ramorum distinctio appareat. Atque ejus generis experimenta variari, iterari, expendi, transferri, applicari possunt, ut judicium fiat quoddam universale, aut propositio generalis & constans, ex qua rursus nova prodeant experimenta, quibus hæc naturalis Philosophiæ pars non mediocriter augeri & illustrari potest.

Quæ enim auctores magni nominis cum veteres, tum recentiores de plantis scripsere, ex iis confirmari possunt, aut rejici. An succi v. gr. quarundam plantarum, aut sales ipsi è cineribus extracti easdem proferre possint, an terræ è regionibus diffitis allatæ iisdem plantis procreandis sint idoneæ, an quædam sponte nascantur è terra altius defossa?

IV. Circa plantarum nutritionem illud ut observatione & accuratiore indagatione dignum proposuit, utrum id commune habeant cum animalium nutritione & augmento, ut pars quædam sit præcipua, quæ alias regat & moderetur, qualis forte est radix ipsa, quæ prima succum è terra exsugens eum parat & coquit, atque in plantam universam diffundit. Cum autem radix tam parvo temporis spatio succum, ut par est, digerere, & excoquere non valeat: (nam is continenter attrahitur & fluit, quæ est viventium omnium conditio) hinc fit, ut repetitis vicibus illum præparatum & subactum oporteat, quod alendis partibus nondum satis idoneus, ad radicem ipsam circuitu quodam redeat, quo perfectionem suam consequatur. Qui quidem circuitus fibrarum ope efficitur: nam forte ita sunt aptatæ, ut quædam succi alimentitii ascensum, aliæ descensum juvent, atque eo ferè munere funguntur, quo valvulæ in venis animalium sanguinis circulationi servant. Hoc quippe viventium omnium natura postulat, quæ ut continuum substantiæ impendium refarciat, continua quoque præparatione & coctione indiget: illa enim deperditæ substantiæ reparatio succum exigit ritè præparatum: hic verò statim perfici nequit, isque in perenni motu versatur. Nam videmus plathas avulsas brevi exsiccati & tabescere. Quare id videtur necessarium ut ad eas partes quæ huic muneri destinantur, identidem redeat quasi recoquendus. Utrum verò res ita se habeat, ut ex fibris plantarum aliæ ita sint aptatæ, ut succus per eas ascendat, aliæ facilem huic succo descensum præbeant, hoc utique ex iis plantis quæ crassiore succo, ut lacte donantur, conjici poterit. Verùm de his postea redibit sermo: nant interjuncto aliquo tempore D. Mariotte qui paucis post mensibus in Academiam ascitus est, suas in eandem rem conjecturas & observationes proposuit.

V. Sub idem fere tempus D. du Clos qui multum operæ & temporis in Chymia excolenda impenderat, quid in eo genere laborum faciendum judicaret, paulo fufius exposuit. Illud ante omnia accuratiore examini subiciendum existimabat, quæ sint genuina mixtorum corporum principia. Dux

AN. plici id via tentati posse, aut partium ex quibus mixtum quodvis compo-
1666. nitur, separatione, aut ex ipsis observationibus quæ circa ejus generatio-
nem, & præcipuas affectiones fieri possint. Negabat ille Chymicis adeo
jactata principia, salem, sulphur, & Mercurium eo nomine donari posse,
cum in alia simpliciora resolvantur. Multa in eadem sententiam adjecit,
quæ non sunt hujus loci aut temporis. Horum enim principiorum numerum
quisque ut libitum est, augere potest, aut minuere.



SECTIO SECUNDA.

De Physicis laboribus anno 1667. susceptis.

DE Physicis experimentis dicturi ab iis quæ sunt faciliora, quæque latius
patent, capiemus exordium,

CAPUT PRIMUM.

De quibusdam experimentis quæ ad Physicam generalem spectant.

AN. I. **E**T si Academia hoc sibi imprimis agendum proposuit, ut in rebus Phy-
1667. sicis quæ ad corporis humani cognitionem, historiam plantarum & ani-
malium, ac chymicas resolutiones pertinent, potissimum elaboraret, ea ta-
men quæ Physicæ generali lucem aliquam afferre possunt, censuit negligi
non oportere. Nec illa tantum quæ rara sunt & insolita contemplari, sui
muneris esse existimavit, sed ea maximè quæ sunt ante oculos posita, ut
calorem, frigus, motum ipsum & illius leges, gravitatem quoque corpo-
rum, & alia bene multa, quibus neglectis non sit majoribus locus. Expe-
rimenta complura faciendâ judicavit, non fructuosa solum, qualia mecha-
nici artifices potissimum querunt, sed etiam lucida, quæ ad causas rerum
inveniendâ plurimum conferunt, dummodo non fiant temerè & casu, sed
certo consilio & ordine digerantur. Tum enim experimenta ad commune
quoddam principium rectâ nos ducunt, ex quo plures conclusiones eruun-
tur.

Exemplum in hanc rem satis idoneum hujus anni 1667. hyems actior sup-
peditavit, ut quanta esset vis frigoris in aqua dilatanda innotesceret. Illud
enim palam est, omnia pene corpora frigore contrahi, ut caloris vi dilatan-
tur: sed aquam solum frigus distendit. Hinc glacies aquæ innatat, quod
pro mole sua sit levior: contra oleum frigore concretum fit gravius, &
in liquidum oleum descendit. Vini spiritus in thermometro multum con-
trahitur: sed aqua congelata tubos & vasa quibus concluditur, confringit,
quâ illa expanditur. Quanta autem sit aquæ dilatata vis, experiri voluit D.

Hugens die octava Januarii, anno 1667. cum sæviret hyems acerrima, tubum ferreum Sclopeti in duas partes secari, atque unius extremum ferrum minari jussit: tubi aqua repleti alterum extremum cochleæ ope vi adactæ oclusit, ac ne aëri ullus pateret aditus, liquefactum plumbum superfudit; ad fenestram sui cubiculi gelido aëri tubum noctu exposuit, qui circa horam septimam matutinam crepuit magno cum strepitu, ac fractus est in ea parte quæ minus firma erat & crassa. Rima quatuor in longitudinem pollicum visa est, per quam glacies variis bullulis in sui medio distincta erupit.

Experimentum in parte altera tubi iteravit, qui eodem fere modo disruptus est. Tanta nimirum est vis frigoris, quod aquæ partes sic distendit, ut lento quidem, sed continuato & juncto omnium particularum nisu solidiora quæque frangat corpora.

Quæ sit hujus dilatationis causa non est hujus loci curiosus investigare. Utrum aquæ particulae, dum vis frigoris riget, fiant immobiles, nec tam apte aliis incumbant, quam ubi motu ingenito cidentur; tum enim facilius flectuntur, ac pressioni aëris, aut aliarum aquarum partium cedunt. An potius aër poris aquæ conclusus in varias bullulas distenditur, quales in glacie per rimam Sclopeti exeunte visæ sunt, quod à circumfuso aëre minus premantur, aliis excutiendum relinquimus: quamquam illud ipsum dijudicari potest experimentis quæ D. Homberg anno 1692. in sua machina pneumatica nobis coram exhibuit, de quibus suo loco dicemus.

II. In his omnibus illud cavendum imprimis puto ne citius quam par sit ex variis experimentis axiomata quædam generalia colligamus: nam imperfectæ inductiones sæpe nos in errorem inducunt, dum ad ea quæ excipi possunt, non satis attendimus.

Exemplo esse potest illud ipsum quod mox attulimus de frigore, quod arctare & contrahere quæque corpora vulgò creditur, quod tamen aquosa omnia distendit.

Sic vulgo persuasum est corporibus majus pondus non accedere, nisi sensibilis alicujus materiæ fiat accessio. Et tamen eodem fere tempore D. du Clos variis experimentis ostendit antimonium & alia mineralia calcinata augeri pondere, idque etiam cum radiis solaribus exposita multum emisere funum. Libram unam reguli antimonii in marmore triti, atque in tenuissimum pulverem comminuti, vasi fictili & plumbato impositam radiis solaribus exposuit, atque ope speculi ustorii hanc materiam incendit, adeo ut fumus densior & albicans plurimus erumperet. Pulvis antimonii velut in cineres redactus post horam integram decima pristini ponderis parte auctus est. Experimentum illud iteratum fuit, quò pulvis tenuior erat, hoc citius incendebatur, & gravior apparebat. Ubi in mortario tantum contritum fuit antimonium, in ea solum parte ignem concepit, in quam luminis solaris focus incidebat. Fors est ut accurata contritio partes combustibiles & incombustibiles simul permistas ad faciliorem separationem disponat.

III. Eadem experimenta ad ignem ipsum facta in variis mineralibus quæ pondere aucta sunt. Sic regulus antimonii cochleari ferreo impositus, octava sui ponderis parte factus est gravior. Limaturæ cupri rubri uncias octo

limaturæ ferri quatuor, tantundem auripigmenti crucibulo seu catino fictili imposuit; duas tartari in pulverem redacti uncias superfundit, alio crucibulo & inverso prius operuit, per octo horas in furnulo quem cæmentationis vocant, aucto per gradus igne, tartarum die crassina nigrum & calcinatum apparuit. Eo sublato hæc mineralia quatuor uncias graviora reperta sunt: adeo ut auripigmentum quo ignis calore pondere minui solet, tartari ope fixum evaserit; & per tres horas quadrantes igni admotum, quinta fere sui ponderis parte increverit.

Hoc ponderis augmentum novarum partium additione quas aër vel ignis suppeditat, fieri non abnuerim. Nam calor ignis novum aëra ad se continenter trahit. Hinc gulo antimonii, dum radiis solaribus inflammabatur, corpuscula fibrosa & cineris coloris adhærescere visa sunt, quæ sulphurea esse hinc colligitur, quòl spiritus vini antimonio calcinato affusus, post aliquam digestionem, rubram tincturam ex eo decerpit, cumque antimonium temaneat ejusdem prorsus ponderis, atque erat ante calcinationem.

Illud quoque est verissimile mineralibus sulphureis majus pondus accedere, ubi in calcem rediguntur. Sic stannum multo sulphure abundat: nam una cum salepetræ fulminat, idque calcinatum sit multo gravius quam antea. Eadem est plumbi ratio quod in folia tenuissima diductum inflammatur. Qui vasa fictilia & candida conficiunt, iidem testantur, 100 plumbi libras, & 50 stanni una fusi post calcinationem 12 saltem libris graviores fieri. Quin & lateres ipsi coctione fiunt graviores. Hæc tamen acriore egent examine, num pondus his mineralibus accedat è vase ipso ferreo aut cupreo, quod adjecti sales exedunt. Nam D. Bouleduc nuper in Academiâ testatus est antimonium crudum in vase fictili calcinatum pondere imminutum fuisse. Quæ de re alius fortasse occurret dicendi locus.

IV. Eruditorum scripta quæ publici juris fiunt, quæque promovendæ huic scientiæ serviunt, diligentius exponere, quæque fiunt experimenta interdum repetere, idque in rebus Chymicis non inutile fore judicatum fuit. Nulla enim ars est novis inventis feracior, dummodo à veris tractetur Philosophis, quemadmodum in Gallia, Italia, Anglia, Belgio, Germania, Dania jam à multis annis fieri novimus.

Cum paucis ante mensibus eruditus Medicus D. Givre, & in arte Chymica versatus librum vulgasset de aquis mineralibus quæ Provinciæ v. *Provinsæ* reperiuntur, easque alumine & ferri vena imprægnatas putaret, dissertationem ea de re conscripsit D. du Clos, in qua illud concedebat Autori, non atramentum, seu vitriolum, non ferrum ipsum, sed venam ferri molliorem, seu ens primum ferri, ut loquuntur Chymici, eam aciditatem aquis ferrugineis impartiri: sed negabat prorsus ea in re, quemadmodum D. Givre existimabat, ullas esse aluminis partes: non enim alumen in iis aquis ullum invenitur, neque id gustu aut ullo satis idoneo argumento se prodit. Vitrioli aciditas pungens longè diversa est ab aciditate quæ in Spadanis & aliis aquis percipitur, qualem in vena ferri quamdiu in terra delitescit, observavit Autor laudatus. Eundem enim in his aquis saporem inesse ait, quem in aquis fabrorum, ubi ferrum extinctum est, experimur; ac diversis in glebis varios coctionis gradus animadvertit, cum alibi flavæ, alibi

rubræ, interdum nigræ appareant. Hanc ferri venam cum per biduum soli *Chy.* expouisset, mollis instar argillæ aqua dilutæ permansit: sed exsiccata *ad mica.* ignem ferrum redolebat; fusa velut scoriam ferri exhibuit: cum ea ferri vena mollior est, & aqua diluitur, tum speciem præ se fert amurcæ aut fecis olei. Ubi aëri diutius exponitur, durior evadit, & in grana concret-
cit, qui nullam vim aquis tribuunt. Quare primum illud ens ferri aquis aci-
ditatem præbere potest, neque necesse est ad vitriolum vel alumen confu-
gere. Mineralia porro & ferri venæ imprimis aquis communicare possunt
vel spiritus quosdam volatiles, qui olfactu percipiuntur, aut succos coagu-
labiles, qui sapore dignosci possunt, & in crystallos varias formantur; vel
terrenas particulas, quæ calcinatione & reductione ad flammam lampadis
se produnt.

Ista quidem paulo fufius à nobis sunt exposita, quòd ea non sint inutilia iis
intelligendis quæ postea de aquarum mineralium examine in Academia nostra
indiligenter factò postea dicturi sumus.

V. Prodierat nuper in publicum nobilis Angeli D. Boyle de his disci-
plinis optimè meriti tractatus de formarum origine, in quo multa de sale
quodam, quem vocat anomalum, edisserit. Hic utique ex aliis salibus com-
ponitur, sapore tam dulci, ut nullo is sale, vel acido, vel sulphureo im-
mutetur, aut destruat; violarum syrupo nec rubrum colorem, ut acidi
sales, nec viridem confert, uti sales alkali, aut sulphurei: vis tamen il-
lius in dissolvendo maxima est. Quis vero ille sit, & qua ratione præpa-
retur, aliis divinandum relinquit. Hoc utique ænigma solvendum suscepit
D. du Clos, ipsissimum salem esse suspicatus, quem ex Quercetano refert
Scroderus tomo 2. Quercetani redivivi p. 693. salis nimirum communis
crystallos dulces quæ opè acetii ex melle facti præparantur. Hujus salis mi-
ras virtutes in curandis morbis, imò si ei credimus, in auro dissolvendo
extollit, atque iis dotibus quas D. Boyle suo sali anomalo tribuit, omni-
no præditus videtur. Ex iis constat quæ salsa admodum sunt & acida, cum
is nec salus sit nec acidus, nec acer. Hoc utrisque commune est, ut fun-
di facile possint, & in aëre instar salis tartari resolvi: sublimati Mercurii so-
lutionem non præcipitant; in spiritu vini facile dissolvuntur, inter sales sul-
phureos & acidos medio sunt loco constituti.

Alios esse sales eosque dulces qui ex rebus acrioribus eliciuntur, in eadem
dissertatione admonet D. du Clos. Ex aqua forti plumbo minerali affusa sal
dulcis extrahi solet, quo animalium carnes incorruptæ conservantur.

Alia quoque experimenta à D. Boyle proposita in eadem dissertatione ex-
pendit quæ longum est et referre, & ab instituto alienum, cum ad rem me-
talicam spectent. Quocirca ad faciliora experimenta pergamus.

Illud primum occurrit quod D. du Clos in aqua insipida exhibuit. Ea
quidem lento calore extrillata fuit ex quadam mucilagine quam quidam flo-
rem terræ, alii florem cœli appellant. Hæc in terris inculcis circa æquinoctia
post pluviam manè colligitur inter herbas & muscum; interdiu exsiccatur,
ac superiunt tantum membranulæ quas ventus huc illuc disjicit. Aqua leni
admodum calore in balneo ex ea mucilagine distillata, gustus judicio omnino
est insipida: ea tamen sublimatum mercurium in aqua limpida exsolutum

ANN. sic præcipitavit, ut solutio lacteum colorem indueret : quo l soli spiritus aut
1667. sales sulphurei aut volatiles præstare solent, unde eam aquam hujus generis
sale imprægnari constat. Hanc Paracelsus L. 2. tractatus Philosophici barbara
voce *Nestoch* appellat, eaque si nonnullis Chymicis fides habeatur, magnis
dotibus prædita est : dolores lenit, cancerorum & ulcerum acrimoniam miti-
gat. Quo l experiri non est difficile, sed iis fides non temerè est adhibenda.

C A P U T I I.

De aliis quibusdam experimentis Chymicis:

HIs in universum de ratione experimenta faciendi atque ab aliis facta
excutiendi breviter delibatis, placuit à Chymicis initium ducere, quod
hæc ars novis inventis sit feracior.

I. Non ea solum quæ ad naturalem historiam, aut ad consuetum naturæ
ordinem pertinent, diligentius observanda existimavit Academia, sed illa
quoque quæ ad artes spectant mechanicas, & eas maximè quæ ex Chymia
pendent. Nam ut pulchrè Angliæ Cancellarius Franciscus Baco, quemad-
modum cujusque ingenium melius in adversis, aut in perturbatione aliqua
insolita se prodit, quàm ubi omnia ex animo fluunt : sic naturæ arcana lon-
gè facilius deprehendimus, cum per ignem aut alia artis adminicula variè
torquetur, quàm ubi itinere quodam suo progreditur. Neque in una re ali-
qua experimenta consumi debent : nullius enim rei natura perspecta nobis
erit & cognita, nisi cum aliis comparetur, quæque in re una interdum se
occultat, in alia se manifestam facit. Quod quidem exemplis apertius quàm
longa oratione fiet.

II. Nullum fere exemplum afferri potest, quod latius pateat, aut majo-
ris sit usûs quàm sal marinus. Hunc ex sulphureo & acido constare verisimil-
limum videtur : nam sapor illius ex acri & acido temperatus & palato gra-
tus idipsum confirmat. Sed tamen eum magis sulphureum esse quàm aci-
dum hinc colligi potest, quòd auro, stanno, antimonio & aliis minerali-
bus quæ sulphure abundanti, dissolvendis adhibeatur ; mercurium ve-
rò & argentum in aquis Strygiis dissoluta præcipitet. In eo tamen sal qui-
dam mercurialis inest acidus & à vitriolo non abhorrens. Quod utique D.
du Clos ea ratione comprobavit. Salis marini in aqua exsoluti, & per
chartam bibulam trajecti novem libras leni ignis calori admovit : qui ex
aqua paulatim concrefcebat, salem collegit, donec in fundo una tantum
aquæ libra superesset, quæ nullum amplius salem præbuit, donec igne ve-
herementiore omnis aqua exhalasset. Tum verò sal quidam stipticus & acer-
bus apparuit : hic in aqua dissolutus oleum, seu salem tartari in album coa-
gulum convertit : quod sal ante extractus non fecit : is enim oleum tartari
sibi cognatum non præcipitavit.

III. Idipsum in aqua marina jam expertus fuerat : postquam enim salem
nostro non dissimilem moderato calore præbuisse, alium dedit salem qui
agrè

ægrè concreſcit, & acerbam ſtipſicitatem præ ſe ferebat vitrioli non abſimilem. Hic oleum, ſeu ſalem tartari per deliquium, in aëre humido exſolutum rubavit & coagulavit, ut ſales quique acidi: cum tamen ex communi ſale & oleo tartari liquor quidam, ut dictum eſt, fiat pellucidus. Rem verò ita ſe habere tum primum hinc ſuſpicatus fuerat, quòd cum æſtate aquam è ſalinis paludibus prope Rupellam alvectam unà cum ſale tartari adhibuiſſet, ut hydrargyrum in ſpiritu nitri diſſolutum præcipitem ageret, ſtatim uterque hic liquor aquæ marinæ & ſalis tartari in coagulum & craſſum liquamen abiit, præcipitando hydrargyro proſus ineptum: cui præcipitationi efficiendæ ſalem communem in aqua exſolutum cum ſale tartari permixcuit, & ex utroque prodiit liquor limpides qui præcipitationem mercurii effecit qualem optaverat. Cum igitur hoc diſcriminis inter ſalem communem, & cum qui ejuſmodi aquæ ineſt, animadverteret, aquâ ignis calore exhalatâ, ex qua ſal calore ſolis jam eductus fuerat, illam ſalis concretionem ægrè fieri, neque ea facilitate qua ſole in ſale aqua exſoluto comperit, eumque citius aëri expoſitum liqueſcere, acridus linguam pungere cum acerbâ ſtipſicitate.

Unde cum ſalem acidum eſſe intellexit: præterquam cum ſale tartari permixtus illam effecit coagulationem quam ſales acidi aut mercuriales ſolent efficere, quod ſal communis non præſtat, cum is magis ſulphureus ſit & acer, quàm acidus.

IV. Illuſtre aliud experimentum, cujus alio loco meminimus, nonnihil lucis afferre poteſt mineralium, imo & metallorum generationi explicandæ. In terra argilloſa prope Lutetiam & aliis paſſim in locis, duræ & ferrugineæ Marcaſitæ oblongæ & leves occurrunt, quæ conuſæ, & ſub tecto aëri expoſitæ præ aëris humiditate in pulverem comminuntur, & quosdam velut flores aut filamenta emittunt muco non diſſimilia, ſubalbi coloris, ſtipſici ſeu adſtringentis ſaporis. Aqua his ſuperfuſa poſt aliquot dies magnam ſalis copiam eduxit, tametiſi lapides antè eſſent proſus inſipidi. Poſtquam aqua hoc ſale imbuta & igni admota eo uſque ebullit, dum pellicula appareat, duo ſalium genera prodeunt, quæ ſapore & colore differunt; prior ſal frigore congelatur, ac purum eſt vitriolum viride & ferrugineum. Ubi aquæ ſuperſtitis pars magna exhalavit, aliud ſalis genus, idque craſſius vi frigoris concreſcit, ſubrubri coloris quod acidius videtur, & de metalli naturæ plurimum reſert: cum ſal ante concretus ſit magis ſulphureus. Quæ ſuper eſt aqua ſubrubra & lutulenta inſtar olei ex lini ſemine expreſſi acerrima eſt, eaque exhalata velut amurcæ feces reſtant, quæ ſi diutius igni admoveantur, inſtar argillæ pinguis, in aëre tamen exſolubiles concreſcunt: adeo ut ex ea minerales aquas effici poſſe exiſtimaret vir eruditus. Terra Marcaſitarum nigra & ſuo ſale exuta iterum aëri ſic expoſita fuit, ut à pluvia tuta eſſet, tum multum ſalis dedit, eaque pondere nonnihil aucta eſt.

V. Argilla ex qua prodeunt Marcaſitæ, antequam aëri exponatur, mollis eſt & viſcoſa, odoris omnis & ſaporis experta: poſtquam aëri ſub tecto per aliquot menſes fuit expoſita, in fruſtula fatiſcit, quæ in nigrum abeunt pulverem, eaque odorem ſpargunt acidum, tumque ex iis vitriolum elici poteſt. Interjecto aliquot annorum ſpatio hoc argillæ genus odorem ſpiræ

AN N. sulphurēum, & in Marcasitis cujusvis magnitudinis abit: cum Marcasitæ quæ
1667. in argilla molli priusquam aëri exponatur, occurrunt, vix quatuor pollicum
longitudinem exæquant, rotundæ, & subnigræ.

VI. Hoc ipsum confirmari potest ex iis quæ D. Boyle in Tractatu de
latentibus quibusdam qualitatibus fusè conscripsit. Id utique jam est per-
vulgatum, glebas nitro suo exutas novum nitri proventum adipisci, cum
aëri exponuntur; hoc quoque in alumine contingere testatur Agricola; in
vitriolo calcinato, in fecibus aquarum fortium idem evenit: plerique existi-
mant noviseas salibus imprægnari, & post aliquot menses ex iis fecibus aquam
Strygiam, per retortam extillari. Neque id vacat expendere an quædam sit
in aëre substantia volatilis & salina, quæ aliorum corporum naturam faciliè
induat, idque maximè si in iis corporibus sal, ut vocant, Alkali instar ma-
teriæ cujusdam communis abundet, quem acidus aut nitri, aut vitrioli spi-
ritus in suam convertit naturam; sive quædam sit in iis mineralibus vis ana-
loga seminibus, quæ beneficio aëris suam maturitatem assequantur; seu de-
nique in aëre fluctuent omnium pene mineralium genera, quæ cum sibi
cognatis & similibus consocientur.

VII. Hujus experimenti occasione, cum de lapidum concretionem agere-
tur, aliud olim à se factum subjecit experimentum, ac licet casu quodam
incurterit, nonnihil tamen lucis lapidum generationi asferre potest. Salis tar-
tari bene purgati & vitreæ cucurbitæ impositi libræ uni duas aceti distilla-
ti paulatim superfudit; tum aptato alembici capitello & excipulo, distilla-
tione facta, phlegma tantummodo aceti exire visum est. Nam salem illius
volatilem sal tartari fixus retinere solet. Alius subinde aceti spiritus sali tar-
tari itidem affusus est, & extillatus, idque sæpius est iteratum, donec
spiritus aceti eadem qua antea præditus aciditate prodierit. Tum exsiccatum
sal tartari in spiritu vini puro est dissolutus: quæ dissolutio facta non fuisset;
nisi sal tartari antè fuisset aceti sale volatili imprægnatus; feces subnigras &
leves per chartam bibulam separavit, liquor rubeus apparuit qui vini speciem
præ se ferebat. Hic ignis calore extillatus iterum sali tartari affusus, tum
secretus fuit, idque quater repetitum donec sal tartari colorem pene album
indueret: liquorem quemdam volatilem ex sale tartari efficere tum molie-
batur. Hunc cum dupla Stampensis arenulæ portione permiscuit, ne ignis ar-
doribus fusus dissueret; misturam retortæ ferreæ & candenti partitis vicibus
imposuit, sed perparum phlegmatis extillati dedit, quod arena spiritus omnes
velut captivos retinuisset. Materiæ in Massam concretæ, ex qua salem aquæ
servidæ affusione elicere voluit, decem ferme aquæ libras superfudit quæ
filtrata per chartam bibulam perparum acredinis habere visa est. Hanc ut
inutilem vasi fictili & amplo imposuit: sed die crastina eam instar crassæ
mucilaginis coagulatam invenit; arenæ imposita ignis calore magis densata
apparuit, ac tandem in lapidem concrevit. Hinc conjiciebat salem tartari aceti
volatili sale exaltatum cum sabulo Stampensi intimè conjunctum aquæ ipsi
lapidis soliditatem præbuisse, quæque natura paulatim præstare solet ex succo
lapidifico, id potuit ars magna caloris vi efficere. Lapidem enim non subito,
sed lento calore ex variis arenulæ granis, quam cerninus duritiem acquirunt,
Succus lapidificus qualem in variis cryptis experimur, forte non aliud quid,

dam est quàm aqua faxeis ramentis prægnans, quæ ligni aut aliorum corporum subitineatus. Principia quoque Chymica, sal imprimis aut nitrosus ut in calce, aut acutus ut in Marcasitis, aut utriusque temperatio plurimum forsitan ad eam coagulationem confertunt. Verùm hoc loco non tam rationes ipsas quam facta persequimur.

CAPUT III.

De quibusdam Observationibus Anatomicis.

I. **C**Um iis temporibus novum de transfusione sanguinis commentum *Ana-*
 Eruditorum ingenia exerceret, ac subinde plures viti non indocti in *tomica*
 eam spem venissent, fore ut non Physicæ modò lucem aliquam, sed & mendedi arti magnam affirret utilitatem, placuit Academiæ illud ipsum qualecumque esset, accurato examini subicere. Itaque die 22. Januarii, tum aliis consequentibus facta est ex unius canis arteria catoride in venam jugularem alterius transfusio sanguinis. Cum autem uberius ex arteria sanguis in venam manaret, brevi extinctus fuit qui sanguinem exceperat. In aliis major est adhibita cautio, ut minor sanguinis quantitas efflueret: neque adeo uberius sanguis mortem attulit cani in quem is transmissus fuit, sed coagulatus tamen apparuit, ac subinde multum fuit debilitatus & dejectus, cum alter esset vegetior.

Mense Martio sic repetita est transfusio, ut tantum sanguinis ex unius vena educeretur, quantum ab alterius arteria efflueret, idque bilancis ope fuit exploratum. Tum alia est excogitata ratio, qua duplicis syphonis beneficio sanguis ex unius crurali arteria in venam alterius cruralem, ac simul ex hujus vena jugulati in carotidem alterius commearet. Verùm hoc ipsum executioni mandatum non fuit.

II. D. Perrault peculiari dissertatione ostendit quàm inutilis, imo quàm exitiosa esset illa sanguinis mutua transmissio. Primum enim præceps ille & subitus sanguinis ac spirituum motus vix à natura ferri potest, quæ humorum alterationi sic præest, ut ab eo quem præscribit ordine, recedi ægè patiatur: cordis pulsus & propria cujusque organi structura, aut temperies naturæ iussa religiose exequuntur. Hinc naturali humorum perturbata motione affectus violenti in vitæ discrimen interdum adducunt; atque ut mors ipsa, ita & morbi ex illa confusione oriuntur. Quæ enim bene constituta vitam & sanitatem tuentur, eadem morbos & mortem afferunt, cum ordo ille pervettitur.

III. Hoc ipsum ex iis quæ facta sunt experimentis confirmabat: nunquam enim facta est transfusio, quin animalia extincta aut si flocata fuerint, aut certè multum debilitata ex novi sanguinis coagulatione. Illud sit verosimile animal omni sanguine tam cito fraudari non posse, & alienum accipere, citra ullum virium aut sanitatis dispendium.

IV. Ac nescio an quisquam sibi hoc in animum inducat, animalia post
 C ij

A N N. eam transfusionis operationem æquè vegeta videri, nisi fortè quæ uberiore abundabant sanguine, aut ejus perparum admiscere. Ac subinde fieri potuit ut sanguis in siphone ipso concretus alterius venam non subierit, cum ex operandi ratione quam vulgaverunt transfusionis patroni, judicari non potuit quantum sanguinis ex uno animali in aliud commearit. Ex suffocatione quidem multum sanguinis ex unius arteria in venam alterius transmissum fuisse facile conjicimus: sed ubi parum effluxit, cum massa sanguinis confundi potuit, adeo ut nihil aut parum nocuenti animali intulerit.

V. Qui contra sentiebant, multa opponebant: primum magno naturam debilitatam onere levari, si primæ & secundæ coctioni vacare non cogatur, dum calor & spiritus alia obeunt munera vitæ necessaria, neque in coctione alimentorum absuntur; hoc saltem habere commodi eam sanguinis transfusionem ut effæcto & pene corrupto sanguini alius & purus, & bene elaboratus substituat. Neque natura ipsa, quæ semper ad perfectionem contendit, tam opportunum præstium aspernabitur, quemadmodum in arboris insitionibus cernimus agrestem & acerbum succum in furculo inserto domari & perfici, quidni in animalibus idem fieri poterit? Quod utique confirmari potest variis experimentis quæ in Italia facta referuntur, cum parvi corporis mutilatæ alia recens excisa & adhuc viva inserta est, quæ tamen cum illa coaluit. Addamne in Anglia & aliis in locis sanguinem tanta copia è cane eductum, & in alium transfusum cui proprius cruor pene omnis ademptus fuerat, ut priore extincto posterior & vegetior, & robustior visus fuerit.

VI. His & aliis reponere magno vir ingenio, ex insitione & vegetatione plantarum nihil posse concludi in gratiam transfusionis, cum animalium nutritio à vegetatione plantarum tantùm distet, quantum organorum apparatus & structura inter se differunt. Vegetatio quidem aut nutritio universim spectata utrique communis est, sed modus ipse quo ea fit, est planè dissimilis; non eandem adhibet natura curam & diligentiam in plantis nutriendis, quam in animalibus. In his eadem semper & optima progreditur via; una est enim operandi ratio, cum est optima. Non eadem est in plantis ratio, in quibus radix quæ oris aut ventriculi, aut cordis fortè munus obit, non est structuræ adeo exquisitæ, ut partes aliæ v. gr. cortex, truncus, aut rami eodem munere fungi non possint. Nam cortex rore matrem plantam alit, & interdum radices emittit, ut cum ramus vasi terra oppleto concluditur.

VII. Longè alia est ratio animalium, quorum nutritio non perficitur: nisi adsint omnia quæ natura solet adhibere: adeo ut primæ coctiones, si fortè defecerint, quæ sequuntur, illarum defectum sarcire non valeant, ac primæ digestionis error ad reliquas permanet. Atque ut palatii substructio ex lapidibus aptè dispositis & quadratis fieri debet, cum tugurium aut casa ex obviis quibuscunque lapidibus, aut ex alterius domunculæ rudetibus astructur. Sic partes animalis quarum structura est admodum exquisita, ex sanguine tantummodo in propriis organis elaborato ali possunt, aut formari. Nec canis v. gr. caro, vulpis, imo nec alterius canis sanguine reparari potest: quemadmodum saxum sic excisum ut fornicis aptetur, nec muri substructioni, nec alteri fornicis est accommodatum.

Atque in hoc ipso posita est omnis naturæ ratio & æconomia, quâ vitam animalium fovet & tuctur, ut partes omnes licet dissimiles inter se consentiant: adeo ut quod ab una cœptum est, ab alia perfici queat. Cor, v. gr. chylo ab aliis organis præparato formam sanguinis imprimit; sanguis verò qui in corde unius animalis (quidquid sit de exempli veritate,) confectus, alteri nutriendo, cujus & calor & spiritus sunt dissimiles, minus erit idoneus, quòd diversa planè sit utriusque dispositio.

VIII. Quod si illa præparatio in partium insensibilium configuratione & meatuum aptatione consistit, ne illam quidem coaptationem particularum & pororum eandem in duobus animantibus reperiri hinc licet conjicere, quòd sanguis unius semper coagulatus apparuerit: magno quidem indicio materiam ipsam cum parte in qua excipitur, non convenire, neque hunc esse proprium illius locum, cum sanguis sit ejusmodi, ut extra suum locum statim concresecat, aut nativam amittat partium texturam.

Quod autem interdum evenisse aiunt, ut animal ex quo sanguis attritus in venam alterius transfusus est, extingueretur, cum hoc sanum esset ac vegetum, hoc utique unius debilitati, & alterius robori tribuendum est; ac nescio an ulla ratione certâ constare potuerit quantum sanguinis ex uno in alterum commeatit.

IX. Verum in iis longiores sumus quàm necesse est, cum illud commentum jam inter ineptias evanuerit, neque ex eo quicquam ad vitæ humanæ usum erui possit. Et quidem memini cùm anno 1669. Londini unâ essemus ego & D. Blondel, fortè occurrit nobis vir robusto & athletico corpore, in quo tentata fuerat sanguinis transfusio, si fortè ejus remediū vi ad saniores mentem rediret, (unde & se martyrem Regiæ Societatis iactitabat;) sed nequicquam id tentatum est; neque enim minis insaniebat quàm antea, & omnia omnibus minabatur. Quamobrem Senatus Parisiensis auctoritate prudentissimè cautum fuit, ne hoc remedii genere inusitato & planè inutili quisquam deinceps uteretur.

CAPUT IV.

De Aquis mineralibus in universum.

I. Explosa itaque sanguinis transfusione ut inutili & noxia, ad ea quæ sunt magis ex usu vitæ humanæ se convertit Academia. Hujus generis sunt Aquæ minerales, quarum vites experientia magis & effectis, quàm rationibus sunt explotatæ. Quare id operæ pretium se facturos existimarent qui in Physicis & Chymicis studium suum & operam ponebant, si Aquæ minerales quæ passim in Gallia occurrunt, accuratori examini subjicerentur.

II. Ac primum quidem cum Thermæ seu fontes calidi in Borbonio tractu & aliis in locis valde celebrentur, ac multis medeantur morbis, primum quæsitum fuit quæ esset causa caloris quo aquæ illæ fervent. Negabat D. du Clos, ac meritò, ut nobis videtur, calorem illum ab igne subter-



AN. raneo proficisci. Vix enim tandiu subterranei ignes perstarent terra conclusi,
 1667. ubi nullus fere est aëri locus, & intra subterraneas specus coerceri non pos-
 & sunt, quin seipfos aliquo indicio prodant: Sunt quidem multis in locis montes
 1668. ardentes, sed ignis ille non est perpetuus, neque in Gallia ulli sunt hujus ge-
 netis montes, tametsi quamplurimæ thermæ occurrunt.

III. Ne illud quidem concedebat thermarum calorem ex bitumine, sul-
 phure, aut nitro manare, cum hæc mineralia calorem aquæ imprimere non
 possint, nisi inflammentur, tumque non minores ederent strages quàm pul-
 vis Pyrius accensus in cuniculis. Multis in locis è terra erumpunt bitumi-
 na, sed ea nec calida sunt, nec vicinis fontibus calorem ullum imper-
 tiunt.

Sulphur quidem minerale interdum multum caloris concipit citra flam-
 mam, ut cum aquæ regali imponitur, tantum caloris procreat, ut vas ma-
 nibus vix contrectari possit. Idem cernimus in mediis quibusdam minerali-
 bus, cum in aqua forti sibi cognata exsolvuntur. Sed utrum ejusmodi aquæ
 Stygiæ sint in terræ visceribus, valde ambigimus, nec thermæ in suis fontibus
 eam præ se ferunt acrimoniam. Quin etiam aquæ simplicis admistio vim il-
 lam dissolventem simul & calorem plurimum minuere.

IV. Neque id negamus quædam esse corpora quæ tactu calida apparent
 citra ullum incendium. Quædam commemorat Agricola metallicas venas,
 quæ cum sint frigidæ, tamen aëri expositæ incalescunt: verum aquæ ther-
 marum in terræ sinu antequam aëri pateat aditus, jam calidæ sunt, atque
 ubi ex fonte exierunt, calore suo in patente aëre exuuntur.

V. Alia quidem sunt corpora, quæ aquæ interventu calent, ut calx vi-
 va, chalybis limatura, Stannum purum cum sublimato mercurio in aqua
 permixtum communi. Sic & oleum vitrioli cui aqua affunditur, multum in-
 calefcit: sed hujus generis corpora in terræ abditis non occurrunt. Et quidem
 cum thermarum calor jam à multis recto sæculis constans & idem permaneat,
 ex perenni causa, quæcumque illa sit, omnino dimanat, eaque in corpori-
 bus incensis reperiri nequit, cum igne citò absumantur, sed neque in iis
 rebus inest, quæ mutua in se invicem actione retulâ continenter immutan-
 tur, quarum adeo vites eadem & continuæ esse non possunt. Causa igitur
 perennis illius caloris non alibi posita videtur, quàm in fumis aut vaporibus
 qui in profundioribus terræ antris sunt copiosi, ut ii experiantur, qui in fo-
 dinis Hungariæ metalla effodiunt. Quæ rupium cavernas & terræ meatus
 pervadit aqua iis vaporibus fœta, eum calorem retinet.

VI. Rem ita esse multis rationibus suadebat: primum enim thermarum
 aqua igni admota non citius ebullit, quàm aqua communis & frigida, quod
 calor ille quem in terræ abditis concepit aqua, non ab igne subterraneo, sed
 à permixtis oriatur vaporibus qui ignis vi statim dissilantur. Liquevis parti-
 culæ quò sunt mobiliiores, hoc citius ebulliunt. Sic oleum citius quam lac,
 spiritum vini facilius quam eius phlegma, & aquas salibus terrestribus im-
 prægnatas tardius quam puras ebullire cernimus. Sic aquæ minerales salibus
 terrenis fœtæ, quæque ob vaporum admistionem incalescunt, non citius
 effervescent ignis calore quàm aqua pura & frigida, quod earum partes non
 æquè sunt ad motum expeditæ.

Rem ita esse, & thermarum calorem ex vaporum permissione duci aliis quoque indicis suaderi potest. Nam & linguam non sic adurunt, atque aqua communis, quæ ex igne eundem caloris gradum nascita est: siquidem vapor ille tenuis non tam altè imprimitur in tactus organo, atque aqua, cujus partes sunt crassiores & ignis spiculis atmata. Sic teneriores herbas ut acetosam non coquunt eadem celeritate atque aqua communis, cui idem caloris gradus inest. Hinc sæpe aquæ minerales calidiores sunt noctu quàm de die, quòd ii vapores ætèrno aëris frigore coërescant; ii porro aëri expositi diutius calorem suum tuentur.

VII. Ex quibus concludebat prodesse interdum calorem aquæ epotæ his qui humidiori & frigido sunt temperamento, non item biliosis, aut iis qui pulmonum tæbe, aut aliorum viscerum calida intemperie laborant. Unde veteres olim balneo tantùm, aut perfusione & lotionè thermarum uti solebant, quò lentos & frigidos humores resolverent.

VIII. Therma tum vires experientia magis, quam ratione, si sola sit, dignoscimus, neque omnium una & eadem est natura & origo. Cum anno 1668. Aquisgranum agerem in comitatu Illustr. Legati & Plenipotentarii D. Caroli Colbert, postea Regi à selectioribus mandatis, experiri volui an ova in puteis vicinis coquerentur: hæc intra pauca horæ momenta indutescere comperi, quod in aquis Borboniis negant evenire. Ac fieri potest ut fumi è sulphureis mineralibus sublati hunc aquæ calorem impertiant. Nam prope Aquisgranum ubi plerique fontes & putei calidi occurrunt, ex quibus aqua continenter ebullit, sulphuris, vitrioli, & lapidis calaminatis complures occurrunt venæ.

IX. Qua potro ratione examinandæ sint aquæ minerales fusius exposuit D. du Clos. Eo quidem nomine donantur quæ ex admistione mineralium insignem aliquam habent qualitatem hominis sanitati utilem, aut noxiam, eamque ex terra quam alluerunt, aut in qua diutius restagnarunt, contraxere. Quæ impressio ex succi alicujus, aut vaporum, ut diximus, mistura, aut denique ex simplici infusione, citra illius coëpotis sensibilis additionem dimanat. Vaporum admistio non facile dignoscitur, cum citò exhalent; vitrioli spiritus foeta hoc indicio se produnt, cum tectes in vasis citè occlusis gallæ infusione colorem ex rubro in atrum degenerantem induunt.

Succi aut salis particule in aquis exsolutæ, tum præcipitatione, quæ spiritus salis ammoniaci, aut spiritus urinæ affusione perficitur, tum aquarum distillatione aut exhalatione se produnt. Impressio qualitatis citra sensibilis materiæ admistionem ex effectibus potissimum innoscitur, interdum tamen ex sapore, ut aqua quæ in vase æneo aut ferreo stagnavit. Mineralia in terræ antris profundioribus contenta, aut terræ sunt, aut succi, aut sales, aut lapides, aut margaritæ, aut metalla, cumque horum omnium incredibilis quedam vis varietas, vix species earum impressionum definire licet, cum innumeris pene modis misceri possint. Aqua quæ instar communis materiæ omnibus mixtis subternitur, facillè excipit tum elementorum, tum fossilium tincturas & qualitates, quorundam vaporibus imbuatur, aliorum succos diluit, & particulas exsolvit, quorum spirituales, ut loquuntur Chymici, tincturas delibatur. Quæ omnia ex accurato aquarum examine conjecturis assequi licet, vix perspecta haberi possunt.

24
ANN. 1667. & 68. X. Spiritus quidam atramenti, seu vitrioli sulphureus inest aquis mineralibus, quæ vulgo magis salutare habentur, tamen nec ferrum nec vitriolum in his se prodant. Hoc i entidem à se observatum àbat D. du Clos, cuod cum vi ignis liquorem omnem è vitriolo eduxisset, iteratâ distillatione spiritus quidam sulphureus & volatilis leni calore primus exibat, qui odore sulphur referebat, sed & omnis corrosionis expertus erat. Hic facile in auras evanescit, quod in eo inest magis corporeum unâ cum phlegmate confunditur, & in rubrum pulverem præcipitatur, qui aliquâ donatur spiritûs virtute. Liquorem verò illum subtilem miras doctes in temperandis spirituum motionibus, in resolvendis obstructionibus viscerum habere prædicabat. In eo aquarum genere quæ vitriolicæ censentur aut ferruginæ, quæque sunt frequentiores, vim præcipuam positam esse in spiritu sulphureo, eumque rubeum colorem è galla elicere existimabat: sed cum summè sit volatilis, citò is dissipatur. Idque longè utilius fore censebat, si spiritus ille è vitriolo per distillationem ab aliis liquoribus secretus adhiberetur, ac pauca illius gutta in aqua communi, & in apta decoctione præberentur, quàm si magna aquæ mineralis in ipso fonte non sine magnis incommodis & sumptibus hauriatur. Nam hujus generis aquæ aut translatae, aut asservatae vix ullius sunt usus, cum spiritum illum sulphureum amittunt, ac sæpe terrenâ materiâ corporibus noxiâ onerantur.

CAPUT V.

De iisdem aquis singillatim.

I. **E**X multis Galliae locis aquæ minerales sunt asportatae, eæque à D. du Clos & Bourdelin omnibus coram diligenter examinatae. Cum autem res sit, si quæ alia, in Physicâ magnæ utilitatis, quâ methodo, quæ ratione in earum examine processerint viri in Chymicis resolutionibus exercitati, libello in hanc rem edito publicatum fuit; adeo ut minimè necessarium nobis videatur ire per singulas, quidve in iis deprehensum fuerit minutius exponere, summa duntaxat capita decurramus.

Antequam aquæ ex locis longius distitis adveherentur, ab iis quæ prope Lutetiam minerales habentur, placuit incipere, à Passiacis vulgo *Passi*, & Autolienfibus v. *Autueil*. Illas spiritu vitrioli sulphureo aliquantum imprægnari ex eo conclusum est, quod pulvis gallæ injectus aquam recentem rubeo colore infecerit, qui statim evanuit, ubi ignis calori admota est. Spiritus salis ammoniaci qui unâ cum calcinatio tartaro extractus fuerat, affusus lacteum aquæ impertiit colorem, simul & parum pulveris albi & subtilis præceps decidit.

Ex iis indiciiis conjicere licuit quiddam vitriolicum in iis aquis delitescere: nam cum fere colorem gallæ admistione præbet, quem aqua communis cui vitriolum ferrugineum adjectum fuit, nisi quod hic color atro sit vicinior. Verum si quid habent vitrioli, id omne in spiritu volatili

latili consistit, cum hic color statim evanescat, ubi igni admoventur. Ne- *Aqua*
que tamen acidum esse eum spiritum hinc conclusum fuit, quod spiritus *miner.*
vitrioli unā cum gallæ pulvere affusus aquæ minerali perspicuitatem non
ademerit. Cum septem hujus aquæ libræ in balneo maris fuissent extilla-
tæ, in imo cucurbitæ tertia subflava multis admixta fibris pellucidis, &
lamellis, quæ talco non erant absimiles, resedit quinque vel circiter scru-
pulorum pondere. Hæc terrestris materies crebris lotionibus purgata, &
a flavo soluta pulvere talci pellucidi speciem præbuit, idque maximè cum
Microscopio subiecta est: ferro candenti imposita in igne perspicuitatem
suam amisit, atque instar gypsi calcinati visa est, aquæ adjectione instar gypsi
diluta.

Pulvis subflavus & levis ex lotione gypsæ materiæ superstes in alterum
scyphum vitreum transfusus instar limi flavi subsedit: sed vix vicesima gypsi
ponderis pars ea fuit. Candenti ferro ad ignem impositus rubiginis ferræ
speciem præbuit, adeo ut suspicandi locus fuerit hanc rubiginem ex Marca-
sitis duci ferrugineis, quæ iis in locis copiosæ occurrunt.

Nihil salis aut vitriolici aut nitrosi apparuit. Cum autem ejusmodi aquæ
perparum habeant ferrugineæ materiæ, multum gypsæq; palam est eas vix
ulius esse utilitatis.

II. Quæ in vicino pago Autolio sunt aquæ minerales, tamen insipidæ,
salutares tamen quibusdam morbis sæpius expectum se assererat D. du Clos,
pulveris gallæ adjectione rubeum colorem non induunt. Spiritus ammoniaci
affusione aqua nonnihil turbata est; post distillationem quatuor librarum
hujus aquæ perpaucæ grana cinerei pulveris in imo cucurbitæ resedèrunt, cujus
pars ferme tertia in aqua communi est exsoluta, reliquum erat instar mi-
nuti subuli.

Hunc salem nitrosum esse ex iis saxis, quæ ea in regione sunt copiosa,
exsolutum verisimile judicabat; ac fortè pars illius volatilis & subtilior
unā cum aqua fuit distillata: non enim posset tam parum salis nitrosi tan-
tam vim his aquis tribuere. Nitri potto nomine non salpetræ intelligitur,
sed succus quidam salis qui è terra, & è quibusdam lapidibus etuitur,
quique non fulminat, sed ex eo tamen ignis & ætis vi salpetræ confici
potest. Hoc nitro Ægyptus & aliæ regiones abundant, optimum in Ma-
cedonia reperiri testatur Plinius l. 32. c. 10. spongiosum esse rubei vel albi
coloris ait Dioscorides. Complures sunt aquæ nitrosæ, sed nusquam tamen
salpetræ in terræ, aut rupium antres, quæ aquis prolunantur, occurrit. Hunc
in terris, aut in saxis beneficio æris confici conjiciebat D. du Clos: nam
aër corporibus perpetuò siccis, aut semper madentibus non adhærescit; hu-
mide enim eget quo retineatur: sed aqua obstat quominus, ut ita dicam,
incorporetur cum sale qui iis inest corporibus. Complures lapides multum
salipetræ aëri expositi præbent, nullus est in lapidicinis, quamdiu terra ope-
riuntur, in pulverem aut in squamas sæpe fatiscunt: sic gypsum in cellis
vinariis in nitri speciem efflorescit.

III. Iisdem indicis aquam vulgo sepulchri dictam nitrosam esse con-
jiciebat. Aquas percelebres in Normannia v. de Forges dictas ferri vena ad-
huc molli, seu ante primo, ut loquuntur, ferri esse imprægnatas ex addi-

ANN. tione pulveris gallæ, ex sale superfluo & sulphureo colligitur. Nam suc-
1667. cum parvæ iridis densatum viridi colore tingunt: spiritus salis ammoniaci nul-
& 68. lam in iis efficit præcipitationem; perparum salis sulphurei post distillationem
extractum.

IV. Aquæ Spadenfes eadem methodo examinatæ fuerunt; saporem aci-
dum & ferrugineum præ se ferebant, aceti rubri colorem gallæ additione
induebant, nulla quoque ex affusione spiritus ammoniaci facta est in iis
præcipitatio. Post distillationem pulvis instar ferræ rubiginis, ut in aquis mox
memoratis, sal itidem ferrugineus extractus est.

V. Aliquanto plus operæ in probandis aquis mineralibus pagi vulgo dicti
Vic le-Comte positum est. Aqua in fonte suo tepida, noctu quam diu ca-
lidior perhibetur in fontis concha; si aliquo tempore agitata non fuit; telæ
subpingues in superficie extant, limus itidem pinguis & odoris bituminosi,
ubi fuit exsiccatus.

Hæc tamen aqua aciditate sua linguam pungit: sed cum gallæ pulvere
rubeo colore non tingitur. Spiritus salis ammoniaci instillatus celerem al-
bæ materię efficit præcipitationem; adeo ut videretur hæc aqua sale aci-
do, atque, ut loquuntur, mercuriali imprægnata. Et tamen post distilla-
tionem quæ superfluit in fundo vasis, pars fere octava aquæ salis erat in-
star salis communis, non acida. Succus parvæ iridis densatus & instilla-
tus colorem caruleum in viridem convertit, quod sales sulphurei præstare
solent. Exhalatæ penitus aqua multum in fundo vasis terræ & salis appa-
ruit, saporis salis, acrius linguam pungebat quàm sal communis, atque
ad salem tartari propius accedebat: sal extractus, unà cum oleo vitrioli
æquè tumultuari visus est ac si fuisset sal tartari. Hinc D. du Clos sus-
picabatur salem esse bituminosæ cujusdam materię, non oleosæ: nam
oleum huic aquæ non innatat: sed est instar terræ bituminosæ quam aquæ
diluere possunt & penetrare: adeo ut ex illa permissione quædam oriatur
fermentatio & putredo, ac salina aciditas quæ in lixiviale abit falsugi-
nem. Nulli sales minerales tantam effervescentiam cum oleo vitrioli efficiunt;
sales bituminosi vegetalibus propiores & magis sulphurei eam cum acidis
pugnam cient.

VI. Huic affinis visa est aqua à pago S. Myonii dicto allata, cum eo
discrimine quod ex gallæ pulvere rubeum colorem induerit, sed gustu aci-
da erat. Multum salis sulphurei dedit, qui cum oleo vitrioli effebuit. Su-
blimati solutionem colore flavo instar croci antimonii infecit, quod sales
sulphurei & fixi, ut sal tartari, præstare solent. Oleum vitrioli huic aquæ
nonnullum distillatæ affusum celerem excitavit motum, atque innumera bul-
lulæ per horæ quadrantem eruperunt. Nihil ejusmodi visum est, cum oleum
vitrioli aquæ communi infusum fuit. Color ille rubeus ex admistione gal-
læ potuit ex bituminoso vitriolo, quale est in carbone fossili, pro-
ficisci.

VII. Mitto de aliis aquis mineralibus quæ tum probatæ fuerunt, fusius
dicere: harum dotes salibus propriis cujusque mineralis magna ex parte
referuntur acceptæ; spiritus enim vix se produnt, aut separatione, aut vi-
ribus insitis. Sed in omnibus fere sales insunt, iique quos cernimus eff. ctus

creare possunt. Magna quippe est salium, ut mineralium varietas. Salem esse primum & simplicissimum mixtum plerique Chymici arbitrantur. Tot pene in terræ gremio sunt genera salium, quot mixtorum; ex iis sales mixti & variè temperati in aptatis matricibus prodeunt. Acida & sulphurea arte Chymica in sales resolvuntur, adeo ut sal videatur primum eorum esse rudimentum: cuiusque mineralis primum ens, sal quidam est, qui aqua præterlabente diluitur, atque aqua illa mineralis facta tam varia esse potest, quam sales ipsi quibus imprægnatur. Sed mineralium pars fortè minima nobis nota est, uti & salium qui in terra delitescunt, quique perrarò in massas concresecunt, ut sal gemmæ & quidam alii fossiles; nec terrenæ materiæ nisi perpaucæ, affusione aquæ calentis, seu lixivii sale suo exuuntur, nisi fortè quæ sales ad vitæ usum idoneos præbent, quales sunt eæ terræ quæ alumen, vitriolum, salempetræ suppeditant. Et quidem ex iis quæ probatæ sunt aquis & ex aliis quæ deinceps sunt examinatæ, sales singulares prodierunt: necdum illud ante compertum erat, terram sales alkali procreare, qui salibus plantarum sulphureis tam essent cognati, quàm qui reperti sunt in iis fontibus nominatis.

VIII. Quibus mineralibus fortè sint aquæ Pogienses, v. *de Pougues*, in agro Nivernensi, vix suspicari licet, non multum aciditatis præ se ferebant, nec injectu gallæ pulveris rubeum induebant colorem, & tamen ubi recens est aqua, non parum rubet eo pulvere adjecto eaque est acidior. Cum post aliquot annos illac iter facerem, gustare volui aquam in suo fonte qui olim percelebris fuit, eamque valde acidam pene ut acetum sensi.

Ex aliquot spiritus salis ammoniaci guttis huic aquæ instillatis præcipitatio alba & den'a facta est. Aqua exhalata, quod residuum fuit album erat in folia diductum & salsum, idque aquæ communis & calidæ affusione dissolutum & filtratum, succum florum parvæ iridis viridi colore tinxit; cum oleo vitrioli nullam fecit effervescentiam, sed levem duntaxat fremitum. Ex quo iusta suspicio fuit aquam illam mineralem per terras bituminosas transire, in quibus minus est bituminis, sed major vitrioli copia: nec valde est dissimilis aquis de *S. Myon*, quæ mox sunt commemoratæ.

IX. Aquæ de *Vichy* in Arvernia percelebres, non indiligenter fuerunt examinatæ. Plures in eo oppido sunt fontes alii aliis calidiores, sed omnes pene in eo conveniunt, quòd magnam salis sulphurei copiam suppeditant. Aqua fontis vulgo de *la grille* dicti odorem spargebat resinofum, sapore erat acidulo, nucis gallæ additione colorem non mutabat, nec spiritu salis ammoniaci instillato albescebat, sed aliquot guttis olei vitrioli affusis, statim bullulæ è fundo vasis sublatæ sunt, ut in aqua de *S. Myon*. Duæ hujus aquæ libræ drachmam cum duodecim granis materiæ, quæ fere tota erat sal purus, præbuere. Hic filtratus instar salis tartari acer & lixivialis, in humido aëre liquesceus, cum oleo vitrioli tumultuari visus est; mercurii sublimati solutionem rubro colore infecit: adeo ut sal ille omnino sit ex eorum genere qui sulphurei dicuntur & fixi.

X. Eadem pene est ratio illius fontis *le grand Boulet* dicti in eodem oppido: sapor aquæ erat acidulus, non ingratus; odor iidem bituminosus;

ANN. cum galla paululum rubescere visa est, hujus duæ libræ cum aqua Sequanæ ejusdem molis aut voluminis collatæ 103. granis graviore reperitæ sunt. 1667. Post distillationem magna salis copia in fundo vasis resedit, cujus sapor acer non multum à sale ammoniaco alienus videbatur: quatuor libræ extillatæ duas drachmas cum semisse materiæ salæ præbuerunt; ac nona fere pars terræ erat; sal coagulatus omnino sulphureus ex allatis sæpe indiciiis apparuit.

XI. Aqua itidem calida in fonte suo d'Eves ingrati erat saporis & foetidi odoris. Nullo fere indicio aut gallæ aut salis ammoniaci, vel salis tartari, vel olei vitrioli, aut vitriolo, aut sale sulphureo imprægnata apparuit; paululum erat gravior aqua Sequanæ. Extillata parum salis dedit, qui sapore suo Crytallum minerale referēbat, isque nec succum florum parvæ iridis viridi colore infecit, nec ullum motum cum oleo vitrioli excitavit, nec sublimati solutionem tutavit: cum salepetræ majorem habebat affinitatem, sed accensis carbonibus impositus non fulminabat. Id verò mirari subit salem hujus generis qui gustu subfrigidus & sine acrimonia judicatur, in aqua calida inesse nec bituminosa, nec sulphurea, cum diversâ planè sit illius salis natura ab eo qui in aliis thermis deprehenditur.

XII. Complures aliæ quæ inter minerales aquas vulgo recensentur, variis probationibus sunt subjectæ, quæ perparum salis dederunt, nec fere ullis indiciiis aut sapore, aut gallæ pulvere, aut spiritu salis ammoniaci, aut sale tartari sunt immutatæ. Hujus generis fuerunt aquæ de Belesme in Unellis v. le Perche; octo hujus aquæ libræ sex tantum grana salis acrioris dederunt. Aqua de Verberie prope Compendium nullum penè salem reliquit. Aqua d'Ouarisy in agro Bellovacensi prope Claromontium distillata aliquantum salis cum fecibus terrenis misti in fundo vasis reliquit, qui cum oleo vitrioli nullum fremitum, aut partium motum effecit. Aqua de Balagny prope Sylvanectum petparum terræ insipidæ in fundo vasis post distillationem reliquit.

XIII. Quæ vulgo dicitur de Sainte Reyne qualis Lutetiæ venalis extat; pulveris gallæ admistione, aut spiritus salis ammoniaci instillatione vix immutata apparuit. Duæ circiter libræ post distillationem sex grana salis acrioris præbuerunt. Huic salī in aqua communi exsoluto aliquot guttæ olei vitrioli affusæ citra ullam fere effervescentiam concretionem effecere cum fumo fetido, qualis ex mistura olei vitrioli cum sulphuris vel antimonii dissolutione per sulphureos sales parata effertur solet. Sal ille non dissimilis antimonii sali visus est, cumque eisdem effectus aquæ illæ minerales & sal antimonii procreent, hinc fortè suspicari licet ente primo, ut vocant, antimonii eas aquas imprægnari. Sed cum parum salis iis insit, fors est ut quinque aut sex salis antimonii grana in jussculo sumpta non minorem afferrent sanandæ scabiei aut prurigini utilitatem, quam magna hujus aquæ copia. Au: certè vis ejus forsitan efficacior foret, si parte ejus majore exhalata quæ nihil est aliud quàm phlegma inutile, unus aut alter scyphus aquæ potaretur. Sic enim ventriculo oneri non esset, cumque vis hujus aquæ tota in sale quodam satis fixo posita sit, nihil metuendū

est, ne fortè hujus vires evaporatione infringantur. Ita quidem videbatur D. du Clos, qui eam aquam perpurgando sanguini & humorum putredini corrigendæ utilem esse existimabat.

CAPUT VI.

Quædam circa calcis præparationem Physica observationes perstringuntur.

I. Neunte anno 1668. vir in Physicis eruditus, & in Architectura exercitatus tractatum de optima calcis præparatione conscripsit, quem *De calce;* Academiæ examinandum præbuit. Hujus ea summa erat, calcem optimam è saxo duriore jam diu è rupe aut fodina exciso, nec congelationi obnoxio parari oportere. Ubi cocta est, recentior, gravis & sonora vetustiori & leviori præferenda, quod partes habeat arctius colligatas; cum extinguitur, strepitum edat, cum fumis effervescat, extincta humidior sit, pinguis & candida, quod sale tum abundet sulphureo, & subtili quodam humore tanquam glutine partes devinciantur.

2. Cum autem calx sit structuræ omnis & firmæ & solidæ velut firmamentum, illud è re communi foret, si lapides calcarii iique optimi Lutetiam asportati in furnis ad hanc rem idoneis excoquerentur: tum enim calx longius transvecta vim suam non perderet, plus haberet salis, eaque adeo cum majori arenæ copia compingi posset, neque ea evenirent incommoda quæ sæpe è calcis penuria in structura ædificiorum consurgunt, ubi gypsum loco calcis adhibetur, adeo ut ædificia sint brevioris ævi, & citò fatiscant. Quo plus est salis fixi in lapidibus, hoc duriores sunt & graviores, nam concretio omnis à sale potissimum ducitur: is non facile extrahitur, sed post calcinationem perstat immobilis: cum terra pura & sicca sit friabilis & malè compacta, sal volatilioris caloris vi statim evanescat, uti & humor crassior qui calore absumitur, subtilis humor arctius cum sale & terra coheret.

II. Itaque ii lapides calci consciendæ videntur optimi, in quibus major est salis fixi copia & subtilioris humidi. Unde saxa è rupibus excisa, quæque sunt firmiora, calcem præbent optimam. Sic Lugduni murales structuræ, tametsi è terra tantummodo compactæ, calce marmorea incrustatæ omnibus aëris injurijs diutissime obstant.

In vico nomine *Champagne* prope Fontembellaqueum se invenisse quoddam saxi genus testatur auctor laudatus, ex quo lapides Lutetiam ante aliquot annos asportari jussit, ex iis calcem omnium optimam confecit, uti variis experimentis jussu Illustrissimi Colberti factis comprobavit. Contra lapides illi quibus plus inest terræ & humidioris, quam salis fixi & subtilis humoris, quique sunt leviores, calci consciendæ minus sunt idonei. Hujus generis est gypsum, cujus sal nitrosus vim illam coagulatricem non habet. Unde hoc genus lapidis cocti incrustandis duntaxat mu-

AN. ris ab aëre tutis est idoneum. Quidquid enim in eo est salis fixi, humore aquæ
1668. vel aëris facile exsolvitur, per patentés meatus diffiuit, tumque mixtionis
laxatur vinculum. Hinc fortè incrustationes ex gypso ignis calori moderato
magis resistunt, quàm quæ ex calce fieri solent, quod superfluous gypsi humor
calore ignis diffiuit, cum in calcis & arenæ mistura, calor paululum interior
humorem ipsum cum sale permixtum plus satis rarefaciat, mixtionem adeo
ipsam dissolvat. Hinc gypsum vetus recoquitur, ut diffilato humore superfluo
sal vires suas ante deprellas recuperet.

III. Hæc fere de lapidum delectu dislerebat vir laudatus. Hos quoque
non recentes, sed ante aliquot annos è lapidicina excisos optabat, ut benigno
Solis calore humiditas superflua exhalet, & sales ex aëre volatiles sub-
eant qui cum fixis facile confociantur. In furnis ad eam rem aptatis lapi-
des primum leni ignis calore excoquantur, ne humor crassior salem vola-
tilem pæproperè secum abripiat. Nam ignis vehementior lapides disrum-
peret, ac subinde metuendum foret ne lapides forniciis dissilirent. Jam hu-
more illo crassiore exhalato nullum est à nimio ignis calore periculum. Quo
enim intensior est, hoc terræ & salis particulas minutius dividit, ut aptio-
res sint firmæ compagini. Quin & illud verisimillimum est salem ligni vola-
tilem cum sale fixo calcis unâ conjungi.

IV. Quamobrem in cocto lapide terra, sal fixum & volatile remanent;
humor subtilior vi ignis tantummodo rarefcit, cum sit oleosæ cujusdam sub-
stantiæ, non absumitur; crassior verò qui ad lapidis compositionem propriè
non pertinet, quicquid malè cohæret cum aliis miscilibus, omnino exhalat.
Nec lapides amplius quam quarta, aut ad summum tertia sui ponderis parte
minui debent, secus calci conficiendæ minus sunt idonei, cum sale fixo des-
tituti, terra tantum levior & humore consistent.

V. Excocti lapides si non statim extinguantur, quod factu optimum
est, in doliis accuratè oclusis & in loco sicciori sunt reponendi; idque
imprimis cavendum ne aëri pateat aditus. Hic enim dum apertos meatus
subit, sales commovet, humorem diluit, & magna ex parte sicum abripit;
tumque excocti lapides in pulverem abeunt, nec quicquam fere restat nisi
caput mortuum: nam pulvis ille residuus cum aqua permixtus vix eam ca-
lescit. Et tamen structores, aut lapidarii calcem sic extinctam & debilita-
tam cum eadem arenæ copia permiscere solent, ac si ea esset optima, tum-
que arenatum constant malè sibi cohærens, quod ubi parum dehiscit, statim
ultra dilabatur.

Quocirca si fieri potest, quamprimum calx extinguenda eo quo norunt
artifices modo. Non enim aquam affundunt lapidibus, sed loco excavato
tanquam crateri aqua repleto lapides singillatim imponunt. Quod si ipsis la-
pidibus aqua affunderetur, hæc sales tantummodo commoveret, qui unâ
cum densiori fumo exhalarent: siquidem affusa paulatim aqua non satis ha-
bet virium ut tumultuantes sales comprimat. Unde calx ipsa, dum extin-
guitur, indefinenter & ubique rudiculis aut contis vulgò *des Bouloirs*, est
agitanda: secus ubi deest illa agitatio, sale præ aquæ frigore excitato & ex-
candescente, neque ab ea oppresso, calx ipsa in lapillos duriores iterum
concrefcit, tumque calcem combustam minus apta voce appellant.

Diu & multum calx commovenda & magna aquæ copia affundi sine pe- *De*
riculo potest : tantum enim calx ipsa aquæ capit quantum satis est. Affu. *calce*,
sione aquæ & jugi motione cavetur ne crepitando partem sui salis amittat ;
dum enim aqua illius subit meatus, nimium rarefcens cum impetu obices
revellit, & sal subtilior per apertas rimas erumpit.

Extinctæ calci magna aquæ copia superfunditur, quæ salem subtiliorem
retinet, dum cremoris instar is aquæ innatat, adeo ut salium & aquæ fiat
accurata permixtio.

VI. Sæpe expertum se admonebat quosdam lapides, quique optimam
suppeditant calcem, cujusmodi ii sunt qui in vico *Champagne* reperiuntur,
diu servari illæfos, atque interdum evenire ut per diem integrum in aqua
frigida citra ullum calorem persistant, quasi crudi essent & non cocti, sed
aquæ fervidæ impositi statim vires suas exerunt, quod fortè proprii salis
subtili quadam divisione densiores facti humorem extrarium non faciliè ad-
mittant. Calx extincta sic terra tegitur, ut nihil in eam gelido aut humido
aëri liceat. Quo vetustior, hoc melior : nam lenta fermentatione, & in-
testino partium insensibilium motu fit subtilior. Quam ob rationem olim
Romani calcem ante triennium extinctam ædificiorum substructionibus ad-
hibebant. Sic arenata aut cœmenta in fundamentis ædificiorum lapidibus
ipsis duciora cernuntur ; arctius enim sal humidior cum arena sibi cognata
cohæret. Excipiendæ tamen sunt substructiones in aqua, aut in humidiori
loco factæ, quibus calx viva & recens extincta est adhibenda. Sic enim
adhuc incallescens, quantum sibi satis est humoris capit, tum brevi exsiccata
alium humorem non amplius excipit.

VII. Arenæ alterum tantum una cum calce citra aquæ additionem per-
miscetur : hæc enim vim salium debilitat. Idque in cœmento maximè te-
nendum : hoc enim ignis ardotibus exsiccatum aquam avidius imbibit, quam
calx ipsa, quæ pinguior cum sit, una cum aqua non faciliè miscetur. Jam
ubi exsiccatur cœmentum, id porosum fit & minus tenax, sed calce tan-
tummodo dilutum corpus efficit solidum & impenetrabile, quod in aquis
ipsis diutissimè persistat.

VIII. Romani tres partes arenæ fluvialis, quatuor illius arenæ quæ ex
tertæ profundo eruitur, cum una parte calcis permiscebant, quod ea esset
optima. Quo autem tenacius foret arenatum, aliquot ante diebus id para-
bant, ut paulatim fermentesceret. Quin & tertiam partem testarum è la-
terculis interdum adjiciebant, ex quibus optimum fit cœmentum. Arenâ
recens effossâ ne ætius humore diluatur, quæque manibus contrita stre-
pitum edat, subrubri coloris utendum est. Nam sal cum asperioribus hu-
jus arenæ particulis arctiori vinculo cohæret, quàm si mollior sit & sub-
tilior.

IX. Hanc de calcis præparatione & usu dissertationem vehementer pro-
barunt D. D. Perrault & du Clos : animadversiones tamen suas scriptis tra-
diderunt. Et quidem D. Perrault quæ sint concretionis & firmitatis cau-
sæ paucis exposuit. Hoc enim argumentum postea in suis tentaminibus Phy-
siciis uberiori stylo est persecutus, ubi coagulationem omnem & firmita-
tem ex principiis mechanicis deduxit, non ex atomis hamatis quas in cif-

AN. solutione disruptum iri putabat, quod utique atomorum naturæ omnino
 1668. repugnat, sed ex partium figura, motu & textura. Nec Chymici qui sales
 coagulationis principia constituunt, huic sententiæ adversantur: sales
 enim vocant dura quædam & solida corpora, quæ firmitate & tenuitate sua
 facile cum aliis corporibus permiscetur, eorumque coagulationem pro-
 movent. Ex iis alii sunt subtiliores, alii crassiores; illi si soli sint, vix satis
 firmam compactionem efficiunt, uti nec sales fixi & crassi satis sunt penetra-
 biles, ut partes omnes corporis subeant: unde unâ ambo conjunguntur, ut
 compacta & firma efficiant corpora.

X. Cum igitur, inquit, lapides ex quibus calx efficitur, sint duri,
 & solidi, ubi ignis ardoribus dissolvuntur, sales volatiles cum fixis ante con-
 juncti magna ex parte avolant, fixi cum terrenis corpusculis utcumque con-
 sociantur, & malè compactum efficiunt corpus innumeris poris pervium;
 quos spiritus sulphurei relinquunt. Extinctione ipsa sales fixi antea cum ter-
 renis partibus coherentes præ fluiditate sua cum sale volatili superstitæ unâ
 coniunguntur, & arenosis corporibus arctius adhærescunt, ac demum sales
 affusione aquæ præcipiti motu agitati calorem procreant.

Arenæ corpuscula & plana & terfa facilius salibus calcis agglutinan-
 tur, quàm si spongiosa essent & tenuia. Hinc muri calce illiti superficies
 tractu temporis indurescit, quod sales ex aëre volatiles corpora calcinata
 subeant, & inanes meatus occludant.

XI. Quo calx extincta diutius asservatur, hoc melior est, cujus rei Vi-
 truvius hanc affert rationem, quod complures calcis recentis partes non ex
 omni parte sit extinctæ: unde non lapilli modò, qui sensu ipso percipiuntur,
 sed complures etiam salis particulæ longiori egent tempore, ut dissolvi pos-
 sint, secus sales fixi cum terrenis particulis colligati manent, nec moveri pos-
 sunt, quod aliis salibus sociantur: id verò fluiditas tantum aquæ præstare
 potest. Cum tamen calx ex lapidibus minus duris paratur, tum recens est
 adhibenda: nam cito exstinguitur, eaque si diutius asservetur, vim suam
 amittit. Quod non evenit, ubi lapides sunt duriores: in his enim excoctis
 complures sunt salis particulæ cum terrenis arctiori vinculo devinctæ, quæ
 diuturnam fermentationem suam tuentur.

Ex quibus illud efficitur calcis usum non esse dissimilem saxi durissimi fu-
 sioni, quæ idcirco fieret, ut cum aliis fixis facilius congrutinari posset: pri-
 stinam verò durtiem & soliditatem quam ignis ardoribus amiserat, sibi testi-
 tuit, ubi cum arenæ lapillis solo contactu adhærescit. Ista quidem D. Perrault
 circa usum calcis & Auctoris dissertationem annotavit.

Hoc utique non facile concederem, sales volatiles ex arena in calcem
 commeari: sed fortè ad mechanicas affectiones confugere satius foret. Cum
 enim arenæ grana sint perpolita, atque ut crystalli pellucidæ microscopio
 conspiciantur, illud satis est verisimile sales calcis in aqua fusos his lapillis,
 quorum superficies sunt complanatae & terfæ, pertinaci contactu adhærescere.
 Verum hoc loco non quid nobis, sed quid aliis videatur, explicandum sus-
 cepimus. Quæ in eandem dissertationem animadverterit D. du Clos, mox
 subjiciam.

XII. Postquam hujus dissertationis argumentum & auctoris consilium
 comprobavit,

comprobavit, salern fixum lapidum & concretionis principium, ut compactionis in substructionibus effricem causam non irasciatus, illud optasset, ut hujus salis dotes aut qualitates. Auctor dissertationis explicatius tradidisset. Neque id satis erat salern coagulationis in lapidibus principium constitnere, aut docere saxa duriora uberiore sale donari: non enim ex duris quibusque lapidibus calx efficitur, quod non aliunde quam ex varietate salium oriri potest. Nam lapides alii sunt asperi & arenosi, ut cotes & silices, quibus constrata sunt via; alii sunt argillosi, ut marmora quæ perpoliri possunt, quæque ex argilla indurata consilari videntur; alii molliores & magis cretosi. Non è silicibus aut cotibus quibus gladii exacuuntur, neque ex iis lapidibus qui viis muniendis adhibentur, calx conficitur, sed ex saxo & marmore; tamen in illis non minor sit durities, nec minor salis copia: adeo ut diversa salium genera hanc lapidibus præbeant dispositionem.

XIV. Cum autem sales alii sint sulphurei, alii acidi & mercuriales, ut loquuntur, illi in calce sunt uberiores: nam sulphurea mineralia dissolvunt, uti & sales Alkali è vegetabilibus extractis. Hinc calx terris sterilibus fertilitatem affert, ut Marga, quæ est quoddam argillæ genus. Quin & supra innuimus sale tartari sulphureo certa ratione præparato, & cum stampensi sabulo permisto, aquam in lapidis formam concrecere. In calcinatione salern infusum lapidibus, illius accessione qui lignis incit, multum augeri ex iis quæ superius allata sunt experimentis circa mineralia sulphurea & calcinata facile intelligitur.

Calcem excoctam aëri expositam debilitari constat, non quod magnam sui salis partem amiserit, cum illud experientia se comperisse asserat D. de Clos majorem salis copiam è calce per aliquot menses aëri exposita, quam è recenti extractam à se fuisse: sed hoc commune esse ait salibus sulphureis, ut in aëre exsoluti propriam velut indolem exuant, dum illud quod terrestre est & siccum, quodque ad coagulationem plurimum confert, à sale sejungitur, & in pulverem fatiscit.

Quod auctor subjicit de asservanda calce, postquam extincta est, rationi consonum planè videtur. Occulta enim fermentatio hujus salis lapidifici in molliori calce magis promovetur, quam ubi una cum arena exsiccante est permista. Sed de calcis natura & usu magis ex occasione quam ex instituto hæc dicta fuerint.

XV. Incunte anno 1668. variaz animalium dissectiones factæ ac cerebri structura imprimis examinata. Plantarum nonnullæ descriptiones à D. Marchant in rebus Botanicis admodum exercitato lectæ sunt. Camelus dissectus fuit magna cum cura, cujus historia publici postea juris facta est.

D. Hugen experimenta quædam fecit in machina pneumatica quam ante aliquot annos D. Gerike Magdeburgensis excogitaverat, ejus structura sibi reservata. Hujus machinæ P. Schottus mentionem fecerat: sed D. Boyle illius artificium detexit, multa huic adjecit ad usum faciliora, nova & præclara experimenta unà cum machinæ descriptione anno 1661. ab eo publicata non mediocriter lumen Physicis rebus intulerunt. Brevi post tempore D. Hugen nobilis Batavus præclaris inventis & scriptis toto orbe

ANN. 1668. celebris hanc machinam sic perfecit, ut usus illius longè sit facilior. D. Homberg nunc Academiæ socius eam machinam, ut à D. Gerike fuit excogitata, sic absolutam effecit, ut omnis generis experimenta in illa longè perfectiori modo fiant. Sed ea de re idoneo loco dicemus.

Nec necesse est quæ facta sunt in Academia experimenta singillatim referre, cum ea sint nunc temporis pervagata. Hujus generis fuerunt soni exhausto aëre extinctio, spiritus vini ebullitio, vehemens cupri in spiritu nitri post extractum aëra dissolutio & effervescencia, quæ subeunte aëre longè placidior erat.

Ac de Physicis experimentis quæ anni 1667. decursu, & ineunte anno 1668. usque ad Paschale tempus sunt facta, satis multa diximus, nunc de Mathematicis dicendum, sed majori brevitate. Nam complura ex iis quæ tum temporis fuerunt in Geometria, Mechanicis & Dioptricis proposita, aut publici juris facta sunt, aut in operibus posthumis quæ D. de la Hire summa cura & studio collegit & expendit, quæque anno 1693. Typis Regiis excusa sunt, magna ex parte continentur.



SECTIO TERTIA.

De Astronomicis Observationibus.

ANN. 1667. **E** Physica ad Mathesim, ut ad difficiliorem scientiam progredimur, ac primùm quæ annis 1667. & 1668. fuerint observata, aut inventa, strictim attingemus.

CAPUT PRIMUM.

De rebus Astronomicis quæ anno 1667. in Academia discussæ fuerunt.

I. **C**um omnes Mathematicæ disciplinæ ad vitæ cultum, & ad eorum rerum quibus utuntur homines, facultatem sint peritiles, tum Astronomia pene necessaria generis humani societati semper fuit judicata. Hanc imprimis coluerunt Chaldæi, Aegyptii, Arabes, Persæ, ac Sineses etiamnum in ea cognitione & scientia studium omne suum ponunt. Hæc Christianæ religioni aditum ad illas gentes munit, quæ quidem de re alius erit disserendi locus. Nunc verò quanta curæ & studio hæc nobilis scientia in Academia excolta fuerit, dicendum nobis est, ducto ab iis exordium quæ minus habent splendoris, sed quæ si negligas, non erit majoribus locus.

II. Duæ sunt omnium primæ observationes Astronomicæ, quæ reliquis ut fundamenta subternuntur, linea meridiana & poli altitudo: ab iis ita-

que incipiendum duxit D. Auzout, cum viveret vir omni genere doctrinæ præstans. Cum autem utraque observatio variis fieri modis possit, primo loco habendi sunt ii qui ex aliis prioribus in quibus errandi est periculum, non pendunt. Huius generis est Poli altitudo quæ ex maxima & minima stellæ polaris aut alterius ex iis quæ nunquam occidunt altitudine meridiana, vel in eadem nocte, vel etiam post aliquot mensium intervallum dignoscitur. Nam ut norunt omnes vel mediocriter ab hac scientia instructi, ipsa poli altitudo inter utramque est media.

Die quinta Januarii anni 1668. D. Buot observationes suas altitudinis Poli die 30. Decembris in horto Bibliothecæ Regiæ factas Academiæ proposuit. Sextante usus est cujus radius erat sex pedum; ex maxima stellæ polaris & minima altitudo, Poli ipsius altitudinem 48. gr. 52. m. invenit, distantia stellæ polaris à Polo inventa est 2. grad. 28. m. 15. sec. D. de Roberval eandem fere stellæ polaris à polo ipso distantiam reperit, errorem tamen nonnullum ex pinnula male collocata irrepisse postea compertit: atque haud scio an refractionum tum habita fuerit ratio, qua D. Cassinus stellam polarem uno minuto ultra quam par sit, attolli deprehendit.

III. Sic linea meridiana stellæ alicujus fixæ beneficio satis accurate delineatur, cum ejus stellæ altitudines duæ sibi æquales sumuntur, in æquali à Meridiano distantia. Nam Orientali primum, tum Occidentali azimutho in plano horizontis utrimque notato, qui ab iis comprehenditur angulus bifariam sectus lineam meridianam præbet.

Unam è fixis quæ inter polum mundi & Zenith nostrum pertransit, seligi commodè posse admonebat D. Hugenius; una v. gr. ex septem majoris Urse circa menses Martium & Aprilem his in regionibus huic rei est aptissima, si extremam caudæ exceperis, quæ ultra Zenith excurrit. Sub finem Augusti eam itidem quæ in Cephei humero sita est, aut denique sub initium Novembris tres aut quatuor Cassiopeæ stellas in eadem rem adhibere licet. Id quoque circa solstitium æstivum, cum Solis declinatio pene eadem manet, commodè fieri potest. Tum enim Azimutha Solis radiis, aut styli umbra facilius designantur.

IV. His bene constitutis stellarum situs & positiones facilius designari, & cœlestis globus longè accuratius quàm solet, delineari poterit. Quod ut citra errorem sensibilem consequi liceat, stellarum ascensiones rectæ, & earum differentie, necnon & earum declinationes, horologii oscillatorii ope seu penduli à clarissimo Hugenio ante aliquot annos inventi, perspectæ haberi debent. Qua id ratione fieret, adhibitis filiis ad perpendicularum super horizontem erectis ex triangulorum Sphæricorum analysi ipse demonstravit. Eadem pene methodo quæ & quanta sit Atmosphæræ refraction in quavis altitudine Solis dignosci posse ostendit. Demonstrationum seriem excipere longum esset, & ab instituto opere alienum.

V. Stellarum loca variis modis restitui posse inter omnes convenit. Primum si Sextantis ope inter duas stellas illustres distantia sumatur, tum aliarum stellarum distantie ab una ex iis duabus prioribus capiantur. 2. Si altitudinis meridianæ & ascensionum rectarum differentie sumantur, idque

ANN. penduli beneficio. 3. Si poli altitudine cognita, stellarum altitudines & azimutha observentur.

& 67. Die 18. Decembris anni 1666. D. Auzout Epistolam misit ad D. Oldemburg Regiæ Societatis Anglicanæ Secretarium, in qua rationem observandæ diametri cujusque planetæ accuratam exponit, quæve methodo parallaxis, ac distantia Lunæ à terra inveniatur: simul & causam affert cur in postrema Eclipsi quæ mense Julio contigerat diameter Lunæ à D. Hevelio major octo vel novem minutis secundis visâ fuerit quàm in ipso defec-tionis initio, cujus Epistolæ summarium in Diario Anglicano mensis Januarii anni 1667. exscriptum est.

In ea quidem Epistola primum admonet se unâ cum D. Picard in id incubuisse ut Solis & Lunæ diametros accuratiore, quàm quæ hætenus adhibita fuerit, methodo, observarent. Quandoquidem diametri ad mi-nuta usque secunda dividuntur, & longitudo pedis in 3000. partes ita ab iis secatur, ut vix unius partis error possit obrepere, ac pene id pro certo habeatur non amplius 3. vel 4. secundis in dimetienda Solis aut Lu-næ diametro aberrari. Diameter Solis in Apogæo non minor 31. m. & 37. f. inventa est, & in Perigæo non amplior visâ est quàm 31. m. 45. f. Lunæ dia-meter nunquam fere minor 29. m. 40. f. nec major 33. m. nisi aliquot min. secundis.

In alia quæ paucis post diebus scripta est ad eundem Epistola, observa-tionis à D. Hevelio factæ in postrema Solis Eclipsi eandem causam affert, quam protulimus, ac subinde notat contra futurum fuisse, si Eclipsis sub vesperam contigisset: tum enim Luna inferior fuisset circa finem Eclipsæos, ac proinde minor visâ esset ejus diameter.

Utriusque huus scripti occasione Micrometri originem & usum descripsit D. de la Hire, in eo opere quod anno 1693. Typis Regiis excusum est, de variis opusculis quæ Academici diversis temporibus elucubrarunt. Illud memoriâ posteritatis dignum annotavit, hanc dimetiendi planetarum diametros rationem per reticulum in loco tubi appositum, jam antea ex-cogitatam fuisse. Sed id habet incommodi, quod quadrata inter fila com-prehensa, quæque angulis dimetiendi inserviunt, non adeo exilia fieri pos-sint, ut imagines corporum inter aliquot fila accuratè sint comprehensæ. Unde quod excurrit ex gr. pars corporis tertia vel quarta, judicio quodam vis imaginatricis æstimatur.

Quod itaque deat reticulo, ut rerum objectarum imagines semper in-ter duo fila serica aut duos capillos, vel lamellas totæ essent comprehensæ, & filorum distantia tam minutim forent divisæ, ut ad secunda usque minuta perspectæ esse possent, illud à D. D. Auzout & Picard postea expletum fuit.

Ille machinula usus est quæ parvæ cochleæ ope capillos aut lamellas sic promovet ut parallelismum cum aliis fixis servant, atque ita rerum ob-jectarum imagines intra duorum crinium intervalla totæ concludantur. At-que hæc cochlea tres v. gr. efficit circuitus, ut filum unius lineæ pro-moveatur. Verum & illa filorum distantiam dimetiendi ratio exquisitam machinæ structuram postulat, ac subinde metuendum est ne crebris motibus

tandem attrita minus fiat accurata. Unde D. Picard aliam dimetiendi inter capillos distantiam per microscopium excogitavit viam. *Astro- nomica*

Hanc in rem usus est regulā in partes 400. divisā, eaque erat unius pedis, cum microscopium adhibuit quod eō usque producebat, dum rerum imagines sexagies augeter, quod factū facile fuit sexaginta partibus in regula designatis, & uno oculorum in microscopium intento, dum alterius oculi ope sexaginta partes regulæ conspicerentur, & utraq̃ue magnitudines æquales inter se apparent. Tum enim illud perspicuum fit, sic dispositum microscopium rerum imagines sexagies augere in eadem distantia.

Quibus rite peractis cum imago intra duo fila planè intercepta iudicata fuerat, reticulum regulæ ipsi est applicandum, & per microscopium intueudum quam regulæ divisionem attingat. Reliqua loco citato operis nuper editi dilucidè exponuntur.

VI. At nobis pene exciderat Eclipsis Solis quæ die 2. Julii anni 1666. in ædibus D. Colbert summa cura fuerat observata à Mathematicis supra memoratis D. D. Hugen, Roberval, Auzout, Frenicle, Buot. Hi namque tum temporis jam unā constitutis diebus in Bibliothecam D. Colbert conveniebant.

Cum ii cuncta quæ opus erant ad observationem tum eclipsis lunaris, quæ die 16. Junii, tum solaris quæ 2. Julii futura erat, comparassent, cælo nubibus obducto Lunæ defectio videri non potuit; eam tamen in Italia jussu Serenissimi Principis Hetruriæ Leopoldi, hora 7. 34. min. observatam refert D. Payen in Ephemerid. Eruditorum die 6. Septembris ejus anni, ubi nonnulla cognitione digna commemorat. Ea fuit horizontalis, quæ rarò sub oculos venit, adeo ut Sol & Luna simul conspiciantur in horizonte. In hac Lunæ defectione nubes horisonti finitimæ Solis aut Lunæ conspectum oculis subduxere; atque hoc Phænomenon perparum durat; unde res tantum ex omni hominum memoria ejusmodi eclipses observatæ memorantur.

In Actis Academiæ mensis Junii anno 1692. illud à D. Cassino memoratum invenimus, magnum Hetruriæ Ducem Astronomos in diversa mississe loca qui eam Lunæ defectionem observarent, atque iis solis qui missi sunt in parvam Insulam, quæ Gorgonia dicitur, tempus fuisse, cæteris obductum cælum obtitisse quominus horizontalem illam eclipsim cernerent.

Solis autem defectio die 2. Julii hora quinta matutina 43. m. 20. sec. incæpit. Maxima fuit 7. digitorum & 56. m. phases omnes accuratissimè sunt observatæ: ex quibus diameter Lunæ paulò minor Solis diametro, aut saltem æqualis apparuit, cum tabulæ Astronomicæ Solis diametrum minorem quàm revera se exhibeant. Nam in Apogæo est 30. m. 35. sec. cum Keplerus & alii 30. tantum ei minuta tribuant. Sic diametrum Lunæ jussu majorem efficiunt.

Et quidem die 8. Julii cum Luna esset perigæa & in prima quadratura, circa horam octavam cum semisse, diameter ejus visa est 33. m. die 14. cum esset in media sui longitudine, fuit 31. m. 35. sec. die 22. cum esset apogæa circa tertiam à media nocte horam 29. m. 50. sec. apparuit. Atque in dimetiendis Lunæ diametris refractionum habita est ratio, quæ à plerisque Astronomis

ANN. ante neglecta fuit. Qua ratione diametri Solis & Lunæ multiplici fili aut cæ
1667. pilli in foco telescopi aptati citra errorem definiti possint, scripto publico
tum vulgatum est; & anno 1667. à D. Galloys in Ephemerides undecimas ejus
anni relatum, ubi machinæ hujus descriptio breviter & dilucidè exponitur,
eque, ut diximus, in opere nuper dicto fusè describitur.

VII. Toto defectionis tempore Lunæ circumferentia telescopia æquabiliter
rotunda & nigra, nusquam protuberans apparuit, ita ut nulla atmosphaera
Lunæ circumfusa videatur.

Qui in horto Bibliothecæ Regiæ sextantis ope Solis altitudinem sumebant;
circa medium eclipsis tempus frigidiusculum experti sunt, tametsi vix quis-
quam ante non admonitus vel domi, vel in agro Solem deficere advertis-
set. Cum enim partem Solis diametri paululum dimidia majorem, Luna te-
geret, vix oculi eam luminis differentiam percipiebant. Sed longè alia est
caloris ratio: unde specula ustoria ad eam rem parata circa mediam eclip-
sim minorem comburendi vim habuere, quàm circa initium ac finem: si-
gnum quidem incenderunt, sed citra flammam, & chartam albam inflam-
mare non potuerunt. Idem enim contigit ac si speculum primò tota superficie,
tum parte ejus dimidia resecta solis radios exceperisset.

VIII. Cum Observatorii Regii locus jam esset designatus, eò Mathema-
tici 21. Junii anno 1667. solstitii die se contulerunt, ut lineam meridianam
in lapide quadrato ad eam rem destinato, & cura D. Couplet collocato
delinearent. Duplicis Sextantis ope octo Solis altitudines & octo azymutha
ante meridiem, post meridiem quoque solis altitudines sumptæ, & azymutha
totidem quæ prioribus respondebant. Qua quidem ratione octo lineæ meri-
dianæ sibi mutuò parallele sunt delineatæ; duæ tantùm ex iis paululum versus
Occidentem, quantus fere est apex circini, ad se mutuò inclinabant; tres
ex iis lineis paulò altius lapidi sunt incisæ, ut ædificii situs ad cæli plagas, ut
per erat, componeretur.

Acus Magnetica his lineis applicata paululum ad Occidentem declinare
visa est, sed non amplius quàm 15. minutis ab his deslecebat.

Altitudo Solis meridiana 64. grad. 41. m. reperta est: ex qua si subduxeris
23. gr. 30. m. (si ea sit vera declinatio solis,) restabunt 48. gr. 49. m. pro
altitudine poli, seu loci illius latitudine. Quod si declinatio solis sit 23.
gr. 29. m. in Observatorio poli altitudo erit 48. gr. 50. m. vera nimirum,
non apparens tantummodo.

Eodem anno Observatorii fundamenta jacta sunt, quod testatur numis-
matis tum incisi inscriptio his verbis:

*Sic itur ad Astra. Ex subscriptio
Turris siderum Speculatoria.*

Anno M. DC. LXVII. in prima facie numismatis linearis designatio futuri ob-
servatorii, in posteriori Regis effigies insculpta, cum his verbis Ludovicò
XIV. regnante & ædificante: quæ de re postea dicitur.



CAPUT II.

De rebus Geometricis & Mechanicis.

IN On decebat Geometriam & Arithmetica, quibus Mathesis tota innitur, quæque in dies novis inventis locupletantur, inhonoratas præterire : perpaucas ex iis quæ à Geometris proposita fuerunt & demonstrata leviter attingemus, quod inter Miscellanea, aut opera posthuma Academicorum Typis Regiis magna ex parte jam sint excusa.

Hujus generis sunt ea quæ de triangulis Sphæricis & Rectangulis sunt demonstrata à D. D. de Roberval & Frenicle. 2. Demonstratio regulæ de maximis & minimis à D. Hugens proposita & nova methodo explicata. 3. Ejusdem regula de inveniendis Logarithmis multò compendiosior quàm pervulgata. 4. Regulæ ad inveniendas tangentes linearum curvarum. 5. Ratio triangula Sphærica resolvendi.

II. Tractatum quoque Mechanicum de centro gravitatis jam ante multos annos elaboratum exposuit D. de Roberval. Idem propositiones quasdam de inveniendis multarum magnitudinum centro gravitatis, sive virtutis, suis demonstrationibus munias exhibuit, quodque ab alijs instar postulati ponitur, demonstrandum suscepit.

III. Ista quidem primis anni 1668. mensibus fuerunt agitata, atque iidem fere temporibus varii machinarum typi sunt expressi curâ D. Niquet, tum juvenis præstanti ingenio & flagranti in Mathematicis studio, in quo quidem jam ab iis temporibus D. Couplet egregiam navavit operam, ut machinarum typi & instrumenta affabre fierent.

Id enim non inutile futurum judicavit Academia, si machinarum, quæ magis sunt usitatæ, typi effingerentur, quidve ad earum perfectionem addi posset, diligenter expenderetur. Hoc Domino Niquet demandatum : ab ea machina quæ grus architectonica, aut Geranos appellatur, cœptum est. Hujus machinæ partes omnes & usus accuratè exposuit. Quid in iis conficiendis peccari soleat ab artificibus, quidve ad usum his magis accommodatum adjiciendum existimaret, non omisit. Idem postea machinam Architectorum tractoriam v. *Engin* dictam & partes illius singillatim descriptas exposuit.

IV. Atque hæc de machinis & earum usu sunt discussa. Ab his ad vires motrices animalium progredi placuit, & experiri quantum ponderis homo trahere possit, aut pellere ut stat aut sedet, aut diversos subit situs ; tum quanta sit vis hominis cum vi motrice equi comparata. Primum in hanc rem aptata fuit in Observatorii Regii loco designato machina, cujus mox meminimus, grus nimirum architectonica, cui equus onerariis navigiis trahendis assuetus aptato per trochleam fune illigatus, pondus 401. librarum è terra subvexit : huic attollendo septem homines vix pares fuere funem trahentes, eo quo solent pontones v. *des bacs* promoveri modo : adeo ut hominis satis validi vis motrix eam fere habeat rationem ad vim equi robusti, quales adhiberi solent cartis trahendis, quæ est 1. ad

ANN. 7. nec fere majus quàm 60 librarum pondus eo quo diximus modo ille attollat. Sed ratio tamen habenda est funis per trochleas ducti, ac demum attritus qui sane in ea occasione non mediocris fuit.

Huic experimento alia generis ejusdem subiecta sunt eodem in loco die decimo Julii. Primum quidem ab homine pondus majus fuit corporis pondere sursum attolli vix posse ea ratione fuit comprobatum. Homo satis gracili corporis habitu, pondus 130 librarum trochleæ illigatum evêhere non valuit: unde ejus collo corpus 25. libr. suspensum fuit, tumque pondus 130. ad altitudinem sesquipedis sustulit; aliud deinde ejusdem ponderis corpus ejus collo suspensum est, tum magna facilitate prædictum pondus 130. lib. ad octo usque pedes sublatum est: sed cum unus ex iis qui aderant, manibus appensa pondera sublevasset, tum homo victus à pondere è terra paulum elatus est, adeo ut in sublime actus fuisset, nisi statim appensa collo pondera retinere desisset, qui incio, nec cogitanti eadem manibus sublevarat. 2. Illud quoque pertentatum fuit utrum homo majori vi corpus ut vectem ferreum ad se traheret quàm à se repelleret: æqualem esse utrobique vim compertum est. Ab homine stante & demissis brachiis majus attolli pondus, quàm si idem sedeat, & brachia itidem dimittat, observatum fuit, quòd eo sedente muscoli tantummodo brachiorum & renum, sed stante crurum quoque muscoli vim suam exerant. Tum D. Hugen quæ sint inter funes qui juxta diversos angulos pondus trahunt, virium differentie scripto exposuit.

His non leviter perstrictis quædam non inutilia circa vecturas sunt observata. D. de Roberval duo maximè in iis spectari posse admonuit, nimirum solum in quo fit subvectio naturam, tum rotarum magnitudinem. Cum solum firmum est, majores rotæ nihil habent cur minoribus anteponantur, nisi fortè quod in his mollioli cum axe major sit affricus. Verùm id perparvi est momenti, cum axis est ferreus, & partes omnes axungia sunt oblitæ. Atque ut major rota pauciores agat circuitus quàm parva, æquali tamen velocitate in terra moventur peripheriæ. Quin etiam majoris rotæ pondus obesse non nihil potest, cum onus est levius.

At si solum ipsum molle sit & lutosum, ita ut in id aliquantum rotæ descendat, tum majores in hoc minoribus sunt anteponendæ, quòd radii sint totidem vectes in illis longiores, quæque adeo resistentiam soli facilius vincunt. Hypomochlion seu fulcrum vectis in eo est puncto quod tangit rotæ circumferentia, vis motrix in centro ipsius rotæ, qua parte scilicet fit tractio; resistentia est in eo loco, ubi major occurrit obex, nimirum inter supremam & infimam terræ mollioris quæ scindenda est, partem, & quasi in centro gravitatis ipsius resistentiæ, quam major vectis facilius vincit.

Cum autem ex firmiore solo in mollius rota descendit, aut vicissim ex molliori in solidius, id fit per ascensum quemdam & descensum quasi in plano inclinato; tumque varia esse possunt unius præ altera aut commoda, aut incommoda, quæ ex vecte & plano inclinato inter se collatis ducuntur.

Sed ubi solum est asperum & silicibus salebrosum, tum succus sunt duriores, atque his superandis majores rotas esse magis idoneas ex plani inclinati

inclinati affectionibus ante demonstratis ostendit D. de Roberval.

*Me-
chani-
ca.*

VI. Ampliores quoque rotas minoribus præferri oportere his rationibus ostendit D. Buot, quod illæ majore sui parte solum tangerent, neque adeo tam altè in terram molliorem aut arenosam descendant: unde seu mollius sit solum, seu lapidibus sit asperum, tum major obex opponitur minori rotæ, quàm majori, quod illius peripheria angulum mixtum cum terra efficiat ampliorem: adeo ut terræ quæ minoris rotæ immerse partem anteriorem connectit, majoris sit molis. Sic ubi saxa occurrunt, ea majus afferunt impedimentum, quo angulus ille est apertior, atque illi obices ægrè superantur. Illud jam fuit observatum longiorem esse vectem in majore rota, & vim illius fortiozem. Unde si pars radii à centro, seu à modiolò rotæ ad punctum contractus rotæ cum terra, dupla sit partis radii, quæ ab eo puncto fulcimenti ad punctum resistentiæ ducitur, ac resistentia ipsa sit dupla potentiæ, tum fiet æquilibrium: quare aucta paululum vi motrice resistentiam vinci necesse est.

VII. Hoc ipsum alia ratione demonstravit D. Hugens, in via salebrosa & filicibus aspera vim illam, qua trahitur minor rota, esse in ratione subdupla diametri majoris rotæ ad minoris diametrum.

VIII. Hoc utique D. Mariotte per tabulas sinuum confecit; illud quoque subjecit in solo arenoso aut luto quod rotæ penetrant & quodammodo perfecant, minorem rotam altius quidem subire, sed in longum minus secare; unde utriusque fere æqua sunt incommoda, cum solum firmum est sub luto aut arena. Quod si enim pressione tantum arenæ firmetur, cum minor rota altius subeat instar cunei acutioris, ægrè admodum ex arena aut luto se expedit. Quod si obices sint minoris momenti, quales sunt arborum ramuli qui franguntur, aut glebæ quæ rotarum pondere comminuuntur, ad explicatas regulas referri possunt, & eadem pene ratione solvi. Sub idem tempus D. Picard quæ sit Sequanæ declivitas à vico v. *Essone* Lutetiam usque scripto tradidit.

CAPUT III.

De Eclipsi lunari, quæ contigit die 26. Maii anno 1668. ubi de scientia longitudinum perperca.

I. **D**ie 26. Maii anni 1668. circa horam secundam à media nocte, eclips- *Astro-*
sis Lunæ in monte Martyrum magno studio & cura fuit observata. *nomi-*
Hic locus selectus fuit, quod sublimis sit, atque ex eo liber pateat in ortum *ca.*
Solis & occasum prospectus. Omnibus instrumentis, horologiis, tubis cò
pridie comparatis, initium defectionis hora 2. 12. m. 47. s. post mediam noc-
tem incæpit, cum ante octo horæ minuta penumbra jam sub conspectum
venisset. Umbra terræ primum Lunæ subiit lumbum orientalem circa lucidum
illud punctum quod Antarchi nomine designare placuit recentioribus Astro-
nomis; tum parvulum lunam ad decem usque digitos obduxit, non procul ab
F

ANN. ea parte lucida Tychonis nomine insignita. Eclipsis quidem semidigito major
1668. quam præva esset, apparuit, quod pars Lunæ à Sole illustrata horizonti finitima prærefractione arctior quàm par esset, videretur.

II. Antequam eclipsis inciperet, subnigra macula, mare Caspium vocant, erat limbo proxima, diameter Lunæ 33. minut. & 8. secund. fuit observata. Ex quo D. Picard suam conjecturam antea propositam confirmavit, Lunam videlicet non aliàs majorem videri, ubi ejus altitudines supra horizontem pares sumuntur, quàm cum perigæa soli opponitur, aut cum eo conjungitur: tum enim supra horizontem multum sublata ad 34. usque min. patet ejus diameter, & aliquot tantum secundis minor esse potest: cum in quadraturis & perigæa ejus diameter ad 32. tantum min. & 30. sec. nec amplius pateat. Id verò hoc magis notandum putabat, quod Astronomi huic contrariam hypothesim ut certam posuerint.

Ex umbræ transitu per diversas lunæ partes suis nominibus designatas observato judicatum fuit diametrum umbræ duplam tum fuisse lunæ diametri; penumbra semper visâ est umbram antecedere unius ferme digiti longitudine. Sed vix ea sub finem eclipteos potuit ab umbra secerni die jam illucescente.

Luna horizontem cœpit attingere hor. 4. cum 5. min. & 29. secundis. Quod si eclipsis illa centralis fuisset & horizontalis, jam illius centrum supra horizontem tum sublatum fuisset 28. min. cum centrum Solis cœpit emergere: utrumque adeo luminare pene integrum supra horizontem videri potuisset, nisi quid aliud lunam oculis subduxisset.

Eandem eclipsis D. Cassini, uti antea ex condicito convenerat, Romæ observavit. Atque ex collatis observationibus differentia Meridianorum Romanæ inter & Lutetiam fuit constituta, quæ postea è satellitibus Jovis accuratius fuit definita.

III. Sub idem tempus die nimirum tricesima Maii D. Colbert ex Academia D. de Carcavi, Hugens, de Roberval, Auzout, Picard, cum Domino Galloys, qui tum erat, à Commentariis aut Secretariis, (tum enim profectus eram Aquisgranum, in comitatu illustri. Viri D. de Croissy Legati & Plenipotentarii Regis Christianissimi) in suam Bibliothecam arcessivit, quo D. du Quesne Regiæ Classis Legatus statim una cum nobili Germano olim in Suecia Tribuno militum se contulerat. Hic excogitatum à se rationem certam & facilem cujusque loci in mari longitudinis inveniendæ proposuit. Atque illud tamdiu quæsitum & navigationi perutile arcanum se ita demonstraturum receperat, ut quæ contra opponerentur, facile dilueret. Postera die omnes in eundem locum convenire: duas hanc in rem machinas exhibuit, quibus longitudes locorum certò dignosci possent, earum usum scriptis expositum domino Galloys tradidit, ut ab iis qui huic rei dignoscendæ erant præpositi, expenderetur.

In hoc positum erat nobilis illius Germani inventum, ut constructum à navi, in quamcumque partem lati perspectam iter haberetur. Trabem illam, cui instar spinæ dorsi carina navis confectus est, quæque vulgo dicitur *quille du vaisseau*, sub ea parte cui versorium apponi solet, à summo ad imum perforabat. Huic foramini satis amplo machinam suis rotis

instructam cum capsula ex crassiss. asseribus & pice titè obducta, ne aqua *Astro-*
subiret, aptabat. Hujus machinæ artificium minutius describere nihil necesse *nomicæ*
est, cum nullius penè usus eam futuram esse ex iis quæ factæ sunt objectio-
nibus colligi possit.

IV. Primum enim Malaciæ tempore inutilis erit ea machina in profluen-
tibus v. *Comans*: tum enim ab aqua nullam motus impressionem exci-
piet, cum tamen navis unà cum aquæ mole longum iter conficiat. Dein-
de ubi navis impetus aquæ currenti è diametro opponetur, & venti per-
santis vis aquæ motioni æquabitur, stabit in eodem loco navis, nec pro-
mota, nec retrogressa: interea tamen multum itineris confecti machina in-
dicabit. 3. Ubi navis & currentis motus æquales, & in eandem partem fu-
turi sunt, tum navis duplo celerius promota fuerit, quàm machinæ de-
monstrent. Uno verbo quoties navis adversus currentes progredietur, si-
mper machinæ plus itineris confecti, quàm revera decursum fuerit, & vi-
cissim minùs indicabunt quàm par sit, ubi navis secundum currentis mo-
tum feretur. Postremò cum acùs nauticæ diversis in locis varia sit, imò cum
eodem in loco non constans sit magneticis declinatio, hæc inveniendæ lon-
gitudinis ratio non minùs incerta est, quàm reliquæ omnes quæ versorio
ad hanc rem utuntur. Quamobrem re utrimque multum agitata conclusum
tandem fuit hujusmodi machinam peringeniosè quidem esse excogitatam,
sed ex ea longitudinum scientiam haberi nullomodo posse: tametsi hujus
machinæ Auctor, quod promiserat, ad exitum illam non perduxerit, cum
tamen Rex munificentissimus satis ampla mercede muneravit, quod ingenio-
sum esset inventum.

V. Interjecto aliquo tempore Epistola quædam à Religioso viro missa
est ad D. Colbert, qua ille detectum à se meridianum fixum & prima-
rium declarabat, cujus beneficio longitudes locorum certò dignosci facile
possint. Quid eo nomine fixi meridiani Auctor intelligeret, cum non satis
liqueret, responsum illi fuit ut arcanum suum cum viris Academicis qui
tum Cadomi aggregabantur, communicaret, aut ipse mentem suam scripto
exponeret. Sed re in longum tempus dilata, quod arcanum suum evulgare
nollet, tandem incunte anno 1669. Parisios se contulit, die 20. Februarii.
Cum arcanum Astrologiæ figmentis omnino subnixum esset, rejectum id fuit
ut inutile & commentitium.

VI. Hoc anno 1668. cum D. Cassini invitasset Astronomos ad observa-
tiones eclipsium satellitum Jovis faciendas, quorum invenerat elementa, &
Ephemerides ediderat cum methodo eas supputandi. Quamplures ex iis
eclipsibus sunt observatæ in Bibliotheca Regia à D. Picard, quibus ut
testatur D. Galloys in diario Eruditotum 10. Decembris illius anni Ephe-
metides ipse sæpe exactius convenire deprehensæ sunt quàm Auctor ipse
promiserat. Primi satellitis eclipses observatæ die 7. & 8. Septembris, 22.
& 23. Octobris: eclipses secundi observatæ sunt die 9. & 16. Octobris:
Tertii eclipses die 12. & 20. Novembris; quod ideo innumis, ut error
in designandis satellitibus qui in ea editione bis irrepsit, corrigatur.

Harum eclipsium experimento tum primum in Gallia factò magna spes
affulsit hujusmodi Ephemerium ope posse ex condicito fieri à diversis Ob-

ANN. servatoribus in remotissimis terræ locis constitutis eclipsium observationes; 1668. ex quarum comparatione differentiæ longitudinum multò exactius, multoque frequentius determinentur quàm alia quavis hæcenus proposita methodo. Et exinde agi cœptum est de mittendis sub Regis munificentissimi patrocínio in diversas orbis partes Observatoribus qui longitudines locorum ad Geographiæ & rei Nauticæ perfectionem observarent.

VII. Circa idem tempus prodit Liber gallicè scriptus ab erudito viro D. Denys Deppensi, cujus titulus est, *Artis navigandi numerorum ope perspecta*. D. Frenicle rogatus ab Academia hunc Librum evolvit, & animadversiones suas scripto tradidit quæ in Commentarios sunt relatæ. Multa scitu digna circa sinuum, tangentium & secantium doctrinam & calculos, nonnulla item circa Logarithmos ab eodem viro doctiss. D. Frenicle sunt observata, quæ longum esset exscribere. Inter alia quæ ad navigandi artem spectant, illud docet, quæ ratione longitudo loci ex latitudine cognita & decursu itinere per trianguli rectanguli Analysim habeatur: ex gr. 25. leucarum spatium à navi confectum est, atque ex observationibus factis sub initium & finem itineris compertum fuit 20. leucas à Borea in Austrum, aut vicissim, seu in latitudinem esse peragratas, quæritur quantum itineris in longitudinem confectum fuerit. Quæsitum longitudinis latus ea perbrevis ratione consequemur, si quadrato numeri 25, seu itineris confecti nempe 625. detrahas quadratum numeri 20. scilicet 400. Restabunt enim 225. cujus latus aut radix est 15. Quindecim itaque leucis navis promota est in longitudinem. Tabula quadratorum numerorum usque ad 100. vel 200. confici facillè potest, ex qua radix proxima cujusque quadrati statim perspecta fiet. Rarò enim evenit ut amplius quam 200. leucis super eundem venti Rhumbum navis promoveatur. Quod si longitudinis 15. latitudinis 20. latera trianguli sint nota, & decursum spatium quærat, tum duo numeri quadrati 400. & 225. in unam summam collecti dabunt 625. cujus radix 25. confecti itineris spatium exhibebit, idque compendiosiori via, quàm per sinus & tangentes. Multa hujus generis ad artem navigandi non inutilia eruditæ & accuratæ illæ animadversiones complectuntur quæ forsitan aliquando publici juris fient.

CAPUT IV.

De Hydrostaticis.

I. IN Commentariis à D. Galloys Abbate digestis die 20. Junii anno 1668, Tractatus brevi stylo & accurata methodo conscriptus à D. Mariotte de Scenographia, seu Perspectiva reperitur, qui fortè aliquando publici juris fiet. Is 27 propositiones complectitur quibus hæc ars pene tota continetur.

II. Paucis post diebus de motu & pressione aquæ profluentis agi cœptum est. Duo quædam experimenta faciendâ proposuit D. Picard, quæ præcipuis ea de re Theorematis sunt instar fundamenti. Primum illud est

ab Abbate Castelli enuntiatum, velocitatem aquæ eodem in tubo vel aquæ ductu ea ratione augeri, quæ ejus altitudinem. Alterum illud est à Torricello proposuimus aquam è fundo vasis, aut è latere perforato eadem velocitate exire quam acquisivisset, si ex eadem altitudine aqua vase contenta cecidisset. Utrum hæc ita essent, placuit experiri.

III. Ac primum quidem duo vasa cylindrica ejusdem altitudinis, sed inæqualis latitudinis in fundo sunt perforata: ubi ambo aqua fuerunt impleta, eadem aquæ quantitas eodem tempore ex utroque vase effluxit. Deinde ejusdem vasis fundo variis in locis perforato eandem aquæ molem iisdem temporibus per singula foramina exire compertum est. Postremo cum altitudo vasis cylindrici in 25. partes æquales divisa esset, aquæ superficies æquis temporibus juxta seriem numerorum imparium fuit imminuta, eadem propterea ratione quæ corporis sursum projecti spatia decursa minuuntur. Nam toto temporis spatio in quinque partes æquales diviso aquæ superficies per spatia 9, 7, 5, 3, 1, descendit, qui numeri impares quadratum ipsius temporis efficiunt: nam 25. quæ summa est numerorum imparium, quadratum est temporis in 5 partes æquales divisi.

IV. D. Hugenius quidem circa hæc experimenta animadvertit speculatione digna, quæ summatim perstringemus. 1. Torricelli theoriam hinc confirmari posse, quæ si fortè cum experientia minus inrerdum conveniat, hoc utique ex certis circumstantiis oritur, quæ ritè expensæ in causas ipsas hujus discriminis nos ducunt. Ex primo experimento illud colligitur, vasis latitudinem nihil ad pressionem aquæ in fundum vasis conferre, sed vim illius omnem ad aquæ altitudinem referri oportere, quæ imminuta effluxus quoque eadem ratione munivitur.

V. Ex secundo experimento id consequens esse dixit, fundum vasis æquabiliter ubique premi. Cum enim torum aquæ pondus fundum premat, pars unaquæque fundi tantumdem premitur, quantum à cylindro aquæ, cujus ea pars, fundi est basis; altitudo itidem est æqualis aquæ altitudini. Non quod pars illa fundi ab eo tantummodo cylindro prematur: non enim aqua illius cylindri effluxum aperto foramine subsequitur, adeo ut reliquum aquæ vase contentæ maneat immobile. Nam ex omni parte aqua ad exitum, seu ad foramen apertum confluit, atque adeo aqua omnis vase conclusa ad cuiusque patris fundi pressionem conspirat. Sed hæc vires ita sunt aliæ ab alijs libræ & distributæ, ut omnes exæquent pondus cylindri aquæ huic: foramini superpositi. Ubi enim patet exitus in imo vasis, partes huic proximæ eo confluunt, quæ locum aquæ elabentis repleant: adeo ut major sit earum nîsus aut minor, ut eæ magis aut minus premuntur. Unde partes foramini propiores lineas curvas ac pene circulares describunt, & juxta motum aquæ, quæ patet aditus, suam efficiunt impressionem, cum pressio non aliud quiddam sit quàm conatus corporis ut in alterius locum succedat.

VI. Quo autem posteriori experimenti ratio afferri possit, illud ante omnia instar principii ponendum est, quod experientia magis quàm demonstratione constat, aquam per apertum vasis foramen erumpentem eo velocitate ferri quæ par sit huic attollendæ ad eandem vasis altitudinem. Ex

ANN. quo illud sequitur eam velocitatem huic æquari, quam gutta aquæ ex eadem vasis altitudine delabens adepta esset: utrique enim tantum esset impetus acquisiti, quantum sufficeret, ut ad eam ex qua descendit altitudinem perveniret.

VII. Quid in causa sit cur huic principio experientia ipsa interdum adversari videatur, hoc ipsum paulo diligentius intuendum. Primum quidem sæpe aer obstat quominus aqua sursum & ad perpendiculum erumpens, ad eam ex qua delapsa est altitudinem perveniat. Aquæ eo majus est hoc impedimentum, quò major est aquæ celeritas & foramen angustius: plus enim resistit aer majori ejusdem corporis celeritati, & foraminis angustia efficit ut aqua citius spargatur in guttulas. Aer verò plus aut minus his obstat guttis juxta superficiæ rationem, quæ cum soliditate comparata major est in parvis, quàm in magnis corporibus; minoribus adeo guttis plus resistit aer quàm majoribus. Accedit illud quoque aquam sursum & ad perpendiculum salientem in seipsam recidere, & inferiorem quæ sursum eluctatur, repellere. Quod si fistula emissaria v. *un ajussoir* ita aptetur, ut aqua à perpendiculo deciscat, tum aquæ salientis minor altitudo futura est, quod tota aqua sursum non tendat, sed pars illius ad latera deciscat.

Jam si tubus angustior sit, & exitus paulo major, aqua magnâ celeritate descendit, sed lateribus tubi aut vasis adhærescens non eadem vi aquam sursum vibrat, ac si in latiore tubo moveretur.

VIII. Idem fere argumentum à D. Picard ex iisdem principiis, sed alia methodo pertractatum fuit die 28. Augusti. Primum ex vasis quæ licet sint inæqualia in latitudine, æqualem habent altitudinem, per æqualia foramina aquam eadem celeritate exire, atque ubi vasa semper implentur, iisdem temporibus eandem aquæ quantitatem effluere. 2. Cum autem per apertum in fundo foramen vas exinanitur, nec nova interim huic affunditur aqua, tantumdem aquæ ex vase altero & semper pleno intra dimidium temporis effluit: adeo ut in vase sensim, & usque ad quietem exhauriendo idem tempus impendatur, ac si primæ velocitatis pars dimidia semper perstitisset, dummodo foramina quæ in imo cujusque parent, magnitudini basis aut fundi sint proportionata: utrumque v. gr. sit pars quarta suæ basis.

IX. Quare in duobus vasis ejusdem altitudinis aqua paulatim citra novæ affusionem per æqualia foramina sic delabitur, ut tempora exinanitionis eam inter se habeant rationem, quàm bases. Cum enim eadem sit altitudo, ab eodem celeritatis gradu motus aquæ in utroque vase incipit, cujus pars dimidia si sumatur, eaque constans in toto effluxu, donec vasa sint penitus exhausta, æqua utrobique velocitas futura est. Cum igitur velocitates in duobus vasis sint æquales, exitus & foramina æquè patiant, tempora exinanitionis inter se eam habebunt rationem, quam aquarum exeuntium moles, seu bases cylindrorum. Atque è converso si foramina eam inter se habeant rationem quam bases, tempus integri effluxus utrobique æquale erit: nisi quid discriminis ex adhæensione aut affictu oriatur, cujus hoc in loco non habetur ratio.

X. Quo ista fierent illustriora, unum item ac alterum factum est expe-

rimmentum : vas cylindricum aqua repletum est, tum ope penduli quantum *Hy-* temporis impenderet effluxus per apertum in basi foramen, fuit observa- *drosta-* tum : eodem temporis spatio è vase semper pleno alterum tantum aquæ *tica.* effluxit. Est enim æquabilis aquæ motus ex eadem altitudine, cum vas semper plenum est. Sed continuo decrefcentis motus prioris est tantummodo subduplus. Quemadmodum triangulum in eadem basi, & in eadem altitudine cum parallelogrammo est pars hujus tantum dimidia. Cum igitur unus velocitas alterius sit dupla, eodem tempore duplum aquæ per idem foramen vasis semper pleni exire necesse est.

XI. Alterum quoque experimentum factum est circa theorema à Castello propositum, quod nimirum velocitas aquæ per inclinatum planum delabentis altitudini ipsi respondeat : ita ut in eadem canalis latitudine, cum altitudo aquæ dupla est, tum quadrupla sit aquæ profluentis quantitas, in ratione scilicet duplicata. Id primùm demonstrare conatus est, sed in paralogismum incurrisse postea ipse animadvertit. Quare ad experientiam provocavit. Tubus quantum fieri potuit, ei similis quem pag. 95. describit, paratus est. Sed experientiæ ipsi cum enuntiato minus convenire visum est : nam ubi quadruplum aquæ effluxit, altitudo quoque pene quadrupla reperta est.

CAPUT V.

Idem Argumentum continuatur.

I. **A** Liud experimentum iisdem pene diebus factum est in follibus, qui ex aquæ lapsu multum venti emittunt. Illud à D. de Roberval fuerat ante propositum, & D. Couplet follium parandorum cura erat demandata. Tubus hanc in rem ex ferro albo in tenues laminas diducto paratus est, cujus diameter erat 7. fete pollicum, altitudo septem pedum aut circiter cum duplici diaphragmate, uno in suprema pene tubi parte, altero in parte inferiore aptato, utroque in sui medio pertuso.

Amplius quoque ille tubus paulo supra inferius septum, aut diaphragma aliquot in locis sic erat perforatus, & tubuli iis foraminibus sic agglutinati, ut ocludi & referari quasi totidem Epistomia, vulgo *des Robinets*, faciliè possint, aëri nempe ad arbitrium retinendo, aut emittendo. Aquâ per infundibulum oblongioris colli & cum aperto superioris diaphragmatis foramine arctè conjunctum affusâ aër magno impetu per unum ex epistomiis apertum erupit, ac ventus ille tamdiu duravit, quamdiu affusa est aqua ex unius aut alterius pedis altitudine delapsa.

Hujus effectus satis probabilem causam attulit D. de Roberval, quod aqua lapsu suo multum aëris secum abripiat : ea quidem ad imam tubi partem præceps ruit, sed aër præ sua levitate sursum eluctatur, qui per fistulam infundibili remeare nequit. Unde per apertum foramen majoris tubi cum impetu erumpit. Quo autem aqua ex altiori loco in ipsum infundibulum decidit, hoc majore vi aër pellitur. Atque ea ratione & fol-

ANN. les fabricari, & machinam ad arbitrium augeri posse aiebat, ut non oblectationi modo, sed etiam magnæ utilitati esse possint. Et quidem in quibusdam ulstrinis ferrariis hujusmodi machinæ adhibentur, ubi pars infima tubi aquam subjectam paulo altius subit.

II. Cum autem à nonnullis dubitaretur an forte motus ille aëris ex aquæ rarefactione & attritu, potius quam ex ea quæ allata fuit causa, oriretur eo fere modo quem exponit P. Kircherus in describenda consimili machina in ulstrinis Tiburtinis, cujus ope aqua in mappam lapideam cum impetu ruens ventum vehementem procreat: illud quoque experiri placuit. Sed aqua per cylindrum seu tubum sic decidit, ut aëra secum non traheret, eaque magno impetu in mappam ferream impingens aëra quidem cylindro contentum protrulit, sed eo exhausto nullus postea perflavit ventus, tamen aqua in corpus oppositum magna vi incurrens in guttulas comminuta videretur. Hinc manifesto conclusum fuit ventum ab his follibus hydraulicis procreatum, ab aqua rarefcente & quasi in pulverem comminuta non proficisci: sed is quem aqua secum aër trahit, hunc ventum efficit.

III. Hoc argumentum de vi motrice aquæ & aëris mense Aprili anni 1669. & sequentibus fuit continuatum & longius provecum. Quo autem vis aquæ defluentis perspecta haberetur, unam item & alteram machinam parari iussim. Hæc simplicior erat: vas cylindricum 3. altum pedibus, cujus basis sex lata digitis, foramine 4 linearum pertusa est in orbem: huic vasi subjecta est libra sic aptata, ut aqua in complanatam laminam bilancis brachio agglutinata, & vasi ipsi proximam impacta lancem antea in æquilibrio cum lance altera positam deprimeret. Vas aqua repletum est usque ad 35 pollicum altitudinem: tum fundi foramine reterato, & lanci oppositæ appenso pondere sæpius exploratum est quantum ponderis par esset sustinendæ aquæ impressioni, idque esse 2 unciarum fere cum semisse variis experimentis compertum fuit, aqua in tubo ad eandem semper altitudinem 34 pollicum affusa. Qua deinde imminuta, adeo ut duorum tantum pedum altitudinem obtineret, tum pondus unius uncie & $\frac{1}{4}$ aquæ impetum sustinebat.

Cum cylindri omnes aquæ, quarum singulæ bases erant 4 linearum, quantum scilicet patebat foramen in fundo vasis positum, ad calculos essent revocati, priorem cylindrum 35 digitorum altum 2 uncias & $\frac{1}{2}$ alterum 2 pedum unam unciam & $\frac{1}{2}$ continere deprehensum, ita ut ab ipsis ponderibus in altera lance positis, & ab aquæ impetu libratris non longe abessent. Quantulum enim erat discriminis, hinc omne oriebatur, quod laminam ferream in quam aqua è vase incurrebat, à foramine aliquantum removeri necesse fuerit.

IV. Ex quibus hæc conspectaria deduxit D. Hugen. 1. Impressionem aquæ è foramine in fundo vasis facto exeuntis æqualem esse cylindri aquæ gravitati absolutæ, cujus basis est foramen ipsum & altitudo eadem quæ ipsius aquæ vase contentæ.

2. Cum profluentis aquæ velocitates sint in ratione subduplicata altitudinum, aut ponderum cylindrorum, aquæ profluentis impressiones aut
sus

sus in superficiem planam sibi oppositam sunt in duplicata ratione velocitatum: adeo ut si fluvius duplo celerius certo temporis spatio labatur, *Hys* quàm alio tempore, ille quadruplo majore impetu in corpus directè *arista-* oppositum incurrat; si triplo celerius profluat, impetu novies majore impingat.

3. Cognita velocitate aquæ è cylindro 35 pollicum definiri potest cuiusvis aquæ profluentis impressio in superficiem oppositam.

V. Idem D. Hugen excogitavit machinam qua vis motrix aëris expendi potest. Ea constructa varia facta sunt experimenta, ex quibus palam fuit in aëre, ut in aqua impressionem vel potentiam esse in duplicata ratione velocitatum. 1. Nisum aëris impulsus iis respondere ponderibus quibus in machina comprimitur. 3. Quod si aqua & aër per idem foramen erumpant, & eodem premantur pondere, eadem utriusque impressiones futuræ sunt. Atqui inter velocitates aquæ & aëris per idem foramen eodem premente pondere exeuntium ea est ratio quæ 1 ad 12 aut circiter; cumque utriusque vires æquales ponantur, ubi celeritas aquæ & aëris eadem est, vis aquæ ad vim aëris erit ut quadratum 12 $\frac{1}{2}$ ad 1. Nam vires aquæ & aëris sunt ut quadrata velocitatum.

Cum de aquæ profluentis vi & impetu ageretur, ac subinde quæreretur, quæ sit ejus diversitas in variis ab aquæ superficie intervallis, D. Cassinus qui recens in Galliam venerat, machinam proposuit qua idipsum facile dignosci possit. Axis ipsi machinæ ad perpendicularum insistit, isque est circa seipsum versatilis, ala duplici instructus: quæ quidem alæ axi ita sunt affixæ & oppositæ, ut in eodem sint plano. Ex his una ad altitudinem aquæ propositam immersa vim fluminis excipit, altera extra aquam extante, eique funiculus sic est illigatus ut per trochleam machinæ horizontalem, eique affixam ductus lancem sustineat, cui tantum imponitur ponderis quantum satis est ad retinendam alam fluvio immersam: adeo ut ambæ alæ maneant in situ flumini opposito. Hæc autem machina eo in loco Sequanæ posita est, ubi alveus erat magis æquabilis. Experimento facto deprehensum fuit aquam majori impetu fluere circa mediâ ejus altitudinem quàm prope superficiem aut fundum. Hanc machinam D. Couplet paratam curavit & delineavit.

Consimili ratione cum de resistentia aquæ & aëris ad motum ageretur, D. Cassinus vesicam sic aptavit, ut pressa pondere perpendiculariter incumbente in follem plenum aëre, tum aquâ, eumque comprimens cogeret aquam exire, vel aëra. Tempore per vibrationes penduli annotato, quo follis eodem pondere pressus deplebatur, deprehensum est tempus quo aqua exhausta est, sexcentis majus esse eo temporis spatio quo aër depletus est.

VI. In eodem argumento versatus D. Mariotte tractatum legir ea de re à se elaboratum. Hic 29 propositionibus comprehensus quæ ad vim aquæ & aëris motricem spectant, enucleatè explicat. Primum advertit in pistinis rotas circumagi. & pondera in sublime tolli, ex aquæ gravitate, aut percussione, aut ex utraque, uti ex aëris collisû & vi elastica plerosque effectus machinarum pendere.

50
ANN. 2. Solo aquæ pondere rota suis allicibus instructa sic moveri potest, ut
1668. parte inferiori effundatur, superiori impleatur. Hunc in ulum concatenat o
vasculorum utrimque rotæ sic aptantur, ut dum ex una parte implentur
aqua, ex altera exhauriantur. Tum enim rota eorum pondere quæ imple-
tur, in orbem circumagitur.

3. Vis percussiois in aqua ex illius densitate & motus velocitate du-
citur. Sic in moletrinis aquariis pondus aquæ & impetus unâ con-
currunt.

4. Aqua profluens non eadem vi ferit obvium corpus, ac solidum quid
& firmum: ex innumeris enim constat particulis disjunctis, quæ si
primum non valeant corpus oppositum commovere, in seipsas reflexæ con-
sequentibus corpusculis sunt impedimento: sed corporis duri & stabili par-
tes omnes simul vim suam exerunt, & suam quæque directionem tuerunt.
Attamen aqua è syphunculo 7. aut octo lineis lato saliens corpus filo sus-
pensum longius protrudit motu horizontali quàm globus ligneus aquæ cy-
lindro gravior, quòd pondus suspensum quam minimo momento movea-
tur, motu quidem sub initium tardo, sed quem partes aquæ consequentes
celerius promovent, dum à tergo urgent, cum globus ligneus primo dun-
taxat impetu corpus propellat. Sed ubi corpus pensile sursum movendum
est, cum id ingenua sua gravitate semper obstat, aqua saliens prima im-
pressionem sursum non pellet, etsi globus ligneus prima percussione eaque va-
lidiorè illud sursum propellit.

5. Cum syphunculi sunt inæquales, sed æqualis est celeritas salientis
aquæ, potentix seu motrices vires eam inter se habent rationem quam su-
perficies. Quod probat ratio, & experientia confirmat. Nam vis per-
cussiois respondet corpusculorum æqualium, quæ nimirum aqua celeri-
tate aguntur, quantitati; atque ut superficies unius foraminis ad alterius
superficiem, sic se habet æqualium corpusculorum unius jactus quantitas
ad alterius jactus quantitatem, cum iidem temporibus ambo vim suam
exerant.

6. Ubi jactus aut syphunculi æqualem habent latitudinem, sed inæqua-
lis est eorum velocitas, tum pondera attollunt, quæ inter se rationem
habent duplicatam velocitatum. Cum enim velocitas unius est alterius du-
pla, & duplo plura aquæ corpuscula eodem tempore feriunt corpus oppo-
situm, dupla est horum potentia: unde & quadruplum ponderis corpuscu-
la aquæ numero dupla attollunt. Plura non addam, cum ista publici ju-
ris facta fuerint.

VII. Quæ comoda ex cognitione vis motricis aquæ & aëris ad vitæ
humanæ ulum capi possint, D. Hugenſ expofuit. Eam imprimis utilem esse
in constructione moletrinarum edocuit: nam in aquariis data aquæ quan-
titate & celeritate, quæ vis moletrinx futura sit, definiti facile potest, uti
& in moletrinis alaribus, quæ alarum magnitudo recipiatur, ut certum
producat effectum, ex iis quæ sunt explicata definiti potest. Hujus compu-
ti fundamentum ex factis experimentis colligitur. Aqua, v. gr. ea velo-
citate mota, qua intra minutum secundum pedem unum conficit, in pla-
num quadratum unius itidem pedis impressionem $44 \frac{1}{4}$ unciarum efficit,

(quod ex supra dicto experimento cfluxus aquæ è cylindro 35 pollicum *Hy-*
 alto cẽmutatur :) adeo ut celeritate aquæ eò usque auctâ ut intra idẽ *drosta-*
 tempus unius minuti secundi decem pedum spatium decurrat, in idẽ planum *sica-*
 impressionem 4450 unciarum faciat : cum impressiones aut potentiz sint
 ut quadrata velocitatum.

Sic aër è follibus ea vi perflatus ut 10 pedes intra minutum secundum
 percurrat, in planum itidem unius pedis quadrati impactus 9 unciarum im-
 petum facit. Unde si intra idẽ tempus 10 pedes peragret, ut ventus me-
 diocris solet, vis impetus erit 36 unciarum quadrupla nempe prioris. Jam
 quamlibet alam moletrinæ 32 pedes in longum & octo in latum, seu 256
 pedes quadratos habere ponamus, venti impressio in totam alam directè
 oppositam erit 576 librarum : nam 36 unciz ducenties quinquagies sexies
 in eo numero 576 libris continentur. Sed quia ventus alam ex obliquo fe-
 rit, si ponamus angulum semi-rectum, erit ut diagonalis ad quadrati latus,
 ita 576 libræ ad 411 $\frac{1}{2}$: adeo ut ventus qualis à nobis positus est, ea vi sin-
 gulas alas ex obliquo feriat : complura alia in aquarum ductibus, & salien-
 tibus non inutilia hinc erui possunt.

CAPUT VI.

De rebus Algebraicis, Geometricis & Mechanicis.

I. **I**sta quidem de Physico-Mathematicis in Academia sunt agitata. In- *Geo-*
 terim tamen puta Mathesis neglecta non fuit, sed multa eaque præ- *metri-*
 clara in ea scientia quæ hac ætate tantos progressus fecit, quæque circa *ca.*
 quantitatem universim spectatam versatur, hanc Algebra (speciosam vo-
 cant, multa quoque in Geometria, Arithmetica & motuum scientia sunt in-
 venta, aut longius prosecta, quæ satis fuerit leviter attingere, cum plera-
 que ex iis inter Miscellanea aut opera posthuma fuerint publicata.

Ac primum quidem D. Mariotte rogatus fuerat ut duos tractatus, unum
 de Algebra à D. Brancher nobili Anglo non ita pridem conscriptum, al-
 terum de Trigonometria à D. Norwood nuper editum perlegeret, ac de
 utroque quid sibi videretur ad Academiam referret, quod praestitit die 25
 Julii & 1 Augusti; utrumque opus methodo expedita elaboratum cen-
 suit, quæ in iis libris essent pertractata, quæque usus futura viderentur,
 aperuit.

II. Quadraturam hyperboles à D. Mercatore primùm propositam, tum
 à D. Vvallis explicatam & correctam, ac tandem à D. Hugens multis
 auctam demonstrationibus, tum quæ ad huius rei intelligentiam sunt neces-
 saria, ipsemet exposuit: simul quam utilis sit hæc hyperboles dimensio in-
 veniendis Logarithmis ostendit.

III. Paucis post diebus qua ratione regularis æquatio, cujuscunque sit
 gradus, deprimi possit D. de Roberval edocuit, idque inter Miscellanea
 insertum fuit, uti & ejusdem Auctoris Tractatus de ratione inveniendi

ANN. tangentes curvarum quarumcunque linearum per motus compositos.

1668. IV. In eo Tractatu primum quasdam vocum definitiones more Geometrico præmittit; quid lineæ simplicis, quid compositæ nomine intelligat. Illam esse ait ejusmodi ut in plano positæ pars unaquæque æquali ejusdem lineæ parti congruere aut aptari possit. Hujus generis est linea recta, aut circumferentia circuli. Quibus hæc deest proprietas, ex dici possunt compositæ.

2. Motus uniformis is est, quo mobile velocitate semper sibi æquali fertur, secus motus est difformis aut irregularis.

3. Potentiam vocat vim quamlibet motricem. Hoc enim loco ita accipitur, quatenus diversitati motuum cognoscendæ utilis est: tamen eo quoque nomine sæpius ea vis designatur quæ ponderi sustinendo, aut alteri effectui par est.

4. Impressio aut impetus est hujus vis motricis actio.


5. Linea directionis ea est per quam potentia movet corpus mobile.

6. Impressiones similes dicuntur, aut diversæ, ut lineæ directionis sunt inter se parallelæ, aut secus.

Duo autem in motibus maxime spectantur, directio & celeritas. Circa directionem hoc axioma præmittit. Vis motrix qua mobile circumferentiam circuli motu suo describit, est linea perpendicularis ad punctum extremum radii, in quo mobile reperitur; aut brevius, est recta quæ in hoc puncto tangit circumferentiam.

Res ipsa fiet illustrior, si Figura adhibeatur.

Sit mobile, quod motu suo describit circumferentiam circuli GBF in puncto B extremo semi-diametri AB, cui insitit ad perpendicularum BC



dico hanc rectam esse directionis lineam per quam mobile B movetur, cum huic puncto inest. Cujus ratio Physica hæc afferri potest, quod nulla designari queat alia directionis linea, qualem si quis fortè dixerit esse rectam BD, absurdum ex eo consequatur necesse est. Cum enim na-

tura nihil indeterminatum aut indefinitum patiatur, si recta B D ut linea directionis sumatur, quæ cum semi-diametro angulum D B A efficit, eodem jure linea B E quæ angulum E B A cum semidiametro A B æqualem D B A efficit, linea quoque directionis futura est: adeo ut sint duæ ejusmodi lineæ, neque ulla sit ratio cur una potius quàm altera seligatur. Quod utique absurdum est, ut sint duæ directionis lineæ. Ex quo sequitur non aliam assignari posse directionis lineam præter B C quæ angulum rectum comprehendit cum semidiametro circuli. Ex quo illud quoque consequens est hanc directionem in quolibet circumferentiæ puncto mutari.

V. Quod si mobile à G in B latum in puncto B circumferentiam circuli deferret, per lineam B C vi hujus impressionis deferretur. Quæ cum tangat circulum, hoc tanquam principium inventionis poni potest, in omnibus lineis curvis tangentem esse lineam directionis motus, quem mobile lineam curvam describens in eo puncto obtinet: adeo ut in motu variè composito directionis lineæ cognita, tangens quoque ea ratione perspecta habeatur: compositus verò dicitur motus, cum variè sunt mobilis impressiones.

Tum multa proponit theoremata & problemata de motibus compositis quæ longum esset pertere. Motum omnem æquabilem seu uniformem & rectum concipi posse ait, vel ut simplicem, vel ut ex aliis compositum. Atque hinc reflexionum & refractionum rationes deducit. Verùm hæc & alia plura satis recondita, cum jam Typis excusa fuerint, inanis esset labor noster in iis exscribendis, ac satis illud fuerit ad institutum nostrum illa indicasse.



SECTIO QUARTA.

De Actis 1669.

AB Astronomicis ducemus exordium, tametsi designato quidem, sed nondum exstructo Observatorio non adeo multa fuerunt.

CAPUT PRIMUM.

De quibusdam observationibus Astronomicis.

INterea temporis variæ observationes Astronomicae factæ sunt in Horto Regiæ Bibliothecæ, nondum exstructo Observatorio. D. Picard quæ à primo die mensis Octobris anni 1667. usque ad eundem mensis anni insequentis meridianæ Solis altitudines observatæ fuerint, recensuit, etæque in commentarios collatæ fuerunt.

54
ANN. Anno 1669. Aprili mense altitudines Solis meridianas ab Octo-
1668. bri anni 1668, ad hoc usque tempus eodem in loco à se factas cum iis quæ
& 69. ex tabulis Rodolphinis eruuntur, contulit, & in tabulas redegit, quarum
prima altitudines Solis, ut observatæ fuerunt, secunda easdem è tabulis
juxta locum Solis, obliquitatem Eclipticæ, & altitudinem Æquatoris com-
putatis, tertia differentias inter observationes & calculum inventas com-
plectitur.

II. Illud non tacendum videtur, stellæ quæ cor Leonis appellatur alti-
tudinem meridianam die 3. Maii inventam fuisse 54 gr. 42 m. 30 sec. Quæ
altitudo hora 7 & 5 m. hoc est 13 minutis horæ ante Solis occasum fuit
observata. Quod hætenus factum non fuerat ut die illucescente altitudines
stellarum meridianæ exploratæ haberentur.

Die 23. Julii Acturus visus est in meridiano, altitudo ejus 62 gr. 5 m.
tumque Sol erat supra horizontem 16 gr. 59 m. 35 sec. altus. Quare jam dif-
ficile non est ascensiones stellarum rectas invenire, non solum horologiorum
ope, sed etiam ex azimutho Solis eodem prorsus tempore observato, quo
fixæ altitudo meridianæ deprehenditur.

III. Sub i' em tempus D. Cassini ex Italia ab Invictissimo Rege, summo
artium honestarum patrono ascitus in Galliam venit. Salutato Rege ad quem
à D. Colbert admittus fuit, in Academiam magna omnium læticia est
coopatus. In Academia Bononiensi, quæ tum temporis claris florebat
Astronomis jam ab anno 1610. primariam Astronomiæ Cathedram ex Se-
natus consulto ejus civitatis obtinebat. Multa ingenii sui & doctrinæ ea in
urbe ediderat specimina, illud imprimis quod anno 1656. publici juris fecit,
quodque specimen observationum inscripsit.

In æde S. Petronii Gnomonem 83. pedum autoritate Senatus erexerat,
cui semita marmorea 210. pedum in partes divisa, quò Astronomicis calcu-
lis esset accommodata, subternebatur. Hujus Gnomonis ope Zodiaci obli-
quitatem, Solis Apogæum & excentricitatem quàm accuratissimè fieri po-
tuit, definita tradidit; motus Solaris opticam inæqualitatem à Physica
distinctam ostendit, idque adeo manifestè ut Astronomi magni nominis,
qui paulo ante eam rejecerant, in editis postea scriptis hanc ultero rece-
perint.

Mirto de refractionibus dicere quas esse sensibiles ultra 45. gradus & fere
usque ad verticem demonstravit. Atque hinc poli, & Solis circa solstitium
æstivum altitudines cortigi oportere conclusum ab eo fuit. Iisdem fere tem-
poribus elementa edidit in lucem, è quibus Marchio Malvasia anno 1661.
Ephemerides Solis contexuit, quas Montanarius & alii ad multos annos pro-
duxere. Longum esset commemorare quæ circa Solarium eclipsion variis
in regionibus varias phasés nova methodo delineatas exposuit, quæ de
Coneris annis 1664. & 65. visis, de umbris satellitum Jovis, quas utique
iis temporibus detexit, de revolutione citissima macularum Jovis, de ob-
servatis à se maculis Martis conscripsit. Ista enim hoc loco satis fuerit atti-
gisse, ut hinc appareat quanto judicio & delectu Ludovicus Magnus vi-
ram in omnibus Mathematicis disciplinis clarum, atque in Astrorum scientia
nostræ ætatis facile principem in regnum suum id agente per litteras D. Colbert,

arcessiverit, qui una cum Hugenio, Robervalio, Picardo, Freniclo, Buholic, *Astro-*
& aliis melioris notæ Mathematicis nobilem hanc & præclaram scientiam *nomica*
ornaret.

IV. Hoc ipso anno tabulas revolutionum quatuor Jovis satellitum publici juris fecerat, eorum periodos ita præscripsit, ut intra 40. aut 50. annorum spatium errorem ad dimidiam unius è singulis periodis non posse irrepere pro indubitato haberet. Observationes suas cum vetustissimis à Galilæo factis anno 1610. contulit. Sed idem his tabulis satellitum, quod præcipuum planetarum tabulis accidisse D. Cassini in responsione sua ad P. Richaud Societatis Jesu difficultates anno 1692. à P. Gouie editas declarat. Veteres enim Astronomi tabulas suas ad observationes antiquiores exegerant, quæ minus erant accuratæ, quàm posteriores. Errores qui in motibus planetarum percipi nequeunt, quique vitari penitus non possunt, paulatim excrevere, itque motus ante simplices & æquabiles, jam compositi & inæquales postea inventi sunt, neque illæ inæqualitates statim sunt animadversæ, sed post longam annorum seriem. Et tamen hæ tabulæ non inutiles fuerunt, quin etiam magno sunt usus definiendis temporibus, & periodis inter observationes antiquas & recentiores numerandis.

Ita fere tabulas motuum quatuor satellitum ex collatione observationum suarum cum iis quæ à Galilæo factæ sunt, pertexit Cassinus. Cum autem Galilæus tubis opticis adhuc imperfectis usus esset, primus Jovis satelles conjunctus cum Jove videri potuit, & re ipsa visus est, cum aliquot gradibus sui parvi circuli quem circa Jovem describit, ab eo distaret. Ab anno 1568. ad annum 1692. seu intra spatium 24. annorum, priores tabulæ novas 10 gradibus anteverunt: adeo ut intra annum motus celebrior sit in prioribus tabulis 4. secundis, quæ detrahi oportuit revolutioni primi satellitis: qua de re idem tamen redibit sermo. Verum cum hoc anno hæ tabulæ priores publici juris factæ fuerint, occasione data non potuimus tam præclari inventi, & Geographiæ instaurationi perutilis prima velut incunabula silentio prætermittere. Jam è semita in viam redeamus.


V. Cum D. Cassinus recens in Galliam venisset à Ludovico Magno accitus novam, Geometricam, & directam Apogæa, & excentricitates, & anomalias planetarum inveniendi rationem, quod est præcipuum Astronomiæ fundamentum, proposuit, quam D. Galloys diario Eruditorum 7. Septembris anni 1669. inseruit. Hactenus Astronomiæ principes, ut Ptolemæus, Copernicus, & alii Geometrica methodo ad eam rem destituti per longos & difficiles calculorum anfractus & falsas hypotheses, quas tamen postea explorando, & quasi palpando corrigere, Apogæa planetarum, & excentricitates quaesierant, ac paucas observationes, tres scilicet aut quatuor ad summum adhibere coacti fuerant, ut vitarent confusionem linearum, & figurarum: cum tamen hypotheses eo sint certiores, quò pluribus observationibus nituntur.

Utrique huic incommodo jam anno 1653. remedium proposuerat D. Cassinus, cum Bononiæ Astronomiam proficeretur, uti videre est in epistola tum ab eo scripta, quæ sexto volumini operum Petri Gassendi inserta est,

ANN. Id tamen nondum exposuerat, sed Astronomos rei tam utilis expectatione
1668. suspensos reliquerat.

& 69. VI. Illud cum Ptolemæo statuit superiorum planetarum motus ad tres
circulos æquales referri, ad concentricum, excentricum, & tertium, qui
æquans dici solet: sed hoc systema planetis inferioribus æque ac superiori-
bus aptari posse contendit. Illud quoque addit motum excentrici absolvi
per lineam ellipticam, quæ inter concentrici & æquantis circumferentias
sic progreditur, ut eorum centra sint ipsi ellipseos foci, quamque circum-
scribit excentricus Ptolomæi circulus. Postquam vero plures & eximias fi-
guræ ellipticæ cum iis circulis collatæ proprietates demonstravit, ex iis
Geometrica & directâ methodo determinat cum elliptici, tum circularis
planetarum motûs hypothesen; idque tot observationes, quot libuerit adhi-
bendo, ductis lineis rectis circa ullius circuli opem. Hanc methodum exem-
plo illustravit, in determinandis centro, & axe orbitæ planetarum juxta hypo-
thesin ellipticam, posito quod alter è focus sit centrum motus apparentis,
alter sit medii motus centrum.

VII. Ponamus itaque circuli concentrici centrum L, ac plura in eo
circulo loca planetæ apparentia A, B, C, P, & quot libuerit alia: data



quoque sint intervalla apparentia AB, PB, &c. Ab uno ex iis locis appa-
rentibus, ut ex B ducatur diametrum BLD, atque in puncto D opposito
data puncta A, C, P, &c. jungantur per rectas AD, CD, PD. Tum
à puncto D, versus A, sumatur arcus medii motus DE, qui intervallo
apparenti AB, respondeat: ab eodem puncto D, versus C, sumatur
idem arcus medii motus DF, qui respondeat intervallo apparenti BC,
item

ACADEMIÆ HISTORIA. LIB. I.

item ab eodem puncto D, versus P, sumatur arcus medii motus DQ , *Physi-*
qui respondeat BP, & sic de aliis. Jam ducantur lineæ EB, FB, QB , *ca.*
quæ si opus sit productæ secant in punctis H, G, R, &c. priores lineas
iis respondentes versus D ductas.

His positis si vera est, de qua agitur, hypothesis, & accuratæ fuerint
obervationes, omnes illæ intersectiones in eadem recta R H G futuræ
sunt. Quamobrem per singula intersectionum loca ducatur recta linea,
atque a puncto B in eam rectam perpendicularis BI erigatur, punctum I
erit centrum ellipsis quæsitum: punctum L, erit aliter è focus, circa
quem motus apparens absolvitur; recta quæ per I L transit, diametro
B D æqualis sumpta, erit axis in quo Apogæum futurum est versus partem
I, ex. gr. in puncto M, perigæum ad partem L, ut in puncto N. Alter
focus, cujus habita ratione sit medius planetæ motus, erit punctum O, si
linea IO, ponatur æqualis rectæ IL, ac distantia loci apparentis B, ab
Apogæo, seu vera Anomalia erit angulus B L M. Quæ omnia ex consensu
obervationum, & intersectionibus, per quas recta R H G transit, sunt
definita. Demonstratio in peculiari tractatu à D. Cassini elucubrato, nempe
in planetarum Theoria palam fiet.

CAPUT II.

*De quibusdam experimentis Physicis annis 1668. & 69.
in Academia factis.*

A Mathesi ad Physicam redeamus, ac primum à nonnullis experimentis
in Academia factis, quæque ad Physicam generalem videntur pertinere,
ducamus exordium.

I. Quæ in Mathesi inventa sunt & agitata toto pene triennio, quàm bre-
vissimè fieri potuit, uno & eodem tenore ita sunt proposita, ut iis omnis
quæ inter Miscellanea jam typis mandata sunt, ea tantummodo quæ essent
intellectu faciliora, aut ex usu publico, traderentur.

Nunc Physicæ contemplationes nos ad se revocant, & quantum illa
scientia omnium pene artium parens hoc fere biennio, nimirum ab Aprili
mensis anni 1668. ad initium usque anni 1670. (quo temporis spatio pro-
fectus in Germaniam & in Angliam ab Academia abfui) profecerit, jam
dicere incipiam.

Ex quidem tum temporis nova ubique experimenta circa vim aëris elasti-
cam in machina pneumatica, cujus ante meminimus, studiosorum exer-
cebant ingenia. Ejus conficiendæ D. Hugen novam quamdam invenerat
rationem ad usum magis accommodatam, cujus partes & structuram in
Academia exposuit. Varia subinde experimenta facta sunt, ingeniosi &
eruditi tum juvenis D. Papin usus opera, quæ postea publici juris fecit
anno 1674. ubi descriptionem machinæ accuratam tradidit, & illustriora
circa liquorum fermentationem, plantarum vegetationem, corporum con-
servationem facta experimenta dilucide exposuit in eo libello quem Domino

H

ANN. Hugens inscripsit : adeo ut nihil necesse sit ea nunc regerere quæ in Germania à D. Gerike primo hujus machinæ inventore facta sunt, tum in 1608. Anglia à D. Boyle qui eandem longè perfectiorem efficit, deinde in Batavia & Gallia à D. Hugens de Zulichem, qui in eam formam, quæ nunc est usitata, illam redegit. In Academia denique Florentina & ubique ferè terrarum iterata experimenta magnam Physicæ lumen intulerunt.

I I. Perpauca è multis referam, quòd acriori meditationi locum præbere videantur. Pisciculus Gobius vulgo *Genjon* sub recipiente positus exhausto aëre non extinctus est, sed admissio aëre ad fundum vasis aqua pleni decidit, eo dissecto vesicula aëre vacua reperta est, idque in causa fuit quominus sursum ascendere potuerit. 2. Butyrum in recipiente positum exhausto aëre campanæ candenti subiectum est, ut inde liqueret an calor spatium aëre vacuum penetraret : sublata campana, post quinque aut sex horæ minuta butyrum mansit integrum, non liquatum, tamen recipientis multum incaluisse ; sed butyro altius sublato, adeo ut tribus tantum digitis à suprema recipientis parte distaret, statim id cœpit liquefcere ; admissio aëre & sublata campana longè citius liquefactum est. 3. Illud etiam experiri placuit utrum in vacuo plantæ vegetarent. Vasculum tera plenum cum seminibus plantarum quæ germinare incipiebant, recipienti imposuimus fuit ; aliud quoque vasculum aqua plenum sic aptatum est, ut ramulus plantæ cum flosculis suis huic immergeretur ; sublato recipiente una cum vasculis, herbæ cum floribus post 24. horas, ut imposite fuerant, sic apparuerunt : non enim exaruerant, nec excreverant, nec flores aut geminæ sese evolverant. Sed recipiente Soli exposito, qui flores à radiis solaribus sunt percussi statim aruerunt, è terra vapores exhalaverant, qui in guttulas aquæ concrefcentes vitri parietibus adhærescebant. Post dies octo non contemnenda aquæ quantitas in fundo recipientis refedit. Mirum sanè vapores in vacuo sursum tolli, cum in eo plumulæ, & levissima quæque corpora instar plumbi decidunt. Et tamen guttulæ aquæ herbarum foliis inclusis instar roris insidere quotidie videbantur, quæ Soli expositæ statim evanescebant. Quin aqua in tubulum aut syphonem probatorium sursum ad duos usque digitos ascenderat. Hic tubus parte sui infima in vas subiectum aqua plenum immergitur, cumque aqua omnis tubo contenta decidit, indicium est aëra è recipiente eductum fuisse : unde & probatorius dictus est. Cum igitur aqua ultra sui vasis superficiem sublata est in tubum, id utique evenit, quod aër in aqua conclusus à pressione circumfusi aëris liber ultro exierit, aut vapores vim elasticam aëris adepti hunc effectum procrearunt ; non enim verisimile est exteriorem aëra per rimulam recipientis subisse : nullas quippe bullas in aqua subiecta excitavit.

I I I. Sub idem ferè tempus vir quidam ingeniosus qua ratione aqua maris suo sale exui possit, & potabilis fieri, ut arcanum magnæ utilitatis proposuit ; cujus rei ut periculum faceret, cucurbitæ plumbæ aquam marinam imposuit ; scbum liquatum in vase fictili una cum ellychnio accenso subiecit terrâ admistâ, tota nocte aqua penè dulcis extillavit ; perparum salis cuiusdam adjecit, qui ut aiebat, aquam salubrem reddit. In eo sui

arcani summam reponere; sed postea hunc salem ex aqua fluviali elici *Phys-*
dixit, quam verè, incertum. Verum huic merito objectum fuit quam *ca.*

D. Orthon Cadomenfis, jam ante proposuerat aquæ marinæ præparationem
majori compendio fieri & in majori quantitate; nimis operosum videri &
sumptuosum hunc laborem, nullius adeo usus futurum.

Sententiam eà de re rogarus D. Duclos, quid sentiret paucis post diebus
exposuit. Aquam marinam fore salubrem, si suo sale exueretur, hic enim
unus dysenterias & diarrhoeas præ sua acrimonia parit. Quod si tamen in
parva dosi sumeretur, non multum fortè obesse sanitati. Sunt enim qui
scyphum aqua marina plenum hauriant, ut se à vomitu quem navis agitatio
excitat, tucantur. Zacutus Lusitanus refert hydropicum sanatum, cum inret
navigandum aquæ dulcis penuria marinam potasset: nam alvi profluvium
insecutum remedium fuit: adeo ut forsitan quantitate magis oblit aqua ma-
rina, quàm maligna qualitate.

IV. Salsuginem illam tribus modis exui posse vulgo creditur, distilla-
tione nimirum, percolatione & præcipitatione. Distillatio rurius viderur
& naturam ipsam imitari. Optima ea est quæ per refrigerariorum perfici-
tur, inrta 40 horas per syphonem à se excogitarum & in vini spiritu eli-
ciendo usitarum, quique in serpentis modum inflexus sursum cum capitello
erigitur, aquæ dulcis modum extrahi posse air: hanc hydropicis utilem com-
mendat Fioravanti l. i. Physices c. 95. idque magni arcani instar tradit, nor-
nihil hujus aquæ distillatæ cum aqua communi permistum, hanc à putredine
illefam rueri.

Percolatione quoque aquam marinam natura ipsa dulcem efficit in pu-
teis mari vicinis, qui interdum cum èstu reciproco crescunt & decrescunt.
Argilla densior est quàm ut ab aqua penetrari possit; subtilis & arenosa
terra sæpius salem unà cum aqua transmittit, adeo ut huic rei terra me-
diocriter densa & levis sit eligenda. Arena calcinata & in pulverem redacta
huic rei aptior videtur: nam aqua inter angustos arenæ densare meatus salis
spicula potest dimittere.

Præcipitatione vix aquæ marinæ salsugo admittitur, cum ad eam tem-
pus sit alio sale qui acrimonia sua aut aciditate ingratum saporem dabit.
Glauberus lapidem specularem huic rei idoneum tradit, cum ignis in
aquam conjicitur, & in tenuem abir pulverem, qui vas huc illuc agi-
tando salem ad se trahit. Verum hæc & alia id genus experientia probari
debent.

CAPUT III.

De Analysis plantarum generatim.

I. **C**Um illud Academiæ esset propositum, ut plantarum historia quàm
fieri posset accuratissimè haberetur, qua methodo in re pernignti
momenti procedere oporteret D. Duclos exposuit, atque inter alia de illa-

H ij

ANN. tum analysi certa ratione facienda multa disseruit. Sed cum laboratorium
1668. nondum esset instructum & paratum, de mixerum resolutione legit proli-
& 69. xam quidem, sed non ineruditam dissertationem, cujus hoc fetē est sum-
marium.

Primum id generatim statuit, chymicas analyses maxima ex parte ignis, aëris, & dissolventium liquorum ope perfici. Ignis partes mixti corporis separat aut calore solo, aut combustionē. Calor ignis motum excitat in mixti partibus, ut magis aut minus sunt mobiles. Quæ enim ex æquo ad motum sunt comparatæ, ignis calore à se mutuo non divelluntur, sed eodem caloris gradu agitatæ simul ascendunt, & ab iis quæ ad motum sunt tardiores, sejunguntur. Quæ fixiores sunt, vi caloris non rarefciunt, sed interdum arctius cum aliis fixis conjunctæ manent. Sic partes salinæ aut sulphureæ vehementi calore fusæ cum terrenis intimè conjunguntur, ut videre est in vitro, ubi arena salem tam arctè sibi devinctum tenet, ut ignis vehementis ardorem ferat.

Non igitur, inquiebat, calor per se homogenea congregat, & separat heterogenea: sed cum duntaxat motum efficit, quo partes quadam taresactæ ab aliis divelluntur, quæ eodem motu agitari non possunt; aliæ liquantur & cum fixioribus novum efficiunt compositum. Sic in vino furnuli calore spiritus inflammabilis citius tatescens primus attollitur ad capitellum alembici; tum phlegma succedit, spiritus acidus hoc excipit minus volatilis, tum oleum, quod intensioris caloris gradum exigit. In imo cucurbitæ partes manent fixiores, quæ in unam coeunt massam, hæc constat sale & oleo cum terra arctiori vinculo colligatis.

II. Combustione interdum ex partes separantur quas solus calor divellere non poterat: sulphur in vase occluso igni admotum in stotes abit, neque ejus partes separantur: sed idem sub campana inflammatum partem sui acidam à pinguedine bituminosa secretam præber. Lignum in camino fumum emittit, qui in fuliginem densatus multum salis volatilis & sulphurei continet: qui quidem sal in retorta, una cum oleo crasso, nec inflammato conjunctus manet.

III. Eadem est ratio carbonis lignei, qui ex tetta, oleoso sulphure & sale minus volatili constat: nec dissolvi potest ea compositio citra inflammationem. Nam carbo vase conclusus in igne quantumvis ardente semper idem persistat, quod ejus sulphur unius caloris vi incendi non possit, nisi aëri pateat aditus; cum tetta & sale ita cohæret, ut ne aqua quidem salem dissolvat. Sed in aperto aëre ignis vi rarefciat, & carbo abit in cineres, qui salem continent, non igne, sed aqua exsolubilem: ignis enim vi non liquatur, sed cum terra arctius colligatur.

IV. Nihil adeo licet igni in partes fixas, quæ menstruis tantum, ut loquuntur, dissolventibus à se mutuo divelli possunt. Partes autem volatiles ignis vi sursum adaectæ rarefciunt. Major est impulsus prope ignem, non item major rarefactio: fumus in camino majore impetu pellitur, sed minus rarefciat quàm in supetiori camini parte, ubi ratiot est, & minor ejus motus: adeo ut non sola rarefactione, sed impulsu quodam fumus sursum fetatur. Quæ fixæ dicuntur partes, hunc impulsu non excipiunt,

sed manent immotæ, ut terrenæ; aut si alicujus motus sunt capaces, vel liquantur, ut metalla & vitra, aut à se mutuò disjunguntur ignis reverberio, quemadmodum & quorundam fossilium calces.

V. Atque hæc de analysi quæ calore aut igne perficitur, nunc de menstruis aut dissolventibus dicendum. Hoc nomine liquores donantur, qui solidiori materiæ adjecti partes ejus aut dissolciant, aut extrahunt, aut resolvunt. Sunt enim ejusmodi liquores quidam corrosivi qui partes corporis velut in pulverem comminuunt. Alii sunt ejusmodi ut tenuiores tantum particulas quæ ad constitutionem corporis pertinent, extrahant & quasi delibent; aut denique in sua principia vel elementa corpus resolvunt. Atque hæc menstrua præcipuæ curæ fuerunt Chymicis, & inter artis arcana habentur. Nam menstrua corrodentia præparant tantummodo, dum compactas & crassas partes attenuant, quæ postea facilius solvuntur.

VI. Hæc porro menstrua sunt sales in spiritus aut in liquores admodum penetrantes resoluti, qui sunt mercuriales, aut sulphurei, aut mixti. Liquores acidi & mercuriales, ut aquæ Stygiæ, partes duntaxat corporis mixti comminuunt; acres & sulphurei liquores qualdam particulas, quæ iridem sunt sulphuræ, plerumque eliciunt, ut spiritus vini; sed mixti qui ex sulphureis & acidis salibus prodire, ii soli possunt principia è quibus partes quæque constant, dissolvere, atque earum vincula dirumpere, dum sales quique in partes sibi cognatas vim suam exerunt, & ab aliis divellunt.

Hujus generis dissolventia analysi Chymicæ imprimis utilia videntur, ut principia & dotes corporum perspecta habeantur; eaque sunt vel generalia, vel specifica, illa è salibus minus determinatis parari debent, cuiusmodi est sal communis; specifica iis corporibus quorum dissolutioni adhibentur, cognata esse debent. Sic fructus putrescens alteri putredinem faciliè conciliat, ac membrum gangræna affectum aliud consimili tabe inficit: sic metallum in aqua Stygia, seu in liquore mercuriali sibi cognato dissolvitur.

VII. Illud magis est instituti nostri quod paucis ante diebus de plantarum analysi rite faciendâ proposuerat. 1. Quod salis genus in planta insit, ex vitriolo Martis in aqua exsoluto, aut ex sale plumbi soluto, (saccharum Saturni vocant,) vel demum ex sublimari solutione colligi faciliè posse. Cum enim foliorum salviæ, aut mali punici corticis, vel nucis gallæ decoctio vitrioli communis solutioni admiscetur, tum hi liquores subnigrum colorem induunt, quod sale sulphureo & terrestri abundant. Succus è plantis vulnerariis, ut è Veronica, Betonica &c. expressus salis Saturni seu plumbei solutionem turbat, qui lacteum præ se fert colorem. Quod indicio est sale, qui his plantis inest, sulphureum quidem esse, sed minus terrestrem. In Lavendulæ, Rosismarini & consimilium plantarum succo inest sal subtilior, qui salis plumbi solutionem non turbat.

VIII. Atque ex iis probationibus quàm puri sint sulphurei sales, conjectari licet. Qui enim vitrioli, salis plumbi, aut sublimari mercurii solutionem magis tingunt aut confundunt, ut sales è cineribus extracti, hi

ANN. 1669. magis terrestres judicantur. Imo ex iis vires medicæ quarundam plantarum ducuntur. Quæ ex. gr. vulnerariæ dicuntur, acidum exedens carnes sale suo sulphureo absorbent. Atque hi plantarum succi, acetii illius quod sali plumbi inest aculeos sic obtundunt, ut liquor ex iis exillitur omnis saporis expertus.

IX. Quæ sit quarundam herbarum constitutio, quæ natura, è tartaro, ut vocant, vel crystallis quæ in succis earum depuratis in frigido loco concreverunt, postquam pars earum aliqua exhalavit, perspectum esse potest. Nam sal ille essentialis, seu tartarum in amaris plantis, ut in fumaria, carduo benedicto &c. nitrosus est & salempetræ refert; in acrioribus, ut in nasturtio admodum est volatilis; in acidis, ut in acetosa, pomis agrestibus, fructibus immaturis, tartaro vini non est absumilis.

X. Postremo quæ sit plantæ temperies, aut quibus constet principiis, ex aquis distillatis, ex liquoribus tum acidis, tum sulphureis, oleis & salibus dignosci utcumque potest. Aquæ extrillantur in balneo maris, spiritus acidi vel acres in balneo vaporoso, ut vocant, aut in refrigeratorio, in retorta verò liquores tum acidiores, tum oleosi majoris ignis vi attolluntur; sales fixi post calcinationem per lixiviam educuntur è cineribus.

Quia vero ratione aquæ & sales probari & expendi possint, tum fusius exposuit, idque suo loco reddemus.

C A P U T I V.

De Botanica seu de re herbaria, ac primum de succi nutritii in plantis circuitu.

I. **I**N ipso pene nascentis Academix exordio conjecturas suas de circulatione succi nutritii in plantis proposuerat D. Perrault, cum inter Academicos D. Mariotte nondum esset ascitus. Hic die 27. Junii anni 1667. cum de rebus Botanicis sermo haberetur, multa à se observata protulit, quibus succi nutritii in plantis, ut sanguinis in animalibus circuitus pene demonstratur. Res adeo visa est omnibus digna, quæ diligenter expendetur. Ambo sunt rogati ut cogitationes suas & rationes proxima die proponerent. Quod ab utroque factum fuit, ac postea in tentaminibus Physicis in publicum emissis sententiam quisque suam rationibus & experimentis munitam mandavit litteris. Conjecturæ D. Perrault & observationes jam superius sunt expositæ. Quæ à D. Mariotte sunt observata, summam attingam.

Primum id animadvertit, herbarum quæ lacteo succo aut flavo turgent caules infra ramos resecti, è parte superiore & foliis propiore uberiorem succum præbere quàm è parte inferiori versus radicem: quod utique non eveniret, si succus omnis versus extrema plantæ pelleretur.

Resectà iterum plantà in ea parte cui insunt folia, nihil aut perparum succi sursum fertur, sed plurimus delabitur è frondibus: quod experiri licet

in Tithymallis, dente leonis, Chelidonio, & aliis hujus generis.

De F.

TAN. A.

II. Quin etiam iis in plantis tubulos ea arte dispositos comperit, ut ex pluribus fibrillis candidis, duris & ligneis à se mutuo disjunctis coalescant, quæ à radice ad extremos usque ramos producuntur. Has communis pellicula involvit, quæ à caule reliquo eas separat. Inter eas fibras & pelliculam materia quedam spongiosa interjecta microscopii ope cernitur, eaque succo albo vel flavo tingitur: nam extrema fibrarum alba sunt, succus verò aut flavus, aut lacteus multis in locis conspicitur.

Majores plantæ, ut Ferulæ has fibras æquis intervallis dispositas habent à centro caulis ad circumferentiam. Reliquæ duos tantum aut tres habent fibrarum ordines versus circumferentiam: sed alius est succus aquosus, qui in resecto caule facile conspicitur. Atque illud satis est verisimile succum illum aqueum in eos commeari tubulos quibus inest succus lacteus, & cum eo misceri, fere ut chylus in venas commear & unà cum sanguine permiscetur.

III. Utrum autem per distinctos tubulos succus in radices & ramulos propellatur, dijudicare non potuit. Illud unum constat rorem & pluviam à foliis in caulem commeari, utrumque succum tum à radicibus, tum à foliis exceptum per totius plantæ longitudinem decurrere, & per insensibiles poros subire eos canaliculos in quibus succus jam est elaboratus.

IV. Nam si ramulus arboris aut herbæ, ut Apii hortensis, aut Chærefolii resectus alium habeat ramulum sibi à latere conjunctum, arque illius pars extrema aquæ vase contenæ sic immergatur, ut reliquum caulis, & cohærens ramulus in vasis margine extra aquam collocetur, ramuli omnes per tres aut quatuor dies etiam æstate virorem suum conservabunt.

V. Eandem ob rationem Pepones adhuc teneri, dum in fimo calente sub campana vitrea adolefcunt, vapore in campanæ lateribus instar roris crescente, & in folia decidente, virorem suum & firmitatem teneant. Sublata campana nonnihil folia marcescunt: tametsi calor ipse plerumque sit remissior, & frigidior aura recreentur. Sed ros ille dext, qui per fibras, aut canaliculos se insinuat, & plantam alit, cui succus è fimo sublatus non sufficit. Unde & Divina quadam Providentia factum est, ut in locis fervidioribus ros sit uberior, cum pluvie sunt rariores. Sic in plerisque herbis velut pili aut apices succrescunt, quos tubulos esse rori aut pluvie exsurgendæ destinatos magna probabilitate conicit, quod herbæ aquaticæ sunt teræ non hirsutæ aut his velut spiculis asperæ.

VI. Addebat D. Mariotte illud admodum probabile videri succum ferpe per radices commeari, ut debitam coctionem assequatur: quemadmodum sanguis per præcipuas corporis machinas cor, jecur &c. ita reditque. Unde extremæ radices Chelidonii & quarundam plantarum tantum fere succi præbent resectæ, quantum folia ipsa, quod succus æquabiliter in partes omnes propellatur.

VII. Secto Papaveris caule tribus aut quatuor digitis infra plantæ caput, ubi maturefcere incipit, succus candidus è caule sublatus exibat; alius fulvo colore tinctus è parte summa effluet: adeo ut tubos esse distinctos

ANN. hinc suspicari liceat. Non enim succus iisdem in tubulis tam diversos colores posset induere. Sic Ficū transversim in medio sectā, qui ab extrema foliorum parte defluit succus, aquosior est, & minus candidus, quā qui ex parte altera stillat: ita ut succus aquosus qui foliis inest, in tubulos succo candido repletos commeat, & cum eo misceatur; aut certe diversi utriusque sunt canales, vel tubuli.

VIII. Ex is atque aliis concludat vir ingeniosus & doctus, illud vero proximum videri, succum nutritium in plantis, ut sanguinem in animalibus circumagi. Nam magna est inter plantarum & animalium vegetationem similitudo. In illis lactea vasa chylum excipiunt, qui in venas, deinde in cor & pulmones, in cor rursum, tum in arterias deferunt nutriendis partibus: quod reliquum est in venas refluit. Non dissimili ratione succo nutritio radicum extrema imbuuntur, qui in radices corpus primum, tum in caulem & truncum per tubulos sibi aptatos ad ramos usque & folia eluctatur. Quod superest per alios canales ad radicem remeat, ut digeratur & fructuum nutritioni sit idoneum. Unde in plerisque plantis radices multum incrementi sumunt, nec minus fere quā rami: ita ut succus ad extremas usque radices protrudatur, ut versus ramos idem impellitur.

Accedit illud etiam corpora quæque liquida in perpetuo motu versari, ut aëra, aquam, sanguinem, quæ si torpeant, brevi corrumpuntur. Quare in plantis succum non esse otiosum, sed perenni motu à radice ad folia usque, & à foliis ad radices deferri existimabat.

IX. His lēctis quæ in eam rem conscripserant D. D. Perrault & Mariotte, placuit, ut omnes die constituto in hortum Regium se conferrent, atque experimenta omnibus coram fierent. Quæ utique magna ex parte facta sunt. Nec tamen ea esse huiusmodi, ut circulatio succi in plantis ex iis demonstrari possit, nonnulli existimabant, & imprimis D. du Clos qui scripto peculiari sententiam suam exposuit.

Negabat ex Analogia & similitudine quādam plantas inter & animalia argumentum satis firmum duci posse, quo succi alimentitii in plantis circuitus demonstraretur. Non enim omni ex parte est similitudo, atque ejusmodi Analogiæ nihil fere probant.

X. Huic utique respondit D. Perrault ejusmodi Analogias inter animales & plantas, si solæ sint, minus esse idoneas quæ rem propositam conficiant: sed tamen negari non posse quin eæ nonnulli lucis afferant rei jam variis experimentis comprobatæ, quam efficiunt admodum verisimilem: quod unum in Physicis imprimis consuetumur. Quocirca hæc conjecturæ à variis observationibus ductæ non mediocriter ex eo confirmantur, quod plantæ & animalia in eadem vi aut facultate vegetatrice conveniant; cum nutritio omnis in quodam humoris circuitu posita videatur: neque enim ea sit nisi coctione quæ ex partibus alimenti jam dissolutis & permixtis oritur. Dissolutio porro & mixtio continuum motum postulant, quo partes comminuuntur & filtrantur per meatus aptè dispositos. Hæc filtratio aut percolatio repetitis vicibus perfici debet.

XI. Jam ut ad experimenta facta veniamus, ex iis quædam concludi possunt

possunt quæ Analogiam illam confirmant. 1. Succum illum exire ubetio- *De Ro-*
sem è parte superiori plantæ ob structuram ipsius corticis, ubi distincti *tanica.*
sunt tubuli, ut in Chelidonio, & diversi sapes pro diversa natura succi.
Quin & incrementa quæ plantæ sumunt, cum partes earum summæ aut
folia aquæ immerguntur, circuitum succi alimentitii pene persuadent. Nam
illa immersio non solum nutritii succi dissipationem inhibet, aut virorem
plantæ & vigorem tuetur, sed etiam incrementum præbet iis partibus quas
aqua non tangit, & ad quas pervenire nequit, nisi prius per radicem
transierit.

XII. His in utramque partem agitatis quæstio ipsa nondum ad exitum
perducta & profligata majori parti assidentium visa est: adeo ut nondum
liqueret utra sententia esset veri propior. Novis tamen rationibus & expe-
rimentis succi in plantis circuitum D. D. Perrault & Mariotte munierunt
in tentaminibus quæ multis post annis in lucem ediderunt.

Primum enim ejusdem plantæ aliquot radices aquæ sunt immersæ, cùm
reliquæ extra aquam exstarent: hæ tamen ut priores in aquam de-
mersæ crescere visæ sunt, & novas fibras emittere. Quod fieri vix potuit,
quin aqua è radicibus madidis in caulem per nodum intermedium subla-
ta, è trunco in radices extra aquam positas perductus & tubulos idoneos
defluerit. Eadem est ratio plantæ à terra cum radicibus suis avulsæ, &
in duos ramos divisæ. Nam si unius rami extremum aquæ immersum fue-
rit, planta diu integra & viridis permanet, & interdum folia in ramo
altero germinant, cum alia ejusdem generis planta & eodem tempore avulsâ
statim marcescat.

2. Hoc ipsum demonstrat vegetatio arborum, & fruticum, qui ex ra-
mis in tetram demissis nascuntur. Cum enim ramus salicis aut vitis inflex-
us in terram demittitur, & radices agit, palam est succum à trunco ad
radices delabi, & à radicibus in truncum remeare, idque est apertius in
dumis & plantis quæ ex ramorum apicibus radices emittunt.

3. Pleræque arbores foliis nudatæ emoriuntur, ut in moris albis quando-
que accidit, cum nutriendis Bombycibus foliis suis magna ex parte frau-
dantur, quod succus in foliis fere ut in radicibus percoletur. Unde si vitis
palmites suis foliis æstate nudaveris, uvæ non maturescunt, quod succus
à foliis redux fructui nutriendo serviat.

4. Hoc ipsum plerique arborum morbi demonstrant. Nam rami præ vis-
co tabescunt, & arbor ipsa musco obducta languescit, quod succus à fo-
liis & extremis partibus reflûus inficiatur. Nam abrafo musco arbor velut
scabie sanata, quæ succum per corticis fibras refluum inquinabat, fit ve-
getior. Sic detracto visco ramus cui hæcebat melius se habet. Cum recen-
tes ramos arborum dente recidunt pecudes, tum arbor emoritur aut lan-
guescit, nisi excelsus furculus abscindatur, quod succus in parte excisa in-
fectus instar gangliæ circulatione reliquum succum inquinet.

In his paulò longiores fuimus, quod res ipsa sit speculatione digna, at-
que ut ex circulatione sanguinis innumera pene circa animalium ortum &
incrementum, imo & morborum causas ante reconditas Medici recentio-
res invenerunt, sic quæ ad vegetationem & nutritionem plantarum, imo

ANN. & ad earum morbos spectant ex illo succi nutritii circuitu fortassis depre-
 1639. hendentur. Illud mihi videtur exploratum plantarum succum non è solis
 radicibus sursum ferri, sed magnam ejus partem à foliis ipsis ad caulem, &
 ad partes usque infimas delabi. Sed non adeo certum est eundem succum à
 radicibus in truncum arboris & folia sursum sublatum, ab iis per alia
 vasa ad radices usque descendere, ut excoctus & bene præparatus nutrien-
 dis parvis sit idoneus, quæ est ptopriè dicta circulatio: quâ de re forsan
 redibit sermo.

Exinde plantarum descriptiones magno studio fieri cœptæ sunt, quæ à
 D. Marchant allatæ, in Academia diligenter sunt examinatæ, & cum
 plantis ipsis collatæ.

CAPUT V.

De Historia Animalium.

I. **P** Ræcipuum Physicis Academicis hunc laborem propositum fuisse di-
 ximus, ut plantarum & animalium Historiam illustrarent, quæque
 à veteribus & recentioribus sunt mandata litteris, accurato examini subjici-
 erent.

Die 25. Aprilis anni 1669. Erinaceus vulgo *un Herisson*, dissectus fuit:
 cujus vesica longè major erat, quàm pro corporis magnitudine. 2. Ve-
 næ lactæ & numerosæ apparebant; chyli receptaculum amplum & multo
 chylo turgens. 3. Intestina erant uniusmodi, nec cæcum, nec appenix in
 iis visa fuerunt; oculi pisci magnitudine palpebris interioribus instructi, nul-
 lo pene humore aqueo aut vitreo, sed crystallino tantummodo donati, eoque
 admodum convexo. Hæc femina erat octo papillis mammarum donata &
 prægnans.

II. Paucis post diebus mas itidem dissectus fuit, corpus aculeis fere in-
 star castanæ munitum erat: illud in globum contraherebat, ne apprehenderetur,
 adductis posterioribus pedibus cum anterioribus ad rostrum, idque
 tanta vi, ut pedes divelli vix possent, eumque in aquam demergi oportuerit,
 quæ contractos musculos laxaret. Musculus huic contractioni aptus apertio
 ventre repertus est. Hic ab osse sacro originem capit prope spinam, usque ad
 rostrum porrigitur, fibris longis & conspicuis præditus est.

Nervorum opticorum, qui admodum crassi erant, conjunctio singularis
 visa est per interjectam lineam. Aliæ nervorum conjugationes sunt explo-
 ratæ. Duplex erat clavicula ut in homine. Verùm utriusque descriptio cum
 figuris anno 1675. excusa fuit.

Longum esset & supervacaneum cuncta quæ hoc & insequenti anno dis-
 secta sunt animalia sigillatim recensere, cum eorum descriptio Typis Re-
 giis mandata fuerit, non omnium quidem, sed eorum in quibus insigne
 aliquid & cognitione dignum fuit observatum. Verum hoc ipsum opus non
 mediocriter auctum & illustratum aliquando publici juris fiet.

III. Descriptio Acipenseris vulgo *Esturgeon*, in Cadomeni Academia facta,

Epistola quam vir Illustrissim. & omni doctrina præstans D. Huet, postea *De*
 Abrincensis Episcopus miserat die 29. Julii, lecta fuit & in commentarios *Hist.*
 relata. Hic piscis sex pedes longus erat, isque cartilagineus; caput itidem *Anim.*
 cartilagineum, utri & spina squamis prædurus munita, dorsum quoque &
 latera; pellis itidem dura, os sine dentibus intus politum; cor angustum &
 molle, pericardium membranofum, cum in maiore parte piscium sit carti-
 lagineum. Ventriculus itidem angustior, pars ejus infima musculosa con-
 chyliis, erinaceis marinis, gammari referta. Hujus dextro lateri adhærescere
 visum est corpus quoddam glandulosum, quod litteram V, exprimebat, &
 digitis longum & quatuor latum in parte superiori; uno digito crassum, rugis
 asperum, & subrubri coloris: circa hoc corpus intestina unum efficiebant
 circuitum, tum in abdominis partem infimam descendebant, & in orbem
 acta in anum definebant.

Sub pyloro foramen erat uno digito latum, per quod ad corpus glandu-
 losum patebat aditus; quod utique non lien, ut visum est Belonio, sed chyli
 fortè est receptaculum. Hoc enim plenum chylo repertum est: ejus cavitas
 variis erat capsulis exasperata. Hoc corpus per complures vasorum ramos cum
 ventriculo communicabat, eique erat contiguum.

Idem planè usus hujus corporis videtur esse qui mesenterii cujusdam in
 Orbe pisce infra pylorum positi, & duodeno adhærescentis, quod chylo
 itidem oppletur. Supra pylorum in stomacho foramen inest quod in amplam
 cavitatem ducit sesquipede longam, & in medio sex digitis latam, quæque
 paulatim versus extrema fit arctior. Vacua erat illa cavitas, & ab omni ex-
 traneo corpore pura, nec quicquam aliud visa est quam aëris quoddam re-
 ceptaculum, ut in multis piscibus reperitur.

Lecta hac Epistola id conclusum fuit ut D. Galloys Domino Huet res-
 criberet, eique & Cadomensis Academiæ, Parisiensis nomine gratias ageret,
 simul & eam rogaret ut piscium anatomix suam navaret operam, quòd mare
 finitimum diversa piscium genera iis suppeditet: cum interea Academia regia
 variis animantium generibus dissecandis incumberet.

IV. Castoris paulo ante dissecti descriptio lecta fuit quæ brevi post tem-
 pore typis mandata publici juris facta.

V. Octavo post die D. Frenicle quæ à se circa quædam insecta fuerunt
 observata, exposuit. Res ipsa cognitione digna visa est: nam ars divina non
 minus in minutissimis animalculis elucescit quam in magnis animantibus;
 incredibilis in eis est partium varietas & pulchritudo.

VI. Primum Erucam ille consideravit variis distinctam radiis à capite ad
 extremam usque corporis partem porrectis, utrimque æquali ordine dispositis.
 In medio unus & candidus, alii hinc inde magna colorum varietate & splen-
 dore micant. Hoc genus erucarum in prunis frequentius occurrit. Sexdecim
 pedibus, octo ex utroque latere, ut pars erucarum maxima donatur, sex
 capiti propiores; duo in extremo, octo intermedii, inter quos complures
 sunt rugæ, quarum numerus in plerisque pedum numero respondet, non-
 nullæ tamen in unam utrimque rugam propè posteriores pedes crispantur,
 æque dorsum altius inter incedendum attollunt.

Hæc die ultimo Junii in chrysalidem tenui pelle obductam, tum in

ANN. papilionem abiit. Huic duo oculi micantes, facies hominis vulgum utcund
 1668. que referens, nasus infra oculos, & naso os subiectum inest, cum quadam
 & 69. specie oblongioris barbe quæ in mucronem desinit. Alæ breves, uti & cornua,
 corpus iners & penè immobile.

2. Aliam huic similem sed crassiores in atriplicis v. l' *Arroche* foliis
 est contemplatus; fila itidem ut in priori disposita, sed colores minus
 splendidi.

3. In urticæ foliis erucas nigriores punctis albis distinctas invenit. Ubi
 mutationem moluntur, urticæ folio se involvunt, tenuissima tela spatium
 vacuum in convoluto folio obducunt, in chrysalides circulis flavis distinctas
 faciunt, & in muscas tandem oblongas mutantur, quarnor alis pellucidis
 instructas: hæ factio foranine per caput chrysalidis erumpunt.

4. In urticæ quoque foliis aliud occurrit erucę genus, folia circum-
 jecta hæc colligit, in iis se condit & tandiu manet, quamdiu in iis ali-
 mentum inest; fila emitit quibus folia in unum colligat; ubi dehiscunt
 folia, statim per fila rimas opplet. Post nigras de quibus mox dictum est,
 hoc erucæ genus nascitur, si eruca habenda est, non vermis: nam pilis
 destituitur. Die 26. Junii sese intra folia solito accuratius condidit; adeo ut
 nullam relinqueret rimam, figuram novam induit, nullis exuviis relictis,
 capite tantum & rostro superstit: adeo ut corpus erucæ non mediocriter
 contractum fuerit, cum chrysalis facta est, ex ea 4. ova perparva, ex quib-
 us muscæ communes prodierunt.

5. Sic in beta die 8. Septembris erucam conspexit crassam, sesquipollice
 longam & penè inermem, nisi cum tangebatur: tum enim quam citissimè
 se retrahbat, alias consimiles in beta & lactucis prætereo. Sic in spina
 racemosa agresti eruca aculeis aspera inventa est flavo colore tincta, sed ru-
 becum & vividum induit colorem, cum fuit transmutata, quod bis terve
 factum est, ut sit in erucis quæ rosarum foliis innascuntur. Harum varia
 sunt genera, quæ longum esset minutius describere. Quædam ex iis antennis
 donantur, quæ limacum cornua referunt.

6. In rosis quoque vermes visi punctis nigris conspersi, virides, oblongi
 22. pedibus instructi, adeo ut toto corpore utrimque pedes & roge citra
 intervalla sic disponantur, ut sex anteriores sint longiores & acutiores.
 His inter incedendum utuntur, cumque edunt aut gradum sistant, pars
 eorum posterior sursum erigitur in sciplam retorta; rotundi sunt ut lumbri-
 ci; continenter ferè edete videntur, anterioribus pedibus folia teneriora
 complexi exedunt.

7. Alias quoque species Insectorum quæ inter erucas & vermes ambi-
 gunt, & rosis vescuntur, descripsit. Inter eas conspicuus est vermis itidem
 viridis, qui cum quiescit, in formam helcis convolvitur, capite foris pro-
 minulo, præter sex pedes anteriores, 7. sunt utrimque in medio; 14. vi-
 delicet, sed parvi admodum, qui tamen progressui inserviunt, duo in cauda.
 Ubi adoleverunt, pilis albis teguntur, qui aculeos urticæ referunt, sed bre-
 viotes tamen, & æquabili serie dispositi.

8. Cum unus ex iis vermibus capsulæ abietinæ qua erat conclusus;
 operculo adhæsisset, hoc exedebat, & domicilium sibi parabat cum scobe

& segmentis ligni, quæ rostro evulsa una conglutinabat. Verum disrupta domuncula, & aperta capsula, aliquandiu in ea elaboravit, ac tandem alterius crucæ quæ in malo coroneo reperta fuerat, aureliam perforavit, ibique se condidit. Alii diu vixerunt è latetibus capsulæ pensiles. Nonnulli quoque vermes coloris purpurei, qui nihil aut perparum edebant, in eodem fruticum genere visi sunt. Ex iis quidam pulchro & viridi colote splendidi admodum erant voraces & segnes. Sed de insectis redibit sermo, nunc ad ea quæ rariora sunt & majoris expectationis veniendum.

IX. Cum Academia die 20. Septemb. anni 1668. jussu Ludovici Magni convenisset, ut Chameleontem vivum qui Regiæ majestati à Patre quodam Capucino oblatum fuerat, & ex Ægypto allatus, expenderet, multa in eo sunt observata quæ paulo post typis mandata sunt. Is verò die 12. Octobris mortuus est. Die 13. omnibus coram partes singillatim sunt examinatæ, illius accurata & ampla descriptio à D. Perrault exarata die 20. Novembris lecta est, & publici juris facta, cujus summarium infra reddemus.

Ciconia quoque iisdem ferè temporibus dissecta fuit. Structura rostri præter alias corporis partes in se omnium oculos convertit.

X. Cameli quoque aut Dromedarii ante dissecti descriptio lecta est die 17. Decembris, uti & Capræ Lybiæ v. *Gazelle*, & Felis odoratæ v. *Civetæ* quam D. Perrault suspicabatur Hyenam esse veterum.

Anno 1669. die 15. Februarii apertum est corpus mulieris pridie suspendio strangulatæ. Multa sunt observata quæ nunc temporis cum satis nota sint, prætermittimus.

XI. Mense Martio dissecta est vulpes junior in qua motus peristalticus intestinorum, ique reciprocus fuit observatus. Nam à superioribus partibus versus inferiores, & vicissim motum suum vermicularem continuabant. Cæcum instar cochleæ convolverum plures membranæ devinciebant, quibus disruptis figuræ conicæ apparuit: jecur in 7 lobos divisum erat.

CAPUT VI.

De structura oculorum.

I. Anno superiori D. Mariotte opinionem suam de visionis organo exposuerat omnino persuasus non in retina, ut vulgo creditur, sed in choroide membrana, quæ intima est & interioris nervi optici propago, rerum objectarum imagines depingi, aut certè id proximum esse visionis organum. Adversus hanc sententiam multa opposuit D. Pecquet ut eam quæ nunc communis est opinio, propugnaret; quæ ab eo allatæ sunt rationes in Diarium Eruditorum sunt collatæ.

II. Exeunte Augusto anni 1669. D. Mariotte objectiones D. Pecquet diluere est aggressus quas summatim attingemus: nam publicis scriptis utrimque editis hæc quæstio fuit agitata. Primum illud in defensionem commu-

ANN. nis & receptæ opinionis allatum fuerat retinam non pellucere, neque adeo
1669. radios luminis per eam ad choroïdem deduci posse; nam oculi bovis recentis scleroticâ sublatâ lumen non penetrat retinam. Ergo hæc tunica videtur potius visionis organum, non choroïdes.

Id consequens esse negabat D. Mariotte cum magnum sit discrimen inter animalis mortui retinam aëri expositam & eam quæ in vivo animante inter vitreum humorem & choroïdem accuratè concluditur. Rerum qualitates paulo momento immutari aiebat, corneam tunicam quæ pellucet, in aëre calido brevi tempore opacam fieri. Quin etiam in oculo bovis adhuc calente & in duas partes scisso, adeo ut retina vitreum humorem adhuc involvat, tum varii colores choroïdis, basis itidem nervi optici, vasa ex eo in retinam sparsa, sic in conspectum veniunt, ut retiformis tunica vix discerni queat.

Nec propterea tamen omnem albedinem retinæ detractam volebat, præsertim in ea parte qua tangit choroïdem; idque à natura provisum aiebat, ut nimium vegetioris luminis splendorem temperet, quemadmodum cutis epidermide obducitur, ne lædatur à corporibus quæ tangit.

III. Quin & ratio à D. Pecquet proposita perparvi esse momenti eidem videbatur, cum subtiliores partes in retina mortui animalis distatæ, opacitatem quandam inducant, ferè ut charta madens pellucet, exsiccata fit opacior. Sic in multis animantibus in medio crystallini humoris nucleus quidam est pellucidus qui intra paucos dies albus fit & opacus, etiam intra oculum conclusus, cum tamen exterior crystallinus adhuc pelluceat.

IV. At enim retina aquæ immersa albedinem suam & opacitatem nativam prodit. Ita est, sed vitrei humoris parte in vase immersâ, tunica hyaloïdes quæ omnino est diaphana instar telæ aranæ, alba quoque videbitur. Quin & crystallinus in aqua opacitatem quandam contrahit, & congelatus instar nivis candicat. Non mirum igitur si retina ante aëri exposita & aquæ immersa nonnihil albedinis præ se ferat.

V. Quamobrem ut liquere possit an radii luminis penè integri ad choroïdem perveniant, an potius in retina ipsa sistantur, utraque tum choroïdes, tum retina in statu suo naturali spectanda est. Experientia ipsa retinam tralucere comperiemus, si candela accensa de nocte prope oculos collocetur, idque faciamus ut canis octo aut decem passibus remotus nos aspiciat, tum enim lumen in illius oculis splendidum intuebimur è radiis reflexis à choroïde canis multum candida & splendida. Nam si à crystallino, aut retina prodiret vegetum illud lumen, idem eveniret in homine & avibus, quibus choroïdes atra est: sed non est ita. Id vero ita evenit in cane quod radii luminis per crystallinum trajecti in choroïde velut in foco colligantur, iique sic resiliant ut focus reciprocus sit in accensa candela. Unde oculus huic vicinior crystallinum canis humorem admodum illuminatum intueri debet, uti in optica demonstratur. Idque experiri facile est si phiala vitrea & rotunda aqua pura impleatur, eaque octo aut decem passibus ab accensa face removeatur, tum retro phialam ad semidiametri suæ distantiam chartam candidam admoveas, in qua lux quæ phialam penetravit, tanquam in foco colligitur: tum enim oculus propè faciem

accensam positus phialam omnino lucidam intuebitur. Idem experiri licebit *De vi-*
in oculis felium, in quibus lux illa carulæta & vegetior apparebit: magno *su or-*
quidem indicio eam non aliunde quàm à choroidæ, quæ hoc colore tingi-
tur, ad oculos nostros resilire. Nec color ille, aut alius quivis visionem *gano.*
ipsam confundit: non enim sensus ullam à suis organis impressionem ex-
cipiunt.

VI. Impressio vero illa luminis in choroidæ alba picturam magis vi-
sibilem, quam in nigra efficit, sed tamen fortior est in nigra: quemad-
modum charta nigro colore infecta speculi ustorii vi citius incenditur,
quam alba, cum ista radios fortius regerat. Sic homo & aves acrioris
sunt visus, quam pars major animantium, quod atra choroidæ donentur,
quam lux vehementius afficit: unde & pupillam magis contrahunt. Ex
quo efficitur ut radii luminis axi crystallini viciniore distinetam magis
picturam in fundo oculi delineent: cum in plerisque animantibus, quibus
choroides alba est, neque à lumine ita percellitur, pupilla magis dilate-
tur, ut lux uberius ad choroidem appellat, neque in iis adeo distincta est
visio. Verum ut huic defectui natura succurreret, crystallinum duriorum
in medio majoris aptavit, qui majorem refractionem & minus confusam
visionem facit.

VII. Sic in piscibus duplex est crystallinus: cum enim hic humor sphericæ
sit figuræ, quod radii luminis ex aqua in eum humorem transeuntes non
multum infringerentur, ac focus ipse longius quam par esset, distaret, si
lenticularem figuram, aut planiorem nactus esset, hoc tamen haberet incom-
modi figura spherica, quod radii refracti axem minus æqualiter secarent, &
confusa magis foret visio quàm in animantibus quæ in aëre degunt, nisi in-
teriore & durior crystallino donarentur, cujus major refractione efficit ut
radii propius axem frangantur & citius coeant.

VIII. Verum his & aliis omiſſis D. Mariotte insignem observationem
urgebat, quæ publicis scriptis fusius est enarrata. Chartulam albam in ni-
gro fundo positam ad oculi altitudinem affixit, ut in eam visus acies dirige-
retur; alteram duobus aut circiter pedibus à priori remotam ad dexteram
collocari jussit. Clauso interim sinistro oculo, & dextro ad priorem char-
tulam defixo paulatim recedenti ad 9, usque pedes, tum posterior charta
sub obtutum non venit, quasi subducta fuisset, cum res circumjectæ hinc
inde viderentur, quod locus imaginis in basi nervi optici, ubi choroides de-
fecit, nullus esset, nulla adeo rei objectæ species. Porro illa distantia chartæ
ab oculo respondet distantie centri visionis à basi nervi optici cum eadem
basi comparatæ, utrobique enim est ferè eadem proportio, hoc est, si
diameter circuli chartacei sit ferè pars decima distantie oculi à charta, ita
centrum visionis, quod à basi nervi optici 7 aut circiter lineis distat, decies
ferè continet diametrum basis nervi optici, nempe $\frac{1}{7}$ unius lineæ.

Quare duo sunt triacula sibi invicem similia, & equiangulara, unius
apex est in oculo, basis in orbe chartaceo posteriori, alterius trianguli apex
est in centro visionis, basis in diametro nervi optici. Cum autem imago
circuli chartacei in basim nervi optici incidit, illamque integram regit,
illius imaginis nullus est sensus, nulla impressio. Ex quo concludebat

ANN. D. Mariotte præcipuum visus organum esse choroïdem : nam ubi abest ;
 1669. nulla fit visio. Sed retina totum tegit oculi fundum , & nusquam deest ;
 non igitur inquebat , hæc erit proprium visus organum ; neque etiam ex
 ea ad interiores partes cerebri ducuntur filamenta , uti ex choroïde , quæ
 est piæ matris proliectio , cujus fibræ ad protuberantias , ex quibus nervi
 optici originem suam ducunt , continuantur : quod de retina dici nullomodo
 potest.

Opponebat D. Pecquet vasorum quæ ex basi nervi optici oriuntur , trun-
 cos vilioni obfuturos. Verum hi minores sunt quàm ut visionem interpel-
 lent , aut id sit sensibile.

IX. Addebat D. Mariotte quædam phænomena quæ ex illa hypothesi
 satis aptè explicantur. Illud imprimis , quòd pupilla in obscuriori loco di-
 latetur , in lumine contrahatur. Hujus naturalis , non voluntarii motus cau-
 sa vix alia esse potest , quàm exquisitus choroïdis sensus. Hanc enim lux
 nimia offendit : unde & fibras quibus cum uveâ anteriori connectitur , aut
 contrahit , aut laxat , quò ejus aperturam , quæ pupilla dicitur , arctiorem
 vel latiore efficiat , ut lumen fortius est aut debilius. Quod explicatu est
 difficillimum , si retina visus statuatur organum.

X. Illud quoque ex structura oculorum in avibus , & in iis maximè
 quæ ex præda vivunt , comprobabat : ita enim sunt facti , ut nervus opti-
 cus in ipso ingressu in orbem inflectatur. Hanc curvaturam sic tegit cho-
 roïdes ut linea alba in medio remaneat , ex qua retina suam ducit origi-
 nem. Hæc choroïdem sic tegit , ut à latere lineæ candidæ , membranulâ
 nigrâ ejusdem longitudinis cum linea alba obducatur. Locus ille axi est
 proximus , adeo ut res objectæ in quas aves aciem intendunt , in eandem
 incurrant membranulam. Cum igitur in ea parte acrior sit visio , & retina
 ibi desit , cumque aves illæ sint acutioris visus , palam esse aiebat non retinam ,
 sed choroïdem esse præcipuum visus organum.

XI. Id verò quod ultimo loco de oculis avium proposuerat D. Mariotte ,
 placuit in proximo congressu experiri. Itaque in Milvi adhuc vivi oculis
 dissectis hæc sunt observata. 1. Pars ChrySTALLINI anterior paulo convexior
 quàm posterior visâ est ; hujus limbus rotundior & densior quàm in ho-
 mine , propius ad crystallinum piscis omnino globosum visus est accedere.
 2. Nervorum opticorum eadem origo , quæ in terrenis animalibus , ab iis
 nimirum protuberantiis quæ nates dicuntur , quæque in suprema spinæ me-
 dullaris proliectæ parte positæ sunt , intra cranium pia matre erant invo-
 luta. 3. Nervus opticus paululum dilatari videbatur , antequam ad globum
 oculi perveniret ; plura filamenta in ea dilatatione apparebant , quæ in li-
 nearum albam in scleroticæ fundo cicatrici similem desinebant. Quæ linea
 ut internosci facilius posset , & illæsis retina & choroïde fundum oculi in-
 tueri liceret , oculus transversim per medium sectus est , adeo ut parte
 vitrei humoris secti superflite fundum oculi conspiceret liceret , tum humore
 vitreo penitus evacuato , retina & choroïdes in eam lineam quæ in nervi op-
 tici ingressu formatur , visæ sunt terminari. Sublata membranula , quam sub-
 nigram esse diximus , ex utraque parte lineæ albæ filamenta specillo detecta
 sunt , quibus huic lineæ ambæ tunicæ erant illigatæ.

4. Lineæ albæ is in oculo situs est observatus, ut pene ad perpendiculum *De vi-*
 incideret in lineam quæ ab aure ad nates duceretur, sed auri vicinior quàm *sus or-*
 naribus. Eam pelliculam unum esse è præcipuis visionis organis in avibus *gano.*
 suspicatus est D. Pecquet, & per eam rerum objectarum species ad lineam
 albam deferri, ut interjectu nervi optici ad cerebrum usque perveniant. Nam
 id admodum est probabile visionem in avibus quæ eminus prædam suam
 conspiciantur, non debilitari, ut in homine, cum rei objectæ imago in ner-
 vum opticum incurrit, aut in retinæ vasa.

XII. Hanc disceptationem satis acutè dirimere mihi videtur D. de la Hire in
 dissertatione de visu & variis ejus casibus, anno 1694. edita. Experimentum
 à D. Mariotte propositum ut certum & exploratum ponit, locum esse in
 fundo oculi, in quem res objectæ nullam faciunt sui impressionem, cum tamen
 retina ubique sit æquabiliter fusa, locum verò illum ibi esse, ubi nervus opti-
 cus oculi globum subit, atque ibi visionem deficere.

Negat tamen hinc concludi posse choroïdem, potius quàm retinam esse pro-
 prium visus organum, cum hæc sit nervi optici expansio, nec sensus alibi que-
 rendus videatur, quàm in nervis. Et si retina luminis impressionem per inter-
 jectum medium excipiat, quod eam à re objectæ recipit, idque commune
 est aliis sensibus. Sic in auditûs organo spiralis lamella aëris tremulos mo-
 tus, aut vibrationes in nervi acoustici ramulos transmittit, idque in lin-
 gua, naribus, & in aliis sensuum organis natura observat, ut docet D.
 du Verney in Tractatu de auditûs organo. Nam subtilior est nervorum tex-
 tura, quàm ut rerum exteriorum impressioni nudi exponantur, ac subin-
 de necesse est, ut membranæ, quibus reguntur nervorum fibrillæ, eas im-
 pressionem à corporibus exceptas in nervos transmittant cum iis conditio-
 nibus quæ sensationi conveniunt. Sic choroïdes quæ & firmior est, &
 coloris obscurioris, luminis impressione faciliùs commovetur, quàm tu-
 nica reriformis, quæ cum sit diaphana varias lucis impressiones non excipit.
 Sed eas choroïdes certa quadam ratione modificatas in retinam ut in præ-
 cipuum visus organum transfert, nec retina ut par est, afficitur à lumine,
 nisi varias ejus impressiones à choroïde commota mutuetur. Nihil adeo
 mirum est si visio in ea retinæ parte non fiat, cui non subest ipsa cho-
 roïdes.

SECTIO QUINTA.

De aliis Physicis experimentis.

Post hæc multa circa liquorum concretionem facta sunt experimenta
 quæ Philosophiæ naturali, imo & medendi atti nonnihil lucis afferre
 possunt.

CAPUT PRIMUM.

De quorundam liquorum coagulatione.

I. **A**tque hæc de præcipuo visionis organo inter viros eruditos sunt disputata, quæ curiosa magis quam utilia videri possunt, & iis maximè qui in rerum naturalium cognitione solam utilitatem quærent. Alia iisdem fere temporibus latius fusa, & ad vitæ humanæ usum magis accommodata, de causis coagulationis & firmitatis fuit agitata quæstio, quæ, ut par erat, dijudicari non potuit nisi ex variis experimentis.

Hæc magna ex parte facta sunt in lacte, in ovi albumine, in sanguine; & in aliis liquoribus quæ fusè sunt in Commentariis descripta: nobis satis fuerit ea strictim delibare.

II. Primum quidem exeunte Aprili mense anni 1669. cum lacte bubulo varii liquores sunt commisti, coagulum vitulinum, succus catapuciz minoris, spiritus mellis acidus, spiritus nitri & quædam adstringentia, quæ omnia longè citius lac coagularunt, quam ubi solum fuit aëri expositum. Sal fixus & sulphureus tartari aut nitri, spiritus salis ammoniaci, mel, saccharum, & plantæ pene omnes aromaticæ concretionem inhibuerunt aut retardarunt: eam verò nec promovère, nec moram huic attulerunt sal communis, sal gemmæ, hyssopus, &c.

III. De his D. du Clos ita Philosophari visus est ex principiis vulgo receptis & ex quatuor elementorum primis qualitatibus. In lactis coagulatione duplex partium genus secretum fuit, aliæ enim erant densiores, aliæ serosæ; illæ vel erant sulphureæ, quæ in buryrum, vel terræ magis, quæ in caseum abierunt. Calore solo, aut motu ipso hæc fit partium secretio: adeo ut partes solidiusculæ ante dispersæ in unum coeant, dum aliæ aliis adhærescunt, ac quinta fere pars lactis tum calore ignis, tum additione succorum coagulantium visa est concrescere. Illa concretio in aëre sicco & calido, ut in ætate citius fit quam in aëre humido, & veris tempore. Unde adstringentia & acida eam concretionem promovent, non item quæ humida sunt, aut resolvunt.

IV. Paucis post diebus ovorum albumina agitata & despumata cum variis quoque liquoribus sunt conjuncta. Spiritus acidi è sale communi, aut nitro exstillati firmam concretionem effecere, non item oleum vitrioli quo fibrosa coagulatio facta est; firmior è spiritu sulphuris, nulla è spiritu mellis acido, aut ex aceto secuta est concretio.

Spiritus salis ammoniaci, oleum itidem tartari nullam condensationem procreant; spiritus vini purus satis firmam, sed in grumos divisam exhibuit; succus è catapucia minore expressus, sal ammoniacus in pulverem coneritus, sal persicarum, sal tartari, sal communis nihil de fluiditate albuminum detraxerunt: sed gallarum extractum promptam coagulationem & firmam dedit, uti & alumen: vitrioli cuprei quod ferrum rubro co-

lore inficit, dissolutio mediocrem coagulationem, vitrioli Martis, ut vo-
cant, solutio nullam efficit concretionem, uti nec dissolutio vitrioli ca-
albi.

V. Post hæc in sanguine quoque animalium quædam facta sunt in ean-
dem rem experimenta. E jugulari vena agni sanguis missus & diversis vascu-
culis impositus. Qui nulli liquori admistus fuit, intra semi-horæ spatium
omnino est coagulatus; cui affusus est spiritus salis communis, hic sta-
tim torus induruit & nigrescens omnem ruborem exiit. Idem contigit san-
guini cui oleum vitrioli affusum fuit. Acetum quoque distillatum nigro co-
lore sanguinem infecit, sed minus solida erat concretio. Spiritus salis am-
moniaci omnem coagulationem inhibuit, uti & oleum tartari; sed ille
colorem rubrum plenorem dedit, hoc vividiorum & igneam magis; spi-
ritus vini sanguini concretionem satis firmam & grumolam impertit, uti
& ovi albumini: multum tamen feri secretum est, rubor erat ochræ adu-
stæ non absimilis. Spiritus mellis sanguinem atro colore infecit, cum mol-
li & inæquali consistentia; nucis gallæ extractum concretionem itidem
grumolam dedit. Spiritus æruginis fortem & æquabilem concretionem,
sed colorem atrum induxit. Spiritus nitri, & spiritus salis communis mol-
lem & in grumos dissectam effecerunt coagulationem omni rubore detra-
cto. Salis communis in aqua communi dissolutio colorem paululum immu-
tauit, nulla coagulatione infecta; nulla quoque è succo catapuciæ aut ace-
tosæ prodiit concretio, sed ex admistione sacchari, cepæ, nasturtii, ut
in puro sanguine, sic facta est coagulatio. Ex arteria carotide sanguis edu-
ctus firmiorem nactus est consistentiam, ubique ruber, atque ex liquo-
rum admistione eadem sunt consecutæ concretiones, quæ in venoso san-
guine.

VI. Interjectis aliquot diebus sanguis venosus cum arterioso collatus fuit,
hic in imo vasis nullam contraxerat nigredinem; succus napelli utrumque
nigro colore imbuerat: sed cum eo discrimine, ut quarta pars venosi san-
guinis induresceret, non item in arterioso sanguine; cicutæ succus venoso san-
guini majorem & firmiorem concretionem impertit, quam arterioso, cu-
jus color pene idem permanfit, sed venosus parte suprema lividus appa-
rebat. Solani mortiferi succus eundem colorem dedit venoso sanguini qui
ut purus ita coaluit, arteriosus liquidior visus est; pars densata pristinum
colorem non amisit, sed serosa erat instar aquæ subviridis & putrescentis. San-
guis venosus cum succo è foliis sambuci expresso ut purus ita coaluit, non
item arteriosus qui non fuit coagulatus, illius color lividior, hujus nigrior:
sic ellebori nigri succus san-
guinem venosum minus coëgit, quique in fun-
do vasis subsidebat, minus ater visus est: arteriosus liquidus mansit, & co-
lorem præbuit nigriorem quam venosus.

VII. Majoris absinthii succus nihil fere de sanguinis consistentia mutavit, uti
nec salviæ, lavendulæ & angelicæ succi venoso sanguini ullam pene mutatio-
nem attulerunt. Angelicæ succus dimidiam arteriosi partem coëgit, reliquum
instar feri sanguinolenti visum, idque post sesqui-horæ spatium coaluit. Sic Im-
peratoricæ succus sanguinem venosum pellicula obduxit; interposito sesqui-horæ
spatio sanguis omnino est congelatus, non item arteriosus qui liquidus perman-
sit.

ANN. 1669. VIII. Ne longior sim, succi minoris absynthii, melissæ, bistortæ, alchii millæ, artemisiæ, scorsonariæ, alliaræ, cythoræi sylvestris, menthæ, scrophulariæ, apii, raphani rusticani, tanacetii nullam aut minorem in puro sanguine coagulationem efficere.

Sic thæi extractum citra ullam concretionem atro colore venosum sanguinem infecit; arteriosus sanguis in medio coaluit cum vivido colore; reliquum serum fuit, idque nigrum colorem induit. Sal persicariæ mitis nullam effecit coagulationem; nec sal è siliquis fabarum eductus; sanguis arteriosus ex urinæ admixtione liquidior factus est & subflavi coloris.

IX. Consimili ratione fel bubulum pluribus valis exceptum est, ac variis liquoribus admixtis, quid singuli vel in consistentia, vel in colore mutationis attulerint, exploratum. Illud universim observatum fuit. 1. Spiritus è salibus sulphureis extillatos aut nullam, aut parvam concretionem præbuisse. Hujus generis fuerunt spiritus salis ammoniaci, qui nullam, spiritus vini, ut loquuntur, tartarifati, qui perparvam, purus vini spiritus, qui paulo majorem in quibusdam fellis partibus; liquor tartari, qui nullam fecit coagulationem.

Contra spiritus acidi, ut aceti spiritus, qui multam & fibrosam concretionem; acetum ipsum cujus iidem penè fuerunt effectus; spiritus æruginis, & sulphuris multam quoque, uti & oleum vitrioli, spiritus è butyro antimoni, spiritus itidem mellis; extractum gallæ aqua communi præparatum firmiorem coagulationem præbuerunt; spiritus nitri perparvam, aqua fortis mediocrem dedit.

Succi è napello, aut è cicuta expressi nullam; solani mortiferi mistura uti & cepæ, raphani rusticani, scorsonariæ perparvam effecerunt coagulationem; nulla è tanaceto, salvia, menthâ, imperatoria, angelica, lavendula, melissa, è cichoræo, apio, bistorta, artemisia, scrophularia minor facta est condensatio aut mutatio.

X. Cum hi liquores felli admisti in crastinum diem essent asservati, variæ mutationes in coagulatione & coloribus sunt observatæ quas longum esset singillatim recensere. Id unum annotasse satis fuerit, in omnibus his mutationibus, quidquid concretescebat, id omne fibrosum fuisse & levius: nam liquori id omne innatabat, nec quicquam in eo solidum fuit: quod autem non densatum est, id serosius erat instar lactei feri, aut aquæ à sanguine sectæ.

Præter duas illas portiones coagulati & serosi humoris quædam pinguedo valis lateribus adhærescebat.

Quas spiritus nitri, aut aqua fortis concretiones dederunt, eæ solæ non fibrosæ, sed in grumos & in spumam sunt divisæ. Quæ à gallæ extracto facta est coagulatio, ea omnium permixtissima visa est, & omnis ferè serositatis experta, quæ separatim densata speciem gelatinæ præbuit.

Alia quoque & varia in sanguine tum venoso, tum arterioso è jugulari vena & arteria carotide agni misso facta sunt experimenta, quæ summatim attingere satis fuerit. Huic admixta sunt diversa salium genera, nitrum, sal communis, sal è siliquis fabarum, tartarum, atque hæc omnia nullam aut perparvam effecerunt coagulationem colore nonnihil immutato. Salis poli-

chresti admistio sanguinem arteriosum non item venosum coagulavit, sed *Physica.* sanguinis color idem fuit.

XI. Quidam alii sales colorem sanguinis conservarunt, ut nitrum una cum spiritu sulphuris, sal è tamariscis extractus vividior colore concretum sanguinem donavit; sal è scapis & siliquis fabarum eductus nullam coagulationem fecit, sed color nativus in venoso sanguine vegetior quàm in arterioso visus est. Idem ferè in erucæ sale evenit qui sanguinem pulchro & rutilo colore imbuit, uti & sal artemisiæ: sed sal buxi rubrum colorem sanguini dedit simul & fœtorem; sal absynthii majoris nihil ferè de sanguinis colore & consistentia mutavit. Salvæ sal citra concretionem rutilum sanguinis colorem promovit; paululum densior ex sale pulegii factus est; sed ex sale rorismarini venosus sanguis multum colore rubro ad nigrum vergente coaluit. Sic sal thymi venosum sanguinem minus, arteriosum magis coagulavit. Eadem est ratio meliloti: pars maxima salium qui è plantis ut è bursa pastoris, scrophularia minore, hyperico, fraxino, persicaria miti, alchimilla, chamædri, apio, melissâ, lactuca, cychoræo, heliotropio, junipero sunt extracti, nullam effecere coagulationem. Sed coagulum vitulinum aqua dilutum magnam effecit concretionem in sanguine venoso & arterioso, nec quicquam feri reliquum fuit.

XII. Illud etiam visum est experiri an forte in aqua quæ in equi pericardio reperta vasibus aliquot excepta est, eadem coagulationes quæ in lacte, aut in sanguine ex admistione salium aut liquorum fierent. Illud in universum compertum fuit spiritus sulphureos, aut sales Alkali, cujusmodi est sal tartari, nullam, acidus spiritus, ut æruginis, vitrioli, nitri magnam concretionem effecisse, spiritus mellis nullam exhibuit.

Eadem penè experimenta in sero sanguinis humani facta sunt: liquores acidi è vitriolo, nitro, sale communi extillati firmam dedere concretionem, nulla ex oleo tartari, aut spiritu salis ammoniaci orta est; spiritu tamen vini affuso serum in grumos candidos coaluit, sic spiritus mellis accessione nonnihil rurbati serum & nigrescere visum est.

XIII. Jam ut salium & liquorum qui in coagulatione promovenda sunt adhiberi, doses & differentię perspectæ haberentur, omnes cum sublimato mercurio è vitriolo Martis separatim sunt permixti. Quid singuli præstiterint nihil necesse est hoc loco commemorare. Illud unum admonere satis fuerit hoc examen magno postea usui fuisse in corporum analysi exploranda. Primum quidem compertum est spiritum vini, acetum distillatum, sallem è tamariscis extractum, sallem hyperici, erucæ, juniperi nullam præcipationem creasse, nec vitrioli solutionem perturbasse, tamen sales prædicti hyperici, erucæ, &c. lacteum colorem solutioni sublimati conciliant, quod liquores penè omnes sale volatili imprægnati præstare solent, hujus generis est spiritus salis ammoniaci.

1. Liquor tartari, ut sales plurimi è plantis extracti & lixiviales sublimati solutionem multum præcipitarunt, & rubro aut flavo colore, ut vitrioli solutionem ceruleo & obscuro colore infecerunt cum magna præcipatione. In hunc censum referri possunt sales lactucarum, melissæ, meliloti, bursæ pastoris, cychoræi, scrophulariæ minoris, salvæ.

ANN. Sales mixti ex acri & acido nullam efficiunt præcipitationem, ut sal communis & alii quidam.

X. Postremo iidem sales cum syrupo violarum & tincturâ ligni Brasilensis commisti varios colores præbuerunt. Acidi liquores, ut oleum vitrioli, syrupum violaceum rubro colore imbuunt. Sales Alkali & viridem colorem & interdum smaragdinum eidem conciliant. Sic sal heliotropii majoris eum colore viridi imbuunt, sed tincturam è ligno Brasilensi nonnihil obscuravit. Oleum vitrioli eandem tincturam flavo colore imbuunt, cui sal heliotropii cum adjectus fuisset, magna orta est ebullitio, ac tinctura pristinum colorem purpureum recepit, omnemque aciditatem exiit. Nullam huic tincturæ aut syrupo ex violis coloris mutationem sal tamariscorum attulit, syrupum duntaxat clariorem efficit; sal lactucarum viridi colore syrupum, & infusionem ligni Brasilensis rubro colore, sed pleniore tinxit. Uno verbo sales fixi & lixiviales cæruleum syrupo colorem in viridem; sales aut liquores acidi in rubrum commutant; ligni nephritici infusionem flavo & diluto magis colore donant quàm sales alkali & fixi qui obscuriorem efficiunt; sales mixti nullam pene afferunt in coloribus mutationem.

C A P U T I I.

De causis coagulationis.

I. **E**X iis experimentis coagulationis causæ quæsitæ sunt, quas D. de Clos Chymicorum principiis insistent explicare ingressus est. Ac primum quidem illud admonuit in naturæ investigatione nihil fere majoris esse momenti aut latius patere quam ipsius concretionis causam. Nam quæque corpora non aliud quiddam sunt quàm liquores concreti; nihil in mixtis aut perfectis aut imperfectis gignitur nisi ex aqua, adeo ut corpora solida nihil fere sint præter aquam concretam.

Concretio autem omnis vel est congelatio quam frigus efficit citra substantiæ alterationem, vel coagulatio proprie dicta. Congelatio firmitatem præbet & soliditatem, sic tamen ut congelata interdum minus sint densa, & majus spatium occupent, ut in glacie videre est: crystalli mineralium, ut nitri, salis communis vitriolati, ex quo nimirum distillatum est oleum vitrioli, aquæ innatant: contra in metallis, cera, adipe & oleosis, ubi congelatio in ætius spatium cogit corpora.

II. Multa quoque de congelatione tum simplici, quam frigus externum; tum mixtâ, quam partim frigus externum, partim interior siccitas procreat, disseruit. Hanc in mixtis fieri quæ humore aut calore liquefcunt, humore quidem exsolvuntur, ut sales in aqua, crystalli metallorum in aquis stygiis. Metalla ex sale & sulphure composita in aquis fortibus dissolvuntur, & ignis vi funduntur. Liquores acidis spiritibus imprægnati congelationem citius creant. Contra qui igneis spiritibus & sulphureis abundant, congelationem omnem inhibent: sic aqua vini ardens, olea ipsa nisi multum

terræ vel aquæ habeant admistum, vix congelantur; sales sulphurei fixi, aut volatiles cum ab omni terrena fecce soluti sunt, nunquam fere congelantur. *Physi- ca.*

III. Atque hæc de congelationum causis, hinc ad coagulationes transit: in iis substantiæ quandam vel in compositione, vel in natura mutationem agnoscit. In illa partes solidiusculæ à liquidis secretæ unâ coeunt, ut in lactis coagulatione. In eo genere præcipitationes corporum reponi possunt: spiritus salini aliorum spirituum, sed diversæ naturæ accessione interdum condensantur, ut fit in coagulatione spiritus vini cum nitri spiritus aut urinæ permisti: sic oleum vitrioli cum sale tartari conjunctum, aut spiritus nitri cum sale fixo ejusdem nitri, aut cum eo qui è plantarum cineribuseductus est, admistione, uno verbo liquores pene omnes salini unâ cum iis corporibus quæ sale sulphureo aut Alkali abundant, omnino concrescunt. Sic spiritus aceti distillatus cum plumbi calce, coralliis, gemmis, oleum vitrioli cum ferri limatura, idque videre est in omnibus pene acidis liquoribus qui unâ cum zinco extillantur. Quod fit aut phlegmatis superflui separatione, aut siccitate ipsa quæ in terrenis sulphuribus abundat: nam humiditas nimia hanc concretionem inhibet.

IV. Aliud deinde coagulationis genus distinguit, in qua rei ipsius substantia transmutatur. Hujus coagulationis vi succi minerales, plantarum itidem succi, chylus in animantibus firmitatem & soliditatem consequuntur. Hinc succi lapidifici in cryptis & nonnullis fontibus. Sic Marchasitæ seu globæ metallicæ confusæ vapores aëris circumfusi condensant & sale vitriolico imprægnantur, uti suo loco diximus. Plantas ex aqua pluviali nutriri & augescere celebre illud Helmontii experimentum fere demonstrat, idque fit per coagulationem transmutatricem. Quod in quibusdam piscibus qui ex aqua sola vivunt, ut eidem placet auctori, ex viperis quæ vasis concluse per aliquot menses ex aëre nutriuntur, id confirmari potest.

V. Quod superius de aquæ communis in lapidem transmutatione allatum est experimentum, nonnihil lucis huic explicandæ coagulationi afferre potest. Sic aqua communis in calce viva lapidescit, vi sulphuris quod ignis ardore fuit exaltatum: calcem enim sale sulphureo fortam hinc colligimus, quod sulphurea quæque mineralia dissolvat, & terris fertilitatem affrat, adeo ut ignei spiritus, qui in rebus sulphureis dominantur, coagulationes illas transmutatrices efficere videantur.

Placuit interim ea pertractare, quæ ex Physica & Mathesi mixta, utriusque scientiæ principiis innituntur. Hujus generis sunt statica, quæ circa corporum gravitatem versantur. Illud imprimis longe omnium difficillimum fuit agitatum, quæ sit causa descensus gravium.



ANN.
1669.

CAPUT III.

De rerum gravium descensu & causis illius motus.

I. **S**ub initium mensis Augusti anni 1669. quæstio, si quæ sit alia in Physicis implicata, de causâ gravitatis agitari cœpta est: suas quisque conjecturas proposuit, quas longum esset singillatim recensere, eæque in libris ante id temporis & postea editis passim occurrunt. D. de Roberval proprium & specificum sensum quo rem objectam discernere valeamus, nobis deesse existimabat, adeo ut non magis ea de re nobis liceat quid certi decernere, quàm cæcis ab ortu de lumine aut coloribus. Is tamen eò sententia sua ferebatur ut vim quandam corporibus insitam esse vellet, qua partes illius in unum coire afficerent, ita ut alia sit terrestris, alia corporis lunaris gravitas, quâ partes in suum quæque corpus nituntur.

II. Non longè ab ea sententiâ recedebat D. Frenicle qui communi hoc principio utebatur, unicuique rei vim quandam sui conservatricem ab Auctore naturæ inditam esse. Eam porro variam existere, nec uno & eodem modo agere. Non enim plantæ vitam suam eadem ratione tuentur atque animalia, cum utrisque non adsint omnia quæ ad sui conservationem opus sunt, sed aliundè ea mutuuntur, atque ubi desunt, statim emoriantur. Unde vis illa sui conservatrix in plantis & animantibus admodum arcta est & angusta. Sed terra ipsa cùm augmento aut alimonia non egeat, seipsam tuetur & conservat, cum partes inter se connexas & unâ conjunctas habet, ne disiectæ dissipentur, idque gravitatis beneficio consequitur. Quæ non tam motus est, quàm nifus ad motum; hic tamen non otiosus est, sed continenter agit, ita ut debiliora fortioribus cedant.

III. Motum verò triplicem distinguebat, projectionis, impulsione & attractionis. Motor in mobile vim suam exerit; projectum liberum dimittit, postquam huic motum impressit. 2. Impulsus dicitur cum motor mobile tandiu comitatur, quandiu motus durat; seu id vehat, seu id trahat, aut pellat. Atque hoc unum motionis genus bene cognitum est & perspectum. Nam in projectis motus continuati causa, cum mobile à motore separatur, satis obscura est & recondita.

IV. Attractionis, si quæ sit, causa est obscurior, cum motor agit in mobile citra contactum. Eam tamen in magnete & electricis corporibus conspicuam esse aiebat; corporum gravitatem attractione fieri, tametsi causa illius non alia sit quàm prima omnium causa. Attractionem verò multis experimentis comprobare nitebatur quas satis commodè per impulsione explicari posse omnes pene recentiores Philosophi demonstrarunt, neque in his diutius nobis immorandum.

V. Quamobrem descensum gravium impulsioni cuidam, non attractioni, aut inclinationi à natura inditæ, quæque in rebus inanimis vix intelligi potest, tribuendum esse censuerunt D. D. Hugens, Perrault, Buot & alii.

Sed

Sed in explicanda huius impulsus ratione non una eorum fuit sententia. D. De Buot in Cartesii opinione acquiescebat, D. Hugenius videtur ad eandem sententiam accedere, sic tamen ut quæ in Cartesiana hypothesi desiderantur, expleret, & longè probabiliore huius rei explicationem afferret, eamque experimentis illustraret. Paucis abhinc annis quid ea de re censeret, scripto publico aperuit. Nobis adeo satis fuerit quæ in Academia tum temporis paulo uberius ab eo sunt exposita, in summam contrahere: tamen si Hugenii dissertatio integra Miscellaneis nuper editis inserta est.

VI. Quò gravitatis causam probabilem indagemus, illud nobis intuentium qua ratione fieri possit ut corpora ex consimili materia composita, in quibus nullam qualitatem, vel nescio quam ad mutuum accessum propensionem, sed magnitudinis tantummodo, figuræ, motûs diversitatem spectamus, versus idem centrum tendant, & circumposita huic ahaerescant, atque ægrè hinc dimoveantur. Qui quidem effectus non ex partium exiguitate, aut figura corpusculorum, sed ex motu ipso proficiscitur. Illud itaque inquirendum, qualis sit hic motus, unde niscus ille in quoddam centrum commune oriatur.

VII. Duplex tantum motûs genus in rerum natura conspicitur, recti & circularis. Motûs recti leges in corporum collisione non sunt obscuræ, qua ratione is communicetur, satis notum est, ut hinc concludi possit nihil in eo motu, aut in variis ejus reflexionibus occurrere, quod materiæ partes ad unum quoddam centrum determinet: ita ut ad motûs circularis proprietates nobis omnino sit confugiendum, & querendum num fortè in iis motibus sit vis aliqua quæ huic rei explicandæ sufficiat.


VIII. Cartesius corporum quæ in orbem moventur niscum, quo à centro recedere moliantur, ex rotatione fundæ, & funis tensione hoc majore, quò celerior est rotatio, satis dilucidè ostendit. Hoc ipsum D. Hugenius in mensa rotundæ figuræ celeri motione circumactâ ante aliquot menses ostenderat, simul & nonnulla Theoremata hinc deduxerat.

IX. Hoc igitur posito fundamento probandum illi fuit niscum illum, quo à centro corpora circumacta recedere conantur, genuinam esse causam cur alia in idem centrum nitantur. Primum enim, si corpus fluidum in vase conclusum, unde exire non possit, circa vasis centrum moveatur, omnes materiæ fluidæ partes à centro recedere moliantur, sed irritò conatu: nam quæ recedentibus succederent, non minus removeri à centro motûs afflatur: unde in suo quæque loco manere coguntur.

X. At si huic materiæ permittæ sint partes quæ aliarum motu circulari non ferantur, aut tardius moveantur, has omnes ad centrum propelli necesse est: cum enim aut nullo, aut minori conatu quàm vicinæ à centro cedant, his cedunt loco & ad centrum pelluntur. Sic in figura apposita corpus E, quod aliarum partium circulari motui minus obsequitur, ad centrum D, ab aliis propellitur.

XI. Id verò luculento exemplo, in quo ipsius gravitatis expressa quædam velut imago apparet, omnino illustrari potest. Nam si aquam in vase cujus fundus sit planus & tersus circumagas, simul & pulverem aliquanto graviores, ut buxum in aquam injicias, tum pulveris granula in aqua flui-

ANN. tantia sub initiura motum circularem consequentur, nec ad centum accedent; sed ubi fundum attigerint, & circularis eorum motus imminuetur, tum circa centrum ea coibunt, atque in id per spiralem motum contendunt, quod motioni aquæ adhuc ex parte obsequantur. Jam si globus L intra fila AB, &



GK, & aliud paulo sublimius FH ita sit interceptus, ut liberè tamen inter fila moveatur, tum motu vasis subito cessante globus ad centrum D, se recipiet. Nam intra fila AB, & GK, ex utraque parte vasis tensa sit apertur, ut motu aquæ circulari abripi non possit, ubi sistitur vasis agitatio, globulus etiam si æqualis sit cum aqua ponderis, in medium tendet: adeo ut ex solo motu hic prodeat effectus, tametsi nulla est in pondere corporum differentia.

XII. Cartesius Epistola 32. secundi Voluminis vas ABC, plumbi pulvere, aut globulis complet, tum ramènta ligni adjicit, quæ circumactò vase ad medium pulsùm ita existimat. Verum idipsum ex diverso pondere plumbi & ligni oriètur: cum tamen gravitas ipsa ita sit explicanda, quasi eadem sit ubique materia & uniusmodi, nec ponderis diversitas ullo modo spectetur.

Alia in epistola ligni frustula in aquam conjici jubet, quæ si aquæ innatent, ad centrum non confluent; si fundum petant, idem erit experimentum quod mox fuit propositum, idque ita eveniet quod motus eorum retardetur, neque ullam hujus rationis mentionem fecit Cartesius.

Consimili in naturâ effectû huic quem gravitas præstat invento, illud *De* inquirendum restat an fortè quiddam in elementari globò non absimile occurrat; an motus alicujus materiæ versus centrum protrudat corpora crassiora, an alia gravitatis phænomena hinc explicari possint?

XIII. Quod si sola sit mundi elementaris diurna agitatio, in eisdem partibus conversio terrena corpora secum abripiet, ut in allato experimento aqua pulverem buxum unâ secum vehit: nec tamen ita fit. Deinde corpora quæ communi huic motioni obstant, non ad centrum, sed versus axem terræ per rectas ad axem mundi perpendiculares impelluntur: id quoque cum experientia pugnat: non igitur ex illa hypothesi diurnæ vertiginis terræ, motus gravium satis aptè deducitur.

XIV. Quare ut quiddam verisimile statui possit, ponamus spatium illud omne Sphæricum terræ circumfusum fluidâ materiâ ex minutissimis corpusculis constâ, & variè in omnes partes agitata compleri. Cum hæc materia ex eo spatio exire nequeat, quod obstant circumjecta corpora, motus illius materiæ quantumvis diversi in Sphæricis superficibus circa centrum illius spatii maxima ex parte peragentur, quòd materiæ eo spatio conclusæ faciliores sint motus circulares, quàm si recti essent. Hi quippe sibi mutuò adversarentur, atque ex reflexione ipsa, cum inclusæ materiæ nullus detur exitus, motus illi recti in circulares convertuntur. Hoc videre est in probatione argenti per cupellam: nam globulus plumbi cui admistum est argentum, ignis calore circa suum centrum modo in unam, modo in aliam partem quam citissimè gyrat. Idem accidit in sibi guttula, cum flammæ accensæ candelæ admoventur. Etsi motus illi circulares in diversas partes acti sibi mutuò videntur ob stare, magna tamen substantiæ æthericæ mobilitas, & minutissima quibus constat corpuscula, in causa sunt, cur tam diversas agitationes ferat, & penes varias corporum collisiones, ad quamvis impressionem excipiendam sit parata: sed tamen circulares motus circa terram cæteris omnibus sunt potiores, & vi majore donantur.

XV. Quod si igitur crassiores quædam partes alterius materiæ, aut aliæ aliis implicatæ obstant, quominus rapidæ illius materiæ motioni obsequantur, versus centrum motus has trahi necesse est. Cujus rei eadem est ratio, quæ allati experimenti. Quocirca cujusmodi corporis gravitas non aliud quiddam est quàm actio fluidæ materiæ circa telluris centrum in omnes partes agitatæ, quâ à centro recedere nititur, & minùs sequaces in suum locum substituit. Cum enim ea corpora ob majorem molemi materiæ in omnes partes agitatæ varias impressiones, & sæpe sibi adversas excipiant, motus communis impressionem amittunt.

XVI. Atque ista intellectu non sunt difficilia, si infinitam prope corpusculorum, quibus materia gravitatis efficitrix constat, exiguitatem aciorè animo contemplemur. Nam corpora vasis metallicis inclusa nihil de sua gravitate deperdunt, quòd substantia hujus gravitatis causa corpora quæque etiam solidiora penetret, uti & magnès in ferrum vim suam exerit, etiam per vitrum interjectum: nam substantia illa fluida in omnes particulas corporis vim suam exprimit, quòd ob tenuitatem suam angu-

AN. stiffissimos meatus subeat. Jam si liber huic non pateret aditus, summas
1669. duntaxat corporum superficies premeret: unde globus vitreus intus excavatus tantum haberet ponderis, quantum globus solidus. Neque ad liberum hunc cœlestis materiæ in dura quæque corpora incursum visus est attendere Cartesius, cum scripsit occursum materiæ cœlestem inhiberi, quominus in rectas lineas motum suum continuat: unde ab ea quantum potest recedit. At si terra obstat huic materiæ cœlestis motui, corpora quæque solidiora non penetrabit, tumque plumbi vase conclusi minuitur pondus, atque in profundioribus fodinis multum de metalli pondere decedet.

XVII. Quanta sit celeritas materiæ illius fluidæ quæ descensum gravium efficit, ad calculum revocat vir clariss. & quam aptè phænomena cum hypothese & calculo convenient, fusils edisserit; cur ad centrum terræ nitantur gravia; cur eorum gravitas interpositu aliorum corporum non minuat, & cuiusque corporis partes ad ponderis ipsius quantitatem conspiciunt: adeo ut juxta partium multitudinem augeatur pondus; cur in descensu motum suum accelerent ex continua materiæ fluidæ impressione, quæ eorum locum affectat. Quæ omnia longiorem tractationem postulant, & minimè necessariam, cum Hugenius sententiam suam eleganti dissertatione in lucem edita exposuerit.

XVIII. Multa adversus hanc sententiam opposuit D. de Roberval, quæ singillatim diluit D. Hugenius; unum item & alterum proferam. Primum explicatu difficile videtur, quid in causa sit cur materia fluida certo spatio conclusa, quæque à centro motus continenter recedit, à circumjectis corporibus tandem sistatur. Quæ illa corpora quæ motum materiæ impediunt, aut ultra pergere eam prohibent? Crassa illa esse corpora quæ sistuntur, necesse est: & tamen tam subtilia ponuntur, ut cuncta penetrant. Motus ille in rectas lineas reflecti deberet instar luminis. Quid demum superficies illas sphericas determinat?

His breviter respondit D. Hugenius, corpuscula in spatio spherico mota ab aliis corpusculis extra illud spatium positis ne ulterius pergant, impediri, non aliter fere quam in stagnante aqua parvus vortex in se contortus ab aqua circumjecta ne ulterius se diffundat cohibetur.

XIX. Instabat D. de Roberval, an fortè motus illi circulares materiæ fluidæ in certo spatio conclusæ, circa idem centrum absolvuntur? Sed hoc ipsum est quod querimus, centrum illius motus, quod ut certum sumi non debet, nec questum pro concessio. Quod si diversa sint centra, nihil erit in hoc motu definitum, quæque impelluntur corpora, in diversas partes distraherentur. Quin etiam quæ partes inter se colliduntur, motum circulem in rectum per tangentes commutabunt juxta reflexionum regulas.

Responsum est non queri centrum, sed cur quædam corpora versus centrum ferantur. Hoc ipso enim quod spatium sphericum ponitur, centrum quoddam poni necesse est. Quod autem circularis motus in rectum per lineas tangentes non mutetur, id in causa est, quod partibus in orbem motis non pateat locus quo se recipiant: nisi forte eodem tempore aliis par-

tibus desit ille à centro nifus aut tendentia , quòd motu illo circulari desti-
tuantur : tum enim iis cedunt quibus adest ille motus, atque in hoc ipso *De gravi-
gravitas consistit. Nec tamen necesse est ut partes omnes hujus materiæ flui-
dæ circulari motu donentur, satis id fuerit si major sit copia earum quæ in
orbem aguntur.* *itate.*

XX. Atenim crassa illa & magna corpora quæ versus centrum protruduntur, huc illuc impellentur, & superficies eorum varios situs consequentur : nam ex se nullam habent determinationem ; quæque in ea incur-
runt corpuscula motus circulares in rectos per reflexionem commutabunt.
Imo subtilis illa materia non potest crassiora corpora permeare, quin in ea
impingat, & in varias partes impellat, ut meatus variè sunt dispositi, aut
superficies ad diversas mundi partes obvertuntur, aut corpuscula inter se
connexa majora efficiunt corpora. In his labyrinthis materia fluida aut
sistere cogitur, aut in omnes partes per rectas lineas rescire : quod si libere
pertranseat, nullus ex ea sequetur effectus.

Respondit vir clariss. rationem à se allatam cur majora corpora huc illuc
non impellantur, cœlestis vero materia adeo subtilis eadem facilitate so-
lidiorum corporum intervalla pertranseat, quàm ipsum aëra, in eo positam
esse, quòd directio superficierum nihil ad nōtū determinationem in unam
potius quam in alteram partem conferat : subtilis illa materia eo fere modo
gravia corpora pervadit, quo aqua fluminis inter juncos aut retia pertransit,
quantumvis quædam illius partes in ea corpora incurrant. Non enim earum
reflexio has potest distrahere, nec obstat quominus à multitudine partium
aquæ quæ succedunt, una abripiantur.

Hæc fere de gravitate corporum à viris acutissimis sunt disputata. Quæ
in hanc sententiam à D. Perrault tum scripta sunt, cum ea publici juris
facta fuerint, nihil necesse est regerere, eaque in Physica generali tractatu
secundo exposuimus.

XXI. Ex quibus illud efficitur corporis gravitatem positam esse in nifu quo-
dam materiæ fluidæ circa terræ centrum circumactæ, quæque in omnes agitur
partes : quo quidem nifu à centro recedere nititur, & in locum suum ea
substituere corpora, quæ huic motioni minùs obsequuntur. Nam ubi par-
tes crassiores, aut sibi mutuo magis implicatæ occurrunt, eæ versus centrum
protruduntur. Neque enim ea corpora quæ in aëre decidunt, motum sphæ-
ricum fluidæ substantiæ consequuntur, quòd impulsus illius materiæ in varias
partes tam frequentes & celeres sint, ut sat temporis non intercedat, quo
crassiora illa corpora motum sensibilem acquirant.

Et quidem minuti pulveris granula, quæ visus aciem fugiunt, in aëre
volitantia huc illuc temere mota illius materiæ vi raperentur, si in solo
fluido, quod gravitatem efficit, innatarent : sed alia sunt circumjecta
spatia, quæ diversi generis materiam continent. Hujus itaque materiæ par-
tes & affiores variè agitatæ & reflexæ communi fluidi nostri vertigini mi-
nus obsequentes nonnihil obstant quominus illa corpuscula ab ætherica sub-
stantia in orbem rapiantur. Nam præter acris particulas crassiores, aliam
esse quandam substantiam aëre subtiliorem, sed æthere crassiorem, ex iis
quæ facta sunt in machina pneumatica experimentis, suspicabatur vir

ANN. clariss. Exhausto quippe aëre aqua expurgata è syphone ut in aëre continenter fluit, ut de suspensione hydrargyri & aquæ nihil dicam. Substantiam illam aëre subtiliorem esse hinc liquet, quod vitrum penetret: sed longè crassior est ætherea substantia cum illius motui non omni ex parte obsequatur, alioqui gravis ea non esset. Nec tamen partes illius acervatim esse congestas necesse est: nam in aëre hæ particule licet dispersæ suo donantur pondere.

XXII. Ex quo etiam illud concluditur, ea corpora esse graviora quæ pluribus constant partibus liberum fluidæ materiæ transitum impredientibus: nam ea sola sunt gravia, in quorum locum hæc subtilis materia eluctari nititur. Cum enim duo corpora, ut duo globi eburnei in plano horizontali sibi invicem occurrunt, mutua resistentia non ex gravitate aut nisu versus terræ centrum oritur: cum motus ille horizontalis à centro terræ recedere non conetur: sed ex materiæ ipsius quantitate sibi arctè implexæ & resistentiæ omnino proficiscitur. Quod si enim æqua sit in utroque corpore ejusmodi materiæ quantitas, æqualis erit utriusque in partes oppositas reflexio, aut certe ambo corpora manebunt immota, ut dura fuerint aut mollia. Cum autem æqualis est reflexio utriusque, æquale est pondus: ergo ubi æqualis est materiæ quantitas, æqua itidem sunt pondera.

XXIII. In quo quidem, ut diximus, à vero nonnihil videtur aberrare Cartesius, cum existimat motum cœlestis illius materiæ in rectam lineam terræ oppositu impediri: nam si res ita sit, eadem materia nec metalla nec vitrum pervaderet, sicque plumbum vase vitreo conclusum multum de suo pondere amitteret.

Idem opinatur aurum, quod fere vigesies gravius est eadem aquæ mole, non amplius tamen quam quadruplam materiæ quantitatem continere, quod liquida corpora partibus consent in motu positis, unde & respectivam habent levitatem, ubi cum duris & solidis comparantur. Verum si res ita esset, pars aquæ congelata multo gravior esset, quàm eadem liquidæ moles, & metalla fusâ minus ponderarent, quam dura. Deinde quæ fieri potest ut liquiditas corpora efficiat leviora? non enim fluiditas illa motum circularem circa terram, aut sursum versus, sed in omnes partes iis impartitur.

XXIV. Hinc etiam causas accelerationis motuum in corporibus deducit vir clariss. juxta Galilæi principia, celeritatem nimirum æquis temporibus æqualiter augeri. Cum enim corpus grave à particulis vicinis materiæ in ejus locum succedere nitentis continenter pellatur, urgentis illius materiæ vis semper æque valida est atque illa erat, cum corpus quiescebat, unde & celeritas eadem ratione augetur, qua ipsa tempora. Hæc adeo hypothesis nullo modo cum experientia pugnare, nec quicquam impossibile videtur continere, eaque phænomenis satis concinit: adeo ut saltem verisimilis habenda sit, dum alia phænomena huic adversa occurrant.

Primum illud verisimillimum videtur causam descensus gravium, aut ascensûs levium, non in ipsis corporibus, quæ ex se ad omnem motum sunt indifferenteria, sed in medio ipso, seu in aëre aut in æthere circumfuso quæti oportere. Verumtamen vix doctiss. P. de Chale l. 3. de motu locali præ-

pos. 6. quædam adversus hanc sententiam quæ nunc fere obtinet, non contem-
nenda opponit, nempe subtilis cujusdam materiæ continua impulsione gravia *De gravi-*
quæque deorsum trudi. Primum enim si res ita esset, corpus grave figuræ *late,*
cubicæ, aut alterius latioris, qua plures ictus subtilis materiæ exciperet,
citius descenderet, quàm corpus sphericum: contra tamen evenit. 2. Quin
etiam minutiora quæque corpora citius caderent, quàm majora, illis enim
major celeritas imprimitur, & major inest superficies pro mole sua, unde
plures illius partes feriuntur. 3. Quid causæ esse potest ut corpora ejusdem
molis, seu voluminis alia sint aliis graviora? An quòd in his pauciores
sint pori? At si potiores habent poros, plures quoque habent partes quæ à
subtili materia ferri debent. 4. An subtilis illa materia cum ad terram
pervenit, sursum reflectitur? Quod si datur, corpora gravia non minus
sursum, quam deorsum pelluntur; si ea non resilit, quid sit de hujus mate-
riæ cumulo circa terram congesto?

His & aliis breviter respondet D. Varignon in eximio tractatu qui inscri-
bitur novæ conjecturæ circa gravitatem. 1. Corpus latius non citius descen-
dere, quàm sphericum, tametsi magis pateat subtilis materiæ ictibus, nam
minus crassum est, & plures admittit meatus proportionem servata, quàm
sphericum, quod citius aërem dividit, quàm planum & extensum.
2. Minora corpora æque cito descenderent, ac majora, nisi medium inter-
jectum illa difficilius pervaderent & dividerent, quod major sit eorum su-
perficie pro molis ratione. Quæ reliqua opponuntur commodius diluentur cum
systema D. Varignon excutimus. Is quidem à Cartesii sententia recedit,
& quædam assert adversus hanc hypothèsim, quæ à nobis fuit exposita,
quæque silentio non sunt prætereunda: sed de his suo loco.

XXV. Circa accelerationem gravium quædam subjecit experimenta
D. Frenicle.

Medulla Sambuci in globum tornata, cujus diameter erat quatuor li-
nearum, post 20 pedum spatium peragratum æquabili velocitate decedit. Sic
ingluvies galli Indici ab omni pinguedine purgata & aëre impleta, post-
quam ex alto decidens 12 pedes percurrit, velocitatem suam non augere,
sed æquabili motu delabi visa est. Hujus generis experimenta sunt facien-
da in loco clauso & ita disposito, ut in diversis stationibus liceat consistere,
quò transitus corporum discerni queat. Locum in eam rem selegerat 50
pedum altum.

Illud quoque ab eodem viro clariss. observatum corpora etiam leviora
sub descensus initium non tardius decidere, quàm graviora quæque, quan-
tùm ex visu & auditu licuit conjicere: non enim inter globuli medullæ-
ris cujus mentionem fecimus; & plumbei ejusdem molis descensum dif-
ferentiam potuit advertere, cum ex 4 aut 5 pedum altitudine simul demit-
tebat.

XVIII. Ex quibus illud colligebat celeritatem descensus non semper ex
ponderis augmento sequi, nisi cum aëris resistentia motum corporis non
mediocriter retardat; aucta enim celeritate motus, aër simul sui divisioni
obstitit, quæ resistentia tandem fit sensibilis, tumque quod levius est, tar-
diori motu decedit, & corpus majoris ponderis ex eadem altitudine de-

ANN. lapsum facilius vincet eam aëris resistentiam qua divisioni tam celerē
1670. obstat.

Cum globum plumbeum una cum ligeo ejusdem voluminis ex eadem altitudine 147 pedum demississet, simul & eodem tempore decidebant, & laminam æream uno penè & eodem ictu percutiebant, idque sæpius repetitum fuit in navi majoris Ecclesiæ Bellovacensis. Unde & in aëre duo illi globi è regione positi cernebantur, sub initium motus uno aut altero pollice inter se distabant, sed propè terram jam utriusque distantia erat 6 aut 7 digitorum: nam globus ligneus motu aëris à plumbeo excitato ad latus deflectebat. Hoc experimentum in aperto aëre non succedit, nam plumbeus globus citius decedit; sed in loco occluso rem ita se habere sibi persuaserat vir doctus & diligens.



SECTIO SEXTA.

De Physicis experimentis quæ annis 1670. & 1671. facta sunt.

Quæ hoc biennio in Chymia & Botanica fuerunt accuratius expensa, primum prosequemur, tum ad ea quæ sunt Physicæ contemplationis veniemus.

CAPUT PRIMUM.

De animalium & plantarum Anatome.

I. Cum eo imprimis spectent Academicæ exercitationes, ut in Physicis congressibus quæ ad naturæ historiam spectant, non indiligenter tractentur, hoc ipsum anno 1670. sic adorta est, ut in animalium anatomicen, in plantarum, quæ ab aliis prætermittæ fuerant, descriptiones, atque in chymicam mixtorum resolutionem curam & studium suum potissimum impenderet, ommissis, aut in alium locum dilatis disceptationibus, quæ curiosæ magis & difficiles quàm utiles videntur. Nam illud judicavit frustra suscipi rerum occultarum scientiam, nisi ad hominum usum comparatur. Nec tamen Physica experimenta, cum occasio tulit, tacita præterire voluit.

Quare eo anno D. D. Perrault, Pecquet & Gayen complura animalia eaque non vulgaria quæ Versalis jussu Regis Christianiss. ad Academiam sunt asportata, diligentius expenderunt, descriptiones eorum & observationes paucis post annis typis excusæ, adeo ut supervacaneum videatur de iis nunc fufius disserere.

Cum defuerunt ejusmodi animalia; vulgata magis & nota cultro subiecta; & cum prioribus sunt comparata.

Com-

Complura etiam in vivis animantibus iterata sunt experimenta, variis *De*
 in vasa injectis liquoribus, quò sanguinis per cor, pulmones, arterias ex *Anal.*
 liquorum admisione perturbati motus animadverti possent. Injecto, v. g. *Plant.*
 spiritui vitrioli in jugularem venam canis, eo post 4 horæ minuta ex-
 tincto, sanguis vena jugulari, cava superiori, cordis ventriculis, & vasis *qua-*
 pulmonum contentus omnino coagulatus atro colore infectus & acidus *rum*
 apparuit: reliquum sanguinis venâ cavâ inferiore conclusi sub diaphragmate *miner.*
 fluiditatem suam retinuit. Spiritus quoque sulphuris, salis ammoniaci, spi-
 ritus vini in venas impulsus multis observationibus locum dedere, quibus
 circuitus sanguinis non mediocriter fuit illustratus, atque observationes circa
 fluorem & condensationem liquorum superiori anno factæ hinc confirmatæ
 fuerunt. Nam liquores acidi coagulationem, acres & volatiles majorem
 fluiditatem sanguini attulerunt.

II. Nec segnius circa plantarum historiam laboratum; earum icones
 delineari, novas è distitis regionibus allatas coli, & earum semina terræ
 mandari cœptum est. Stirpium descriptiones à D. Marchant elaboratæ cum
 ipsis stirpibus sunt collatæ, à D. Dodart postea in ordinem digestæ, postea
 diligenter sunt incisæ.

Eo anno sex & viginti plantæ sunt descriptæ & explicatæ. De visco-
 quercûs & ejus origine fuit disceptatum. Visum est D. Perrault eam plan-
 tam non è semine foris allato, sed ex ipsa arbore nasci, atque ex intima
 medulla originem suam ducere. At visci arborum originem D. Tournesfort
 paucis abhinc annis diligentius exposuit: qua de re suo loco dicemus.

III. Placuit etiam stirpium historię & descriptioni quasdam observationes
 circa earum analysim subijcere. Qua autem methodo, quave ratione ea in re
 procedere oporteret, peculiari dissertatione D. du Clos exposuit, re omni ab
 altiori principio reperita, quod jam superius attigimus.

Præcipuas stirpium partes, quæque aut sinceræ, aut nonnihil immu-
 tatæ eas constituunt, spiritum esse, oleum & salem aiebat. Nam aquam
 vel phlegma insipidum & terram puram omnis specificæ qualitatatis, quæ
 nobis sit perspecta, omnino expertia esse existimabat. Distillati liquores
 sale aliquo volatili & soluto fœti spiritus appellantur: qui quidem sal sa-
 porems is vel acrem, vel acidum, vel mixtum conciliat. Acres & subtilio-
 res sales, qui ignis calore in nonnullis mixtis citius attolluntur, quique cale-
 faciunt & exsiccant, sulphurei dici solent, quorum alii sunt inflammabiles,
 alii non item. Qui minus sunt volatiles, & aciditate quadam donantur,
 iidem mercuriales appellantur.

IV. Oleum verò liquor est inflammabilis, quique cum aqua non misce-
 tur. Sunt olea quæ aëquis liquoribus innatant, alia infra demerguntur. Sunt
 itidem duplicis generis; quædam enim cum sint subtiliora, digitis non adhæ-
 rescunt, nec pinguedine sua nos inficiunt, eaque æthereæ vocitantur; alia
 viscosa sunt & pingua. Quæ ad imum aquæ descendunt, crassa sunt &
 resinosa, atque ut plurimum densitate sua & consistentia vi quadam balsa-
 mica donantur.

V. Sal dicitur id omne quod in humido exsolvitur, & in sicco con-
 crescit; sapore quodam pungente præditus est. In plantis sal vel simplex.

ANN. 1670. est, vel mixtus. Qui à Chymicis essentialis nominatur, is maximè est compositus, nec quicquam aliud videtur esse præter tartarum quoddam pellucidum & crystallinum, in quo insunt spiritus & oleum phlegmati nonnihil admista. Sal minus compositus aut volatilis est, aut fixus; volatilis nonnihil terræ & olei retinet; in fixo plus inest terræ, nec desunt tamen quædam olei reliquiæ, unde odorem lixiviale mutatur: simplicissimus is est, qui ex ultima analysi spiritus, aut olei, aut alterius salis emergit.

VI. Jam vero ignis calore una & eadem opera spiritus acer non inflammabilis, acidus quoque liquor, oleum pingue, imo & balsamicum, sal itidem volatilis una cum phlegmate extrahuntur, quæ postea per alias & diversas operationes separantur. Quo id modo fieri possit nunc omitimus: nam ab ea methodo postea discessum est.

Atque ea methodo D. Bourdelin, cui laboratorii cura erat demandata, spiritus rum sulphureos, tum acidos, olea quoque & sales extraxit. Quæ ex eadem plantâ prodierunt partes, inter se collatæ, rum eadem cum aliarum plantarum liquoribus sunt comparatæ, ut omnium dotes, quantum fieri posset, perspectæ haberentur, simul in quibus convenirent, aut discreparent, innotesceret: atque eo anno 42 plantarum analysi ea ratione perfecta est.

Hinc adeo solennis illa quæstio fuit agitata, utrum ignis non aliud quàm diversas planarum substantias, quæ actu incrant, disjunctas separet; an novas procreet. Aliis aliud, ut fir, videbatur. Nec facile erat eas contraversiam dijudicare, de qua recentiores Philosophi & Chymici fusius disputarunt. Neque ea nostri est instituti, qui facta magis & inventa generi humano utilia persequi volumus, quàm controversias in scholis ventilatas dirimere.

In eo censu rerum utilium analysi aquarum mineralium videtur repomenda, de qua satis copiose supra egimus. Hoc vero anno & insequenti quamplurimæ ex Aquitania, Occitania, Arvernia, ex Nivernensi, & Borbonio tractu, è Sanctonibus, Pictavis, Andinis, Turonibus, ex Normania demum & aliis ex locis ad sexaginta usque sunt accurato examini subiectæ. Leni calore sunt extillatæ, sales à terra secreti; ad quod salium genus ii revocentur, ex saporibus, & forma congelationis, seu in crystallos concretionis, ac demum ex effectis quæ certis liquoribus additi procreant, eo quo supra diximus modo, fuit indagatum.

XII. Sic ex. gr. aquæ Borboniæ cum sint duplicis generis, aliæ in oppido vulgo *Bourbon l'Archambault*, aliæ in oppido v. *Bourbon Lancy*, celebres habeantur: Priores in solutione Mercurii sublimati, & vitrioli martis, item in succo heliotropii, aut syrupo violarum eodem effectus, quos sales plantarum fixi præbuerunt; uti & aquæ *De Vichy* & aliæ consimiles: unde eas aquas sale sulphureo & nitroso imprægnari conclusum fuit. Contra, posteriores aquæ, uti & thermæ percelebres Baregiæ dictæ, aliæ item complures sublimarum Mercurium aut vitriolum Martis non præcipitarunt, nec tincturam heliotropii cæruleam rubeo colore infecere, uti alumen & vitriolum præstare solent; nec sales illi prunis ardentibus admoti ful-

minarunt, ut salpetra, sed instar salis communis oleum tartari per deliquium *Physi-*
coagularunt. Ex quo illud licuit suspicari salem qui iis aquis inest, à sale *ca ex-*
communi non multum abhorrere. *per.*

CAPUT I I.

De quibusdam experimentis Physicis.

I. EX illis experimentis Chymicis nonnullæ disceptationes natæ sunt; æque non inutiles. 1. Unde ex. gr. aciditas quæ in plerisque plantis inest uberior, ortum suum ducat. Atque ea de re dissertationem perrexuit D. du Clos. Cum etiam ex tenuitate & densitate partium quæ ex plantis & aquis mineralibus extrahuntur, præcipuæ earum differentię depromantur, in quo posita sit raritas aut densitas corporum, quęsitum fuit: atque hoc argumentum accurate fuit pertractatum à D. D. Perault, du Clos, & Mariotte, qui ea de re in tentaminibus Physicis peculiari dissertatione sententiam suam exposuit.

II. Primum, ut fusc explicat & diserte, in aquis qualitates quædam manifestæ spectari possunt, perspicuitas, sapor, odor, pondus, partium tenuitas, tum quæ exhalatione facta in vase subsidunt, concretiones denique lapideæ, quæ in tubis per quos deferuntur, interdum cernuntur.

Pondus aquarum per Areometrum commodius, quàm per balancem haberi exploratum putat. Illud porro non aliud quiddam est, quam parva ampulla vitrea oblongi & angusti colli, in partes divisi, cujus inferiori parti aliquantum hydrargyri imponitur. Hæc phiala æquæ immersa majori facilitate inmergitur, quò aqua ipsa est levior, quoque altius collum demergitur, hoc aqua minus gravitat. Verum ex illo instrumento quantum liquor aliquis alium ejusdem voluminis pondere superet, dignosci non posse paucis abhinc annis in Academia ostendit D. Homberg, idque longe accuratius ex bilance haberi posse, si phiala angustioris colli adhibeatur, atque in ejus ventris summo tubulus capillaris, ique parallelus collo erigatur: nam phiala liquore utroque plena dum per tubulum capillarem, & longe breviorẽ collo effluat accuratè bilanci appensa, quantum unus liquor altero sit levior statim & citra errorem sensibilem demonstrabit: quâ de re forsan redibit sermo.

III. Partium tenuitas aut subtilitas ex variis indiciiis colligitur, primum quidem cum citius incalescit aqua, id verò duplicis thermometri ope cognosci potest: utriusque globis in aquam tepentem demersis, quousque liquores ascendant, notatur in tabula apposita; quod reliquum est & vacuum in utroque tubo, in partes æquales dividitur, ut de aquarum tenuitate certius judicari possit. Cum enim utra ex duabus aquis, fontana & puteali facilius incalesceret, placuit explorare, æquales utriusque porciones affusæ sunt duobus vasis itidem æqualibus & ejusdem densitatis, quæ vasi alteri multo ampliori aqua calente pleno citius aptata vñ cum thermometris; tumque apparuit aquam fontanam citius incalescere, quàm

AN N. putealem, quod spiritus vini in thermometro priori immerso altius ascendit, ad 10 v. gr. gradus, cum in aqua puteali ultra 7 gradus non excurreret. Sic aqua subtilior citius lineæ abstergit, & saponem facilius exsolvit.

IV. Ex eo autem quod post evaporationem in fundo vasis est residuum, vix ullum iudicium ferri potest, non enim tanti illud est ut sensibilem differentiam inducat, cumque duæ aquæ libræ ad unam unciam sunt redactæ, quod residuum fuit, nullam in succo heliotropii, perparvam aut nullam in sublimati solutione mutationem asserre visum est.

Quare vis aquæ penetrans & detergens, aut levitas ipsa ex partium subtilitate, non ex admittance alienæ materiæ oritur. Hæc pene sola extraneæ substantiæ admistio, aut sulphuræ, aut bituminosæ, aut acidæ, aut cujuscvis metallicæ & peregrinæ ingratas aquas efficit. Sed ex iis quæ attulimus indiciis aquarum bonitas colligitur, ex thermometro imprimis, ex vi deserviva, ac demum ex Areometro.

V. Verum illud majoris momenti videtur esse quod de iis observat aquis D. Perrault, quæ lapides in tubis gignunt. Non enim propterea in iis aquis lapidificam & corporibus nostris infestam inesse qualitatem est existimandum, cum in aquis usu probatis & saluberrimis ejusmodi lapides sæpe concreſcant, ut in iis quæ Lutetiam ex vico *Rungis* dicto per aquæductus à Romanis olim extructos, & ineunte hoc sæculo à Maria Medicæ Franciæ Regina instauratos deferuntur.

Nam ejusmodi lapides ex facta Analyſi nullo sulphure inficiuntur, quod in calculis animalium plurimum est. Calcinati quoque & aqua perſuſi nullam efferveſcentiam creant, ut calcarii lapides, qui calcinati multum de ſuo pondere amittunt: non item illæ concreſcences, quæ leves & ſpongioſæ per calcinationem non ſunt. Unde ejusmodi lapides toto cœlo differunt à calculo qui in animantibus formatur. Nam illi è materia terreſtri, cui permodica ſalis aut ſulphuris portio acceſſit; calculi verò in veſica aut re-nibus geniti ex ſulphure & ſale pene toti coaleſcunt. Perparum in iis ter-ræ ineſt, & ad ignem admoti vix ullos præbent cineres: lapides ipſi ignis ardoribus adeo obſiſtunt, ut veriſimile non ſit eos conferre aliquid poſſe ad calculi generationem, nec vi caloris naturalis, qui tam dura corpora domare non poteſt, concreſcunt: ſalinæ & ſulphuræ mineralium ſubſtantiæ plerumque ſunt naturæ noſtræ moleſtiores quàm lapideæ & terrenæ. Hæ quippe non ſubeunt anguſtos Meſenterii meatus, & faciliùs eji-ciuntur, quàm ſales & ſulphura, quæ exſoluta aquas inficiunt. Multa in hanc rem idem Auctôr ſubjicit in diſſertatione in lucem edita anno 1638. Nos ad inſtitutam de Phyſicis obſervationibus quæ factæ ſunt anno 1670, ex occasione acer-cimi frigoris, qualiſi è ſemita in viam redeamus,



CAPUT III.

Alia experimenta circa vim frigoris facta recensentur.

1. **P**rimum quidem experimentum à D. Hugens anno 1667. factum, à D. Buot fuit iteratum. Tubus ferreus cujus crassities erat unius digiti, aqua impletus & ritè occlusus fuit; post 12 horas duobus in locis scissus est. Tum verò quaesitum fuit quid causæ sit, cur aqua in glaciem concreta tantam vim habeat, ut durissima quæque corpora disrumpat. An fortè illud inclusio aëri, aut subtiliori alicui corpori tribuendum? an quod aquæ particulæ antea flexiles & molles præ frigore rigidiore factæ majorem locum affectent?

II. Sed cur in aliis liquoribus oleosis iidem effectus ex congelatione non oriuntur? An illud ex configuratione partium proficiscitur? Nam oleum, & alia ferè corpora pinguiora sunt compressibilia, non item aqua: an fortè liquores aquosi captivum aëra, vel subtilem quandam & elasticam substantiam includunt?

III. Quo autem modo glacies concresecat D. D. Perrault & Mariotte in tentaminibus suis pulchrè explicarunt. 1. In liquoribus aquosis prima velut stamina glaciæ à lateribus vasis ducuntur, quæ vasi tenaciter adhærescunt, eaque superficiem aquæ pervadunt. 2. Illud advertit D. Perrault unumquodque filamentum ex uno latere alia emittere, ferè ut plumas in avibus. 3. Liqueores illi congelati in summa superficie paulatim assurgunt in tumorem, quod in vino & aquâ sale permixta non contingit. Multa alia addit quæ in libro citato legi possunt, quæque ex eo ducuntur principio, corpora dura tum effici, cum particulæ quibus constant, complanatas habent superficies, & in iis se invicem tangunt. Sic florem efficiunt corpuscula rotunda, & admodum exilia quæ circumjectis corporibus continenter effluunt: ætherea aut subtilis substantia hunc intestinum partium insensibilium motum in fluidis corporibus ex recentiorum sententia efficit & tuetur.

Ubi aqua aluminosa in glaciem penitus concrevit, flos quidam candidus in superficie apparuit, qui non aliud erat quàm alumen in tenuem pulverem comminutum: nam vivis carbonibus flos ille impositus instar aluminis ebulliebat, glacies opacior erat & candidior quàm aqua, antequam in gelu abiisset.

Aqua post ebullitionem refrigerata non citius in glaciem conversâ est, quàm ante ebullitionem: est enim homogenea & uniusmodi: sed tamen durior est glacies & magis pellucida aquæ elixatæ, quod fortè limus in aqua dispersus præceps decingat, cum aqua ebullit: tamen si aëreis paribus in aqua delitesceribus, quæque vi caloris evolant, id tribui commodè potest. Unde & specula ultoria ex aqua acerrimo frigori exposta fieri possunt, postquam aqua vi caloris ab aëre intus conclusa fuit expurgata: quod

ANN. utique à Domino Mariotte factum novimus : & quidem memini cum Londini degerem anno 1669. hoc à Carolo II. magnæ Britannæ Rege illustriss. Legato D. de Croissy fuisse propositum, fieri specula ustoria ex glacie ipsa ; quæ autem ratione id fieret D. de Croissy tum exposui. Verùm D. Perrault duritiem illam & perspicuitatem limo in aqua disperso, quique ad fundum decidit, acceptum refert. Unde in solutione aluminis, aut salis communis, imo in vino & aqua cum spiritu vini permixta, soluta glacie turbidiores videntur liquores, quàm ante congelationem, quod partes crassiores & terrenæ faciliè à se invicem divellantur præ calore ; illæ adeo manent pensiles & liquorem turbidum efficiunt. Sales verò in limo delitescences non eadem facilitate exsolvuntur ; sed limi granula caloris vi agitata tandem sibi invicem per facieculas planas adhærescunt, & vincunt gravitatem aquæ specificam.

IV. Eodem anno 1670. D. Perrault cum quatuor aquæ libras gelido aëri exposuisset, intra 18 dies pene unius libræ pondere est imminuta. Ex quo sequitur aquam præ nimio frigore fere tantum exhalare, quantum activis ardoribus.

V. Illud quoque à D. Picard tum fuit observatum, lapides & metalla, ut aurum, cuprum, ferrum præ frigore contrahi, ut caloris vi distenduntur, quod jam antea fuerat animadversum : adeo ut pene omnia corpora unius pedis longitudine, quarta parte linearum minuantur, sic tamen ut homogenea quæ sunt, æqualiter in omnes partes minuantur.

VI. Cum varii generis olea gelido aëri per 24 horas essent exposita, quædam nec congelata, nec pondere sunt imminuta, ut oleum è lino, aut ex amygdalis dulcibus expressum ; olea petreoli, nucum, therebynthinæ parum exhalant, & cum aquæ particula non sunt, uti olea ex amygdalis amaris, olivis, aniso, & alia bene multa, quæ in vapores aliqua ex parte exhalant & induruerunt.

VII. Hoc argumentum multò uberius postea pertractavit D. de la Hire in dissertatione pererudita, quam anno 1694. publici juris fecit. In ea quidam est opinio quosdam sales motum particularum aquæ sistere, qui quidem in sale communi pauci delitescunt, plures in nitro, sed ubiores sunt in sale armoniaco. Hujus salis, quicumque is sit, partes rigide sunt subtiles, acutæ, ita ut non vitrum modò, sed & duriora quæque corpora penetrent, & cum aquæ particulis oblongis, flexibilibus ultro consocientur : aquæ corpuscula cum his salibus implicata motu omni & fluiditate privantur.

Cum hi sales aquam subeunt, illa ducunt stamina, de quibus supra diximus, majorem aquæ molem efficiunt, quod partes congelatæ rigidiores factæ sibi mutuo ita aptari non possint, quin spatia aëre plena intercipient : ut plures aciculæ, quæ in longum sibi mutuo incumbunt, minus loci occupant, quàm si confusæ, & tumultuario posita se se mutuo interfecerint. Jam ubi sales illi primam aquæ superficiem pervasere, longius progressi paulatim aquam massam invadunt, ac nova texunt filamenta, quæ majorem quoque exigunt molem, & vim suam tum in subiectam aquam, quæ compressioni resistit, tum in superiorem glaciæ superficiem exerunt, atque

hanc petfringunt, qua parte est debilior, quin & vas ipsum difrumpunt, *Phyfi-*
 fi glacies fuperpofita fortius obfiflat, quàm vafis latera. *ca ex-*

VIII. Ex his D. de la Hire complura deducit phænomena, quæ loco *ferim.*
 citato legi poffunt. Ifta enim quæ posterioribus his annis in Academia ex-
 pofuit, ex occasione tantum, & ftrictim attingimus. Horum nonnulla me-
 zæ funt contemplationis, alia ex ufu effe poffunt. Illud exempli gratia ad
 ufum vitæ humanæ pertinet, fructus gelu concretos in priftinum ftatum re-
 ftituere, quod fieri folet in frigidam eos demergendo. Qui enim fales ab
 aquæ particulis intra fructum conclusis detinentur, in aquam circumfulam
 ftatim commigrant, ubi liberius huic fociati fructum ipfum crufta glaciei
 obducunt. Quod fi aqua circumjecta fit fervidior, tum crufta illa conglaci-
 ciata non apparet, ac nimius particularum motus obftat, quominus glaci-
 ei concrefcit, fed motus ille in particulis aquæ fructu contentas effufus
 texturam partium difrumpit, & in quamdam pulvis fpeciem redigit, om-
 nem adeo iis detrahit faporem. Eodem pene modo aqua in lapides congelatos
 decidens in glaciem concrefcit, vulgo *du verglas*: qui enim fales humori la-
 pidum funt implicati, eum facile deferunt, ut aquæ adhæreant.

Sic videmus in muris è lapidibus partim durioribus, partim mollioribus
 compactis, ubi gelu folvitur, quandam velut nivem durioribus adhærefce-
 re, quòd aquæ particule in aëre volitantes, atque in ea corpora incutren-
 tes falium occurfu figantur, non item in fpongiofis lapidibus, quos aquæ
 corpuscula fubeunt per meatus patentiores.

Hinc etiam fit ut parte corporis vehementi frigore congelatiæ & pene
 fideratæ nix adhibita fit remedio, quod fales illi aquam figentes in carnes
 impacti fe fe expediant, ut cum nive conjungantur. Quemadmodum fere
 cum Thermometrum aëri ante expofitum vento perfatur, fpiritus vini in
 globum fe recipit, quod frigidior ventus fales frigorificos intra tubum pro-
 pellat, fed globo nive obducto, ftatim fpiritus vini afcendit ob eam quam
 attrulimus rationem.

IX. Neque alia eft ratio congelationis artificialis, de qua alibi diximus.
 Sic fructus à congelatione prohibemus, cum eos palea teftos linteo ma-
 dido operimus. Nam fales illi linteo hærentes ulterius non progrediuntur,
 quòd cum partibus aquofis facilius aggregentur. Unde & glacies citius in
 aqua tepida liquefcit, quam cum ad ignem admovetur, quod aqua circum-
 fula fales illos, qui aquam congelarunt, ftatim divellat, & ad fe rapiat.
 Postremo hinc liquet cur lapides gelido aëri expofiti, præfettim fi antea
 aqua perfufi fuerint, quafi in folia diducantur, quod mollia & fpongiola in-
 tervalla fubeat aqua, quæ congelata, & majus exigens fpacium partes la-
 pidis divellit. Interim tamen è lapidibus ex eadem lapidicina erutis quidam
 congelantur, aliis illæfis, quod accidere potefit ex ipfa lapidum præpara-
 tione, dum malleo poliuntur ut fuis aptentur locis: tum enim partes mal-
 lei percuffione fic quaffantur, ut infenfibiles fciffuras, per quas fubit aqua,
 admittant. Quod D. de la Hire hoc experimenro confirmat, durum & fa-
 tis craffum lapidem ex eorum genere quibus via fternuntur, malleo repetitis,
 fed minutis ictibus percuffum intra brevis temporis fpacium findi cernimus,
 adeo ut partes fuis locis emotæ tandem digitorum preffu in pulverem com-

ANN. minuantur. Non idem in lapide molliori evenit, nam mallei ictus partes
1670. tantummodo arctius premunt, non divellunt.

Hæc confirmari possunt ex aliis bene multis experimentis, illo imprimis satis usitato, cum lapides exeunte Autumno in substructionibus aptati, & recens eruti gelu fatiscunt: qui verò per æstatem aëri fuerunt expositi, manent illæsi. Quod autem minutiores aquæ particulæ, quæ intus subiere, hanc habeant vim, ut lapides diffingant, hoc exemplo illustrari potest, cum lapis molaris & prædurus findendus est, parvis foraminibus trium linearum latitudine, & duorum pollicum altitudine pertundi solent clavis ligneis & siccis magnâ vi adactis, qui aqua perfusi & intumescentes saxum findunt, quòd simul, & junctis viribus agant.

Multa insequenti ætati vi speculi ustorii & metallici, quod est in Regiæ Bibliotheca, liquata sunt corpora, ac perpauca à fusione exempta, ut terra sigillata eaque pura..



SECTIO SEPTIMA.

*De his quæ acta sunt annis 1670. 1671. & 1672. quæque
ad Mathesim spectant.*

DE Rebus Physicis satis multa, nunc de Mathesi nonnulla quoque dicenda sunt. Primum ab Astronomicis ducemus exordium, tum ad alias Matheseos partes veniemus.

CAPUT PRIMUM.

De rebus Astronomicis.

ANnis 1670, 71, & 72 non mediocri Astronomiæ facta est accessio.

Cum id Academiæ certum esset & exploratum non aliud magis efficere ut observationes sint accuratæ, quàm si refractiones siderum iisdem in locis, ubi fiunt observationes, habeantur cognitæ, de his in Observatorio regio explorandis actum fuit. Id autem fieri posse existimavit D. Cassini ut in Observatorio Regio aliæ sint refractiones ab iis quas Bononiæ comperit, quasve tabulis Ephemeridum Malvasia anni 1661. inseruit, eas ultra limites à Tychonicis præscriptos excurrere pro explorato habuit. Non enim tantummodo ad Polum usque in his regionibus fiunt sensibiles, sed nonnisi prope verticem desinunt: adeo ut Poli altitudines vel eodem nomine sint corrigendæ, quod utique Bononiæ præstitit.

Idem.

Idem D. Cassinus, necnon D. D. de Roberval & Frenicle alias inveniendæ refractionis vias ab iis quæ à Tychonianis sunt tritæ, proposuerunt, quæ Luræ positioni conveniant; neque ab altitudine Poli pendeant, ubi Observatorium, quod Regis munificentia jam extrui cœptum erat, absolutum fuisset. Interim D. Picard quàm multas singulis diebus & horis diversis altitudines Solis observavit, inito calculo an cum duobus horologiis oscillatoriis, seu pendulis ad solem aptatis & ritè cum stellis non errantibus collatis convenirent.

*Physi-
ca ex-
perim.*

II. Illud quoque quæsitum est quibus rationibus Planetarum parallaxes perspectæ haberentur: sunt enim veris Planetarum locis inveniendis omnino necessariæ. D. Cassini novam eas reperiendi rationem excogitavit, eaque usus est, quam annis consequentibus perfecit.

III. De æquatione dierum actum itidem fuit, quæque anno superiore à D. Cassino digestæ fuerant tabulæ, examini sunt subjectæ. Is quoque scripto ab uno è Societate Regia Anglicana vulgato respondit de ratione inveniendi tum Apogæa, tum excentricitates Planetarum, necnon & medios eorum motus.

Eo quidem anno cum Mars & Venus terræ essent proxima, D. Cassinus eam arripuit occasionem, distantiam utriusque Planætæ dimetiendi. In Marte easdem reperit maculas quas ante aliquot annos invenerat, è quibus Martem circa suum axem verti intra 24 horas 37 aut 40 min.prehenderat, quod recentibus observationibus confirmavit. Quas autem in Venere prehenderat maculas, vaporum fortasse circa Horizontem fluctuatio in causâ fuit cur eas observare non potuerit.

IX. De Jove id quod jam superiore anno à se observatum fuerat, nos hujus Planætæ, seu sectiones illius orbitæ cum Ecliptica tribus gradibus longius esse promotos, quam Keplero & Lausbergio visum fuerat, planè exploratum habuit, idque cum observationibus Tychonis convenire comperit. Quatuor hujus Planætæ satellites & eorum periodos magno studio iterum perscetus, vix ullam in revolutionibus primi & ultimi satellitum per multos menses reperit inæqualitatem. Ex quo id conclusum ab eo fuit hæc sidera, illud imprimis quod Jovi est proximum, ejus celerissimus est motus, definiendis locorum longitudinibus esse aptissima. Unde & primi satellitis Ephemerides pertexuit, quæ cum observationibus comparatæ longè certiore inveniendæ cujusque loci longitudinis viam suppeditant, quàm aliz hætenus usitate.

V. Mense Junio anni 1670. novam stellam prope cygni caput D. D. Cassini & Picard diligenter observarunt: exeunte Septembris penitus evanuit. Celebris quoque stella in collo Ceti certis temporibus conspicua diligentiam D. Cassini non effugit. Ex suis & aliis quæ publicatæ sunt observationibus hoc comperit, easdem hujus stellæ phases exactis prope 30 diebus recurrere, sic tamen ut motus ejus non adeo sit constans & æquabilis, quin aliquando ejus restitutio ad eandem phasim 15 & amplius diebus retardetur, aut prævertatur. Tabulas illius motus contexuit quæ singulis quibusque annis hujus sæculi phases illius maximas indicant. Complures alias in cælo stellas deprehendit, quæ à nullo fuere Astronomo designatæ; tamen

ANN. eæ sunt magnitudinis non contemnendę, contra, quarundam stellarum fecerunt mentionem Astronomi, quę nunc planę desiderantur: sed de his fusius & 71. agemus ad annum 1695.

CAPUT II.

De rebus Mechanicis & Geometricis.

I. **S**Ummo quoque studio & cura eo vertente anno & proximę consequentibus exulta est Mechanica, ex qua ubetiores fructus ad vitę humanę commoda sperari possunt.

Ac primum quidem de centro percussionis quod inter præcipua hujus scientię fundamenta numeratur, D. de Roberval fusę & subtiliter disseruit.

II. De vi percussionis in universum sic à D. Mariotte tractatum fuit; ut vix quicquam optari possit accuratius. Ea de re demonstrationes factas paucis post annis publici juris fecit: ubi quę in collisione corporum & motuum communicatione observare licet, singillatim exponit; cur v. gr. interdum corpora se se mutuo in partes oppositas repellant, interim sisti videantur; nonnunquam in eas em ferantur partes, adeo ut unum ab altero abripiatur, sæpe unum ex iis maneat immotum, & quidquid habebat morsus, alteri impetiat. Majus sæpe corpus in minus incurrens majorem quam habebat huic tribuit velocitatem. Uno verbo quę ad motum leges in collisione corporum spectant, quęque à D. Hugens plurimum lucis amacceperant, fusę & accuratę est persecutus. Hęc summam in Physica generali tractatu secundo attigimus.

III De vi elastica, cujus in collisione corporum magna habetur ratio, disputatum fuit. Varię de eius causis exstiterunt sententię, quas tamen pene omnes conciliari posse satis verisimile videtur. D. Periault elaterium subtilis aëris cuncta permeantis ponderi & pressioni referebat acceptum. Hęc enim pressio non aliud quiddam est præter conatum quo partium divisioni corpus resistit; ut vi elastica partes quorundammodo à se divulsę colliguntur: sed eadem vi partes corporis separationi obstant, qua diductę restituntur. Firmitatis causa exterior & præcipua illi videtur esse subtilis aëris & incumbentis pondus, ut in peculiari tentamine multis probare nititur argumentis.

IV. D. Mariotte elaterium ex particularum contextu, D. du Clos earum moderata rigiditate deducebat; D. Buot hęc fibrarum rigori fluidam materiem addibat quę corporum meatus implet. Nec dubium ullum est quin causę quędam interiores elaterii ex figura, situ, & ab incluso fluido ducantur. Nam dura & elastica corpora sunt sonora & percussu tremunt, eaque videntur habere partes flexibiles, & fibras hoc breviores, quo celerius se restitunt. Eo quoque pertinet meatuum ampliatio, aut coarctatio. Verum hoc argumentum à plerisque Philosophis abundę discussum

fuit, atque ad Physicam magis quam ad Mathesim videtur pertinere: tamen *Terræ mensura.*
Mechanica utriusque est scientiæ.

V. Dum hæc & alia quamplurima agitentur, qua ratione in plerisque locis agri Bononiensis & Mutinensis incolæ fontes salientes è puris profundioribus educerent, D. Cassinus exposuit. Altius nimirum effodiunt terram dum solum subiectum vi aquæ subtus scaturientis intumescere videatur. Tum prælonga terebra terram perforant, & dato exiru aqua magna vi erumpit, quæ non puteum modo implet, sed exundans perenni fluxu agrum circumiectum irrigat, aut aptatis tubis sursum effertur. Atque illud satis est probabile eas aquarum scaturigines ex Apennino monte, qui decem fere milliariis hinc distat, per subterraneos meatus delabi. Nam consimili pene artificio in Austria inferiore quæ Stiriz montibus cingitur, incolæ uti solent ut puteos aqua impleant.

D. Niquet machinarum quæ magis sunt usitatæ in plerisque artibus typos conficiendos curavit, qui in Observatorio Regio asservantur. Quasi in rem D. Couplet operam suam & industriam contulit. Variæ etiam machinæ ad Academiæ iussu D. Colbert apportatæ, discussæ fuerunt. Inter alias pontis portatilis fuit designata machina qua portus expurgari possunt. Sed D. Niquet aliam huic magis idoneam & expeditam proposuit: mitto alias, ut segetibus perscandis, aut tritrandis propositas.

II. Ante id temporis, anno 1669. susceptum & quantum humana potuit industria perfectum fuit opus Academia dignum de terræ dimensione.

Cum hoc problema Geographiæ ipsi & navigationi sit perutile, non à veteribus modo, sed etiam à recentioribus Geometris multum laboris exhaustum est, ut liqueret quantum pateat unus orbis terræ gradus. Ptolemæus eum 66 milliaria & $\frac{2}{3}$ continere; Arabes teste Abulfeda in prolegomenis, cum in planitiem *Saniar* iussu sui principis convenissent, & sub eodem meridiano quidam Austrum versus, aliis in Septentrionem spatio unius gradus processissent, gradum unum 56 milliaria patere compererunt: ita ut 10 milliariis à Ptolemæo dissiderent. A Ptolemæo quidem spatium unius gradus 500 stadiis fuit definitum, quod Arabes ad 66 milliaria revocarunt: adeo ut unumquodque milliare 7 stadia $\frac{1}{2}$ complectatur. Sed quibus usus fuerit stadiis Ptolemæus, Græcis an Alexandrinis, quæve sit accurata pedis Romani mensura, valde incertum est.

III. Quare omittamus veterum hac de re sententias, quæ nimium inter se distant, adeo ut ab Aristotele ad Arabes usque unius gradus spatium semper decreseat. Nam Aristotelis temporibus 1111 stadia, Erastothenis 700, Ptolemaei 666, Ptolemæi 500 stadia complectitur. Inter Recentiores superiori sæculo æstimatione quadam à Fernelio conclusum fuit 68096 passus Geometricos seu 56746 hexapedas & 4 pedes Parisienses uno gradu contineri.

Snellius in Erastothene Batavo l. 2. c. 9. certiorẽ & magis geometricam inivit viam, qua gradum unum continere 28,300 perticas Rhenchfles, seu 55021 hexapedas Parisienses iudicavit.

Ricciolus alia methodo ad 62900 hexapedas eum promovit.

ANN. IV. Ac demum D. Picard annis 1669 & 1670 ex multis iisque accuratissimis & sæpius reperitis observationibus comperit gradum unum maximum circuli in terra delineati esse 57060 hexap. Parisiens. adeo ut Fernelius rudi & plane mechanica usus methodo propius ad rem ipsam accessisse videatur.

V. Quam inierit viam peculiari tractatu D. Picard exposuit, longum esset eam singillatim referre. Selecta sunt duo loca sub eodem meridiano sita 32 leucis inter se distita, nomen uni *Sourdonium* in Picardia, alteri *Malvoisine* in Vastinenſi agro v. le *Gatinois*. Hæc triangulorum beneficio via regia & strata inter duos vicos agri Parisiensis notissimos qui *Villejuive* & *Juvisy* vocitantur, interjecta connecti facile posse compertum erat. Via est plana & recta, prælongis sarissis & funiculis dimensa 5662 hexaped. & 5 pedum eundo, tum 5663 redeundo inventæ. Quod erat paululum discriminis, in duas partes divisum. In quo sane plus commodi quam in Snellii & Riccioli dimensionibus occurrit. Ille enim basim 630, hic 1064 hexaped. tantummodo constituit. Quin & sub finem operis ad aliam basim 3902 hexaped. quidquid factum & reperrum fuerat iterum exegit D. Picard. His observationibus tum in Vastinenſi agro factis interfuit D. Cassinus qui recens ex Italia advenerat, à Rege Christianissimo pet litteras D. Colbert, ut dictum antè fuit, evocatus.

VI. Quadrante circuli usus est in scrupulos, seu in minuta per lineas transversas exquisitè diviso. Huic aprati erant duo tubi optici, quorum unus erat immotus, alter mobilis; utriusque hujus telescopii beneficio anguli positionum multo accuratius sumpti quàm per pinnulas.

Quo autem tubus in rem objectam exquisitè & citra errorem dirigere-tur, duo fila serica in foco utriusque sic decussatim sunt aptata, ut ea quasi rei objectæ adhærescerent: ita ut eo loci pictura distincta, sed inversa ad oculos perveniret & objecti immediati locum teneret. Cum enim radii ab eodem objecti puncto exeuntes in eodem foci puncto uniantur, hinc sit ut apertura vitri objectivi nihil obſtet quominus res objectæ tam distinctè videatur, ac si pinnula esset foraminulum pene indivisum, per quod radius unicus transiret.

VII. Sic libellæ v. *Nivean* ope, cujus descriptio & usus in calce hujus opusculi describitur, tubus opticus eodem aptatur modo & citra ullum errorem sensibilem libtatur spatium inter duo loca interjectum, cum ultra 100 hexaped. non patet. Nam usitata libræ ratio correctioni est obnoxia, quæ ex semidiametri terræ cognitione pendet. Siquidem ut justa sit exæquatio duorum locorum, eadem sit distantia à centro terræ necesse est: & tamen ea quærì solet in recta linea quæ terram contingit, quæque hoc magis à centro removetur, quo longius producitur, adeo ut vera libella sit infra apparentem. Ubi spatium ad libellam exigitur & non ultra 100 hexaped. distenditur, differentia utriusque extremi est tantum unius lineæ & $\frac{1}{4}$, sed crescit apparentis libellæ altitudo fere ut quadrata distantiarum, aut quadrata numerorum 1, 2, 3, 4 &c. Sic in spatio 100 hexaped. altior est 5 lineis, & ita deinceps.

VIII. Tabellam confecit usque ad 4000 hexapedarum spatium, ubi

altitudo apparentis libellæ veram superat 14 pedibus & octo digitis. Quod *Terra* si libella in medio spatii collocetur, & ad eam utrumque spatii extremum *mensu-* exigatur, tum nulla opus erit correctione: nam æquales utrumque erunt al-*ra.* titudines: sed facilius est ex nota terræ semidiametro altitudinem libellæ apparentis corrigere.

Libellæ structuram & usum accurate describit, ac similis pene est chorobati Vitruvii l. 8. descripti, adeo ut litteram T utrumque tēferat. Illius fabricam & usum D. de la Hire dilucide exposuit in libro quem ea de re edidit in lucem.

IX. Hujus instrumenti beneficio magna terræ spacia librari possunt: sed obstant per sæpe refractiones quæ res objectas ultra quam par sit, attollunt. Quod utique in magnis locorum intervallis evenit, cum radii luminis interjectum aëra vaporibus refertum & inæqualis consistentiæ offendant, ac sensim ita incurvantur, ut cum ad nos pervenere, oculus quasi per rectam lineam, quæ radium curvum tangit, in objectum dirigatur, illudque altius quam revera sit appareat. Quod utique dilucide explicat D. Picard in eo opusculo quod anno 1671. publici juris factum est.

Circa idem tempus alterius libellæ structuram & usum exposuit D. Mariotte in peculiari tractatu qui anno 1676. cum aliis opusculis Geometricis editus est.

Hæc libella est canalis ligneus duos & amplius, si libuerit pedes longus: nam ad 5 aut sex produci potest, 4 digitis latus: superficies interior ad 4 aut 5 digitos in longitudinem cerâ obducitur prope utrumque canalıs extremum, tum aqua sensim affunditur, quæ si in unam partem magis quam in alteram deflatur; tum pars depressior paululum attollitur, dum ad cetam utrumque perveniat, ubi sistitur, quod cum cerâ non facile cohareat. In medio spatii librandi collocatur, quæque ad usum hujus instrumenti eo in libro explicatum spectant, reliqua perficiuntur.

Hoc vertente biennio complures libri prodierunt ex Academia, ille imprimis, de quo ante diximus de percussione, & collisione corporum à D. Mariotte elaboratus.

Sub idem tempus prodiiit quoque in lucem præclarum Christiani Hugenii Zulichemii opus de horologio oscillatorio, sive de motu pendulorum ad horelogia aptato, geometricæ demonstrationes.

Hoc operis partim quidem mechanicum, sed præcipua sui parte geometricum Regi Christianissimo inscripsit. In Epistola nuncupatoria testatur i Galliæ deberi, quod Geometria pene sepulta hoc sæculo quasi renata, restitutaque fuerit; eam scientiam præ cæteris à se excultam, sed ea potissimum investiganda sibi proposuisse quæ vel ad vitæ commoda, vel ad naturæ cognitionem reperta plurimum prodesse, utrumque non aliàs felicius quam hoc horologii invento se consecutum.

Quæ sit hujus horologii utilitas, & quantum æquabili horarum demonstratione cæteris hujus generis machinis antecellat, simul & ejus præcipuos usus cum in rerum cælestium observationibus, tum in locorum longitudinibus inter navigandum dimetiendis, potentissimum Regem omnium optime nosse, cujus jussu per mare sæpius vecta sunt ejusmodi horolo-

ANN. 1670. & 71. *gia; atque eadem Astronomiæ usibus dicata conspiciuntur in præclara illa Urania arce quam insigni nuper magnificentia, quantaque antehac Regum*

XI. In præfatione operis sui rationem paucis verbis aperit. Annum eum esse ait sextum decimum, ex quo fabricam horologiorum tum recens à se inventorum edito libello publicam fecit. Quæ post illud tempus elaboravit, ad perfectionem hujus inventi sic pertinent, ut potissima ejus pars, ac velut fundamentum totius hujus mechanices haberi possint, quæ hoc in libro exponuntur. Mensura enim, inquit, temporis certa atque æqualis pendulo simplici non inerat, cum latiores excursus angustioribus tardiores observentur. Sed Geometria duce diversam ab ea, ignotamque antea penduli suspensionem repertam, animadversa lineæ cujusdam curvatura, quæ ad optatam æquabilitatem illi conciliandam mirabili plane ratione est comparata. Quam ubi horologiis adhibuit, tam constans certusque eorum motus evasit, ut post crebra experimenta terra marique facta manifestum jam sit Astronomiæ studiis & Arti Nauticæ plurimum in iis esse præsidii. Tum eam lineam à Geometris nostri ævi Cycloidem appellatam docet, quam defixus in circumferentia currentis rotæ clavus continua circumvolutione in aëre designat. Mox singula quæ hic liber complectitur, exponit: ac tandem iis occurrit qui hujus inventi honorem aut sibi, aut amicis suis post septennium, ex quo hujus automatis descriptionem typis vulgaverat, sibi vindicant: cum antea nemo vel dictis vel scriptis hujus mentionem fecerit. Quod enim hoc inventum Galilæo vel ejus filio tribuit hujus horologii inventionem quidam vir eruditus, mirum illud videri posse, rem adeo utilem tot annis ignotam fuisse, nisi forte eam præclarum inventum de industria occultatum fuisse velint. Verum id probatum oportuit, non gratis assertum; atque id ipsum quivis alius eodem jure hujus inventionis gloriam sibi vindicabit. Quod si id tentatum fuit à Galilæo, non perfectum, nihil de laude sibi debita detractum iri, cum rem eandem, sed feliciore eventu investigaverit, & ad exitum perduxerit.

Anno 1670. redux ex Anglia tractatum edidi de corporum affectionibus tum manifestis, tum occultis. Hunc exceperunt duo alii Tractatus, unus de mente humana & illius functionibus, alter de corpore animato: hos promotæ per experimenta Philosophiæ specimina inscripsi: sed eorum nunc desiderant exemplaria, nisi per pauca ex iis quæ Norimbergæ anno 1681. sunt excusa.

Ac de libris tum editis hætenus. Prætereo enim elegantem Vitruvii translationem notis & figuris illustratam à D. Perrault his fere temporibus publici juris factam.



SECTIO OCTAVA.

De Rebus Astronomicis quæ annis 1671. & 72. discussæ fuerunt.

H Actenus præcipuas Academiæ exercitationes prioribus fere suæ originis annis peractas paulo uberius exposuimus. Nunc pressiori stylo quæ acta sunt annis consequentibus decurremus, ne hoc operis prolixius sit quàm volumus. Ab Astronomicis observationibus ducemus exordium.

CAPUT PRIMUM.

De Regio Observatorio.

I. **I**N eam præcipuè curam & cogitationem incubuit Mathematicorum cœtus, ut Astronomia quantum fieri posset, promoveretur. Eam fuisse Regis Christianissimi mentem ut nobilis hæc scientia, quæ abditis quidem in rebus versatur, sed publicis commodis; Navigationi imprimis & Geographiæ, imo & Religionis Christianæ propagationi tam utilis judicaret, se imperante, magna caperet incrementa, ac longius quàm unquam antea procheretur. Quod ut perficeret, viros non solum è Gallia in iis disciplinis exercitatissimos selegerat, sed etiam ex nationibus exteris ingenio & eruditione præstantissimos acciverat.

II. Cum autem Astronomia ad illud fastigium, in quo nunc cernitur, per crebras & accuratas observationes pervenerit, neque cæ, ut par est, fieri possint, nisi in loco sideribus observandis idoneo, in quo præsto sint instrumenta exquisitè elaborata: Rex Invictissimus iam ante aliquot annos locum huic rei apissimum in D. Jacobi suburbio designaverat, qui editior cum sit, fumis & vaporibus minus obducitur, præsertim ad Meridionalem plagam ubi frequentiores sunt Planetarum observationes, atque ex eo liber & in omnes partes prospectus patet.

III. Edificium jam ante aliquot annos cœptum, & magnifico opere structum habitari cœpit à D. Cassino mense Septembri anni 171. Tum verò Astronomicis observationibus operam dedit, atque Observatorium omni genere instrumentorum instructum fuit, Telescopia varæ longitudinis foris & intus disposita, ex quibus nonnulla ad 60 usque pedes & amplius producuntur.

Nec necesse est singularum hujus Vranoscopii partium inter se & cum ædificio symmetriam aut proportionem describere. Hæc enim figuris melius & clariùs quàm verbis exponuntur.

ANN. IV. Formam hujus præclari operis D. Perrault in Vitruvii Gallica translatione L. 1. c. 2. exhibuit, & quatuor figuris tam expressit.

672. Prima est Ichnographia & quasi vestigium ædificii in terra impressum. Vox enim Græca idipsum significat. Secunda est orthographia, seu ædificii forma per rectas lineas horizonti parallelas delineata, aut frons ædificii lineis exarata.

Tertia tabella Sciographiam continet, v. *le profil*, qua interiorum partium altitudines adumbratas, seu umbris dilutas sic exhibet, ut penetralia & tabulata sub oculis veniant.

Quarta denique est ædificii Scenographia, quæ speciem ejus pene integram exhibet juxta perspectivæ regulas melius expressam, quam in ipsa Ichnographia quæ planitiem tantummodo, aut in orthographia quæ unam duntaxat faciem oculis subjicit; cum scenographia, quæ nomen suum à tabernaculo militari duxit, plures simul ædificii facies ostendat: est enim optica frontis & laterum Observatorii descriptio. Hujus orthographiam intueri licet in numismate tabulæ impresso ad annum 1684.

V. Hoc ædificium ad 80 pedum altitudinem se tollit, ac tantumdem infra deprimuntur fundamenta, quod suburbium fere totum & circumjectus ager sit altè excavatus: ex iis enim antris lapides scitiles quotidie exciduntur civitatis ædificiis aut construendis, aut instaurandis. Unde in specum subterraneam descensus Observatorii altitudinem æquat: ex imo hujus specūs ad summum usque pinnaculum amplum patet foramen certis usibus destinatum: structura totius ædificii ex quadratis complanatis lapidibus sic constat, ut cæmento his devinciendis opus non fuerit.

CAPUT I I.

De Observationibus in Dania & Lutetia factis.

I. **Q**UOD ante proposuerat D. Picard, iter in Daniam anno 1671. ingressus est, cum instrumentorum quæ necessaria visa sunt apparatu. Quæ ab eo in hac longinqua, sed non multum diuturna peregrinatione sunt acta, jam diu typis mandata, eo ipso tempore quo hæc scribebamus, sunt publicata.

Anno 1671. mense Julio Lutetia profectus Amstelodamum venit, ubi cum D. Blæu insigni & docto Bibliopola de terræ dimensione ab utroque factâ collocutus, circa unius gradus maximi terræ circuli mensuram ita inter se convenisse lætus accepit, ut discrimen ultra 60 pedes non excurreret. Id quoque commodè accidit, ut cum è portu solvisset, & vento Boreali repente exorto prope parvam Insulam die 13. Augusti per diem integrum hæzere cõctus esset, Telescopio Solem per tenues nubeculas fulgentem, & in medio duci nigram maculam conspexerit. Ubi Hafniam pervenit, litteras à D. Cassino accepit, quibus certior factus est eandem maculam à se visam à die 11. ejusdem mensis Augusti, cujus situm in Solis disco, & velocitatem per plures observationes cum determinasset, non dubitavit Astronomos scripto statim edito admonere, ut se se ad ejus exitum à Solis disco

disco observandum compararent intra sex, septemve dies, ejusque reditum post peragratum alterum Solis hemisphaerium ad 3. Septembris futurum, quod eventus ipse comprobavit: nam eadem die in orientali Solis margine integra visa est.

*Obser-
vat.*

Ex primis autem observationibus collegerat diurnum motum Maculae circa Solis axem graduum 13, & tempus periodicæ restitutionis ad Solis centrum apparens dierum 27 cum semisse. Cum autem in reditu ad Solis centrum talis visa sit revolutio, qualis ex præcedente apparitione fuerat deducta, placuit D. Colbert observatione propria rem ipsam experiri: quod ab eo factum non sine voluptate fuit.

II. Sub idem tempus insignem observationem habuit D. Cassini circa Saturnum: cum enim ex hypothesebus D. Hugens Saturnus rotundus, & sine ansis apparere debuisset à mense Julio ad sequentem usque annum, jam ansas deposuisse visus est circa finem Maii ad undecimum usque mensis Augusti ejusdem anni: sed triduo post illum observavit cum ansis tenuibus, quibus instructus per anni reliquum perseveravit, ut in figura & scripto edito tum demonstravit. Hanc Hugenius censuit esse interruptionem rotundæ phasis, qua ejus hypothesis posset exactius contexi, quam fieri potuerit ante has observationes, rotundam phasim reditum mense Decembri proximo, ac duraturam usque ad occultationem Saturni præ Solis radiis; æstate verò anni insequentis reditus ansas eadem formâ, quam tunc præferebant. Hæc comprobavit eventus: Saturnus namque qui ad finem usque mensis Novembris à D. Cassini cum ansis est observatus, die 16. Decembris denuo rotundus apparuit.

Observationum quæ à D. Picard, Eustachio Bartholino exinio Mathematico & Medico, necnon à D. Rømer factæ sunt, ea fere est summa.

III. Primum Hafniæ situm cum Vraniburgi positione diligentius expendit D. Picard. Utriusque Meridiani differentiam accensis ignibus cepit, quam potuit accuratissimè. Primi satellitis Jovis eclipses quantum per tempus licuit, ab eo sunt diligenter observatæ, quæ iisdem temporibus cum observationibus D. Cassini collatæ Meridianorum Hafniæ, Vraniburgi & Lutetiæ differentias præbuerunt.

IV. Atque hoc commodi inde futurum est, quod tabulæ Astronomicæ ad Tychonianas observationes elaboratæ Parisiensi Meridiano aptari facile poterunt, cum recentiores Astronomi tabulas suas ad Meridianum Vraniburgi pertexant, quod Tychonianæ observationes longè sint accuratiores & multò numerosiores quàm aliæ omnes Astronomorum qui ante Tycho- nem existerunt.

V. Quo autem Tychonianis observationibus, ut certis & indubitatis uti liceret, id quoque necessarium fuit, ut altitudo Poli & differentiæ Meridianorum accuratè expenderentur. Utrumque à D. Picard confectum: Poli altitudo non ampliùs quàm uno minuto ab ea quam Tycho observaverat, differe visa est: sed Meridianorum differentia longè major inventa, quàm à Tychoe fuit definita. Linea quoque meridiana ab eo delineata plus quàm 20 minutis à vera aberrabat.

VI. Complures aliæ ab illo factæ sunt observationes, quas strictim at-

ANN. tingere satis fuerit, cum eæ sint jam vulgatæ. Quarumdam stellarum, quæ 1672. magis sunt spectabiles, meridianas altitudines cum iis quæ à Tycho- & 73. descriptæ, contulit: ex quibus stellarum motus intra 100 fere annorum spatium confectus definiri potest.

Consimili ratione Meridianæ Solis altitudines quamplurimæ cum Tycho- nianis comparatæ, ad medium Solis motum, & annum solarem dimetien- dum multum conferre possunt.

VII. Lunæ & Veneris crebræ observationes cum iis ipsis quas iisdem temporibus D. Cassini fecit collatæ de Parallaxi utriusque hujus Planetæ certius judicium dabunt.

VIII. Magnetis declinationem non eandem esse Hafniæ & Vraniburgi com- perit: adeo ut differentia utriusque esset unius gradus.

IX. Quæ sit in ea regione penduli longitudo, ut intra minuti secundi spa- tium unam efficiat vibrationem, diligenter expendit: eandem esse Lutetiæ & Hafniæ, ac motus pendulorum æquæ celeres comprobavit: adeo ut utrobi- que pendulum tres pedes & octo lineas longum esse oporteat.

X. Cometem qui mense Aprili anno 1672. apparuit, sæpius observavit, & iisdem interdu temporibus quæ D. Cassini selegerat.

XI. Postremo Autographa observationum Tychonis, quæ in Germa- nia ante aliquot annos excusæ sunt, in Galliam asportavit; multa invenit ab iis quæ editæ sunt dissidentia; ac liber integer iis deest, quæ Typis manda- tæ sunt.

Ufus est in observando opera D. Roëmer, qui adhuc juvenis, sed peracris ingenii, & earum disciplinarum perstudiosus unâ cum D. Picard venit in Galliam, & in Academiam adlectus fuit, de quo identidem verba faciemus.

XII. Interim D. Cassini iis observationibus faciendis vacabat, de qui- bus cum D. Picard convenerat. Eclipses imptimis Jovis satellitum, ut lon- gitudinum differentiæ inter Vraniburgum, Parisios, & Insulam v. *la Cayenne* dictam, quò jam profectus fuerat D. Richer, perspectæ haberentur; altitu- dines itidem Solis meridianas & stellarum observabat, ut differentiæ latitu- dinum notæ fierent. His enim constitutis Astronomiæ & Geographiæ quedam fundamenta majore quàm hactenus fide substernuntur.

XIII. Cum D. Picard è Dania rediisset, res domesticæ eum in Pa- triam, Flexiam nempe, evocarunt. Cum instrumentorum apparatu profec- tus Juliodunum, vulgo *Lodun*, se contulit, ut ipsemet exploraret an Bullialdus uno pene gradu in observanda Poli altitudine aberrasset, uti visum est Ricciolo. Itaque mense Septemb. stellam polarem quæ in Ob- servatorio est supra Horizontem elata 51, gr. 18, 40, Julioduni 49, 29, 20 altam invenit, differentia est 1, gr. 49, 15. Cum autem Poli altitudo in Regio Observatorio à refractionibus expurgata sit 48, 30, 10, eleva- tio Poli Loduni est 47, 0, 55, uti conjecerat Ricciolus. Fieri potest ut Bullialdus altitudinem Solis in solstitio æstivo anni 162, 65 gr. & 29 m. loco 66, 29 scripserit, quod unius gradus errorem induxit. Id sane est mi- raculo viri in eximium Bullialdum, qui adhuc in vivis erat, cum hæc scribe- remus, sed paucis abhinc annis diem suum obiit, jam tum temporis inter præ- cipuos suæ ætatis Astronomos floruisse.

XII. Die 19. Septemb. in oppido Provinciae Andegavenfis Belloforti *Obser-*
 nomine, Martem in meridiano unâ cum stellula è tribus quæ à Bayero *vario-*
 littera γ designantur, in Aquario observavit D. Picard, diameter illius *nes*
 25 sec. visa est, mense ab oppositione exacto, in qua 30 sec. apparue- *Dani-*
 rat. Ex hac observatione cum alia, quæ eodem tempore à D. Richer *ca.*
 facta est Cayennæ, colligit D. Picard fere insensibilem fuisse Martis paral-
 laxim, tamen longè tum is esset terræ propior, quàm Sol ipse. Atque ut
 ipse in editis observationibus annotat, si quam haberet valde sensibilem pa-
 rallaxim, eam tum prodidisset. His ferè D. Cassini assentitur, qui eam
 paulo minorem esse diametro apparenti hujus planetæ ex suis observationibus
 compererat.

XIII. Circa idem tempus D. Cassini de profecione sua in Pro-
 vinciam, & in extremas Galliæ oras cogitabat, quò cum sua vocabant ne-
 goria. Sed antequam proficisceretur, cum Mars eo loco esset, ubi ejus
 parallaxis, si quæ esset sensibilis, facilius deprehendi poterat, observa-
 tiones plurimas fecit unâ cum D. Roëmer, de quibus convenerat inter eum
 & D. Richer, qui tum degebat Cayennæ. Jam ex innumeris observatio-
 nibus illi compertum erat Martem & alios Planetas 17 aut 18 vicibus à
 terra longius distare, quàm superioris ætatis scriptores statuerint. Sed huic
 occasione deesse noluit: simul ut quasdam observationes ad Geographiam
 spectantes in ipso itinere perficeret, D. du Vivier qui in Galliæ charta
 delineanda juxta Academiæ præscriptum erat occupatus, unâ secum du-
 xit.

XIV. Martis Parallaxim ex meridianis altitudinibus Martis & fixæ ip-
 si proximæ investigavit D. Cassini, quas in elementis Astronomicis com-
 parat cum iis quæ à D. Richer Cayennæ eodem tempore sunt factæ. Ex
 observationibus dierum 4. & 5. Septembris utrobique habitis inter parallelos
 horum locorum parallaxim deducit secundorum 12, ex observationibus die-
 rum 8 & 9 Septembris, secundorum 13, ex iis quæ 23 & 24 Septembris
 habitæ sunt, sec. 17, & ex hac parallaxi suppositâ secundorum 15, pa-
 rallaxim horizontalem in ea distantia à terra inito calculo colligit secun-
 dorum 25.

Cum hujusmodi observationes iter faciens continuaret, die prima Octobris
 vespere in oppido Charitatis ad Ligerim observavit altitudinem meridianam
 Martis eo ipso tempore, quo ab ejus disco occultabatur fixa in aquâ Aqua-
 rii sita, quam hora 2, 45 matutina ejus diei viderat Briarii distantem ad-
 huc à Marte minutis sex, adeo lumine imminutam, ut oculis aut Telef-
 copio minore pedibus 3 distingui non posset. Hanc conjunctionem obser-
 vatam pariter à D. Picard Brione, à D. Roëmer Parisiis, accuratè expen-
 dit in observationibus editis, quas comparat cum observatione Cayennensi
 Martis eodem die habitâ à D. Richer; ex hac comparatione nullam sen-
 sibilem colligit ejus Planetæ parallaxim ex his duobus locis: sed sen-
 sibilem eam deducit ex differentia transitus hujus stellæ & Martis, interval-
 lo horarum 7 cum semisse, observatæ à D. Picard & cum variatione ejus
 diurna comparata.

ANNA. Imbecillitas autem luminis hujus stellæ matutino tempore à se observata, quamque post ejus conjunctionem cum Marte observavit D. Roëmer Parisiis, ubi cælo sereno fruebatur, haud levem suspensionem iniecit Atmosphæræ cujusdam Martem ipsum latè ambientis. Nec enim stella ipsa ulla ratione distingui potuit magno Telescopio, antequam à Marte duabus tertiis ejus di merri recessisset, licet stellæ ejusdem magnitudinis in ipso Lunæ contactu clarè perspiciantur. Quin etiam ejusdem stellæ distantia à circumstantibus sensibilibus variare visa est, ut ex computatione observationum in Astronom. elementis facta ostenditur.

XV. Poli altitudinem in plerisque locis, per quæ iter fecit D. Cassini exploravit.

Cum ad Montem B. Mariæ, vulgo *Nostre-Dame de la Garde*, pervenisset, ope quadrantis circuli varias horizontis maris, è diversa altitudine montis visi, depressiones observavit, ac differentias quæ inter apparentes, & eas quæ ex inito calculo esse debuerunt, quæque ex refractionibus oriuntur, accuratè annotavit: ut videre est in collectione observationum Astronomicæ, quæ nuper sunt Typis Regiis editæ.

XVI. Eodem in loco quædam circa hydrargyri in Barometro suspensionem experimenta fecit: ad pedem montis hydrargyrus 27 pollicum ascenderat, cum Barometrum in montem translatum esset, ad 1070 pedum altitudinem descendit hydrargyrus 16 lineas $4\frac{1}{2}$: adeo ut unicuique lineæ 65 pedes respondeant, uti fere in Observatorio sæpius fuit probatum. Quod si descensus hydrargyri pro ratione altitudinis augetur, 28 pollices suspensi hydrargyri in radice montis ad nihilum redigerentur in altitudine 3668 hexapedarum. At si aer rarior est, quo sublimior, in parte superiori majore opus est altitudine ut hydrargyrus unius lineæ spatium decurrat, quàm in parte inferiore; atque adeo aeris altitudo longè major futura est, quàm 3668 hexapedarum.

XVII. Quæ ante aliquot annos ab eo deprehensa fuerat spectabilis in Jove macula, quæque jam pridem evanuerat, iterum sui copiam fecit. Ex crebris observationibus, quod ante jam statuerat D. Cassini, id iterum comprobavit, Jovem nimirum circa suum centrum spatio 9 horarum & 56 scrupulorum revolvi.

Hanc mensè Januario maculam reducem vidit, eamque paucis post diebus D. D. Buor & Mariotte exhibuit, ejus Perodos admodum æquabiles & longitudinibus locorum indagandis satis accommodatas putat.

XVIII. Cum autem nihil magis Astronomicas observationes conturbet quam refractiones, has intentiori animo in Regio Observatorio examinandas existimavit D. Cassini. Ac primum illud advertit non satis diligenter ab Astronomis esse perpensa quæ his definiendis erant necessaria, quòd ex diversis observationibus quæ variis in locis supra maris planitiæ variè sublatis factæ fuerant, nullo discrimine ipsas quasi ubique locorum eadem essent, refractiones deduxerint. Tycho inter alios tabulas refractionum partim ex observationibus factis Vraniburgi maris littoris finitimi, partim ex iis quæ in excello quodam Bohemiæ castello habitæ sunt, procul à mari distito perrexit: cum tamen situs locorum diversæ altitudinis à mari refractiones

plurimum inter se dissidentes inducant, adeo ut aliquot hexapedarum discrimen in altitudine loci observationis sensibilem affertat differentiam in minoribus Solis & Stellarum altitudinibus. Quare ad refractionum tabulam penes diversas altitudines observatoris ritè faciendam, Observatorii Regii supra maris planitiem, elevationem explorantem proposuit D. Cassini. Qui etiam hanc suscepit pro inciam, ut tabulam constitueret, qua diversitas refractionum ad statas à maris superficie elevationes ex observationibus in uno loco factis determinaret, quantum fert aëris refringentis in diversis locis consistentia. *Astronomica*

CAPUT III.

De Observationibus in America factis.

I. **C**Um promovendæ Astronomiæ illud perutile judicasset Academia, mittere in eas Americæ partes quæ Lineæ æquinoctiali sunt finitimæ, vitum observandi peritum & exercitarum, huic rei proficiendæ selegit D. Richer ejusdem Academiæ socium, qui jussu Ludovici Magni profectus est mense Octobri anno 1671, ac Rupella solvens mense Januario anni 1672, mense Aprili Cayennam, quò missus fuerat, pervenit. *Obserr. Americana*

II. Primum ille utrumque Solstitium æstivum & hibernum anno 1672 diligenter observavit aliquot ante & post utrumque diebus. Quod in Europa vix fieri potuit eadem evidentia, ob eas quæ incurrunt refractiones, quæque sunt exiguæ in ea insula. Nam Solis altitudo meridiana nunquam minor est 61 gradibus, cum Lutetiæ in solstitio hyemali minor sit 18 grad.

Ex iis observationibus D. Cassini in Elementis Astronomicis Typis Regiis postea editis apparentem Tropicorum distantiam eruit 46, 57, 4, quam ipse ex sua refractionum & parallaxium tabula minorem esse vera distantia 4, secundis supputat. Ex quo vera Tropicorum distantia 46, 57, 49, quam ipse olim ex observationibus Bononiæ habitis, & per refractionem & parallaxes correctis, in Ephemeridibus anni 1661 à Marchione Malvasia editis definierat grad. 46, 58, 0; adeo ut Eclipticæ declinatio per Cayennenses observationes refractione correctas sit grad. 23, 18, 55, quam ipse ex observationibus Bononiensibus definierat grad. 23, 29, 0, sola 5 secundorum differentia: cum Tycho nici illam statuisent gr. 23, 13, 50.

Latitudo autem apparens ejus Insulæ eruitur ex solstitialibus observationibus gr. 4, 56, 12, vera autem per refractionem correctæ à D. Cassini, gr. 4, 56, 7, 2.

Verum ex maxima & minima altitudine Stellæ polaris itidem observata, altitudo Poli apparens colligitur gr. 5, 7, 0, excedens altitudinem apparentem ex solstitialibus deductam 10. min. 48. secund. quod procul dubio

ANN. differentiæ refractionis, quæ perexigua est prope verticem, magna prope
1672. horizontem, tribuendum est.

& 73. Permultas autem observavit fixarum altitudines meridianas, quæ comparatæ cum Poli altitudine earum exhibent declinationes. Quin etiam tempus transitus ipsarum per Meridianum singulis diebus annoravit, ut loco Solis possint inter se comparari, & exinde ipsarum ascensiones rectæ deduci.

Solis eclipsim Cayennæ observavit D. Richer die 21. Augusti anno 1672. ejus initium fuit h. 2. 32. m. $\frac{1}{2}$. finis h. 4. 37. m. à meridie.

Eadem eclipsis à D. Cassini Parisiis fuit observata. Initium fuit h. 5. 38. min. 37. sec. Hora vero sexta 8. m. 34. sec. Solis cornua visa sunt horizontalia; magnitudo eclipsis fuit 8. digitor. Facta projectione paralleli Parisiensis in Lunari orbe juxta methodum Academiæ olim ab eo expositam invenit veram Lunæ latitudinem minuto uno cum semisse minorem quàm tabulæ Rudolphinæ eam exhibeant.

Postea certior factus per litteras eandem eclipsim Cayennæ à D. Richer fuisse observatam, ejusque initium, & finem prædictis contigisse temporibus, projectioni delineatæ addidit parallelum Cayennensem, in quo horas quibus duæ phasæ à D. Richer sunt observatæ, eandem inlittens methodum invenit in Lunari orbitâ puncta duo in quibus Lunæ centrum versabatur, cum duæ phasæ visæ sunt, sumptisque temporibus Lutetiæ prænotatis, & cum Cayennensibus comparatis, differentia inter horas utrobique in iis punctis numeratas inventa est 3. h. 41. m. major aliquot minutis Meridianorum differentia aliis quæsitâ modis.

Nova autem illa methodo uti solet D. Cassinus, cum Solares eclipses exprimit per projectionem opticam parallelorum & Meridianorum terræ in parte orbis Lunaris Solem inter & Lunam interposita. Hanc methodum anno 1670. Academiæ proposuerat. Complura exhibuit schemata eclipsium Solis quæ ab ipso sunt observatæ, & ea methodo delineatæ ad varios usus Astronomicos, ac præsertim ad parallaxes, & Meridianorum differentias inveniendas.

Constat illud quidem in hac orbis Lunaris parte quæ inter Solem & Lunam interponitur, diversis diei horis diversas superficiei terræ partes quasi delineari, easque ob diurnam revolutionem diversis horis successivè Soli exponi, atque adeo eundem terræ locum, cujus imago in orbe Lunæ exprimitur, per diurnam revolutionem in hac projectione mutare situm, ac varia terræ loca id diversimodè efficere pro distantia à terræ Polis ratione, qui soli per diurnam revolutionem situm non mutant in hac telluris projectione. Radius porro visualis à quovis terræ superficiei puncto ad centrum Solis perductus, & per diurnam revolutionem translatus describit in ipsa terræ specie, quæ in orbe Lunæ exprimitur, lineam quæ loci parallelum repræsentat: verum præclarum hoc inventum longius nos abduceret, ac methodus illa usu facilius, quam præceptis discitur. Ea utuntur Patres Societatis in Sinensi regno, quam ante discessum è Gallia à D. Cassino acceperant, Imperatori tradiderunt.

2. Solem in utroque Æquinoctio, autumnali nimirum anni 1671, &

verno anni 1673 observavit. Hinc temporis momentum quo centrum Solis *Obfer.*
 Æquatori suberat, & quantum temporis in signis Australibus Sol com- *Ame-*
 moratur, ab eo conclusum fuit, idque existimat in Europa tam certo ha- *ric.*
 beri vix posse, ob multo majores refractiones. In elementis Astronomicis,
 Æquinoctium autumnale anno 1671 die 22 Septembris hora 4 matutina,
 16 min. Vernale anni 1671 die 19 Martii hora 9, 18 m. post meridiem ratione
 habita perexiguæ refractionis & parallaxis ex iisdem colligit observationibus
 D. Cassinus: adeo ut jam exploratum sit quanto temporis spatio Sol diutius
 in signis Borealibus versetur quam in Australibus, idque tabulæ Tychonia-
 næ 11 horis majus quam par sit, definiunt. Hinc motus Solis Epocha cer-
 tior statui potest, cum Sol 5 tantum gradibus distans à vertice perparvæ re-
 fractioni tum fuerit obnoxius.

3. Altitudines Solis meridianæ singulis diebus observatæ à mense Junio
 anni 1671 usque ad Maium anni 1673 perexiguas refractionibus obnoxie
 motui Solis constituendo, & tabulis Astronomicis consciendis certiores,
 quam quæ hæctenus prodierunt, regulas suppeditare possunt.

4. Quæ circa Martem factæ sunt observationes cum iis collatæ quæ in
 Regio Observatorio ex condito sunt peractæ, quando Mars terræ fuit
 proximus, illud confirmant perexiguam esse hujus planetæ parallaxim
 sensibilem, etsi tum temporis longè esset terræ vicinior Sole. Et tamen
 juxta hypotheses complurium Astronomorum parallaxim Martis non mino-
 rem 7 aut 8 minutis esse oporteret.

5. Idem de Venere statuendum, cujus insensibilem penè esse parallaxim
 observationes in ea Insula cum aliis Lutetiæ factis collatæ persuadent.

6. Sed ex crebris observationibus illud compertum fuit, Lunam terræ
 satis esse vicinam, ut distantia Lutetiam inter & Cayennam sit sensibilis, &
 basis loco sit distantia Lunæ dimetiendæ idonea. Quæ ratio ejus inveniendæ
 distantia licet admodum opportuna nondum antea fuerat usurpata.

7. Complures & singulares circa Mercurium factæ sunt observationes,
 quæque Lutetiæ fieri non potuerunt: magno illæ usui esse possunt tabulis
 hujus planetæ instaurandis.

8. Eclipsis Lunæ mense Septembri anni 1671, Eclipses itidem satellitum
 Jovis utrobique simul visæ meridianorum utriusque loci differentiam
 præbuerant horarum 3, 28 min. 10 sec. Quæ in gradus reducta 52 & 7
 efficiunt. Quod & Astronomiæ & Navigationi utile futurum est, ut obser-
 vationes utrobique factæ concilientur, & tabulæ Hydrographicæ compro-
 bentur.

9. Magnam stellarum multitudinem in Australi cæli plaga cruz in Gal-
 lia videri non possunt, quæque antea rudiori penicillo in globo designatæ
 erant ex nautarum observationibus, nunc licet accuratius in cælesti globo
 delineare.

10. Elevatio poli ejus Insulæ per stellas fixas, per altitudines Solis
 meridianas, ac demum per maximam & minimam stellæ polaris alti-
 tudinem indagata manifesto ostendit refractiones multo altius quam
 veteribus Astronomis visum fuit, astra attollere: adeo ut poli alti-
 tudines ex stella polari deductas corrigere omnino necessarium videatur,

ANN. cum ejus meridianæ altitudines à refractionibus liberæ non sint.
1673.

11. Pendulorum quæ intra minutum secundum excursionses suas peragunt, longitudo in ea Americæ regione brevior una linea cum quadrante comperta est : ita ut horologium Parisiis exquisitè elaboratum & in Cayennam translatum singulis diebus tardius duobus minutis moveretur. Quod utique locum aperit curiosis nec inutilibus inquisitionibus. De Physicis experimentis in ea Insula factis idoneo loco dicemus.

Anno 1671. exeunte mense Octobri & ineunte Novembri satelles Saturni, qui inventione secundus, sed ordine quintus dici debet, à D. Cassino in maxima à Saturni globo digressione primum fuit observatus. Mox evanuit, nec videri potuit, nisi circa medium Decembris anni 1672. Rursum se oculis subduxit donec sub initium Februarii anni 1673 per dies 13 visus est 10 diametris annuli cum semisse à centro Saturni distare, & periodum suam circa Saturnum intra 80 dies conficere postea compertum est : nec se videndum præbet nisi in Occidentali à Saturni globo digressione. Nam luminis incrementa sumit & decrementa, adeo ut oculorum aciem effugiat in digressione Orientali, sub aspectum veniat in digressionem Occidentalem. Cum die 13 Decembris anni 1672 reperti satellitis qui se visui subduxerat, vestigia quæreret D. Cassini, alium invenit satellitem Saturno propiorem, quem observationibus deinceps ad finem Januarii habitis,prehendit suam circa Saturnum revolutionem absolovere diebus 4 cum semisse, & in maxima digressionem ab ejus centro tribus semidiametris annuli cum quadrante distare, ut in libro de his duobus satellitibus Regi dicato anno 1673 ab eo expositum fuit.



SECTIO NONA.

De Physicis laboribus.

Quæ secuta sunt proximo triennio Physica experimenta, magna ex parte typis mandata & publici juris facta sunt. Hinc pleraque ex iis operam nostram non desiderant; nec necesse est illa separatim pertractare & suis quæque temporibus dividere. Hæc enim D. D. Perrault & Mariotte in primis suis gentaminibus Physicis, D. du Clos in Tractatu de aquis mineralibus, tradidere. At silentio prætermittere non licet quæ circa rem herbariam, aut Botanicam prodire in publicum.



CAPUT PRIMUM.

De Historia plantarum prodromo.

I. **C**um Academia in id maximè incumbendum sibi proposuerit, ut accuratam stirpium historiam pertexeret, & earum præsertim quæ scriptorum diligentiam effugerunt, quæ ad hanc rem optima videretur methodus, diu multumque est disceptatum. D. Dodart idemtidem appellatus, ut ea de re sententiam suam & meditationes expromeret, quam insistere viam oporteret, jam ante scriptis tradiderat, quæ cum D. D. Perrault, du Clos & Borel sunt communicata; quid singulis videretur, quidve adiciendum aut demendum existimarent, suis ad singulos articulos notis aperuerunt. His sigillatim lectis & excussis id visum est exequi quod extra omnem controversiam positum erat.

II. In eo autem consensum est, Auctores pene omnes cum veteres, tum recentiores, qui in eo versati sunt argumento, legi oportere, ut quæ ab iis scripta sunt, diligenter expenderentur, atque ut controversiæ inter recentiores excitatæ de veterum intellectu, quantum fieri posset, dirimerentur. Id laboris D. D. Dodart & Marchant susceperunt, ac de iis rebus sæpè inter se contulerunt, si fortè quæ in veteribus obscuriora videbantur, explanari possent.

In eo quoque omnes consensere ut D. Bourdelin inceptam plantarum analysim indefinenter prosequeretur. Hic liquores è plantis per distillationem extractos, sales itidem & terras palam exhibuit. Quæ omnia variis sunt experimentis probata, ut eorum natura & qualitates quantum fieri posset, innotescerent.

Hæc utique & alia hujus generis plurima in peculiari tractatu Regiis Typis postea excuso, seu in prodromo ad plantarum historiam luculenter & accurate exposuit D. Dodart, ubi ideam & quasi formam totius operis exhibuit.

III. Primùm quidem in præfatione rectè admonet id non fugere Academiam quàm arduum opus suscepit, cum naturam & stirpium historiam tradere aggressa est; rem à Philosophis omnium sæculorum tentatam, quæque in summorum Principum deliciis fuit. Hi quippe magnis sumptibus & impendiis studium tam laudabile implere non dubitarunt: adeo ut difficillimum videatur quicquam tam præclaris operibus adicere, aut rem perficere quæ communi hominum expectationi, & Regis Inviictissimi gloriæ respondeat. Nec tamen despondere animum, cum ea considerat quæ summi Principis liberalitate ac munificentia suppeditat præsidia, quibus nova quædam & antea nunquam usurpata initur ratio tam operosi laboris perficiendi.

IV. Illud inficiari neminem posse quin postremis his duobus sæculis viri docti, qui in hoc argumento versati sunt, summa cura difficiles vete-

ANN. rum locos explanare & naturalem historiam magna plantarum multitudine
1672. illustrare conati fuerint. Sed tamen illud quoque fatendum est permulta
& 73. in ea quam tradiderunt stirpium historia desiderari; complura ab iis definita ex incertis coniecturis, alia in ambiguo relicta, non propriis, sed eorum quæ præcesserunt observationibus subnixi exteriores tantum plantarum, quas huic historiæ addiderunt, figuras utcumque delineare contenti; quotidie novas detegi, atque earum quas habemus perspectas cognitioni multa addi posse. Nec tamen id vitio dandum scriptoribus, quod rem tam latè fuscā penitus non exhauerint: magna iis contra habenda est gratia, quod effecerint ut quingentas aut sexcentas plantas à veteribus descriptas aliqua ex parte cognitās haberemus, his quinquies mille & amplius adscerint. Quod deest huic cognitioni, majus quiddam est quàm ut privati hominēs illud explere possint: sed intento & acri studio in id enitendum, ut quantum fieri potest, præclara hæc scientia promoveatur.

V. Tum quousque res provec̃ta fuerit, quidve in ea perficienda consilii habuerit Academia, distinctè prosequitur, ac subinde quæ ad plantarum descriptiones, figuras, cultum & vires spectant, sigillatim explicat, quæ in laudato prodromō legi possunt, in quo descriptiones & figuræ 40 plantarum sunt expressæ. Sed opus illud in magnum postea excrevit volumen, quod brevi, ut speramus, publici juris fiet.

VI. Illud operandum ait ut unaquæque planta sic describeretur, ut cum aliis jam cognitis confundi non posset: quod quidem efficitur, ubi plures ejus circumstantiæ notantur. Vix enim contingit ut tot peculiare notæ in aliis itidem occurrant: atque ea ratione tot dubia quæ nimia inducit brevitās, vitari possunt.

VII. Cum stirpium partes, propagines, satus, radices suis fibris mixtæ; incrementa accuratius indagantur, ex illa anatome quæ ad earum vegetationem & nutritionem pertinent, simul inquiruntur. Cum ex. gr. fibrarum contextum in plerisque foliis conspiciamus, tum illa subitè animū cogitatio, an fibræ illæ sint cavæ, atque ex iis aliæ arteriarum, venarum aliæ vices obeant; an sit tantummodo velut nervuli, quibus folii cujusque parenchyma, aut caro interfusa, colligata & conclusa teneatur; utrum succus ille coloratus qui è lacteis quibusdam plantis effluit, è fibris ipsis, an potius ex fibrarum intervallis exeat; utrum pili qui foliis insunt, sint cavi & nutritioni serviant, ut visum est D. Mariotte.

VIII. Nec tamen necesse erit quæ observantur omnia mandare litteris, id enim longum esset & molestum. Satis id fuerit quasdam circumstantias subijcere, quæ sensibiles differentias suppleant, si forte defuerint; atque ubi peculiaris apparere naturæ industria, hanc notare; ac demum quidquid ad partium usus cognoscendos conferre potest, quo usus jam recepti aut confirmetur, aut resiliantur, inferere.

Nihil quoque opus est de figuris plantarum ære incisis, aut de iis quæ circa earum cultum sunt observata disserere.

CAPUT II.

De plantarum viribus indagandis.

I. QUæ circa stirpium vires ab Auctoribus memoriæ prodita sunt, longè utilissimum foret serio examini subicere; quæ vera sunt, experimentis confirmare, falsa refellere, confusa distinguere, quæ denum certa sunt, ab incertis aut dubiis discernere, nihil temere affirmare. Quæ omnia cautè & circumspèctè sunt dijudicanda: habenda enim est ratio & temporis & regionis. Nam fieri interdum potest, ut plantæ ex Asia & Græcia in has regiones asportatæ eisdem effectus in Gallia, atque in illis provinciis non procreent, quod aliud sit vivendi genus in diversis regionibus, aliæ stirpium vires. Illud quoque potuit contingere ut præparandi modos veteres silentio prætermiserint.

II. Quæ dubia sunt in humanis corporibus experiri non licet, cum res ipsa periculo non vacet: sed ubi omne abest periculum, non erit inutile multa à veteribus tradita experiri; an v. gr. radice pæoniæ, aut visco quercino Epilepsiæ paroxysmi sistantur. De aliis vero, in quibus periculosa est experientia, ut de purgantibus, narcoticis & aliis similibus cautè & circumspèctè agendum.

Unum illud restat ut periti Medici iis de rebus variis in locis consulantur & quid experientia compertum habeant, ab iis edoceamur; aut certè in brutis ea sunt facienda experimenta: tametsi non dubitamus eandem non esse brutorum atque hominum rationem, cum de stirpium viribus agitur.

Sed neque illud inutile futurum est plantarum dotes habita artium ratione experiri, aut novas detegere quæ insectoribus, pictoribus, & aliis profint artificibus.

III. Plantarum vires ex temperamentis & saporibus potissimum cognoscit veteres iudicaverunt. Galenus iis interdum addit partium subtilitatem, aut crassitiam & præcipuam aliquando earum causam affert, quandam substantiæ proprietatem, cujus ideam claram & distinctam nullam habuit.

IV. Illud nobis vix sperare licet fore ut plantarum vires per causas suas habeamus exploratas; ac difficillimum esset plantas in seipsis cognoscere. Nam ut nihil aliud esset in rerum natura præter materiam & generales illius affectiones, meatus quoque aut plenos aut inanes, ac nullæ essent distinctæ qualitates earum proprietatum, nec formæ ab iis qualitatibus secretæ, ut visum est plerisque Philosophis cum veteribus, tum recentioribus, proxima tamen tum uniuscujusque plantæ, tum rei in quam vim suam excrit, principia, atque horum figuras, moles, motus, connexiones cum causis generalibus cognosci oporteret, ut per causas suas plantarum dotes perspicere haberentur. Quæ omnia magis sunt involuta quam ut

AN N. scientia comprehendi queant : adeo ut ex iis nihil ferè præter concertationes
1572. & leves conjecturas eruamus.

& 73. V. Sed neque ex ipsis effectibus eæ vires dignosci faciliè possunt , nisi materia ipsa in quam agunt , cujusmodi est corpus humanum , aut saltem ejus naturalis constitutio & morborum natura sit explorata. Quod utique valde obscurum est : adeo ut solis conjecturis locus relictus videatur , quæ fortè ex analysi stirpium ritè instituta & ex effectis certiori experientia firmatis majorem lucem accipient.

VI. Ex Analyfi enim plantarum ritè facta , quid in iis potissimum dominetur , quid habeant cum aliis commune , in quibus inter se differant , conjecturis saltem assequemur. Huic rei in Academia plurimum studii & operæ datum est. Quousque hic labor pervenerit , quid utilitatis hinc sperari possit D. Dodart in ea dissertatione diligenter persequitur.

Sed de analysi jam supra diximus , ac subinde monuimus , qua ratione varii liquores ex iis fuerint extracti. Qui manifesto sapore præditi sunt , spirituosus appellantur. Interdum spiritus sulphurei , qui sapore quodam acriori donantur , primum exeunt : sed hoc perraro evenit ; phlegma penè insipidum & copiosum plerumque ante omnia stillare solet , tum spiritus acidi , mixti , urinosi & nonnunquam cum acidis permixti ; sales deinde volatiles , tum olea nigra & fœtida ex ordine eliciuntur ; tandem sal aut lixivialis , aut salini saporis è cineribus educitur. Sal ut sæpè dictum est , plerumque sulphureus est aut acidus ; ille cum sulphureis , ut cum oleo & pinguedine facilius commiscetur. Qui aut fixus est , ut sal è cineribus extractus , aut volatiliis , qualem urina , sanguis , cornua & partes quæque animalium suppeditant. Cum liquor sensum caloris linguæ imprimit , tum spiritus acer vocitatur ; cum sapor ille est vehementior , urinosus dici solet ; mixtus ex sulphureo & acido componitur.

Non ex omnibus plantis hæc omnes substantiæ prodierunt. E paucis spiritus ille acerrimus eductus fuit , ut ex elkboro & elleborastro.

VII. Liquores omnes aquei , qui scilicet cum aqua faciliè commiscentur , aut sunt insipidi , aut acidi , aut sulphurei , aut urinosi , aut mixti. Præcipuè eorum affectiones saporibus continentur , qui confusè tantum solo gustatu judicantur. Unde alia fuerunt adhibenda criteria quibus sapores eorum pene insensibiles dijudicari possint : de iis jam supra egimus.

VIII. Inter eos qui manifestè se produnt saporis , nulli heliotropii solutionem rubeo colore tingunt , præter acidus , nulli sublimati solutioni lacteum colorem conciliant præter sulphureos. Ac si qui aciores aut urinosi heliotropii succum rubeo colore suffundunt , ii quidem non omni sale acido carent : nam salis sulphurei additione natus & cæruleus heliotropii color redit , dum sal ille quod acidum est in liquore , deprimat.


Ubi Liquor sulphureus debilior est , pallidum colorem sublimati solutioni impertit ; acrior lacteo colore eam tingit & sensum præcipitem dat : sed ubi multum viget , tum repentinam inducit præcipitationem. Nec ferè id criterium fallit , etiamsi perparvam liquoris sulphurei partem admisceas.

Spiritus urinosus cum admodum debilis est , aliquot bullas æreas in spi-

ritu salis excitat; vegetior maiorem agitationem & quasi fremitum quemdam inducit: sed qui sulphureo & volatili sale abundat, una cum salis spiritu statim effervesceit. Plura in hanc rem vir clariss. in laudato opusculo tradit, nosque in parte secunda Physices veteris & novæ tract. 3 c. 5. ex eo loco nonnulla subiecimus quæ ad analysim plantarum spectant, quæque nunc retexere supervacaneum foret.

XI. Quæ circa vires plantarum ex eodem Auctore à nobis excerpta sunt c. 6. regetere nihil quoque opus est: unum tantum aut alterum monuisse satis fuerit. Primum eò tendit plantarum analysi, ut earum vires utcumque cognitæ habeamus; neque tamen illud ex sola resolutione sperare licet, cum eadem vis non inest plantæ integræ, quæ eidem in partes dissolutæ. Nam eæ vires aut facultates ex structura & configuratione partium, & ex mechanica earum dispositione magna ex parte pendunt.

2. Qui præcipua rerum principia ad acidum & alkali referunt, ii multa quidem suæ opinionis argumenta ex analysi plantarum possunt depromere. Nam hæc sunt velut duo extrema rerum principia, quæ se se mutuo retundunt & temperant; eaque esse utriusque fermentationis causas principes, tum ejus quæ naturalis est, & ad maturitatem tendit, tum etiam illius quæ in corruptionem definit, non abhorret à verosimili. Imo sale acido humores coagulari, sulphureo aut alkali fundi multis experimentis supra ostendimus. Quæ tamen ea cautione quam D. Dodart adhibet, sunt accipienda: neque enim id omne quod sulphureum est, cum quovis acido consociatur; & quædam sulphurea coagulant, ut acida nonnulla humores fundunt aut coagulationem arcent; neque omnium acidorum aut sulphurorum eadem est natura, sed de iis tantum; plura in hanc rem nec inutilia, nec injucunda subiecit D. Dodart; nosque nonnulla circa analysim & vires plantarum loco citato attulimus, simul & iis quæ D. Mariotte opponebat, respondere conati sumus.



SECTIO DECIMA.

De Historia Anatomica quorundam animalium.

Hæc triennio & annis superioribus 1673, ac 71 animalia, quorum descriptio paulo post typis regiis est exculsa, omnibus coram disiecta sunt, à Domino Perrault primum delineata, tum eorum historia anatomica iam cum ordinem qui extat, digesta, & in Academia perfecta.

CAPUT PRIMUM.

De Historia animalium generatim.

I. **J** Am anno 1669 quorundam animalium historia Anatomica vulgata fuerat instar speciminis alicujus, sed ea fuerunt numero perpauca, neque ea forma in lucem prodit, quam susceptum opus exigebat. Quamobrem Academiæ propositum fuit historiam animalium anatomicam sic persequi, ut ad partes interiores magis quam ad exteriores animum intenderet, contra atque ab omnibus qui in hoc argumento versati sunt, cum veteribus, tum recentioribus factum est, quibus ea potissimum cura fuit, ut animalia, quorum historiam tradidere, ad certa genera revocarent, atque ex partium quarundam externarum conformatione aut ex nativis proprietatibus certas species constituerent, idque partim ex suis, partim ex alienis quæ sæpe fallunt, observationibus. Non enim à mercatoribus aut militibus qui varias obeunt regiones, ea expectanda est diligentia, aut iudicii perspicacia qua singulares tot animalium proprietates vel notas, quibus ab aliis secerni possint, ut par est, observent. Formas eorum singulares illustrandis suis relationibus referre contenti, de scribenda paulo accuratori animalium historia non admodum sunt solliciti. Neque si videntur quibus fides facile habenda sit, cum in multis fallant, aut fallantur, quantumvis interdum asseverent se non alia cfferre quam quæ oculis suis usurparunt; quæque ab aliis tradita sunt, falsi condemnent, nec aliud quiddam quam omnium penè narrationum fidem suspectam & dubiam reddunt, quique bona fide aliorum diligentiam & fidem infirmant, suam ipsi non satis firmis testimoniis adstruunt.

II. Quare his commentariis eò major videtur habenda fides, quòd non unus alicujus qui anticipatis opinionibus suis facile potest indulgere, quique interdum non tam res ipsas, quam sui ingenii fœtus considerat, sed ea tradunt quæ multorum oculis subjecta & diligenter sunt excussa ab iis quibus nec oculi ad videndum, nec manus ad inveniendum desunt, quique non tam cupidi sunt res novas inveniendi, quam quæ inventæ sunt velut ad incudem revocandi: adeo ut si fortè interdum evenierit ut eos aliqua fefellerit observatio, id ipsum non minori lucro apponant, quam si novum quiddam ab iis repertum fuisset. Non enim tanti est falsæ cujusdam gloriolæ aucupatio, quam ingeniosæ illusionis successus extorquere possit, ut transverfos agat homines veritatis amantes; ea laus in plures divisa perparum afferre potest momenti, cum ab aliis nova proponantur, alii certo iudicio proposita perpendant, atque omnes in hujus laudis partem veniant. Accedit etiam nonnullæ æmulationis inter Philosophos satis usitatæ quidam stimulus, quo cura & studium acui solet, ita ut libera sint omnium judicia, neque ullus sit assentationis locus.

III. Etsi præcipuum Academiæ studium in id collatum fuit ut partes

animalium interiores perspectæ essent (hoc enim maximè historiz naturali *Hist.*
 deesse videbatur) quæ tamen ad exteriorem eorum formam spectant, *anim.*
 prætermisâ non oportuit , ut partium omnium inter se nexûs & usus
 habeantur explorati. Quod si interdum controversias inter Auctores mo-
 tas de variis animalium nominibus quæ veteres tradiderunt , an plura &
 diversa iisdem vocibus designata fuerint , aut vicissim plura vocabula iis-
 dem animantibus indita sint , attingere necesse fuit , id obiter factum est.
 Atque id unum præcipuè curæ fuit , ut descriptiones nudæ & simplices
 citra ornatum ullum traderentur , quæ res ipsas ut visæ sunt , ita exhi-
 berent , ferè ut specula quæ nihil sui admiscunt imaginibus. Quod si for-
 tè quædam his additæ sunt Philosophicæ meditationes , id instar specimi-
 nis cuiusdam factum fuit , ut hinc appareret qui fructus ex iis observa-
 tionibus percipi possint , si forte in unum corpus , idque partibus suis ab-
 solutum aliquando coaluerint , & copiosa satis observationum materia fue-
 rit comparata.

IV. Facen-tum est vix ullum esse Philosophicis rationibus locum , nisi ex
 communibus quibusdam effatis & propositionibus ducantur , qua quidem om-
 nium pene rerum singularum notitia inniti debet. At multum temporis &
 studii aute est infumendum , quàm tot rerum singularium huic rei necessaria
 cognitio acquiratur. Quocirca factis ipsis & narrationibus magis inhæren-
 dum arbitramur , quàm rationibus iis Philosophicis.

V. Quamobrem in his descriptionibus exhibendis diversam planè ab ea
 quam secuti sunt Veteres , placuit inire viam. Illi enim animalium histo-
 riam ut scientias universim pertractarunt , hic res singillatim exhibentur.
 Renes v. gr. v. si ex 52. renunculis constari non temere assumamus ; sed in
 urso diss. èto idipsum visum à nobis fuisse. Nam fieri potest ut is sit naturæ
 ludus ; nec continuo id scriptoribus vitio dandum , si res ejusmodi eorum
 diligentiam effugerint.

Cujusque animalis figura summa cura fuit delineata , & partium magni-
 tudo dimensa , quæ inter eas sit ratio diligenter indagatum : nam ista non
 magis vulgo nota sunt , quàm interiorum partium conformatio. Quæ com-
 munita sunt & nobis cognita animalia paulo aliter descripta sunt , quàm rata
 & inusitata. Illorum enim tum exteriores , tum interiores partes ad hominem
 referuntur , qui ut norma omnium animalium constituitur. Quæ omnia spe-
 rare nos jubent fore ut hi commenta ii uberrimam historiz naturali ma-
 teriam aliquando suppeditent , iique publicæ expectationi & Regis Maximi
 munificentiz respondeant. Hæc fere præfatione continentur , quæ formam
 illius & rationem operis velut oculis ipsis subjiciunt.

Longum esset & ab instituto opere penitus alienum ire per singulas ani-
 malium quæ hoc Volumine continentur descriptiones , sed cum in pauco-
 rum sint manibus , non abs re fuerit , strictim quorundam animalium histo-
 riam instar speciminis perstringere.



CAPUT II.

Leonis & Leona, & Chameleontis Anatome.

I. **P**rimùm quidem à Leonis descriptione cœptum, exterior illius forma & partes interiores observatione dignæ ad vivum expressæ, quæ cum felium partibus magnam videntur habere cognationem: nam in utrifque septem sunt jecoris lobi, cystis fellea in iisdem animalibus anfractuosa, & quasi in varias cellulas divisa, pancreas quoque & mediastinum fere ut in felibus; magna in mediastini membrana prope mucronem cordis cavitas intercipitur; oculi pene consimiles, pedum unguiculi & ossicula non dissimilia.

II. Cor amplum & majus quàm in aliis animalibus; ampli ejus ventriculi: unde mollius apparuit antequam secaretur; carotides majores visæ habita cercbri ratione, quod pro mole corporis angustum valde erat; vix enim duos pollices in omnes partes patebat: sed cranium spissum, temporum musculi admodum crassi & longi, à summo capite orti, ubi velut crista quædam prominet.

Quare capitis moles & robur ex structura ossium adeo firma, necnon ex musculorum crassitie proficiscitur. Parva cerebri copia feritatis potiùs quàm tarditatis indicium videtur: nam in vitulis copiosum est, cùm leo inter animalia, ex omnibus pene scriptoribus perspicaci ingenio donetur.

III. Quod si, ut vulgò creditur, continua febris laboret, hæc humorum putredini vix referri potest accepta: nam calido & humido cœlo disfectus, non adeo fœtidum odorem spargebat. Ac verisimile est bilem quæ abundat, in causâ esse cur adeo sit longævus; nam bilem esse velut balsamum quoddam in corpore animalium, eaque adversus putredinem tueri satis probabile videtur.

IV. In Leona collum juba destitutum erat; unguis ut in leonibus ex fibrosa substantia ita compositi erant, ut fibræ singulæ solidæ essent & compactæ, sed facili tamen à se invicem separabiles ob ficitatem, ut in ligno fibroso quod exsiccatum facilius dividitur; partes generationi destinatæ pene ut in canibus conformatæ.

V. Leonem excepit perparvum animal dictum Chameleon, quasi parvus leo, quam ob rationem non satis liquet: nam deforme illud animalculum leonem nulla sui parte refert. Ex genere est quadrupedum quæ sunt ovipara, ut crocodilus aut lacertus, cum quibus videtur majorem habere similitudinem.

Multa in eo sunt obervatione digna quæ cum accuratè fuerint explicata in descriptione semel & iterum edita, summam ea decurrere satis fuerit. Nam hoc animalculum jam anno 1669. fuerat dissectum, atque illius Historiam in hunc locum rejecimus.

V I. Primum ille intumescere ad libitum & detumescere videbatur, atque

atque interdum duarum horarum spatio tumidus toto perflabat corpore; brachia etiam & crura, imo & cauda inflata apparebant: cum detumuerat, strigoso admodum & angusto erat corpore. Tumor ille non ex aëre per asperam arteriam in pulmones toto corpore diffusos subeunte oriebatur, ut visum est Theophrasto: nam aër per tracheam intrusus amplas cavitates circa viscera relictis & membranas circumjectas, cum variis appendicibus quasi totidem cyprini piscis vesiculis candidis implebat, quæ membranæ sub obtutum non veniebant, antequam aëre subeunte inflarentur.

VII. Pellis innumeris granulis iisque perpolitis distincta erat; nec mutatus est color nisi mortuo animali. Cum in umbra quiescebat, cinereo colore ad cæruleum vergente granula distincta videbantur: sed interjecta intervalla subflava erant, aut subrubra; cinereus ille color toto fusus corpore in luce posito in fuscum degenerabat. Quin & partes non illustratæ, ac complures maculæ colore rubeo dilutioris splendidiæ apparebant, ac subinde magna colorum varietas in pelle fere ut in panno variis coloribus distincto cernebatur: sed certis tantum in locis mutabat colorem. Linteo involutus post duo aut tria minutaeductus pallido colore tinctus apparuit: verum id semel tantum evenit, etsi sæpius id experiri placuit: neque alios colores induit, licet variis rebus coloratis admoveretur, ac fieri potest, ut pallidum colorem ex linteo frigidiusculo contraxerit.

VIII. Difficile dictum est unde hæc colorum tam subita mutatio oriatur. An fortè ex humorum suffusione, ut visum est Senecæ? An ex varia luminis reflexione, ut placet Solino? An potiùs ex partium configuratione, ut recentiores opinantur: ac fortè omnes illæ causæ unà concurrunt. Nam illa colorum mutatio non tam in pelle quæ solidior cernitur, quam in granis inest prominulis, quæ ex pelliculis constant admodum exilibus, quæque faciliè separantur: adeo ut bilis quæ in hoc animalculo uberior est, aut alii humores fere ut in nobis evenit, cum ira, aut metus, aut aliæ animi perturbationes excitantur, colorem mutare possint. Sic bilis flava cum nativo colore cutis cinereo aut cæruleo mista subviridem sæpe colorem inducit, aut plures granorum pelliculæ, æque pellucidæ radios luminis sic infringunt, ut in varios colores degenerent, ut in lapide speculati, & in pleurisque corporibus cernimus. Pellis admodum subtilis est, & colorem facile mutat, ut P. le Comte in Epistola ad Illestr. Abbatem scribit, penes diversos affectus varios induit colores. Smaragdinum colorem præ se fert in lætitia, aureo colore mistum; cum irascitur lividior est, in metu pallidus. Interim varii colores unà permisti cum umbra & lumine gratum oculis præbent spectaculum.

IX. Oculorum & linguae structura omnino est singularis; oculi amplii sunt, globosi, extra prominuli, parte sui anteriore uni palpebræ adhærescunt in medio perforatæ, qua pupilla conspicitur splendida & aureo circulo circumdata. Palpebra unà cum oculo non sursum & deorsum movetur, ut in aliis animantibus. Quod verò huic animali proprium est, alter oculorum movetur altero immoto; unus sursum fertur, alter deorsum; unus antrosum, cum alter retrorsum inflectitur. Foramen verò palpebræ contrahitur, dum transversum dilatatur instar rimæ: ita ut pars suprema cum

Hist.
Anim.

AN. infima apprimè cohæreat. Netvi optici è cerebri tuberculis prodeunt ; unà juncti , mox separatim exeunt tanquam oblonga fila.

XI. Lingue structura & usus multum admirabilis habent , ex carne candida & solida constat , cava est & in parte sui extrema instar sacci aperta , fere ut Elephantis proboscis. Ossi Hyoidi interjectu oblongioris tubæ sex digitos longæ , adhærescit , quæ membrana intus nervosa est , solida & compacta. Hujus tubæ ope linguam vibrat ad 7 aut 8 pollices , m. scas & alia insecta venatur , idque fit incredibili celeritate ; illæ glutine , quod è lingua continenter exsudat , implicantur. Quod motu quodam linguæ peristaltico ficti est verisimile. Et quidem ventriculus & intestina muscis & vermibus repleta visa sunt : adeo ut non aëre , ut vulgo creditum est , sed insectis nutriatur. Unde excrementa flavo & subviridi colore tincta quotidie egerebat ; calculi pisorum magnitudine in ipsis reperta sunt intestinis , quos non deglutierat , iique leves admodum erant , unus ex iis caput muscæ intus conclusum habebat. Plura in descriptione ipsa legi possunt.

CAPUT III.

Cameli , Ursi , Capræ Lybica , & aliorum Historia Anatomica :

I. IN his paulo longiorem me fuisse sentio , sed brevior in aliis futurus sum. Atque ut editi Operis ordinem sequar , Camelus qui vulgo appellari solet Dromedarius , forè ob cursus celeritatem , primus occurrit. In eo multa erant observatione digna tum in forma exteriori , tum etiam in partibus interioribus : dorsum gibbosum videtur , neque est tamen ; nam gibbus ille ex pilis longioribus & densis , non ex carne constat. Genua & femora callo solidiori obducuntur , cui innixus recumbit. In sterno aliud est callum longè majus moli corporis sustinendæ , cum oneratur , aptatum.

Quatuor huic insunt ventriculi , ut in ruminantibus. In primo varii sunt sacculi , secundus in plures sinus tanquam in varios sacculos multò iis minores , quàm qui primo insunt ventriculo , dividitur. Hi sacculi herbis jam aliqua ex parte digestis pleni solent apparere : adeo ut non sint aquæ coarctatæ conceptacula. Hi sinus quadrati erant & numero viginti. Nunc de Urso.

Ursi figura exterior vulgo est notissima : deforme animal propterea judicatur , quod humanam formam perversè imitetur , uti & simia : quod præcipuum est in manu & in pede humano , id in Urso videtur depravatum. Manus hominis ita est conformata , ut ex quinque digitis quatuor unà conjuncti ejusdem pene speciei videantur ; unus ab aliis divisus præcipuè manûs actioni , quæ est comprehensio , inservit ; pes verò ex talo & quinque digitis constat talo oppositis , ut firmior sit ejus incessus , cum has partes diversis figuris corporum quæ premit incedendo , variè applicat. In Urso hæ partes carnosæ , ut in homine , & quinque digitis instructæ , os tali itidem breve partem plantæ in pede efficit ; in manu itidem ossa carpi

in unum collecta & pene æqualia. Sed pollex ab aliis digitis non sejungitur, *Hist.* quique crassitie sua pollicem exhibere potest, is extrorsum positus digiti mi- *ani n.* nimi locum tenet.

Structura renum omnium oculos in se convertit: longi erant & lati, eos involvebat membrana quæ adiposa dicitur, sed quæ erat ut reliquum corpus, adipe destituta. Huic subjecta erat alia membrana quæ renum parenchymati cohererebat: sed complures renunculos suis propriis membranis instructos instar sacci continebat. Hi inter se erant tenuibus fibris & membranulis ex majori & communi membrana ortis conserti & colligati, idque potissimum in parte cava renum. Nam in gibba non ita inter se coherabant; cujusque renunculi basis foris lata erat: sed omnes intrus in angustum desinebant; mediocris castaneæ molem ut plurimum æquabant. Eorum congeries satis aptè nucleum pineam referebat.

Unumquemque ex iis renunculis vasorum emulgentium propagines cum ureteris ramo sic penetrabant, ut arteria medium teneret locum, & in parenchyma effusæ visus aciem ob exilitatem suam pene effugerent: hæc quidem per papillas in pelvim serum effundunt. Longius proceßi ureteris rami in cujusque renunculi pelvim desinebant: singulis conjunctæ erant caruncule tanquam papillæ granis tritici pene æquales. Centum & amplius ejusmodi papillæ in unoquoque rene erant conspicuæ. Renes forsitan ita sunt conformati, ut majorem urinæ copiam egerant, quod in iis impedita sit transpiratio ob cutis & pilorum densitatem.

II. Post hæc dissectæ sunt quinque capræ Lybicæ, v. *Gazelles*, in quibus multa circa structuram partium tum exteriorum, tum interiorum sunt observata; unum aut alterum ex iis proferemus. Cornua cava erant ad medium usque eorum partem: hanc cavitatem os acutum implebat quo capiti interjectu pericranii erant illigata. Dura est & densa hæc membrana multo sanguine perfusa, uri pars ossis intima quæ spongiosa est, cum extima superficies solida sit, & variis striis in longum productis incisa. Crura circa geni prælongis pilis sunt instructa, ubi pellis multo est crassior quàm alibi, ut sit instar pulvilli cum recumbunt, fere ut in Camelis: sic pedes ita sunt conformati, ut in arenosis locis faciliùs incedant.

Ventriculus ut in ruminantibus multiplex. In plerisque jecur ex innumeris glandulis figuræ hexagonæ, & pallidioribus compactum apparebat: sive id vis morbi effecerat; (nam in una ex iis hepar substantiam sui similem & continuam servare visum est;) seu glandulæ hepatis densatæ & duriores factæ nativam figuram conservarint. Non enim sit verosimile jecinoris substantiam casu quodam, ut sit in oleo præ frigore concreto, has glandulas exhibuisse: cum omnes essent figuræ hexagonæ & uniusmodi in medio sui perforatæ: erant colore pallido, quod fortè sanguis eas libere non permearet: cum interjectæ partes sanguine perfusæ rubeum colorem præ se ferrent.

Jam antea anno scilicet 1670 die undecima Januarii cum acerrimo frigore cuncta rigerent, Felis pardus dissectus fuerat ex Africa allatus, feli per omnia similis: nec aliud ex Leopardo aut Panthera nisi colorem expressum habebat. Illud tamen non abhorret à verisimili, ex feris diversis

A'N N.
1671.
& 73.

generis eum fuisse procreatum. Indicio illud esse potest quod partes generationi destinatæ huic deesse viderentur, nec vasa spermatica detegi unquam potuerint; fors est ut à Turcis exsectus fuerit: nani pinguis admodum erat, quod in exsectis animantibus usu venit. Sed nulla tamen in abdomine cicatrix visa est, & vasa ipsa spermatica non penitus evanuiscent. Quæ organa in mulis non desunt: adeo ut causa quædam fuerit occultior cur eæ partes huic animali non adessent.

Humor aquosus in oculo fluiditatem suam non amisit: tamen crystallinus & vitreus in duram glaciem concreti viderentur. Atque hinc licet conijcere aquei humoris spirituosam magis esse substantiam, quæ frigore non concrevit: ita ut nihil ex aqua nisi fluiditatem & perspicuitatem habere videatur.

Aliud quoddam animal à nonnullis Lupus cervarius dictum, quod Lupi formam & cervi colorem referat, cultro subiectum est; idque veterum Lynceum magis referebat. Quod enim ab Aliano in Lynce annotatum fuit, sertum quoddam in suprema aurium parte prominulum, hoc in nostro Lupo-cervario fuit conspicuum. Quod de visus acie vulgo referunt, non satis liquet, utrum feræ, an homini ita appellato id conveniat.

Quod interiores partes spectat, epiploon quasi contextus funiculorum adipolorum retiformis apparebat; interjecta membrana innumeris pertusa foraminulis videbatur; adiposi funiculi vasa omenti tegebant.

III. Sub idem fere tempus Alopecias seu vulpes marina allata est, longiore cauda instructa, quæ corpus ipsum longitudine æquabat, & instar falcis erat inflexa: partes ejus singulæ diligenter inspectæ. In ventriculo herba marina & pisces absque capite, pelle & visceribus inventa: duodenum excipiebat aliud intestinum amplum & sesquipedale, cujus structura erat singularis, non enim ut solent intestina, in varios gyros erat convolutum, sed cavitas illius variis membranulis transversim in modum cochleæ dispositis intercisæ, ut succus alimentitius in iis velut cellulis diutius hæretet.

IV. Sequuntur duo animalia magis nota, Fiber seu Castor Canadensis & Lutra, ambo ex Amphibiorum genere, forma & structura dissimili. Castor qui ramos arborum dentibus secat, dentes habet incisivos quatuor ita dispositos, ut superiores non in directum inferioribus opponantur, sed interiores horum partes subeant: sic enim & persecandis corporibus sunt aptiores. Pedes sunt quinque digitis instructi; posteriores membrana fere ut in anseribus nequit, quò facilius natare possit; anterioribus ut manibus ad comprehendendum ut simia utitur: unde ea membrana non vestiuntur, quæ utrisque adest pedibus.

Lutræ cauda piscium quàm terrestrium animalium caudis propior; nam Epidermide squamis hexagonæ figuræ armata tegitur, nec substantia ejus à natura piscium aliena est, multa pinguedine referta in medio crassior est quàm in extremis.

Anus Fibri inter os pubis & caudæ initium interjectus, non Sphinctere ut in aliis animantibus, sed rima occluditur, per quam solida & liquida excrementa egerit. Ex utroque hujus rimæ latere, duo sacculi extant in quibus Castoreum perficitur, Nam duo sunt alii paulo superiores & multo am-

pliores, in quibus præparatur. In his cinerea materia fœtida visa est. Hęc *Hist.*
unctuosa magis erat & subflava in subjectis vesiculis, quæ ex variis velut *Anim.*
glandulis compositæ videbantur. Singulæ glandulæ spongiosæ erant substantiæ in medio pertusæ, sed nullus in iis liquor visus. Ex altero sacculo aperto exiit instar mellis unctuosus liquor & inflammabilis instar Terebinthinæ, sed odoris fœtidi, nec pressus in superiores vesicas refluebat.

Botalli foramen ovale frustra quæsitum est: nam occlusum omnino apparuit, uti & in Lutra.

Hæc cum Castore magnam habet similitudinem; dulci aqua delectatur; Castor & fassam & dulcem amat. Pedes anteriores Lutræ membrana devincti erant, quinque itidem digitis distincti, sed æquales erant triplici ossium phalange instructi; pollex ab aliis digitis non erat sejunctus.

Quatuor incisivi dentes, ut in Castore, Mure, Lepore, iique perescantes non erant in Lutra, sed canis aut lupi dentibus consimiles; breviores pili quàm in Castore. Lien omento adhærebat, non ventriculo, ut in aliis pene omnibus animantibus. Renes in decem renunculos pene ut in Urso sic erant divisi, ut unusquisque suo sibi peculiari parenchymate, vasis emulgentibus, & uretere donaretur; communis membrana eos involvebat, & fibris inter se erant connexi.

V. Post hæc aliud feræ genus, quod Hyenam vocat Aristoteles v. *Civette* accuratè inspectum est, variis coloribus & nigris tum maculis, tum fasciis distinctum. Hoc ei cum Castore commune est ut saccos habeat pene iisdem in locis collocatos, sed materia fragrante, non gravi ut in Castore oppletos. Hunc liquorem Arabes Zibetum vocant, unde & Civetæ nomen ductum. Hoc liquoris receptaculum anui subjectum erat, cui aliud foramen infra subiacebat. E membrana aspera & foraminibus pervia, quæ ubi digitis premebatur, liquor suavis odoris exibat candidus & spumosus, è multis glandulis inter duas membranas interjectis expressus. Odor ille in pilos manabat, potissimum in mare, ita ut manus eo odore imbueret. Non abhorret à vero hanc esse veterum hyenam. Tribus enim indiciiis eam designant, quòd capite Lupum referat, quod pili sint in dorso longiores, & quod præcipuum videtur, peculiarem habeat sinum, præter illos qui in feminis aliarum animantium occurrunt.

V. Alces Zybethum excepit, animal magnum vocant Auctores recentiores, qui tamen in ejus descriptione neque inter se, neque cum veteribus satis consentiunt: conciliari tamen utrumque possunt. Quod enim varios ei colores tribuunt, id ex eo evenit quod alium colorem hyemæ, fulvum nempe ad cinereum vergentem, alium æstate & pallidiorem præ se ferat. Quòd cornibus instructum nonnulli, his destitutum alii scribunt, utrumque verum est; nam mares, non scæminæ cornibus muniuntur. Crura sine juncturis esse vulgo aiunt, quod rigidiora sint: nam glaciem non fallente vestigio decurrunt. Unde & luporum insequentium vim ea ratione eludunt; sic pedum ictu venatores interdum malè mulctant. Accedit id quoque, varia animalium genera eodem nomine plerumque confundi. Nescio an de quodam hujus animalis genere intelligendus sit Gratiani in Vita Cardinalis Commandonis, *Biffenti*, inquit, *eam vim esse se.*

ANN. runt, ut una equum *Sessoremque* iūctū carnium sublimis tollat, & celeris-
1571. tem, ut si porro concitus insequatur, nullius equi quantumvis pernecis opa
effugias.

Sed in eo omnes fere Auctores conveniunt, hoc animal cervum cūm mole corporis, tum aurium amplitudine & brevitate caudæ, ac demum cornibus referre. Huic dissimile est pilorum colore & longitudine, labiū superioris magnitudine, crurum rigiditate & colli brevitate. Cameli pilos colore imitatur, sed in camelo sunt tenuiores. In Alce extrema pilorum acuta sunt, & versus radicem ii quoque sunt tenuiores; prope radices pel-lucent.

Pilus adhibito microscopio instar junci spongiosus apparebat: crurum juncturae firmis & duris ligamentis arctius devinctæ.

VII. Oculi in majori angulo longiore rima fissus videbatur, quàm in cervis & damis; huic glandula lachrymalis subjacebat sesqui-digito longa. Cum autem cerebrum unā cum cerebello quatuor pollices in longum, duos in latum tantummodo pateret, ex mole glandulæ lachrymalis cum angusto cerebro comparata licuit conjicere eas glandulas excipiendis humoribus cerebri non esse comparatas, sed lympham in iis ex arterioso sanguine percolari.

VIII. Phura in visulo marino qui Phocas à veteribus dicitur, Spectanda occurrebant. Posteriores pedes unā conjuncti cum digitis qui non ita sunt distincti atque in anterioribus, veri tamen sunt pedes; & cauda iis non deest quam Aristoteles caudæ cervi non absimilem esse ait: pedes quoque anteriores manibus similes esse idem testatur, quod brachium & humerus sub pelle quæ pectus regit, sint involuta. Ambo pedes magis ad natatum quàm ad incessum videntur comparati. Hoc enim animal ex eo est amphibiorum genere quod in aquis diutius commoratur, quàm in terra, contra atque sit in Castore. Unde ea est cordis & pulmonum conformatio quam ejus natura postulat, ut diu in aqua, rarius in terra degat.

Lupus marinus ab Hispanis & Germanis vocitatur: nam is ex præda vivit, uti & Aries marinus, ita dictus ob candorem & cornua retrosum inflexa: si Eliano credimus, vitulos marinos insequitur. Quam Barbari vacam dicunt, quæque post vitulum marinum describitur, hæc magis habitum corporis & crurum conformatione cervum referebat, quàm bovem: cornua tamen minus à bovinis dissidebant, retrosum erant inflexa, nigra, instar cochleæ contorta, cauda longior quàm in cervo; papillæ mammarum duæ tantum erant. Quæ in bubalo ab Aldroando descripto occurrunt pene omnia, in eo sunt observata, nisi fortè sternum gibbosum exceperis, cujus ille non meminit.

In venæ portæ ramis qui sanguinem ad hepar deferunt, valvulæ visæ sunt, quæ regressum sanguinis inibent.

IX. Diversis temporibus dissecti sunt plures tum Hystrices, tum Erinacei quos eidem generi Echinode Veteres, quod spiculis & quasi spinis armentur: tamen sunt longè dispares tum corporis magnitudine, tum aculeorum forma & usu. Hystrix v. *Porc-épie* in Africa, Echinus minor ubique in Europa nascitur.

Hystrix toto pene corpore setis aprinis munitur, hæc seta in collo pedis longitudinem æquabat, in reliquo corpore tribus tantum digitis longa. In dorso aculei erant duplicis generis, quidam crassiores, iidemque breviores & acutiores, in sui extremo secantes: alii longiores, & magis in extremo flexibiles, illi in radice candidi, in utroque extremo albi, in medio nigredine & albedine distincti, omnes in superficie tereti & splendidi; quidam numero perpauci fere ut calami scriptorii oblongi in extremo resecti & pellucidi, sub finem coccygis paululum erecti apparebant cum radice admodum tenui.

Crassiores aculei non ægrè à pelle avellébantur, hos in venatores vibrare cum pellem excutiant, vulgo creditum est.

Rostrum pene ut in leporibus: non modo labium superius fissum, sed & inferioris fissura erat, quæ instar thecæ duos dentes incisivos excipiebat. Hi dentes pene ut in Castore erant dispositi, ut superiorum acies in aciena inferiorum instar forcipum non incurteret, ut sit in aliis animantibus, sed eo fere modo quo in fossicibus unà jungerentur.

Lingua in sui extremo ossis corpusculis instar dentium aspera, quæ in extremis acuta & secantia erant. Aures pene ut in homine dispositæ; oculi perparvi, ut in sue.

Pellis detracta in superficie interiori inæqualis erat, & quasi alveolis distincta, qui totidem rhombos referebant: secundum dorso longitudinem, ubi crassiores sunt aculei, musculo communi qui in ea parte densior est, tenaciter adhærescebat. Hujus musculi eadem origo quæ in aliis animantibus, pars illius interior multis & validis nervis instar retis inter se contextis donatur. Quatuor hinc inde sunt musculi qui pellem separatim in diversas partes movent.

X. Echini minores mas & femina caput, tergum, lumbos spiculis armata habent; in feminae mammis octo erant papillæ distinctæ, panniculus carnosus vel communis musculus, ut in hystrice ab ossibus innominatis ad aures usque productus spinam dorso peragrabat, sed citra adhæSIONEM. Nam hic est illius usus ut caput ad partes posteriores adducens corpus instar globi contrahat, & spiculis erectis eorum morsus eludat.

Splen incisus erat fere ut crista galli, pancreati ejusdem pene figuræ adhærebat: partes alias tum nutritioni, tum generationi destinatas nihil necesse est minutius exponere. Oculi structura erat singularis, nec aquosus humor, nec vitreus sui copiam fecere; cornea tunica crystallina spherica figuræ, uti & retina conjunctæ erant: nulla Iridis forma, ac palpebris apertis oculus non alium quàm atrum colorem exhibebat.

XI. Duorum Simiorum genera à Plinio distincta sunt, unum cauda destitutum, quod communi simiæ nomine solet designari, alterum eorum qui cauda donantur, qui iterum in duo genera dividuntur. Primum eorum est quos Cercopithecus vocant, à Græcis mutuata voce, quod sint cauda instructi; alterum eorum est, qui canino sunt capite: unde Cynocephali appellantur.

Paulo aliter ea genera vulgus distinguit: nam qui majores sunt, simii vocantur, sive sint absque cauda, sive ea donentur. Minores vulgo Gæ-

ANN. *non* dici solent. Qui dissecti sunt quatuor, inter Cercopithecus numerantur.

Hæc erant utrisque communia. 1. Palpebræ ciliis, ut in homine erant munitæ, quod in simia inter quadrupedes animantes singulare observavit Aristoteles. 2. In maxilla inferiori saccus inest, in quo reponunt edulia postea usui futura. Hic membranis, fibris carnosis & glandulis constat; fibræ contrahuntur & laxant saccum, ut excipiat & exprimat quæ in eo sunt condita. 3. Dentès candidi & hominis dentibus non absimiles, nisi quòd canini superioris maxillæ longiores, inferioris sint breviores. 4. Pedes manibus pene consimiles, ac pedum digiti tam longi quàm manuum, contra atque in homine. Pes pollice longo & à reliquis digitis secreto est præditus; in manu is cum secundo digito pene cohæret.

XII. Et quidem partes simiæ exteriores sunt vulgò notiores quàm ut longa oratione indigeant. Aures rotundæ & parvæ iis qui de Physiognomia scripsere, occasionem præbuerunt homines rotundis & parvis auriculis præditos malignæ & versutæ indolis insimulare.

Partes interiores corporis humani partibus non omnino sunt consimiles, ut visum est A. istoteli, Plinio & Galeno; nec penitus dissimiles, ut placet Alberto Magno: tametsi hominem magis refert simia, si partium externarum potius quàm interiorum habeatur ratio.

Peritoneum ut in canibus: Epiploon ab humano in multis dissidet: hoc longè majus intestina ex omni parte involvens, ut in plerisque animalibus qui ad currendum sunt comparati, fortè ut tutiora sint intestina & alia viscera ab illa succussione quam cursûs celeritas efficit, tæatur. Membranæ tamen ex quibus Epiploon contextitur, continuæ sunt, ut in homine, non instar retis perforatæ, ut in brutis plurimis.

Structura viscerum ab humani corporis structura in multis dissidebat, neque illa discrimina persequi nostri est instituti. In fœminis partes generationi destinatæ cum mulierum partibus magnam habebant similitudinem. Consimiles in utrisque mammæ musculi thoracis itidem incumbentes.

Cranium humano non absimile, rotundum, & ex utroque latere non-nihil complanatum: neque os illud triangulare aderat, quod in magna brutorum parte cerebri à cerebello determinat. Magnum erat cerebrum pro corporis mole; anfractus in anterioris cerebri cortice penè ut in homine: sed pauci in cerebello erant conspicui, altius tamen incisii. Apophyses mammillares non molles ut in homine, sed duræ & membranosæ; duriores quoque erant nervi optici. Uvula v. la *Luette* quæ brutis deest, in simia conspicitur, uti in homine. Quin etiam musculi Laryngis, Pharyngis, linguæ, ossis hyoidis, qui magna ex parte vocis explanationi serviunt, huic non deerant. Atque hi musculi multo majorem cum humanis habebant similitudinem, quam manuum & pedum musculi, tametsi vocis articulationi non serviunt: adeo ut hinc concludi possit non propterea exeri certas actiones à brutis, quod organa habeant his exercendis idonea: nam si sola organorum conformatio sufficeret, nihil esset causæ cur simiæ locutio, & vocis articulatio deesset. Nullum enim huic exercendæ deest organum quod in homine reperitur. Pedibus penè uruntur ut manibus.

XIII.

XIII. Postremo ex quadrupedum genere cervus Canadensis, & cerva Sardiniae dissecti sunt & descripti: cornu cervinum sex ramis distinctum erat. Majori studio illius natura fuit observata, præsertim origo ejus & nutritio. Pelle vestiuntur cornua vasis sanguineis intus conspersa: unde & cornu substantia plurimis sulcis ferè ut pars interior cranii humani est excavata. Magna sanguinis copia pelle detracta effluxit. Cum solida sint cervina cornua, alia plane ratione oriuntur & aluntur, quam quæ cava sunt in plerisque animantibus. Nam ossi frontis nullius rei interjectu adhærescunt, quod multo magis spongiosum est & rarum quàm in aliis brutis. Cava quæ sunt, ut in bobus, ossi frontis non ita cohærent. Sed in iis os quoddam frontalis appendicis instar cornu cavitatem subit pericranio tectum, & hujus membranæ communis interpositu cranio ipsi agglutinatum: idque ex vasis pericranii ortum & incrementum capit. Nam appendix illa ossis frontis velut crusta quadam inducitur, ut sit verisimile illam ex substantiæ cujusdam vasis pericranii conclusæ exsudatione concreescere, quæ cum indurescit, penè ut in unguibz, alia subinde velut crusta inter pericranium & priorem crustam succrescit, quæ instar glutinis adhæret, eamque anteriorum pellit, atque ita deinceps aliæ accrescunt fere ut cochleæ in limacibus, aut conchæ in ostreis, ex pluribus nempe lamellis aut foliis compositæ. Unde & cava cornua plerumque rugis sunt aspera & facile in folia dividuntur.

Solida quæ sunt cornua ex superficie exteriore aluntur & crescunt, atque ex substantia magis terrena constant quam cava quæ è materia aquosiore formantur. Nam ignis calore hæc sunt molliora: cervorum cornua de ossium, imo & de lapidum natura multum referunt. Unde & in majore oculi angulo lapideam substantiam quæ lachryma cervi appellatur, ossi accrescere vulgo asserunt. Os quidem in cordis basis conspicuum illud ipsum confirmat, hoc animal succo abundare qui in osseam & quasi in lapideam substantiam faciliè concrescit.

Reliqua omittimus: Intestinorum volumina 96 pedibus longa erant. Hæc utique tanta longitudo in brutis quæ ex herbis vivunt, satis vulgaris est, non item in iis quæ carnibus vescuntur, quod illis herbæ minorem succi alimentitii copiam suppeditent, necesse adeo fuerit ut amplis ventriculis majorem herbarum congeriem continerent, & diutius in ipsis intestinis caloris naturalis vi coquerentur. Unde in cervo ut in ruminantibus sic erant dispositi ventriculi.

CAPUT IV.

De Historia anatomica quarundam avium.

I. DE quadrupedum genere hæcenus: nunc ad volatile transeundum, quod majori brevitate percurremus. Ac primum occurrit Aristotelis Corax, vel ut aliis placet, corvus marinus, v. *Cormoran*, qui frequens est in maris

R

ANN. littoribus. Oblongo is est rostro, adunco & acuto, quo pisces capiat :
 1674. sed cum à tergo tantum, aut à lateribus iis insidietur, atque ob eam cau-
 sam eorum caudam aut pinnas deglutire non possit, captos sursum in aëra
 sic projicit, ut caput magna dexteritate primum excipiat, nec aberraret un-
 quam. Ad piscationem hæc avis magno ului esse solet : sed colli oblongioris
 pars infima annulo ferreo constringitur, ne pisces æsophago latiori excepti
 ejus ventriculum subeant.

Quatuor pedis digiti membranis erant devincti ut in Anseræ Scotico jam
 ante observarum fuerat. Quatuor illi digiti à primo ad ultimum per gra-
 dus decresebant. Primus extorsum, reliqui introrsum vergebant, primus
 quinque, secundus quatuor, tertius tribus, ultimus duobus tantum ossibus
 constabat.

Structura pedum natationi visa est maximè accommodata : triplici enim
 membrana quatuor digiti una colligati aquam magna facilitate retrorsum
 agunt. Quin etiam Gesnero teste, pede altero prædam sursum vehunt,
 cum interim pedum digitis & membranis introrsum deflexis aquam sub
 ventre recta pellant : nec corpus huc illuc deflectit. Secus eveniret si digiti
 extorsum prominere : tum enim idem accideret quod in Scapha cernimus,
 dum uno dumtaxat ramo impellitur : ea quippe in orbem agitur, non recta
 promovetur, ac pedum brevis huic quoque rei servit. Nam si pes longior
 esset, obliquus magis foret natus, ac pes non recta ventri subjectus facile
 huc illuc deflecteret.

Ventriculus & æsophagus ejusdem formæ & amplitudinis visi, ubi aëre
 sunt inflati : pylorus non sursum reflexus, sed quasi in medio positus ; pars
 ejus musculosa instar sacci deorsum pensilis, fortè ut sursum propellar quod
 è superiore & longiore ventriculo decidit, ubi coctio alimentorum peracta
 est. Inferior ventriculi membrana glandulis inter se conglutinis conspersa
 est quæ superficiem interiorem velut granis asperam efficiunt. Consimilis
 ferè structura infimi ventriculi in quibusdam struthionibus inventa est. Duæ
 appendices quæ duplex velut cæcum efficiunt, quas in omnibus reperiri avi-
 bus testatur Belonius, huic avi deerant.

Renes non ut in maxima avium parte in tres lobos divisi, sed velut den-
 tibus incisi erant instar cristæ galli.

Cystis fellea à jecore sejuncta, collum tantummodo huic cohærebat ;
 lienis cum ventriculo nulla erat per vasa connexio.

Asperæ arteriæ integri erant annuli. Quæ parte in duos ramos diducitur,
 firmo & osseo annulo munebatur.

CrySTALLINUS oculi humor globosus erat fere ut in piscibus : nam in aqua
 prædam suam aucupatur.

II. Corvum marinum exceperit quoddam gallinarum genus, quas Bar-
 baricæ aut Africæ gallinas vocant, atque ob elegantem macularum pictu-
 ram v. *des Pintades*, nominantur ; tametsi colores tantum duo albus &
 niger alternis ordinibus aptè dispositi, & quasi penicillo delineati ob figuræ
 æqualitatem conspiciuntur. Unde & varix & guttatæ à veteribus dictæ
 sunt, quod velut albis guttis & candidis sint distinctæ. Ad Gallinas nostras
 propius accedunt quàm ad perdices, hoc uno excepto quod caudam ha-

beant ut perdecies deorsum inflexam. Quæ de ave Meleagride scripserunt veteres, huic omnino conveniunt. Caput cristâ velut casside munitum, cujus substantia quasi lignosa, ut Clyrus apud Athenæum testatur. Albæ plumarum maculæ; crura in maribus sine calcaribus, ut alia omittam plurima, in gallum Indicum, uti recentioribus quibusdam videtur, non cadunt.

*Hist.
Anim.*

Interiores partes penè ut in gallinis erant conformatæ. Infimus ventriculus, v. *Gesier*, ut in gallina; interior ejus membrana à parte carnosa facilè separabilis instar taurini glutinis erat, & exsiccata instar vitri fragilis. In plerisque schirosum jecur velut granis majusculis conspersum. In suprema ventriculi parte corpus erat subrubrum & firmum cum venâ cavâ, aortâ, portâ, intestinis cohærens, quod non aliud esse præter lienem judicatum est. Ubi schirosum hepar inventum est, hoc quoque corpus ovale eodem vitio affectum erat. Aër per asperam arteriam immixtus pulmones trajecit & vesicas quæ in ipso abdomine positæ sunt, imo & Pericardium inflavit.

III. Tres deinde Aquilæ sunt disiectæ, duæ erant ex eo genere quod Chrysaëtos, aut gnelios nominatur, quod colore aureo plumæ niteant, & genuinæ sint aquilæ, nos regias dicimus: tamen triplici colore plumæ distinctæ erant. Non crura modo, sed torum penè corpus plumulis albis in ipsis pennarum radicibus adversus vim frigoris muniuntur. Uni ex tribus plumæ non erant deauratæ, sed pennæ erant subnigræ: adeo ut hæc potuerit ea specie Aquilarum censerî, quæ in locis mari finitimis degit, quæque propterea Haliætos à veteribus appellatur. Hujus itidem pedes caruleum colorem exhibebant, qua nota ab aliis eam speciem sejungunt. Membrana multo adipe conspersa intestina, jecur & ventriculus in duabus regiis involvebat; è vesicis abdomine contentis quæque per asperam arteriam aère distenduntur, originem ducebat, eaque Epiploon haberi merito potest.

Oesophagus & ventriculus forma exteriori & amplitudine consimiles. Sed pars interior & inferior oesophagi multis erat glandulis referta, cum in ventriculo esset multis rugis aspera. Uterque tum oesophagus, tum ventriculus amplitudine sua hujus avis voracitati respondebat. Intestina admodum exigua & brevía qualia sunt in animantibus voracibus quæ ex præda vivunt.

Lien ventriculo proximè conjunctus ex dextro latere. In aquila, quæ Haliætos dicitur, sub dextro hepatis lobo jacebat, intestino per ramos portæ & arteriæ celiacæ conjunctus. In eadem Aquila pancreas parte sui infima rotundum erat & perforatum, ut ductui hepatico transitum præberet, qui nulla cum ductibus pancreatis inita societate in ipsum intestinum definebat.

Tres erant ductus illi pancreatici, atque hoc singulare habebat eorum insertio, quod in duodenum, non in jejunum, uti solet in avibus, defineret, & unicuique sua esset papilla.

IV. Aquilarum descriptionem excepit anatome duplicis cujusdam avis Africanæ, quam Auctores ad genus gallorum referunt, & galli Indici no-

mine insigniunt. Nam gallus noster notissimus eodem nomine donatur, tam metli ex Africa in has regiones advectus fuerit : Et tamen hoc gallorum genus in Brasilia reperitur. Eiusdem enim est formæ cum eo quem Margravius describit, quique *Mitu-poranga* in iis regionibus appellatur.

Duo erant canales hepatici, quod in avibus rarum est : cystis fellea in altero ex his gallis anfractuosa erat, in tres velut cellulas divisa ; ductus cysticus amplius è parte summa exibat, & tres illi ductus una cum duobus pancreaticis quinque foraminibus sibi finitimis intestini rugam subeunt, quæ velut communi papilla vestiuntur.

Reliqua ferè ut in ejus generis avibus. Intestinorum longitudo erat 12 pedum, major quam pro eorum mole. Renes variis velut maculis distincti, quæ substantiam eorum ex glandulis conglomeratis constare indicabant.

V. Avis tarda, v. *Outarde* ejusdem penè molis cum superiore, sed forma dispari, & variis plumarum coloribus perdisi non est absimilis. Sex quidem hujus generis aves oculis & cultro subjectæ sunt, collo & cruribus oblongis, sed pennis brevioribus instructæ, ad volandum sunt tardiores. Tres tantum sunt digiti in pedibus, nullus posterior, cujus loco est calum quoddam parvæ nucis magnitudine : unguis figuræ ovalis ex utraque parte convexi. Jecur amplum, cystis fellea, & ductus tum bilioli, tum pancreatici eò penè modo in jejunum intestinum desinunt, quò in gallo Indico : adeo ut eorum ostia inter se distincta eadem appendice quasi papilla tegantur. Magnus glandularum numerus inter œsophagi membranas cernebatur, quæ ferè ut apum alveoli erant dispositæ ; unaquæque suo foramine pertusa, suo itidem tubulo donata ; pressæ liquorem exprimebant, qui membranam intimam œsophagi penetrabat. Eadem penè glandularum series in maxima avium parte occurrit, sed non adeo conspicua.

Infimus ventriculus v. *Gesier*, penè ut in gallinis : verum illius durities non ex parte musculosa quæ in hac ave valde tenuis est, sed ex membrana interiori admodum dura & densa, in varias rugas complicata proficiscitur. Hic ventriculus lapillis imo & denariis cupreis refertus apparuit, qui mutua collisione citra corrosionem ullam in partibus extantibus, non in cavis aut depresso detriti videbantur, quod depresso ab attritu immunes fuerint : unde nullum in iis erosionis vestigium, nec rubigo, nec asperitas ulla apparuit.

Nervus opticus postquam oculum subiit, complanatur, ac limbum efficit candidum ovalis figuræ, ex quo nigra membrana exit instar crumenæ quæ in posteriorem vitrei humoris partem desinit. In parte inferiori rostri plures extant glandulæ sub ea membrana quæ has partes tegit ; ex iis per ductus satis conspicuos in oris cavitatem liquor effunditur.

Avem tardam plerique recentiores esse Otum veterum putant : sed longè probabilius videtur illam esse planè diversam, neque aliam esse quam avem eleganti specie decoram, quæ vulgo nobilis Numidiz puella vocatur. In eam notæ omnes quibus à veteribus designatur, apprimè conveniunt. Prima est ipsæ corporis habitus quasi ad saltandum com-

positus : secunda, est in plumis ad aures prominulis ; unde & nomen *Otus* nata est. Tertia est coloris ipsius quem Alexander Myndius apud Athenæum plumbeum esse & ad cæruleum vergere testatur. Huc accedit in Africa eam reperiri. Quæ Versaliis ejus generis aves custodiuntur, videri ab hominibus gestiunt, cumque in eas hominum convertuntur oculi, statim exsiliunt & mulieres illas circumforaneas quas Bohemas appellant, saltando imitari videntur.

VI. Atque hæc de externis partibus. Jecur schirosum erat in nonnullis, ex granulis flavis instar granorum milii coalescens. Hinc structuram hepatis ex lobulis conflare, qui iterum è glandulis constant, justa suspicio fuit. Quin & capillares ramuli portæ, cavæ, & ductuum biliarium utrumque peragrabant lobum ; cumque jecur non omnino induruerat, aëre per eos ramulos immisso non lobuli modo, sed etiam glandulæ plerumque simul & cum lobulis, aliquando separatim intumescabant ; atque ex ea intumescencia validius argumentum conficitur jecur è lobulis & glandulis esse conflatum, quam ex ipsis granulis induratis : æ quippe ex obstructione formari possunt, ut evenit in liene, qui tamen ex glandulis non compingitur.

Larynx ut in Anseræ, asperæ arteriæ annuli integri & ferè ossei miro artificio dispositi, utrumque sic incisi, ut unus alterum ex parte tegetet. Nec minus mirabilis est totius arteriæ asperæ conformatio : postquam enim recta descendit secundum colli longitudinem, extrorsum deflectit, nec pectus, sed cavitatem in sterni osse paratam subit, tum sursum reflexa versus eam partem qua ingressa est, in pectus descendit. Annulli in eo circuitu ita sunt conjuncti ut moveri non possint. Nam sterni conclusis nihil motu opus est.

CAPUT V.

De Struthionibus & Ave quadam Indica Struthionis consimili.

I. **S**truthiones octo diversis temporibus dissecti multa observatione digna præbuerunt, seu exterior hujus avis forma, seu interiorum partium structura spectaretur. Nam ut alia omittamus quæ satis nota sunt, oblongum collum quod gracilius videtur, quia plumis destituitur, uti & caput, oculos humanis non absimiles ovalis figuræ, palpebram superiorem longis ciliis munitam, quæ sursum & deorsum movetur, tertiam oculi palpebram seu tenuem membranulam in majori oculi angulo versus rostrum conditam. Lingua erat penè ut in piscibus palato agglutinata ; pes in duos digitos scissus ut in camelo ; interior & major pedem hominis calceatum referebat. Unde à nonnullis struthio-camelus appellatur ; quin etiam in parte sterni infima callosa pars eminebat, in quam cameli instar recumbit.

II. His inquam omissis plumarum species accuratiori examine digna omnibus visa est. Harum eadem erat toto corpore structura, quæ partim candidæ, partim nigræ erant, alternis ferè ordinibus distinctæ : in extro-

ANN. 1721. & 73. nis caudæ & alarum maximæ cernebantur, & plerumque albæ. Minores ex albis nigrisque permixtæ dorsum & ventrem nuntiabant. Id vero in Struthione est peculiare, quod penè omnes sunt uniusmodi. Nam in aliis avibus alæ sunt molles instar lanuginis, alæ duræ & firmæ: illæ adversus aquæ & aëris injurias sunt à naturæ concessæ, hæ ad volarum comparatæ. Sæpè in radice sunt molliores, versus extrema firmæ & squamose ita inter se dispositæ, ut duriores quæ sunt in extremis tignant aliarum lanuginem, ex qua velut pellicularum textura quædam villosa pellis v. *Fontaine* efficitur.

III. In Struthione plumæ omnes sunt molles & teneræ in tenues villos diductæ: adeo ut & volatui sint proflus inutiles, neque ab externis injuriis fatis eos tucantur. Illud quoque in majoribus alarum pennis observatum, quod calamus per medium earum producatur, cum in aliarum avium pennis plumulæ laterales quæ barbæ vocitantur, longiores sunt ex una parte caudicis aut trunci, breviores ex altera.

Avium enim pennæ ex duplici constant parte, ex caudice nimirum, qui usque ad extremum sensim minuitur, & plumulis utrimque huic annexis, quæque pennæ ipsius latitudinem efficiunt. Pili ex quibus plumula quæque contextur, plani sunt, & in plano se se tangunt, ut facilius stricti possint & arctius sibi mutuo conjungantur, neque in partem oppositam deflectant. Hinc major pennæ firmitas. Ac ne facilè à se mutuo divellantur, utque divulsæ statim cohæreant, singulæ plumulæ utrimque filis contortis & seriatim dispositis muniuntur. Nam ea filamenta velut hami quidam in una serie deorsum paululum intorta, eaque cum serie viciniore plumulæ, cujus fila sursum crispantur, utroque cohærent. Quod quidem naturæ artificium, omnis adeo pennarum structura, quæque ad volatum avium pertinent fusiùs explicantur & figuris exprimuntur in descriptione struthionis.

IV. Hæc mirabilis pennarum fabrica, quæ Microscopio facilis conspicitur, proposito naturæ fini quam aptissime respondet. Cum enim vi quadam exteriore filum unum ab altero sejunctum fuit, incredibili facilitate cum eo redit: quod aves ipsas non fugit, quæ dissociata fila rostri apice in ordinem componunt, eaque divulsæ restitunt.

Nam ad volatum duo sunt imprimis necessaria, primum ut aër pennarum percussioni plurimum resistat; alterum ut sublatis alis quam minimum obstat. Cavendum enim fuit ne idipsum quod depressione alarum questum ab iis fuit, pennis erectis statim amitterent. Quamobrem pennæ in ala ita sunt dispositæ, ut ea depressa latior fiat, & magnam aëris molem verberet. Sed ubi ala erigitur, pennæ contrahuntur, ita ut singulæ parte sui dimidia vicinarum dimidiam quoque latitudinem tegant, neque amplius ad libellam & quasi horizonti parallelæ jaceant, sed penè verticales aëra secant, qui idcirco minus resistit: ut semper dum reducuntur, quasi cæsum aquam feriunt, neque iis aqua adeo obstitit. Adde illud quoque majores alæ pennas quæ versus extrema sitæ sunt, tum evolvi, cum aëra verberant, ut in arctius spatium comprimuntur, cum ala erigitur.

V. Sed ut eo revertamur, unde narratio nostra deflectit, & partes interiores strictim decurramus: Ventriculus erat amplus & carnosus ut in avi-

bos quæ granis pascuntur ; lapillis & numis æreis refertus , ut in avi tarda *Hist.*
reperitus est. Nummi exesi itidem erant ex parte convexa. Ac musculosa illa *anim.*
ventriculi substantia non tam videtur calore congenito , quam motu ipso &
attritu alimenta comminuere. Nec metalla digerit , aut in chylum mutat ,
sed una cum herbis terit. Hinc color viridis , non albus , ut in iis quæ caloris
vi quoad substantiam ipsam mutantur.

Colum intestinum folia transversim disposita quasi totidem semî circuli
distinguebant , folium quoque instar cochleæ contortum intus cæcum vestie-
bat , pene ut in vulpe marina , in leporibus & cuniculis.

Jecur humano pene consimile ; cystis fellea deerat , sed canalis hepari-
cus è medio partis cavæ ortus in pylorum desinebat. Hic canalis è tribus
satis amplis ramis , qui totius jecinoris substantiam pervadebant , coaluerat.
Duo itidem erant portæ trunci à se mutuo disjuncti ; quisque suos habe-
bat radices sibi proprias. Pancreas decem digitis longum ut in magna avium
parte situm , è glandulis membranarum ope inter se devinctis compositum ;
infectio ductûs pancreatici tribus & amplius pedibus distabat ab infectione
canalis hepatici. Lienis parenchyma firmum erat & solidum , quale est in
quadrupedum renibus.

VI. Respirationis organa multò accuratius sunt observata quàm in aliis
avibus , quod in struthione vesicæ sint firmæ & densæ fere ut suillæ : in
plerisque avibus adeo sunt tenues , ut difficillimum sit eas inter dissecan-
dam non perforare. Qui sint tot vesicarum usus quæsitum est , & avium res-
piratio cum terrestrium animantium respiratione comparata. Cum spiritum
ducimus , & sit inspiratio , pectus dilatatur , diaphragma complanatur , vis-
cera abdomine contenta deorsum pelluntur. In expiratione pectus contrahi-
tur , diaphragma sursum tollitur , hinc thoracis capacitas fit angustior ; san-
guis vatis pulmonum , tanquam pulvillis mollioribus contentus pressus ex-
primitur. Diaphragma vero tum motu ingenito , tum maxime vi muscu-
lorum abdominis , quorum munus est viscera comprimere , sursum adigi-
tur.

In avibus verò debiliores sunt & minores muscoli abdominis quàm ut
hoc ipsum præstare possint. Nam sternum ad imum usque ventris descen-
dit , ut musculis pectoris qui ad alas deprimentas in volatu sunt necessa-
rii , præbeant originem. Quare aliud artificium adhibuit naturæ opifex. Cum
enim superiores vesicæ pectoris subeunte aëre implentur , inferiores tum
distendi non possunt , sed à superioribus pressæ detumescunt. In expiratione
autem aër pectore conclusus partim per Laryngem erumpit , partim exi-
nantis vesicæ inferiores implet , adeo ut arctato pectore abdomen dilate-
tur , & vicissim ; cum vesicæ abdominis implentur , contenta viscera coar-
ctantur , atque idem pene efficiunt inferiores avium vesicæ , quod abdomi-
nis musculi in aliis animantibus.

Quod exemplo folium quibus utuntur fabri , satis aptè illustratur. Ii quip-
pe sunt duplices & ita dispositi ut sublatum inferiorem aër subeat , eoque
depresso per foramen alæ quæ instar septi ambos folles determinat , in su-
periorem committet , & alam illius supremam attollat , idque altius ef-
ficatur.

ANN. Hoc experiri placuit in anseribus, & gallis Indicis: nam aperto abdomine
 1574. illevis vesicis, thorace depresso in expiratione inferiores vesicæ inflatæ appa-
 rebant, quæ thorace dilatato subsidere visæ sunt.

VII. Avis quædam Indica ante annum 1597. in Europa nunquam vi-
 sa in Indiis *Line*, à nobis *Casuel* dicta, postremo dissecta est & descripta.
 Hæc struthioni corporis mole proxima, & in structura pene est consimilis.
 Alæ admodum parvæ, adeo ut sub dorsi pennis delitescerent; pennæ ipsæ
 ursi, aut apri pilis similes, ex fibris oblongis, & crassis compositæ, omnes
 ejusdem figuræ, non ad volatum, sed ad tegendum corpus destinatæ, du-
 plici velut caudice constabant.

Collum erat implume ut in gallo Indico, uti & caput cui crista instar
 cassidis insidebat, terfa & nitens instar cornu: quin & illius substantia ex
 variis composita lamellis pene cornea videbatur. Extremum rostri in tres
 partes divitum ut in gallo Indico. In parte colli infima duæ erant appendices
 carnosæ fere ut in rostro inferiore gallinæ.

In medio sterni tubet implume & callosum apparebat, cui instar cameli
 incumbit. Crura recta & admodum crassa, uropygium itidem amplum & ob-
 tusius quàm in ulla avi nobis cognita.

Ventriculus musculosus huic deerat: cum tamen pane & leguminibus
 vescatur: sed multiplici ventriculo donatur, unde & solidiora quæque ali-
 menta digerit.

VIII. Respirationis organa ut in struthione acriori studio sunt observata;
 duo imprimis pulmonum muscoli, quorum origo carnosa admodum in sex ve-
 lut capita divisa, quæ juncta in aponeurosim, aut in tendinem amplum abeunt,
 quo pulmo involvitur, & à vesicis secernitur. Postquam enim aer pulmo-
 nes pervasit, per foramina in hoc tendine aperta velicas subit, quas dia-
 phragma, ut aponeurosis seu tendo pulmones & costas tegit: adeo ut vesi-
 cæ inter aponeurosim & diaphragma concludantur, uti pulmones inter
 costas & aponeurosim seu amplum tendinem.

Neque illud abhorret à verisimili hos musculos motui thoracis inservire.
 Nam costas quæ in avibus duplices sunt & inter se articulatæ deorsum tra-
 hunt: siquidem ab angulis quos costæ unà conjunctæ efficiunt, oblique des-
 cendunt versus dorsi vertebra, quibus costæ utrimque illigantur.

Deinde suspicari licet eosdem musculos aëri retinendo conferre, ne ea-
 dem facilitate exeat, qua subiit. Nam aperta foramina quibus liber aëri adit-
 us patet in velicas aut saccos, in parte carnosa musculorum ut plurimum
 insunt: hæc contractionis & dilatationis spontaneæ capax est. Quin etiam
 chameleo cujus pulmones avium pulmonibus sunt consimiles, diu continet
 aëra; interdum ita intumescere visus, ut disruptionem minaretur. Sed &
 diu in eo statu manet, tametsi spiritum ducit & reddit, quasi aëra in qui-
 busdam vesicis, quarum ostiola in parte musculorum carnosa sita sunt, con-
 tineret, & in aliis liberum aëri aditum & exitum permetteret.

IX. Vesicæ ab utroque diaphragmate & musculis separati poterant, propria
 quæque tunica munitæ. Quarta vesica non usque adeo descendebat, atque in
 aliis avibus solet, quod sternum perparvum sit, majores adeo abdominis mus-
 culi, ita ut quarta illa vesica non adeo sit necessaria, atque in avibus quæ ma-
 jore sterno donantur.

Interioris oculi membrana quæ in avibus & omni ferme animantium genere, sed diversa ratione & structura reperitur, substantia cornea pene est: hic præcipuus ejus videtur usus ut corneam abstergat & humore idemtidem perfundat, ne exsiccata minis pelluceat. Unde homini & simiæ deest, qui manibus possunt oculos mundare. Idem efficit membrana quod homines manibus, ut si quid pulveris oculi globo adhæserit, id membranæ ope detergetur. Tamen id postea fuit à D. du Verney observatum in quadrupedibus eam palpebram esse immobilem, & pene cartilagineam. Nam iis factis fuit si globus oculi idemtidem affrictus membranæ glandulis, humore ex iis manante perfunderetur. Et quidem ductus glandulæ lachrymalis in homine ultra glandulam non producit, ut in avibus, ubi ad medium usque interioris palpebræ excurrit, & sub ea liquorem effundit in corneam dum palpebra it reditque singulis pene momentis.

XI. Hæc quidem de historia avium anatomica. Quæ autem in extremo opere subijcitur magnæ Testudinis ex India Orientali advectæ accurata descriptio commodius forsitan in eum locum esset rejicienda, ubi agendum erit de hoc genere animalium quæ dicuntur amphibia, quod in terra & aqua degant; in antecessum tamen pet pauca ex iis quæ in hujus animalis conformatione sunt consideratione digna velut in transitu subijciemus.

CAPUT III.

De Testudine.

I. Hæc Testudo quatuor pedes longa, squama tanquam clypeo duplici munita erat, eaque ex variis partibus inter se arctissime connexis compacta, quæ uni & eidem ossi interiori quasi cranio cuidam cohærebant. Squamæ illæ ignis calore ab ossæ divelli poterant, & pleræque ex iis figuram pentagonam referebant. Caput, humeri, brachia, crura extra testam prodibant pelle rugosa & granulis aspera. Labiorum pellis pene cornea & instar serræ incisa; pedum digiti longis unguibus tantum distincti apparebant ex utraque parte discretis, posteriore tantum ungue innixæ primum lento gradu incedunt, tum proximo & ita deinceps separatim incumbentes rotundum pedem instar rotæ circumagunt, & unguium in terra, ut clavorum manent impressa vestigia.

Cauda in sui extremo erat cornea, post mortem sic incurvata, ut nulla vi flecti poterit. Eadem inflexibilitas in maxillarum musculis reperta, quarum ex Aristotele vis est maxima. Caput parvæ testudinis amputatum sic maxillas per semi-horam collidebat, ut strepitum quemdam ederet.

Ossæ interiori quo viscera continentur secto, membrana quæ inferiorem ossis partem succingit, quæque peritonæi & pleuriticis vices obit, ventriculus, intestina, jecur & alia viscera in conspectum venerunt. Jecur in dextram & sinistram partem, quæ velut isthmo quodam, inter se conjunctæ erant, divisum, duplici venæ cavæ trunco, duplici iridem ramo

ANN. hepatico instructum erat. Splenis eadem pene forma, quæ renis in plerisque animalibus. Vesica erat magnitudinis & figuræ prorsus insolitæ, 12 & amplius untræ limpiæ libras continebat, in longum porrecta instar intestini, collum in medio situm non in altero illius extremo. Exterior tunica membranosa, interior crassa innumeris fibris inter se decussatis, & mucro intextis munita, fere ut in auriculis cordis. Earum quippe usus videtur consimilis, ut capacitatem vesicæ contrahentes contentam urinam exprimant. Cum enim inferioris ventris desint muscoli, qui vesicam premant, in seipsa eam vim habere debuit qua se exonerare posset.

II. Cordis forma aliis pene omnibus plane dissimilis. Nam major dimensio erat in latum; basis tres digitos patebat, à mucrone sesqui digito tantum distabat. Ambæ auriculæ ex basi exibant quasi pendulæ; duo cavæ trunci ab hepate prodeuntes in utramque auriculam sanguinem devehebant: hunc auriculæ in suum quæque effundebant ventriculum, & unicuique officio tres erant valvulæ sigmoides, quæ obstabant ne sanguis ad auriculas remearet.

III. Aspera arteria in primo pulmonum ingressu non tubos cartilagineos, sed membranosos spargebat. Hi ductus tenues & pellucidi quibusdam ligamentis in formam retis contextis firmitatem nacti quasi annulos aut fibulas efficiebant, ex quibus in sacculos, & ex iis in alios patebat aditus.

IV. Cum in homine & in terrenis animantibus pulmones carnosus omnino videntur, in testudine, ranis, serpentibus &c. iidem sunt penitus membranosi, in avibus partim carnosus, partim membranosi: hoc discriminis non ex pulmonum fabrica, sed ex majori aut minori copia sanguinis & vasorum repetendum videtur. Nam in omnibus ex congerie vesicularum, quarum interstitia replent vasa sanguinea, pulmones constantur. Vasa in homine & brutis tam copiosa & inter se conferta carnis speciem præbent, & quasi minores lobos bronchiorum tubulis annexos exhibent. Ex iis lobulis majores pulmonum lobi coalescunt.

V. Hinc motus pulmonum in terrenis animantibus, & in avibus continuus est non interruptus. In testudine, ranis, Cameleonte &c. rarior & inæqualis. Aperto thorace in cane vivo, & sterno sublato, statim pulmo concidit, & circulatio sanguinis brevi cessat, distentis cordis tum dextro ventriculo, tum auricula ejus & vena cava, ita ut pene disrumpantur; cumque animali vitam producere libet, aptatis asperæ arteriæ foliis aer immixtus pulmonem inflat, tum detumescere sinitur, atque ea ratione motus pulmonum & cordis continuatur, ventriculus cordis dexter & vena cava detumescunt. Contra in testudine apertus pulmo seu inflatus maneat, seu concidat, motus cordis, idque quatrivariis spatii durare visus est.

VI. Illud interdum fuit observatum testudines in aquam conjectas statim ore & naribus ampullas complures emittere, quod nimiam aeris pulmonibus conclusi copiam ejiciant, ut in justo æquilibrio possint consistere, & in imum aquæ, si opus fuerit, deprimi. Ubi pulmones paululum comprimuntur, tum dilatatis pulmonum musculis, cum libuerit, sursum emergunt. Non aliter atque ampullæ vitreæ ad imum vasis descendunt ubi digito aut flatu pars tubi summa premitur: tum enim aqua plus satis compressa subit ampullam per

exile foramen & conclusum aë: a coarctat; ubi summam aquæ partem pre- *Hist.*
mere deficietis, aër ampulla contentus liberior factus vi sua elastica se se ex- *Anim.*
plicat, levior fit ampulla & sursum ascendit.

Rem ita esse hinc licet conjicere, quod testudine in vase aqua pleno conclusa, cujus operculo rite cum vase agglutinato cum tubus vitreus aptatus esset, aqua in tubum interdum attolli, interdum deprimi videretur, ut testudo sursum eniti aut deorsum deprimi conabatur. Nam pulmonibus contractis deorsum, dilatatis sursum enitebatur.

VII. Atque hunc compressionis effectum non mediocriter adjuvat glotta accuratè occlusa: quemadmodum in piscibus vesicæ sic occluduntur, ut iis summa vi compressis aër nullum habeat exitum. Neque id verisimile est eas vesicas ita esse fabricatas, ut in eodem statu permaneant: obstant enim quominus pisces ad fundum aquæ deciderent: cum tamen ad libitum, aut summam aquæ superficiem, aut mediam occupent, ut ampullæ vitreæ de quibus diximus, quæ in media aqua innant, aut ad infimam demerguntur, ut aër iis conclusus magis aut minus comprimitur.

VIII. Huc accedit organorum conformatio huic usui accommodata: nam testa quæ est instar thoracis, immota prorsus existit; neque huic adest diaphragma: muscoli quidam & ligamenta pulmonum compressioni & dilatationi serviunt; sed sternum & costæ desunt, aut quiddam iis analogum: ita ut in iis non necessaria videatur continuata & minimè interrupta respiratio. Quæ circa structuram cordis & respirationem diximus, diligentius postea sunt examinata, & in acta Academiæ relata, de quibus suo loco dicendum.

IX. Longiores hoc loco fuimus argumenti novitate illecti: plura non addemus. Et si quamplurimæ aliæ non avium modò, sed & omnis generis animantium dissectiones factæ sunt, minus vulgatas asferre contenti. Alio igitur pergamus.





REGIÆ SCIENTIARUM ACADEMIÆ HISTORIA.

LIBER SECUNDUS.



XEUNTE anno 1674. cum è Provincia Lutetiam rediissem, Secretarii munus quod ab anno 1668. cum in Germaniam primum, tum in Angliam profectus fuisssem, obire desieram, mihi iterum injunctum fuit. Tum verò cœtum Academicorum non mediocriter imminutum reperi. Nam ex iis qui ab Academiæ origine selecti fuerant, jam nonnulli diem suum obierant. Inter eos primus est recensendus Marinus Curæus, D. de la Chambre Medicus ordinarius Regis Christianissimi unus è 40 Franciæ Academiæ, præclaris operibus in lucem editis clarus, qui mortuus est anno 1671. Vir erat præcellenti ingenio & flagranti studio, cui inerat rerum variarum mira notitia, facundia par. Complures exstant ejus Libri Philosophici, & ii maximè qui ad hominis cognitionem spectant. Cujus generis sunt affectuum humanorum characteres, quos fusè, eleganter & doctè gallico sermone est persecutus. Summa est in hoc opere vis elocutionis & doctrina non vulgaris; alia quoque edidit complura volumina de cognitione brutorum, de eorum amicitia & odio, de physiognomia. Latine scripsit brevem, sed eruditum in quosdam Hippocratis Aphorismos Commentarium, Libri primi Physicorum Aristotelis paraphrasim admodum dilucidam, cui dissertationem eruditam de Philosophia Platonica subjunxit.

Paucis post annis D. Gayent Anatomicus peritissimus, & inter Chirurgos Parisenses magni nominis ex hac vita decessit. Quem brevi post tempore D. Pecquet, amicus ejus & operationum Anatomicarum socius, est subsecutus. Hic commune chyli receptaculum, quod illius nomine insignitum fuit, simul & canalem Thoracicum, per quem chylus in venas commear, primus invenit. Quæ res non parvam ei famam & existimationem adjunxit, ac magnam Anatomici intulit lucem.



SECTIO PRIMA.

De Rebus Physicis.

Hunc Librum à Physicis ordiemur, de Anatomicis primum & animalium Historia, tum de Chymicis laboribus dicturi.

CAPUT PRIMUM.

De Rebus Anatomicis.

I. Hæc fere superiori triennio acta sunt in Academia, quæ annis consequentibus longius sunt promota. Atque ut à rebus Anatomicis ducamus exordium, primum occurrit elegans & ingeniosa dissertatio D. Perault de motu peristaltico, quam die 27. Februarii anni 1675. legit, & interjectis aliquot annis unà cum aliis tentaminibus emisit in publicum: adeo ut satis superque fuerit nonnulla ex eo tractatu decerpere.

II. Principii loco id statuit coctionem & distributionem tum humorum, tum spirituum in animantibus motu locali perfici, sive manifesto, cum humores aut spiritus è loco in locum transferuntur; sive obscuro & insensibili, qui motus alterationis dici solet, quo nimirum partes minutiores huc illuc agitantur. Hic in aquæ ebullitione conspicuus est, cum incalescit, isque in ipsis sit humoribus & alimentis, cum partes incidi, inutiles separari & misceri incipiunt, ac novum mixtum, seu chylus, seu sanguis, seu pars ipsa quæ alitur, seu denique spiritus elaborantur.

Hic motus tum ab organis quæ coctioni serviunt, tum à compressione & agitatione vicinatum partium proficiscitur. Organa ipsa particulas secantes & dissolventes suppeditant, quæ dum resolvunt mixtionis vincula, materiam ipsam præparant, & idoneam efficiunt, quæ aliam velut formam induat: sed jugis agitatio aut pressio coctionem humorum & in omnes partes distributionem multum promovet.

III. Hæc, inquam, pressio & continuata impulsio omnibus corporis partibus, quæ humores præparant, coquunt, distribuunt, communis est: sed nimen in œsophago, ventriculo & intestinis magis est conspicua, & motus peristaltici, aut vermicularis nomen obinet. Cum v. gr. equus capite depressio herbam aut aquam per œsophagum demittit in ventriculum, tum cibus non alia ratione ascendit, quàm quod circulares fibræ continuata constrictione cibum aut potum antorsum pellunt. Sic alimenta in ventriculo concocta sursum per pylorum, seu dextrum illius orificium in ipsa intestina propelluntur, quod fibrarum continuata contractione perficitur.

IV. Eadem contractio in ipsis intestinis adeo est manifesta, ut oculis

AN. 1675. ipsis subjiciatur in dissectione vivorum animalium, ac motus ille non est dissimilis lumbrici reptationi, quâ alternis contrahitur & producit. Ubi fibræ contrahuntur, chylum intestino contentum prorsum trudent.

Hic motus tametsi in solis intestinis peristalticus appellatur, quod in partium mutua accessione consistat, omnibus tamen iis partibus communis est, quæ immutant, præparant, coquunt, ac distribuunt humores & spiritus, actionum animalium præcipua instrumenta. Hunc in usum natura in venis & vasis lymphaticis aptavit valvulas per intervalla dispositas, quibus in arteriis non opus erat. Ex iis enim quasi vas unicum conflatur, cum venas valvulæ in complura velut vasa distendant: adeo ut vena alicubi pressa naturali sanguinis motui cor versus cedat: sed pars infra valvulam sita sanguini refluenti obstat. Arteriis verò defunt valvulæ: nam id necesse erat ut arteriâ aliqua parte pulsâ æquabilis in omnes partes esset impulsio: cumque illæ per fibras proprias unâ cum corde contrahuntur, si fortè alicubi premantur, prope cor ipsum magis obstant, ubi validior est arteriæ contractio: adeo ut impulsio versus extrema nitatur, neque ad cor sanguis refluat.

V. Hæc valvularum dispositio humorum fluori est accommodata, atque eorum motum moderatur, sed rebus crassioribus, cujusmodi sunt cibi, qui per œsophagum in ventriculum demissi, & in eo cocti in chylum abeunt, transmittendis in ipsa intestina minus idonea foret. Alia igitur opus fuit machinatione, ut chylus per intestinorum ductus & anfractus sic deducatur, ut alimenta retineri, & refluxus inhiberi possit, atque eo pellatur, quò cum pergere necesse est. Huic rei duo instrumentorum genera aptantur; unum eorum quæ sunt manifesta, cujusmodi sunt pharyngis & œsophagi muscoli, quorum actio est spontanea; alia nobis inscitis vim suam exerunt, quæ in œsophago & intestinis eadem plane videtur, quæque in successiva constrictione consistit, & per fibras circulares perficitur. Nam hæc fibræ idem fere munus obeunt quod valvulæ in venis. Cum œsophagus pulmonum vi, aut intestina abdominis musculorum impulsu premuntur; hæc compressio non magis deorsum, quàm sursum tendit; sed alterna illa constrictione fibrarum eam sic determinat, ut sursum potius quàm deorsum tendat: quemadmodum venarum valvulæ sanguinis motum versus cor propellant, quod obstat valvulæ ne alio deflectat.

VI. Sed tamen compressio illa vix effici potest in ipsis intestinis, nisi aliquo in loco admodum arctentur, uti sanguis in capillaribus arteriis, cum impulsu cordis in venas capillares & in cæcos corporis meatus prorruditur. At major est intestini cavitas, quàm ut ea constrictione fibrarum pars chyli purior angustos membranarum quibus intestina constant, meatus subire possit. Quare chylus in angustis rugarum quas membranæ intestinorum efficiunt, arctatus externa peritonei membrana, musculorum ventris & diaphragmatis indefinente pressione eget ut exiles subeat meatus, fere ut in elephantis pelle cernimus, cum muscæ inter rugas compressæ necantur.

VII. Quæ structura non solis intestinis, sed iis omnibus communis est partibus quæ aliis inserviunt, ut cordi, arteriis, cerebro, pulmonibus. Nam in iis sinuosi anfractus liquoribus continendis, & terendis aptati cer-

nuntur. In ventriculis animalium membrana interior aut est corrugata, ut in majore avium parte, aut foliis & papillis instructa, ut in ruminantibus, aut villis & cuspidibus aspera, ut in homine. *Chymica.*

Intestinorum conformatio huic actioni est maximè accommodata. Nam Mesenterii membrana cui adhærescunt, illa in rugas contrahit; fibræ in iis pene omnes sunt circulares, quarum plures arctantur aliis relaxatis.

Paucis post diebus Cercopitheci descriptionem legit idem D. Perrault, cujus partes interiores expendit & descripsit D. du Verney. Hic venam subclaviam ut in cane supra ductum thoracicum, jugularem itidem supra insertionem cum ligasset, canis adhuc quindecim dies superstes fuit.

• VIII. Monstri cujusdam quod die 11. Junii natum est Toloni in Provinciâ, historia ad D. Mariotte missa lecta est die 21. Augusti. Capite duplici, quatuor brachiis, totidem cruribus, trunco unico, corde tamen duplici instructum erat, sed uno & eodem pericardio utrumque erat inclusum, hepat unicum, uti & ventriculus. D. Thibault Doctor Medicus hoc monstrum dissectuit, ac veram esse eam descriptionem testatus est.

Sub idem fere tempus nempe mense Augusto D. du Verney in Anseræ experimentum fecit jam ante in quadrupedibus sæpe tentatum, quo compertum fuit in volatilibus, ut in quadrupedibus colorum differentiam quæ in venoso & arterioso sanguine conspicitur, à pulmonibus potius quàm à corde proficisci. Nam sanguis ex pulmonum arteria missus, subniger visus, qui è vena pulmonumeductus fuit rutilus & splendorior.

C A P U T I I.

De Chymicis & Physicis laboribus.

I. **Q**Ua ratione, quave methodo in plantarum Analysi procedendum judicaret D. Dodart uno item & altero scripto exposuit. Macerationi insitendum censèbat, quòd probabilius sit maceratione ipsa potius evolvi & extricari principia quàm alterari. 2. Juniores plantas, easque imprimis quæ usuales dicuntur, analysi subjiciendas; ac pleraque alia notatu digna annotavit, quæ magna ex parte sunt observata. Quid ex illa analysi sperandum sit, D. Dodart Libro peculiari qui anno 1676. typis Regiis excusus fuit, & cujus supra meminimus, exposuit; neque in his diutius immorandum arbitramur, nisi fortè quædam occurrant quæ nostris sunt instituti.

II. Hujus generis fuit illud ipsum quod eodem fere tempore, die nimirum 20 Martii D. Bourdelin exhibuit, caput mortuum quod supererat ex oleo variarum plantarum sexies & vicies extillato novæ semper aquæ communis additione. Ex 10 unciiis olei duæ tantùm cum semisse olei longè purioris quàm antea residuæ fuerunt. Aqua verò quater & vigies distillata sublimati dissolutionem præ fale volatili, quo erat imprægnata, præcipitem dedit.

ANN.
1675.

III. Nec stirpium modo, sed terrarum quoque analysim aggredi præcavit. Circa mensem Novembrem marga vulgo de la *Marne* liquorem præbuit qui cum spiritu salis multum effebuit; nulla terra acidum liquorem dedit, nisi subrubra quædam è Parnasso monte prope Charrusianos extracta. Atque hic labor ineunte anno 1678. fuit continuatus. Nam ochræ, & hæmatitis, & terræ pictoribus usitata v. *Terre-d'Ombre* analysi facta, ex postrema spiritus acerrimus stillavit, qui isdem penè donatur viribus, quas in spiritu salis experimur.

IV. Anno 1676. die 6. Martii terra admodum fertilis in sua principia exsoluta liquorem sulphureum præbuit, qui una cum spiritu salis magnam effervescentiam procreavit, neque ullus ex ea liquor acidus prodiit. Argilla Saviniaca, v. de *Savigny*, ex qua fieri solent vasa fictilia quæ ignem ferunt, parum liquoris acidi dedit quo heliotropii succus rubeo colore tinctus est: qui consecuti sunt liquores, planè sulphurei erant, ique cum spiritu salis effebuerunt, perparum salis ex iis extractum, sed caput mortuum copiosum fuit.

Ejusdem terræ analysi die 8 Julii est continuata. Sex libræ cum una salis communis, qui è salepetræ extrahi solet, distillatæ liquorem instar spiritus salis dederunt. In fundo sal subsidit, qui marinum sapore, & vitriolum proprietate quadam referebat: nam ferrum cupri colore tingebat.

Terra quædam viridis, quæ è Germania huc asportari solet, multum salis volatilis dedit in primis liquoribus extillatis. Qui in capite mortuo sal supererat, ejusdem erat saporis cum sale marino.

V. Sal erucæ distillatus una cum gleba seu bolo liquorem tum sulphureum, tum acidum instar spiritus salis dedit. Ambo hi liquores simul commisti effebuerunt. Ex eo liquore qui in imo vasis reliquus fuit & coagulatus multum salis albi extractum; liquor post exhalationem abiit in crystallos, seu in vitriolum viride, quo solutio gallæ atro colore tincta est. Ac tandem liquor exiit viridis & idem asperrimus, qui solutionem gallæ nihil immutavit: è gleba separatim extillata nullum vitriolum est creatum.

Sic carbones fossiles & bituminosi liquores sulphureos suppeditarunt, qui cum spiritu salis ebullierunt: oleum quoque exiit petroleo non ab simile.

Vena plumbea è Nivernensi agro effossa parum acidi liquoris quasi spiritum acidum sulphuris exhibuit.

VI. Cum Chymicis plerisque id persuasum sit hydrargyrum plumbi fumo indurari, atque, ut loquuntur, fixari, illud ipsum die 20 Maii placuit experiri. Fuso plumbo & pene refrigerato, duæ uncie Mercurii factæ foramine affusæ, fixæ apparuerunt. Sed pondus ex dimidio fere actum est, quod plumbum cum hydrargyro confusum fuerit, & utriusque factum sit amalgama, ut loquuntur Chymici.

VII. Inter Physica experimenta quæ hoc biennio facta sunt, ea prætermitti non debent quæ die 8 Maii anno 1675 ustorium speculum exhibuit. Lateres quippe, testæ, ardesiæ, cuprum brevi temporis spatio in vitrum sunt conversæ cum multo fumo; vitrum quoque fustum: sed crystallus insulæ

insulæ Madagafcar fundi non potuit, salpetræ statim instar cryſtalli mineralis liquatus, sed citra flammam.

Chymica.

Illud non contemnendum arbitror quod vir industrius D. du Buiffon Academiæ exhibuit, extractum scilicet carnis elixatæ in tabulas redactum : extracta quidem iusculis conficiendis magno usui terræ marique esse possunt, nam commode perferuntur & diu conservari possunt : qua de re postea dicemus.

Die 10 Martii 1676 lapis hæmatites, vena plumbi, seu plumbago, creta Vesuntiana; terræ damnaræ in pulverem antea redactæ, gypsum raliis solaribus exposita, in foco speculi ustorii, quod in Bibliotheca Regia asservatur, in vitrum sunt conversæ.

VIII. Die 24. Julii ejusdem anni D. Hugen lagenam virream exhibuit, cujus pars fere quarta terrâ repleta fuerat circa mensem Maium anni 1672 sic occlusa erat, ut nullus aëri pateret aditus. Magnam graminis copiam ea terra extulerat quæ lagenam pene totam impleverat, & circa externi aëris beneficium germinaverat; herba viridis erat, quâ parte Soli fuerat exposita. Muscus etiam plurimus cernebatur cujus radices in retis modum impliciæ, quiddam chartæ bibulæ non absurdum præ se ferebant. Graminis folia in terram inflexa novas in aëre radices emisserant quæ juxta vitrum serpere videbantur.

IX. D. Perraulr primum suorum tenraminum volumen legere occæpir, quod postea typis excusum est.

Varia planarum descriptiones à D. D. Dodart & Marchant elaboratæ in Academia discussæ fuerunt, earumque analyſes à D. Bourdelin factæ, omnibus coram probatæ, & ad ea de quibus dictum fuit criteria exactæ. Descriptionem stirpium, ac velut specimen operis quod sibi proposuit Academia, jam ante legerat D. Dodart, & anno 1676. uti & varia tum Physica tum Mathematica opera Ludovici Magni jussu cum figuris æri incisiss regia plane munificentia excusa sunt & publici juris facta.

Anno 1676. ineunte D. Mariotte observationes à se factas circa refractiones & reflexiones globorum, qui è scopletis majoribus in aquam ex obliquo emittuntur, legit, simul & ea quæ soni & globi explosi celeritatem animadvertit. Illud inter alia comperit sonum aliquanro prius percipi, quam globus è 150 hexapedis missus corpus oppositum percutiat.

Nonnulla quoque hoc anno & proximè sequenti experimenta circa liquorum coagulationem & effervescentiam facta sunt à D. Borel Academic.

1. Butyrum antimonii rectificatum, ut aiunt, & excolor una cum oleo tartari mistum in album coagulum visum est concreſcere citra ullum calorem.

2. Oleo Terebynthinæ oleum virrioli paulatim affusum nullam effecit commotionem, sed postea ambo sensim incaluerunt: arque ubi baculo permista fuere, calor vehementior factus est, nullo apparente moru. Mistura rubrum colorem contraxit, quem spiritus urinæ debilior penitus delevis lacteo colore inducto.

3. Spiritus urinæ & oleum vitrioli simul permista adeo effervuerunt ut

T

ANN. 1675. aqua igni admota non magis ebulliat. Parum hujus urinæ spiritûs vitro impositum, eique sunt instillatæ aliquot olei vitrioli guttæ, eundem fere strepitum, & in omnes partes vibrationem eadunt, ac si frigidam in ferrum candens conjiceret.

4. Spiritus urinæ cum forti vitrioli solutione in viride coagulum abiit: sic oleum vitrioli cum fecibus reguli antimonii in cella subterranea exsolutis in coagulum rubei coloris concrevit. Oleum itidem vitrioli una cum calcis viæ solutione & auripigmento colorem flavum & pulchrum procreavit.



SECTIO SECUNDA.

De rebus Mathematicis annis 1675. & 76. pertractatis.

EX quo Observatorium Regium cœpit habitari, & omni genere instrumentorum instructum fuit, acriori studio Astronomia excolta est, atque in ea promovenda D. D. Cassini, Picard, Roëmer operam suam & curam posuere diu noctuque in eam rem intenti.

CAPUT PRIMUM.

De rebus Astronomicis anni 1675.

I. AC primum quidem D. Cassini introductionem in Astronomicas tabulas elucubraverat, quam exeunte anno 1674 & incunte anno 1675 legere occœpit, & per aliquot menses continuavit.

II. Die 1: Januarii anni 1675 hora post meridiem quinta cum semisse, eclipsis Lunæ à D. D. Cassini & Picard separatim observata fuit: die 12 in Academia collatæ sunt utriusque observationes satis inter se consentientes, eaque in eruditorum Ephemerides sunt relatæ.

III. Viri pereruditi Avenione Astronomiæ studiosi Telescopio 23 pedum ad eos misso à D. Borello Saturnum cum suis satellitibus die 16 Julii anni 1674 hora à media nocte prima observarant; iique novum satellitem inter quartum à D. Hugen anno 1659 & quintum à D. Cassini anno 1671 deprehensum invenisse non levibus indiciis permoti existimaverant.

IV. Verum ex iis quas in eorum epistolam conscripsit D. Cassini animadversionibus, quæque lectæ sunt in Academia die 26 Januarii anni 1675 palam id fuit omnibus novum illum satellitem non aliud fuisse quam unam ex stellis fixis. Nam observationes factæ Avenione hoc uno fundamento erant subnixæ, quod à die 26 Julii anni 1674 ad 29 ejusdem mensis usque, simul cum Saturno per Telescopium visæ sunt duæ illæ stellæ: cum

tamen 6 tantum minuta unius gradus in cælo Telescopium simul exhibeat. *Astro-*
 Quod si ita res se habuit, vitrum oculare non amplius quam sex lineas *n:m.*
 patebat; nec tamen verisimile est eruditos viros oculare adeo argutum
 adhibuisse. Quin & P. Goudin Facultaris Parisiensis olim Theologus testa-
 tus est se iis misisse ocularia non minora 18 lineis, quæ 35 minuta in Tele-
 scopio 21 pedum hinc inde detegunt. Illud etiam ut certum posuere eandem
 stellas visas fuisse die 16 Julii & 31 Octobris, quæ plane diversæ à prio-
 ribus esse potuerunt.

Illud unum constat stellam longius à Saturno distitam non fuisse extimum
 ejus satellitem. Nam ex conjunctionibus quæ per triennium sunt diligenter
 observatæ, id liquet eum intra dies 80 circa Saturnum revolvi: adeo ut
 triennii spatium tantum diem cum semisse anticipaverit.

V. Die 20 Martii anni 1675 nova inveniendarum longitudinum ratio à
 nobili viro proposita fuit, & discussa à D. D. Cassino, Picard & Mariotte.
 In variis cum eo colloquiis propositiones ejus cum responsis utrimque scri-
 ptis datæ; tandem judicatum fuit, quæ à viro clariss. erant proposita, par-
 tim pervulgata esse & à Nautis usurpata, partim apud auctores reperiri, ut
 apud Metium, Snellium, Stevinum, & variis erroribus ea esse exposita.

Die 21 Junii eclipsis Solis observata quæ ex epistola à D. Gallet scripta
 Avione desuit hora 5, 20 min. 40 sec.

VI. Interjectis aliquot mensibus D. Cassini hypotheses suas circa mo-
 tum librationis Lunæ proposuit. Illam autem existimat prodire ex compo-
 sitione duorum motuum circularium, quorum unus æqualis est, fitque circa
 proprios Lunæ polos 7 gradibus supra planum Eclipticæ elevatos; alter
 inæqualis circa axem perpendicularem Lunari orbitæ juxta Lunæ ipsius mo-
 tum per Zodiacum, qui meta est apparentia resultans ex ejus periodica re-
 volutione, in qua Lunæ axis circa quem fit prior revolutio, & colurus
 quidam Lunæ proprius, qui in termino primæ revolutionis sumitur, fertur
 sibi parallelus, quemadmodum axis terræ motu annuo juxta Copernici hy-
 pothesim. Simul quæ in Jovis maculis mutationes visæ sunt, ac demum
 quæ circa Saturnum & illius satellites sunt observata, exposuit. Quæ cum
 scriptis publicata fuerint, ea retexere supervacaneum videretur.

VII. At minimè omittenda mihi videtur quæ die prima Januarii anni 1676
 Lunæ defectio visa est, quæque die 4 ejusdem mensis à D. Cassini descripta
 fuit. Tum hypotheses suas exposuit, quibus Lunæ à terra distantie & dia-
 metrorum apparentium inæqualitas explicatur. Die 2 Maii machinæ ty-
 pum exhibuit, quæ Lunæ librationem per motum circulaarem exprimit.
 Paucis post diebus dissertationem de Lunæ Theoria à se elaboratam in Aca-
 demia legi.

VIII. Idem 23 die Junii qua methodo postremam Solis eclipsim ob-
 servavit, palam exposuit. Hæc Lutetiæ visa est 5 tantummodo digitorum;
 cum tamen literæ Montepessulano mi. e eam fuisse 7 digitorum testentur.
 D. Oldembourg qui tum erat societatis Regiæ Anglicanæ à Commentariis,
 scripsit D. Cassino eam Solis defectionem Londini observatam fuisse à D.
 Smith, quæ inito calculo cum observationibus Lutetiæ factis collata sic
 concinit ut uno minuto temporis non dissentiat.

ANN. IX. Idem die 4. Julii qua ratione motus macularum Solis, Poli, & decursa in Sole spatia inveniantur ostendit. Novam postea eclipses Lunæ observandi rationem demonstravit.

1675.

Cum variz satellitum Jovis configurationes permagnum ad Astronomiam & Geographiam momentum afferant, visum est D. Cassino die 22 Augusti scripto publico Astronomos admonere, quales anno proximo futuræ essent, ut eorum motus hinc comprobari, & certo definiti possent. Cum autem hujus scripti exemplaria desiderentur, idque perbreve sit, non erit alienum hoc loco illud exscribere.

„ Observationes satellitum Jovis selectiores institutz ab Academia elapso
 „ quinquennio novam suppeditarunt prosthæresim omnibus satellitibus com-
 „ munem, quæ tanti est momenti, ut neglecta errorem quadrantis horæ
 „ possit in prædictione eclipsium inducere, Ex. gr. emersio primi satellitis die
 „ 16 Novembris proximi 10 citèter minutis tardius accidit, quam indicat
 „ calculus, qui eam vulgari modo deducit ex emersionibus factis statim post
 „ oppositionem Jovis.

„ Alligata est hæc irregularitas ad varietatem visibilis diametri Jovis, sive
 „ ad intervallum Jovis à terra, & videtur oriri ex eo quod lumen à sa-
 „ tellitibus non perveniat ad nos nisi post aliquam temporis moram: ita ut
 „ impendat decem vel undecim minuta per spatium æquale semidiametro or-
 „ bis annui.

„ Sed difficultas circa hoc elementum calculum redderet intricatissimum,
 „ nisi simul inventa esset ratio consiciendi tabulas, ex quibus per solos me-
 „ dios motus & unicam tabulam prosthæreticam sine ullo subsidio aliarum
 „ tabularum haberi possint tempora Eclipsium satellitum singulorum vera,
 „ continebitque illa tabula inæqualitatem dierum, seu verum motum Solis;
 „ motum Jovis in excentrico, & novam illam jam detectam inæqualitatem.
 „ Quod genus tabularum omnes huc usque usitatas brevitate, facilitate, &
 „ multitudine elementorum superabit.

„ X. Circa diem 21 Novembris post exactas inducias D. Roëmer differ-
 „ tationem legit de luminis propagatione, quam in instanti non fieri hinc
 „ probat quod primi satellitis Jovis immersionum & emersionum inæqualia
 „ sint tempora. Quod magnæ disquisitionis initium fuit, de qua paulo post.
 „ Cum autem iis temporibus insignis in Sole macula visa esset, quæ prima
 „ periodo peracta novam inire videbatur, hujus motum singulis diebus futu-
 „ rum scripto publico prædixit D. Cassini.

„ XI. Agitata iterum fuit quæstio de emersionibus & immersionibus pri-
 „ mi Jovis satellitis, quod summa temporis immersionum brevior sit emer-
 „ sionum summa. Cum de hujus phenomèni causa non idem sentirent D.
 „ Cassini & D. Roëmer, uterque sententiam suam rationibus & conjecturis
 „ firmavit: sed de re ipsa nulla erat inter eos dissensio. Nam summa emersionu-
 „ num longioris temporis spatio constat, quam immersionum.

„ XII. Die 12 Decembris D. Roëmer qua ratione Solis maculæ in
 „ Sole citra ullum instrumentum observari possint, exposuit. Tum machinam
 „ à se excogitatam exhibuit, duplex nempe Telescopium duobus ostantibus
 „ sic aptatum ut uno alteri ad libitum subiecto, aut ab eo diducto angulo-

zum magnitudinem liceat dimetiri. Hujus instrumenti usu exposito, simul *Geom.* & brevem legit tractatum de ratione dimetiendi diametros Lunæ & aliorum & siderum ope Telescopii duobus vitris objectivis instructi quæ admoveri & *Mech.* removeri possunt; in foco fila cancellatim decussata collocantur.

Cum stella Martis exeunte anno esset stationaria, eam diligenter & sæpius observavit D. Cassinus, si fortè ejus parallaxim inveniret.

CAPUT II.

De Libella usu, ubi de Mechanicis.

I. CUM illud placuisset Regi Christianissimo, ut aquæ quoad fieri posset saluberrimæ Versalias è vicinis locis ducerentur: quæ in Montis Roquencurtii clivo insunt ut viciniore, ita & salubriore sunt propositæ. Sed cum illæ sub ipsa montis planitie 19 orgyas, seu hexapedas depressæ forent, hoc factu difficillimum videbatur, & valde incertum, an incæptum illud benè procederet. Hoc igitur negotii D. Picard datum est, ut locorum altitudines ad libellam expenderet. Quod ab eo factum fuit per repetitas librationes, ac tandem hujus montis aquæ in unum collectæ Versalias usque sunt deductæ. Id ipsum in aliis fontibus ad libellam exactis tentatum & perfectum fuit.

II. Quod D. de la Hire commemorat in tractatu de libella & illius usu, quem anno 1684 in lucem edidit, à D. Picard inchoatum, sed nondum absolutum, nec demonstrationibus munitum, illud, inquam, minimè prætereundum puto, quòd vel ex hoc uno liquere possit exemplo id ipsum quod in limine hujus operis leviter attigimus, non inutilem esse eruditiorum cœtum, qui inventa aut excogitata ab ingeniosis viris diligentius expendant, ne fortè sumptus immodici in res penitus inutiles, ne dicam impossibiles impendantur. Sed ut ad rem ipsam veniamus, magno vir ingenio, quique Oceani cum mari Mediterraneo per interjectos canales & stagna jungere commercia ingressus non in mediocri erat existimatione, id sibi persuaserat, aquam profluentem è Ligeri Versalias usque duci posse, quòd Ligeris Sequana multo sit altior: adeo ut non dubitaret quin aqua Ligeris ad montem usque Santauriacum, hinc Versalias delapsa magno huic Regiæ domui esset ornamento. Ac prope erat ut res ipsa executioni mandaretur; sed visum est Regi sapientissimo Academiam ea de re ante consulere. Itaque hanc provinciam D. Picard, cujus solertiam & diligentiam sæpè expertus fuerat, demandavit: exeunte mense Septembri una cum D. Niquet profectus est, ut magna terrarum spacia Versalias inter & Ligerim ad Libellam exigerent. Illud non fugiebat D. Picard Domino Riquet, qui author hujus consilii erat, id fuisse propositum ut aquam è Ligeri ultra canalem Briareum derivaret. In hoc igitur potissimum incubuit ut hujus canalis fastigio cum Versaliis collato utriusque altitudinis differentiam perspectam haberet. Inito calculo, & locis interjectis ad libellam diligenter perpensis partem illam canalis Briarei, qua transiturus erat aquæ ductus 14 hexape-

ANN.
1675.
& 76.

dis depressoire esse Monte Santauriaco, quo nimirum aqua profluens erat perducenda, omnino comperit. Nihilo tamen minus D. Riquet in sua perscrutata sententia, dum rediissent libellatores quos infcio D. Picard miserat. Tum enim ab incœpto desistere visus est, idque imprimis, ubi eo coram librationibus in Sequana factæ fuerunt, ducto initio à pago de Seve Lutetiam usque: Sequanam ibi infra ædium regiarum solum 60 hexapedis deprinxi jam ante reppererat D. Picard. Hinc contra profluentem Corbolum primum, deinde Montargium usque, secundum alterius fluvii vulgo *Loin* dicti declivitatem librando dimensus fuerat. Itaque D. Riquet in iis quæ actæ fuerant à D. D. Picard & Niquet librationibus tandem acquievit, atque immanis sumoribus ea ratione parcitum est.

Quam adhuc D. Picard libellam, hæc in tractatu jam laudito descripta est, ubi alæ quoque libellæ à D. D. Hugens, Roëmer, de la Hire, sunt delineatæ, ut illas omnem quæ ab aliis Academicis inventæ publici juris sunt fieret.

II. Inter varia Geometriæ problemata, quæ hoc biennio sunt proposita, illud insigne fuit quod à D. Buot solutum fuit de conchoide quadam circuli, quam D. Pascal Limacem aut cochleam appellat, cujus descriptionem docet D. Buot. Hæc est species quædam conchoidis circularis, cujus polus est in extremitate diametri circuli, cum aliarum ejus generis polus sit vel intra vel extra circulum, sed in eodem plano.

Tum his subicit rationem qua tangens hujus cochleæ & spatii comprehensi dimensio reperitur: quod problema fuerat à D. de Roberval propositum. Hæc demonstratio in commentariis Academicæ est consignata. Nova quoque demonstrandi propof. 47. libr. 1. Euclidis ratio à Domino Roëmer proposita fuit & perfecta, *Sine triangulis vel parallelogrammis æque altis.*

Idem scripsit de statera Vanica & ejus divisione in proportionem harmonicam, ubi quædam scitu digna de harmonicis rationibus inferuit.

III. Sub idem tempus D. Cassini quoddam exposuit libæ genus cujus ope pretium mercis appensæ dignosci potest citra calculum. Aliam quoque descripsit stateram Arithmeticam: sed hæc duæ postremæ in Actis Academicæ desiderantur.

IV. Illud magis ad institutum nostrum videtur pertinere, opus jussu Regis susceptum de machinatrice scientia. Die 19 Juni anni 1675. D. Perault cui ut Inspectori Regionum ædificiorum hæc cura tum erat demandata, missus à D. Colbert, eam Regis voluntatem esse denunciavit, ut scientiarum Academia de ratione conscribendi Tractatus Mechanici serio cogitaret, cui machinas artibus in Gallia & tota Europa usitatis utiles sic subijceret, ut ab omni penè hominum genete posset inrelligi, simul hos feligeret quos delineandis his machinis idoneos judicaret. De forma & ratione hujus operis cum in uno item & altero congressu esset deliberatum, & suam quique sententiam scripto exposuisset, id mihi muneri sic subijci ut ex variis scriptis summarium conficerem, quod ad D. Colbert deferretur.

V. Illud primum animadverti omnes pene in eo consentire ut opus in duas partes tribueretur; quæ ad theoriam hujus scientiæ in priori parte,

quæ ad usum & praxim spectant, in posteriori tractarentur. In illa vires corporum motrices seu potentiz, simul & simplicium machinarum rationes exponerentur.

Sed quibusdam visum est varia potentiarum genera, ut hominum, animalium, venti, elaterii, percussionis ad ponderum momenta revocari oportere, idque ex ipsa experientia definiendum. Ex. gr. quantum ponderis vires hominis possint attollere aut trahere, & ita de cæteris. 1. Principia quædam generalia circa virium incrementa constitui oportere, cujusmodi est illud pervulgatum. Quò vis aliqua augeatur, longiori tempore opus est, nec minor adhibenda potentia ut pondus per machinas subvehatur, quam si nulla utamur machina; quò pondus ad duplam altitudinem tollatur, alterum tantum potentiz aut virium est impendendum.

VI. Nonnulli rem ipsam magis distinctè & particulatim tractandam censebant; primum, ut principiis simplicioribus, quæque natura adhibet explicatis, præcipuæ motus species & proprietates exponerentur: cum mechanice omnis, si proprie loqui volumus, sit ars movendi corpora, aut eorum motus sistendi. 2. Ut præcipua motus impedimenta expendere, cujusmodi sunt corporum gravitas, figura, raritas & densitas. 3. Naturæ ingenium, ubi generalia principia motuum applicat, diligenter indagandum. Exempli loco id ponamus, quod instat fundamenti huic scientiæ subternitur, corpora tum esse in æquilibrio, cum pondera sunt in ratione reciproca velocitatum: ut corpus 4 librarum potentia unius libræ ætollatur, illius pondus velut in quatuor partes divisum concipimus, & partitis quatuor temporibus subvehendum: cum idem corpus & eodem tempore vi potentiz 4 librarum sublatum fuisset. Ex quibus liquet tum æquilibrio fieri, cum pondera & tempora ex una parte æquantur ponderibus & temporibus simul & ex parte altera sumptis. Nam in priori motu una erat libra, & quatuor tempora, in posteriori unum est tempus & quatuor libræ.

VII. Præterea id postulabant ut centro virtutis & ejus proprietatibus, centro itidem motus, directione & acceleratione seorsum explicatis, ignis, aëris, aquæ motiones paulo uberius exponerentur. Perspectæ enim ignis agitatio ad rem tormentariam, cuniculos, ignes missiles applicari facile potest. Sic aëris motus, elaterium, usus in navigatione minime sunt prætereunda. Varia Auctorum Theoremata de motu aquarum, de fluxuum temporibus & mensuris forent recensenda, solidorum resistentia, percussio pertractandæ.

VIII. Postremo quantum ars possit in corporum motibus ad usum hominum applicandis intrudendum esset. Primæ nimirum & simplices machinæ explicandæ, quæ ad quatuor revocari possunt; libram, planum inclinatum, elaterium & malleum: nam vectis, trochlea, axis in peritrochio quædam sunt libræ species, ut cuneus & cochlea, ut iis videbatur, plani inclinati. Primæ & simpliciores machinæ uberius essent explicandæ, quod ex iis ducantur ea quæ in secunda operis parte erunt pertractanda.

IX. Atque hæc de rebus in priori parte explicandis. In eo fere omnes consentiebant, cuncta simplici & expedita methodo esse tractanda, ab iis vocibus abstinendum, quæ eruditioribus tantum nota sunt; inò de Ma-

AN. 1675. mathematicis quidem demonstrationibus nisi parce admodum utendum. Nonnullis tamen visum est Geometrico ordine procedendum, definitiones nimirum & axiomata præmittenda, imo propositiones quæ sunt velut fundamenta hujus scientiæ de libra, plano inclinato, & si fieri potest de malleo & elaterio demonstratas oportere. Quove ea facilius intelligerentur, illud non alienum ab instituto foret compendiosam proportionum tractationem huic operi præfigere, in qua Theoremata per numeros tantummodo demonstrarentur. Vix enim fieri potest, ut qui à Geometria non sunt instructi, citra brevem hanc Mathematicos Logicam machinarum ullam consequi possint cognitionem.

X. Alii censabant non alias definitiones quàm rerum quæ omnino necessariæ judicantur, præmitti oportere. 1. Id magni referre, ut iis vocabulis efferrentur quorum intellectus sit facilis, omni homonymia sublata. Nam v. gr. vox illa *Momentum*, non uno apud Autares usurpatur modo: quod discentibus confusionem parit. 2. Solis utendum principiis quæ Mechanices propria sunt, iis omiſſis quæ disciplinis omnibus Mathematicis sunt communia. Postremo nihil huic operi inferendum, nisi id solum quod machinis explicandis omnino necessarium videtur; curiosas & minus utiles cum quæstiones, tum demonstrationes esse vitandas. Cavendum enim maxime ne multitudine rerum opus inutile fiat, neve tractationis loco quam ab Academia Rex postulat, partes pene omnes Physicæ in unum corpus adducantur. Quod si multa de igne, aëre & aquis tractanda sint, ea tantum quæ opus sunt, dicenda, neque res tam latè fusæ penitus exhauriendæ. Eam docendi rationem Geometris usurpata, quæque iis tantummodo sapit qui huic generi demonstrationum sunt assueti, omitti posse. Id enitendum quantum fieri potest, ut hoc operis utile sit, prout omnibus, non injucundum, atque ab iis qui ingenio & communi sensu non sunt destituti, capi possit.

XI. Quod ad partem alteram operis attinet, in eo pene omnes consentire, ut a machinis simplicioribus quarum usus latius patet, duceretur initium. Ex verò in certas velut classes distribui possunt, quædam ad militarem scientiam, aliæ ad agriculturam, aut ad navigationem, aliæ demum ad varias artes spectant.

XII. Nonnullis placuit ab iis machinis incipere, quibus magna subvehuntur pondera, tum ad eas progredi, quibus aquæ attolluntur, ubi de pistrinis, antiis & aliis tractabitur; neque id unum explicandum qua vi, quave ratione agant, sed etiam quod in earum constructione observatum oporteat.

XIII. Illud quoque fuit propositum ut primo loco eæ machinæ describerentur quæ ad artes latius fusas adhiberi solent, & ad eas imprimis quæ circa metalla, lapides, ligna occupantur. Atque ex metallicis & potissimum seligerentur, quæ in ferro præparando, cujus in Gallia major est copia, veriantur. Unde ab iis ordiri licet, quæ fundunt, tum ad eas progredi quæ illud purgant, tundunt, & ad diversos usus parant.

XIV. Die 22. Junii D. Perrault à D. Colbert missus, quæ Regis ea de re voluntas esset exposuit, nimirum ut pars operis præcipua in explicandis machinis

machinis versaretur; quæ ad theoriâ pertinent, præfationis aut introductionis *Me-*
instar forent. Itaque deliberatum fuit qua ratione hoc opus perficiendum *chan.*
foret, idque conclusum 1. ut futuri operis forma à singulis designaretur, ut
ex eorum scriptis excerpta ad D. Colbert mitterentur, quò Rex quid facien-
dum esset, decerneret. 2. D. Buor id muneris datum, ut præcipuarum ma-
chinarum indiculum contexeret, easque delinearet, in quo uteretur opera
D. D. Couplet, Pasquier & du Vivier.

3. Quæ ad theoriâ aut introductionem spectant D. D. Hugens, Picard,
Mariotte, Blondel unâ elaborarent, & quisque ea de re suas meditationes
in commentarios redigeret; atque his inter se collatis ad Academiâ refer-
rent, quò in certum ordinem redigerentur.

XIV. Interea varii sunt elaborati Mechanici Tractatus. Unum inter alios
in tabularia relatum invenio à D. de Roberval compositum, in quo brevi-
ter hujus scientiæ principia & fundamenta explicantur. Perpaucas defini-
tiones intellectu faciles præmittit, quid sit potentia, aut vis, quid centri
gravitatis, quid lineæ directionis, quid machinæ nomine intelligatur.
Vim appellat aut potentiam, dispositionem omnem in mobili existentem,
qua fit ut necessario moveatur. Hæc gravitas aut pondus in gravi corpore
dici solet. 2. Punctum quo vis aut potentia ita sustinetur, ut in ea posi-
tione liberè permaneat, centrum virtutis aut potentiæ dicitur: hoc cen-
trum gravitatis in gravibus vocatur. 3. Recta linea per quam centrum
virtutis aut movetur, aut ad motum est dispositum, linea directionis no-
minatur, quæ in gravi corpore ad horizontem est perpendicularis, eaque
per centrum gravitatis corporis & terræ centrum transire concipitur. 4. Ma-
chinam vocamus corpus quod vel sui ipsius movendi, vel alterius motum
sistendi vim habet.

XV. Tum de machinis universim disserit, ac primum earum fundamen-
ta in duo partitur genera; alia enim sunt naturæ, alia doctrinæ; illa Phy-
sica dici possunt, quæ interna sunt, aut externa: interiora ad centrum gravi-
tatis revocat & resistentiam, aut inertiam quandam qua corpus motui repugnat.
Externum fundamentum est corpus omne cui machina tanquam fulcro inni-
tur, seu hæc omnino quiescat, seu circa illud fulcrum moveatur, ejus duri-
ties aut mollieties spectanda: nec refert utrum mobile sit vel immobile. Nam
machina unâ cum fulcro suo alterius machinæ vi transferri è loco in locum
potest, ut in machinis quæ navibus imponuntur, cernimus.

XVI. Principia doctrinæ varia sunt & multiplicis generis, seu constanti
omnium ætatum experientia comperta sunt, seu ratiocinio ex ipsâ experientia
deducuntur.

Ex iis primum illud est & præcipuum totius Mechanices fundamentum,
æquales potentias simili modo & in æqualibus distantis positas, æquales
effectus producere. Quamobrem si contrariæ sunt inter se duæ ejusmodi vi-
res, hoc est, si in partes oppositas nitantur, unâ alteri sic obstitit, ut neutra
vincat alteram, sed ambæ maneant in æquilibrio.

XVII. Hinc ad machinarum explicationem transit quas in compositas
& simplices dividit. Simples ad septem species plerique redigunt, libram,
vestem, axem in peritrochio, trochleam, planum inclinatum, elaterium &

154
 ANN. malleum. Sunt qui plani inclinati loco cuneum. & cochleam ponant, mal-
 1675. leo prætermisso, quasi in machinæ censu habendus non sit: quamvis
 machina sit, eaque magni usûs & diversî ab aliis generis. Cuneus verò &
 cochlea ad planum inclinarum, ut putant. revocantur, ut ferra, lima, te-
 rebrum, & alæ ejus generis pene innumerabiles.

Machinæ compositiæ tam variæ sunt, quàm humani ingenii patet indu-
 striâ. hæ tamen ad quatuor velut classis revocari possunt, ad belli, agricul-
 turæ, artium mechanicarum, & scientiarum machinas. Singularum expli-
 catio longam tractationem exigeret.

Præcipuas tamen & magis usitatas delineare & describere ingressus est
 D. Buot. Quamplurimæ earum solidæ effigies factæ quæ in Observatorio
 asservantur.

CAPUT III.

Varia machinarum genera perstringuntur.

I. **I**nterea temporis varii Tractatus mechanici lecti sunt & examinati.
 D. D. de Roberval imprimis, Mariotte, Roemer in eo sunt argu-
 mento versari. D. Biondel Tractatum quoque de trochleis conscripsit, qui
 commentariis Academiæ insertus postea publici juris ab eo factus est. D.
 Roemer Tractatum à se elucubratum de Mechanicis, præsertim de rotis
 dentatis legit. Libellæ quoque portatilis descriptionem, uti & stateræ cu-
 jusdam Danicæ demonstrationem & ejus divisionem in proportionem har-
 monica exposuit. D. Cassini aliam stateræ Arithmeticæ descriptionem exhibuit.
 D. Buot cui delineatio machinarum & descriptio demandata fuerat, ab
 iis quæ in Architectura usurpantur, jussu Illustriss. D. Colbert initium cœ-
 pit. Singulis hebdomadis alicujus machinæ descriptionem legit. Tum com-
 plures exteri machinatricis studio incensi inventas à se machinas, & eas
 maxime quas ex usu publico esse existimabant, certatim proposuerunt. Ex
 iis nonnullæ in Libris descriptæ erant, vel ab aliis excogitatæ; sed
 tamen non mediocrem ingenii laudem merebantur, qui à libris non in-
 structi, nec ab aliis edocti naturali quadam perspicacia præclarum quid &
 utile invenerant.

II. Hujus generis fuit novum Sclopeti minoris genus à viro ingenioso
 propositum, cujus tantam vim aiebat esse ut 10 digitos duntaxat longum ad
 300 usque passus globulum plumbeum emitteret. Hoc ipsum à se effectum
 D. Buot affirmavit. Utriusque factum est periculum, tabulâ ligneâ ad 100
 passus communes diffusa ab utroque sclopeto pertusa est. Sed verior ne ejus-
 mo di inventa plus detrimenti, quàm utilitatis generi humano afferrent.

Vir industrius formam proposuit, qua lapides in crucis modum sibi mu-
 tuo erant implexi, & alii aliorum velut brachiis ita conserti ut plures sub-
 duci possint superioribus immotis.

III. Quasdam etiam machinas à se inventas proposuit D. d'Alcme vir

in excogitandis machinis & efficiendis, si quis alius indultus. Anno 1699 *Mech.* inter Academicos allectus est. Ex iis prima celeritati & tarditati navis, & quasi ejus vestigiis aut sulcis explorandis serviebat; altera est quoddam anthæ genus sine embolo cum una & simplici vlvula, aur assatio.

IV Vir omni eruditione clarus D. Leibniz horologium à se inventum asportari jussit, ut æ uabilem illius motum exhiberet. Jam ineunte anno 1675. machinam numeralem protulerat, cujus ope quatuor regulæ Arithmeticæ magna facilitate proficiuntur. Illud mihi exciderat in priori editione, quod postea D. Galloys in memoriam redegit, jam rum temporis inter Academicos à Rege coaptatum fuisse ob excellens ingenium & altam eruditionem.

V. Longo post tempore D. de S. Felix è Telonis portu misit cujusdam machinæ descriptionem anchoris navium sursum tollendis accommodatæ, quæque rotæ dentatæ & cochleæ, ut vocant sine fine & axis in Peritrochio, v. *Cabestan* majore facilitate rudentes anchorales amolitur. Novam quidem non esse, sed tamen perutilem fore etiam sæviante tempestate D. Blondel judicavit, dummodo ejus firmitati, ut par est, caveretur, nec tantum materiæ, sed etiam compaginis & connexionis cum transtris & aliis partibus navis ratio haberetur.

VI. Exeunte anno 1676. machina quædam ab ingenioso viro D. le Donneur proposita, eaque à D. D. Cassino, Picard, Mariotte fuit examinata; qui utile judicarunt eorum uti pondere aquis subvehendis: adeo ut vires eorum cum ponderibus conjunctæ facilius aquam attollant.

VII. Sub idem tempus vir doctus D. de Hauteville proposuit novum & à se repertum horologii libratorem ab usitato in eo diversum, quod dicitur palmulæ sibi mutuò sint appositæ & parallelæ, eaque trunco libratoris ad perpendicularum insistentes: majorem in pendulis motus æqualitatem hinc futuram existimabat.

VIII. Hoc quidem anno D. de Frenicle de Bessy ex hac vita migravit in meliorem: vir erat omni doctrinæ genere præstans, sed in numerorum scientia, quæ tum temporis Mathematicorum exercebat ingenia, præ cæteris excellebat. Nemo difficillima quæque problemata majore facilitate solvit: atque hujus scientiæ principes, ut Cartesius, Fermatius, & alij mirabantur hæc tam citò ab eo dissolvi citra Algebrae opem, quæ vix Algebrae ipsius præsidio resolverent. Methodum invenerat, quam exclusionum vocabat, quæque inter diversæ Academicorum opuscula posthuma edita fuit. Quiddam huic methodo non dissimile videtur mihi olim proposuisse Franciscus Baco Angliæ Cancellarius in novo organo ad rerum naturalium causas indagandas.

In eadem collectione brevis de combinationibus tractatio, uti & altera de quadratis, ut loquuntur, magicis continetur. Propter morum suavitatem & doctrinam exquisitam in magna erat apud eruditos gratia. Quamdiu vixit, elucubrationes suas publici juris non fecit.

IX. Eodem anno mense Octobri insignis Geometra & toto orbe notus Ægidius Peflonerius de Roberval postremum diem suum obiit. Vir erat ad Mathematicas disciplinas natus, quas ab anno ætatis suæ 14 ad annum usque 74 coluit, ac tantos in iis progressus fecit, ut inter ævi sui Geometras pene princeps haberetur. Vatia ejus opuscula in eo, cujus mentionem feci-

ANN. mus, volumine edita sunt. Primum est de compositis motibus, quod anno 1675. 1646 elaboraverat. Ex eo multas decerpit propositiones quæ in Academia lectæ sunt & demonstratæ anno 1668. Hunc Tractatum excepit alter de recognitione æquationum, ubi earum originem & naturam diligentius expendit.

X. Huic alios subjecit de resolutione æquationum tum earum, quæ planæ dicuntur, tum cubicarum, & de locis Geometricis, item de indivisibilibus, quæ methodo à se excogitata quinto anno ante Cavallerii Libri editionem sic exposuit, ut superficiem ex aliis superficiebus, solidum ex corpusculis solidis servata Homogeneorum regula, non superficiem ex lineis, solidum ex superficiebus constatum, uti à Cavallerio factum est, conciperet: atque in quadam ad Torricellum Epistola testatur se huic indivisibilium methodo optima quæque sua inventa accepta referre.

XI. Post hæc Tractationem suam de Cycloide elaboravit, quæ magnam ei apud etuditos famam conciliavit. Problema illud famosum insignes non in Gallia modò, sed etiam in Italia Geometras commoverat, qui illius solutionem summâ animorum contentione quæsierant.

P. Metfennus ad eos qui in hac scientia præ cæteris eminebant, scripsit, & ad Galilæum imprimis ut naturam Cycloidis, quam clavus rotæ in una rotæ revolutione describit in aëre, indagaret.

Hoc Robervallius viâ simplici & expedita problema solvit, ac demonstravit spatium à Cycloide comprehensum triplum esse rotæ ipsius, ex qua formatur, cui solutioni duplicis problematis enodationem subjecit, unam de solidi Cycloidis circa suam basim formati dimensione, alteram de tangentibus Cycloidem inveniendis. Atque ea usus est methodo, quæ ad omnes tangentes curvarum pertinet.

XII. Hæc & alia de Robervalii ingenio & opusculis copiosè & candidè ab illustri Abbate D. Galloys sunt consignata in Actis Academiæ mensis Aprilis anni 1693. ex occasione operis tum editi in lucem, quod varias Academicorum elucubrationes complectitur, quæque antea nondum Typis mandatæ fuerant, si perpaucas exceperis.

XIII. Brevi post tempore D. Buot qui inter Academicos in prima Academiæ institutione unâ cum D. D. Frenicle & de Roberval adlectus fuerat, virâ functus est. Ingenio erat acti ad Mathematicas disciplinas quasi à natura ipsa factus. Nam iis ultro se dederat, cum nec latine sciret, nec ullo magistro usus esset, atque ex industrio armorum opifice eximius Geometra factus & in omni Matheseos cùm specularitica, tum practica genere versatissimus: machinatricem præsertim excoluit. Hujus sæpe in hoc opere mentionem fecimus.

Insignes hi Mathematici eodem fere tempore jam senes diem suum obierunt; omnes Matheseos partes amplexi, sed alius aliam selegerat, in qua præcipuè elaboraret, D. Frenicle ad numerorum scientiam, quæ tum erat magno apud ejus ætatis Mathematicos honore; D. de Roberval ad Geometriæ & Mechanicæ Theoremata, ad utramque scientiam D. Buot animum adjunxerat, ad Machinatricem imprimis: omnes Physicæ studium cum Mathesi conjungere, cum hæc disciplinæ inter se consertæ sint & colligatæ.



SECTIO TERTIA.

*De Chymicis, Physicis, & rebus Anatomicis anni 1676.
& 1677. suscepris.*

PLantarum Analyses sunt continuatæ, quas singillatim referre nihil necesse est, nisi forte quid notatu dignum occurrat.

CAPUT PRIMUM.

De Re herbaria.

I. Neunte anno 1676. D. Marchant Peponem figuræ & magnitudinis inusitatæ ex Insula S. Christophori asportatum exhibuit. Hic aculeis instar cardui stellati armatus, quatuor aut quinque pedes in longum & latum patebat. Illius analysi facta liquores pene omnes acidi erant, portio ultima sale volatili sæta, tres drachmæ salis fixi, duæ olei extractæ è quinque libris hujus fructus quem melonem carduum appellant.

II. Die 22. Martii anni 1677. Serenissimus Franciæ Delphinus Academiam sua præsentia cohonestatam voluit, quem D. Colbert cum omnibus Academicis excepit. Speculum ustorium primum & illius vim intueri placuit: et si cælum nubibus nonnihil obductum esset, terra tamen in vitrum conversa fuit & argentum colliquatum. Tum machinas recens inventas, stirpium & animalium icones contemplatus Sereniss. Princeps quædam experimenta Chymica intueri voluit. Cum accepisset historiæ generali stirpium intentam esse Academiam, & in id incumbere ut per analysim diversæ earum partes extraherentur, ex quibus cujusque plantæ natura, & vires utcumque cognosci possent, quædam suscepti operis specimina fieri iussit.

Tum fortè lavendulæ spicæ exstillatæ fuerant, liquoris educti portio præ aciditate sua succo heliotropii splendidum & igneum colorem exhibuit, sublimati solutionem nihil immutans. Altera liquoris portio sale volatili dives contrarios procreavit effectus. Nam sublimati solutionem non turbavit modò, sed & coagulavit; atque una cum spiritu salis mista effervuit; sal volatilis sublimati solutionem præcipitem dedit, & lacteo imbuuit colore: sal fixus eidem solutioni præcipitaræ colorem subrubrum impertiit. Quædam circa liquorum coagulationem, & colorum mutationes coram exhibuit D. Borel. Die crastina Serenissimus Delphinus Observatorium invisit. Sed ea de re paulo post cum de Mathematicis rebus verba faciemus.

III. Die 17 Novembris D. Mariotte bulbum tulippæ exhibuit, in cujus germine folia tulippæ jam inclusa imò & flores & stamina cernebantur. Idem

ANN. cum plura grana tritici in locis à se invicem diffitis sparsisset, unum ex iis 13
1676. spicas protulit, aliud duas.

& 77. IV. Inter eas quæ factæ sunt plantarum analyses Cannabum id habere vim
nisi singulare, quod cum satis lignosum sit, nullum tamen liquorem
nisi sulphureum præberet, multum salis volatilis, ac plurimum olei suppeditet.
Sic illa Brassicæ species quæ à floribus nomen habet, liquorem tantummodo
taruleum dedit, ubi cum heliotropii succo permixtus fuit.

V. Carnium quoque analysis facta est à D. Bourdelin. 5. libræ carnis ver-
vecinæ, detractis membranis & adipe, extillatæ liquorem omni ex parte sa-
le volatili refertum præbuerunt; 9. olei crassi uncia; duæ itidem salis volatilis
drachmæ, fixi quinque prodire, nihil acidi extractum est. Tantundem salis
volatilis & olei in Cyprino pisce repertum.

VI. Quod ante proposuerat D. Borel, ut uncia salis communis 4. uncias
aquæ fortis infunderetur; idque futurum aiebat, ut extillata aqua forti sal
communis in purum salem-petræ abiret; illud ipsum D. Bourdelin die 7.
Martii effectum dedit. 4. uncia; salis marini cum sexdecim uncias aquæ
fortis sunt commixtæ. Extillatis 10 uncias aquæ fortis sex uncia; salis re-
sederunt, qui non aliud quiddam esse videbatur præter nitrum: exhalata
iterum aqua 5 aut 6 drachmæ salis nitrosi concrefcere visæ sunt: adeo ut
magna pars nitri unâ cum sale communi confusa in aquam fortem transiisse
videatur. Verùm hoc experimentum iteratum oportere omnes censue-
runt.

Itaque cum paucis post diebus D. Bourdelin duas salis marini cum 8
aquæ fortis uncias miscuisset & extillasset, sex uncias cum semisse liquoris
spiritui salis non absimilis extraxit: nam in aurum vim suam exercebat,
sal in fundo vasis residuus carbonem accendebat. Nec dum tamen id certò
dijudicari potuit an purus esset salpetræ. Cum autem D. Mariotte in prunas
conjecisset purum salem-petræ & prædictum ex sale communi & aqua forti
prodeuntem, uterque consimili modo est incensus, eo tantum cum disci-
mine quod posterior crepitare visus sit.

VII. Cum D. Bourdelin partes æquales salis tartari & olei vitrioli,
quatuor nimirum uncias è singulis unâ miscuisset, 7 drachmarum ponde-
re octo illæ uncia; sunt imminutæ, & liquor admodum debilitatus super-
fuit.

VIII. Experimentum quoque circa dissolutionem salis marini à D. du
Clos olim factum iteratum fuit. Qui sal primum concrevit, minis acidi-
tatis habere visus est quàm is qui postea fuit coagulatus, quique oleum tar-
tari turbavit.

IX. Cum aqua stiptica, quæ erumpentem è vulneribus sistit sanguinem,
iis temporibus multum celebrarentur, D. du Clos è vitriolo eam parari
judicavit. Hanc inesse vim vitrioli phlegmati leni colore extillato censuit,
distillatione, atque ut loquuntur cohobatione repetita. 1. Eadem virtute
donari oleum vitrioli, ex quo sæpius vini spiritus est distillatus; uti & salem
vitrioli phlegmate suo idemid. in persufum aiebat.

X. Experiri etiam id placuit utrum aurum fulminans deorsum versus vim
suam exereret: rem ita esse semel & iterum comprobavit experientia: nam

tenui laminæ in æquilibrio positæ post fulminationem ea decidit, qua par-
te granulum auri positum fuerat, relicto sui vestigio & impressione in la-
minâ. *Physica Ob-
serv.*

XI. Quæ ad anatomen spectant, eo quoque anno non segniter fuerunt discussa. D. du Verney Tractatum suum de auditûs organo tum temporis elucubravit, & aliqua ex parte legit. Præter cætera id advertit, tympani cavitatem tenui membrana obduci, quam vasa omnis generis rigant; in plerisque animantibus cavitatis illa ampla est, & apophysim Mastoideam pene totam occupat, in aliis angustior exiguum illius apophysitis partem implet. Illud quoque observat funiculum qui pone tympani membranam tenditur, nervulum esse durioris propaginem, neque ab eo membranam tympani distendit, aut laxari, cum huic non adhæreat, in musculum mallei spargitur, & in ductum qui ab aure in oris cavitatem tendit. Viscera instar nivis alba exhibuit, adeo ut vasa omnia, quæque sunt magis spectabilia, oculis subicerentur.

CAPUT II.

De aliis observationibus Physicis.

I. DE caloris & frigoris natura suas proposuit conjecturas D. Dodart, qui etiam observationes aliquot de transpiratione legit, atque in hoc argumento arti medendi petutuli postea versatus est: qua de re aliâs pluribus.

II. Ineunte anno 1677. D. du Clos frustum agni non corrupti lucidum apparuisse etiam candelæ accensæ propius admotum testatus est. Idem olim à se observatum D. Mariotte confirmavit: atque ambo in eo consenserunt hoc lumen non in carne musculosa, sed in membrana interiore conspici.

Ineunte Aprili Physicæ observationes à D. Richer in Cayenna Insula factæ, in tabularia Academica relatæ fuerunt, quæ nuper sunt in lucem editæ. Prima & præcipua ad longitudinem penduli quo minuta secunda temporis designantur, pertinet. Illud enim allatum ex prædicta regione, & cum pendulis quæ in Academia adhibentur, comparatum brevius una linea & $\frac{1}{4}$ inventum est: adeo ut horologium Lutetiæ constructum in eam regionem translatum uno quoque die duobus horæ minutis tardius moveretur. Hæc observatio de qua jam superius dictum est, singulis hebdomadis decem mensium spatio fuit repetita.

2. Quæ circa æstum maris reciprocum iis in locis observavit, jam sunt à nobis exposita in Philosophia veteri & nova tomo 5. Tractatu 2. Is verò stans temporibus, ut in Gallia littoribus recurrit in noviluniis & in pleniluniis hora de meridie tertia, & $\frac{1}{4}$, aliquantò citius: cum propius ad Æquatorem accedimus, cum æstus sunt maximi, tum mare ad sex usque pedes intumescit, quod ex palo terræ infixio per integrum annum fuit observatum. Æstus maximi sunt circa æquinoctia, sed differentia ultra sex digitos non excurrit.

ANN. 3. Tertio post novilunium, aut plenilunium die major est æstus quàm in
1677. novilunio, aut plenilunio, ut in Europæ littoribus evenit.

III. Declinationem magnetis, aut Versorii 12 graduum Orientem versus invenit, inclinationem vero 55 grad. comperit: adeo ut illud verum non sit, Versorium in pyxide nautica tantum deprimi, quantum Polus attollitur. Nam Poli altitudo eo loci est tantummodo 4 graduum & 56 minutorum.

IV. Circa crepuscula id quoque comperit 45 minutis ante Solis ortum, vel post illius occasum legi facile posse: adeo ut aër iis in locis non minus sit crassus & refractionibus obnoxius quàm in frigidioribus.

V. Hydrargyrum in Barometro ad 27 digitorum & novem linearum usque altitudinem attolli, nec infra 27 digitos & unam lineam descendere comperit: ita ut idem sit pene aëris incumbentis pondus prope Aequatorem atque in locis ab eo remotioribus. Locus enim in quo hæ factæ sunt observationes 20 tantummodo aut 25 pedibus altior erat maris superficie.

VI. De ventis hæc ab eo sunt observata, hanc regionem, quæque Amazonum flumini est finitima, ventorum mutationi minus subjacere quam circumjuncta Europæ littora. Venti ab Oriente spirant à mense Julio ad Decembris usque finem, sic tamen ut ad Boream deflectant; à Decembri ad Julium, cum aër in imbrem solvitur, ab Oriente versus Austrum declinant. Hora fere octava incipiunt, post occasum Solis paulatim desinunt; tum redeunt mane simul & augentur, cum Solis supra horizontem altitudo crescit: unde calor æstus non mediocriter temperant. Tonitrua, exhalationes inflammata, Iris ipsa, & alia meteora non minus crebra sunt atque in Gallia.

Quæ iam subjecit de nonnullis animalibus non omittenda. Testudinum sanguinem frigidiorē esse aqua ejus regionis: cum sanguis tursionis v. *Massein* non minus caleat quam terrestrium animantium. 2. Crocodilum vidit magna inclusum arca qui per octo menses nihil manducavit: etsi pisces devorandi in arcam conjicerentur. 3. Alius est piscis tres aut quatuor pedes longus non dissimilis congro qui digito, imo & baculi extremo contactus stupore afficit brachium & vertiginem tenebrosam creat, cujus rei periculum ipse fecit. Est quoque in ea regione quoddam suis genus, in cujus tergo foramen patet, per quod multam emittit spumam, cum canes illum insequuntur. Cui usui illud esset foramen, explorare voluit. An fortè ducendo aëri esset destinatum: sed in dissecto animali nullus ad interiores partes aditus patebat: orificium dumtaxat visum est ejusdem pelvis, qualis ferme est in renibus, glandula spongiosa cinctæ.

VII. Quæ gummi guttam proferret, arbor an frutex, dubitatum olim fuit: arborem quercu non minorem esse comperit. Ac quibusdam in Americæ locis sylvas his arboribus refertas invenit. Ueberior succus inter corticem & lignum interfusus flavum colorem præ se fert, ut gummi quod exteriori cortici adhærescit. Incolæ colicis doloribus affecti, quibus sunt admodum obnoxii, hoc medicamine uti solent.

VIII. Die 15 Maii D. Perrault coram exhibuit piscis cujusdam maxillam, quam vir optimus Abbas Gendron è Canadensi regione allatam Clariss. & perdocto

perdocto viro D. Toinard donaverat, ea maxilla piscis utitur in conterendis *Physi-*
conchyliis, quibus vescitur; planum quoddam est velut dentibus candidis, *ca Ob-*
præduris, & rotundis confertim dispositis stratum. *serv.*

IX. De capillorum structura & vegetatione scriptum legit D. Mariotte, in quo illud primum advertit, non ut plantas, sic crines vegetari. Nam plantæ nutritium succum inter fibras & corticem ad extremos usque ramos propellunt, ubi & folia & novos proferunt ramulos. Sed instar unguium crescunt crines, dum pars una alteram pellit & vicissim postea pellitur, uti ex notis quæ unguibus aut pilis, postquam resecti sunt, inveniuntur, facile colligimus. Idque experiuntur qui crines suos aliquo pigmento inficiunt: nam pars recens formata & cuti proxima alium præ se fert à tincta colorem.

Capillus 3 aut 6 fibrillis eodem velut tubo conclusis & instar cornu pelucidis constat. Hæ fibrillæ microscopii ope candidiores & interjecta spatia obscuriora cernuntur. Quod si capillo prope pupillam oculi admoto candelam aspicias, ex utraque parte radii ex tribus aut quatuor imagunculis compositi apparebunt variis tincti coloribus, quod non contingeret, si pilus esset uniusmodi. Quare multiplex sit refractione fere ut in vitris multiplici facie præditis evenit. Et quidem ubi crines finduntur, id utique fit, quod tubulus quo involvuntur fibrillæ disrumpatur, & in plures dividatur capillos.

X. Aliam dissertationem de corporibus, quæ cum leviora sint aquæ innatant, elaboravit, quæ unà cum aliis tentaminibus Physicis publicata ab eo fuit & in tertio tractatu Physicæ generalis vet. & novæ Philosophiæ hoc quidquid est, satis dilucidè explicatum retexere hoc loco nihil necesse est.

Iisdem rationibus adducti omittimus demonstrationem Physico mechanicam qua differentiam compositi Barometri à D. Hugen excogitati & simplicis ad calculum revocat & illius rationes fusius prosequitur. Verum quod experientia sola probat, D. Varignon post decennium in Academiam ascitus demonstravit. Qua de re suo loco.

Die 23 Junii D. D. Cassini, Picard & Roëmer tempus inter luminis & soni perceptionem interjectum observarunt, dimenso spatio inter Observatorium & locum cui nomen à Glarea, v. *la Greve* 1180 hexaped. interjecto quod sonus bombardarum visa flamma aut crepitus ignium missilium 7 minorum secund. intervallo peragrabat.

XI. Circa mensem Julium & sequentes D. du Verney complura experimenta Physica coram Serenissimo Franciæ Delphino exhibuit, & ea maxime quæ ad pondus aëris & magnetem spectant.





SECTIO QUARTA.

De Mathematicis.

DE Mathesi dicturi, ab Astronomicis observationibus hoc anno factis ducemus exordium, tum de Geometricis agemus.

CAPUT PRIMUM.

De Astronomicis Observationibus.

I. **C**UM D. Flamsted Anglus inito calculo scripssisset visum iri Mercurium in Sole die 7 Novembris stylo novo; ex illa observatione cum iis quæ à Gassendo & Hevelio olim factæ fuerant, rite collata accuratam hujus planetæ theoriam haberi posse spes erat. Itaque D. Picard ex Mercurii per Solem transitu, illius orbitam definiendi rationem demonstravit. Tum orbitæ Veneris aut Mercurii obliquitaris ex tempore transitûs per Solem inveniendæ methodum exposuit. Atque è converso, si datur ex tabulis Mercurii locus in Sole, visibilem totius transitûs lineam determinandi viam ostendit. Quæ demonstrationes cum paulo sint longiores, alio in loco commodius preferentur.

II. Cum Cometa hoc anno circa mensem Aprilem se videndum præbuisset, illius motus, forma, magnitudo, & si quæ sint alia phænomena diligenter à D. Cassino sunt observata, in Academia lecta, ac tandem in publicum vulgata. Hic excurrere Aprili in constellatione Andromedæ viam Cometis tritam insistere visus est. Qui anno 1577, 1590 & 1658 apparuere, ab eo itinere non multum aberrarunt, inter triangulum & Medusæ caput incedentes. Anno 1665 duo visi sunt, prior per Medusæ caput, postquam fuit retrogradus, posterior per apicem trianguli iter fecit. Sic Cometa anni 1572 triangulum inter & Medusæ caput apparuit. Elapsis 100 annis nempe anno 1672 Cometa idem pene iter confecit. Superiori sæculo anno 1577 & nostro hoc sæculo anno itidem 1677 Cometæ eandem pene viam insistere visi sunt. Quod annotatum oportuit, ut hinc conjectari liceat an forte iidem sint Cometæ reduces post certa annorum volumina.

III. Duo quoque Cometarum genera observavit D. Cassinus, unum eorum qui motu directo & juxta signorum ordinem progrediuntur. Hujus generis is erat qui anno 1677 mense Julio, cum hæc scriberet D. Cassinus, toti orbi apparuit, uti & Cometa anni 1672, & posterior anni 1665, quique

omnes superiore sæculo visi sunt ; hi quidem cum motus est celerrimus , *Astro-*
ultra 4 aut 5 gradus singulis diebus non excurrunt. *nom.*

Alterum Cometarum genus motu fere retrogrado contra signorum sensum fertur. In eo censu erat Cometa anni 1672 uti & alius anni 1664 , cujus motus ad 4 usque gradus in maxima sua velocitate pervenit. Hujus motus linea multo magis ab Ecliptica deflectebat , quam in iis qui motu directo cidentur.

Observationes suas circa hunc Cometem Madriti factas P. Saragossa Soc. Jesu misit ad D. Cassinum quæ in Academia lectæ sunt , & cum iis quæ in Observatorio factæ fuerant , collatæ. Observationes suas D. Cassinus publici juris fecit.


I V. Qui etiam 18 Augusti primum Jovis satellitem corpus Jovis subeuntem & ex illo exeuntem ita observavit , ut à Jovo ipso secerneretur , & illius umbra in Jovis corpore semper videretur. Quandam in motu secundi & tertii satellitis irregularitatem animadvertit. Novam denique in Jove maculam quæ in majori fascia videtur à die 5 Julii deprehendit , quæ suam periodum intra novem horarum & 55 min. spatium conficit. Jovem ita dispositum invenit , & in ea forma qua erat ante biennium : maculam ex qua Jovis revolutionem circa suum axem deprehendit , quæque evanuerat , reducem invenit consimili modo inter fascias positam , quo ante biennium : in medio scilicet Jovis sitam & eo loco , quem juxta Ephemerides occupare debuit : fascia itidem alba inter duas obscuriores , ut prius , sui copiam fecit.

V. Die 5 Novembris Mercurius in Sole videri non potuit Parisiis ob nubes interpositas ; sed visus est Avenione , Montis Pessulani , & aliis in locis. D. Gallet observationem à se factam Avenione misit , eaque satis accurata visa est. Tempus quod Mercurius in Sole percurrendo insumpsit , 5 horarum fuit & 34 min. Hoc autem colligit ex comparatione emersionis Mercurii cum iis quas habuit multo post ejus immersionem observationibus : cum immersionem ob nubes interpositas observare non potuerit. Cum autem eam observationem typis editam inscripsisset Domino Cassini , cujus calculo ipsam præ cæteris consentaneam deprehendisse literis testatus est , eam D. Cassini contulit cum iis quas Gassendus primum , deinde Hevelius olim peregerat : unde inter cætera collegit Mercurii nodos in Tabulis Rudolphinis optimè esse determinatos. Sed ex eclipsis duratione à D. Gallet deducta conclusit Aphelium , seu maximam ejus à Sole distantiam antevertere , adeo ut in Tabulis motus ejus velocior hoc in situ exhibeatur quam hæ ferant observationes. Verum ex observatione quam eodem tempore D. Haley habuit in Insula Sanctæ Helenæ , in qua immersionem , & emersionem Mercurii ipsi licuit observare , Mercurii in Sole mora fuit 5 horarum 14 min. quod propius accedit ad velocitatem ex Kepleri Tabulis deductam.

VI. Cum refractionum scientia ad Astronomicas observationes magnum afferat momentum ; ea quidem superioribus annis multum excolta fuit ; atque hoc anno exeunte præcipuum earum fundamentum diligenter excusum. D. Roëmer Cartesii hypothefim ex scriptis D. Fermat , quæ à D.

А н н. Carcavi fuerunt Academiæ communicata, convellere est aggressus. Ac primum quidem illud ut certum ponit, globum obliquè impactum in superficiem aquæ sic refringi, seu à recto itinere ita deflectere, ut versùs aquæ superficiem, à perpendicularo declinet, & sursum versùs tendat: contra radii luminis versùs perpendicularum infringuntur, iique ab aquæ superficie recedant. Hinc colligit Cartesius radios luminis facilius per aquam, quam per aëra transmitti.

Id vero negat D. Roëmer, cum alia sit ratio motûs corporis quod ita per aliud defertur, ut hujus partes loco cedant, qualis est motus globi per aëra & aquam translati; alia commotionis particularum, quæ fit ab impulsu corporis in cumulum earum partium, quem corpus impellens non penetrat, cujusmodi est motus luminis ex Cartesio.



Globus A per aëra A B oblique incidat in B G superficiem cumuli cujusdam ex variis corpusculis congesti, per quem difficilius feratur, quam per aëra. Tum utique palam est ex ipsa experientia radium A B non recta in F, sed sursum inclinatum iri versùs superficiem BG, puta in B C. At si ponamus à prædicto globo non eum penetrari cumulum corpusculorum, sed impingendo in ejus superficiem E G, succutere partem aliquam corpusculorum, tum directio hujus succussionis non tendit versùs G, sed potiùs deorsùm versùs H, puta secundum rectam B D. Nam superficie E G, ex superficieculis planis & in idem planum conspirantibus conflata, directio linearum cujusvis incidentiæ fit ad perpendicularem; quod è mechanicis principiis demonstrari posse ait. Rationem attingimus tractatu 2. cap. 5. Physicæ generalis. Quocirca ex dissimilitudine refractionum inter radios luminis & globos bombardiles per diversa media transeuntes, non satis aptè concludit Cartesius lumen facilius per aquam, quam per aëra moveri: adeo ut regula quam dimetiendis refractionibus constituit, licet vera sit & magni usus, non tam rationis, quàm experientiæ via ab eo sit excogitata.

Longe præstantiorem existimat hypothesim Domini Fermat, ex qua *Mech.* præcipua refractionum phænomena demonstrari possunt. Illud imprimis, refractiones esse inter se in ratione sinuum rectorum, quod ille per analysim demonstravit: sed id ipsum synthetice demonstrat D. Roëmer. Quæ demonstratio commentariis inserta à nobis hoc loco præmitti potest.

Verum ut ad res Astronomicas redeamus, idem D. Roëmer die 19 mensis Junii machinam à se inventam exhibuit, qua planetarum inæquales motus explicantur. Ea constat duabus rotis dentatis, quarum una æquabiliter mota aliam inæquabiliter movet, & in ea ratione quæ ad accelerationem aut retardationem planetarum requiritur.

CAPUT II.

De Mechanicis & Geometricis.

I. **C**Um ineunte hoc anno D. Blondel tractatum de projectione globorum ignitorum v. *des Bombes* à se elaboratum dixisset, sed id optare se ut quæ Geometricè demonstravit, experimentis comprobarentur, eaque Hydrargyri ope fieri commode posse. Hanc provinciam suscepit D. Roëmer & machinam excogitavit qua theoriā Galilæi, & Toricelli circa parabolarum amplitudines in projectionibus confirmavit.

Tubo ligneo cuius diameter erat sex lineatum, altitudo duorum & amplius pedum, Hydrargyrus affusus est, qui per foramen rotundum, cuius diameter erat unius lineæ cum semisse, etumpebat. Tubus sic aptatus erat, ut manente centro immobili, ad quemlibet angulum inflecti posset: Mercurius continenter affusus tubo, eandem semper altitudinem conservabat.

II. primum quæsitum est, quantus esset jactus verticalis, isque inventus est 270 linearum, minor 18 lineis altitudine hydrargyri; in angulo 85. grad. altitudo fuit 268 lin. in angulo 80 gr. jactus fuit 262. Tum posito jactu verticali 270 linearum, singularum altitudinum inito & cum observatis collato calculo, tabella confecta est, quæ Angulorum seu directionum supra horizontem inclinationes, amplitudines quoque & altitudines tum observatas, tum calculo inventas, & earum differentias continebat.

III. Hæc vero inter observandum sunt annotata, filum Mercurii erumpens è foramine ultra 4 pollices altitudinis continuitatem suam amisit, postea in guttas spatium quæ in semiparabola descendente in plano verticali latius diffundebantur; in medio confertiores quam in extremis: unde in dimetienda quacumque amplitudine partis interjectæ ratio habita est: tamen cum calculo magis consentiebant observata, ubi exteriores guttæ sumebantur. Ex tabella prædicta liquebat 1. directiones supra & infra 45 gr. hinc inde ex æquo sumptas non easdem prorsus habere amplitudines; nam quæ supra positæ sunt, eadem paulo minores erant: 2 quæ

ANN. 1677. propiores sunt jactu verticali, et magis cum calculo conveniunt. Illud in universum constituitur altitudines & amplitudines observatas paulo majores esse iis quæ per calculum prodierunt.

IV. Interjectis aliquot diebus problema quoddam proposuit D. Blondel circa directionem projectionum quod à D. Buot primum fuit solutum, tum à D. Roëmer, sed methodo faciliori, visa tamen antea solutione D. Buot. Ille instrumentum subjecit eidem problemati inveniundo, nempe projectionum directionibus aptatum. Hoc & alia eundem ob finem proposita circa parabolicas sectiones problemata solvit D. de la Hire nondum inter Academicos coopatus, sed ex suis operibus notissimus, & omnium votis expetitus, quæ brevi post tempore nempe anno 1678 expleta sunt.

V. At D. Cassinus novam invenit methodum, qua tota projectionum doctrina ulterius promota una propositione explicatur, amplumque tractatum Academiæ exhibuit in quo citra sectionum conicarum opem vires machinarum projicientium explicantur, iisque præcognitis exhibetur modus projiciendi missile ad quemlibet propositum scopum, ad quem compertum est vim ejus posse pertingere, sive ille sit in horizontali plano cum machina constitutus, sive infra ipsum, aut supra, ad quamvis depressionem aut elevationem, idque per solam rectam lineam in circulo ductam; quamvis missile lineam parabolicam describat; ex his instrumentum confecit, & Academiæ exhibuit per quod machina sic attollitur supra scopum, ut ipsum feriat missile.

Hujus tractatus compendium D. Blondel inseruit suo de hoc argumento tractatui, cuique librum octavum tertie partis assignavit.

VI. Interea Serenissimo Franciæ Delphino qui pridie Bibliothecam Regiam, & Academiam ut supra diximus, inviserat una cum Sereniss. Principe de Conty & aliis primatibus dignitatis viris in Observatorium Regium se confectæ placuit. Edificii formam, situm, & structuram è summo illius fastigio aut Solario contemplatus ac referatis fornicum foraminibus specum subterraneam ad 18 usque hexapedas altam, singulas deinde partes oculis & animo lustravit.

Primum in majorem aulam cum descendisset, eam de qua mox diximus machinam in cubiculo D. Picard paratam invenit. Hanc D. Roëmer parieti sic aptaverat ut Galilæi & Toricelli circa projectionum directiones theoria experientiâ ipsâ fitmaretur. Variæ erant in pariete delineatæ parabole quas hydrargyryrus sursum per apertum foraminulum erumpens ad quam libuisset angulorum inclinationem describebat.

Hinc ad eas ædificii partes venit quas D. Cassini inhabitat, ubi plures Lunæ figuras, & toremata est contemplatus; quæque ex diversis Solis aspectibus & corporis Lunaris Librationibus occurrunt illustrationum varietates, simul & diversos planetarum motus aptè delineatos conspexit.

VII. Iisdem fere temporibus D. de saint Felix aliquot Machinarum quæ ad usum navium sunt comparatæ, typos exposuit; eas machinas magno usui navigationi esse posse visum est earum rerum peritis. Harum typi postea sunt in Observatorio repositi.

Paucis post mensibus vir industrius D. Allemand globum exhibuit in quo Sol, Luna, fixæ ita erant disposita, ut duplici motu diurno & annuo Sol moveretur, Luna mensiuo, stellarum ortus & occasus notarentur.

VIII. Prædicti tractatus de sulphuratorum globorum projectione examen deinceps fuit continuatum. Tum D. Mariotte quantum aër earum jactum imminueret, computavit.

Idem experientia comprobatum aiebat leviota corpora, cujusmodi sunt chartæ folia filo suspensa, ultra quietis punctum arcus describere in ratione subduplicata numeri filorum, dummodo is major non sit numero 16. Illud etiam experientia comperit unum chartæ folium ex altitudine 10 aut 12 pedum suspensum ultra punctum quietis unum aut circiter pedem promoveri, cum ex altitudine arcus 80 aut 85 graduum decidit: tum quæsiuit quot folia sint addenda ut duos aut tres pedes ultra quietis punctum progrediantur.

IX. Quædam ante præmisit lemmata majotis forte momenti quam problema propositum 1. Corpora quæ in libero aëre decidunt, per omnes tarditatis gradus non transire, sed determinatam habere vel in principio sui motus velocitatem. Id vero probat ex casu duorum ponderum inæqualium quæ extremis libræ sic appenduntur, ut unum longius à centro libræ aut statetæ quam alterum distet. Tum enim ambo simul cadere incipient, sed non eadem velocitate; ac plures erunt tarditatis gradus in pondere centro propiori, quos non decurret illud quod à centro longius est distitum.

2. Corpus leve ut spongia aut suber, quod in descensu motum suum accelerat, ubi acquisierit in decidendo velocitatem æqualem impressioni venti sursum flantis, quæ corpus sustinere valeat, dum descensum incipit, tum corpus illud motum suum non amplius accelerabit, sed cum acquisita velocitate quod reliquum est sui descensus, percutiet.

Hoc utique ex priori probat Lemmate: corpus enim certam in sui descensus initio habet & determinatam velocitatem; aër veto quantumvis centies forte levior, ea velocitate sursum moveri potest ut corpus sustineat, si tantundem celeritate vincat corpus, quantum vincitur ejus pondere. Quare ubi aër sic impinget in corpus impressione aut celeritate centies majore, quam sit prima in descensu corporis velocitas, quamque esse determinatam ostensum fuit, utrimque fiet æquilibrium ex percussionum legibus. Sed prima in cadendo velocitas ea ipsa est quam acquisita continenter adjicit, cum descensum accelerat: cum igitur corpus eam inter cadendum acquisierit velocitatem, quæ sit æqualis venti sursum pellentis & sustinentis celeritati, eadem vi pellet aëra, qua ventus ante illud impellebat: & eandem resistantiam offendet, quam diximus æquilibrium efficere cum ea quæ accelerationem procreat. Ergo nihil amplius acquisita celeritati addet: ac corpus deinceps cum ea quam paulatim acquisivit velocitate eaque æquabili reliquum descensus sui iter continuabit: cum in aëra eadem vi impingat.

3. Quæ sequuntur lemmata ex iis quæ in tractatu de collisione corporum

ANN.
1677.
& 78.


ab eo sunt explicata demonstrat. Aquas v. gratiā salientes ea sustinete pondera quæ sunt inter se in ratione duplicata velocitatum.

X. Varios deinde libellæ conficiendi modos proposuit D. Cassinus, cum aquæ, tum hydrargyri beneficio. Ac D. Picard iis temporibus iussu Regis Christianissimi circumiecta Versaliis loca exegit ad libellam.

Quod enim anno 1674 propositum fuerat de aquis Versalias deducendis, hoc ipsum anno 1678 iterum fuit agitatum. Non procul ab urbe Pithuërio vulgò *Pluviers*, est rivus qui Junius, vulgò *la Riviere de Juine* vocitatur: hujus tanta est declivitas ut intra breve spatium 60 moletrinas vi aquarum suarum circumagat: è stagnis & fontibus ad sylvæ Aurelianensis fines positus originem suam ducit. Viri in his rebus exercitati sibi persuaserant hinc aquam deduci Versalias posse. Hoc quoque negotii datum est D. Picard, ut iterum expenderet an res ipsa fieri posset, & ad exitum petduci. Is Sequanæ libratione Corbodium usque repetita & longius producta Aureliam venit: cujusque loci librationes in Tractatu à nobis citato de arte librandi descriptas habemus. Id tandem comperit Sequanæ alveum prope Versalias in Pago *Sève* dicto 54 hexapedis depressiorem esse ipsâ aquarum origine in sylvæ Aurelianensis finibus sita. Cum autem domus Regiæ solum sit alveo Sequanæ 60 hexapedis altius; hinc conclusum fuit aquarum fontes saltem sex hexapedis esse depressiores loco ipso in quem eas duci oportebat. Rursum id iussum est ut librationibus continuatis id expenderet D. Picard an canalís è Ligeri Versalias usque duci posset. Quod itidem fuit exploratum: punctum divisionis in Canali Briareo quod 17 hexapedis Ligeris alveo est altius, 68 hexapedas super alveum Sequanæ prope Versalias attolli, ita ut ultra oppidulum Polliacum adversus Ligeris profluentem esset progrediendum, ut sufficiens haberetur declivitas, quò per aquæductum Ligeris aqua Versalias deduci posset. Nam pars summa Canalís Briatei fere est ad libellam cum receptaculo seu collo immissario in specus fastigio collocato. Verùm quæ tum factæ sunt librationes in Belsia per diversâ itineta, manifesto demonstrarunt Belsiæ solum cis Aurelianensem sylvam depressiorem esse Versaliæ solo, atque adeo aquam è Ligeri adduci nullatenus posse, nisi per aquæductum à media sylvâ per multa milliaria in sublime elatum & productum: unde ab eo consilio discessum est.

Res faciliorem habuit exitum in aliis librationibus quæ à D. D. Picard & Roëmer prope Versalias factæ sunt: nam eę feliciter processerunt: atque è vico Bievreo rivulus per montem Santaauriacum perfossus 14 hexapedas infra montis planitiem, substructo aquæductu 750 hexapedatum, deductus est Versalias usque.





SECTIO QUINTA.

De Physicis experimentis anno 1678. susceptis.

Acta hujus anni Physica à Botaniciis & Chymicis ordiemur.

CAPUT PRIMUM.

De Botaniciis & Chymicis.

I. **H**oc anno ut superioribus in plantarum descriptiones & analyses D. D. Dodard, Bourdelin, & Marchant operam suam & studium contulerunt. D. Marchant complures é regionibus longè diffitis, quæque ab Auctoribus non sunt delineatæ asportandas & excolendas curavit; tum earum quæ jam ab aliis descriptæ sunt, collegit synonyma; prima fungorum rudimenta exhibuit, qui in fimo equino, ex muco aut situ quodam in fila diducta oriuntur, primum molliora, tum duriora, eaque in globulos candidos paulatim coalescunt, quæ fungorum sunt primordia.

II. Idem mense Decembri qua ratione liliorum aurei coloris quæ cruenta appellant, bulbi renouentur, exposuit. In plures dividuntur partes, quarum singulæ caulem emittunt; anno proximo in ima parte cujusque caulis novus formatur bulbulus vulgo *un Cayen*, qui tertio post anno florem dabit; caulis supra bulbum capillitium spargit.

III. D. Bourdelin 60 plantarum analysim intra hujus anni spatium exhibuit. Inter alias illæ memoratu sunt dignæ, pulpa Colocyntidis extillata liquorem dedit, oleum & salem omnis amaritudinis expertia. Tres fere libræ 15 uncias liquoris acidi & sulphurei, duas olei acris quidem, non amari, tres salis lixivialis præbuerunt.

Ex 64 feminis cucurbitæ uncis 18 olei, 15 liquoris uncia sunt extillata, ex quibus quatuor erant sale volatili refertæ. Sic ranarum sperma nihil acidi, multum salis volatilis dedit.

Illud cujus supra meminimus plantæ genus *Nesfec* dictum, multum quoque salis volatilis tum concreti, tum liquori permisti & oleum admodum fœtidum præbuit. E foliis violæ multum salis volatilis eductum. Longum esset & supervacaneum singulas analyses plantarum persequi. Ex iis quas exempli loco attulimus & aliis quamplurimis illud suspicari licet plantas complures quæ inter frigidas numerantur, multum salis volatilis, & c. i suppeditare.

IV. Plantarum analyses quæ hætenus factæ sunt D. Dodart in summam contraxit, & in certum digessit ordinem: adeo ut jam tum temporis man-

se nimirum Aprili hujus anni 450 plantæ extillare fuerint, atque uno velut conspectu quid ex unaquaque planta aut olei, aut salis volatilis, aut fixi eductum fuerit, planum fiat. Regulas quoque proposuit quæ aliis aptari poterunt plantis, unde & generales quædam earum affectiones aut exceptiones eruentur, qui hujus laboris fructus futurus est longè uberrimus. Sapores intentiore cura in plurimis plantis expendit, qui quidem negligenter ab Actoribus sunt observati: cum tamen nihil fere sit utilius ad earum usus dignoscendos.

Qua methodo in analysi ritè peragenda utendum sit, scripto tradidit. In eo quidem præter alia multa scitu digna observat mirum illud videri fructus, ut poma & pruna, quibus vescimur, nihil fere salis volatilis aut olei per distillationem præbere: cum carbonum magna copia, perparum cinerum ex iis supersit; illud verisimillimum esse, in carbonibus multum olei fixi inesse quod ignis vi separari à terra non potest; sed tamen ventriculi calor ab aliis partibus illud secernit: nam id liquet multos homines iis fructibus vitam sustentare.

V. D. du Clos dissertationes de sale, sulphure, nitro, opio, aloë, mirtha exeunte hoc anno legere incæpit; spiritus nitri his rebus omnem pene detraxit amaritudinem: ex oleo fœtido gentianæ spiritu vini exsoluto, per aquam communem picca quædam materia præcipitata fuit. In his oleis magna salis volatilis copia inest; hinc eorum effervescentia, ubi spiritus nitri affunditur: oleum juniperi post octo minuta effebuit.

VI. D. Dodard Narcissi bifolii ex Promontorio bonæ Spei allatum bulbum aperuit, in quo flores admodum exiles & omnibus suis partibus instructi visi sunt. Sic tritici tubulum die 23. Martii duabus lineis longum exhibuit, in quo Microscopii ope jam nodi in culmo formati, spica cum granis inchoatis apparebant: Verùm ista ad Physicas observationes spectant, de quibus pauca nobis dicenda sunt.

CAPUT II.

De Physicis observationibus.

I. **T**Ractatum de sono à se elaboratum pene integrum legit D. Perrault, in quo omnes sonorum species & causas quæ in corporum collisus & instrumentis musicis occurrunt, diligenter persequitur. Hanc dissertationem inter Physica tentamina postea emisit in lucem atque in summam contraximus Tomo III. Physicæ veteris & novæ.

II. D. Dodart observationes suas circa insensibilem perspirationem, & rerum utilium in viventibus exhalationem exposuit. Inter alia memorari digna id competit, sanguinis missionem ad sex-decim usque uncias intra 5 dies sic restitutam fuisse, ut corpus pristinum pondus recuperaret. Jejunium eo peractum modo quo 12 primis Ecclesiæ sæculis, multum de corporis pondere detraxit, adeo ut octo & amplius libræ intra 40 dies imminutum fuerit: sed

intra 10 dies hoc dispendium in homine medii cujusdam habitus corporis fuit *Do*
resarcitum. *Plan-*

Mense Julio nobilis & pereruditus Germanus D. Sallitz phosphorum li-
quidum Illustriss. Abbati Colbert nunc Archiepiscopo Rothomagensi primum
ostendit, ac varia ejus phænomena nobis coram facta sunt.

IV. Cum de mellis origine orta esset disceptatio, D. du Verney
scripto sententiam suam exposuit, ac primum eorum expendit opinionem
qui putant mel esse vaporem è floribus stirpium sublatum & frigore densa-
tum, quem deinde apes jam præparatum colligunt. Hi quidem meritò negant
mel esse quoddam roris genus ex aëre delapsum: cum liquor ille qui mellis
naturam refert, quæque partibus infimis florum, ut Lilii Indici, aut Ranun-
culi guttulæ insident, parvis receptaculis contineantur; atque in eo genere lilii
quod Coronam Imperialem vocant, cujus caput terram versus deprimitur, si
extremo digiti quæ pendent guttulæ abstergæ fuerint, statim novæ succrescunt,
vel in medio die cum æstus major est, & ros omnis exhalavit. Quare mel-
litæ eæ guttulæ è succo plantarum bene cocto & percolato in quibusdam re-
ceptaculis quasi in toridem glandulis, quæ peculiaribus vasis sunt præditæ,
formari videntur & foras protrudi.

Jam enim ex observationibus clariss. Malpighii illud constat, terebinthi-
nam quæ floribus & foliis insidet, quibusdam in cellulis recondi, in quas
ii tubuli desinunt huic liquori discernendo destinati. Non dissimili modo mel-
litum liquorem, cujus natura non multum ab Terebinthina diffidet, secerni
per vasa quædam admodum verisimile est. Quod si enim mel non aliud quid-
dam esset præter rorem frigore densatum, is caloris vi diffilaretur: sed non
est ita. Orto sole apes mel colligunt, magno indicio illud quiddam est, à
rore ipso multum diffidere.

V. Et quidem manna, quod est mellis quoddam genus, ex rore non pro-
dit: sed succus est fraxino aut orno, per incisiones factas in ramis defluens:
adeo ut manna non è rore originem suam ducat, sed è plantarum succo
per tubulos huic aptatos separetur. Eadem videtur ratio liquoris illius mel-
liti de quo diximus, qui tamen non videtur mellis ab apibus præparati ma-
teria.

Hoc igitur modo mel confici videtur. E corde ipso plantarum complura
prodeunt filamenta aut stamina, quorum apices certis temporibus magnam
pulveris copiam ex variis globulis compositi suppeditant. Præcipuus staminum
usus is videtur, ut stylum in medio positum tucantur: sed & insectis plerisque
alimenta præbent quæ huic pulveri insidere cernuntur. Hunc apes colligunt,
non mel ipsum florum foliis insitum; nunquam enim his Coronæ Imperialis
receptaculis in terram depressis, sed staminum apicibus insident.

Apes verò certis vasis donantur quæ pulverem illum parant, & in mellis
naturam convertunt; sic in bombyce, erucis & araneis ductus quidam cer-
nuntur in varios anfractus fere ut intestina convoluti. Hi liquore quodam im-
plentur qui per proboscidem in mento positam protrusus in fila diducitur, &
testæ aut telæ quam hæc animalcula contextunt materiem suggerit.

CAPUT III.

De Rebus Anatomicis.

I. **H**OC quoque anno in dissectionibus animalium multa fuerunt observata speculatione digna, quæque Anatomiam & Physicam non mediocriter illustrarunt. Taceo quæ à D. Perrault de auditûs organo & perceptione soni sunt observata, quæque postea mandavit litteris.

D. du Verney partes animalium nutritioni destinatas diligentius expendit. Ac primo quidem in fele odorata, v. *Civetæ*, id advertit, interiorum ventriculi membranam non aliud ferme esse quàm continuatam glandulam innumeris foraminulis pertusam, quæ digitis pressa liquorem viscidum præbet. Sic œsophagum quamplurimis glandulis conspersum reperit, idque in aliis animantibus, imo & in avibus ipsis conspicitur.

2. Cum in avibus desint venæ lactææ, uti & ductus thoracicus, ac mesenterii glandulæ, id suspicatus est chylum è cavo intestinorum in venas mesentericas, & inde in hepar deduci. Cum enim venas mesenterii inflasset, intestina ipsa inflata sunt: adeo ut venæ mesenterii cum intestinis communicare videantur. Quin & liquores per easdem venas injecti intestina subeunt.

3. Circa sensuum organa scripto quædam tradidit non incuriosa, præsertim ea quæ ad aurium structuram spectant, quæque postea peculiari volumine juris publici fecit, hæc adeo nostram operam non desiderant, præsertim cum in Philosophia veteri & nova satis accuratè, contracto tamen stylo, fuerint explicata.

II. Eandem ob rationem quæ ad structuram oculorum pertinent, & iisdem temporibus ab eo sunt observata prætermittimus, quod in eodem opere satis fusè sint pertractata; structura imprimis illius interioris membranæ quasi tertiæ palpebræ in avibus maximè, cuius motus celerrimus à duobus musculis quorum mirabilis planè est conformatio, perficitur.

III. Circa narium structuram non pauca deprehendit, quæ in eodem opere breviter sunt perstricta. Illud imprimis, narium cava lamellis cartilagineis, aut ossis, quæ in plures alias tanquam in totidem folia diducuntur, plena reperit. Quæ lamellæ ad radices narium posite sunt angustiores; sed eadem sunt numerosiores & cum ossè cribroso omnes continuatæ; adeo ut justè sit suspicio os cribrosum ex earum lamellarum extremis coalescere, & foraminula quibus pertusum cernitur, nihil esse præter earum lamellarum intervalla.

2. Interior narium membrana omnes lamellarum anfractus & recessus tegit. Quo quidem naturæ artificio tenuissimæ illius telæ quæ est genuinum olfactus organum, superficies intra angustum planè spatium redigitur, quò halitus odoriferus qui satis est debilis, plures illius membranæ partes afficiat, & nervorum fibrillas concutiat. Reliqua loco citato videri possunt.

IV. Fibræ itidem motricis structuram exposuit, quam in sexto volumine Philof. veteris & novæ cum figuris breviter descriptam invenies. Summa est, fibræ motricem triplici parte constare, duplici tendinosa, & media quæ carnosa est, crassior & mollior. 1. Unaquæque ex aliis textur fibrillis in longum porrectis per multa filamenta membranosa unâ conjunctis. 3. Pars carnea veri elateris habet rationem, & manifestum motum. Tendo est quasi funiculus isque immobilis. 4. Fibræ ejusdem musculi inter se sunt æquales; tamen si tendo interduum altero brevior esse possit. Quælibet enim fibrilla est instar elaterii quod ad certam usque longitudinem producit: adeo ut si elater unius digiti ad unam usque lineam producatur, fibra trium pollicum ad tres lineas usque protrahatur. Unde fibræ ejusdem musculi cum æquales sint, ubi vim suam exerunt, ad certam usque quantitatem contrahuntur, & elateria quæque se mutuo juvant; sed si fibræ essent inæquales, motus non esset æqualis, aliæ enim aliis fortius traherent, & sibi mutuo essent impedimento. Unde si fibra carnea altius in tendinem desinat, minus in alterum tendinem ascendit.

Majus est in fibris robur, cum omnes in rectum disponuntur: sed ita dispositæ corpus musculi crassius, ut bases tendinum latiores efficerent, quæ in ossis corpore majorem quam par sit locum occuparent; unde plures in brachia v. gr. musculi ejus figuræ dispositi illud admodum deforme exhiberent. Quare intra angustum spatium natura plures musculos cogit, ut venustatem & figuram idoneam in membris conservaret; adeo ut fibræ aliæ aliis leniter incumbant, sic fibræ tendinæ in unum funiculum colliguntur qui parum loci in ossæ occupat.

Postremo longiores interduum musculi breviori carne & multiplici fibra sunt præditi; in aliis fibræ sunt longiores, sed numero pauciores. Musculus longus & brevis carni robustus est; sed brevis est illius motus. Musculus longior & paucarum carni imbecillis, sed magni motus. Multitudo carni vires præbet, longitudo motus magnitudinem.

Multa hujus generis quæ ad Anatomiam spectant, coram Serenissimo Franciæ Delphino & Regii Sanguinis Principibus tum exhibuit, uti & plurima Phylices experimenta quæ unâ cum D. D. Blondel & Roëmer circa inane, liquorum æquilibrium & magnetem variis in congressibus sunt pertractata.

V. Die 21. Aprilis idem D. du Verney corpus mulieris difficere cœpit, ac primum partes nutritioni servientes ostendit.

Auditus organum, majoris Cyprini & Lucii piscis sceleta; aëris vesiculis piscium conclusi cum œsophago communionem non longè à dentibus, alimenti quoque ductum in pulmonibus demonstravit. Intestinum in eo pisce est 9 aut 10 digitis longum, cui complures appendices quasi corcula 3 aut 4 digitorum tanquam totidem cœca adherescunt, neque enim ullum habent exitum.

VI. Cum die 17. Augusti de ventriculis cerebri & eorum usu sermo haberetur, D. Dodard quæ à se observata fuere diversis temporibus in duobus pueris enarravit, qui hydrocephali decesserant: hæc consideratione digna retulit. Uterque his morbis affectus erat, qui nullomodo ad caput per-

ANN. 1678. tenere videbantur, & citra ullam convulsionem ambo interierant. Duo anteriores ventriculi cum tertio unam & eandem efficiebant cavitatem, quam aqua pura & limpida trium fere librarum pondere implebat; cerebri substantia candida & compacta vix digitorum æquabar magnitudine: cerebellum integrum erat, glandula pinealis vesiculæ cuidam aqua iridem pura plenæ insidebat. Ex ea observatione id videtur colligi posse has cerebri cavitates continendis spiritibus non destinari, neque aquam is conclusam apoplexiam ipsam aut paralysem afferre, nisi alia subest causa.

VII. Exeunte anno hominis bicipitis quem in oppido S. Germani vidit, descriptionem dedit. Hic tum erat quinque & viginri annos natus. In parte sterni infima carnis excrescentia instar ganglionis, 4 aut circiter digitos crassa & sex digitis longa assurgebat, in cuius parre summa quæ am capitis rudimenta sed inversa apparebant. Frontis enim partem infimam occupabat osse firmata, quod nudatum partem cranii canini imitari videbatur. Ossis illius radices à nothis costis oriebantur, atque eo loco durissimum erat: pili ex ea parte prodibant, tanquam capilli; in suprema frontis parte duo tubercula eminebant, quæ oclusos oculos cum serie ciliorum exhibebant. Interea species quædam nasi in duas nares divisi apparebat, ex eo presso quidam humor exibat, isque limpidus supra nasum longa quedam extrabat fissura oris loco, ex qua prodibat dens longior quam par esset. Ubi nasi & oris apertura minus profunda videbatur, huic os incumbere instar maxillæ inferioris. Dentem illum excidisse ut sit in pueris aiebat, tum eum renovatum, cum osse per articulationem conjunctus videbatur.



SECTIO SEXTA.

De Mathematicis.

A Physica ad Mathesim progressi ab Astronomia capiemus initium.

CAPUT PRIMUM.

De Observationibus Astronomicis.

I. **I**nter observationes Astronomicas quæ anno 1678. factæ fuerunt, insignis illa fuit quam D. de la Hire delineavit, eclipsis nimirum Saturni interjectu corporis lunaris quæ die 27. Februarii evenit hora 7, 22, 30, post Meridiem.

Illud animadvertit D. Cassini hujus eclipsis tempore citius Lunam progredi visam quam tabulæ designent: Observationes à D. D. Cassini, de

la Hire, Roëmer peractæ inter se omnino consentiebant. Quod in Diario Eruditorum 7. Martii ejusdem anni fuit annotatum. *Astro- nom.*

II. Iisdem fere temporibus Pleiadum descriptionem exhibuit D. de la Hire, quæ ex magna stellarum multitudinem coalescunt, compluribus in unam & eandem confusis, ubi citra Telescopium conspiciuntur.

III. Macula tum temporis in Sole visa est quæ in faculam conversa est. Hujus motum & formam D. Cassini est persecutus. Aliæ postea circa 24. Maii apparuerunt numero complures: sed ex iis quatuor erant magis conspicuæ, quæ in trapezii formam erant dispositæ. Inter eas maxima quadam velut nebula cincta videbatur: sed tubo 22 pedum aliæ quoque maculæ nebula rariore circumfusæ apparuerunt, easque recens formatas suspicatus est: Situm earum annotavit. Ex theoria jam olim constituta qui futurus esset earum motus & quibus in locis unoquoque die habita ratione Eclipticæ viderentur, prædixit. Una ex iis evanuit die 25, quæ nimirum maximæ trapezii erat opposita. Ex tribus reliquis factum est triangulum æquilaterum, quod die 28 contrahi visum est, ob eam fortè rationem quod disci solaris margini essent propiores, idque ex Optices legibus. Die 29 visæ sunt ad se mutuò accedere, sed tertia ab iis recessit, quæ fuit magna irregularitas in motu hujus maculæ, nisi fortè recens genita fuerit in prioris loco. Die 30 puncta quædam obscura superfuerunt, sed majore splendore circumfusa: quod semper accidit cum maculæ desinunt.

IV. Verùm cum satellitum Jovis eclipses pene solæ, Geographiæ & tabulis hydrographicis perficiendis magnum afferant momentum, in iis observandis D. D. Cassini, Picard & Roëmer præcipuam curam & studium suum posuere. Jam anno 1676. D. Cassini in quodam Eruditorum diario admonuerat Astronomos exeunte Martio anni 1677. systema satellitum Jovis sic inversum iri, ut superiores semicirculi qui ante sexennium ad Austrum deflectebant, jam versus Boream declinent. Idque ita evenit in primo, tertio & quarto satellite, non item in secundo, qui eodem in situ permansit, ut in ejus eclipsibus observatum fuit à D. D. Cassino & Roëmer: adeo ut hoc anno hujus satellitis latitudo contraria esset aliorum latitudini, quod 12 abhinc annis contigerat. Hæc observatio aliam anni 1674 comprobavit, quæ cum esset singularis & dubia, suspecta tum haberi potuisset.

V. Illud quoque D. Cassini primùm in tertio satellite, deinde in quarto unà cum D. Roëmer, ac tandem in primo deprehendit, quod in ipso transitu ea in parte disci Jovis, ubi satellites esse constabat, maculæ quædam subobscuræ apparerent, quæ in ipsis erant satellitibus, idque ab anno 1665. non fuerat observatum.

Ex quo illud efficitur quasdam in satellitibus partes esse quæ Solis lumen non regerunt, adeo ut majores ii sint quàm videantur. Quod ex umbra quarti satellitis est confirmatum; hæc enim aliquando satellite ipso major visa est. Cum autem ejusmodi maculæ non semper sub aspectum veniant, & interdum satellites eodem in situ cum Jove & Sole constituti, ejusdem magnitudinis non semper appareant, hinc concludi posse censet D. Cassinus eos circa suum axem verti, ac fortè quasdam iis mutationes Phy-

AN. 1578. *sicas accidere, quæ in causâ sunt cur eæ maculæ interdum sui copiam faciant, interdum evanescent, ut in Jove ipso accidit. Quin etiam suspicari licet quandam Atmosphæram primo satelliti circumfusam esse, quod ejus umbram in Jove aliquando intueri non potuerit, ubi discum Jovis pertransibat, tametsi satellitis viam ex illius macula dignosceret, quæ eo ipso tempore è Jove exibat quo satelles.*

VI. Jovis fasciæ post magnas mutationes ad pristinam formam redierunt, ac præcipua illius macula ex qua D. Cassini revolutionem Jovis circa suum axem intra 9 horas & 56 minuta definierat, quæque annis posterioribus evanuerat, per plures menses anni 1577. se videndam præbuit, eaque post centum numerum revolutionum, quas ad calculum revocavit, periodum suam absolvit.

VII. D. Roëmer sententiam suam de luminis mora multis rationibus confirmavit. His tamen non omnino assentiri visus est D. Cassini. Unde problema illud pulcherrimum hinc inde est agitarum, nec tamen aliam iniri viam certiorē posse, qua tempus propagationis luminis habeatur, inter omnes pene convenit.

VIII. Die tertio & quarto Maii cum Luna esset prope supremam ex tribus stellis quæ frontem Scorpionis delineant, D. Cassini observavit eam stellam duplicem esse, uti & primam Arietis, & caput illius ex Geminis qui alterum antecedit, uti & alias quasdam; una ex eis alterius est dupla & splendidior altera.

IX. Die 20 Julii D. Cassini planisphærium exhibuit in quo stellæ omnes visibiles in nostro climate describuntur, quæque per globum cælestem fieri solent operationes, longè compendiosiori methodo in eo perficiuntur. Stellæ quoque recens detectæ huic planisphærio sunt insculptæ. Regi Christianissimo & Serenissimo Franciæ Delphino postea id obtulit, qui iusserunt ut sibi duo ex argento pararentur. Eo quoque anno institutiones Astronomicas, seu compendium Astronomiæ elucubravit, quo omnia quæ in cælo sunt per telescopium deprehensa, continentur.

X. D. Roëmer in eunte Aprili machinam exhibuit à se inventam, in qua Saturnus cum annulo suo & ejus Satellitum configurationes cernuntur, eaque omnia per rotas dentatas, uno eodemque motu efficiuntur. Anno superiori aliam machinam confectam curaverat, in qua Jovis Satellites & eorum configurationes conspiciuntur. Quin & eo ipso tempore aliam delineavit machinam admodum simplicem, quæque instar perpetuarum Ephemeridum esse potest, ut quovis momento locus & motus cujusque planetæ inveniantur, nodi quoque, excentricitates, stationes & retrogradationes. Præcipuum hujus machinæ artificium in conica rotarum figura consistit, qua efficitur ut motus æquabilis & sui similis videri possit admodum inæqualis, uti omnibus coram ostendit.

XI. Cum illud in observationibus Astronomicis perutile judicaret D. de la Hire, ut via expedita iis delineandis quæ in cælo per telescopium conspiciuntur, reperiretur, quod is corporis habitus in quo invenitur per tubum opticum, rebus ipsis delineandis minimè sit accommodatus; sæpius enim is mutandus est, caput sursum deorsumve movendum, adeo

ut

ut rerum objectarum imagines faciliè obliterentur, ac magno temporis dis- *Geom.*
pendio rudes & imperfectæ rerum imagines adumbrentur. Quare huic in- *&*
commodo mederi voluit ope speculi metallici & plani, quod inter ocu- *Mech.*
lum & vitrum oculare positum sic aptavit, ut angulum 45 graduum cum
axe tubi efficeret. Sic enim erecto corpore & capite res objectæ in situ
naturali apparent, & facilius delineantur. Quod si ambo oculi sic aperian-
tur, ut uno pictura ipsa lineis expressa, altero res objecta telescopio vi-
deatur, partes quæque rei objectæ vitri ocularis centro proximæ in linea-
rem descriptionem faciliè transmittentur, expressa illius imago habebitur,
non confusa & malè delineata.

CAPUT II.

De his quæ ad Geometriam, Mechanicam & Opticam spectant.

I. QUæ hoc anno circa Geometriam, Machinaticam & Perspectivam
acta sunt plurima, uno & eodem capite complectimur, quod ea ma-
jori ex parte typis mandata fuerint variis in operibus postea editis. Ac pri-
mum anno superiori exeunte, atque in hujus anni decursu D. Blondel Tra-
ctatum latè fufum de quibusdam Geometricis proportionibus, quas Veteres
dixere medietates, legit in Academia. D. de la Hire quamplurimas sectionum
conicarum affectiones demonstravit, & alia bene multa quæ recens inve-
nerat circa focos conicarum sectionum proposuit suis demonstrationibus mu-
nita. Elementorum quoque conicorum lectionem inchoavit. D. Hugenius de
inveniendis planis Apollonii locis, & de iis omnibus, ubi quæsitæ puncti lo-
cus est circuli circumferentia, demonstrationem in commentariis exscriben-
dam dedit.

Mense Maio D. Picard demonstrationem suam citra Libellam proposuit,
quæ postea cum aliis ad eandem rem pertinentibus edita fuit.

II. Ocasione autem machinæ à D. le Douceur excogitatæ, cujus su-
pra meminimus, quædam problemata Mechanica fuerunt propofita, quorum
olutio utilis esse potest, quæque à D. Roëmer variis Theorematis sunt
illustrata. Horum titulus fuit, *Reflexiones quædam circa motum machinæ inci-*
sata à pondere animalium ascendentiæ, ad examinandam quæstionem mecha-
nica an talium ascensus ad movenda pondera preferendus sit trahenti.

III. Aliud scriptum in eandem rem elucubravimus, cui hic titulus præ-
figitur, *Explicatio & usus regula universalis pro calculo compendiofo ma-*
chinarum aquas in altum evahentium per motum equorum. Tum aliam
dissertationem de plano inclinato elaboravit, cui titulus est, *Modus expli-*
candi proprietates plani inclinati per motum circularem radii rigidi circa
centrum fixum.

IV. De aquarum mole aut quantitate per tubulos aptatos erumpentium
penes fontium aut castellorum altitudinem & tubulorum latitudinem disset-
tationem tunc temporis elaboravit D. Mariotte, quæ postea publici juris
facta est, in qua calculum inquit aquæ sursum salientis. Pedem cubicum aquæ

ANN. 70 librarum statuit; tum experientia id compertum docet, ex receptacu-
 1678. lo aut fonte 12 pedes alto & tubuli 3 linearum orificio, per quod aqua
 ... sursum effertur, pollicem seu 12 lineas aquæ intra unum fere minutum,
 seu 14 aquæ pintas effluere, quod fundamenti loco esse potest aliis aquæ
 expensis dimetiendis.

2. Cum æqua est altitudo fontis & inæquales tubuli, tum aqua pro ra-
 tione diametri tubulorum erumpit, sumptis diametrorum quadratis. Quod
 si altitudine data receptaculi aut fontis 12 pedum, ex quo aqua defluit,
 scire velim quantum aquæ tubulus 5 linearum intra unum horæ minutum
 expendat, per regulam auream ita procedam. Si 9, quadratum nempe trium
 linearum, suppedient 14 pintas Parisienses, quod 25 nempe quadratum
 5 linearum daturum est: tumque $38\frac{2}{3}$ prodibunt, sicque tabula in eam rem
 pertexti facile potest. Nam pinta (ita enim loquendum est,) dat $\frac{1}{2}$ lineæ, 6
 pintæ & $\frac{1}{2}$ duas lineas, 14 dant 3 lineas: cum numerus multum excrevit,
 dividendus est per 14, ut 116 exigunt tubum 9 linearum.

3. Ubi altitudo in castellis aut receptaculis 12 pedibus minor est, tum
 major altitudo plus aquæ præbet in ratione subduplicata altitudinum; adeo
 ut minor eam habeat rationem ad mediam proportionalem quæ est mediæ
 ad maximam. Sit ex. gr. minima superficiæ aquæ altitudo 3 pedum, me-
 diæ numerus inter 3 & 12 est Senarius. Quare ut 6 sunt ad 3, ita 14 pin-
 tæ erunt ad 7, adeo ut tantum aquæ, nimirum semipollicis intra unum
 minutum exeat ex trium pedum altitudine. Unde & altera tabella confi-
 ciatur in qua quantitas aquæ juxta diversas altitudines per tubulum 3 li-
 nearum erumpentis cognoscetur.

4. Obstat quidem ær quominus aqua ad eandem cum fonte aut Castello
 altitudinem ascendat, & eo magis, quo plus æris pervadit aqua. Hæc ve-
 rò regula huic imminutioni cognoscendæ & incundo calculo statui potest.
 Imminutio crescit in ratione duplicata altitudinum, hoc est, ut quadrata
 altitudinum. Ex. gr. sit aquæ exilientis prior jactus 5 pedum, eaque delapsa
 fuerit ex 5 pedum & unius digiti altitudine: Si aquæ jactus sit 10 pedum
 fontem suum altiorem 4 digitis habiturus est. Nam ut 5 ad 10, sic 1 ad 2.
 Quadratum verò 2 est 4. Res ita se habet, dummodo tubi sufficientem ha-
 beant latitudinem.

V. Tabulam quoque dignoscendis jactuum differentiis pertextuit: sed af-
 frictus aquæ ad tubulorum latera, & magna æris resistentia hanc propor-
 tionem nonnihil imminuunt, cum altitudines sunt majores. Quare ubi ma-
 gna est altitudo jactus, tubulorum per quos erumpit aqua, amplitudo sit
 10 aut 12 linearum, secus enim minor erit altitudo jactus quam par sit. Quæ
 subjicit reliqua, de idonea tubulorum figura & latitudine, apud Auctorem le-
 gi possunt. Hæc paulo uberius à nobis sunt exposita in gratiam exteriorum
 quibus lingua Gallica non satis est cognita.

VI. Excunte anno D. Hugens qua ratione naves dum impingunt, ab
 imminente ruina & diffractione tutiores sint, proposuit. Navis enim in la-
 tentem scopulum aut arenosum locum illisa sæpe perfringitur, quod ubi
 terram attingit, aut arenosum tumulum, fluctibus continenter agitur, qui-
 bus subinde attollitur, mox deprimitur, ac tandem trabs illa infima aut

stereobates v. la *Quille* cui tanquam spinæ dorsî carina connexa est, tanta vi illiditur, ut aquæ subeunti aditum præbeat. Itaque hæc labes ex vasti illius corporis impetu qui repente sistitur, omnino prodit, adeo ut si impetus ille emolliri posset, utique ruina caveretur.


Illud porrò hac ratione fieri posse existimabat vir clariss. si duæ traves ejusdem fere cum illo inferiori principis mali pluteo latitudinis, & non-nihil inflexæ subderentur, ita ut una versùs proram, altera versùs puppinî posita tertiam principis trabis partem unaquæque occuparet, parte sui extrema cum ea colligatæ, tribus aut quatuor pedibus præ curvatura ab eadem semotæ. Sic enim dispositæ elateris vicem obeuntes in terram impactæ vim ictûs inflexæ molliùs exciperent, & quantum satis esset ruinæ ipsi impediendæ: tum enim illius navis majore sui parte ab aqua sustinetur: una cum fluctibus demersa non tanto impetu deprimitur ac si omni sustentaculo esset destituta. Quod si vi ponderis elater eam vim patiatur qua principi trabi admoveatur, ejus tamen beneficio vis ictûs multum infringitur, nec traves illæ quasi assutæ navi, hujus velocitatem retardare possunt, cum in aqua nullius sint pondetis.

Illud quidem non inficiabatur fieri interdum posse ut traves illæ tribus aut quatuor pedibus ab ea quæ est instar imi suggestûs, aut basis remotæ, prius attingant terram aut arenosum tumulum, ac fieri possit ut navis quæ alioqui non impegisset, præ illis assutis tignis illidatur. Vetum si illud ibi contingat, ubi navis alio defecti possit, contactus ipse ut caveatur admonebit; si vitari nequeat illisus, parvi refert an traves illæ navis allisionem prævertant: in antiquis & pene exoletis navibus periculum fieri potest sine magno dispendio; quod si in iis procedat, securè in melioribus & robustioribus hoc uti præsidio licebit.

VII. D. Perrault iisdem temporibus qua ratione rodentes religandis navigiis destinati fieri possint non adeo crassi & majori compendio exposuit, ac lineari descriptione oculis ipsis subjecit typum hujus machinæ parandum qui in Observatorio allervatur; eaque forsitan magno usui esse posset.

VIII. Nonnulla quoque hoc anno Catoptrices Theoremata fuerunt demonstrata; illud imprimis à D. Picard fuit propositum quod rei objectæ inter duo specula ad se mutuo inclinata positæ multiplicatas imagines explicat. Varias quoque reflexiones quæ in duobus speculis planis ad angulos acutos mutuo inclinatis vel etiam parallelis contingunt, exposuit D. Mariotte. Eodem anno D. Hugen dissertationem de refractionibus variis in congressionibus legit, quam postea in tractatu de lumine publici juris fecit.





SECTIO SEPTIMA.

De Actis anni 1679.

A Facilioribus ordiamur : cujusmodi sunt res Physicæ , & Chymicæ.

CAPUT PRIMUM.

De Chymicis & Physicis experimentis anno 1679. factis.

I. **Q**Uæ in hujus anni decursu acta fuerint circa plantarum historiam, & Chymicam mixtorum resolutionem brevi compendio complectemur. Et quidem complures plantas exhibuit & descripsit D. Marchant filius : nam pater superiori anno diem suum obierat. Vir erat in re herbaria valde subactus, cujus opera per multos annos usus fuerat Serenissimus Princeps Gasto Borbonius Ludovici XII. felicitis memoriz Frater Unicus, qui magno hujus pulcherrimæ scientiæ studio tenebatur. Illius jussu varias Europæ regiones peragraverat, ut exoticas plantas indagaret, quas secum asportavit & coluit.

II. Cum mensè Julio D. Perrault fructum indicum *Coco* dictum integrum & recentem exhibuisset, aux ipsa scissâ & à D. Robert peritissimo sculptore delineata, semilibra aquæ limpide & subdulcis in pulpa contenta heliotropii succum rubeo colore tinxit : 4 unciz hujus aquæ sunt exstillatæ, nonnihil acidi extractum, subdulce & quasi saccharo conditum in imo vasis subdidit. Tum pulpæ analysi facta est, liquor subcidus prodiit ; hic enim heliotropii succum excepta prima portione in rubeum colorem mutavit : quatuor drachmæ cum semisse olei & sesquidrachma salis prodierunt.

III. Lumbrici terræ sæpius aqua lori multum terræ in aqua ipsa reliquerunt, adeo ut 11 libræ ad 7 redactæ fuerint ; multum salis volatilis in liquoribus exstillatis, plurimum concreti, ad 4 drachmas cum semisse, sex itidem olei uncias præbuerunt.

Ac ne recrementum quidem animantium visa sunt indigna quæ analysi Chymicæ subicerentur. Id universim statui potest, animalia quæ carne vescuntur ea excernere quæ multum olei & salis volatilis, parùm acidi in se continent. Contra evenit in jumentis & pecoribus quæ herbis aluntur, ut in equis & bobus : nam multum acidi, parum sulphurei liquoris & salis volatilis suppeditant. In stercore tamen ovili major est copia olei & salis volatilis.

sed acidi quoque liquoris inest plurimum. Fimus columbinus ex acido & sulphureo permixtus plurimum salis volatilis dedit, tres nimirum hujus salis drachmas & duas olei uncias quinque libræ præbuerunt. In fimo Gallinaceo major est utriusque salis volatilis & olei copia. 3. Salis volatilis drachmæ, tres olei uncie, salis fixi semi uncia.

IV. Ex his & aliis plurimis operationibus, quæ sint odorum, saporum & colorum sedes investigare conatus est D. du Clos Chymicorum principiis insistent. Ac primum quæ ex plantis ignis vi & sub finem stillant olea, sale volatili & sulphureo sceta ingraturum odorem spirant. Hunc scetorem spiritus nitri & salis tartari ope amittunt. Nam spiritus salispetræ dum vim suam exerit in nitrosos & sulphureos sales olei, terrestrem materiam instar picis solidæ præcipitat, & quidquid in oleo ierat terræ id separat, ac foetidum odorem salis volatili detrahit. Neque enim hæc feriunt odoratum, ubi sulphure suo exuuntur. Quæ olea sub initium leni calore eliciuntur, minus habent terrenæ fecis, & nativum mixti ipsius odorem retinent: sed quæ magna vi ignis extrahuntur, empyreuma, & quasi quoddam ignis vestigium contrahunt, quod ex terreno sulphure ab igne vehementi sursum sublato proficiscitur.

Sapores quidem à salibus duci notum est: nam qui linguæ humore non dissolvuntur sales, omnis sunt expertes saporis, ut videre est in quibusdam nitrosis corporibus quorum sales cum terrenis partibus arctè cohærent, ut in Cancrorum lapillis, coralliis, & margaritis quæ cum acidis liquoribus tumultuantur & effervescent.

Sed in ea tamen erat opinione vir laudatus ut saporem dulcem, imo & amarum ex aliquo sulphure otrii existimaret. Idque experimentis quibusdam in aloë, colocyntide & opio factis confirmabat.

V. Colocyntidis tincturæ spiritum nitri affudit D. du Clos, ebullitione facta, filtro eam trajecit; sale tartari adjecit, ex quo, & spiritu nitri salpetræ coaluit: Colocyntidis odorem & saporem spiritus nitri & sal tartari deleverunt.

Jam ante aliquot menses spiritum nitri pene omnem amaritudinem aloë, opio, mirrhæ adinære monuerat. Hic oleo foetido gentianæ affusus multum effebuit, quod oleum illud sale volatili abundet, picea materia præceps decidit, spiritu vini ea fuit dissoluta, solutionem præcipitem egit aqua communis. Id ipsum in oleo ligni Salsaptræ & Juniperi iteratum.

VI. Multa quoque hoc anno occasione data fuerunt agitata quæ sunt Physicæ contemplationis, quæque magna ex parte postea sunt typis mandata. Hujus generis ea fuerunt quæ D. Mariotte circa Irim, cujus phænomena nondum satis erant explicata, accuratius demonstravit. Idem tractatum de vegetatione plantarum antea elaboratum & alterum de aëris natura in lucem protulit; scriptum quoque legit de vitreis lachrymis quod postea publici juris factum est. Illius sententia in Physica generali nostra p. 162 quartæ editionis compendiose expressa est.

Hoc idem argumentum variis experimentis dilucide & accurate illustratum, in Actis Academiæ anni 1692 pertractavit D. Homberg: quare in eo diutius hætere nihil necesse est.

ANN. 1678. VII. Eandem ob rationem de Phosphori tum siccī, tum liquidi præparatione, quam nobilis Germanus D. Schirnou, tum temporis Academiæ communicavit, hoc loco nihil subiciam: cum D. Homborg in prædictis actis veram liquidi phosphori parandi rationem aperuerit, & varia illius phenomena dilucide exposuerit.

VIII. Nec minus stupenda sunt quæ novi Microscopii ope tum temporis observari cœperunt, primum à D. Levvenhok in Batavia, tum etiam aliis in locis & in Academia ipsa. Quæ incunte mense Maio ad D. Hugen scripsi è Batavia D. Levvenhok vix fidem impetrarent, nisi aliis postea observationibus fuissent comprobata. In lacte seu spermate Morhuæ vulgo *Mourne* incredibilem insectorum multitudinem conspexit, adeo ut pars exigua, quantum est arenulæ granum, innumerabilia pene contineret animalcula. In vasis deferentibus galli gallinacei non minorem insectorum quæ anguillas referebant, multitudinem deprehendit. Tum Microscopium usum magis expeditum excogitavit D. Hugen.

Pulverem qui multis insectis floribus, conspiciendum exhibuit D. Picard; Qui majoris heliotropii flori adhærescit, è globulis constat, hi radios ex se fundunt; in trifolio acetoso granula itidem globosa cernuntur in sui medio quasi perforata. Qui in Papilionum alis insectis pulvisculus, è granis constat radiosis tricuspidum forma. Extima palæ membranula radiis in modum cochleæ dispositis distincta apparet. Interior calami scriptorii medulla instar reticuli cernitur. Qui floribus ortum insectis pulvis, pepones apte formatos exprimit.

IX. D. Hugen nonnulla circa aëris condensationem proposuit, eumque supra fidem cogi posse demonstravit.

Inter alia naturæ opera minus vulgata D. Bocone è Sicilia misit ad D. Perrault duo talci opaci genera, quorum unum plumbo non est dissimile; duplex quoque crystalli opacæ genus; una 12 superficies planas & triangulares, altera octo continet; Corallium itidem album & articulatam. Maxillas quoque illius piscis qui Carcaria vocatur exhibuit D. Perrault, quarum structura est omnino singularis. Hæc in regii horti aula scelestis animalium quæ dissecantur in Academia conservandis sunt reposita.

X. Nonnulla quoque ex ea Physices parte quæ ad medendi artem est accommodata, ut se se obtulit occasio, interdum sunt proposita. Vir Clariss. cujus antea mentionem fecimus, D. Joly Divionensis, quædam cum Academia communicavit, quæ sunt ejusmodi ut experientia comprobari facile possint. Illud imprimis, strumas in Burgundiæ & Campaniæ sinibus sanari solitas, cum illis quoddam glutinis genus applicatur quod constat ex puriori farina lento igni cocta, cui acetum optimum affunditur. Duo manipuli farinæ una cum acceti pinta ejus regionis quæ nostra major est, permiscuntur. Linteam novum nec dum lixivium expertum hoc glutine illitum parti affictæ adhibendum.

2. Folia lappæ aut personatæ v. *Bardane* in Sole exsiccata & in pulvere comminuta alexipharmaci loco contra venena utiliter adhiberi testatur est. Dosis est unius drachmæ pondus in vino.

3. Aqua mineralis per *Æolipilam*, seu potius *Æolopilam* erumpens ei-

dem usui adhiberi potest, cui thermæ solent, cum corpus perfundunt v. *la Physique*
Douches. Addebat fontem ignis salientem parari facile posse: si aqua ar- *ca.*
 dente Æolipila repleatur.

XI. Ne illud quidem prætereundum putem, quod eo ipso die D. du Clos ancillam quandam quæ in Bibliothecæ regię ædibus manebat, & spūto sanguinis laborabat, cutatam à se testatus est, cum grano opii & mali punicī seu granatorum, syrupo.

D. Dodard tum opus suum aggressus est de regimine sanorum & ægrorum, cujus priorem partem legit in aliquot congressibus. Initium ducit ab iis magnis mutationibus quæ ab initio mundi conditi ad hæc usque tempora contigerunt in ciborum usu. Pars altera ea complectitur quæ ad usum vitæ adhiberi possunt, tum alimentorum, tum exercitationum corporis habita ratione. Quo autem hic labor fructuosior esset, multa citca insensibilem perspirationem experimenta iteravit, quæ cum prioribus jam ab aliquot annis incœptis consentiunt.

Die 15 Novembris D. Hugen Phosphorum liquidum à D. Leibnits ad se missum exhibuit. D. Dodart fungos è quercus trunco erutos & in virgam diductos ostendit.

XII. Ista quidem sunt Physicæ contemplationis, quo etiam multa spectant quæ occasione data sunt proposita. Ex iis nonnulla lucem aliquam huic scientiæ afferunt, alia non omnis utilitatis sunt expertia; illa Cancellarius Angliæ Franciscus Baco Lucrifera, hæc Lucifera appellat. Posterioris generis illud fuit à D. Borello propositum liquoris semper fumum emittentis præparatio. Ex duabus stanni, sex sublimati partibus, & una hydrogyri cum parabat. Huic non dissimilis est saturni seu plumbi spiritus ardentis præparatio.

XIII. Circa calorem quædam sunt observata, illud imprimis à D. Perrault, plumbum misto xylino v. *Basin* mensæ imposito liquatum affundi; nec subjectum xylinum comburi, quod plumbi fumi in lino coacti per filorum intervalla dissipentur: sic cochleari argenteo tela obducto ardens pruna parte convexa imposita, foliis perflata telam non comburit, quod in puncto duntaxat cochleare tangat accensus carbo, ubi aëre non subeunte extinguatur.

XIV. Vir industrius D. Villette Lugdunensis, speculum metallicum exhibuit cujus diameter est trium pedum & 7 pollicum. Die 6 Aprilis radiis solaribus expositum fuit in horto Bibliothecæ Regiæ ac multa facta sunt experimenta. 1. Cupellæ ex ossibus equinis conflatæ frustulum intra 15 secunda fuit calcinatum. 2. Chalybis itidem segmentum intra idem temporis spatium inflammatum, innumeras scintillas vibrabat. Ferrum citissime fustum est, sed non scintillavit. Fors est ut sal volatilis qui Chalybis compositionem ingreditur hanc fulminationem efficiat. Ita videbatur D. du Clos: sed D. Perrault hujus discriminis causam in vitrum quo abundat ferrum, non item chalybs, illud referebat.

3. Crystallo rupæ frustulum fundi non potuit, uti nec corallium quod calcinatum fuit, non fustum, id colorem album induit & saporem lixiviale. D. Trocus in rebus Chymicis expertissimus frustulum vitri tinctura

ANN. auri, ut aiebat, imbutum exposuit. Guttula ex eo instar rubini decidit. Cry-
 1679. talli quoque rupæ frustulum cum sale al kali, & Lunæ tinctura fufum, in
 foco speculi collocavit, colore itidem cæruleo tinctum apparuit. Eo quidem
 colore jam imbutum erat, sed multo obscuriori.

XV. Exeunte Augusto D. Joly Doct̃or Medicus misit ad me terram è
 balneis oppidi *de Vichy* erasam quæ Crytallum mineralem forma & sapo-
 re ipso referebat. Sed ea sublimati solutionem rubeo colore tingeat, adeo
 ut sal ille inter sulphureos sit habendus, nec Crytalli mineralis viribus do-
 netur, ut ipse conjiciebat.

XVI. Tractatum suum de coloribus legit D. Mariotte, quem postea in pu-
 blicum emisit. Decumanos quoque fructus qui in Garumna aut potius in
 Dorœona assurgunt & in naves magno impetu impingunt, v. *le Mascaret*
 exposuit. Multa etiam circa Iridis colores una cum D. de la Hire observavit.
 Ambo id experientia comprobarunt lumen quod phialam aqua frigida ple-
 nam pervadit, colorem rubeum efficere ubi ad angulum 40 grad. & 20. min.
 incidit: sed in aqua calida angulus est 44 graduum.

D. Hugen tractatum suum de magnete in variis congressibus legit. No-
 vam hic theoriam complectitur, atque ejus lapidis proprietates multas ex-
 plicat. Varia in eam rem experimenta exhibuit. Usus est magnete optimo
 qui erat penes D. Carcavi. Debilioris magnetis polos contactu suo commu-
 tavit; atque ubi partem hujus mediam contigit, novos in eo Polos excitavit.
 Regula cenea ad æquilibrium suspensa fortiori magneti admota acum pixidis
 nauticæ ad se convertebat, quod in regula cuprea aut argentea non evenit.
 Fors est ut in ære nonnihil ferri inesset. Hic magnes armatus ferrum 28 li-
 brarum sursum tollit. Tractatus ille in Commentarios Academiæ relatus est,
 atque id è re litteraria fuisset, ut vir Clariss. ultimam ei manum imponere &
 publici juris eum facere dignatus esset: sed cum hæc scribimus, eum morte
 sublatus accepimus.

XVII. Cum de cæmenti sermo haberetur, D. Perrault cæmenti duri, &
 præparationem docuit, ex vitri confusi, salis marini, ferri limaturæ æ.
 partibus unâ commistis & fermentatis. Succum ex allio instar glutinis vi-
 aut testæ Sinenfis, seu Porcelanæ partes conjungere aiebat.

Testæ fragmenta bene colligata & in lacte ebulliente diutius posita pristi-
 nam formam recuperasse expertum se aiebat D. Blondel. Idem addebat
 testas vulgares & plumbatas v. *de la Fayance* aquæ ebullienti per horæ
 spatium impositas ignis vim postea ferre: quod nuper à D. Tournefort
 nunc Academiæ socio mihi fuit confirmatum: tum enim rimulæ admodum
 exiles apparent, per quas ignita corpuscula liberum habent exitum, neque
 adeo testam ipsam confringunt. Ista quidem licet fortassis leviora videantur,
 lucem tamen aliquam Philosophiæ naturali asferre possunt.



CAPUT II.

De Rebus Anatomicis.

I. **E**Xeunte hoc anno D. de la Hire piscium aliquot icones à se delineatas qui à D. du Verney in Armorica fuerant dissecti, coram exhibuit. Præter alia bene multa quæ D. du Verney circa partium conformationem annotavit, in auditus organum præcipue animum intendit, quod hætenus pene fuerit incognitum: adeo ut plerique Anatomici in iis nullum esse existimaverint. Illud revera vix reperitur, quod exterius auris foramen adeo sit angustum in plerisque piscibus, ut aciculæ caput vix admittat: hoc quidquid est foraminis, ad ossos circellos ducit qui inter se communicant, atque in eos nervus auditorius fere ut in avibus distribuitur.

II. Tractatus de Mechanica animalium à D. Perrault elaboratus hoc anno lectus est in Academia, deinde in publicum emissus.

Quorundam etiam animalium quæ Versaliis sunt asportata, dissectio facta est à D. du Verney, ut Pantheræ, & avis vulgo dictæ *la Palette*.

Panthera in locis Africæ unde allata fuerat, ita nuncupatur: ut Tigris, & Leopardus variis maculis distincta est, ita ut difficile sit has feras genere ipso disjungere. Nam forma exteriore, corporis habitu, imò & viscerum conformatione penè inter se conveniunt, & magnam cum felibus pardis videntur habere cognationem.

Panthera tamen, de quâ nunc agimus, Tigre qui ante dissectus fuit, longe minor erat. Hic quatuor pedes à rostro ad caudæ initium longus erat, cum Panthera duos tantum pedes in longitudinem haberet, illius auriculæ multò erant breviores, ut in Lezæna paulò ante incisâ. Uno verbo ex maculis toto corpore sparsis Leopardo Oppiani omnino consimilis ysa est. Tametsi adeo variant Auctores in descriptionibus suis, ut nihil certi statui possit circa horum animalium differentias: unde & ea quæ vulgus tribuit nomina retinere satius fuerit.

Illud præter cætera in quatuor quæ incisâ sunt Tigrium vocabulo donatis, observatum fuit, musculos pectorales valdè amplos esse, atque ad medium usque abdominis porrigi, fere ut in avibus, & eandem plane ob causam, quod nimirum anteriores pedes majore robore indigeant. Sic Epiploon, ut in fetis omnibus quæ saltu plurimo utuntur, amplum erat & firmum. Reliqua in descriptionibus horum animalium intueri licebit. Ista enim strictim attingimus.

Eodem anno avis quædam Latine platæa, vulgo *Palette* ob rostri figuram in extremo latiore dictâ, incisâ fuit & descripta. Tres aliæ ejusdem generis fuerunt variis temporibus dissectæ, quarum historia suo loco reddetur.


III. D. D. Picard & Richer itineraria hoc anno typis mandata sunt,

A a

AN N. uti Philosophia vetus ac nova in sex volumina distributa iterum prodit in
1679. lucem, quæ experimenta bene multa in Academia & aliis in locis facta
complectitur.

IV. Illud nobis penè exciderat quædam circa æstum maris reciprocum à
D. D. Picard & de la Hire fuisse observata mense Septembri in portu Bri-
vatenſi v. de Brest. Interdum maris æstus visus est antevertere verum Lunæ
motum, qui tum medio motu tardior erat, interim Lunæ verus motus præ-
vertebat, & tardius æstus recurrebat.

Cum autem difficillimum esset tempus maximi æstus definire, ex maxima
aut minima ejus altitudine, quod per semihoram fere in eodem statu per-
maneat, illud ex duplici observatione tribus ante & post horis, aut circiter
factis haberi posse judicavit D. de la Hire, cum aqua eandem notam
attingit in palo aut alio in loco designatam, primum ascendendo, tum des-
cendendo, hoc temporis intervallo in duas partes æquales diviso: vix enim
unius minuti error potuit irrepere.



SECTIO OCTAVA.

De Actis anno 1680.

Hic annus novis inventis abundavit, & iis maximè quæ ex rerum
cælestium observationibus ducuntur, ab iis itaque capiamus exordium.

CAPUT PRIMUM.

De Observationibus Astronomicis.

I. **N**unquam antea major in Geographia Astronomiæ usus quàm hoc
ipſo anno apparuit, qui ad hydrographiam quoque pertinet. Ex
quo enim Jupiter à solaribus radiis liber & solutus fuit, nimirum jam à
mense Junio anni superioris, satellitum eclipses magna cura sunt obser-
vatæ.

Insignis fuit ex interposito Lunæ eclipsis Jovis, quæ die 5. Junii an-
ni 1679. contigit. Luna Jovem & ejus satellites sic obduxit, ut nihil in
eorum figura mutatum fuerit, atque adeo nulla videtur esse sensibilibus At-
mosphæra Lunæ circumfusa. Tum variæ satellitum eclipses à D. Cassi-
no observatæ & collatæ fuerunt cum iis ipsis quas D. D. Picard & de la
Hire, qui tum temporis in partibus Galliæ Occidentilibus versabantur,
non minori cura fecerunt, ut ex iis longitudinum differentiæ eruenterent.
Ac primi satellitis futuras immersiones ad oppositionem usque Jovis & So-
lis ad eos misit Borani v. Bayanne, sub initium mensis Septembris: post
varias utrobique eorum immersionum factas quàm diligentissimè observa-

tiones, qua ratione locorum longitudes multò accuratiores quàm hæcenus unquam, in tabulis Geographicis designentur, scripto exposuit.

II. Ac primum per eclipses Lunæ vix eas nos consequi posse admonet, quod ex rarò contingant, atque Astronomi fere nusquam occurrunt, qui eas, ut par est, observent. Præterquam difficillimum est umbram totalem à partiali secernere, adeo ut Astronomi sæpius hæterere cogantur, & dubitare quandonam incipiat aut desinat Lunæ Eclipsis.

III. Quare Satellitum Jovis eclipses adhibere necesse fuit quæ & frequentes sunt, & vix quarta parte unius minuti in errorem inducunt: sed tempus ante cognoscendum erat, ut ad certam observationem parati essent Astronomi, nec tabulæ ante hac in eam rem elaboratæ satellitum configurationes aut tempus ipsum satis indicabant. De his igitur elaborandis olim seriò cogitavit, easque ex propriis observationibus cum iis quæ à Galilæo factæ fuerant collatis pertexit.

IV. Jam à 12 annis hæ tabulæ fuerant publicatæ, anno videlicet 1668, cum in Galliam à Rege Christianissimo accitus fuit. Ex eo tempore Jupiter integram confecit in Zodiaco periodum, atque in singulis orbitæ Jovis partibus tabulæ sunt cum observationibus comparatæ, ut eidem usui forent, quo tabulæ Solis & Lunæ in definiendis eclipsion temporibus.

V. Cum experientia ipsa tabularum descriptio firmata esset & comprobata, nonnulli ex Academia in his rebus magis exercitati, longiora itinera susceperunt, ut Meridianorum differentias constituerent. Sic Vraniburgum in Dania, in Insulas Americanas & in diversos Galliarum portus itum est.

Superiore anno in Armorica, hoc autem anno apud Cantabros observationes cum iis quæ iisdem temporibus in Regio Observatorio factæ sunt collatæ, summam suscepti hujus laboris utilitatem demonstrant. Nam Meridianorum differentia hac methodo & ratione inventæ ab iis quæ in tabulis Geographicis vel accuratioribus & recentioribus gradu uno & 15 minutis dissident in differentia longitudinum designanda Parisios inter & Brivatium portum, seu Brestum in Armorica, quæ est tantummodo 6 graduum & 54 min. Sed excessus major est inter Boiorum Cantabrigiæ coloniam, quæ Baitona nuncupatur & Lutetiam. Cum enim inter se 3 gradibus & 54 tantummodo min. dissent in longitudine, tertia & amplius parte major quàm revera sit, exhibetur in tabulis Geographicis, uno nimirum gradu & 20 min. Idque non una vel altera, sed multis observationibus compertum fuit, utrimque variis Epistolis ea de re missis.

Postquam tabulæ eclipsium satellitum Jovis ex observationibus nnius anni sunt correctæ, illud experientia hoc anno facta compertum fuit reliquo ejusdem anni tempore Ephemerides ita emendatas observationibus sic respondere, ut unus idemque viator Meridianorum differentias invenire facile possit, ex sola suarum observationum cum Ephemeridibus ita correctis collatione.

Nam cum hoc anno vertente Ephemerides per superioris anni observationes correctæ D. D. Picard & de la Hire, antequam in Cantabriam proficiscerentur, fuissent communicatæ, has cum observationibus omnino congruere, nec amplius quàm uno horæ minuto ab iis dissidere compertum fuit.

A a ij

ANN. Quamobrem tot sæculorum votum in definienda loci cujusque longitudine
1680. magna ex parte expletum videtur : præsertim cum illud probatum fuerit ex
variis observationibus tabulas Geographicas & Hydrographicas interdum
tertia parte distantie à vera aberrare : adeo ut à correctione tabularum om-
nino incipiendum videatur.

Cum D. Cassini ex factis à se observationibus satellitum per annos 18,
tabulas anno 1668 editas concinnasset, motum primi satellitis his tabulis
designatum cum observationibus Galilæi & suis satis accuratè convenire
judicavit.

VIII. Sed quæ ab annis 15 summa cura factæ sunt, hujus satellitis
observationes motum ejus paulo tardiores ostendunt : adeo ut hoc tem-
poris intervallo sex gradibus in parvo circulo quem circa Jovem descri-
bit, fuerit retardatus, si motus ab eo definiti ex suis cum Galilæi obser-
vationibus comparatis ratio habeatur. Quin & motus ille tardior consi-
mili modo continuatur. Ex quo illa subiit dubitandi ratio, an fortè
Planetarum motus tractu temporis nonnihil remissior fiat, idque magis
sit sensibile in iis Planetis qui brevioris temporis spatio, suas absolvunt
periodos.

Et quidem istuc ab Astronomis jam fuit animadversum Planetas à Pe-
rigæo ad Apogæum tardiùs incedere ; sed motum accelerant ab Apogæo
ad Perigæum.

Verum & hoc ipsum in dubium revocari potest, an primus satelles
in reditu ad eundem locum aliquem celeritatis suæ gradum non amit-
tat, ut sit in pendulis quæ cicilis motum remittunt suum, quo sunt
breviora.

Quæcumque sit hujus Phænomeni ratio, tabulas hujus satellitis ad ob-
servationes suas à 15 annis factas sic exigere coactus est, ut unaquæque
revolutio sit uno minuto secundo horæ tardior, quàm in superioribus
tabulis. Ac novam subinde Epocham designavit hoc anno 1680 : adeo
ut calculus à prima immersione visibili 21 Julii hor. 1. 54 min. post
mediam noctem insequentem initium ducat. Ac de satellitibus Jovis hac-
tenus.

X. Insignis illa macula ex qua Jovis revolutio circa suum axem in-
tra 9 horas & 56. min. innouerat, cum sui copiam non fecisset per an-
num integrum, die 8. Aprilis tandem in conspectum venit, hora septima
à meridie, & eo ipso in loco ubi juxta motus sui tabulam visam oportuit.
Unde illud ipsum est confirmatum quod anno 1677 constituerat D. Cas-
sini, fore ut hæc macula 29 periodis confectis ad medium Jovis locum
rediret.

XI. Incunte mense Martio vir pereruditus Avenione scripsit Epistolam
ad D. Cassini, in qua se in peculiari Tractatu demonstrasse ait ex prin-
cipiis Optices & Catoptrices annulum Saturni, Jovis fascias & obscuram
Martis maculam non aliunde quàm ex quodam radorum solarium refle-
xione oriri ; adeo ut nihil in iis rei sit, nec quicquam ampliùs quàm in Iri-
dis coloribus.

Huic respondit D. Cassini multa ob stare quominus ejus sententiæ acce-

deret, omnino id persuasum habere anulum Saturni corpus esse tenue & ejus pene naturæ quam D. Hugen expofuit, quod in eodem femper parallelifmo pefteret. Nam ejus fitu femel conftituto, omnis circa illius phafes varietas ex diverfa Solis & oculi noſtri ſuper ejus planum inclinatione proficiſcitur. Nec fingi poteſt ſimplicior eas explicandi ratio quam per hypotheſes Solis & Saturni motûs vulgo receptas. Quin etiam quædam ſunt hujus annuli phafes quæ corporis opaci à Sole illuſtrati propriæ ſunt: cujuſmodi eſt umbra globi Saturni in anulum quam manifeſtè cernimus, cum Saturnus longè diſtat ab oppoſitione cum Sole. Tum enim oculum partem annuli quam Sol non illuminat, detegit, quæque obſcurior videtur, hoc ipſo eſt in loco, ubi juxta hypotheſes videri debet, modò ad dextram, modò ad ſiniſtram, ut Sol ad Orientem eſt ſitus, aut ad Occidentem reſpectu Saturni. Hujus quoque eſt umbræ velut ſilum quoddam ab annulo in globum Saturni projectum, dum oculus noſter ſupra illius planum paulo poſt plus aut minus quàm Sol ipſe attollitur, atque in eam dirigitur partem quam hypotheſes ipſæ designant.

XII. Jovis autem Zonæ, & Martis maculæ ejusdem prorfus naturæ videntur ac Lunæ obſcuriores maculæ, ſi hoc unum exceperis, quod mutationibus ſint obnoxie, non item Lunares maculæ. Id quoque conſtat eas circa horum Planetarum axes converti, neque aliud videntur eſſe præter partes quaſdam quæ lumen Solis debiliùs regerunt.


XIII. Quod ſpectat ad Martis maculas, anno 1666 magnum earum numerum ſub initium Martii à ſe viſum teſtatur, ut ſcripto tum edito expoſuit. Quædam ex iis vefpere, aliæ manè videbantur, eodem motu ferebantur ab ortu in occaſum ſpatio 24 hor. 40 m. magna in iis figurarum varietas apparebat prope extremos margines, ut Opticæ rationes exigebant.

XIV. Sub finem ejusdem menſis D. Picard legiſt Epistolam D. de S. Martin Kibeci datam, in qua Eclipſim Solis à ſe obſervatam die 10 Aprilis anni 1679 deſcribit; ea 43 min. poſt meridiem incæpit, hora verò 3, 16 deſiit 10 digit. fuit. Idem confirmat quod ſupra innuimus ſe à cive Kibeci enſi accepiſſe qui per triennium ad lacum Huronum habitavit prope finem hujus lacûs v. *la Baye des puans*. Hic ſemper fluxum & refluxum uno quoque die obſervaviſſe teſtatus eſt, adeo ut in fluvium proximum ad 5 aut 6 leucas æſtus perveniret.

Die 23 Martii D. Caſſini & D. Picard ſuas inter ſe obſervationes æquinoctii conſulerunt quæ non amplius quàm 5 ſecundis à ſe invicem diſſidebant.

XV. Die 20 Maii viſa eſt manè inſignis in Sole macula quæ jam in diſco Solis aliquantum erat promota: ita ut die 30 manè exierit, ſatis magna & craſſa, ut ejus reditus à D. Caſſino prædictus fuerit. Motu ſuo ſub initium curvam lineam deſcribere viſa eſt, ita ut ſurſum tenderet, quod Polus Meridionalis in viſibili Solis diſco adhuc ineſſet, ſed ſub finem cum ambo Poli in utroque Limbo ſiti fuerunt, tum linea motûs recta erat. Unde obſervationes in eum redigendæ fuerunt modum, in quo exſtriſſent, ſi axis motûs in eodem ſitu perſiſtiſſet noſtri habita ratione, cum Sol quintum

ANN. Geminorum gradum obtinebat, die nimirum 25 Maii. Tum verò linea 1680. motus sex gradibus ad Eclipticam inclinata erat.



ABC est Ecliptica cujus axis est DE, axis motus Solis FG, ut HK Æquator macularum, LM est parallelus observatæ maculæ cujus latitudo est fere 9 graduum.

Hæc macula à die 13 Junii redire incipit: Die 25 Maii in medio sui cursus & quasi in Meridiano macularum visa fuerat; eodem in loco die 19 Junii sub aspectum venit: ita ut revolutionem suam habita nostri ratione intra 27 dies absolverit. Quæ quidem erat motus Synodici periodus, cum Sol est Apogæo proximus: sed subducendus est dies integer cum 18 horis ob motum annum Solis quo apparet ille motus retardatur. Quocirca tempus revolutionis Solis periodicæ circa centrum 25 dierum & sex horarum futurus est, sex horis minor illa quæ antea fuit definita.

XVI. Hoc eodem anno ut superiori D. Cassinus in id maximè elaboravit, ut Solis & Lunæ periodi ad certas leges definiendis temporibus accommodatas revocati possent. Novos utique cyclos tum Solares, tum lunares excogitavit, quibus tempora longè facilius & accuratius quàm hactenus factum fuerit, digeruntur. Hos 5. Volumine vet. & novæ Philof. protulimus; sed res est ejusmodi quæ hoc ipso loco non sit prætereunda.

Primum vocat magnum cyclum Solarem qui 33 annos complectitur, octo nimirum petiodos Julianas, quarum unaquæque quatuor annis continetur & annum præterea communem 365 dierum. Periodus autem Juliana in præsentia dicitur, quæ tribus annis communibus & quarto bissextili 366 dierum constat. Hic Cyclus eadem hora in eundem Zodiaci locum Solem restituit. Id unum exigit ut 7 petiodos Julianas alia quinque annorum periodus excipiat, ex quibus 4 sunt communes, unus bissextilis.

Secundus ab eo magnus Cyclus Lunaris vocatur, estque 353 annorum Solarium, compositus videlicet ex 18 Periodis Metonicis 19 annorum, & præterea ex una Periodo 11 annorum. Hic Cyclus Solem & Lunam eidem Zodiaci loco reddit. Cum videlicet 18 Periodi Metonicæ (hic est numerus aureus vulgo dictus) effluerint: his adde annos undecim, tumque numerus aureus ad suum redibit principium usque ad magnam Periodum Solis & Lunæ.

Quæ periodus tertium efficit Cyclum utriusque luminaris, hæc constat ex 18; magnis Solaribus Cyclis, qui una conjuncti efficiunt 6019 annos; itque 17 magnos Lunæ Cyclos continent cum duobus Cyclis Metonicis. Hæc periodus quæ in præcedentibus Cyclis supersunt minores differentias, eas corrigit, dum quorundam Cyclorum defectus aliorum excessibus compensantur; ita ut Sol & Luna omnino ad eundem Zodiaci locum & eadem hora ad eundem Meridianum revertantur.

XVII. Cum autem annus Julianus à Julio Cæsare ad hæc usque tempora obtinuerit, novos quoque Cyclos excogitavit qui Lunæ periodos ad eundem anni Juliani locum revocant. Talis est cyclus 464 annorum. Singulæ hujus numeri notæ unitate sunt majores magno cyclo Lunari 351: quò facilius uterque mandatur memoriæ. Id verò exigat ut post sex Calippi periodos, aut 24 cyclos numeri aurei octo anni addantur usque ad certas periodos 1468, & 1932, & 2400. Quæ postrema jam à Francisco Vieta inventa fuerat: sic tamen ut 24 graduum intervallo à priore Zodiaci loco distent ambo luminaria. Sed prædicta periodus 6036 annorum ad eandem horam & idem Zodiaci punctum, & eundem anni cælestis & civilis diem Solem & Lunam restituit.

XVIII. Quò facilius Solis & Lunæ conjunctiones & aliæ Lunæ phasæ eorum cyclorum ope inveniantur, varias epochas cum veteres, tum novas reperit, in quibus Solis & Lune conjunctiones in ipso anni initio contigerunt sub illustriorum locorum Meridianis. Ejusmodi fuit Epochæ ex qua initium computandi annos duci posset, anni videlicet 32 J. J. Christi, quam foundationis Ecclesiæ appellat. Primo enim die Januarii tunc contigit Romæ in ipso meridie Solis & Lunæ conjunctio media, atque ea sumi potuisset Paschati Christianorum constituendo anno insequentis instituto.

Alias quoque recenset Epochas quibus tempora ad certas regulas dirigi possunt. Hujus methodi summa in Eruditorum Ephemerides anno superiori refata fuit.

Exemplo sit hic ipse annus 1680 quo vernum æquinoctium 19 Martii circa Solis occasum paulò tardius quam præcedentium annorum observationes exigere videbantur, fuit observatum. Cum itaque Gregoriana reformatio ad 21 Martii illud illigaverit, intra 400 annos ab eo loco 2 diebus & aliquot horis aberrat: sed in ea anni forma quam proponit, æquinoctium semper contingeret anno bissextili inter meridiem & sextam horam, seu circa occasum Solis die 21 Martii: anno post bissextili primo inter Solis occasum & mediam noctem, & ita de reliquis usque

ANN. ad quartum seu bissextilem annum sex horis tardius futurum est.
1680.

XIX. Cum æquinoctium verum & medium nonnihil inter se discrepent juxta recentiorum observationes, hoc quidquid est discriminis Auctores Calendarii neglexerunt. Nunc autem medium post verum duobus rerardatur diebus, & anno biextili sub vespem die 21 Martii contingit. Demonstravit porro D. Cassinus intra 400 annos interim eo die verum, interim medium æquinoctium futurum. Quod si ea quam proponit methodo uteremur, initio ab anno 1680 ducto, æquinoctium medium semper die 21 Martii contingeret, ut Nicæni Concilii temporibus. Atque vel ex hoc uno exemplo faciliè omnes intelligent quàm Ecclesiæ ipsi & toti orbi Christiano Astronomiæ instauratio sit utilis.

XX. D. Cassini die 15 Junii Planisphærium suum ex argento conflatum & Ludovico Magno destinatum exhibuit; simul illius descriptionem & varios usus exposuit. In priori facie Planetarum motus juxta Tichonis & Copernici hypothèses; in altera stellæ omnes his in regionibus visibiles delineantur. Hujus centrum Polus borealis obtinet, circa quem sidera quæque motu diurno vertuntur. Super illius planum obliquus circulus attollitur qui Zodiaci Signa pertransit, quique Solem, Lunam & Planetas omnes secum defert. Ex una parte in signa & gradus, ex altera in menses & dies anni dividitur. Verùm præclari hujus instrumenti descriptio & usus autophia ipsa melius quàm sermone ullo percipiuntur, præsertim cum illius structura publici juris facta fuerit. Usus est opera industrii & eruditi admodum artificis D. Butterfield Angli.

XXI. D. Roëmer die 27 Augusti machinam suam planetariam protulit, quæ Planetarum motus tam aptè exhibet, ut perpetuarum Ephemeridum loco esse possit. Illius machinæ structuram & usus scripto exposuit, eximii artificis D. Thuret operam adhibuit. Ac D. Cassini die 31 Augusti quam aptè hæc machina cum Planetarum motu consentiat, demonstravit.

Eodem die D. Roëmer alterius machinæ quam Lunæ motibus dimetiendis animo conceperat, linearem descriptionem & formam exhibuit, quæ brevi post tempore ab eodem artifice fuit absoluta.

XXII. Nec illam quoque à D. de la Hire ante aliquod tempus excogitatam machinam ad Eclipses inveniendas intactam præterire fas est: hanc postea horologiis oscillatoris sic aptavit, ut index qui intra annum Lunarem periodum suam absolvit, Novilunia quæque & Plenilunia, imo & futuras eo anno Eclipses demonstret. Una ex iis machinis cum aliis prædictis ad Imperatorem Sinensem missa est, quam Patri Fontenay tradidit, camque postea ab eo reposcere placuit Imperatori Sinensum.



CAPUT II.

De Geometricis & Arithmeticis demonstrationibus.

I. **P**Uta quoque & exquisita Mathesis hoc anno acriori studio exculta fuit. Varia Geometriæ theoremata sunt demonstrata, pleraque problemata propofita & foluta. Illud imprimis à D. de la Hire ineunte mense Februario propofitum fuit & folutum : lineam fecare in proportione harmonica citra ullam circuli fectionem.

Interjectis aliquot diebus novam exposuit regulam inveniendis tribus lateribus trianguli rectanguli in numeris per quemlibet numerum datum aut fractionem.

Sub idem tempus methodum Geometricam tradidit fciotericis horologiis conftruendis, quæ poſtea typis mandata fuit.

II. Novam propofuit D. Hugens inveniendis æquationibus ſolidis rationem. Propofiti quoque theorematis circa fectiones conicas quæ ſe in 4 punctis interſecant, demonſtrationem ſcripto tradidit, quod ut ſupra memorata problemata & theoremata in Academiæ commentarios reſertum fuit.

Novæ libellæ teleſcopio ſuo inſtructæ fabrica ab eodem fuit excogitata, quæ ex uno & eodem loco comprobatur in formam crucis diſpoſita. Ejus uſum demonſtrationibus Geometricis munitum expoſuit.

III. Circa ſectiones conicas multa theoremata demonſtravit D. de la Hire, præſertim circa interſeccionem parabolæ cum hyperbole aut ellipſi, item de parabola quæ in aliam ſeccionem conicam in punctis ſic incurrit, ut axis parabolæ axi alterius ſeccionis ſit parallelus.

IV. D. Caſſini novam numerorum progreſſionem excogitavit, cujus ſunt inſignes quædam proprietates. Primi hujus progreſſionis termini ſunt ipſa unitas, & quiſque alius, terminus ſummæ duorum præcedentium æquatur, ut in his numeris.

1. 1. 2. 3. 5. 8. 13. 21. 34. 55. 89. 144. & ita deinceps.

| | |
|--|-------------------|
| 1. Cum tres termini conſequentes ſumuntur, medii quadratum unitate tantum differt à duobus extremis in ſe ductis | 3. 5. 8. |
| ita ut alternatim quadratum | 2. 3. 5. 25. |
| | 9. 24. |
| | 10. |

medii excedat unitate productum, & productum extremorum ſuperet unitate medii termini quadratum; ut in duobus propoſitis exemplis videre eſt.

2. Quando quatuor termini eodem ſumuntur modo, productum ex duobus extremis à producto duorum qui ſunt interjecti, unitate tantum diſtat.

ANN.
1780.2. 3. 5. 8.
1 5
1 6

Ubi extremi in se ducti medios vincunt unitate, sed alternatim sumpti consequentes vincuntur.

3. 5. 8. 13.
4 0
3 9

3. Eadem pene est ratio numerorum ubi quinque consequentes sumuntur, & cum aliis totidem alternatim sumptis conferuntur: quadratum enim medii unitate tantum differt à duobus proximis & à duobus extremis duplici unitate, ita ut extremi in se ducti excedant, & excedantur alternatim.

2. 3. 5. 8. 13.

3. 5. 8. 13. 21.

2 4
2 5
2 66 5
6 4
6 3

Ex prima proprietate palam est duos priores terminos tertium insequenter dividere, quantum fieri potest proximè, in numeris integris secundum mediam & extremam rationem: quod fieri non potest accuratè per numeros. Inde occasionem cepit D. Cassinus hanc numerorum progressionem excogitare quam theoriæ Planetarum adhibuit. Hæc progressio est quasi species alterius quæ magis generaliter his verbis concipitur. Cum duo primi termini æquales sunt, & tertius æqualis est summæ duorum præcedentium.

1, 1, 2, 3, 5 Prima proprietas jam enuntiata, hæc est, ut medii
10, 10, 20, 30, 50 numeri ex tribus immediatè consequentibus à producto duorum extremorum termini radicalis producto differat.

20, 30, 50
9 0 0
1 0 0 0

terminus radicalis est 10 quadratum ejus 100 differentia utriusque extremorum quadrati.

Consimili ratione aliæ hujus progressionis affectiones explicantur: nam quadratum radice loco unitatis ponendum est. Ista paulo uberius sunt explicata, quod intellectu sint faciliora, quique sunt ab his disciplinis instructi, ejusmodi speculationes non oderint.

V. Quæ ad Dioptricam pertinent præcipua in tractatu suo ea de re elucidato, quique postea typis mandatus est, D. Hugens exposuit.

Multa quoque à D. D. Mariotte & de la Hire circa refractiones luminis sunt observata. Illud imprimis posita refractione radiorum ex aëre in aquam transeuntium, ut 4 ad 3, Angulum Iridis 41 grad. & 40 min. esse oportere.

VI. Die 11 Maii D. Picard Tractatum suum de Telescopio legete in-

cœpit. Illud principii loco statuit radios omnes ab eodem axis puncto *Diop-*
 procedentes in superficiem vitri convexi sic incidere, ut in idem punc- *trica.*
 tum foci non cœant, sed qui prope extremum vitri marginem inci-
 dunt, citius concurrunt, quam qui medias vitri partes penetrant juxta
 eam regulam, qua anticipatas illas cõitiones esse in ratione sinuum vtriforum
 demonstrat.

Quò autem ii excludantur radii qui citius quam par sit, se mutuo in-
 tersecant, & in foco eam efficiunt confusionem, quã rei objectæ imago sit
 depravata; atque ut basis illa quantum fieri potest, contrahatur, & instar
 puncti habeatur, vitri objectivi ea tantum apertura esse debet quæ oculari
 certa proportionem respondeat.

Tum minores tubos cum majoribus contendit, quæque objectivis aper-
 turæ sint relinquendæ, geometricè demonstrat.

Sub idem tempus D. Mariotte exposuit quædam vitri convexi phænô-
 mena, illud imprimis, Solares radios pertranscuntes vitrum & obscuriori
 loco charta candida exceptos, quæ inter vitrum & focum vitri interponitur;
 in chartæ limbo colore rubeo tingi, ultra vitri focum cæruleos apparere.
 Quod si vitrum tegatur excepto foraminulo versus limbum, ultra focum ru-
 beus color prorsus partes interiores, cæruleus versus exteriores apparebit. Alia
 quoque prismatis phænomena demonstravit quæ in suo de coloribus tenta-
 mine fusiùs sunt explicata.

VII. Ac de Mechanicis quidem cum de libellandi arte ageremus, non-
 nulla diximus. Alia quidem libella à D. Couplet fuit proposita usu facilis
 & accurata, dummodo ad normam exigatur, & axis Telescopii suam direc-
 tionem non mutet. Tum vero D. Picard rationem aperuit qua dignoscitur
 an filum tubi bene sit positum in foco.

VIII. D. Cassini horologium portatile sic conficiendum curavit ut pen-
 duli loco plumbum appensum addi vel demi facile possit, eodem horologii
 æquabili motu manente.

Expertus autem est capillum rotæ librati ex una parte illigatum, ex
 altera vero ipsius horologii plano, ita ut arcum conficiat non multum à
 semicirculo diversum, horologium ipsum valde accelerare, adeo ut opus
 sit ipsius rotæ pondus augere, aut spiram chalybeam quæ motum horologio
 imprimit, valde relaxare ut pristinum tarditatis gradum assumat, atque hunc
 capillum ipsius rotæ librationes ad æqualitatem redigere.

IX. D. Roëmer triangulum cupreum exhibuit quo tubuli aperturam
 & aquæ salientis quantitatem dimeriri licet juxta jactuum altitudines.





SECTIO NONA.

De Actis anno 1681.

AB Historia animalium, & ab Elephantis imprimis dissectione ducemus exordium.

CAPUT PRIMUM.

De Anatomicis laboribus anno 1681. susceptis.

I. **H**Oc ineunte anno Elephas Versaliis dissectus fuit à D. du Verney. Eo multi ex Academia se contulerunt; caput, oculi, odoratus & auditus organa diligenter inspecta, & à D. Perrault descripta. Quæ descriptio cum exteriorum, tum interiorum partium lecta fuit & discussa. Singularum partium figuras D. de la Hire delineavit, cum eæ incisæ sunt. In partium structura permulta annotavit D. du Verney quæ lucem afferuat plerisque corporis humani partibus non satis perspectis.

In pelle distincta esse quatuor corpora advertit. Primum erat cutaneum corpus, densum admodum ex innumeris fibris mutuo implexis compositum. Fibre illæ magna ex parte sunt tendinæ, venis, arteriis & glandulis conspersæ.

2. Corpus papillare, quod in ea cute manifesto apparebat: adeo ut papillæ unius lineæ longitudinem & semissem in basi paterent, atque omnes pene essent uniusmodi, ac sui similes.

3. Reticularis membrana ex thecis quæ papillas involvunt ita erat composita, ut unaquæque ex aliis constaret. Postremo cuticula cum reticulari membrana arcte erat conjuncta, contra atque in homine.

Proboscis die 5 Februarii dissecta ex parvis musculis pene innumeris erat composita, dentes quoque exerti & falcati erant intus cavi ubi è maxilla erumpebant, tum carnea substantia impleri, quæ non aliud quiddam erat præter vasorum congeriem pericranio involutam.

II. Verum hujus accurata descriptio brevi, ut speramus, in lucem prodibit. In antecessum tamen præter ea quæ diximus, nonnulla hoc loco subjicere non erit alienum. Hæc bellua anno 1668 à Rege Lusitaniz ad Regem Christianissimum missa fuerat. Tum verò quadrima tantum erat, adeo ut anno 1681 jam 17 annos expleverit: intra 13 annorum spatium uno duntaxat pede excreverat. Hæc 7 pedes cum semisse alta, & ejusdem pene erat longitudinis; crura & pedes ferme ut in homine, seu genua specta-

rentur, seu pedes ipsi, qui angustiores erant quàm in homine habità corporis ratione : in quinque digiros intus diducti erant, planta pedis firma & densa solidiori ungula munita. Caput ingens, oculi pro mole capitis angustiores; aures ad tres usque pedes porrectæ; proboscis quinque & amplius pedibus longa, quam ad libitum contrahebat & producebat. Extremum illius paulò larius instar crateris, cujus ora foris extabat, & ex ea velut digitum proferebat, quo quidem perinde ut manu uti solent Elephantes. Noster enim funiculum nodo adstrictum digito suo solvebat, & minuriora contrectans corpora etiam graviora frangebat : ex illa appendice onera sursum tollere visus est.

III. In imo hujus vasis sunt duo foramina quibus ducunt & reddunt spiritum, atque hujus attractionis vi potus proboscidis cava subit, quâ subindè inflexâ per os hunc demittit, non sine strepitu, ex impulsu aeris, non ex suctione ipsa profecto. Sic herbam eodem proboscidis extremo avelit, eamque glomeratam in oris intrinsecâ propellit; nullum enim cibum ore ipso sumit nisi per proboscidem : unde & nares in proboscide sunt collocatæ, ut ciborum naturam olfactu ipso exploret, ne quid noxium aut ingratum intus subear.

Itaque usus proboscidis & functio est multiplex : nam ducit aëra per aperta illa duo foramina ; per eadem porum in oris cavitatem transmittit ; in omnes partes se inflectit, variis quoque modis se se contrahit & producit, idque per membranas tendineas & nervosas, per carnem musculosam nullis ossibus firmaram.

IV. In medio proboscidis duo sunt tubi membranosi & laeves, per quos aer spirando ductus & aqua epora transmittuntur, ille in pulmonem, hic in œsophagum & ventriculum : ductus illi in extrema sui parte sunt latiores. Sic aer expiratione ipsa liquorem majore vi protrudit in oris cava, quod ex ampliori spatio in angustius committit. Non enim constrictione successiva, ut in œsophago & in ipsis intestinis hic motus perficitur : cum fibræ carneæ & circulares desint.

Actiones quippè omnes proboscidis contractione & productione continentur, sed utraque diversis planè fir modis : fibræ enim utriusque actionis effétrices natæ sunt contrarios situs. Ex iis aliæ musculos componunt, qui unâ sui parte extremâ cum interioris ductus membranâ, parte alterâ cum exteriori proboscidis involuero connexi perpendiculares dici possunt, quod ad angulos rectos rûm interiori, rûm exteriori membranæ insistant.

Alii verò musculi sunt quodammodo utrique membranæ paralleli, iique ab uno extremo proboscidis versus alterum incedunt.

V. Perpendicularium numerus est prope infinitus, atque horum pars carnosa versus ductum anteriorem, tendinea versus anteriorem membranam dirigitur. Contra accidunt in musculis parallelis, qui ita sunt inter se aptati & conserti circa cujusque parvi musculi ventrem, ut plures unum & eundem velut musculum instar lori prælongi à summâ proboscidis parte ad imam descendens octo aut decem lineis lati efficere videantur.

VI. Horum tendines membranæ interioris ductus obliquè inseruntur,

*Hist.
Anim.*

AN. alii ab aliis sejunguntur per membranam è tendinibus perpendicularium muscutorum conflaram : sed minores muscoli , è quibus paralleli majores coalescunt , suos habent tendines cum parte carnosa cujusque perpendicularis musculi permixtas & confusas quodammodo.

Nam paralleli quique musculi , cum duo extrema habeant ineriori ductus membranæ , & ventrem exteriori proboscidis membranæ affixum , ii non recti , sed curvi semper manent. Ex iis utcumque intelligitur quâ ratione proboscis contrahatur & producat. Cum enim musculi perpendiculares vim suam exerunt , tùm anteriorem proboscidis membranam ad ipsam ductus membranam propius adducunt , sicque imminuta crassitie proboscidem in longum magis produci necesse est.

VIII. Paralleli vero junctis agunt viribus , atque id præstant , ut partes interioris ductus , quibus ii musculi tendines suos habent affixos , ad se se mutuo accedant , unde & proboscidem contrahi necesse est. Arque ut hi musculi variis in locis motus suos exerunt , diversi quoque motus fiunt & variis modis proboscis ita inflectitur.

Et quidem ea distendi & contrahi potuisset per fibras circulares , & sphincteres quosdam : sed ea fibrarum structura ductus ipsos , qui patentes & aperti esse debent , plus satis coarctasset : unde huic incommodo per musculos perpendiculares cavit supremus naturæ opifex , sique uno & eodem tempore anteriorem proboscidis membranam intus adducunt , & ductuum interiorum membranas diducunt. Quæ enim necessaria est proboscidis productioni contractio , ea solis muscutorum carnibus interjectis perficitur : unde & ductus semper aperti & liberi manent.

Hæc & alia speculatione digna in descriptione Elephantis , quæ Deo dante aliquando in lucem prodibit , copiose & dilucide explicantur. Ista nunc delibare volui , ut palam fieret quàm accurata & laboriosa fuerit hujus ingentis belluæ incisio.

VIII. Nihil necesse est de ejus prominulis dentibus eburneis dicere , vulgo *Defenses* , qui magis cornua , quam dentes censeri debent , seu eorum spectemus originem à dentium ortu longe diversam ; seu naturam ipsam eboris quod in igne emollitur ut cornua , non item dentes.

Plura de pellis structura sunt annotata , quæ nunc exscribere nihil opus est , uti nec ea quæ ad muscutorum , viscerum , ossium & aliarum partium conformationem spectant , quæ in prædicta descriptione uberius sunt exposita.

IX. Exeunte hoc anno parvus Crocodilus qui Versaliis mortuus fuerat , dissectus est. D. de la Hire partes ejus delineavit. In ejus ventriculo qui avium carnoso stomacho non erat ablimilis , plures lapillos se invenisse D. du Verney admonuit. Dentes inferioris maxillæ superioris alveolos subibant : Lingua plena erat glandulis.

Nescio an visus unquam fuerit in Gallia Crocodilus in vivis. Nam hoc animal est omnis omnino frigoris impatiens , atque in fervidis tantùm regionibus ut in Ægypto vivit : hic vero ex quo in Galliam fuit asportatus , nihil manducavit per duos integros menses ; Limacum cochleæ , & arenulæ in ejus ventriculo sunt repertæ. Id quoque in lacertis visum , qui duos menses

citra cibum exegere. Et quidem crocodilus quoddam est lacertorum genus, *Hist.*
quod crescere totius vitæ decursu auctores tellantur. *Anim.*

X. Hic quidem vix quatuor pedes longus erat : totum corpus uno capite excepto squamis obductum penè rotundis in collo & cruribus ; in tergo & in summa caudæ parte velut fasciæ quædam squamosæ erant, sulcis & cælaturis distinctæ : adeo ut squamæ non imbricatum ut in maioribus piscibus, sed quasi tessellæ juxta se positæ viderentur, ac fasciæ illæ à dorsi vertebrais hinc inde ad lumbos usque ita sunt porrectæ, ut inter eas distincta sint intervalla squamis destituta. Atque in iis solis intervallis vulnere locus est. Nam squamæ ipsæ sunt adeo firmæ & duræ, ut penè sint impenetrabiles, mediam inter os & cartilaginem nactæ naturam ; non fragiles, ut ossa, sed flexibiles : unde in juncturis tantummodo fasciarum Crocodilus vulnerari potest nisi in capite, a ut sub ventre.

Quin & dorsi & caudæ squamæ cristâ quadam muniontur, ut galeæ & cassides, & in eundem prope usum. Tenuiores sunt sub ventre, cauda, cruribus, collo & maxilla inferiore, nec cristâ munitæ, sed uti quadrati lapides dispositæ continuatas fascias ut in dorso non exhibent, neque eam ad resistendum vim habent.

Caput pene totum solâ pelle vestitur : in extremo rostri apice foramen est rotundum molli carne oppletum ; ibi duo sunt parva foramina ubi nares : Sic duo alia supra oculorum orbitas posita foramina duplici quasi velo obducta, aures sunt, quæ subductæ pellis appendice sunt conspicuæ. Altera pellis appendix instar palpebræ est mobilis, fibris carneis instructa : ductus brevis in tympani membranam desinit. Reliquæ organi hujus partes eodem fere modo sunt dispositæ, quo in avibus, nisi quod ea cavitas, quæ vestibuli loco est, multo est latior, & canales semicirculares sunt excavati.

Maxilla inferior sola est mobilis, non item superior, ut vulgò creditum est. Circa medium inferioris utrimque erat glandula, quæ foris patebat liquorem suavissimi odoris spargens. Hujus non meminere antiqui scriptores, eam recentior Auctor descripsit.

XI. Hæc de forma exteriori Crocodili satis fuerit strictim delibasse. Longum nimis esset musculorum structuram, & partes interiores persequi. Ista enim diligenter sunt pertractata in hujus animalis descriptione.

Ac præter cætera singularis videtur esse musculorum abdominis structura. Duo sunt utrimque à terrestrium animalium musculis non tantum numero, sed situ quoque & structura diversi : nam exterior costis est suppositus, interior sub iis jacet, & viscera ipsa proxime instar peritonei involvit. Exterioris origo est multiplex : sed varia ejus capita in eundem coeunt muscoli ventrem. Illius tendo uno sui extremo in ossa innominata & in apophyses vertebrarum lumborum, altero sui extremo in tendinem amplum instar membranæ tenuem desinit, qui tegit viscera. Sub dorsi pelle alii sunt musculi, quorum origines sunt in vertebrais & costis, tendines verò in fascias ipsas squamarum sic visi sunt desinere, ut alii deorsum porrecti fascias sursum trahant ; alii è contra. Usus in utrisque is videtur ut fascias alias aliis admoveant, aut diducant, cum opus fuerit, idque præstant ut

AN N. tuti sint ab externis ictibus : sed fascias distendunt, ut costæ liberius attollan-
1681. tur & deprimentur.

XII. Hoc naturæ artificium in musculorum abdominis structura prætermittere nobis religio fuit. Jecur pene ut in avibus bifidum erat : duo lobi, dexter & sinister velut isthmo quodam discreti. Ductus hepaticus in dextro lobo radices habens, in sinistram porrectus collo cystis fellæ inserbatur. Cor & pulmones fere ut in testudine; vena cava duplex, truncus unus & præcipuus è dextro jecoris lobo in dextram cordis auriculam; alter isque minor è lobo sinistro prodiens in auriculam sinistram desinebat. Ventriculus ferè ut in avibus quæ granis vescuntur, cujus angustior erat cavitas : adeò ut illius exiguitatem, ac dentium tenuitatem acrius consideranti, illud planè intellectu arduum videatur, quomodo magnis animantibus vesci queat, ut auctores scribunt. Neque enim ii sunt dentes, qui dividere possint & comminuere majora animalia, nec ventriculus capax est iis continendis, nisi fortè œsophagus admodum distentus instar ingentis sacci edulia excipiat & contineat.

Aorta itidem ut cava, duplex. Aspera arteria priusquam in duos abeat ramos, paululum reflectitur, ferè ut in grue aut in cygno : pulmonis nullum erat parenchyma, sed vesicularum tantùm congeries ut in testudine & in ranis : non enim sanguis omnis ut in terrenis animantibus pulmones trajicit.

Lingua per latioremem membranam inferiori maxillæ adhærebat, eaque membrana variis pertusa foraminulis præcipuum est gustatus organum : in longum porrecta est lingua, sed angustior.

Maxilla inferior cum temporum ossibus duplici articulatione sic nequitur, ut sursum & deorsum tantummodo moveatur, non dextrorsum & sinistrorsum ut in aliis animantibus : cum enim dentes illius acuti sic disponantur, ut sibi non occurrant, sed in spatia gingivarum dentibus vacua incurrant, maxilla ad latera inflecti non debuit, sed sursum deorsumve, ut dentium apices sibi aptata foramina subirent. Quæ ad Sceleton reliqua pertinent in descriptione ipsa dilucide & copiose exponuntur.

CAPUT II.

De Physicis experimentis.

I. **D**E plantis rarioribus quæ D. Marchant cura ex diffitis regionibus sunt allatæ, nec non de earum analysi nihil necesse est fufius differere, cum hæc in stirpium volumine quod brevi in lucem proditurum speramus, diligentissimè sint explicata. D. Bocone librum de plantis rarioribus, cui insertæ erant stirpes complures & exsiccatæ, miserat ad Reverend. P. de la Chaze, qui eum ad Academiam misit.

II. Cum D. de Saint Hilaire Canonicus Bellovacensis, vir ingenio & eruditione clarus, die 30. Julii aquam matinam sale exutam in Bibliothecam Regiam

Regiam allatam curasset, quam vir illustriss. D. de Feuquieres qui tum in Suecia Christianissimi Regis legatus agebat, ad illustriss. virum Carolum Colbertum Marchionem de Croissy regni Administrum & Secretarium miserat: ea fuit diligenti examini subiecta. Primum hæc aqua exuta falsugine communis aquæ saporem præ se ferebat, aut potius insipida erat, nullo manifesto sapore; nonnihil turbida videbatur, aqua fontana quæ è vico de Rungis per aquæ ductus Lutetiam deferretur vix $\frac{1}{110}$ parte gravior, aqua marina $\frac{1}{10}$ levior reperta est. Distillatis 8 unciiis unum salis granum cum semisse in imo vasis subdidit. Hujus aquæ salem præcipitatione separatim scriptum fuerat è Suecia ad D. de Croissy. Qua ratione id factum sit, nobis ignotum est.

III. Hujus rei occasione D. du Clos dissertationem conscripsit. Ac subinde admonebat salem sua acredine exui posse, aut quadam, ut loqui amant Chymici, concentratione, ut in sale aceti evenit, ubi cum sale tartari arte conjungitur, aut quadam in tertiam reductione, ut in tenum, aut vesicæ calculo, in conchis osteorum & cancerorum.

Odor quidam in hac aqua lixivialis supererat, qui caloris impressionem in faucibus relinquebat, adeo ut salis alicujus nitrosi additione salem marinum præcipitatum esse conjiceret. Cum enim maris salugo ex dissoluto sale dimanat, hæc adimi vix potest nisi sal ipse terrestris fiat, ut in corallio, & in cancerorum lapillis cernimus: hæc quippe & alia hujus generis, sunt sales concreti & terrestres facti.

IV. D. Mariotte Tractatum suum de coloribus legit in variis congressibus: hunc postea in publicum emisit. Hoc argumentum à nemine, ut nobis videtur, uberius pettractatum fuit & explicatum. Cum autem eruditorum manibus teratur, atque illius præcipua theorematum & observationes in tertia & quarta editione Philosophiæ vereris & novæ excerpta à nobis fuerint, nihil necesse est hoc loco plura de hoc opere attexere.

V. Die 28. mensis Maii D. Hubin industria sua clarus, machinam nuper à D. Papin inventam ossibus emolliendis & carnibus elixandis exhibuit, cui nonnulla adjecerat. Hæc duplici cylindro constat uno stanneo, cui carnes aut ossa & parum aquæ imponuntur; isque bene oclusus altero cupreo aliquanto ampliori continetur. Hic aqua impletur duplici cochlea accurate obturatus, relicto parvo foramine quo vapores è majori cylindro, seu è balneo maris per illud foraminulum paulatim exhalet. Intra horam & ttes quadrantantes ossa fuerunt instar casei emollita, sed plane insipida: nam succus iis contentus in jusculum transierat, quod instar gelatinæ concretum est: ossa post aliquod tempus pristinam duritiem recuperarunt, sed friabilia erant. Non inutilem fore hanc machinam conservandis carnibus & iis emolliendis, nec non gelatinæ conficiendæ ex ossibus & cornu cervino tum creditum fuit: nec video tamen illius usum frequentari.

Nonnulla quoque sunt proposita quæ si succederent, alicujus forent utilitatis: cujusmodi illud fuit à D. du Clos inter alia jactum, decoctione trifolii palustris, aut sinapi potu scorbutum sanari.

V. Cum de structura & usu organi auditus tractatum suum legeret D. du Verney, ac de cera quæ in prima auriculæ cavitate occurrit, Merino haberetur, eamque interdum tympano adherescere, & sensum obtusio-

ANN. rem reddere quidam assererent, iidem injectionibus eam dilui & abstergi
1681. testati sunt. 2. Hanc esse admodum balsamicam confirmavit D. Borel. Ad-
debat D. Dodard in præparatione sacchari spumam ab ea discuti, uti etiam
fit in recenti sanguine è vena emisso.

VI. De sonis quoque data occasione nonnulla obiter sunt annosata.
Illud ex. gr. à D. Blondel observatum, aquæ scypho vitreo contentæ dum
vitri margines digito premuntur, ebullientis parvos circellos conduciplicari
cum tonus ad octavam pervenit, quod motus sit duplo velocior.

Addebat D. Mariotte in tuba militari extremam & latiore partem tum
tremere, cum sonus est gravior; ut pars media fremit in diapente; tremulus
vero motus in octava superiores tubæ partes concutit.

CAPUT III.

*De iis que acta sunt cum Ludovicus Magnus Academiam invisere
dignatus est.*

I. **D**ie 5. Decembris Ludovicus Magnus suæ Majestatis præsentia Aca-
demiæ cohonestatam voluit. Una cum illo aderant Sereniss. Fran-
ciæ Delphinus, Frater Regis Unicus, Sereniss. Dux nunc Princeps Condæus,
& alii primariæ nobilitatis Viri. Cum Rex Bibliothecam lustrasset, labo-
ratorium, ut vocant, seu officinam Chymicis laboribus destinatam invisit,
ubi quædam hujus artis specimina D. Duclos exhibuit. Primum aquæ ma-
rinæ coagulationem in momento effecit, oleo usus tartari eo quo supra
dictum est modo. 2. Sales quosdam acerrimos, cujusmodi est sal tartari,
in terram inspidam redactos ostendit, quod variis lotionibus effectum fuit.
3. Spiritus vini in aquam exsoluti, ac flammæ illius distillationem, cujus
aliàs meminimus, effecit.

II. E laboratorio aulam in qua Academici erant congregati Rex ingres-
sus, primum illi opera jam edita, quæque erant in ordinem digesta, ostendit
D. Colbert, tum ea quæ erant in lucem proditura. Animalium terrestrium à
D. Perrault, piscium itidem icones à D. de la Hire delineatas, simul aliquot
stirpium figuras attentius inspexit. Tum qua solet humanitate Academicos
affatus: nihil necessum est, inquit, vos sponte currentes incitare, quos video
navandæ operæ cupidos & ad laborem ulstro ferri.

III. Tandem duas illas machinas quarum supra meminimus à D.
Roëmer excogitatas & ab industrio artifice elaboratas & perfectas intento
animo Rex dispexit, quarum una Eclipses, altera theoriæ Planetarum,
& eorum periodos exhibet. Ex priori tempora eclipsion Solis & Lunæ,
quæ hæcenus extiterunt aut futuræ sunt, dignosci possunt; utriusque stru-
cturam exposuit D. Cassini.

Neque hoc loco alienum fuerit librorum, qui tum temporis in publicum
emissæ fuerant catalogum subicere. Primum occurrunt descriptiones ani-
malium uno volumine comprehensæ, cujus supra meminimus. Hic labor

totius est Academiæ, sed D. Perrault formam illi & dispositionem tribuit. *Astro.* Illius propria erant tria tentaminum Phisicorum titulo inscripta volumina, *nom.* quæ tamen lecta sunt in Academia.

Hos excepit plantarum Prodomus à D. Dodard elaboratus, cum 40 plantarum descriptione.

Quatuor deinde prostabant Phisicorum tentaminum volumina à D. Mariotte elucubrata: primum de vegetatione stirpium. 2. de natura aëris. 3. de calido & frigido. 4. de natura colorum, quæ in variis congressibus lecta sunt & discussa, uti & Tractatus de collisione corporum; non item I.ogicæ tentamina, sed de librandi arte & visûs organo dissertationes editæ in Academia ante fuerunt examinatæ.

Nonnulli quoque Libri Mathematici extabant jam excusi. 1. D. Hugens de motu pendulorum & horologio oscillatorio.

2. D. Cassini de duobus satellitibus circa Saturnum ab eo detectis, quorum motus ad calculum revocavit. Item ejusdem Tractatus de Cometa qui hoc anno 1681. visus est. 3. Planetarum orbitæ figuris expressæ. Item de Solis & Lunæ maculis, D. Picard terræ mensura. Itineraria in Daniam & varias Galliæ oras.

D. de la Hire Elementa conica, Loci Geometrici, & æquationum constructio.

D. Frenicle Tractatus de triangulis rectangulis per numeros expressis.

D. Perrault Vitruvii Architectura in linguam Gallicam conversâ cum notis.

Multa prætereo Opera Mechanica, Geometrica, Astronomica, quæ postea fuerunt publicata, quorum idoneis locis mentionem fecimus. Hujus generis sunt complura volumina Mathematica à D. Blondel edita.

C A P U T . I V .

De Rebus Astronomicis.

I. **C**Irca solstitium hibernum anni 1680. insignis in cælo visas est Cometa, qui ad æquinoctium usque vernum anni 1681. sub aspectum venit, quique à D. D. Cassini & Picard quàm diligentissimè fuit observatum. D. Cassini missas ex tota pene Europa Astronomorum observationes unâ cum suis contulit, tractatum ea de re emisit in publicum, in quo hunc Cometem cum iis qui ante centum annos visi sunt, contendit; apparentem motuum inæqualitatem ad certas leges & magni circuli circumferentiam revocavit, ac nova denum ratione Cometarum theoriâ exposuit.

II. Ex eo quidem opere nonnulla tum à nobis excerpta in quinto volumine Philos. vet. & novæ Tractatu secundo inseruimus, quæ breviori sty-

A. N. N. 1681. lo nunc contrahemus. Ea quidem ad naturam, motum, & incredibilem Cometarum à terra distantiam pertinent. De natura eorum superius dictum est. Neque id abhorret à vero Cometæ inter opera ab initio mundi condita, uti & Planetas refertur oportere. Nec fortè eorum motus minus est æquabilis, quàm Planetarum. Quod vir clariss. probat ex collatione hujus Cometæ cum eo qui à Tycho anno 1577 fuit diligenter observatus. Nam hi duo ita inter se conveniunt, ut unus & idem pene videatur. Unde non dubitavit D. Cassini die 18 Decembris sexto post die quam caudam hujus primum conspexerat, & postero die quo caput se videndum præbuerat, scripto publico, quod Rēgi Christianissimo obtulit, id prænuntiare, fore ut hic Cometa ab Astronomis toto hyemis tempore videretur, atque inter fixas eandem descripturus esset viam, quam Cometa anni 1577 à Tycho observatus insistere visus est, quasi idem prorsus qui post emensa remotissima spacia redux, & terræ propior rursus sui copiam faceret: quod eventu fuit comprobatum.

III. Ubi primum apparuit, eodem motu incedere visus est quo Cometa anni 1577 die 8 Januarii; 4 nimirum gradus & 27 minuta singulis diebus uterque percurrerat. Cum utriusque Cometæ Ephemerides & observationum tabulæ consuluntur, vix inter eorum semitas & motuum velocitatem ullum occurrit discrimen; sub iisdem stellis ambo visi sunt incedere, iisdem in locis eclipticam secare, nempe in 21 Sagittarii, & æquatorem in gradu 300 ab initio Arietis, nunquam Planetæ post exactum sæculum iisdem in locis Zodiacum & æquatorem tam præcisè attingunt.

IV. Cum primum hic Cometa visus est Londini & Madriti, die videlicet 20 Decembris, motus diurnus fuit ferme duorum graduum: nondum quippe ad Perigæum suum pervenerat, ubi motus ejus est celerrimus. Die 4. Januarii is motus fuit 4 grad. cum semisse. Accelerato ejus motu major Cometa, & cauda productior apparuit, quæ die 17 Decembris 48 gradus in cælo occupabat, ad 62 usque gradus excrevit. A die 4 Januarii sensim & motus & moles Cometæ cæperunt decrescere: adeo ut die 18 Martii motus diurnus vix fuerit 20 minut. Cauda sensim aucta est: cum motus increfcebat, ubi motus est retardatus, cauda quoque est imminuta, eaque Soli non è directo erat opposita, sed in arcum nonnihil curvata.

V. Circa diem 4. Januarii Cometa fuit terræ proximus: nam & major & velocior tum fuit. Rarò id contingit ut Cometæ videantur ante & post Perigæum: nam radiis Solaribus plerumque opprimuntur statim à Perigæo, vel antequam ad illud perveniant: ac fortè in iis ut in Planetis Perigæa non sunt adeo fixa, ut locum non mutant: nam Planetæ ipsi modò citius, modò tardiùs ad easdem stellas revertuntur.

VI. Nec mirum si Cometa idemtidem revertatur, nec videatur tamen: nam cauda est quiddam omnino illi adventitium. Interdum nulla est, cum Cometa cernitur: sæpe non videtur, quòd Soli sit vicinior & ejus radiis occultetur, aut remotior ac tenuiori luce perfusus. Sic Mercurius plures interdum revolutiones conficit, nec videtur tamen. De stella quæ est in collo Ceti, id liquet, quæ per 7 aut 8 menses singulis annis oculos fugit. Quod si ea stella caudam instar Cometæ projiceret, eam tamen non aliter vide-

remus quàm videri solet. Nam à Sole & terra tam procul remota est, ut *Astre-*
orbis Solis aut telluris sit instar puncti, si cum ea distantia conferatur: unde *nom.*
illius cauda & Soli & terræ semper esset opposita.

VII. Id etiam liquet ex observationibus Astronomorum inter se collatis, hunc Cometem Luna fuisse longè superiorem. Quod si enim ad terræ systema pertineret, cum astra cuiusque systematis, atque ut Recentiores loquuntur, cuiuscumque vorticis, centro sunt propiora, celeribus moverentur: Cometa ille etiam in Perigæo constitutus multò tardius quàm Luna incedens longius à nobis distaret. Deinde hujus Cometæ caput rotundum instar Saturni visum est, cum 12 tantùm gradibus à Sole distaret, magno sane indicio hunc Cometem Sole multò esse altiore. Sic enim Venus in parte summa suæ orbitæ globosa cernitur, quod Sole sit superior, & ex parte nobis conspicua illustratur: cum prope conjunctionem in parte suæ orbitæ inferiori falcata appareat.

VIII. Circa 9 Februarii caput præ exiguitate nudis oculis videri non potuit, sed cauda adhuc sub obrutum veniebat: tubo optico 4 pedum caput Jove ipso majus apparebat; telescopio autem longiori 20 pedum videri non poterat, quod longiores tubi lumen ipsum debilitent, dum illud spargunt.

IX. De cauda vix quidquam certi constitui potest, ac meritò dubitatur, an sit effluvium quoddam à capite dimanans, an potius quædam sit in ea ætheris parte sparsa materia quæ fractos in atmosphæra radios Solares ad nos usque regerat, fere ut prolixas interdum caudas in turbido aëre radii Lunares effingunt.

X. Dissertationem quoque de natura Cometarum tum temporis conscripsit D. Hugen. In eodem argumento versatus est D. Picard qui & hunc Cometem sedulò observavit.

XI. Cum mense Junio ineunte Venus eundem cum Sole parallelum pertransiret, D. D. Cassini & Picard per integram hebdomadam separatim eam observarunt, si fortè ea ratione ejus parallaxim & distantiam à terra invenirent. Utriusque observationes aptè inter se convenerunt. Venus eo in loco terræ vicinior erat duabus tertiis distantie Solis à terra; hinc adeo quantum Sol à nobis removeatur satis accuratè dignosci potuit. Hoc intervallum 22000 semidiam terræ, hoc est, 3600000 leucarum invenit D. Cassini, fere ut antea dimensus fuerat.

XII. Æquinoctium utrumque Autumnale & Vernale, æstivale item solstitium & eclipsim Lunæ quæ die 27 Augusti contigit, observavit, collatis suis cum iis quas undique ab Astronomicis accepit observationibus. Satellitum quoque Jovis eclipses hujus, & insequentis anni futuras in tabulas redegit, quæ inveniendis locorum longitudinibus magno usui fuerunt.



CAPUT V.

De Rebus Geographicis & Geometricis.

I. IN hoc quoque præcipua Academiæ cura eo anno & consequenter incubuit, ut tabulæ Geographicæ emendatiores fierent, ac Meridianorum differentię certæ & determinatę haberentur. Id omnibus persuasum erat ex tabulis satellitum satis commodę, eo quo jam diximus modo, illas haberi posse; quantum enim cuiusque loci Meridianus ab Observatorii Regii Meridiano distat, ea ratione innotescit.

II. Primum igitur de Galliæ Charta instauranda agitatum fuit. D. Picard die 5. Februarii sententiam suam Domino Colbert scripto exposuit. Summa hæc erat, eam quæ hæctenus regni describendi & tabulas conficiendi per provincias cœpta fuit, longiorem esse methodum, quàm ut ad exitum perduciqueat, nisi post multorum annorum volumina, nec tot frustra in unum corpus cogi facili, nisi in septem quoddam, aut in marginem regularem vulgus *chassis*, tabulę sint redactę. Hoc vero septem ante omnia sic disponi opere, ut regnum per triangula inter se connexa dispartiret.

III. Hujus initium capi potest ab urbe Dunkerca & Perpinianum usque produci: sunt enim hæ duæ urbes fere in eodem Meridiano. Hæc via jam tum inchoata, cum terræ dimensio suscepta fuit. Quod si utriusque loci latitudo accuratę sumatur, uti factum est in vico Picardię cuius nomen *Sourdon*, & Malvesiæ in agro Vastinenfi, vulgo *Malvaisine en Gastinois*, veram terræ mensuram octies accuratiorẽ eā quæ publicata est, habebimus: nam unius gradus loco octo erunt explorari, qui simul juncti non majorem inducerent errorem quàm unus. Hoc transverso tramite absoluto, alius per Galliæ fines & circumjecta littora designari potest, qui cum priori conjungeretur.

IV. In eo rei summa posita est, ut puncta quædam seligantur insignia magnis, quantum fieri potest, triangulis efficiendis: seu puncta illa aut loca in orbibus, seu in montibus, unde amplius pateat prospectus, constituentur, & anguli minores 20 gradibus omnino vitentur. Quæ particulatim essent faciendæ non exponit, quod D. Viviers, qui huic labori erat assuetus, hæc calleret optimè. Hic eo ipso anno Chartas Geographicas multum promovit circa Ligerim & Sequanam.

V. Interea temporis D. Cassini litteras misit ad Astronomos variis in regionibus, & maximè in Italia constitutos, ut Meridianorum differentias per satellitum eclipses captarent, & experirentur an fortè tabulæ cum observationibus suis, & iis quæ Romæ & Venetiis factæ sunt, convenirent. Hoc ipsum compertit, terras continentes inter Oceanum & mare Adriaticum interjectas in tabulis longè ampliores quàm revera sint, describi. Atque hinc patet quàm necessarium sit etiam ad navigationis usum eas tabulas emendare,

VI. Cum autem longitudines locorum ad primum referantur Meridianum qui à Ptolemæo & postremis Franciæ Regibus constitutus fuit in ea Insula quæ inter Fortunatas ad Occidentem ultima est, cõ mittendi viros industrios qui observationes necessarias iis in locis perficerent, consilium initum est. Huic operi viti eruditi selecti D. D. Varin & Deshayes, iique à D. Cassini ritè admoniti, ut primi Meridiani distantiam à Continente observarent. Sed cum mare Piratis infestum esset, ad Viride promontorium missi sunt, Dominum du Glos ibi operiri iussi, atque inde ad Insulam S. Thomæ sub linea æquinoctiali contenderent.

*Astro-
nom.*

VII. D. Cassini scriptum legit quo monita quædam iis qui longinquas peregrinationes suscipiunt, tum regendis horologiis & temporum momentis accuratè captandis, tum lineæ Meridianæ delineandæ, altitudini Solis & Fixarum meridianæ indagandæ, immersionibus & emersionibus satellitum ritè observandis sigillatim continentur, nulla re prætermissa quæ informandis Astronomis utilis esse possit. Scriptum illud unà cum aliis rebus ad Astronomiam pertinentibus editum est.

VIII. Tum temporis P. Fontenay Societatis Jesu & Matheseos Professor in Collegio Ludovici Magni, de perfectione sua in Sinense regnum cogitans, qua ratione locorum longitudines observaret, cum D. Cassino contulit, qui & illi scripto tradiiit quam existimaret optimam describendi terrarum ordis methodum. Et quidem huic operi promovendo vix quisquam magis idoneus inveniri potuit, quique Orientis plagas designaret unà cum aliis Societatis eodem propagandæ Christianæ Religionis studio incensis.

IX. Eo ipso tempore D. D. Picard & de la Hire varias Galliæ plagas lustrant, ut quæ iis in locis fierent observationes collatæ cum iis quæ à D. Cassino Parisiis tum habebantur, locorum longitudines præberent. S. Maclovii urbem 18 horæ minutis ad Occidentem magis declinare quàm Lutetiam ex immersione primi satellitis Jovis die 18. & 25. Octobris collata cum iis quas eodem tempore D. Cassinus fecit, observationibus comperit D. de la Hire. Inter marinos æstus maximos, & recessus, seu maximas depressiones differentia ad 70 usque pedes excurrit; biduo post Novilunium & Plenilunium æstus sunt majores, iique in novilunio & plenilunio contingunt hora sexta.

Tum vero D. de la Voye, qui jam ab exotidio Academiæ selectus fuerat, littorum Oceani chartam delineabat, & per triangula præcipua puncta designabat. Ex quibus D. Picard collegit S. Maclovii oppidum à S. Michaëlis fano 36 unius gradus versus Occidentem declinare; suspensi in Barometro hydiargyri altitudo minor fuit prope horologium Ecclesiæ S. Michaëlis 4 lineis, quàm in arenoso solo 64 hexapedis depressiore.

Cæsaris Burgi æstus recurrit in novilunio & plenilunio hora 7. 20 min. differentia inter maximum æstum, & refluxum est 25 pedum; ceteri minores sunt æstus, differentia est tantummodo 17; pedum.

In plenilunio cum mare infra observatoris oculum depressum esset, radius qui mare contingebat 7 min. 35 sec. inclinatus infra libellam apparuit:

AN. cūm ex calculo juxta terræ mensuram inito major uno minuto esse debuisset, quod utique minutum refractioni tribuendum est. Post sex horas cum mare altius esset, radii visualis inclinatio fuit tantū 6. min. 30. sec. tumque mare ad 22 pedes ascenderat, adeo ut nulla esset refractionis sensibilis. Idem fere contigerat observationi factæ anno 1674 à D. Picard in Occitania ad Promontorium, vulgo *le Cap de Sète*.

Cadomi die 6 Decembris altitudo Poli inventa est 49 gr. 10. min. 50 vel 55 sec. in Collegio Artium.

Dunkerschæ Poli altitudo inventa est à D. de la Hire 51 gr. 1 min. 24 sec. in majore Ecclesia; ex immersione primi satellitis die 18 Octobris differentia longitudinum ab Observatorio reperta est 8 sec. versus Orientem, die 25 reperta est tantummodo 3 sec.

Calcti die 10 Novembris Poli altitudo observata fuit 50 gr. 57 min. 2 sec. idque sæpius repetitum, longitudinum differentia 2 min. 20 sec. versus Occidentem.

D. de la Hire Calerum inter & Angliæ portum Dubridem v. *Douvres* multo minorem distantiam quam tabulæ designent, invenit; basi trianguli in arenoso litorē 2500 hexapedarum sumpta, ex qua positionem utriusque loci invenit; ita ut Dubridis ab apice propugnaculi Risban distet 21560 hexaped.

X. Varii Tractatus Geometrici lecti in Academia, complura quoque proposita sunt problemata. D. de la Hire præter cæteros in hoc argumento versatus, opus suum de sectionibus conicis & cylindricis à decem annis cæptum pene absolvit. Quæ à Geometris hæcenus magnis voluminibus sunt pertractata, nova & compendiosa methodo sic contraxit, ut exquisitiora quæque complexus novas sectionum conicarum affectiones quamplurimas demonstraverit. Formam totius operis & rationem primū exposuit quæ omnibus probata fuit, tum demonstrationes suas conis & variis eorum sectionibus ac figuris, ut facilius caperentur, in medium prolatis, simul oculis & animo subjecit. Nonnulla quoque problemata à se proposita & à D. Sauveur nunc Professore Regio, & Academiæ Socio, soluta subjecit.

XI. Novam fabricandi naves rationem D. Renault nunc inter Navarchas nobilis, atque inter Honorarios Academicos anno 1699. recensitus proposuit. Illustriiss. Matchio de Seignelay id muneris dedit D. D. Blondel & Mariotte, ut eam diligenter expendere. Qua de re quid sibi viderentur ad Academiam rerulerunt, eam nimirum fabricam usū optimam & facilem judicarunt; hujus fundamentum in sectione conica positum esse, atque hunc non contemnendum Geometriæ speculatricis extare fructum.

In eundem pene censum adscribi potest instrumentum quod D. Sauveur exhibuit, quo aquarum jactus facile altitudinis & castellorum rationem, nec non penes diametros tubulorum per quos aqua erumpit. Eodem instrumento quantitatem aquæ concha fontana contentæ dimetiri licet, cum semi-diameter conchæ innotescit, si rotunda sit, aut certè latus unum sit cognitum, si fuerit quadratæ aut alterius figuræ regularis.

R. Raff.

AN. Die 17 Junii in hortum Regium convenere Academici qui Elephantis sce-
1682. leton nuper coagmentatum perpenderent.

III. Die 22 Julii D. Tchirnhause nobilis Germanus inter Academicos est cooprat. Die 29 ejusdem mensis D. Pothenor in eandem Societatem ascitus fuit.

Jam anno 1680 D. Sedileau quem eo ipso tempore quo hæc scribi-
mus, anno 1693 immaturo fato abreptum lugemus, inter Academicos alle-
ctus fuerat.

IV. Illud experiri placuit, quantum salis volatilis sit adhibendum, ut unà cum spiritu salis tumulruetur. D. Bourdelin drachmam spiritus volatilis è carne bubula extracti in tres cum semisse drachmas aquæ conjecit: hujus aquæ grana 24 cum 16 spiritus salis granis permista multum effervuerunt. Deinde salis volatilis vis magnopere infracta est: nam septuplum hujus aquæ adjectum, tumque 9 spiritus salis grana cum 24 granis illius aquæ confusa non mediocrem adhuc effervescentiam procreant: idque fuit continuatum, donec unum granum spiritus salis cum 24 granis hujus aquæ permistum fremitum quemdam excitaret. Res eò processit, ut granum salis volatilis 18 unciis aquæ puræ admistum sublimati solutionem lacteo colore aliquantum infecerit.

V. Ac de Anatomicis & Chymicis operationibus tantum, neque enim omnia persequi necesse est. Nunc quæ Physicæ sunt contemplationis summam attingamus.

Tractatum suum de coloribus D. Mariotte eo anno absolvit, qui in Academia perlectus typis mandatus fuit. Hujus summarium in Physica veteri & nova, parte 2, & 3 dedimus.

De calore quoque nonnulla fuerunt ab eodem observata: Illud imprimis calorem ignis à speculo ustorio reflexum, in foco speculi vim suam exercere, quæ sensu ipso percipitur: sed interposito vitri inter speculum & focum calor non se prodit.

VI. Die 13 Maii hora à media nocte secunda terræ fremitum Lutetiæ levio-
viorem experti sumus, cujus vis maxima in quadam Lotheringæ urbe Ro-
marici monte, vulgo *Remiremont*, se exeruit, & diutissime duravit, uti fu-
sius dictum est in vol. 5. Tract. 2. Philos. ver. & novæ.

Sub idem tempus vir clariss. D. Leibnirs conficiendi phosphori formu-
lam, quam attulimus tomo 5. Philos. vet. & novæ p. 70. ad D. Tchir-
nause misit.

VII. Quædam tum temporis circa phosphorum experimenta facta sunt: Illud casu quodam evenit non omittendum. Cum D. Cassini granum phosphori sicci inter digiros sudario interposito premeret, statim ignem concepit, quem cum vellet pede extinguere, flammam quoque calceus concepit, eamque regula cuprea reprimere coactus est; sed & regula per duos menses in tenebris radiavit ex ea parte qua vim phosphori compresserat. Granum phosphori in prunas ardentes conjectum in magnam flammam erupit.



CAPUT II.

De Rebus Astronomicis.

I. **O**bservationum Astronomicarum ab eclipsi Lunæ ducemus exordium. Hæc à D. Cassino die 21. Februarii anni 1682. hora 9. 20. min. 55. sec. & à D. de la Hire hora 9. 21. min. 58. sec. in Regio Observatorio; eadem horâ 21 min. 25 sec. à P. Fontenay in Collegio Claromontano primum visa est. Tempora obumbratæ cujusque macule, centri Lunæ obscurati, totalis eclipsis, emerisionum inter se & cum observationibus D. Roëmer Hafniæ factis, postquam Meridianorum 41 min. 46 sec. differentię ratio habita est, mirum in modum consentiebant.

II. Hujus Eclipsos occasione D. Cassini dissertationem de Lunæ defectione conscripsit, in qua præter cætera, causas affert cur umbra telluris tum radiis solaribus illustretur, & Luna ipsa quadam luce perfusa videatur, idque ex radiis solaribus in terræ atmosphæra refractis proficisci demonstrat: simul & de Lunæ parallaxi in postrema hac Eclipsi inventa & de illius à terra distantia disserit, quam 57 semid. terræ esse reperit.

III. Tum temporis D. du Glos in insulam S. Thomæ sub Linea æquinoctiali profectus est. Quem D. Cassini scripto edocuit quæ observationes essent eo in loco faciendæ, quomodo pendula essent aptanda temporibus accuratè capiendis, eaque ex Solis altitudinibus emendari oporteret. Hæc & alia ejus generis commonitorium illud continebat; neque illud fuit prætermissum, ut quam accuratissimè expenderetur utrum penduli longitudo 36 digitorum & $8\frac{1}{2}$ linearum in Zona torrida eadem perstaret unius secundi vibrationi consociendæ apta, ut Lugetiæ, Londini, Hafniæ & aliis in locis fuit observatum; an paululum brevius esse oporteret, uti Cayennæ, à D. Richer annotatum fuit.

IV. Die 21 Maii Ludovicus Magnus Observatorium invisere dignatus est, instrumenta Astronomica contemplatus, cui usui essent, quæ eorum ope observationes fierent, ex D. D. Cassini, Picard & de la Hire audire voluit. Universe terræ chartam seu Planisphærium, cujus diameter est 27 pedum, in tabulato turris Occidentalis à D. D. Sedileau & Chazelle tum delineatum, opus dirigente D. Cassini, uti & icones Lunæ D. Cassini opera quam accuratissime expressas, quæque ad observationes eclipsium exactius faciendas sunt accommodata planetarum systemata, & eorum revolutiones ut ex Sole aut ex terra conspiciuntur, Icones denique piscium à D. de la Hire depictas, animalium figuras æri incisas expendit.

V. Solstitii æstivi observationes suas tradiderunt D. D. Picard & de la Hire, varias ante & post solstitii diem meridianas Solis altitudines captarunt, ex quibus conclusum ab iis fuit solstitium die 21 Junii hora sexta contigisse.

AN N. VI. Die 18 Augusti altera Lunæ Eclipsis à D. D. Cassini, Picard & 1682. de la Hire fuit observata, quæ incæpit mane hora 4. 26 min. cum occubuit, jam pars tertia diametri suæ erat obscurata, Sol nonnisi post octo horæ minuta apparuit.

VII. Die 22. D. Cassini litteras accepit à D. Deshayes in Goræa insula prope Viride promontorium scriptas. Altitudo Poli illius Insulæ ex corde Leonis observata est 14 gr. 38 min. ex stella Polari 14 gr. 36 min. minor 30 min. quam tabulæ designent. Quæ differentia multo minor est ea quæ in mari Mediterraneo reperta fuit, quod maris Interni naucleri minus sint in capiendis altitudinibus exercitati.

VIII. Exeunte hoc mense Cometa apparuit sub Ursæ constellatione, paucis post diebus publicæ gratulationis festi ignes in Nativitate Sereniss. Burgundiæ Ducis accensi fuerant. Id vero animadvertit D. Picard à Keplero memoriæ mandatum Cometæ anno 1607 die 26 Septembris Pragæ visum esse, cum ignes quoque in publicæ lætitiæ argumentum in compitis lucentes: observationes hujus Cometæ à se factas cum adjuncta dissertatione D. Cassinus Regi Christianissimo obtulit.

IX. Paucis ante diebus, nempe 15 Novembris, qua ratione Veneris parallaxis habeatur, ubi cum stella fixa in eodem parallelo occurrit, rationem exposuit, cujus mentionem fecerat in tractatu edito de Cometa anni 1680. Cum enim Venus futura esset perigæa die 3 Februarii, ad hanc observationem se accingere voluit.

X. Eo ipso tempore observationes in Goræa insula à D. D. Varin; Deshayes & du Glos magno studio factas acceperat, quæ varias Solis altitudines ante & post meridiem, ac plerasque in ipsa meridie sumptas, Lunæ quoque, ac quarundam fixarum altitudines meridianas, immersiones & emersiones primi satellitis continebant. Ejusdem satellitis Eclipses collatæ cum iis quæ Lutetiæ fuerant observatæ, meridianorum differentiam Goræam inter & Lutetiam præbuerunt unius horæ 17 min. & 40 sec. In magno globo D. Blaen longitudo differentia 3 unius gradus min. tantummodo aberrat ab ea quæ fuit observata. Quin & latitudinem eandem prorsus cum observata designat 14 gr. 40 min. Æstus maris 5 pedum altitudinem non excedit.

Cum ad Antillas pervenisissent, in insula vulgo *la Gardeloupe* dicta latitudinem 14 graduum; differentiam meridian. Observatorii & Insulæ 64 grad. 33. min. invenerunt. In Martinica reperta est 63 grad. 41 min. latitudo 14 44.

Penduli longitudo brevior duabus lineis ibi inventa quam in his regionibus. Quin etiam D. Deshayes Barometri altitudines noctu majores esse quam de die 3 aut 4 lineis compertit, idque constanti lege: ita ut Barometri & Thermometri alternatim sint majores altitudines: nam in Thermometro spiritus vini altius artollitur de die, in Barometro hydroargyrus est depressior: quæ inæqualitas in nostris regionibus non deprehenditur.

Circa æstus maris non major reperta est differentia quam 5 pedum. Multæ quoque magnetis variationes in hac parva insula fuerunt observatæ,

ab uno gradu ad 14. quod ferri eo in loco latentibus venis tribuendum
videtur.

*Astro-
nom.*

CAPUT III.

De Observationibus in Provincia factis.

I. QUæ superioribus annis factæ sunt à D. D. Picard & de la Hire observationes Astronomicæ, locorum insignium quæ ad Oceanum sita sunt, tum latitudines, tum longitudes constituerant. Cum etiam D. Picard anno 1674 se in Occitaniam contulisset, simul quædam maris Mediterranei loca inviserat, & explorato eorum situ, id unum supererat, ut insignium magis Provinciæ portuum, & urbium positiones perspectæ haberentur.

Itaque D. de la Hire jussu Invictissimi Regis eo profectus est mense Octobri, eodem instrumentorum apparatu instructus, quo Oceani littora lustraverat.

II. Ab extremis Provinciæ finibus observationum suarum initium cepit, atque urbem Antipolim primum adiit antiquitatis monumentis, & portu ipso nobilem. Præterquam ab ostio Vari, qui Provinciam à Nicæno Comitatu differtinat, cuiusve positio erat constituenda, non multum distat: adeo ut illius situs per triangula haberi posset, atque adeo ejus cum latitudo, tum longitudo definiri.

Antipolis latitudo inventa est die 2 Novembris 43, 34 min. 10 sec. differentia Meridian. Lutetiæ & Antipolis 19 min. 11 sec. unius horæ: ita ut arx ipsa Orientem versus magis declinet quam Observatorium regium, idque ex immersione primi satellitis Jovis compertum fuit.

III. Hinc Telonem, seu Tulonium profectus, ex stellæ Polaris maxima & minima altitudine, latitudinem majoris Ecclesiæ invenit 43, 6 min. 40 sec.

Ex immersione primi satellitis longitudinem illius loci majorem esse, seu ad Orientem magis vergere, quam Observatorium Regium 3 grad. 15 min. 33 sec. Prope Tulonium excelsa quædam, & prærupta est rupes, hanc Montem Clarum, *le Mont-Clair* vocant: in ejus verticem conscendit die 7 Decembris cum libella & Barometro, cacumen hujus montis supra maris superficiem elatum est 257 hexapedas, hydrargyrus ad 26 digit. & 4. lin. ibi suspensus erat, post tres horas in maris littore ad 28 pollices & 1. lin. ascendit: ita ut differentia utriusque altitudinis fuerit unius digiti & 9. lin.

Eodem in loco, nempe in montis cacumine anguli inclinatio quem libella apparet subjecti maris efficiebat cum vero horizonte, inventa est 39, 26, adeo ut horizontem apparentem maris refractio exhibuerit majorem quam esset 3, 46 ex diametro terræ constituta.

IV. Aquis Sextiis altitudo Poli inventa est prope portam quæ Avenio-

D d iij

AN N. nem ducit, 43, 31 min. Lugduni prope Ecclesiam S. Pauli reperta est 45;
1682. 45, 35.

Ex Observationibus à D. D. Picard, & de la Hire circa utriusque maris littora rite peractis, atque ex aliis quas in ipso Continenti D. Cassinus, D. de la Hire, & alii Academici utrique adjuutores dati anno infrequenti inierunt, charta Galliz multo emendatior quam ulla, quæ hactenus vel à peritissimis Geographicis edita fuerit, concinnari potest. Hujus specimen dedit D. de la Hire in collectione Observationum Astronomicarum ante aliquot annos edita. Nam in una & eadem figura omnes, quæ factæ sunt in Galliæ littoribus ad annum usque 1683 observationes continentur; simul videre est quantum discriminis intercedat inter chartis Galliz vel magis exquisitas, & hanc quæ ex observatis accurate locis fuit delineata.

V. Atque is est tot itinerum & laborum fructus uberrimus, ut ex Observationibus Astronomicis accuratissime peractis lux nova tum Geographiæ, tum navigandi Arti accesserit. Jam anno 1678 hujus operis perficiendi forma à D. Cassini designata fuerat ex tabulis satellitum Jovis. Eam methodum & rationem secuti sunt, qui jussu Regis varia ingressi sunt itinera cum in Galliam, tum in Africam & in Americam. Observationes in exteris & longe diffitis regionibus factæ, cum iis quæ in Observatorio habebantur, collatæ sunt. Accuratam Galliæ chartam delineatam utilem fore reliquis perficiendis judicavit Academia. Ac tandem illud ex longa Observationum serie conclusum postea fuit, locorum longitudes multo atctiores esse, iis quæ in tabulis Geographicis notatæ sunt. Cujus rei ea forte est ratio quod iter facientes aut in terra, aut in mari, in computando itineris decursu spatio, vel ex ipsa æstimatione ex sulcis navis, vulgo, *par le Sillage*, non subducant è summa varias à recto tramite deviationes, neque ad currentium, aut ventorum discrimina satis intendant animum.

Quamobrem si eadem ratione, quæ in Gallia fuit usurpata, aliarum quoque regionum longitudes, seu Meridianorum differentiz contrahantur, non multum à vero aberrabimus.

VI. Hujus rei periculum fecit Academia in magno planisphærio; quod in turri Observatorii Occidentali fuit delineatum post absolutas observationes Danicas, Americanas, & eas quæ in plagis Occidentalibus Franciæ habitæ sunt. Primum enim locorum in quibus factæ fuerant observationes, situs sunt positi: reliqua è vulgaribus chartis ita sunt translata, ut longitudinum differentiz eadem ratione contraherentur, & ad varias Lunæ eclipses exigerentur. Nec prætermissa est correctio ab illustri Peireskio & celeberrimo Gassendo facta in tabulis hydrographicis maris Mediterranei. His enim ille habendus est honos ut primi chartas navigationis in mari Mediterraneo emendaverint, & distantiam Massiliam inter & Alexandriam quingentis milliaribus minorem effecerint.

VII. Geographiæ tabulis in hunc modum correctis, regiones à nobis versus Orientem & Occidentem remotissimas 25 aut 30 gradibus admove-

re, & totidem gradus longitudinis ex iis qui in tabulis notantur, subducere necesse omnino fuit, eosque addere oportuit iis regionibus quarum Meridiani iis opponuntur locis, ubi factæ sunt prædictæ observationes. Quam rationem postea comprobarunt aliæ in Gallia, in Africa, & in America habitæ observationes, quibuscum charta Observatorii fere ubique consentit.

VIII. Addit D. Cassini in collectione Observationum sæpius laudata D. Halley Anglum, insignem Astronomum, qui in insula S. Helenæ Australis stellas diligenter observavit, ex iis quæ à naucleis factæ sunt & inter se collatæ Observationibus comperisse promontorium bonæ Spei 7, aut 8 gradibus magis ad Occidentem vergere, quam chartæ ipsæ demonstrarent. Isque in planisphærio terrestri Observatorii illud promontorium in eo gradu longitudinis positum vidit, quem ipse definierat.

Lunaris Eclipsis quæ die 21 Februarii anno 1682 Lutetiæ, & apud Siamen- ses fuit observata, eam Meridianorum differentiam præbuit, quæ in planisphærio terrestri jam ante fuerat designata.

IX. Quæ huc usque in diversis terrarum orbis partibus iussu Regis Christianissimi factæ sunt observationes, tabulis hydrographicis & Geographicis earum regionum quæ inter Antillas & Siamen- se regnum interjacent, emendationi inservierunt. Atque in eam spem adducimur, fore ut universæ Geographiæ instauratio, opus humano generi perutile, & Regi Maximo gloriosum ea ratione & via perficiatur.

Et quidem D. de la Hire cum industrio sulptori D. le Fer quæ opus erat orbis terræ descriptioni generali, seu Mappæ mundi conficiendæ scripto tradidisset, in præfatiuncula illud advertit, Lutetiæ longitudinem à Ferri Insula, in qua primum Meridianum collocarunt, longe minorem esse, quam ab omnibus Geographicis fuerit constituta. Cur autem eam tantummodo 20 grad. & 30 definierit, in suis tabulis Astronomicis hanc affert rationem, quod longitudinum differentia Lutetiam inter & promontorium viride ex observationibus accuratis Academiæ 19 grad. 30 rite sit præfixa: quod autem reliquum est discriminis inter viride promontorium & ferri insulam, ex peritis Naucleis cum Gallis, tum Batavis qui illud ad summum unius gradus determinant, nos citra erroris periculum edoceri posse. Idque à vero procul abesse nequit ob locorum vicinitatem, & itineris facilitatem, cum à Boreæ in Austrum pene dirigatur: unde & P. Riccioli viride promontorium magis Orientale uno gradu & quinque minutis quàm Ferri Insulam constituit.

Illud quoque in eadem charta admonet D. de la Hire quod si Geographi Nautarum melioris notæ itineraria acriori animo expendere voluissent, qualis fuit Franciscus Schouten, qui primus fretum le Maite detexit, quique in Asiæ insulas per Mare Occidentale penetravit, partes Orientales ad eandem pene longitudinem collocaissent, quam novæ observationes, nempe 25 & amplius gradibus versus occasum propius admovissent.

X. Mense Octobri anni 1682. D. Picard stranguriâ, aut suppress-

*Astro-
nom.*

ANN.
1682.

sione urinae extinctus est ; is ab omni disciplinarum genere ac Mathematicis imprimis instructus, non sola contemplatione contentus, hanc cum usu & observationibus semper conjunxit, uti ex ipsius opusculis quæ inter lucubrations Academicorum posthumas anno 1693 sunt edita, atque ex iis quæ in hujus operis decursu attulimus, facile colligitur. Unus de terræ dimensione tractatus, cum viveret, editus fuit, alter post ejus mortem anno 1684 de arte libellandi publici juris factus est, id agente D. de la Hire. Quæ inter illius chartas repertæ sunt elucubrations, si paucas exceperis quæ ad Astronomiam spectant, inchoatæ magis quam absolutæ erant. Ex ramen publica luce dignæ sunt judicatæ. Hujus generis sunt quæ ad horologia scioterica pertinent, quæque longâ edoctus experientiâ usu faciliora & certiora ab eo sunt conscripta, hæc notis & exemplis à D. de la Hire illustrata in lucem prodire, iis ommissis quæ affectata subtilitas & inutilis curiositas excogitavit. His adjecta est compendiosa, sed accurata de ponderibus & mensuris tractatio, quam magno studio unâ cum D. Aurout ad archypa ipsa exegerat. Sic ambo de Micrometro, quod dimetiendis planetarum Diametris est utilissimum instrumentum, ediderant dissertatiunculam anno 1667, quæ in dicto volumine iterum typis mandata est, quod prioris editionis exemplaria sint rariora. Astronomica problemata, & complures observationes admodum utiles & accurate in aliud tempus sunt dilatae : quæ de telescopiis majoribus & variâ vitrorum combinatione, de focus inveniendis, ac de plerisque aliis rebus dioptricis & ad usum accommodatis in disiectis chartulis confusa erant & incondita, D. Pothenot digessit in ordinem fragmentorum titulo inscripta.

XI. Ineunte hoc anno D. de la Hire brevi & simplici methodo rationes compositas ex iisdem rationibus demonstravit, quæ in tabulariis Academiæ continentur, uti aliæ quædam Geometricæ & elementares propositiones. Ex quibus complures nascuntur proprietates quæ solvendis conicis sectionibus magno usui futuræ sunt : ita ut Geometricæ demonstrationes ex iis ultra quam credi potest provchi possint, nec quicquam est quod latius pateat in Geometria. Demonstrationes Conicorum ab eo sunt continuatæ, quæ & Cycloïdis cujusdam æquabiles motus exposuit.

XII. D. Tschirnouse quædam theoremata & problemata Geometrica proposuit : cujusmodi est illud, quodlibet spatium linea Geometrica circumscriptum dimetiri, atque, ut loquantur, quadrare. Hoc uti & alia, ut mihi videtur, publici juris fecit.

XIII. Tractatum suum de Gnomonica hoc vertente anno legit D. de la Hire, quem brevi post tempore in lucem emisit. Novas & accuratas ejusmodi horologia consiciendi rationes complectitur, sed hoc ipso anno, quo hæc typis mandantur, tractatum edidit de eodem argumento brevem & intellectu facilem. In eo quoque argumento versatus fuerat D. Picard qui artem scioterica horologia delineandi per calculum exposuit. Idem demonstrationes dioptricas protulit dimetiendis rerum objectarum diametris, quæ per tubum opticum conspiciuntur : ex iis pleraque in miscellaneis edita sunt.

XIV. Circa Mechanicam & Hydrostaticam quædam experimenta fecit D. Mariotte, 1. Expertus est minores aperturas & emissarios tubulos aquæ salientis plus aquæ impendere proportionem servata, quam maiores, ubi aqua per eos simul effluit. 2. Multis experimentis quæ sit tuborum per quos aqua delabitur resistentia, exploravit. Usus est primum tubo 80. tum 100 pedes alto, qui plumbeo tympano 2 lineis cum semisse crasso insertus & aqua repletus est: aqua fundum tympani uno pene digito depreffit. Alia quoque circa aquarum salientium morum typis mandavit. Circa descensum corporum gravium quædam ab eo & D. de la Hire facta sunt in Regio Observatorio experimenta.

Chymica.



SECTIO UNDECIMA.

De iis quæ acta sunt anno 1683.

Hoc vertente anno quam plurima in Physicis & Chymicis facta sunt experimenta; Historia animalium non mediocriter culta fuit: sed præcipuus labor in res Astronomicas, & Geographicas incubuit.

CAPUT PRIMUM.

De Chymicis laboribus.

I. Am superiori anno id negotii Academiæ mandatum fuerat ab Illustriss. Colberto, ut aquæ fontium quæ Versalias deducuntur, accurato examini subicerentur.

Vix ullum inter eas in perspicuitate, odore, & sapore discrimen apparuit: partium tenuitas aut subtilitas thermometro, saponis solutione, & leguminum coctione probata est. Quæ thermometro facta est probatio, omnium videtur optima. Duo thermometra eidem tabulæ in gradus divisæ sunt illigata, eaque sic fuerunt explorata. Aëri frigido ante sunt exposita, ut liquor descenderet, tum gradus ipse descensus in tabula notatus; deinde utriusque globi aquæ fervidæ impositi, & quousque liquor ascenderit, itidem notatum fuit, & spatium ascensus in partes æquales divertitum.

II. Jam ut aquæ diversæ examinarentur, duobus vasis vitreis æqualis amplitudinis & densitatis eadem aquarum quantitas affusa, uni aqua putealis, alteri aqua fontana, ambo vasi amplo aquæ calidæ pleno fuerunt imposita, atque his duo thermometra simul immersa. Aqua fontis ad 100 v. gr. gradus, putealis ad 75 tantummodo gradus simul as-

E e

A N N.
1682.

cendit, quòd illa citius incalascit, hæc tardius, atque adeò illa sit subtilior, hæc crassior. Quæ quidem ratione aquæ omnes cum aqua puteali sunt collatæ.

III. Itaque aqua *Ville d'Avray* dicta 25 gradibus altius conscendit quam putealis, aquæ *Buſonum* 21, aquæ de *Bailly* 16, de *Mailrourie* 15, de *Roquenecourt* 14, S. Petri 9, S. Antonii 8, Trianonis 7, du *Cheſnay* 5. Aqua S. Cyri 20: saponem citius hæc dissolvit quam reliquæ.

IV. Ex iis quæ post distillationem in fundo vasis resederunt sæcibus vix ullum iudicium fieri potuit, cum perparum terræ in omnibus subsidere visum fuerit. Aquæ *Ville d'Avray* & *Trianon* solutionem Mercurii aliquanto magis turbantur quam reliquæ. Nec deteriores visæ sunt aquæ illæ omnes quam quæ iudicantur salubriores: cuiusmodi est aqua *Sequanæ* aut quæ per aqueductus è vico *Rungis* Lutetiam deducitur: adeo ut ex solo usu, quæ regula est multo tutissima, de earum bonitate sit iudicandum.

Cum D. Joly medicus in oppido de *Pichy* apud Arvernios multum exercitatus, quasdam concretiones terrarum & salium, quæ parietibus thermarum adhærescunt, attulisset, eæ quidem sunt ad varia criteria aut normas exactæ. Idque in universum fuit conclusum sales illos esse lixiviales, & detergentes. Nec mirum si ob eam causam Lutetiæ etiam nunc adeo sint usitatæ: nam acida fermenta emendant, atque eorum velut aculeos retundunt. Sal fontis illius qui *le petit Boules* nuncupatur, præ cæteris est detergens, colorem fuscum præ se fert, cum alii sint candidi, & fere ut crystalli pelluceant.

V. Lecta est epistola viri Clariss. D. Piat apud Carnutes Advocati Regii ad D. Dodart de aqua minerali quæ est prope muros Carnuteses. Hanc ferrugineam esse existimat: nam solutionem gallæ subnigro colore tingit. Illud admodum probabile est quod vir doctus suspicatur, hanc aquam è fluvio ipso per terram cuiusdam prati percolatam vim ferri aut vitrioli in ipso transitu contrahere. Quod multis probat indicis, eo imprimis, quod in bellis civilibus ex ea parte qua urbs fuit oppugnata, & hostes cum magna clade repulsi, qui tormentis & globis ferreis ibi relictis fugerunt. Terra rubigine ferri imbuta aquam fontis sua virtute imboit. Jam ante complures annos quasdam ad D. Dodart ea de re miserat epistolas, quæ lectæ fuerant in Academia.

VI. Quæ factæ sunt plantarum analyses referre nihil necesse est. Id unum advertendum puto, è purgantibus per analysim exploratis multum olei ut plurimum educi, ex *Jalappæ* v. g. 2 libris, 2 olei unciz cum 5 drachmis extractæ sunt; è *senna* tres unciz olei & 7 drachmæ, salis volatilis 4 drachmæ educæ.

Sic diuretica oleo & sale plerumque abundare cernimus. *Asparagi* radices 4 librarum pondere unam unciam olei admodum sætidi & nigri, salis aliquantum lixivialis 3 drachmas præbuere.

VII. Sub idem tempus aliud experimentum Chymicum exhibuit D. Bourdelin, chalybis limaturam aqua sæpe perſulam, tum exſiccata, dimi-

dia pene sui ponderis parte auctam invenit, per 40 dies 13 uncias limaturæ *Hist.* aqua conspererat: post quartam decimam imbibitionem, ut vocant, nulla *Anim.* amplius ponderis facta est accessio. Ubi primum aqua imbuta fuit, ea multum incaluit, & calor per 18 horas duravit: intra 34 horas duabus uncias gravior facta est. Exactis 4 diebus, cum aquam amplius non imbiberet, post sex exsiccationis dies limatura 7 uncias aucta fuit. Ex ea distillata 12 liquoris unciaz exierunt sale volatili fortæ, quarta ejus liquoris portio cum spiritu salis valde effervuit. Illud D. du Clos visum fuit salem ferri volatilem ab aqua exsolutum fuisse. Post distillationem 5 unciaz cum semisse in Retortæ fundo resederunt: adeo ut ex ipsa distillatione de ferri pondere nihil fere decesserit.

Paucis interjectis diebus hunc laborem iteravit, tumque scobem ferri aqua perfudit. Per 14 dies hæc aqua imbuta, tum exsiccata, ex 16 uncias tres pene unciaz liquoris sale volatili imprægnati sunt exstillatæ. Ex 10 uncias quæ superfuere, nullus ignis vi liquor exprimi potuit, & 4 unciarum pondere materia aucta fuit: paucis post diebus plures uncias vitrioli ex oleo vitrioli & duabus uncias scobis ferreæ concreti ostendit.

VIII. Lac denique vaccinum, caprinum, & asininum fuit usitato more distillatum. E vaccino & caprino liquores pene omnes non ingrati saporis & odoris, plus acidi in utroque quàm sulphurei erat. E 4 libris lactis vaccini & caprini tres olei unciaz prodire, & una fere drachma salis fixi minime lixivialis. E lacte asinino liquores insipidi & quidam ingrati odoris prodire.

CAPUT II.

De Historia Animalium:

I. **Q**Uæ ad historiam Animalium spectant, non indiligenter fuerunt pertractata. Elephantis imprimis descriptio accurata lecta fuit & discussa. Plures ejus partes delineavit D. de la Hire. Ibis quoque, Ciconiaz, squamosi lacerti descriptiones examinatæ, figuræ animalium æti incisæ.

Ibis alba ex Ægypto allata Ciconiaz in multis est consimilis, sed paulo minor; utraque rostri parte deorsum inflexa, in illa collum ubique teres, cum in Ciconia rostrum rectum sit & acutum, collum parte sui inferiore longè crassius & longioribus plumis instructum, ut alia mittam utriusque avis discrimina: & quidem ambæ rostri acie serpentes necant, sed verisimile est Ciconiam magis uti rostri cuspide, quam laterum acie.

Quæ de Ibi docet Cicero lib. 1. de naturâ Deorum, vera esse experientia ipsa comprobavit. *Quo fit*, inquit, *ut nec morsu viva noceant, nec odori mortua.* Nam caro ipsa & viscera post quindecim dies & amplius suavem spirabant odorem. Carnibus serpentum vescitur quas salubres esse satis verisimile videtur, ingluvie hæc carebat; sed tamen ventriculus solidior erat, fere ut in avibus quæ ex granis vivunt.

ANN. II. Ciconia quoque serpentibus, lacertis & ranis alitur, ventriculus Ibis & 1681. Ciconiæ crassior, interioris tunicæ glandulæ & numerosæ & majusculæ.

Facta in venam mesentericam unius ex duabus Ciconiis injectione liquor intestinorum cava subiit. Sic parte intestini lacte impleta & utrimque pressa, pars liquoris in venam mesentericam commicavit. Atque id omni avium generi commune esse non abhorret à verisimili. Cum enim in avibus venæ lacteæ nondum conspici potuerint, hinc forsitan chylum iis per venas mesentericas ad hepar commeari iusta suspicio esse potest.

III. Lacerti quoque Indici exuviz tum allatz sunt, qui utcumque cum refert, quem describit Clusius: quatuor pedes is longus erat ab extremo rostri ad caudæ usque initium sexdecim digitos in longum porrectæ. Hæc in conum desinebat; squamis toto corpore, in cauda & capite munitus erat, quæ imbricatim positæ conchas marinas singulæ exprimebant, radiis à medio ad circumferentiam exaratis: squamæ illæ instar ossium firmæ in dorso sesqui-digito in omnes partes extensæ. Minores erant in capite, sub collo & ventre deerant; pedes quinque digitis instructi, duo intermedii reliquis altero tanto majores erant: phalanx extrema bifida: hoc genus Lacertorum frequens esse aiunt in Formosa Insula, & in locis circumjacentibus; cumque ii talparum more terram suffodiant, orizam, imò & tectorum fundamenta diruant, talpæ diaboliæ à Batavis vocitantur.

Mito complura animalia superioribus annis, à D. du Verney incisa & à D. Perrault descripta, quorum quædam sunt satis nota, quædam rariora, quæ in utrisque sint observatu digna tum in exteriori forma, tum in viscerum conformatione magno studio & cura fuerunt annotata.

IV. Inter animantes quæ suâ mole & specie commendantur, avis illa ex Ægypto allata, quam Veteres ob plumas in alis rubeas phœnicopterum dixere, superioribus annis dissecta fuit, & à D. Perrault descripta. Alæ ejus diductæ colorem illum rutilum exhibent: unde vulgo *Flamand* dici solet: non quod in Belgio reperiatur, sed quia ejus plumæ per membranam pellucidam visæ colorem flammeum præbent: vix ulla est avis major, rostrum ex utraque parte deorsum est incurvatum, quod in ea ave omnino est singulare; aratri enim instar inflexitur, unde & vulgo *Becharn* quasi aratri rostrum appellatur. Collo prælongo, cruribus productis, exili pede, sed firmo donatur: adeo ut teste Gassendo in vita Peirescii, uno pede subnixâ instar gruis obdormiat: oculi item angusti sunt & rubei. Cystis fellea à parte inferiori hepatis est pensilis, vas ipsum è quo suspenditur, quove bilem excipit, amplum est; contra atque in homine & in quadrupedibus observatur. In his enim radices vesiculæ sunt admodum exiles. Oesophagus in sui initio valdè angustus, paulatim latior factus in ingluviem, seu in saccum ampliorem desinit; ventriculus fere ut in gallina, tametti granis non vescitur, sed parvis conchyliis, quæ ventriculi musculis teruntur ut grana.

V. Inter aves speciales censeri debet illa quæ vulgo Gallina Suldana, à Veteribus porphyrio vocatur, quod rostro donetur & pedibus rubeis. Et quidem hoc habet sibi peculiare quod rostrum longiore cauda & ad verticem usque capitis porrecta ipsi capiti adhærescat: cruribus admodum oblongis, &

amplis pedibus instruitur, cum tamen sit brevi collo, contra atque cernimus *Hist.*
in avibus quæ crura habent longiora. In iis enim collum idem est oblon- *Anim.*
gius, sed res aliter se habet in hac ave, quæ instar pſittaci pede utitur ut
escam rostro admoveat. Cum autem è granis, ex carne, & piscibus perinde
alatur, ventriculo donatur non minùs crasso & carnoso, quàm solet esse in
avibus quæ è granis vivunt. Oesophagus in parte sui inferiore dilatatus in-
gluviem efficit, cui splen adhærescit.

VI. Aviculam Paradisi vulgo dictam, D. Colbert miserat ad Academiam
quæ in Horto Regio asservatur. Hanc à D. Du Raupalue dono acceperat :
pedibus ea suis & cruribus instructa erat, quæ corporis magnitudini responde-
bant, fila dorso inhærebant, quæ ab Auctoribus sunt animadversa.

VII. Tractatus duos de hydrope, & de odoratus organo ex scripto le-
git D. du Verney : nervulos ab olfactorio prodeuntes, quique ut alii du-
riores sunt, postquam os cribrosum pertransierunt, ostendit; tres lamellas
narium, quarum una ab aliis sejuncta est, sinus denique in osse frontis &
maxillæ demonstravit, quæ mucoſo replentur excremento, quod in narium
cava defluit.

VIII. D. Dodart infantis Macrocephali figuram à se delineatam exhi-
buit. Caput erat valde amplum, aqua pura & limpida plenum, cranii loco
erant cartilaginee, in posteriore ejus parte quædam caro excreverat, su-
turæ nullæ.

Sub idem tempus cadaver mulieris incidit D. du Verney, quæ per tres
menses citra febrem ægrotaverat; ex utroque latere erat paralytica; pectoris
& abdominis viscera erant illæsa; ventriculos cerebri aqua repletos sesqui-
libræ pondere invenit jugi sopore oppressa jacuerat.

CAPUT III.

De rebus Physicis.

I. Illud Physicæ est speculationis quod D. de la Hire, cum de tube-
ribus escariis, v. *Truffes*, sermo haberetur, admonuit, ea non rarò
quercuum, aut carpinorum, v. *Charmes* radicibus accrescere, & per fila
quædam cum iis continuari.

II. Nonnulla etiam quæ ad naturalem spectant historiam, D. Blondel
recensuit non contemnenda, illud imprimis qua ratione in quibusdam Ger-
manicæ locis paludosum solum attollatur. Aquam è fluvio per fossam sic duci
aſcebat, ut fluvio intumescente & turbido, sublatiſ cataraſtis aut emiſſa iſ
paludosum solum inundetur, tum iſ depreſſis aqua ſtagnare permittitur. Sic
limus paulatim decidens terram paludoſam ſenſim attollit: quando aqua flu-
vii eſt depreſſior, rum è foſſa in alveum fluminis relabatur.

D. Dodart nos admonuit Caleri in ipſo littore v. *Riſſan* dicto puteos
excavari, quorum aqua dulcis eſt, quæque unà cum mari attollitur aut de-
primitur: ita ut aqua maris per arenam percolata ſaluginem ſuam exuat.

E c iij

te non laboret. Tantam ejus vim fuisse commemorat, ut recta complura *Astronom.* corruerint: magno cum fragore is conjunctus fuit, ira ut Canonica fornices Ecclesiæ suæ ruinam non audierint. Incolæ hujus urbis in agros se recipere per 6 hebdomadas coacti sunt; singulis noctibus sæviebat, de die nunquam, flammæ è terra continenter erumpebant, nulla rima aut hiatu manifesto nisi in uno loco, quæ rima postea ultro oclusa est: sed cum ea parebat, frustra illius altitudo fuit explorata. Qui erumpebat ignis, retrum odorem assabat, non sulphureum tamen, neque is adurebat. Exactis sex hebdomadis cives in urbem remearunt, quando terræ tremor remittere, nec recta amplius dejicere visus est. Vis illius maxima ad 5 aut 6 leucas patuit, & in iis potissimum locis quæ erant depressiora, aut collibus intercepta. Fons quidam urbi proximus adeo turbidus hinc prodire visus, ut aquam saponem imbutam non colore modo, sed etiam vi detergente referret. In ejus superficie spuma quædam concrevit saponi non ablimilis, quæque in aqua ut sapo exsolvitur.

VIII. Hujus eventus occasione D. Blondel multos à se visos in Alpibus & in Pyrenæis montes testatus est, qui à se mutuò divulsi fuerant, cum ante co hæsisent. Argumento sunt partes gibbosæ unius montis quæ excavatis altioribus partibus opponuntur. Sic anno 1617 in Alpibus Rhætiis oppidum nomine *Chavelle* montibus utrimque in unum coalescentibus obrutum fuit.

IX. Quædam alia commemoravit, quæ ad naturalem historiam spectant. Cujus generis ea sunt quæ lapidum conformationi lucem aliquam afferre possunt. 1. Inter Fontem-bellaqueum & Nemursium complures à se repertos lapides præduros quasi terebratos, idque satis est verisimile eos sic perforatos fuisse ab imbribus, cum adhuc molles essent & formarentur. 2. Rupellam inter & urbem quæ nunc rupes fortis Rochefort appellatur, vicum olim æstu maris abreptum fuisse, glaream quæ est in littore, cum majores sunt æstus, lapidescere & in rupem indurari cui hominum & equorum adhuc impressa cernuntur vestigia. Adjecit illud quoque quod satis vulgare est, Telone saxa esse, quæ disrupta ostrea optima suppeditant. In insula Martinica lapides è fundo maris erui candidos in quibus quorundam vermium vestigia bene delineata visuntur. Adjecit D. du Verney Rupellæ complures esse lapides instar conii perforatos qui conchis opplentur.

CAPUT IV.

De Rebus Astronomicis.

I Neunte hoc anno D. Cassini duplicem à se elucubratam legit dissertationem, una fixarum, altera Veneris theoriâ completitur.

Mense Martio vir nobilis & in Astronomia versatissimus D. Facio de Duilliers in Regium Observatorium venit, ut quæ à D. Cassino in Saturni globo ejusque annulo ante sex annos fuerant detecta & publicata, oculis lustraret. Mirum enim ipsi videbatur observatam in Saturno Zonam

ANN. rectam, quo tempore ejus annulus erat valde inclinatus. Cum ipso igitur
 1681. habuit observationes ope Telescopii 40 pedum à D. Borello elaborati, & in area Observatorii tunc expositi, quas scripto tradidit, & in Acta retulit cum figuris aptè delineatis.

Hujus scripti hæc fere summa est, tum Saturni annulum ex parte Septentrionali globo insistentem visum, ex parte opposita sub eo depressum: sic tamen ut umbra globi in annulum projecta manifeste cerneretur. 2. In Saturni globo fascia quædam obscurior prope eum locum qui annulum tangebatur, in rectum porrecta, & lineæ quæ ansas annuli connectit parallela visa est. 3. Quatuor post horas fascia subnigra in eodem situ & eadem forma apparuit: sed pars globi huic superposita paulò obscurior quàm antea, pars itidem annuli exterior minis splendida quàm interior videbatur.

II. Jam antea anno scilicet 1677 Zona illa fuerat à D. Cassino observata, quæ observatio in Eruditorum Ephemerides anni 1677 relata est, tumque annulus ad maximam pene amplitudinem suam pervenerat, ac prope centrum Saturni fascia pertransibat. Recta tamen apparuit: adeo ut Zonæ illius quæ globum Saturni cingebat Polus extremo illius disci limbo proximè existeret, multùm ab annuli ipsius Polo diffusus, qui 30 gradibus super eum limbum sublatus erat. Eandem quoque viderat fasciam cum annulus adeo contractus erat, ut globus utrimque promineret: tum enim in linea ansarum, ut in eodem pene situ posita fascia cernebatur. Sæpius eam conspexit, sed nunquam eo in loco in quo die 2 Martii extabat, tam procul à centro globi diffusa: cum pars annuli Australis posteriorem Saturni partem, Borealis anteriorem sic contingeret, ut utriusque divisio sub oculos caderet, ac globi umbra in posteriorem annuli partem projecta versus Orientem eam magnitudine appareret quam exigebat angulus ille quem radii visuales ad Saturnum ducti cum radiis Solaribus comprehendunt. Sic distantia annuli à globo Saturni utrimque se conspiciendam præbuit. Quod cum hypotesi P. Riccioli nullomodo cohæret. Hic enim annulum ellipticæ figuræ ex utraque parte, anteriore nimirum & posteriore globo ipsi annexum putat, contra atque Hugenius in suo præclaro Saturni systemate statuit, idque cum observationibus omnino convenit, annulum scilicet circularis esse figuræ, & à globo Saturni omni ex parte sejunctum.

III. Hæc Phænomena visa sunt ab iis qui tum aderant, inter quos vir laudatus D. Facio, qui Astronomiæ studio incensus huc advenerat, ut in Observatorio se exerceret, omnis generis instrumentis in eam rem comparatis. Hic annuli figuram accuratè descripsit, atque ipse secum id reputavit, quod si Saturnus circa suum axem qui ad annuli axem sit perpendicularis volvatur, fore ut fascia, cujus axis multum est ab axe annuli diffusus, in una revolutione variè inclinetur. Quare interjecto quatuor horarum spatio eadem fascia fuit iterum observata, quæ eodem prorsus in loco & situ visa est. Ex quo id conclusum ab eo fuit aut Saturnum eo temporis intervallo sensibili motu circa se actum non fuisse, aut eum circa Polum hujus fasciæ multùm ab annuli Polo diffusum circumagi.

IV. Saturni verò globum circum axem sibi proprium verti vel hoc unum persuasit, quod in secunda hac observatione spatium inter obscuriorem fasciam

tiam, cuius supra meminimus, & annulum, ut candida quædam fascia tum in conspectum fuerit, quæ tamen fascia splendida antea visa non fuerat. *Astro- nom.*

V. Postero die post 24 horas fascia obscurior in loco pristino & situ se videndam præbuit, non item fascia candida in posteriore observatione visa; sed ultra obscuram alia versus limbum in conspectum venit quæ antea sui copiam non fecerat. Ex quibus suspicatus est D. Cassini fascias illas splendiores omnem Saturni ambitum non percurrere, sed eas interruptas esse ut in quibusdam Jovis fasciis evenit; ac Saturnum in suis circa axem revolutionibus modo unam ex iis fasciis, modo alteram nobis obvertere. Cum tamen Zonæ illæ candidæ antea visæ non fuerint, illud non abhorret à verosimili eas subinde nasci ac deleri, ut in quibusdam Jovis Zonis fuit observatum, quæ illius motu abreptæ modo sub oculos cadunt, cum in parte anteriore Planetæ extant, modo evanescent, ubi ad partem posteriorem transierunt.

Eodem hoc anno 1683 duæ visæ sunt in Saturno Zonæ quæ alternis vicibus in conspectum veniebant, quarum una latior erat altera.

VI. Novum Phænomeni genus in cælo deprehendit D. Cassini die 18 Martii: lumen videlicet quoddam obliquè secundum Zodiacum porrectum quod tunc Arietis constellationem complecti, ad Pleiadas usque & caput Tauri extendi instar nubeculæ à Sole illustratæ visum est, fere instar caudæ Cometes, nisi quod sua latitudine ter aut quater eas superabat. De hoc lumine satis copiosè egimus tomo 5. Philof. vet. & nov. p. 171. Sed hoc argumentum in volumine Typis Regiis nuperrimè edito fusè & accuratè à D. Cassino est tractatum, longum esset ac minime necessarium rem speculatione quidem, si quæ sit alia, dignam, sed uberrimè explicatam regerere.

VII. Die 27 Januarii omnes in Regium Observatorium convenere Solis Eclipsim spectaturi; sed non licuit per cælum nubibus obductum. Ea verò à D. Roëmer Hafniæ fuit observata, & ad Academiam die 28 Februarii transmissa: quæ observatio ab eo paucis descripta fuit.

Sol in Vicinia horizontis admodum laciniatus incæpit deficere hor. 3. 54 min. 20 sec. Defectus initium erat paulò infra parallelum Æquatoris transeuntem per centrum Solis, hora 3, 58 min. 30 sec. chorda partis limbi Solis eclipsatæ 4 digit.

Hora 4, 3 min. superius cornu adhuc erat paulo infra parallelum dictum: mox subiit sol nubes horizontales.

In eadem Epistola Martis, Jovis, & Saturni quasdam observationes recenset.

Tres hos Planetas die 29 Januarii stylo veteri h. 1. post mediam noctem junctos fuisse in longitudine, idque constare ex observationibus ante & post habitis.

VIII. D. de la Hire postremam Jovis & Saturni conjunctionem variis modis, qui omnes inter se consentiebant, cum accuratè determinassèt, octo ante diebus, quàm Ephemerides eam notabant, accidisse comperit, quod Planetarum motibus emendandis utile futurum est. Quæ à D. Cassino facta est hujus conjunctionis observatio, D. de la Hire observationi omnino concinit.

ANN.
1683.

IX. Stellæ quoque majoris canis Meridianam altitudinem qualibet hora diei & noctis, etiam in ipsâ meridie cepit D. de la Hire, quod ante factum non fuerat. Nullam in ea differentiam animadvertit præter eam quæ ex mutatione declinationis accidere debet. Neque alia est tutior via, qua nobis sit exploratum refractionem de die non esse diversam ab ea quæ noctu deprehenditur. Nam admodum sensibilis foret illa differentia in hujus stellæ supra horizontem altitudine, quæ est 24 gr. 52 min. fere cum semisse, ubi refractionis duorum est & amplius minorum. Quod magni est in Astronomia momenti, ut accuratæ sint observationes. Atque hinc illud concluditur, Tychonem ea in re nonnihil à vero aberrasse, cum alias Solis, alias Stellarum refractionibus tabulas contexit.

Hanc Stellam quavis hora diei & noctis, quovis anni tempore sic observat, ut huic fundamento motus Solis tabulas, & fixarum magis insignium ascensiones rectas, & positiones superstructas ediderit. Id ipsum in stellæ lyræ lucida præstitit: atque inde plura in Astronomiam commoda manare possunt.

CAPUT V.

De iis quæ ad Geographiam spectant.

I. **D**ie 3 Aprilis D. Cassini methodum proposuit inveniendi Meridianorum differentias ex observationibus satellitum Jovis, etiam si eadem observatio in altero locorum facta non fuerit, sed ex iis quæ ante & post habitæ sunt, differentiæ ipsæ eruantur.

Exempli loco id ponit quod patebit latius. Die 21 Octobris anni 1682 in ea Antillarum insula quæ *la Gardeloupe* appellatur, & die 20 Novembris ejusdem anni in Martinica duæ immersiones primi satellitis, aliæ itidem Antipoli in Provincia mense Novembri & Decembri ejusdem anni à D. de la Hire sunt observatæ, quæ Lutetiæ haberi non potuerunt. Hæ utique observationes cum aliis à D. Cassino annotatis collatæ fuerunt, quarum duæ mense Octobri, die nimirum 14 & 30, tertia die 22 Novembris sunt factæ. Prima ex iis prævertit observationem priorem Insulæ *de la Gardeloupe* 7 diebus, secunda 9 diebus ea posterior fuit, & antevertit Martinicæ habitam 21 diebus.

Revolutionum numerus in unoquoque temporis intervallo initus est, simul & computatum quantum temporis singulæ exigent, si inæqualitatum omnium quæ tum ex Jove, tum ex Sole oriuntur quædam fieret velut compensatio, & æquales efficerent revolutiones. Sed temporibus revolutionum in quolibet spatii interjecti intervallo inter se comparatis, quædam occurrerunt inæqualitates, quæ quantum fieri potuit, æquabiliter sunt distributæ, adeo ut quælibet revolutio motum suum accelerare visa sit duobus aut tribus secundis, ubi cum præcedenti fuit collata.

Id quoque comperit D. Cassini eandem accelerationis regulam repertam fuisse ab exitu Septembris ad initium usque Decembris.

II. Quamobrem sic distributo intervallorum tempore in revolutionum numero *Astro-*
 merum; ut quolibet consequens 2 aut 3 secundis citius perficiatur quam ea *nom.*
 quæ proximè antecedit in ea serie observationum quæ habitæ sunt Lutetiæ; aliter omnes quæ diversimodè in locis tum temporis non fuerunt observatæ immersiones, sed computatæ tantummodo citra errorem sensibilem adhibentur.

Omnium itaque primi satellitis quæ mensibus Octobri & Novembri anni 1681 contingere immersionem Ephemerides sic pertexuit D. Cassini; ut interjecta cujusque revolutionis tempora juxta regulam propositam, & eas quæ in locis prædictis fuerunt observatæ designaret. Ex quibus differentiatæ temporum aut Meridianorum prodierunt.

Qua quidem ratione Insulæ *la Gardeloupe* Meridianum à Parisiensi 4 horas 18 min. 9. sec. Antipoli 19 min. 13 sec. distare competum fuit.

III. Hæc longitudines definiendi ratio per observationes certo in loco factas aptè collatas cum iis quæ alio in loco per calculum sunt computatæ, ubi aliæ ante & post habitæ sunt observationes, quæque sunt calculi ipsius fundamenta, quanto usui futura sit, nihil necesse est fusius exponere. Non enim modo differentias Meridianorum præbet inter loca adeo inter se distita, ut nunquam fere eandem observationes utrobique fieri possint, sed etiam magnum affert temporis & laboris compendium. Nam peregrinanti satis id fuerit, si unam observationem accuratam perficiat, nec necesse est ut nuntium expectet ab alio, an eandem immersionem observaverit, uti antea fuit usurpatum. Quod utique longioris temporis moram postulabat, antequam ambo in eadem observatione facienda convenissent, & per nuntios eam vicissim comprobassent.

IV. Neque alia sunt in cælo phænomena præter Jovis satellites, quibus hæc inveniendi longitudines ratio ritè perfici queat. Ac ne eclipses quidem Solis & Lunæ in eam rem aptari possunt, quod rariores sint, nec periodi accuratè recursus earum quæ non fuerunt observatæ, ut in satellitibus Jovis haberi queant. Quocirca Geographia omnis ea ratione brevi temporis spatio instaurari possit, si multi in diversas regiones mitterentur, & in ea loca maxime quæ sunt ejusmodi, ut præcipue velut stationes constituantur, ad quas alia quævis loca referantur.

V. Planisphærium terrestre in pavimento turris Occidentalis Observatorii à D. D. Sedileau & Chazelles delineatum duce D. Cassino absolutum fuit. Eclipses Lunæ variis in terræ locis observatæ emendandis multarum urbium longitudinibus complures in tabulis Geographicis errores aperuerunt: adeo ut error interdum inter duo loca valde inter se distita ad 20 usque gradus excurrat. Hinc etiam conclusum fuit inter Asiam & Americam versus Septentriones spatium incognitum Europa non minus interjacere. Cum primi satellitis eclipses in Viridi promontorio, & in Antillis observatæ eandem Meridianorum differentiam exhibuerint quæ ante in planisphærio notata fuerat, iusta est suspicio alias tabularum correctiones non multum à vero abesse.

VI. Die 19 Junii D. Cassinus qua ratione linea Meridiana ab Oceano ad mare usque Mediterraneum produci possit peculiari dissertatione exposuit, ac formam hujus rei perficiendæ quam mente conceperat, quæque

illustriss. Colbeito probata fuerat, ex scripto legit. Hæc ferè est illius summa. Cum Regem Christianissimum qui Academiam eo consilio instituit, ut promovendis artibus interserviat, id non fugeret quantum ad Astronomiæ, Geographiæ & navigandi artis perfectionem momenti afferret telluris circumferentiæ accurata mensura, & quàm difficile sit ex uno vel altero maximi circuli gradu eam ut par est consequi: error quippe qui in arcu tam exiguo dimetiendo potest irrepere, ea ratione crescit quæ est illius arcus ad totam peripheriam: Ludovicus Magnus jussit, ut linea Meridiana in Observatorio delineata per totam Galliam ad Mare Mediterraneum ex una parte, ad Oceanum usque ex parte altera proferretur.

Quod utique ea ratione faciendum est, ut stabiles quædam notæ, aut signa conspicua in montium qui occurrunt jugis ita collocentur, ut ex iis vicissim conspectis situs & positiones locorum Astronomicis observationibus comprobentur, uti jam cœptum fuerat à D. Picard in horizonte Parisiensi, certis in Monte-Martyrum & pago *Lai* signis constitutis, illo ad Boream, hoc ad Meridiem sito. Quin & locorum intervalla non solum per triangula, uti olim factum fuit, sed etiam per vulgatas & usitatas metiendi vias cum libella conjunctas sunt exploranda, quò inæqualitas intercurrentis soli ad certam æqualitatem reducatur. Postremo altitudines fixarum Meridianæ quæ non procul à Zenith cujusque loci transeunt, sumendæ sunt magnis & exquisitis instrumentis, eo consilio paratis ut gradus & minuta tum prima, tum secunda Meridiani inter ea loca intercepti designent.

VII. Initium capiendum ab iis locis quæ lineæ Meridianæ circumjecta majori intervallo inter se distant, quæque in mutuam conspectum veniunt, eorum positio est constituenda, ut ea seligantur quæ majoribus triangulis formandis, quæque continuata serie inter se connexa aptiora futura sint.

Atque hic apparatus alteri operationi exquisitæ magis quasi viam sternet; quæ tum suscipienda erit postquam loca idonea selecta fuerint, in quibus anguli positionum per magna instrumenta capiantur, ac si forte in planitie linea & longa & æquabilis occurrat, hæc pro basi sumenda est.

VIII. Querenda quoque sunt loca elatiora quæ cum jam designatis in meridiana convenient, & in rectam lineam ita disponantur, ut cum iis alia subinde continuentur, & cum iis locis necitantur, quæ triangulis formandis seliguntur. Quæ observatio ad aliam adhuc accuratorem muniet viam, cum triangula ipsa iterum excutientur, spatia inter notas aut signa interjecta accurate erunt dimetienda, ac stellarum verticalium, aut aliarum, quæ magis huic rei aptæ videbuntur, altitudines capiuntur.

IX. Quæ hoc scripto continentur reliqua omittimus, ne longiores simus quam par sit, cumque id operis magna ex parte susceptum fuerit, & promotum. Nam circa æstivum solstitium, signis in Monte-Martyrum & in pago *Lai* in eadem linea Meridiana positis, ex ortûs & occasus Solis observationibus, item ex quarundam stellarum altitudine à D. D. Cassini & de la Hire magna cura & labore perpenſis, facilius fuit eam lineam è montibus in montes producere.

Quare in duas partes divisi sunt qui huic operi perficiendo fuerunt destinati. D. Cassinus una cum D. D. Sedileau Academiæ socio, Chazelles,

Varin, Deshayes & Pernin, versus Austrum, D. de la Hire una cum *Geo.*
 D. D. Potenot & le Fèvre ejusdem Academiæ sociis, versus Septentriones *graph.*
 iter fecerunt. D. Cassini lineam Meridianam ad S. Salvatoris v. S. *Sauveur*
 usque, hoc est ad 140000 hexapedas promovit, triangula quæque à D. D.
 Sedileau & Chazelles ad calculum revocata exhibuit, ex quibus distantie
 locorum eruuntur. Distantiæ quoque locorum quæ Meridianæ sunt circum-
 jecta in agro Parisiensi, Vastinensi, Bituricensi, & latitudines multæ ab eo
 sunt designatæ.

XI. Post reditum suum plusquam 60 loca, quorum situs definierat,
 cum tabulis Geographiæ Galliæ magis accuratis contulit. Urbes omnes quæ
 circa Meridianum Lutetiæ sunt in chartis delineatæ, ultra quam par est
 versus Occidentem Solis collocatas invenit: quo magis Versus Austrum
 remouentur, hoc major est differentia, adeo ut Bituricensis agri oppida 7
 aut 8 leucis ad Orientem Solis magis vergant, quam tabulæ ipsæ de-
 monstrant.

Ex siderum observationibus latitudinum differentias minores reperit;
 quàm in tabulis Geographicis notentur, sed easdem cum locorum inter-
 valis à D. Picard mensuratis ab oppido Monte-Landerici, vulgo *Montlbery*
 Ambianum usque convenire, quæque à D. Viviers sunt indagatæ, cum suis
 observationibus apprime consentiunt.

XII. D. de la Hire quæ à D. Picard observata fuerant confirmavit.
 Hinc ab oppidis Mondiderio & Surdonio usque ad Castellum montem pro-
 gressus est.





REGIÆ SCIENTIARUM ACADEMIÆ HISTORIA.

LIBER TERTIUS.

De iis quæ acta sunt ab anno 1684 ad annum usque 1692.



ED mors luctuosa illustrissimi viri D. Colbert, quem ut litterarum & litteratorum Patronum omnes habuere, opus ejus consilio susceptum, nec mediocriter provecum magna ex parte abruptit. Illud tamen D. Cassinus qui tunc in Solonia ultra Ligerim versabatur cum sociis indefuenter per duos adhuc menses post ipsius mortem est prosecutus. Illustrissimi Viri laudes hoc loco persequi non possumus, atque ut multa verbo complectar, Regi Maximo is fuit gratissimus: hunc enim semper magno in honore & pretio habuit, ut unum ex præcipuis Regni sui Administris quem fides, constantia, & religio commendabant. Vir summæ gravitatis & prudentiæ: spectata fuit ejus arduis in rebus probataque fides, & excellens in difficultissimis negotiis administrandis consilium. De quo quidem illud Taciti in vita Agricolæ usurpare nobis liceat. *Quidquid ex Colberta amavimus, quidquid mirati sumus, manet mansurumque est in animis hominum, in æternitate temporum, in fama rerum.* Hujus perillustri viri desiderium non parum leniit illustrissimi Marchionis de Louvois à Rege Invictissimo delectus, cui Academiæ cura à Rege demandata fuit.

Ille à D. Cassini certior factus quibus tum observationibus apud Bituriges opetam daret, ad eum scripsit ut cœptum opus ad mensem usque Novembris continuaret, cederet deinde supervenienti hyemi & ad Academiam rediret. Ejus autem nunc missus est D. de la Loire Geometra qui viam inde per summa montium unde fieri observationes possent, usque ad Mediterrancum mare lustraret & describeret in operis eo usque continuandi præparationem.

In reditu D. Cassini omnium observationum ab urbe Parisiorum ad S. Salvatoris oppidum schema cum omnium interjacentium locorum intervallis & positionibus ad lineam Meridianam Observatorii ad Regem detulit qui ipsum attentissime cum Serenissimo Duce Aurelianensi Fratre ejus Unico est contemplatus, censuitque id dignum esse, quod ad mare usque continueretur, & transversariæ lineæ ab Occidente in Orientem eodem methodo ducantur.

Chymica.



SECTIO PRIMA.

De iis quæ acta sunt anno 1684.

QUæ ad Physicam spectant priori loco decurremus, tum ad Mathematica gradum faciemus.

CAPUT PRIMUM.

De Physicis & Chymicis experimentis anni 1684.

I. POST obitum D. Colbert, D. de Louvois Academiæ Patrocinium suscepit, eamque quamdiu vixit, sua autoritate & gratia apud Regem Sapientissimum juxta. Illud imprimis ab Academicis postulavit, ut in iis rebus se exercerent quæ essent publicæ utilitatis, quæque in Regis gloriam redundarent. Utrumque Academiæ semper fuit propositum, atque in iis rebus studium & operam suam posuit, quæ usu essent quam specie utiliores.

Hujus rei argumento illud ipsum esse potest quod ineunte hoc anno fuit agitatum. Vir nobilis D. Janſon eques Anglus libellum D. Boyle Academiæ obtulit, in quo vir Clariss. declarat sibi notam esse rationem aquæ marinæ ab omni salſugine expurgandæ, idque tenui sumptu fieri per distillationem, & præcipitationem: adeo ut in vase cujus diameter erit 33 pollicum, intra 24 horas igne admodum leni 360 heminæ v. Pintes Parisienses aquæ dulcis exstillentur. Quæ autem adduntur, vix 15 assibus emuntur.

Jam ea de re sæpius actum fuerat in Academia, ac D. du Clos in ea erat opinione ut rem ipsam non esse factu arduam existimaret. Tum etiam scripto sententiam exposuit suam, nempe crudi tartari, quod parvi emitur, additione id effici posse, quod ab eo ex salis ipsius natura conclusum fuit: nam parte illius acida aucta nitrosam partem retinebit & præcipitem dabit.

Hujus rei periculum factum fuit. Cumque ex ipsis D. Boyle scriptis constet aquam marinam in Anglia continere $\frac{1}{4}$ salis, aquæ fontanæ

AN. tantumdem salis communis simul & crudi tartari adjectum fuit. Hæc vasi cu-
1684. preo furnulo bilnei rotidi est impolita, tum aquæ limpiæ & omni sale
exutæ pars major stillavit. Atque ut nonnihil salis superesset, non
properea insalubris foret aqua: non enim sal ipse nocet, nisi forte in nimia
quantitate.

Quod tartarum crudum præstat, id ipsum Alkali quodvis eff.eturum
centēbat, idque una cum sale conjunctum præceps casurum, & aquæ dul-
cis distillationem faciliorem redditurum. Quam affinitatem salis nitrosi cum
sale communi Joachimus Becher agnovit in secundo supplemento ad Phy-
sicam subterraneam anno 1675 Francofurti edito. *Sal commune*, inquit, *ab*
Alkali valde experitur, &c. Magna vero hujus generis salis copia tenui
sumptu haberi potest.

III. Nonnulla circa hanc aquam facta sunt experimenta. Quæ primo exiit,
nullum præ se ferebat saporem, quæ ultimo stillabat, heliotropii succum ru-
beo colore tingebat: quod non præstat aqua salī communi permixta. Quæ
cum salis admixtione aqua fuit distillata & gelido acri exposita, in glaciem
concrevit, non item aqua cum sale & crudo tartaro conjuncta; uti neque
aqua, cui sal una cum eadem sodæ quantitate admixtus fuit, non enim ea
fuit congelata.

IV. Tum temporis liquorem ampullâ vitreâ contentum exhibuit D.
Cassini, qui sublato operculo fumos continenter emittebat. Hunc liquorem
ex sublimato, stanno & Mercurio puro constatum esse aiebat D. Borel.
Qua de re jam supra diximus.

V. Vix unquam aliās tot factæ sunt stirpium descriptiones & analyses.
Longum esset earum catalogum contexere quas D. Bourdelin ignis calore
resolvit, aut earum quæ studio D. Marchant ex regionibus exteris allatæ,
excultæ, & delineatæ fuerunt.

VI. Placuit acetosam, uti & quasdam alias herbas primum exsiccare,
tum in aqua macerare: sic 5. acetosæ libræ in umbra exsiccatæ, & ad 19
uncias cum semisse redactæ in 61 aquæ fontanæ uncias maceratæ, in balneo
rorido per biduum in digestionem sunt relictæ. Qui ex iis liquores primi exiere,
lacteο colore sublimati solutionem imbuerunt, vitriolum flavo tinxerunt
colore. Qui vero per retortam eductus est liquor, una cum spiritu salis
multum effervuit, olei 9 drachmæ, sex salis cum 2 extractæ.

Madefacta portulaca 5 librarum pondere, tum⁴ intra 35 dies exsiccata,
& ad 5 uncias redacta, tandem aqua imbuta, dum 5 librarum æquaret
pondus, qui exstillati sunt liquores lacteum colorem sublimati solutioni im-
pertierunt; postrema portio sale volatili facta, olei 4 drachmas, salis fere 7
exhibuit.

VII. Quædam etiam experimenta circa liquorum coagulationem &
effervescenciam tentata sunt a D. Borel. 1. Buryrum antimonii rectificatum,
& excolor unâ cum oleo tartari in album coagulatum visum est con-
crescere citra ullum calorem. 2. Oleo terebinthinæ oleum vitrioli paula-
tim affusum nullam efficit commotionem, sed sensim incaluit, cumque
baculo miscerentur, vehementer auctus est calor nullo apparente motu, ru-
beo colore tincta, quem spiritus urinæ debilior omnino delevit, lacteo colore
inducto

inducto. 3. Spiritus urinæ & oleum vitrioli simul permista adeo effe- *Chy-*
buerunt, ut aqua igni admota non magis ebulliat. Quod si, inquit, *mica.*
aliquantulum hujus urinæ spiritus vitro imponas, eique affundas olei vi-
trioli guttulas, tum non minor fit strepitus & in omnes partes vibratio, quam
si frigidam in ferrum caudens conjicerēs. 4. Spiritus urinæ cum forti vitrioli
solutione in viride coagulum abiit. Sic oleum vitrioli cum fecibus reguli
antimonii in cella subterranea exsolutis in rubei coloris coagulum concre-
vit. Oleum idem vitrioli una cum calcis vivæ decoctione & auripigmento
colorem flavum & pulcherrimum procreavit.

VIII. His quædam analyses liquorum qui ex humano corpore sunt
educti, subjectæ: 5 libræ aquæ ex hydropico per paracentesim à fratre
D. du Verney & peritissimo Chirurgoeductæ: liquorem prebuerunt sale
volatili fœtum, & duas olei uncias. Aliæ ejusdem aquæ factæ sunt analy-
ses, quæ omnes probant ejusmodi aquas sale volatili imo & fixo abun-
dare.

IX. Tres sanguinis humani libræ 33 fere liquoris uncias præbuerunt.
Qui primi exierunt liquores, sale volatili erant imprægnati: sed ita ut fir,
hic in postremis erat uberior; olei quatuor uncias, salis volatilis concreti
tres drachmæ, caput mortuum admodum leve & spongiosum post sex ho-
rarum calcinationem rubeum colorem induit, salis fixi duæ drachmæ ex eo
eductæ: ex duabus libris & octo uncis lymphæ liquores quoque sale volatili
fœti exierunt.

X. Alias mitto tum plantarum, tum ossium & carniū analyses quò
ad generalem Physicam progrediar. Dissertationem de ventorum origine
legit D. Mariotte, sed brevi post tempore in morbum lethalem incidit, ac
mense Maio diem suum obiit: neque hæc dissertatio in commentarios fuit
relata. Quæ esset illius de præcipuis ventorum causis sententia, exposui-
mus in quinto volumine Philos. veteris & novæ p. 240. postremæ edi-
tionis. Hujus viri ingenium acce omniū disciplinarum capax, eruditio-
nem summam edita ab eo opera declarant. Anno 1667 ob singularem
doctrinam inter Academicos adlectus fuerat. In eo inventionis acumen
cum perficiendi industria conjunctum semper eluxit. Cujus rei fidem fa-
ciunt quæ in decursu hujus operis dissertationes sunt allatæ, solertia in ex-
perimentis faciendis in eo fuit pene incredibilis, eaque quàm minimo sumptu
faciebat.

Cum hoc anno acerrima sæviret hyems, multa circa liquorum conge-
lationes D. Perrault fecit experimenta quæ in dissertatione peculiari, quam
anno 1688 quarto tentaminum volumini inseruit, fusè sunt & dilucide ex-
plicata.

Frigus ingravescere visum est à die undecimâ Januarii ad decimum sep-
timum usque, intra septem hos dies spiritus vini in globum Thermometri
satis altè descendit, quem antea subire non solebat. Plures aëri expositi
sunt liquores. Aqua fontana tum cruda, tum ea quæ ante ebullierat, aqua
item nivis liquata, aqua alumine fœta, vinum, spiritus vini cum aquâ
mixtus, aqua sale imprægnata.

1. In liquoribus merè aqueosis discrimen temporis in congelationis, aut
G g

AN N. liquationis progressu observatu admodum difficile fuit. Aquæ pene omnes
1684. tum crudæ, tum elixatæ, penè intra unum horæ minutum prima glaciæ
flamma in vasis superficiem projecerunt.

Aqua aluminis post duo fere horæ minuta; vinum post 10 aut 12, aqua
spiritui vini admista post 2 horarum intervallum, aqua sale communi exla-
tiata non potuit in glaciem concrefcere, nisi postquam novæ aquæ affusione
fuit debilitata; tum enim congelari cœpit ferè ut aqua cum spiritu vini
permista. Id unum observatum fuit, aquam quæ ante ebullierat, conge-
latione duriorem effici & magis perspicuam, quod D. Perrault limi præci-
pitationi refert acceptum. Alii inclusi aëris exhalationi hunc tribuunt effec-
tum, qua de re postea dicemus. Solutio aluminis, aut salis marini, imò
vinum ipsum congelata magis turbida visa sunt, ubi soluta est glaciæ, quàm
ante congelationem, quòd partes terrenæ & crassæ ebullitione quidem ab
aquis separentur, sed sales qui sunt magis solubiles, cum aquis arctius
conjuncti obstant quominus partes illæ terrestres ad inum cadant præcipi-
tes: nam cæ manent in medio pensiles, & turbidum liquorem exhibent.
Sales quoque tardiores efficiunt congelationem: licet enim in corporibus
humoris expertibus, in quibus abundant terrestres particulæ, sal sit conge-
lationis principium, ubi partes salinæ cum terrenis arctius quàm inter se co-
hærent: ubi tamen salis particulæ sunt uberiores, & quasi dominantur, ut
in sale communi, tum corpus in humido exsolubile efficiunt, corporis hu-
midi fluiditatem tuentur, atque ejus concretionem inhihent. Sal quidem
marinus cum chalybis limaturâ, aceto, vitro contuso permixtus cœmentum
efficit, quod in aquâ non dissolvitur; idem tamen aquæ concretionem im-
pedit.

2. Quod spectat ad eum quo liquores congelantur modum, illud animad-
versum fuit, salinos liquores in glaciem æquabilem, ut aquam puram
non abire, sed in illis partes congelatas in lamellas, aut in granula cum
partibus nondum congelatis misceri; congelatione petactâ glaciæ spon-
giosa manet, & fit inæqualis concretio, quòd partes aliæ aliis tardius con-
crecant, nec satis apte inter se cohæreant. Nam ubi salinæ partes accura-
tius dissolvuntur, ibi difficilior est congelatio, & partes quadam interim
manent liquidæ inter alias jam glaciæ concretas. Aqua salis & congelata
nihil de salsugine sua aut amaritudine amittere visa est, postquam liquata
fuit.

3. Aquæ aluminis superficies rigente frigore velut albis floribus conspersa
apparuit, qui nihil erant præter alumen in tenuissimum pulverem com-
minutum: quod magno est argumento glaciem præ frigore multum exha-
lare: sal interim terræ adhæret, dum aqua dissilatur, ut sit in distillationibus,
ubi phlegma ante spiritum sursum effertur.

4. Die 17 Januarii mane cum frigus esset acerrimum, quod tamen post
meridiem remitti cœpit, magna in duobus pendulis accidit mutatio: unum
enim ex iis moveri cœsit, in altero ictus mallei tardiores visi sunt. Tercio
ante die sub ortum solis cum asperissimum esset frigus, malleolus unius ex
horologiis non amplius ferire potuit tintinnabulum, sed admoto ad ignem
horologio sonum ut antea edidit. Illud est observatione dignum hæc evenire

sub ortum solis, & paulo antequam remittatur frigus, ac gelu solvi inci- *Chy-*
piat. Hoc phænomenon uti & alia quædam explicat D. Perrault ex sua hy- *mica.*
potesi, fluiditatem nempe in corporibus duci è particulis crassioris aëris,
quæ cum sint admodum lubricæ & mobiles, atque ex aliorum corporum
expiratione profluant, motum illum fluiditatis in liquoribus efficiunt. Cum
autem sub ortum solis aut instante mitiori cælo, tenui illo calore quidquid
supererat ejusmodi materiæ mobilis exhauriretur, frigus vires suas intendit,
non minuit: unde in Thermometro spiritus vini altius depressus est, atque
in horologiis oscillatoriis, seu in pendulis & malleolus & tintinnabulum con-
tracta sunt, adeo ut malleus elaterio suo impulsus tintinnabulum non atti-
gerit. Sic enim paulo ante horologium aptatum fuerat, ut malleus levi ictu
tintinnabulum percuteret, ne majore sono aures offenderet. Unde postquam
malleolus & tintinnabulum incaluerunt, pristinum sonum ediderunt. Cur
autem tardiores essent ictus in altero horologio, hoc inertie ut ita dicam,
particularum crassioris aëris tribuendum putat. Tum enim magnâ ex parte
aër destituitur iis corpusculis quæ fluiditatem efficiunt. Unde in pendulis
vibrationes aliquantulum frequentiores sunt æstate quàm hieme.

5. Exeunte autumno cum intensum illud frigus nondum incæpisset, de
nocte nix decidit ad tres usque digitos alta; sub meridiem ea soluta est in
areolis horti arenâ tecti: sed diutius mansit in locis fimo veteri, vulgo,
terro, opertis: quod calidæ exhalationes è terrâ per arenæ interstitia eru-
pentes nivem solverint, non item in locis stercoreatis, ubi terra cum fimo
mixta pinguior erat & humidior, ac subinde congelata exitum exhalationis
calidæ inhibuerat. Sed cum solum ubique congelatum fuit, nix citius liquata
est, ubi terra erat stercoreata: nam ibi radiis solaribus citius incaluit.

Reliqua phænomena omittimus quod aliis in locis cum se dabit occasio,
sint exponenda.

D. de la Hire globum thermometri nive obduxit, & aqua altius ascendit:
adeo ut nix vim frigoris retundere quodammodo videatur.

Cam D. Thuret in Barometro bene, ut existimabat, sigillato obser-
vasset pondus aëris eodem prorsus modo augeri & minui atque in aliis
barometris: D. de Louvois hujus phænomeni solutionem ab Academia
per D. de la Chapelle postulavit: sed re ipsa diligentius inspecta minus
accurate oclusum Barometrum fuisse D. de la Hire postea comperit. Post-
quam enim id ritè sigillatum fuit, non amplius Barometri, sed thermo-
metri munus obiit: nam in majoris Ecclesiæ turrim asportato altior ma-
nebat hydrargyrus in summa turris parte, ubi vis caloris major erat, quam
in parte ima.

XIII. Idem mense Novembri quanta esset magnetis declinatio observavit,
eamque 4 gradibus 10 min. Occidentem versus declinare comperit: adeo ut
horologia scioterica quæ acu magnetica instruuntur, pene semihora tum
aberrarent.

Exeunte hoc anno lecta est Epistola viri Clariss. D. Thoinard ad D.
Dodart perscripta, in qua vitri cujusdam mentionem facit quod in igne
rubrum colorem acquirit, eumque exiit, ubi funditur; hunc recuperat
igni vel mediocri admotum & ita deinceps.

CAPUT II.

De Hiftoria Animalium.

I. **Q**Uæ ad hiftoriam Animalium & anatomen fpectant, non perfuntoriè hoc anno fuerunt pertractata, mortuis jam ab aliquor annis D. D. Pecquet & Gayent, unus ei fuffectus fuerat D. du Verney, qui in arte anaromica ftudium fuum & operam pofuit. Hoc anno 1684. D. Mery Academiæ adfcriptus fuit, & quod vere fimpliciterque dicendum, honeftæ æmulationis aculei huic arti promovendæ, & acrioribus ftudiis excitandis non mediocriter profuere.

II. Die 23 Februarii felis odorata, v. *Civet* difsecta fuit. Qui liquorem fragrantis odoris fuppeditant facculi, diligenter à D. du Verney funt excuffi. Duæ glandulæ prope anum foris patent, quæ fœridum liquorem ferunt.

Eodem menfe mus odoratus v. *un Rat musqué* cultro fubjectus: longi inteftinorum anfractus ut in ruminantium genere à D. du Verney funt obfervati.

Idem in finia dentes inftar ferræ difpofitos, lienem quali glandulis afperum: mefenterii glandulas gypfea materia oppletas, uti & chyli receptaculum, ac jecur ipfum demonftravit: hoc animal tube exinctum fuerat.

III. Pellem quoque hiftoricis diligentius expendit, pars ejus pofterior velut squamis munita, aculeotum radices mufculum cutaneum fubire vifæ funt, mufculorum aponeurofes intus adducuntur, aculei aut fpinæ foras fe exerunt, & furfum eriguntur. Multa alia funt animadverfa in lingua, in eo mufculo, qui maxillam inferiorem movet, mafaterem vocant, ifque in formam crumenæ formatur; mufculi iridem curanei productionem & varios illius cum vicinis partibus nexus eft contemplatus.

IV. Incunte Martio felis odorata Epiploon exhibuit, fimul & varias ductum quos adipofos appellavit Malpighius, propagines, qui ductus venis, arteriis & facculis funt diftincti. Hic adeps in Mefenterio ad veficæ latera eft uberior, nullus in dura matre, Pleura, & in pulmonum membrana. In ejuſdem feræ fecunda ventriculi membrana glandulæ non apparent, fed foramina tantum: ex quibus juſta ſuſpicio eft eam membranam eſſe glanduloſam, & ex ea liquorem in partes inrimas ventriculi exſudare. Quas glandulas in ventriculo ſuis conſpicias ante oſtenderat D. du Verney, ex partem ſecundæ membranæ convexam opplen, & foraminula in parte interiori ſub oculos cadunt. Poſtremo vaſa lymphatica demonſtravit, quorum radices in mufculorum membranis & in ipſis viſceribus latent, eaque in conglobatas glandulas ſe exonerant, tum quaſi ex iis glandulis renata partim in chyli receptaculum, partim in axillarem ſe effundunt. Receptaculum vaſa lymphatica ex abdomine & partibus inferioribus excipit; pectoris vaſa ad canalem thoracicum; capitis, colli & brachiorum vaſa in venas axillares deſinunt.

V. Pellis crassioris ranæ à D. Meri sub idem tempus discussa fuit & *Hist. Anim.* descripta. Hanc neque abdominis, neque pectoris musculis ubique cohæ-
rere animadvertit, sed per membranas tenuissimas sic cohæret cum media
sterni parte & utroque inguine, ut vacua spatia & cavitates interjectas re-
linquat. Sic per fibrillas cum musculis ventris lateralibus ita erat colligata,
ut utrumque saccus à parte summa femoris ad aurículas usque porrectus in-
tercederet. Idem in dorso observatum, ita ut pellis integra in quatuor velut
saccos distincta videretur: hos tenuissimæ membranulæ separabant, quæ ex
una parte pelli, ex altera musculis connexæ antrorsum & retrorsum, tum ad
utrumque latus saccos, ut diximus, efficiebant.

Idem in pelle femoris & cruris cernere erat: ea quippe in articulis tan-
tummodo & juncturis cum musculis necessebatur, & saccos itidem cum iis
efficiebat. Duæ cavitates in parte summa sterni, & in maxillæ parte inte-
riori erant conspicuæ; una ad brachia usque descendebat, & in sterni
foramen erat per quod aditus ad tertiam cavitationem sub maxillæ musculis
inferioribus collocatam patebat. Linguae quoque structuram singularem ex-
posuit.

VI. Interim historiam animalium D. Perrault est prosecutus, quæ ac-
curato examini subiecta est. Animadversiones suas D. D. du Verney &
Mery protulerunt. Circa oculorum structuram & motum præcipuus tum
labor incubuit, & antiquæ ea de re disceptationes renovatæ. D. Meri ob-
servationem quandam nuper à se factam commemoravit die ultimo Maii.
Cum felem in aquam demergeret, illud advertit, pupillam ante oblongam
& arctatam paulatim in aqua dilatari, adeo ut in fele pene extincto sexies
major quam antea videretur, mortui & ex aquaeducti non potuit fundum
oculi dispicere. Sed ubi intra aquammersus est, tum quasi omni humore
vacuus & uberiore luce perfusus apparuit. Jam oculi fundum & varios
choroïdis colores, nervi optici limbum ex quo vasa in choroïdem & uveam
exibant, conspexit: sed retina ipsa aut humores in conspectum non ve-
nerunt.

VII. Quæ mense Junio in dissectione cadaveris ab eo fuerant observa-
ta, scripto tradidit. Homo ille ex stranguria, aut urinæ suppressione de-
cesserat, cum tamen nec calculus, nec ureterum obstructio ulla esset, sed
purulenta duntaxat urina vesicam inflammaverat, nec spicillum quantumvis
exile uretram sobite potuit, non ob carunculam quæ succreverit, sed quod
 sæpius evenit, sanatum ulcus canalem uretri plus satis arctaverit.

VIII. Augusto mense D. du Verney erinaceum dissecuit, cor inve-
num est Pericardii experts; quæ tenuia dicuntur intestina, aliis crassiora ap-
parebant, musculus ut in histrice aculeos movet.

Accuratam descriptionem Leænæ exscribendam dedit, cujus in historia
animalium mentio habenda est. Longum enim esset hanc anatomen hoc lo-
co prosequi, tametsi multa observatione digna complectitur.

Eandem ob causam observationes quasdam à D. Mery factas circa mi-
litrum cadavera omittimus ad Mathesum propetantes.



CAPUT III.

Astronomica.

I. **H**ic annus insignis fuit duorum satellitum circa Saturnum inventionis. Hi quidem postremo sunt deprehensi, quod sint minores, sed ordine sunt primi: nam Saturno sunt viciniore. Eos mense Martio cum D. Cassini vitrum 100 pedum exploraret, sine tubo deprehendit. Verum postea certior factus est primum satellitem nunquam proprio motu ab annulo longius quam $\frac{1}{2}$ longitudinis annuli distare, revolutionem suam intra 21 horas & 19 min. fere in plano annuli continuato absolvere: cum autem annulus majorem orbitæ hujus satellitis partem occupet, conjunctiones satellitis cum Saturno, quæ bis intra duos dies recurring, diutius durant, præsertim cum annulus obliquè à terra conspicitur: tum enim circulus quem describit satelles, arcibus premit annulum, & in unaquaque conjunctione annulus satellitem per octo horas cum semisse tegit. Cum annulus est apertior, tum major est inter eum & satellitem distantia, tumque supra & infra ansas videri potest. Secundus satelles ab annulo tantummodo $\frac{1}{4}$ longitudinis annuli removeretur, ac periodum suam intra 65 horas, 43 min. conficit. Singulis fere diebus cum Saturno conjungitur, modò ex parte superiori, modò ex inferiori. Unaquæque conjunctio octo fere horas durat: quo tempore annuli longitudinem decurrit, tum post 25 horas alia incipit conjunctio.

Secundi Satellitis à centro Saturni digressio est ad primi maximam, ut 21 ad 17, ac tempus quo ille suam conficit revolutionem, eam habet rationem ad tempus quo primi absolvitur periodus, quæ est 24 $\frac{1}{4}$ ad 17. Quæ quidem est eadem proportionis regula quam Keplerus invenit inter distantias & periodos Planetarum, quamve inter alios Saturni satellites comperit D. Cassini, quæ ex Jovis satellitibus confirmatur. Id vero admirabilem concentum Saturni & Jovis systematum demonstrat cum magno universi systemate.

Absolutum quinque satellitum systema D. Cassini invictissimo Regi obtulit, qui illud in numismate ex adversa parte Regiæ Imaginis cudi iussit, eaque sidera Regis auspiciis detecta Lodoicæorum nomine sunt insignita.

II. Paucis post diebus animadversiones suas ad ea quæ à D. Richer Cayennæ sunt observata è scripto legit: simul ostendit loca Solis Cayennæ prope verticem observata, quæque adeo nulli erant refractioni obnoxia, cum suis tabulis, quibus Marchio Malvasia usus est in suis Ephemeridibus, omnino convenire; eandem obliquitatem Eclipticæ ex iis prodire observationibus quam definiunt Ephemerides.

III. Ac præter alia multa disseruit de parallaxi Martis, cum esset Perigæus, & terræ multò vicinior quàm Sol ipse: ita ut inventa per observa-

tiones iteratas & calculum parallaxi horizontali Martis 25 sec. Solis pa- *Astro-*
rallaxis esset tantummodo 9 sec. distantia Solis à terra 21600 semid. terræ, *nom.*
Martis 8100.

Cum autem die 5 Maii deprehendisset Solis maculam prope ejus Orientalem marginem, futurum ejus motum in Solis disco, & tempus quo reditura esset, die nimirum primo Junii scripto edito prædixit. Quin etiam illud advertit fore ut ejus semita, cum iterum in conspectum veniret, priorem in disco Solis apparente semitam ante descriptam intersectaret. Quod evenit juxta ipsius theoriæ, quam utique cum hujus maculæ observationibus conferendam palam exponebat. In prima ejus apparitione Polus revolutionis Solis Australis erat terræ expositus; in secunda verò exponendus fore: terræ solus Borealis Polus.

Die autem prima Junii eo ipso in loco ubi maculam visum iri notaverat, faculam invenit, in quam macula conversa fuerat. Quæ quidem transformatio sæpe aliàs fuit observata: ita ut ejus maculæ revolutio apparuerit dierum $27\frac{1}{2}$, quæ alias visâ fuerat modò $27\frac{1}{2}$, modò $27\frac{1}{4}$.

IV. Ex qua occasione admonuit nihil mirum esse si aliquot horarum differentia inter reditus macularum occurrat. Non enim ea revolutio motu simplici perficitur, si ut verisimillimum est, Solis circa suum axem vertigine abripiuntur: nam hujus vertiginis Poli variè obvertuntur. Inæqualitas etiam annui motus in macularum apparentem motum se diffundit: præterquam partes ipsæ macularum, quæ figuras mutant, alio quoque motu agitantur eo fere modo quo nubes in aëre huc illud aguntur. Cum autem conversio Solis circa suum axem aliter dignosci non possit, quàm per maculas quæ variis his motibus sunt obnoxie, accuratius illa examinari non potest quàm si ex diversis earum revolutionibus inter se collatis media quædam inter eas & frequentior seligatur.

V. Die undecimo Junii D. de la Hire eo ipso in loco cui facula inesse debebat, duas insignes maculas, & majores quàm antea visæ fuerint, observavit. Unaquæque ex iis unius minuti spatium seu partem fere tricesimam diametri Solis occupabat, & duorum minorum intervallo inter se distabant, tametsi extremo Solis margini essent finitimæ, eæque majores multò visæ fuissent, si centro Solis propiores extitissent.

Ex his duabus maculis D. Cassini illud animadvertit, eam quæ longius à Solis limbo distabat, eundem planè locum in ejus disco obtinere, quem illa tenebat quæ mense Maio fuit observata, habita ratione Polorum Solis, & coluri per ejus Polos proprios, & Eclipticæ Polos transeuntis: unde censuit eandem esse quæ mense Maio visa fuit: eam verò quæ propior erat margini novam esse quæ è Solis disco excessit nocte sequente diem Maii 12, relicta post se veteri macula quæ sola videbatur die 13 Junii; egressa Solis limbum die 14.

VI. Omnes Academici in Observatorium convenere die 12 Julii Solis Eclipsim eo die futuram contemplaturi, Phases Solis obscurati magno studio & cura sunt definitæ Micrometri ope: initium Eclipsos animadverti non potuit propter nubes interpositas; sed ex iis quæ subsequuntur sunt observationibus faciliè id conclusum fuit: adeo ut nullus ea de re sit dubitandi locus.

140
A N N. 1684. Observationes suas scripto exposuit D. de la Hire. Initium fuit post Meridiem hora secunda 25 min. 24 sec. Maxima obscuratio dig. 7. 50 min. 3. hora 36 min. 27 sec. finis hora 4, 43 min. 27 secund.

Observationes à P. Fontenay Parisiis, à D. du Glos in portu Gratiae v. *Havre de Grace* factæ cum his observationibus apprimè conveniunt.

VII. Die 5 Augusti D. Cassini quæ sint inter aliquot Meridianos differentiae ex iis quæ ad eum missæ sunt variis ex locis observationibus collegit; idque juxta methodum aliàs expositam projiciendi terram in orbem Lunæ, ubi factæ fuerant observationes, cum præcipuè phasæ à diversis Astronomis sunt observatæ: unde earum positio ad Solem & Lunam, & inter se invicem innotescit.

Et quidem intra 15 dies Lunæ una, Solis altera eclipsis sunt observatæ, quod ad confirmandas Astronomicas hypothesen permagni fuit momenti. Eclipsis Lunæ die 27 Junii contigit hora à media nocte 2. 25 min. 30 sec.

Dux illæ eclipsies tum acciderunt, cum Luna esset proxima mediæ à terra distantiae: In priori eclipsi versus Apogæum, in posteriori versus Perigæum vergebat. Inter utramque semicirculum peragravit superiorem, in quo longius à terra removeretur, & tardius incedit. Cum enim 29 dies 12 horæ & $\frac{1}{2}$ sit mensis Synodici seu medii temporis spatium; quo ad Solem redit Luna, 14 tantum dies, 18 horas, & sex fere minuta intercedere oportuit inter utramque eclipsim. Quindecim tamen dies, 13 horæ & $\frac{1}{8}$ interfuerunt: adeo ut verus motus 20 horis & $\frac{1}{2}$ medio tardior fuerit. Quod cum tabulis Astronomicis optime convenit: ac deinceps ad duplicem illam eclipsim prima illa inæqualitas erit exigenda.

VIII. Ex Solis Eclipsi quæ 12 Julii accidit, occasionem cepit D. Cassini de Solarium eclipseon prædictione disserere. Hæc tot rerum difficultum notitiam exigit, ut mirum non sit, si temporis momentum quo futura est eclipsis, aut spatium quo duratura, aut illius magnitudo vix definiri queat. Imo illud est miraculo proximum tam rara Phænomena, tot circumstantiis involuta adeo accuratè prænuntiari. Annuus terræ aut Solis motus, Lunæ tum in longitudinem, tum in latitudinem motus anomali; Solis, terræ & Lunæ magnitudines inter se collatæ, & distantie quæ continenter mutantur, quæque in diametris visis magnam inducunt varietatem: his adde aspectuum diversitatem in diversis terræ locis: hæc, inquam, satis implicatas Solis eclipses efficiunt.

Sed in Eclipsi Solis præter hæc omnia adhuc necessaria est exquisita Geographiæ notitia & longè major quàm quæ facile sperari possit. Nam locorum ad quæ Eclipseon phasæ referuntur, longitudines & latitudines notæ esse debent, & eorum maximè in quibus dubitatur an totalis futura sit eclipsis. Quod si vel unius, aut alterius minuti error circa loci latitudinem irrepleverit, is obstabit quominus ibi plena sit Solis defectio. Sic in Observatorio eclipsis Solis totalis esse potest, non item in monte Martyrum: adeo ut minùs circumspectè quis totalem fore certis in locis Solarem eclipsim prænuntiet. Tutius de Provincia aut regno, in quo Sol omni ex parte deficiet, pronuntiatur quàm
de

de civitate aut loco. Sic eclipsim Solis quæ die Julii duodecima contigit, *Astro-*
 integram Romæ futuram non satis cautè Argolus prædixit: nam ex ea quæ *nom.*
 facta est Parisiis observatione liquet quartam Solis partem intactam Romæ
 fuisse.

IX. Postquam alicubi eclipsis fuit observata, quæque ad ejus determi-
 nationem in aliis locis necessaria erant, diligentè fuerunt examinata, qui-
 bus in terræ locis ea fuerit integra, aut pene centralis, accuratius defini-
 re licet: quod sua utilitate non carebit; nam postea inquisitione facta cor-
 rectio tabularum ante suscepta hinc comprobari poterit, idque magnum ad
 Geographiam afferet momentum.

Hoc utique D. Cassini inito calculo in globo terrestri D. Blaeu, qui ad
 observationes in variis terræ regionibus jussu Ludovici Magni factas
 propius accedit, ea notavit loca, in quibus centralis defectio visa est,
 atque easdem longitudes & latitudes in magnum Observatorii pla-
 niphærium transtulit, ut experiretur an tabulæ cum globo convenirent,
 ac subinde comperit in locis quæ à nobis multum sunt remota, diffe-
 rentias longitudinum in globo plus satis augeri. Itaque loca designavit
 in quibus quavis diei hora Eclipsis totalis esse debuit, & quanta fuerit
 pluribus in aliis locis per litterarum commercia & Astronomorum obser-
 vationes liquebit, an longitudes & latitudes locorum ritè fuerint de-
 signate.

X. Alia quoque eclipsis Lunæ die 21 Decembris visa est, D. D. Cassini
 & de la Hire observationes suas inter se collatas sibi mutuo consentientes in-
 venerunt.

XI. Sub idem tempus P. de Fontenay & tres alii ejusdem Societatis
 Patres in Sinesè regnum iter facturi de mutua cum Academia ratione in-
 eunda, cum in Astronomicis, tum Physicis in rebus egerunt. Quæ in Si-
 nensì regione cum eo pervenerint, quæque in iis locis, quæ in itinere oc-
 current observationes sint faciendæ, præsertim circa satellitum Jovis eclip-
 ses ac de mutuo litterarum commercio, cum D. D. Cassini & de la Hire,
 & de mutua cum Academia societate convenere. Quantum ii profecerint
 ad amplificandam Astronomiæ & Geographiæ scientiam, ex iis quæ postea
 dicturi sumus palam fiet.

Sed Astronomiæ & aliarum disciplinarum studia aditum ad Imperatorem,
 & ad Religionis Christianæ in eo imperio propagationem aperuerunt:
 adeo ut liberam ejus professionem & exercitium paucis ab hinc annis
 ab Imperatore Sinenfì impetrarint, quod antea nequicquam tentatum
 fuerat.



CAPUT IV.

De Tabulis Geographicis, necnon de Geometria & Algebra.

I. Neunte hoc anno D. D. de Sedileau & Chazelle observationes cum D. Cassino factas, & calculos à se initos in producenda linea meridiana ab Observatorio versus Austrum, in ordinem digesserunt. Subductis calculis non solum distantiam inter utriusque trianguli apices, sed etiam quantum à Meridiana linea distarent, necnon inter eorum parallelos intervalla computarunt, atque ex novis triangulis eæ distantia magna ex parte calculo probata sunt; quæque inventa est maxima in confirmandis differentia, vix ultra duas hexapedas ex 10000 excurrit.

II. In proferenda linea Meridiana ab Observatorio ad turrim usque Montis Landerici vulgo *Montlheri*, distantia à D. Picard inventa 11757 hexaped. usi sunt, cumque ex variis observationibus constaret lineam ab Observatorio ad eam turrim ductam cum linea Meridiana angulum 11 graduum 58 versus occasum Solis efficere, ad S. Salvatorem oppidulum S. *Sauvier* in Borbonio tractu per 21 triangula eam proferre.

III. Anguli instrumento huic consimili quod D. Picard olim adhibuerat, & eadem diligentia sumpti: adeo ut sæpe tres anguli summam 180 gr. efficerent, interdum 10 aut 15 sec. deerant, quæ in eum angulum de quo minus liquebat, refusa sunt, aut in omnes angulos ex æquo distributa, cum nulla erat ratio cur de uno potius quam de aliis dubitaretur.

Hoc intervallum inter Observatorium & S. Salvatoris oppidum interjacens in tres fuit divisum partes, ac tres itidem tabulæ æri incisæ sunt; prima ab Observatorio ad Castrum novum, secunda inde Biturigem, tertia ad S. Salvatoris usque distantiam exprimunt. Quæ figuræ unâ cum calculis triangulorum in Tabulario Academæ sunt consignatæ.

De continuanda hac Linea D. de Louvois die 3 Martii cum D. Cassini verba fecerat, sed ea res nondum fuit ad exitum perducta. Cum hæc iterum eundem hic continuatur labor.

IV. Mense Februario D. de la Hire inchoatam Galliæ Tabulam exhibuit, in qua præcipui portus & eorum situs sic delineantur, ut differentia inter verum cuiusque situm, & cum quem Geographi in tabulis designarunt, conspiciatur. Hæc Charta in Opere nuper edito de Astronomicis observationibus æri incisæ est: atque ejus mentionem supra fecimus. In ea tabella extremi limites, quemadmodum in charta peritissimi Geographi paucis ante annis incisæ sic delineantur & urbium vocabula litteris Italicis notantur: sed littorum situs ex observationibus deducti simplici linearum ductu exhibentur: latitudines locorum in margine utriusque lateris dextri & sinistri, ut longitudinum differentia in utroque limbo superiori & inferiori ita designantur ut à Meridiano Regii Observatorii numerandi fiat initium, non ab Insula *del Ferro*, ut fieri solet in chartis: cum ejus Insulæ positio non


fatis sit cognita. In altero tabellæ latere habes delineatam observatorii Regii Orthographiam in numismate, quod in fundamentis ædificii conditum fuit : hujus mentionem fecimus pag. 38. Geogr.

V. Multas quoque de conicis sectionibus demonstrationes easque novas exposuit D. de la Hire, sextum imprimis Librum sui Operis, quod tum prælo subiectum fuit, pene integrum demonstravit.

D. Rolle animadversiones suas in quandam Cartesii regulam p. 79. Geometriæ exaratam protulit. In qua quidem regula hoc docere videtur Cartesius cognosci posse quot sint veræ radices, quot falsæ, idque ex sola dispositione signorum quæ plus & minus expriment : sex animadversiones in eam regulam proposuit D. Rolle, ac nimis generalem eam esse contendit : quæ res viros in ea scientia eruditos commovit, & quibusdam disceptationibus occasionem præbuit.

VI. Æquationum structuram proposuit D. de la Hire die 7. Julii. Aliam quoque die 5. Augusti Geometricam demonstrationem exposuit cum priori connexam.

VII. Die 18. Novembris D. Sauveur nunc Matheseos Professor Regius, & Academiæ Socius regulam cupream calculis conficiendis aptatam exhibuit, quæ ad dimetiendum aquæ salientis jactus ex certa aquæ altitudine & tubuli per quem exit latitudine, est accommodata : cum tabulis à D. Mariotte in hanc rem dispositis optimè eam convenire, & ad plures alios usus, ut ad monetarum differentias explorandas, adhiberi eam posse visum est.



SECTIO SECUNDA.

De Actis anno 1685.

INeunte hoc anno D. Thevenot, cui Bibliothecæ Regiæ cura commissa fuerat, inter Academicos ascitus fuit : in ipso pene hujus Operis exordio illius mentionem fecimus, plura deinceps de ejus in promovendis disciplinis studio & opera dicturi.

Cum P. de Fontenay unâ cum quinque Societatis Patribus qui profecturi erant in Orientales plagas, in Academiam convenisset, de iis quæ ad Astronomiæ & Physices amplificationem observaturi erant, cum Academicis sunt collocuti. Multa quidem in longa & periculosa peregrinatione passi sunt incommoda.



CAPUT PRIMUM.

De Physicis Observationibus.

I. **C**Ujusdam animalis amphibii pellis portio ex America Septentrionali allata est à quibusdam Americanis incolis qui nostrorum stipendiis militant, & ad D. Thevenot missa. Hi quidem Americani incolæ cum versus Septentrionem longius quàm antea unquam excurrissent, magnum subiere flumen & lacum aquæ dulcis, in cujus ripa ignotæ feræ vestigiaprehenderunt; mox ex iis duæ conspectæ, quæ in lacum se recipiebant. Ex iis una longiore fistula fetrea aut sclopeto interfecta, altera in aquam se coniecit. Atque hæc erat hujus animalis forma, corpus Uri seu Bubali magnitudine æquabat, nigriori pilo 17 aut 16 digitis longo vestitum, crura & brevia & crassa ut in bubalo v. *Buffle*, pedes anserini, caput aprino non abssimile; nasi loco erant duo foramina, auriculæ breves, oculi angusti, in summo capite utrimque cornua fere ut in Cervo exstabant, extrema erant instar lapidum ovi anserini magnitudine, qui lapides instar chalybis erant terti, caro admodum rubra, quæque adeo moschum olebat, ut eam gustare non potuerint. Barbaris sono fistulatum territis & in fugam versis mulier quædam ex iis capta est quam D. Thevenot vidit, quæque erat corporis habitu firmo & justæ magnitudinis, cruribus solito crassioribus.

II. Circa idem tempus quoddam sacchari genus exhibuit D. Marchant ex aqua palato gratissima extractum. Nam exhalata aqua velut gummi saccharini saporis in fundo subsidit. Hæc aqua ex Acere v. *Erable* in horto Regio veris tempore per incisionem eduçta fuerat; utrum ea vi purgatrice donetur, experiri licet.

III. Illud quod ex occasione quadam, cum de verrucarum curatione sermo haberetur, D. Bourdelin tum admonuit, eas sanari levi tactu spiritus vitrioli bis in die facto, succum portulacæ huic rei optimum esse remedium nos docuit D. Pertault. Horum periculum facere grave non erit. Sic punctiones apum adhibitis lauri foliis contusis statim sanari subiecit; easdem curati pulvere cornu Rupicapræ v. *Chamois* asseruit D. Blondel, eumque pulverem optimum esse alexipharmacum. Sic D. Thevenot nobis enarravit duos homines cum Euphorbium degustassent, & pessimè se haberent, sumpto mali citrei succo sanatos fuisse.

IV. De insectis intra durissimos lapides conclusis jam supra mentionem fecimus. Ab illustri viro qui Constantinopoli Legatus egerat, se accepisse ait D. Cassini plura animalcula, quæ Dactylos vocant, in saxis præduris reperiri; è mola pistini in mare demersa, tum fracta hujus generis animalcula prodire, ea venum proflare Telonis D. Blondel jam ante monuerat.

Durissimum lapidem in agro Catnutensi reperit D. de la Hire prope Cana-

lem qui tum Regis jussu fodiebatur. Hunc fuisse piscem quem Castaneum maris vocant, seu Echinum marinum, atque ejus concham limo obductam fuisse verisimile est. Sic plura conchilia in vico *Iffy* prope Lutetiam à D. Thevenot reperta jam inuimus; & majores conchas, quales ad Divi Jacobi occurrunt in suæ Abbatiz agro invenit D. Galloys. Quæ tamen loca procul à mari sunt dissita.

V. Cum alii ex aliis, ut sæpe fit, sermones de rebus Physicis sererentur, quæsitum est cur è tormento bellico plus satis incalescente pars pulveris Pyrii non inflammata erumpat. D. Blondel hujus effectus eam attulit causam, quod flamma citius quàm par sit, concipiatur. D. de la Hire id subjecit, pulverem qui lateribus tormenti adhæret, celerius inflammari quam partes interiores.

VI. Die undecima Julii D. Rolle inter Academicos fuit aggregatus. D. de la Montre animalculum exhibuit è sinu Mexicensi asportatum, Scium volantem *un écureuil* appellant; pelle ab anterioribus cruribus ad posteriora protensa donatur, quæ tres pene digitos patet. Hujus ope è loco superiori ad inferiorem volare Abbatiz agro invenit D. Galloys. Quæ tamen loca procul à mari sunt dissita.

VII. Circa Junium mensem ignis è terra erupit in quibusdam vicis tractus Eburovicensis. Idque mihi cum iter facerem per ea loca confirmatum fuit, quod D. de la Hire à D. Etienne Canonico Carnutensi paulo ante acceperat: qui addidit idem accidisse in vico vulgo *la Berchère* dicto, atque eum ignem extinguere non posse.

VIII. Eodem mense speculum metallicum à nobili viro D. de Carouze sæpius probatum fuit. Hoc quidem reliqua magnitudine superat, sed ubique non est æquabiliter expolitur, focus ad 5 pedes producit, & plus æquo patet pro speculi magnitudine; in Observatorio id asseratur.

IX. Siliquam Cacao, ex quo liquor vulgo *Chocolat* paratur, ostendit D. Blondel & Domino Marchant asserendam dedit. In ea erant 25 amigdala quæ liquoris *Chocolat* saporem præ se ferebant.

X. Exacto induciarum tempore testudinem marinam exhibuit D. Mery, in qua complura observatione digna annotavit. Illud imprimis, lobum, aut sacculum pulmonum vesiculis plenum esse, hunc per septum membranosum in duas partes esse divisum, quæ in basi ipsa inter se communicant per interjectas vesiculas: In testudine terrestri plurima quoque demonstravit D. du Verney quæ idoneo loco proferentur.

CAPUT II.

De Rebus Astronomicis.

I. Hætenus à D. Cassino observati fuerant Saturni satellites ipsi proximi, hisque usus fuerat objectivo 100 pedum collocato in fastigio Observatorii, quod nullo erat tubo instructum, sed tantum machina ipsam dirigente,

H h iij

quando in ea altitudine Saturnus erat constitutus, ut prope Observatorii aream inferiorem incideret ejus focus, qui Saturni radios colligebat. Hi quidem excipiebantur oculari vitro supra aliam machinam constituto, quâ oculare ipsum attolli & d. primi, atque ad motum Saturni transferri poterat, donec in situ observationi commodo Saturni species ab objectivo formata sisteretur, quod nonnisi per breve temporis spatium fieri poterat. Opus quoque erat ingenti malo, aut turri, ut objectivum ad varias altitudines attolleretur. Cum autem turris lignea Marliaci prope Versalias altitudinis 120 pedum fuisset constructa, ad hunc usum facile eam accommodari posse insinuavit D. Cassini, si Rex ad Observatorium eam transferri juberet. Postquam igitur à D. Cassini eo ipso in loco ubi adhuc erat, per aliquot noctes ejus rei experimentum factum est, id agente apud Regiam Majestatem illustriss. Murchione de Louvois, in Observatorium translata est. Quæ illius futura esset utilitas Domino de Louvois à D. de la Chapelle ante fuerat explicarum, nempe Telescopiis quæ longissimè patent in summo hujus turris speculatiore acumine aptatis, fore ut facilius nova deprehenderentur in cælo Phænomena, & ante inventa comprobarentur. Quamobrem D. de la Chapelle illum rogavit Academiæ nomine ut hanc ab ea iniret gratiam, quod brevi post effectum fuit. Tum verò de longioribus tubis conficiendis multum diuque cogitatum. Varios tuborum typos proposuerunt D. D. Perrault, Cassini, de la Hire & P. Sebastianus Ordinis Carmelitarum Vir solerti ingenio, & in machinatrice peritissimus, nunc inter Academicos honorarios ascitus. Machinæ huic rei accommodatæ descriptionem, qua tubus 150 pedum dirigi & moveri facile possit, ita ut à recta linea non discedat, cum Academiâ communicavit, quæ in Commentarios relata est. Aliam D. Cusset nondum in Academiâ ascitus proposuit huic rei satis idoneam.

II. Sed D. Cassini longe faciliorem inierat rationem, qua vitra in res objectas, seu in cælo, seu in terra positas dirigantur, idque citra tuborum aut machinarum apparatus: quam in rem magno usui postea turris ipsa fuit.

Lumen illud quod superiori anno deprehenderat, quodque post Solis occasum in conspectum veniebat, nempe mense Febuario, magna cura est persecutus & in ejus causas inquisivit diligentius, simul & conjecturas Domini Facio exposuit. Quæ tam ab eo in eam rem sunt observata & excogitata, in volumine Observationum Astronomicarum publici juris sunt facta, eaque variis in consessibus lecta sunt & examinata.

Insignis illa Jovis macula, de qua idemtidem verba fecimus, in eunte Martio sui copiam fecit ante sexennium non visâ. Hæc utique locorum longitudinibus inveniendis utilis esse potest adhibito tubo optico 15 aut 18 pedum.

IV. Plerasque Lunæ Eclipses Gœ in India & aliis in locis factas protulit: ex quibus conclusum ab eo fuit, hanc urbem minus saltem 23 gradibus à nobis abesse quam tabulæ Geographicæ designent.

Medium Eclipsis Lunatis quæ die 21 anni 1684 Parisiis contigit hora 10 57 min. 50 sec. eodem die Gœ hora 15. 43 min. 30 sec. fuit observatum:

adeo ut Meridianorum differentia sit 4 horar. 45 min. 40 sec. seu 71 gr. 35 min. cum charta universalis hydrographica Auctore D. du Val anno 1677 *Astro-* publicata eam faciat 23 gradibus iusto majorem. *nom.*

Quæ à Patribus societatis Goæ facta est postremæ hujus Eclipsis observatio, ab ea quæ in Observatorio habita fuit, 4 tantum minutis in sua duratione dissidet : quod magno est argumento illam observationem satis accuratam fuisse. Nam sæpe evenit, ut ejusdem Eclipsis observationes eodem in loco habite aliquot minutis inter se dissentiant, cum ob alias rationes, tum ob id maxime quod vera umbra à penumbra vix discerni queat. Cum autem 4 minuta temporis unius gradus differentiam afferant, ubi error, si quis sit, ultra 4 minuta non excurrit, non amplius quam unius gradus. Idem fere ex variis observationibus Eclipsæon aliis in locis, ut in Balearibus insulis anno 1650, & Leodii anno 1612 cum iis quæ Goæ tum factæ sunt, collatis conclusum fuit, quantum melioris notæ tabulæ à vero aberrent.

V. Cum futura esset eclipsis Lunæ die 10 Decembris anni 1685, ac per magni interesset si per tempus liceret eam diligenter observare, quod apogæo tum Luna foret proxima, ubi nulla pene est æquatio : adeo ut facilius ex ea medius Lunæ motus determinari possit, quod Lunarum tabularum primum est elementum : quæ ante essent animadvertenda die 24 Novembris D. Cassini admonuit in hunc fere modum.

Apogæum Lunæ in Zodiaco juxta signorum seriem intra 6 annos periodum suam absolvit ; cumque nodi, à quibus prope tum abest Luna cum deficit, intra 8 annos integram revolutionem conficiant contra signorum seriem, hinc fit ut Apogæum & nodi unoquoque sexennio sibi mutuo occurrant, variis quidem in locis Zodiaci, & in diversa Lunæ à Sole distantia, quod conjunctiones & oppositiones quæ eodem quidem mense, sed non eadem hora diei contingunt, eodem in loco non semper observentur.

VI. Quæ duobus his postremis sæculis fuerunt observatæ eclipses Apogæo propiores, vix cum tabulis conciliari potuerunt à D. Cassino, quin unius horæ quadrantis differentia incurreret : tamen si id sibi persuasisset facilius eas conciliari posse quàm illas quæ longius ab Apogæo aut à perigæo evenerunt. Nec explicatu facile est utrum id ex ipsis observationibus, an ex occulta quadam nec satis bene cognitâ inæqualitate motuum acciderit. Quamobrem occasionem expectabat Apogæi locum certius definiendi ex observatione quàm fieri posset accuratissima. Interim tamen hanc eclipsim ex suis tabulis ad complures annos exactis ad calculos exegit. Ac multum ab aliis Astronomis, præsertim in durationis spatio calculum suum abesseprehendit. Eam quippe ex suis tabulis paulo minus quatuor horis duraturam comperit : cum ex aliis tabulis supputata 4 horarum & 18 min. spatium huic tribuatur.

VII. Die 15 Decembris D. D. Cassini & de la Hire prædictæ eclipsis observationes suas legerunt, quæ sibi mutuo admodum consentire vixæ sunt. Initium ejus à D. Cassino ante definitum sesquimodo tantummodo anteverit. Quæ à D. Chazelle Massiliæ, à D. Gallet Avenione ; à P.

AN. Bonfæ eodem in loco, à D. Regnault Lugduni factæ sunt observationes, parum à se invicem dissentiebant: 12 minutorum cum semisse Massiliam inter & Lutetiam; trium circiter minutorum inter Massiliam & Avenionem differentia longitudinum ex iis observationibus colligitur.

In hac eclipsi observavit D. Cassinus circa ejus medium umbram reliqua multo densiorem Lunę discum percurrentem, quam censuit esse umbræ partem ruinis à So'laribus radiis in ac're refractis dilutam, quam sit umbra reliqua quæ ubiores excipit hujusmodi radios refractos, quibus tribuebat colorem sanguineum qui in hac eclipsi conspectus est. Existimat autem huic umbræ densiori radios intercipi potuisse à montibus in circumferentia Terræ à Sole visæ tunc temporis extantibus & altius se se in ac'ris regione attollentibus.

VIII. Sub idem tempus D. Thevenot Epistolam 21 Januarii anni 1684 Goa missam, & Latine scriptam exhibuit, cujus hæc est summa. Eos qui ab Occidente in Orientem navigant, ex avibus quæ iis in locis occurrunt, conjicere an prope absint à certis locis sibi cognitis: sed multo certius ex acus nauticæ declinatione id colligere. Cum enim noverint sub initium profectonis v. gr. è portu Ulyssiponensi, acum magneticam tot gradibus declinare, tum ex observationibus antea factis conjectant, quantæ eo anno futura sit declinatio compluribus aliis in locis, per quæ iter facturi sunt.

Exemplo rem illustrat. Dum acus nautica in capite, seu in promontorio *Das Agu'as*, seu acum, neque ad ortum, neque ad occasum deflectebat, sed fixa erat ad utrumque mundi polum, Ulyssipone versus Orientem 7 $\frac{1}{2}$ grad. declinabat. Cum autem Ulyssipone 6 gr. $\frac{1}{2}$ tantummodo à Borea deflectit, uno gradu circa promontorium acum versus Ortum à declinare incipit: sed singulis post annis ea crescit. Ab eo loco ad insulam sancti Laurentii augetur illa declinatio, quæque 13 grad. ante fuerat, jam est 14 grad. Hinc imminuitur ad Mosambicum littus 3 fere gradibus, eaque ad Socotoram usque pene eadem manet: sed Goam usque semper minuitur, ea quidem ratione. Cum acus fixa erat in Promontorio acum, tùm Goæ declinabat 17 grad. ubi illic cœpit ad Boream vergere, tùm Goæ decreverat incœpit. Quando in capite acum fuit 4 grad. in Goæ litore tantum 13 graduum erat, & ita deinceps.

Cum eadem est acus magnetica, nec vires suas perdidit, annua illius variatio est fere 10 minutorum, nec suum absolvit circulum, sed ubi ad certum pervenit gradum versus Orientem, tum redit ad Septentrionem.

I X. Circa stellas australes Auctor multa animadvertit, illud imprimis Canopum nulli alteri cedere nisi cani majori, cui similis est colore & scintillatione.

X. Quod ad ultimam eclipsim spectat, eam incœpisse ait hora 2. 13 min. post mediam noctem, & desiisse hora 5. 14 min. adeo ut tota duratio fuerit hor. 3. 1 min. Qua de re cum uno suæ societatis Patre eoque Mathematico Italo collocutus, in ea sententia fuit confirmatus, insignem in mappis errorem in constituendo urbium situ inveniri. Negabat eam Meridianorum differentiam Romam inter & Goam majorem esse 63 grad. idque

idque se comperisse aiebat ex observationibus eclipseon quas ex Ephemerid. De Argoli computaverat, dummodo illæ contingerint temporibus per tabulas Mechan.

CAPUT III.

De Mechanicis & hydrostaticis.

I. Die decimo Martij cum D. de Louvois per D. Thevenot postu-
lasset ab Academia ut eum Julii Frontini librum Gallicè redderet,
qui de aquæ ductibus inscribitur & perobscurus semper visus est, plures
ex Academia voluere inter se partiti brevi temporis spatio illud sunt in-
terpretati. Tum suum quisque laborem in medium contulit, & Domino
Sedileau earum rerum admodum perito quidquid fuit elaboratum, ut ex-
poliret & cum exemplaribus interpretationes conferret, traditum est.
Quod quidem operis non inutile fortassis nec indignum publica luce fu-
turum est.

II. Interea D. Perrault lineatam machinæ descriptionem proposuit qua
plani declivitas ad profluentem aquam requisiti dignoscitur. Hanc machi-
nam in horto suo suburbano parandam curavit, ejus descriptio commen-
tariis Academiæ est consignata.

Cujus rei occasione D. Cassini chartam nobis exhibuit, ubi Padi prope
Ferrariam divortia delineantur, cumque alius amnis v. *Reno*, Ferrariam
perveniret, cives ad 7 usque milliaria ejus cursum derivarunt, qui inde
Ferrariam per aliam viam remeat, tamen declivitas sit tantummodo pe-
dum quinque.

III. D. de la Hire Sequanam ex urbe labentem libravit, intra mille
hexapedarum spatium in longum porrectum decem tantummodo pollices
declive flumen reperit.

Id quoque ex librationibus accuratis à medio Xisti vel ambulacri v. *le
Cours de la Reine* ad vicum usque Passiacum factis collegit, decem pollicum
declivitatem mille hexapedis respondere.

IV. Jam ut ab Hydrostaticis ad artem machinatricem veniamus, D. de
la Beaune horologiorum opifex industrius portatile horologium exhibuit,
cujus libramentum magnas edit vibrationes, quod in complures agatur
gyros. Hoc D. Cassini probavit, idque cum pendulis bene cohærere
primis diebus comperit, & octava tantum horæ parte post octo dies re-
tardari.

V. Die 21 Julii machinæ figuram exhibuit D. Perrault, qua ruden-
tes sistuntur cum magna firmitate, & liberi dimittuntur non minori faci-
litate. Quam machinam permagni usus esse docuit ut vis potentia trahen-
tis aut impellentis per repetitos conatus magis expedita reddatur. Nam
potentiarum actiones sunt in duplici differentia constitutæ, aliæ continuato
impetu & minime interrupto exercentur, ut elateria & pondera; aliæ in-

ANN. perit aut motu intermisso. Hæc mora aut quies potentiam ipsam trahentem
 1686. suspendit, eamque distinet, adeo ut nihil suum nequicquam consumat, ut in eo statu persistet idipsum quod trahitur, & in contrarium nitentis aut retrahentis potentie conatum vincat. Quamobrem si quid potentiam tractricem ab eo, ut ita dicam, labore sustinendi aut sistendi in eodem statu corpus ipsum quod trahendum est, vel propellendum ipso quietis tempore eximat, multo majores ei vires & magis expeditas impertiet. Tum hujus machinæ fabricam quæ non admodum est operosa, descripsit, atque illius typus in Observatorio cum aliis bene multis asservatur.

Incunte anno 1686 D. Blondel qui ab anno 1669 inter Academicos adlectus fuerat, quique multis antè annis Regius erat Matheseos Professor, ex hac vita decessit pene septuagenarius. Vir erat belli & pacis artibus apprime doctus, Latinæ & Græcæ linguæ inter paucos peritus. Humaniores litteras sic ab adolescentia coluerat, ut in studium Mathematicum potissimum incurberet. In quibus tantos fecit progressus ut à Ludovico Magno selectus fuerit qui Serenissimum Franciæ Delphinum eas disciplinas edoceret. Id quidem in eo fuit singulare ut inter arma, & bellicos tumultus jam à primâ ætate educatum nihil à studio litterarum potuerit divellere. Nam & copias duxit, & Europam pene totam peragravit, & publica tractavit negotia missus idem tamen à Rege Christianissimo ad Principes Germaniæ; in rebus agendis & in optimarum artium cognitione dispari studio, sed pari laude versatus. Multa edidit opera, quorum idoneis locis mentionem fecimus. Nullam fere Matheseos partem intactam reliquit; in Architectura militari & civili excelluit. Cujus rei fidem faciunt substructiones quædam post bellum Batavicum factæ quæ urbi magno sunt ornamento. Ejus opera in designandis & perficiendis his operibus usus est vir illustrissimus, qui postea sacro ærario præfectus fuit, & Regni Administer, sed animi præstantia, & pietate illustrior.



SECTIO TERTIA.

De iis quæ anno 1686 acta sunt.

Cum suscepti labores in Botanicis, Chymicis & Anatomicis hoc anno & iis qui consecuti sunt, eodem tenore & studio fuerint continuati, & majori ex parte, scriptis consignati, qui suis temporibus in publicum prodibunt, summam eos perstringere satis fuerit. Non possumus enim citra aliquod fastidium omnes stirpium descriptiones & analytes, animalium dissectiones & alia ejus generis jam fuscè explicata retexere.



CAPUT PRIMUM.

De Physicis & Chymicis experimentis & historia animalium.

I. **Q**Uæ igitur ad historiam naturalem spectant, si forte quædam occurrant, velut in transitu ea perstringere contenti, reliqua fere omitemus. Die 25 Maii lecta est Epistola Vesuntione ad D. Dodart scripta, in qua pletaque erant scitu digna quæ ad naturalem spectant historiam.

1. Quasdam in Comitatu Burgundiæ speluncas oblongas occurrere sexcentis congelationibus plenas, quæ promiscuas formas referunt.

2. In quodam exiguo colle foramen patere sæpius omnino siccum, ex quo ter aut quater unoquoque anno torrens aquæ erumpit, quo vicinus & patens campus inundatur.

3. Quod singulare est & admiratione dignum jam supra memoratum, quinâ ab urbe Vesuntione leuca naturalis quædam est velut glaciæ repositæ officina. Amplum est antrum in clivo montis arboribus opaci situm. Hujus aditus portam urbis refert, fornix admodum excelsa, adeo ut locus satis illustretur lumine, quadrato cœnaculo non absimilis, glaciæ velut crystallo stratus. Sæpè glaciæ ad 4 pedum altitudinem assurgit, atque è fornice pendente complures velut encarpi v. *Festoni*.

Hiberno tempore fornix oppletur densis vaporibus, in medio fluit rivulus: cum in aditu quædam arbores resectæ fuissent, multo minorem glaciæ copiam antrum per complures annos dedit.

II. Extremo Julii die lecta est altera Epistola ad D. Abbatem Nicasium, Vesuntione ab amico qui in ea urbe degebat missa. Hæc utique quæ mox protulimus confirmat, mulos & carros undequaque eò confluere qui glaciem in circumjectas urbes & Aratim usque asportent: nec tamen hanc speciem exhaustiri; plus glaciæ fervidior æstatis dies suppeditat, quam octonis diebus detrahat.

Antrum 35 passus profundum, sexaginta latum, fornix ultra 60 pedes attollitur. Rivus qui partem antri occupat, æstate congelatur, hieme fluit. In hujus fundo lapides reperiuntur qui mali medici corticem aptissime referunt.

III. Qui hanc scripsit Epistolam cum antrum adisset unâ cum magna hominum multitudine, certior factus est quosdam vapores sursum in specu effert; idque futuræ pluvie certum esse indicium, quod utique non fefellit. Ac rustici cum opus in agris faciendum est, hoc naturale Calendarium consulunt, atque ex sereno aëre aux vaporibus an cælum serenum futurum sit, vel secus, judicant.

IV. Vir nobilis & eruditus D. Cocheret die 27 Januarii ossa quædam, in veteri sepulcro, ubi viginti quinque jacebant cadavera, reperit in agro suo prope oppidum Passiacum in Normania. Quidam capitibus lapides sub-

ANN. strati erant in formam securis incisi, qui cum cervi cornu erant commissi :
1684. ita ut admodum sit verisimile tum temporis nondum iis in locis ferrum in
usu fuisse.

V. D. Perrault lapillos quosdam ostendit admodum terfos è Delphinatu
allatos. His utuntur abstergendis sordibus, quæ casu quodam in oculos
illapsæ magnos sæpe dolores creant. Cuius rei in seipso periculum fecit :
nam resecti unguis segmen, quod in oculum forte irruerat, admoto lapillo
cecidit, quid autem de hoc lapillo qui admodum erat exiguus, factum fuerit,
scire non potuit ; alium postea majorem adhibuit qui oculum subiit, &
post trium horarum spatium ultro decidit.

VI. In fonte vici Roquencurtii prope Versalias phænomenon quod-
dam inusitatum proposuit D. de la Hire, cujus rationem ex Academia quæri
voluit illustriss. D. de Louvois. Fons ille motu admodum irregulari ma-
nat. Interdum enim nulla ex eo aqua profluit ; Decimo aut duodecimo
post largiorem imbrem die uberior fluit. Id visum est D. de la Hire solum
pingue à pluvia paulatim penetrati ; sed ubi ad terram arenosam pervenit,
citius illam pervadere. Unde in magna siccitate fons nihil aquæ suppeditat ;
idque non dissimili modo evenire conjiciebat, ac videmus in saccharo ex-
purgando factitari ; nam basis saccharini coni intra typum ligneum con-
tenti creta humidiori obducitur ; aqua sensim per eam terram aut margam
percolatur, quæ secum partes viscosas saccharo circumfusulas defert, eaque
per angustum foramen in typi apice aptatum defluit.

VII. Neque id tacendum puto à D. Thevenot commemoratum, mar-
chastis quæ in vico Isiaci prope Lutetiam, & in vicinis locis passim oc-
currunt, lixiviatas, virgas ferreas immerfas cupræ crustâ obductas aliquando
visas à se fuisse.

VIII. Multa circa stirpium analyses fuerunt proposita, ex quibus
nonnulla selecta sunt. Illud imprimis, ut fabæ illius nunc adeo pervagatæ
v. *Café* dictæ diligens fieret analysis : quod præstitit D. Bourdelin. Pri-
mum è tribus libris 10 unciaë liquoris sunt exstillatæ, in quo plurimum
erat acidi cum sulphureo intime permixti, uti ex ultatis probationibus ex-
ploratum fuit, olei quoque magna copia est educta, 8 nempe unciaë & 2
drachmæ, idque non liquidum, sed concretum erat, salis fixi uncia cum
60 granis.

Idem phaseoli & ejusdem ponderis, ut moris est, tosti, atque ad
duas libras cum semisse redacti, liquorem 10 unciarum & paulo amplius
præbuerunt ex acido itidem & sulphureo ita permixtum, ut utrumque ma-
nifesto se produceret. Sed in ultima hujus liquoris portione 1 uncium cum
semisse uberior sal volatiliss inerat : nam una cum spiritu salis multum
effruiat, olei 7 unciaë cum sex drachmis, salis fixi 9 drachmæ cum
semisse.

IX. Illud pene mihi exciderat, quod D. de la Hire circa ventos tum
temporis animadvertit, æstate sæpe evenire ut sereno cælo cum aliq[u]æ tan-
tum nubes glomeratæ & sparæ videntur, exque mediocri aguntur vento,
ubi una ex iis Solem regit, aut quod eodem recidit, cum illius umbram
subimus, tum ventus accessu nubis plurimum augeatur. Cujus effectus hanc

probabilem causam afferebat, subjectum nubi aëra densari, dum circumfusus calore Solis magis dilatatur. Sed promota nube aër antea illuminatus, & rarior condensari incipit, ac minus occupat loci, quique ante opacatus fuerat aër jam distenditur, & maiorem affectat locum, cumque is vicinum circa aëra itidem dilatatum offendat, neque adeo valeat eum repellere, non alius ei patet aditus, quam ubi aër nubis accessu frigidior fit, & contractior. Hinc aër motu suo venti statim juxta nubis directionem auget; idque lineari figura adhibita exposuit.

X. Nunc ad historiam animalium styllum vertamus. Hanc D. Perrault variis in congressibus ita est persecutus, ut animadversiones suas & notas D. D. du Verney & Mery proponerent; quidquid erat elucubratum D. Galloys recognosceret, idque quantum fieri potuit elimatum typis mandari cœpit.

Interim animalia, ut ea fors obtulit, dissecta sunt, pauca è multis proferemus. Die 2 Januarii D. du Verney in Erinaceo Pericardium deesse & illius vicem obire mediastinum, ac quædam alia huic animanti propria animadvertit.

XI. Alia deinde incidit animalia, avem imprimis Versaliis allatam quam Gruem Africanam vocant, mustelam quoque & simiam. In Grue id observavit trachæam in tres diductam anfractus instar tubæ bellicæ esse convolutam, quæ coactæ in sternei sinu continentur: nam in his avibus sternum est excavatum. In mustela odorata duos sacculos prope anum deprehendit liquore admodum penetrante oppletos, hinc forte excrementorum fragrans odor.

XII. D. Thevenot lacertum viridem exhibuit die 12 Junii. Illius cauda resecta quasi renasci visa est: seu nova illi cauda succreverit, seu callum inductum fuerit; illud additamentum intra 12 dies pene 8 lineis auctum fuit. Die 3 Julii idem lacertus allatus est, atque illius cauda plurimum auctam fuisse compertum. Hujus caudam post aliquot dies resectam increvisse deprehensum, sed eo in loco cartilago tantum erat cava pelle obducta. Dissertationem ea de re conscripsit D. Perrault.

In qua facti historiam breviter enarrat & in causam hujus regenerationis inquit. Lacertus erat 7 pollices longus, cauda abscissa unius pollicis intra dies 15, ita est renovata ut priori esset consimilis, sed pellis non erat eodem colore tincta, nullæ intus erant vertebrae, neque muscoli: sed loco vertebrarum excrevit cartilago unius aciculæ crassitie, pelle operata priori consimili, intus isdem vasis & fibris contexta, exterius squamis cincta.

Negar D. Perrault hujus caudæ novam generationem eodem explicari posse modo, quo plumarum in avibus, aut dentium in animalibus, aut cornuum in cervis procreationem, quod intra pellis meatus avium jam sint calami plumarum inchoati, in alveolis dentes, in corona, seu in apophysi frontis cervinæ initia sint cornuum, mole quidam minima, sed quæ novi fucci accessione crescunt, & temporis tractu data occasione se produnt, adeo ut partes illæ reconditæ sint velut quædam novarum partium semina. Id quidem in parvo crocodilo experientia probatum fuit, cujus dentibus qui putabant, avulsis, alii omnino formati in eorum alveolis inventi sunt,

quique in locum priorum erant prodituri. Sic cornua cervorum intra meatus coronæ delirefcunt, pili in Alce, & in Hiftrice tam apte formantur, non eodem modo quo ungues aut pili qui ex fola materiæ difpofitione pendent. Nam humoris vilcofi exficcatione hi concrefcunt, qui per meatus apte difpofitos jam exficcati partibus adhærefcunt, & illa efficiunt corpora, quæ proprias induunt formas ex ipsis ductibus, in quibus indurefcit humor, ex quo pili aut ungues emergunt per ftrata alia aliis fuperpofita, aut per plura filamenta circa os acutum frontis in bove pofita unâ compinguntur. His fane nihil commune eft cum admirabili artificio quod in Hiftricis aculeis, aut in cornu cervino, aut in cauda renovata, & in artificiofa fquammarum ftructura, in fibris & vafis, ex quibus conf. bat pellis, in producta cartilagine vidimus. Tum fententiam fuam de prima viventium origine, quamque in Mechanica animalium, fufius expofuit, paucis proponit, quam nihil necelfe eft hoc loco expendere; ac tandem concludit extremam lacerti caudam non fuiſſe de novo productam, fed non aliud quiddam fuiſſe quàm partium quæ ante erant complicatæ, explicationem. Sic cartilago quæ mediam caudæ implevit partem, eadem fuit quæ vertebrarum implebat internodia, quæque in caudæ amputatione, partium contractarum évolutione excrevit eo fere modo quo ulcus cavum impletur carne fibris & vafis, quæ jam inerant modo infenſibili in extremis carnis exitæ. Sic squamæ actu erant in extremo pellis abſciſcæ, ac minores fibræ & vafa producta in conſpectum venire, & nova prodit cartilago à priori nonnihil diverſa: nam quæ inter vertebrae jacet, fibroſa eſt, & de ligamenti natura multum refert, cum nova minus eſſet fibroſa, eaque tenior ob diſſolutas, & ſparſas veteris cartilaginis fibrillas, inter quas humor ſeſe inſinuans duritiem & ſiccitatem illius imminuerat.

XIII. Die 31 Julii D. Theroude Pariſienſis Chirurgus peritiſſimus aortam hominis ſubita morte extincti protulit, in qua concrectiones lapideæ inventæ, quæ ſpatium inter valvulas ſigmoïdes comprehenſum implebant.

XIV. D. Mery ſelem odoratam vulgo *une Civette*, quam una cum D. du Verney inciderat, protulit. Fœmina erat, in qua præter alia multa ſunt obſervati tubuli, qui lac ad mammarum papillas ſubvehunt, quique, ut veriſimile eſt, è glandulis quæ ſub ſenſu non cadunt, originem ducunt ſuam.

XV. Facta ſunt experimenta quæ tam circa materiam quæ in ventriculo columbæ invenitur: ventriculus ipſe aquæ tepidæ immerſus fuit, quæ ſuccum hiliotropii rubeo colore tinxit. Ex quo id ſuſpicari licet ſuccum digeſtionis opificem in iis acidum eſſe.

XVI. Lupum quoque cervarium afferendum curavit D. Mery, liquore injectus in inteſtina portæ ramos pervafit; mufculos, ligamenta, annulos aut trochleas, quæque ad motus pedis anterioris conſpiciant, idem demonſtravit.

Cum de caſtaneâ Indica fermo haberetur, D. Thevenot nos admonuit hanc à nonnullis caſtaneam equinam vocitari, quòd ejus ope difficilem anhelitum equorum ſanari exiſtiment. Cum etiam ex occasione de reſ.

tinguenda flamma in camino, ubi minatur incendium, ageretur, D. Galloys, multis id confirmatum experimentis docuit, uberiore salis copia in ignem injecta, & quasi profeminata sæpe ignem extingui, idque forsan ex crepitatione aut strepitu salis oriri. Sic plumbei pulveris granis è sclopeto explosis ignis in fumarii ductu extingui solet. Aliis id tutius visum est finum conjicere, aut madido linteo imbibere aëris aditum: sic enim ignis subito opprimitur.

*Astro-
nom.*

CAPUT II.

De rebus Astronomicis & Mechanicis.

I. Die 13 Julii P. Tachard Societatis Jesu observationes à se factas in Promontorio Bonæ Spei circa Jovis satellitum eclipses exposuit, quæ collatæ cum tabulis D. Cassini differentiam Meridianorum ab ea quæ in Mappis est designata, non multum dissidentem dederunt.

Exeunte Febuario conjunctio Jovis & Martis à Patre le Comte qui tum in Siamensi regno degebat, & ab aliis suæ Societatis fuit observata. Hanc una cum illis anxio valde animo observabat Rex Siamensis, quod illi persuasum esset hanc planetarum conjunctionem sibi infaustam fore, neque ab ea persuasionem deduci potuit.

II. Dissertationem de Saturni satellitibus hoc anno elucubratam legit D. Cassini quæ typis mandata fuit. Duos satellites ante biennium prehenderat, quorum motus in hoc tractatu definivit. Usus est vitris à D. D. Campani, Borelli & Haffouquer elaboratis. Tubo autem imposuit vitrum Campani 70 pedum, fulcro in eam rem parato à D. Cusset aptaverat. Id fulcrum scalæ triangularis formam exhibet.

III. Inter alias observationes illa insignis fuit, qua Jovis & satellitum ex interfectu corporis Lunaris visa est defectio, quæ cum eodem tempore Parisiis, Avenione & Massiliæ fuerit observata cum aliqua varietate ob longitudinum & latitudinum differentias, hæc distantie Lunæ à terra determinandæ utilis fuit.

IV. Nonnulla quæ ad doctrinam temporum spectant, D. Cassini suæ præfationi adjecit, hoc imprimis quod ad periodum 600 annorum annotavit. Illud etiam advertit easdem recurrere Lunæ eclipses post 669 mensium revolutionem juxta veterum observationes; priorem periodum Josephus in primo antiquitatum libro magnum annum appellat, qui nonnisi post 609 annos perficitur, ad quem inveniendum Auctor ille asserit, primorum parentum vitam ultra hunc terminum à Deo fuisse productam. D. de la Hire eclipses Lunæ post 2148. menses redire animadvertit.

V. Die 4 Maii D. D. Cassini & de la Hire observationes maculæ in Sole postremum visæ collatas invicem exhibuerunt. Hanc D. Cassiniprehendit ad medium Solis pervenisse die 29 Aprilis hora 8 vespertina, & descripsisse parallelum declinantem à Solis Equatore grad. 27. ad Austrum.

ANN. Eandem maculam contulit cum alia quam observaverat mense Maio 1686. anni 1684 in eodem Solis parallelo, mediumque Solis tenuit die 11 Maii, hora quarta ante meridiem. Intercessit ergo inter revolutiones utriusque maculæ intervallum dierum 714, horarum 12, quod distributum in 26 revolutiones dat unicuique revolutioni dies 27, horas 11, 32 min.

Id vero quæsit inter observationes Scheineri, si forte ex iis aliqua eandem fore haberet cum his duabus conditiones, atque id deprehendit ejusmodi maculam fuisse, quæ ab eo fuerat observata anno 1615, quæque medium Solis tenuerat die 16 Maii hora quarta vespertina Romæ, quæ sunt tres horæ 18 min. Parisiis cum simili declinatione Australi. Interjecto temporis intervallo hanc inter observationem & eam quæ anno 1685 habita est, invenit revolutiones 810, dierum 27, horarum 11, min. 32, & hanc periodum censuit accipi posse in modulum Solarium revolutionum è terra apparentium.

VII. Quæ mense Decembri Lunæ eclipsis contrigit, à D. D. Cassini & de la Hire fuit observata. Pars Lunæ obscurata omnino excolor erat, ita ut à cælo circumfuso secerni vix posset.

VIII. Hic annus novarum machinarum proventu felix fuit, quas tum Academici, tum exteri proponere, atque earum typi aliqua ex parte in Observatorio asservantur. Insignes præ cæteris videntur illæ duæ machinæ quas in principio hujus anni proposuit D. Perrault, & fusius descripsit die 20 Aprilis. Hæ magnis ponderibus attollendis inserviunt, quodque in machinis compositis plurimum nocet, attritus nempe partium, in his pene omnis abest. Nam in simplicioribus quibusdam organis, aut nullus est, aut modicus, ut in simplicis vectis usu qualis in balance usurpatur, aut in scytale vel palanga v. *Roulleau*, qua uti solent in volvendis super planum horizontale aut paululum inclinatam corporibus: non enim ad alios usus adhibetur; sed modum invenit D. Perrault, quò illud organum vim suam exerat citra ullam fere pressionem, vel partium affrictum; nam æqualis utriusque motus est in his machinis quas dilucidè exposuit, & figuris adumbravit.

Idem alterius machinæ non tollendis oneribus, sed incundis calculis accommodatam excogitavit. Eam Abaci Rabbologici nomine appellatam, verbis & figuris aptè expressam dedit, quæ Commentariis fuit configurata.

IX. Die 4 Maii D. de la Brosse quasdam proposuit machinas à se excogitatas. Inter alias una erat pluribus tubis & epistomiis instructa, cujus usus in attollenda aqua positus est. Aliæ agriculturæ inserviunt; atque earum machinarum typi in loco prædicto fuerunt reposiri.


X. Eodem mense D. Rouillon Barreduensis machinas linearibus descriptionibus adumbratas proposuit. Prima ex iis aquæ sursum tollendæ beneficio inclusi aëris in aliquot vasis destinata, difficilis in executione fuit judicata.

Secunda magno usui esse potest in salinis: nam aqua salsa ejus ope à puteis purior extrahetur, quàm per Antlias, uti fieri solet: quæ cum plus

plus satis aquam commovcant, aqua dulcis quæ salis supernatat, cum salis *Chymica* permiscetur. Sed aqua salis commodè per situlas quadratas, & ut moris est, *mica*. concatenatas, vulgò *un Chapelet*, extrahetur, si cujusque situlæ fundo aptetur allarium, seu valvula, v. *Souspape*. Hæc enim aperitur aqua subeunte, cum è puteo emergit situla, tum proprio pondere relapsa, valvula situlam occludet, & aquam retinebit, quandiu rotæ beneficio situlæ invicem connexæ sursum attollentur. Quantum compendii allatura sit hæc machina experiri non erit difficile, si duæ lagenæ impleantur aqua salis: quæ enim vulgari modò extrahitur, multò minùs salis datura est, quàm quæ per hanc machinam educetur.

Tertia est torcular ex duplici arbore compositum, utraque vestis munus obit, & pressionem multum auget.

XI. D. de la Hire demonstrationem mechanicam exposuit Bilancis, cuius alterum brachium est horizonti parallelum, alterum est inclinatum. Ex ea demonstratione pendent ea quæ de cochleæ viribus tradi solent quæque fusius in Tractatu de Mechanica anno 1695 edito explicat.



SECTIO QUARTA.

De Actis Academicis anni 1687.

QUæ ad Plantarum analysim, & Chymica spectant elementa, priori loco exequemur.

CAPUT PRIMUM.

De Plantarum Analysi, & Chymicis laboribus.

I. **H**ERBA cochlearia quæ adversus scorbutum adhiberi solet, fuit exstillata, liquorem ex acido & acri mistum dedit. E sex libris duæ fere unciz olei, sex lixivialis salis drachmæ sunt extractæ.

II. E lactuca silvestri liquores omnes acidi prodire, extrema portione excepta, quæ multum effervuit cum spiritu salis; olei unciz duæ cum semisse è 5 libris; salis fixi 9 drachmæ cum semisse admodum lixivialis educæ; adeo ut hæc planta inter frigidas minimè censenda videatur, ut vulgaris fert opinio.

Hoc utique exempli loco protulimus ut manifestum fiat vires plantarum ex analysi, si minùs accurate, saltè longè perfectius quàm ex Auctorum traditione exploratas haberi posse, quæque ut frigidæ interdum habentur, plerumque inter calidiores referri debent. Nam plantæ in quibus uberior est liquor acer & sulphureus, sal fixus, olei itidem major copia, non dubium est quin in calidiorum censu sint reponendæ.

ANN.
1686.

III. Fellis suilli quinque libræ subiecto igne expressæ varios iridem liquores, eosque sulphureos, olei 5 uncias cum semisse præbuerunt. Ex quibus sesqui-uncia instat Colophoniz, aut bituminis crassa erat & compacta. Hi liquores sine sedimento manserunt, nec mutati, nec fetidi. Una digesti leni ignis calore per 31 dies 4 aut 5 uncias pellucidi liquoris in fundo reliquerunt.

IV. Nova quedam & expedita magis Bononienses lapides calcinandi ratio prolata fuit à D. Homberg nunc Academiæ Socio. Limata superficie & terra peregrina detracta lapides aliquot aquæ vivæ communi paululum sunt immersi, & aliorum lapidum pulvere involuti; lapilli pellucidi & minutiores selecti qui in pulverem contriti furnulo prunis pistorum ad spiracula usque oppleto sunt impositi. Is carbonibus usque ad summum superpositis, ac prunis ante accensis in craticula subiectis operculo testaceo occlusus est: Igne consumpto lapides jam refrigerati sunt educti. E pulvere variæ factæ sunt figuræ in obscuriori loco radiantes. Furnulus supra craticulam 7 pollicibus cum semisse in latitudinem patebat, quatuor in eo erant spiracula duobus digitis alta & sesqui-digito lata; craticula fere sex digitis infra spiracula collocata.

V. Menfe Junio D. de la Chapelle concretionem lapideam admodum densam in aquæ ductibus vici d'Arcueil inventam exhibuit. Ejusmodi concretiones singulis annis per strata alia aliis superposita augeri testantur Operarii. Æstare tantummodo formantur, quando hieme uberiores pluviz aut nives deciderunt. Ejusmodi concretiones ad pedis usque crassitiem aquæ ductum sæpe incrustant. D. de la Hire ejusmodi lapides calcinatos aqua perfudit, qui instat gyphi induruerunt; sed exactis diebus 15 aqua pene omnis exhalavit.

VI. Marmor facilius in oleo vitrioli aqua diluto quàm in puro exsolvi ostendit D. Borel, contra atque in aqua forti evenit, quæ pura solvit citius corpora. Spiritus nitri pulverem marmoreum citra præcipationem & cum mediocri calore dissolvit; Spiritu aceri lentius quidem, sed tamen solutus fuit; in concretiones lapideas aquæ ductus vim suam fortius exeruit; spiritus salis marmoris solutionem turbidam effecit.

VII. E duabus crudi Cacao libris varii liquores utroque sale acido & acri permisti exierunt; sed multum olei, 14 videlicet unciz cum semisse ex eo prodierunt, salis semi-uncia. E libra tosti Cacao cortice detracta cum eodem sacchari pondere, 2 Cinnamomi drachmis & semi-drachma illius aromatis quod Vanillas vocant, pervulgata mistura vulgo *Chocolat* dicta conficitur.

Plantarum descriptiones à D. D. Dodart & Marchant prætereo, quas eadem diligentia sunt persecuti.



CAPUT II.

De Rebus Anatomicis & Animalium Historia.

I. QUæ ad historiam animalium spectant, à D. Perrault primùm elucubrata, tum à D. D. du Verney & Mery discussa typis mandata & recognita sunt eodem quo antea studio.

Die 15 Februarii Avis Regia Versaliis allata dissecta fuit à D. D. du Verney & Mery.

II. Avis illa exteriori suâ formâ est insignis, collo & cruribus prælongis, caput subtilibus plumis quasi holoserico pileo instructum. Sed præter cætera in occipite conspicua est penna ex plumulis in fila alba diductis, & umbellatim dispositis, qualem fere pileis ornandis adhiberi solent. Atque hinc nomen suum Avis Regiæ nacta est, quod eam pennam instar coronæ gesserit. Quæ in forma exteriori, & in partibus interioribus sunt animadversa, in descriptione ipsa cum publici juris facta fuerit, intueri licebit. Ista enim velut in transitu delibamus.

III. Cum D. Mery aquilæ, casuelis & corvi cadavera allata curavisset, in iis omnibus circulum osseum circa corneam ostendit, qui pars est interior scleroticæ membranæ.

IV. D. du Verney, quod paucis ante diebus acciderat, eodem die nobis enarravit. Cum in cane venam cruralem aperuisset, ut circuitum sanguinis demonstraret, mortuo cane, aqua frigida in venam injecta motum in musculis tremulum effecit. Idque extinctis animalibus ubi nervi punguntur, plerumque observatur: nam spiritus sic moventur, ac si animal adhuc spiraret. Frustulum duræ Menyngis in osscam consistentiam conversæ ostendit; hominis erat mente capti.

V. In oculo Struthionis D. Mery scleroticam ex duplici membrana compositam exhibuit: exterior opaca est, interior pellucet, neque cum cornea continuatur. Duos quoque parvos musculos subjecit oculis, qui anteriorem palpebram versus majorem angulum retrahunt; unus ex parte intima orbitæ, alter è scleroticæ opacioris membrana suam ducit originem. Inter scleroticam & corneam circulum osseum, cujus meminimus, in avibus exploravit, isque quasi ex variis piscium squamis constat, quarum aliæ aliis incumbunt; palpebram quoque superiorem tribus musculis instructam ostendit, quorum duo ab orbitæ limbo versus majorem angulum, tertius à sclerotica opaca suam ducit originem.

VI. Pisciculum qui est instar Barometri coram exhibuit D. Cassini. Hic in lagena quæ aqua limpida plena est, alitur, caput extra aquam identidem efferre visus est, cum sudum erat tempus, & æris bullas ex parte sui inferiore emittere.

VII. Ac de iis quæ ad historiam animalium & anatomiam spectant hætenus, nisi fortè eo quoque referantur, quæ ineunte hoc anno circa sal-

ANN. 1687. vam & ventriculi liquorem à D. du Verney sunt observata. 1. Juniorum salivâ heliotropii succum non rubere : cum in seniorum & maximè in scorbuticorum saliva res aliter se habeat, quòd in his sit acidior. 2. Qui in tribus primis ruminantium ventriculis inest liquor, nihil fere est præter salivam : sunt enim glandularum expertes. Quarti ventriculi liquor heliotropii succum rubeo colore tingit. Avium ventriculi glandulis destituti videntur, tamen si acido succo abundant. 3. Quæ à D. Bourdelin circa vitulinum coagulatum fuerant observata, comprobavit : nam lota & exsiccata membrana lac tepidum coagulavit, & succum heliotropii rubro colore infecit. 4. Id quoque animadvertit chylum, qui supra bilis in duodenum ingressus colligitur, in varia granula divisum apparere.

CAPUT III.

De rebus Physicis.

I. QUæ sunt Physicæ contemplationis non indiligenter fuerunt pertractata, & ea maximè quæ ad magnetem spectant, multa de hoc argumento sunt agitata. Tum verò insignia quædam Lugduni facta fuerant à D. Puget experimenta, quæque ad D. Thevenot miserat, ac typis postea excula sunt, & nuperrimè Lutetiæ iterata. Usus est magnete mole parvo, sed virtute magno. Hujus diameter est unius pollicis & armatus quinque ferri libras sustinet. Quædam ex iis experimentis quæ majorem admirabilitatem habent, tomo 5. Philof. veteris & novæ allata sunt, & rationes ipsæ ex D. de la Hire pag. 365. redditæ, quas hoc loco repetere nihil necesse est.

II. Complura quoque è Physicis sunt ab exteris proposita, quæ usui esse possunt. Sic die 19 Martii D. Harchouker duo vitra tersa & cava coram exhibuit, quorum unum erat 17, alterum 7 pollicum, quæque stanno inducta ut specula metallica radios Solares colligere, & ignem possunt accendere. Idem affirmabat se palam ostensurum aquam fontanam aëri expositam innumeris animalculis plenam existere, cum quibus aëris itidem animalcula copulantur, & mirum in modum propagata in volatilia abeunt. Hoc ipsum postea multis experimentis fuit comprobatum.

III. Die 2 Aprilis D. Perrot Regiæ vitrarum officinæ Aurelianensi præfectus, novi operis specimen Academiæ exhibuit, quo vitrum fusum sic excavatur, ut omne figurarum genus, inscriptiones & ornatum excipiat, & in amplam molem diducatur.

IV. Die 7 Maii cum D. Homberg machinam suam pneumaticam affortatam cutasset, multa in ea fecit experimenta. 1. Globus vitreus cujus diameter erat 13 pollicum, exhausto aëre levior uncia factus est, quam antea aëre plenus.

2. In vase exinanito sclopetum explosum nullam pene emisit flammam, quæ in aperto aëre magna fuit.

3. Phosphorus siccus, tubo vitreo inclusus, ad globum applicatus, omni

luce destitutus apparebat inter exhauriendum aëra, quo subeunte ingenitam *Chy-*
 lucem recuperabat. *mica;*

4. Lachryma vitrea in vacuo diffracta est.

5. Limatura chalybis aquæ forti imposita cum ebullitione fuit dissoluta, sed non ea vi qua solet in aperto aëre.

6. Magnetis experimenta non aliter in vacuo quàm in aperto aëre facta sunt.

V. Cum de variis auri generibus sermo haberetur, D. Galloys admonuit aurum Siamense nostro flexibilius esse ac minùs disrumpi, fides clave cymbali ex eo ductas graviorem edere sonum. Sic aurum Guinense in folia diduci, aut in perforata lamina illud in stamina tenuari facillè posse docuit D. de la Chapelle.

Die 23 D. Galloys epistolam ad se ex Italia missam legit, in qua de puella quæ noctu per aliquot tempus videbat, mentio habebatur.

VI. In Epistola quam die 27 Junii anni 1686 P. de Fontenay Siamio misit ad D. de la Chapelle, inter alia scripsit lignum quoddam in ea esse regione, id vocant lignum *de Solon*, quo sanandis febribus utuntur, nec cortici Peruviano hujus ligni corticem multùm abfimilem judicabat. Ibi esse malum aureum v. *de Soncher*, cujus fructus est exquisiti saporis; hanc arborem in Gallia coli & educi posse existimabar. Alios fructus palato gratos commemorat, duriones imprimis peponibus similes. Alium fructum memorat instar pomi rotundum *Mangoustan* vocant, pelle foris nigra, intus rubra, fructus est candidus, ab uvæ sapore non alienus. Hos fructus & arbores in quibus nascuntur, descripsit P. Beze in Physicis & Mathematicis observationibus editis à P. Govie anno 1692.

Inter Physicas observationes P. de Fontenay, illa postremo loco non est habenda, qua notatum fuit maris aquam repescere, & aëra sulphureo odore perfundi, antequam typhones formenur, adeo densum esse aëra ut stellæ cœlo sereno non videantur, aliaque subesse indicia. Ex igne subterraneo ejusmodi tempestates excirari iusta suspicio est.

VII. Incunte hoc anno D. de la Chapelle observationes à P. P. Societatis factas in Promontorio Bonæ Spei, cum epistola ad Academiam scripta exhibuit. Has observationes in itinerrario suo tum edito magna ex parte exposuit P. Tafchard.

VIII. Die 12 Novembris D. de la Chapelle duas litteras à P. de Fontenay Siamio datas accepit, cum observationibus Astronomicis, quas P. Tafchard prælo mandari curavit. Ex primis observationibus eadem meridianorum differentia eruitur, quæ ex postrema Lunæ eclipsi definita fuerat. In posteriori Epistola mentionem facit Observatorii, quod Rex Siamensis tum extruere cogitabat, & cujus fundamenta jecerat; illius ædificii forma fuit delineata.

Sub idem tempus D. de la Hire litteras à D. Hugens accepit, quibus eum certiorare fecit objectiva vitra, eaque optima Telescopiis 150 & 200 pedum aptanda à se parata esse & polita.

IX. Nonnullas dissertationes de rebus Astronomicis à se elucubratas legit D. Cassini. Primam historiam Astronomiæ complectitur, quæ operi nuper

AN. edito præfationis loco præfixa est, atque eo anno mandari typis cœpta, *Sei*
 1684. cunda theoriâ Jovis continet, quæ postea ad exitum perducta est. Tertiâ
 novam methodum observandi Planetarum conjunctiones continet. Quarta
 est dissertatio de Solis defectionibus.

X. D. Cusset penduli ejusdem hydraulici formam exhibuit aquis exhau-
 riendis destinati. Figura hujus machinæ commentariis inserta est, & typus
 illius in Observatorio cum aliis machinarum exemplis asservatur.

Hæc cursim attingimus, quòd longiorem & difficilem explicatum ha-
 beant, neque nobis illud sit propositum quæ acta sunt omnia, aut cogitata
 minutius describere, summa rerum fastigia decurrere contenti.



SECTIO QUINTA.

De iis quæ Acta sunt anno 1688.

A Chymicis ducemus exordium, tum ad Anatomica, Physica & Ma-
 thematicæ progrediemur.

CAPUT PRIMUM.

De Chymica Analyfi.

I. **E** Andem pene brevitatem in iis exponendis quæ ad Chymicos labo-
 res spectant, sequemur, quæ usi sumus in superiori sectione. Nam
 res esset fastidii plena per singulas ire observationes, quæque è mixtis cor-
 poribus prodire partes aut principia singillatim expendere. Illud satis fue-
 rit admonere, hoc anno materiam ex qua medicamenta componi solent,
 igni subjectam fuisse, gummi imprimis, resinas & ea potissimum quæ ma-
 gis sunt usitata.

Ex iis præcipua fuere lacca, gummi balsaminum, assa fœtida, opopo-
 nax, sagapenum, euphorbium, olibanum, mastiche, myrrha, thus
 commune, storax liquidum, sarcocolla, labdanum, pix Burgundica, pix
 nigra, terebinthina, colophonina vulgaris, resina communis, & nonnulla
 bituminum genera.

Id pene omnibus commune fuit ut parum liquoris, multum olei ex hoc
 pingui mixtorum genere expressum fuerit: liquores pene omnes acidi; olea
 quoque rectificata heliotropii succum rubeo colore imbuerunt. E duabus
 libris v. gr. Lacæ vix 4 unciæ aquæ stillatitiæ, sed 22 unciæ olei sunt
 extractæ; caput mortuum; unciarum cum semisse calcinatum ad unam re-
 ductum est drachmam. Idem materiæ pondus in omnibus fere servatum
 est, 2 nempe librarum.

II. Tres aut circiter terebinthinæ Venetæ libræ, tres tantum uncias cum semisse liquoris, 39 & semis olei præbuere. Eadem fuit ratio colorum; nihil fere salis ex utrisque prodire, sed è resinæ 2 libris quatuor salis drachmæ cum semisse eductæ; 26 uncia cum 4 drachmis olei, 4 uncia acidi liquoris: qui primum exiit liquor, folia picæ arboris sapore & odore referebat.

III. Ex bitumine quod asphaltum vocant, vix una aquæ stillatiæ uncia; sed olei 14 sunt extractæ. Sic gummi Ammoniacum, & Elemi eodem modo resoluta. Ex Bdellio major aquæ copia elicitur, quæ acido & sulphureo sale imprægnatur & una cum oleo stillat.

Interea D. Borel experimenta quædam circa mutuam acidorum & salium quos Alkali vocant, quique sulphurei sunt, pugnam proposuit. Aqua usus est communis in qua salis Alkali pars minor quam millesima erat, unciam vitrioli in octo aquæ communis uncias exsolvit. Hanc vitrioli aquam prior illa cui tantillum salis Alkali addiderat, turbavit. Idem in sublimati solutione experimentum fecit; in solutione vitrioli præcipitatio non subito, ut in sublimati solutione, sed paulatim efficitur. Unde quæ sit salis Alkali vis, melius ex vitriolo quam ex sublimato dignoscitur. Quin & Alkali magis debilitato & in dupla aquæ quantitate, nonnihil sublimato & vitriolo visum est accidere sensibilis mutationis; tanta est hujus salis vis, & in partes minimas divisio.

IV. In urinæ analysi hæc fere animadvertit D. Borel 1. urina iteratis distillationibus, ter nimirum rectificata adhuc turbatur: adeo ut partes ejus in jugi motu positæ videantur. 2. Urina in fermentatione per aliquot dies relicta, ita ut dimidiata tantummodo, non plena esset fermentatio, spiritum nihilominus dedit, qui cum spiritu vini coagulatur, sed is fluiditatem suam facile recuperare potest. 3. In distillatione primum spiritus, tum phlegma copiosum, iterum spiritus exit ejusdem cum priori naturæ, quique consimili modo cum spiritu salis effervescebat. 4. Liqueores crassiores sub finem sunt educti; liquori rubeo innatabat pinguedo inflammabilis quæ videtur esse materia Phosphori.

V. Urina Mercurium melius quam saliva sistit, atque, ut aiunt, amalgama ex utrisque firmius efficitur. Negabat ex eo effectu salivam acido vel Alkali sale imprægnatam concludi posse: cum urina heliotropio rubeum colorem impertiat. Cum autem ea præcipitet quæ ab acidis sunt dissoluta, hinc colligitur eam ex acido & Alkali consistere; spiritum utinæ cum tartaro extillatum, ut spiritum salis ammoniaci in frigido loco coagulari, uti & cum spiritu cornu cervi & spiritu vini, non item si cum calce distilletur, tum enim non concrevit. Illud quoque subjecit sale tartari licet acerrimo lac coagulatum fuisse.

VI. Plantarum quoque analyses sunt continuatæ & earum maxime quæ à D. Marchant primum, tum à D. Dodart jam erant descriptæ, & præter eas nonnullæ ex usitatis, quæ vulgo inter refrigerantes habentur, nec sunt tamen. Exemplo sunt, ut diximus, folia cychorei sylvestris, cujus folia per analysim explorata multum salis tum volatilis, tum fixi, nec parum olei præbuerunt. Qui postremus exiit liquor, una cum spiritu salis

ANN. valde effertuit. Quinque foliorum libræ olei unciam cum semisse, salis
1685. lixivialis septem drachmas suppeditarunt, tantundem fere & salis fixi è ra-
dicibus prodiit.

CAPUT II.

Anatomica.

I. CUM in hujus anni principio vir illustrissimus quodam apoplexiæ genere, ut credebatur, percussus obiisset, D. du Verney aperto cadavere cerebrum sanum, interiora quoque viscera invenit integra: sed inverso corpore magna sanguinis copia è spinalis medullæ regione profluxit: is adeò conjecit eruptione sanguinis ex ea parte, unde nervi oriuntur pluri-
rimi, qui nervi intercostalis ramis præbent originem, partium interiorum motum cessasse, cum cerebrum illæsum videretur præter aliquot sanguinis extravasati guttulas, ac mense illi constaret. Hinc complures apoplexias aut certè lethales morbos qui hoc nomine censentur, oriri magna est suspicio.

II. Mense Januario quædam animalia Versaliis allata sunt & incisa; quæ antea descripta fuerant, ut avis picta v. *une Pintade*, in qua Pericardium una cum pulmonum vesiculis inflari non apparuit: in Cercopitheco v. *Marmote* triplex Epiploon antea visum fuit confirmatum. In felis odoratæ pedibus tumores quidam observati, qui canum carcaria utcumque referunt, lingua non ita levis atque in canibus, sed minus aspera est quam in felibus. Sultana quoque, seu porphyrium, & avis quam *Aven* appellant, scalpello subjeçtæ.

III. Cameli bina tubera D. D. du Verney & Mery aperuerunt, in uno quasi congeries pilorum quædam visa, alterum nihil aliud videtur esse quam quædam vertebrarum apophyses.

IV. In quadam ave quæ ex præda vivit, Gryphum vocant, ingluviem v. *le Jabot*, exhibuit D. du Verney, contra atque in avibus carnivoris observatur; ventriculus inferior, v. *le Gésier*, tenuis admodum erat, sed eadem illius erat conformatio quæ in aliis avibus quæ scilicet granis vescuntur: nam & fibris carnosis & tendinibus eodem plane modo instructus erat.

Et quidem duo Gryphi variis temporibus sunt incisi, quorum historiam in opere nondum edito accuratè habemus descriptam. Illud admodum verisimile est hanc avem majorem esse vulturem, cujus meminit Aristoteles lib. 8. cap. 3. histor. animalium. Rostro adunco fere instar aquilæ donatur, longiore quidem quam in Aquila, sed minus inflexo. Inferioris rostri extremi margines acuti & secantes subeunt superioris excavatum limbum: in extremo rostro duo extant rotunda tubercula, in iis duo sunt parva foramina per quæ ductus salivales se se exonerant.

In rostri hujus basi quæ instar squamæ partem alteram tegit, duo insunt
narium

narium foramina, quæ ampla sunt & deorsum tendunt : lingua dura est & *Phyff-* cartilaginea, in utroque latere instar serræ sic dentata, ut cuspides versus *ca.* guttur diriguntur, aurium foramina exterius patent.

Collum insignis est, longum, crassum, & implume. Hujus basis plumis tenuibus candidis & longis instar amictus linci & corrugati, vulgo *Fraise*, ornatur. His plumis in fila diductis & contortis pars colli inferior cingitur; quæ multum discrepant à molliori plumâ, vulgo *le Duvet*, qua corpus ipsum penè totum munitur. Nam hi villi multò breviores sunt & confertiores. Hinc pellis villosa calorem auget, quod halitus è corpore erumpentes coërceant, ac tremulo motu villorum unâ coacti calorem intendant.

Quæ sunt partes exteriores, rostrum imprimis & pedes valdè adunci, avis carnivoræ, quæque ex prædâ vivit, speciem præ se ferunt; interiores tamen partes videntur iis convenire avibus quæ granis pascuntur: nam & ingluvie, & ventriculo carnosio, ut in gallina & columba donatur, partis musculosæ fibræ in hoc ventriculo conspicuæ erant, quæ in duo velut centra, seu in musculorum tendines desinebant. Nec tamen ventriculus adeò solidus est & crassus, atque in gallina, nec rubet, sed candidus est: oviductus anfractuosus est ut in Gallinis.

V. Ensem piscis quem spadum vocant, rostro affixum ostendit D. Perrault. Ensis utrimque aculeis aut spinis quasi totidem dentibus valde acutis armatur. Hi dentes membranæ ipsi inserti cum osse non cohererent. Idem animalium historiam est persecutus & varias eorum descriptiones, ut felis odoratæ, Tigris utriusque sexûs, Pantheræ, sic Onocrotali lectæ sunt & discussæ.

VI. Cameli dissecti partes distinctas exhibuit D. du Verney, scabiosus erat, quique ei victum præbebant Versalii, eadem labe infecti sunt.

Paucis post diebus in morbum lethalem incidit D. Perrault, cujus ingenium & eruditionem quæ extant ejus opera ipsa declarant. Non in Physicis modo, & in medendi scientia, sed in omni pene artium genere, & in Architectura maxime excelluit. Luparæ frons, *la Façade du Louvre*, arcus triumphalis typus, & alia publica monumenta, quantum in hac arte præstiterit, magno sunt documento. Homo erat indefessi laboris, abundans doctrina & incredibili quadam varietate rerum & copia; in cogitando & inveniendo acutus & promptus, in disserendo subtilis, memoria posteritatis dignus.

VII. D. Sedileau Epistolam à Carthusiano scriptam accepit, in qua cyprinum piscem non raro lacteam in ventre pulpam, simul & ova continere testatur. Idem in alia Epistola mentionem fecit pyri ex alio procreati, quale D. Perrault olim exhibuerat, & ovi intra aliud conclusi. Carcaræ piscis dentem exhibuit D. de la Hire, qui prædurus erat & solidus. Hic prope vicum cui nomen *Lohan*, quarta ab urbe leuca inventus est, in terra ad decem ulque pedes effossa. Vis quædam lapidifica inesse videtur hujus loci aquis.

VIII. Die 20 Novembris P. Govie confessus Academicum locum ingressus, cujusdam animalis ex genere Erinaceorum, quod à P. Tachard

ANN. è Siamensi regno allatum fuerat, uti & cujusdam Lacerti à P. Beze missam
1688. descriptionem exhibuit : huic *Toquet* nomen inditum, quod duas illas syl-
labas articulatim & distinctè pronuntiet.

Exeunte hoc anno alterius Lacerti pellem attulit D. de la Chapelle quem
Indiatum incolæ expugnatorem urbium vocant.

CAPUT III.

De Rebus Physicis.

I. Illud circa calorem à D. de la Chapelle propositum primo loco po-
nimus, chalybem in aqua fervida eo temporis spatio relictum quo
Oratio Dominica recitatur, tum ex ea eductum manibus contrectari posse :
sed paulo post ita incalcescit ut manibus tangi amplius vix possit. Hoc ad-
debat, frustum chalybis eodem temporis intervallo inter prunas ardentis
positum non adeo incalcescere, atque in aqua bulliente collocatum. Illud quo-
que eodem die subiecit, iis qui argillam subigunt, sæpe accidere ut minuti
silices pedes vulnerent, neque aliud esse huic malo aptius remedium quàm
tetram ipsam.

II. D. Botel Epistolam ad se missam legit, in qua mentio fit cujus-
dam fontis falsi in Comitatu Burgundiæ, cujus aquæ quotidie crescunt &
decrescunt, sed nulla certa lege; alter aquæ dulcis in eadem Provincia sua
quoque incrementa habet & decrementa. Cum de sistendo sanguine è naribus
fluente sermo incidisset, D. Meri vitriolum viride cum triplo gypsi pondere,
in nares injectum multis remedio fuisse testatus est.

III. D. de la Hire de fonte in agro Mirapincensi *Mirepois*, quem
Fontesfon vocant, hæc retulit : æstu reciproco, seu fluxu & refluxu per
tres anni menses agitur, dummodo æstas non fuerit imbrifera, per tres
horæ quadrantes fluit & per idem tempus refluit.

IV. Die 3, Aprilis D. de la Chapelle Academix verbis D. de Louvois
nuntiavit, id ab ea postulari ut quantum pluvix in vas singulis annis decidat,
quantum exhalet, experimentis in eam tem factis exploratum habeatur, id-
que D. Sedileau faciendum suscepit.

Die 27 Septembris D. de la Hire experimentum à se factum in Obser-
vatorio exposuit, ex quo liquet quantum pluvix in terram decidentis in
vapores dissolvetur & quantum temporis impendat in terra penetranda.

V. Inter alias observationes Physicas quæ à P. de Fontenay missæ sunt,
illa est insignis qua duas magnas rupes magneticas, quæ supra terram extant,
commemorat; varias quoque declinationes Versorii quæ omnes fere à Borea
versus Occidentem deflectunt, in itinere observavit.

VI. Exeunte Novembri D. Varignon in Mazarinæo Matheseos, nunc
in Regio Galliarum Collegio Professor, inter Academicos ab illustriss. viro
D. de Louvois adlectus fuit.

VII. Die prima Decembris illius terræ motus, qui die decimo Julii

Smirnam & vicinas regiones concusserat, historiam nobis exposuit D. Galand vir candidus & Doctus. Paulo ante meridiem cœpit, ab occasu in ortum progressus, arcem primum, tum urbem evertit, quatuor illius muris dehiscentibus & in mare ad sex usque pedes demetis, quique antea Isthmus erat, versus est in insulam. Qui ab occasu Solis ad ortum muri erant porrecti, omnino sunt diruti; reliqui à Borea in Austrum adhuc sunt incolomes. Variis in locis hiatus visi, murmur intus auditum. Quinquies aut sexies terræ fremitus ad noctem usque sæviit. Quæ à Turcis incolitur urbis regio, ab Incendio immunis fuit, quòd tum solennis jejunii tempus esset, nec ignis in caminis arderet, quo absumpta est pars urbis magna. Per horæ quadrantem domus ruina sepultus fuit D. Galand, inde extractus in mare se recepit, ubi qualdam succussiones sensit, uti & complures alii, qui tum in mari navigabant, quique existimabant navem in terram impigisse. Urbis solum duos pedes depressum fuit, quarta illius pars corruit, quæ rupibus insistant domus, omnino illæ sæ permanserunt. Quædam extant in littore loca, in quæ antea ascensus erat, nunc ad ea est descensus.

In ea regione ventus æstate circa decimam horam ab occasu flare incipit, ad quartam usque horam crescit.

Die 11 & 12 hora 8 alius terræ tremor isque vehemens, & die undecima Augusti eadem prorsus hora rediit. Die 10 Septembris sulphureus odor nares feriebat, juxta maris littora. Iisdem temporibus insulæ Chio, Metelina, Sacalina terræ motu itidem agitatae fuerunt, novos fontes erupisse ex aliis audivit. Cælum turbidum erat & aër fervens, 15 aut 20 hominum millia urbis ruina sunt oppressa. Hic quidem terræ tremor cum horrendo motu qui nuper Siciliam pervasit & multas ejus insulæ urbes evertit, nec diuturnitate temporis, nec urbium & hominum strage est confendus.

CAPUT IV.

De rebus Mathematicis.

I. Hoc anno D. Cassini Dissertationem de quinque satellibus Saturni in Academia legit. De satellitibus quoque Jovis alium tractatum elaboravit & horum motus in tabulas digessit, priores correxit. Ista quidem inter opera Astronomica nuperrimè in lucem prodierunt. Variis in congressibus hoc operis discussum fuit, de cujus utilitate ad Astronomiæ, Geographiæ & Hydrographiæ studium sæpe diximus. Ac nescio an is sit hujus nobilis scientiæ, quæque prima fronte meræ contemplationis videtur, nec quicquam admodum utile generi humano polliceri, fructus longe uberimus. Qua ratione satellitum immersiones ex tabulis inveniantur, idem demonstravit.

II. Die 7 Februarii 5 satellitum Saturni configurationes. uti ab eo

L l ij

AN. 1688. paucis ante diebus fuerant observatæ, in figura delineatas exhibuit. Dissertationem quoque de solenni Paschatis die ex scripto legit; uti & alteram in qua responderet Clariss. Vossii Epistolæ de longitudinum scientia. Quæ quidem Epistola Bibliothecæ eruditorum in Batavia editæ inserta fuerat. Hujus rei occasione D. Thevenot advertit navium Rectores qui à Promontorio Bonæ Spei ad Indias usque navigant, 900 Leucas ab Occasu in Ortum conficere, idque æstimatione quadam judicant, & ex Versorii variata declinatione. Nam in medio itinere variationem esse 28 graduum, tum sensim imminui aiunt, adeo ut quo in loco versentur, hinc conjecturam capiant.

III. D. Cusset machinæ cujusdam typum protulit, qua marmor secari facile potest multiplici ferra, uno & eodem tempore, idque moletrinx ope cujus molas aut ventus, aut aqua versat, eam usui esse posse visum fuit.

IV. D. Couplet pontis qui fluvio imponi potest, structuram proposuit, quique ad 20 usque hexapedas facile construitur & dissolvitur; 40 homines non junctim, sed partitis oneribus, quod magno sæpe est usui, eum asportare possunt. Idem scalarum munus obire potest, si forte in muros irruptio sit facienda. Illius fabrica eo niritur fundamento, quod ferri aut ligni secundum suam altitudinem collocati vis sit infinita; pontem illum à duobus hominibus brevi temporis spatio ædificari posse aiebat, nec fulcro opus esse quo in fluvio, aut palude innitatur.

V. Induciarum tempore D. Cassinus iter habuit in partes Gallix Boreales, ubi aliquot urbium positiones ab eo sunt observatæ. Ambiani præsertim altitudinem Poli invenit intra aliquot secunda eandem prorsus cum illa quæ à D. Picard illic ante aliquot annos inventa fuerat, cum unius in terra gradus dimensionem captaret. In Abbacia Blangiaci in Artesia prope Hesdinum Poli altitudinem advenit gr. 50. 26 min. 15 sec. Abbavillæ gr. 50. 6. min. 55 sec. Deppæ una cum D. Dionysio Hydrographiæ Professore eam comperit gr. 49. 55 min. Rothomagi 49 gr. 24 min. 40 sec.

VI. Cum Abbavillæ altitudines Solis Ostanti pedum trium sumeret, die prima Octobris observavit maculas prope ejus Occidentalem marginem recens obortas, eas D. Maraldus conspexerat Parisiis in Observatorio die præcedenti 30 Septembri vespere, cum hora decima matutina, & in ipso meridie nullæ apparuissent: ita ut minimè dubium sit quin inter meridiem & horam secundam à meridie prope Solis Occidentalem marginem, ad quem properabant, formatæ fuerint. Octobris die 10 nec D. Maraldus Parisiis, nec D. Cassinus Deppæ ullum earum invenere vestigium, ideoque jam in superius Solis hemispherium delatas esse palam fuit. Post dies autem 17 D. Cassinus ex itinere redux eam Solis marginis partem ex qua emergere debuissent, si fuissent superstites, perlustrans has non reperit: unde eas evanuisse censuit. Primo autem Novembris die observavit circa Solis medium aliam maculam exilem ex duabus conflata, quæ intra tres dies evanuit, deinde alias duas vidit prope Solis Ortivum marginem, quæ indies prænotatam inter se distantiam magna irregularitate variabant. Unde perspicuum fuit harum motum apparentem non fuisse sim-

plicem, sed compositum ex Solis revolutione circa suum axem regulari, & *Physi-*
motu proprio macularum irregulari instar nubium terrestrium. Die autem *ca.*
decima Novembris cum medium Solis vix essent prætergressæ, evanuerunt,
& in earum locum die 14 prope Solis marginem apparuit facula rotunda,
quam nonnullæ minores, sed clariores sequebantur, intermixtis obscuris
areis quæ à Solis disco brevi excesserunt.

VII. D. de la Hire Geometricas demonstrationes exposuit, quibus
propositionem à D. Tschirnouse propositam de linea curva, quæ in quadrante
circuli per reflexionem radiorum generatur, expendit.



SECTIO SEXTA.

De Actis anno 1689.

C Hymicas operationes cum Physicis decurremus, tum ad historiam ani-
malium, & Anatomen gradum faciemus.

CAPUT PRIMUM.

De Physicis experimentis.

I. Q Uæ superiori anno cœptæ fuerant gummi analyses, hoc anno fue-
runt continuatæ. Bdellium, Gutta gummi, Tragacanthum, Gum-
mi Ammoniacum & alia ejus generis in sua quæque Principia sunt re-
soluta.

II. D. Marchant observationes suas circa Sycomorum factas abhinc
quadriennio commemoravit. Inciso trunci cortice, magnam aquæ vim ex
illa arbore stillare ipso Æquinoctii die comperit. Illud inter alia ab eodem
animadvertum video, è Cychoreo vulgari lac exprimi admodum acre &
corrosivum, ac radicem Petasites optimum esse sudorificum.

III. Inter Physicas observationes illud primo loco à D. Sedileau circa
nivem & glaciem observatum ponimus, nivem quæ sub idem tempus deci-
derat liquatam ad sextam fere sui voluminis partem rediisse: adeo ut sex
nivis non pressæ aut densatæ pollices ad unum aquæ digitum redigantur.
2. Nix ipsa non ut butyrum aut oleum & alia corpora quæ calore solvun-
tur, liquefcit; sed priusquam fluat, in seipsam quasi contracta, & volu-
mine suo, seu mole multum imminuta cernitur, neque ut in glacie pars
summa primum liquatur.

IV. Tum temporis D. de la Hire hexapedam ferream sic pavimento
conclavis Observatorii lapidibus complanatis structo aptaverat, ut ætero
sui extremo murum attingeret, tum ejus longitudinem in pavimento accu-

AN. 1689. ratē notavit, ardoribus Solis inſequenti æſtate per tres horas poſtea expoſitam $\frac{1}{2}$ unius lineæ productam invenit. Menſe Maio eandem regulam Solis calori in ſineſtra per aliquot horas expoſitam, tum ad eum locum cui rigente hieme admota fuerat tranſlatam $\frac{3}{4}$ lineæ longiorem invenit. Quare parte 1300 aut circiter aucta eſt. Ex quo illud concluſum ab eo fuit tubos ferreos gelido aëri expoſitos ſic contrahi, ut tubus 18 hexapedas longus, unius pollicis, 215 hexapedas in longum portectus, pede integro brevior fiat, ſi gelido aëri exponatur.

V. Paucis ante menſibus D. Faber Germanus novi & rari phænomeni quod anno ſuperiori die 17 Aprilis Heilbronnæ ad Nectrum viſum eſt, hora poſt mediam noctem ſecunda, linearem deſcriptionem ad Academiam miſit. Cælo admodum ſereno viſus eſt globus igneus inſtar fulguris lucidus, per Cere & ſeptimum gradum Arietis decurrere, quique inter Pegasi alam & caput Caſſiopeæ progreſſus evanuit intra quadrantis horæ ſpatium, relicta cauda nonnihil verſus ortum arcuata.

VI. Calculum eſt veſica hominis poſt ejus obitum extractum exhibuit D. Dodart 2 libratum & unius uncie pondere, in medio velut nucleus erat teſus, cruſta vero inſtar gyphi erat candida.

VII. D. de la Hire arenosa granula quæ in urina per microſcopium conſpiciuntur diſperſa delineavit. Hæc magna ex parte denticulis incifa alia aliis inſerta, & muris velut hamulis implicata in lapides formari ſaris eſt veriſimile. Idem die 4 Junii diſſertationem de aëris pondere & quantum ſit aqua levior eſt ſcripto legit: ſed ea de re infra fuſus.

VIII. Cum exeunte anno ſuperiori diſſenterix graſſarentur, ex D. Dodart accepimus complures ſanatos eſſe per emetica aut purgantia. Quæ tum temporis à D. Helvetio radix huic morbo feliciter dari cœpta eſt, *Ipecacuanha* apud Guillelmum Piſonem & Margravium ut ſingulare præſidium & Braſſilienſibus uſuratum commendari D. D. Thevenot & Marchant monuerunt. Vir Clariſſ. pleuritidi bugloſſi ſuccum utiliter adhiberi ab aliis accepit: cum de ſpiritu terebynthia ſermo haberetur, nonnulli veſtium maculas hoc ſpiritu elui, poſtquam ſpiritu vini leviter ſunt perſuſæ, docuere: infectores eſſe bovino uri ſolent.

Tum à Chirurgo Pariſienſi accipi hydropem curatum fuiſſe beneficio plantæ quæ in locis humidis invenitur, Eupatorii Cannabinum vocant.

CAPUT II.

De Hiſtoria Animalium.

I. HÆc fere de Chymicis & Phyiſicis rebus excerpta à nobis fuere; pluribus omiſſis quæ longum eſſet & ab inſtituto alienum huic operi inferere. Sequitur ut perpauca de his quæ ad animalium cognitionem ſpectant, ſummatim breviterque dicamus. Multa hoc anno vertente animalium cadavera Verſaliis allata ſunt, quæ magna ex parte jam incifa &

descripta fuerant. Descriptiones antè factas relegit D. Galloys & annota- *Ann.*
tionibus suis illustravit.

II. D. du Verney circa dentium formationem observationes suas proposuit. Priusquam foras prodeant dentes, in quadam mucilagine plurimis vasis conspersa jam esse delineatos ostendit, fibras complures per strata disponi, uti & alia multa quæ peculiari dissertatione postea vulgavit.

Tum simiæ descriptio fuit recognita. Musculos caudæ separavit D. du Verney. In hac cauda 180 musculos invenit D. Mery.

III. Mense Augusto musculos avium respirationi destinatos præparavit D. Mery, quæque antea in dissectione Anseris vivi observata ab eo fuerant, ex scripto legit. 1. in ipsa inspiratione pectus dilatari, sternum à vertebrae removeri, costas sursum sublatae à se invicem recedere. 2. Quo motus ille magis conspicuus foret, costarum & nares brevi temporis spatio sunt occlusa, tum iis apertis abdomen intus compressum, sternum sursum magis elatum, & costæ itidem sublatae magis inter se distantes apparuerunt. In expiratione contra erant omnia, abdomen extorsum intumescere, costæ sibi propiores & sternum vicinius vertebrae visum.

Tum ventre dissecto ut vesicæ in eo posita oculis subicerentur, in expiratione sterno depresso abdominis sacculi aëre impleri & duo septa seu diaphragmata, quorum pars carnosa vertebrae adhærescit, à costis recedere; contra inter inspirandum eadem ad costas accedere videbantur. Deinde pectore aperto ut sterno discisso superiores sacculi in conspectum venirent, costæ sic nudatae sunt, ut musculorum intercostalium motus cernebantur. Tum vero id palam fuit superiores sacculos impleri & exinaniri una cum sacculis abdominis.

Quo autem innotesceret quando fiat respiratio, altera narium occlusa; alteri objecta est plumula, tumque id observatum, elato sterno pilos plumulae narium intus subire, eo depresso has repelli, adeo ut animal depresso sterno respirare videatur.

IV. Post hæc Leonis cadaver dissectum fuit, musculos & tendines caudæ demonstravit D. du Verney, crurum quoque & pedum musculos separatim paraverunt D. D. du Verney & Mery, eorum fabricam & usum exposuerunt, quare ratione digitorum motus efficiant.

V. Quæ à D. de la Hire ineunte hoc anno factæ sunt observationes circa vesicæ structuram, silentio premi non debent: hinc enim quædam non scitu modo digna, sed & magni usus erui possunt. Vesica suilla & recens vento distenta, aperto orificio velut ultero subsidit: tum ea statim inversa est ut pars exterior fieret interior, aqua huic affusa est, sic tamen ut non omnino impleretur: statim perfluere multis in locis visa est, adeo ut intra 12 horarum spatium pars illius dimidia effluerit, quæ rubeo colore tincta apparuit. Id vero satis est verisimile, è vesicæ vasis cum aëre distenta fuit, sanguinem inter membranae fibras expressum fuisse, quem aqua inter eas fibrillas effluens absterxit: nam membrana ipsa admodum erat candida post aquæ effluxum.

Quamobrem vesicæ membrana innumeris foraminulis videtur pertusa, quæ suis forte valvulis sunt munita, ut aqua libere subeat; eaque exire

A. N. N. prohibeatur : nam aër intus conclusus & pressus per ea foraminula erumpere
1689. non potest.

VI. Vix ulla aptiores huic rei valvulas excogitare licet, quam eas quæ ex papillis constant continuo ductu ita formatis, ut ductus ipse versus interiora vesicæ sensim decrescat, & liberum liquoribus circumfusus aditus præbeant in meatus ; sed iisdem negent per eandem viam reditum, quod corporis vesicæ incumbant. Coli intestini valvula in quibusdam piscibus sic conformata reperitur. Ex quo quidem experimento hanc circa hydropis genesis conjecturam fecit, hunc morbum ex vesicæ poris oclusis interdum prodire, quod aquam in abdomine effusam non admittant, quæ per ventriculi membranas continenter exsudet. Hoc enim expertus est D. Mery aquam ventriculo animalis affusam cæcos membranæ meatus penetrare. Hinc fortè aquæ minerales epore tam cito redduntur.

2. Huic vesicæ lac aquæ loco affusum est, ut hinc liqueret an liquor crassus & pinguis membranam penetraret. Id sane effluxit, sed lente admodum : nym intra 11 horas vix pars lactis decima exiit, sed liquor instar aquæ erat limpidus. Circa vesicam plures guttæ crassiores apparebant, cum reliquæ vesicæ partes siccæ viderentur. Unde suspicio aliqua hinc oriri possit in iis tantum locis membranam esse pertusam.

VII. Interjectis aliquot diebus D. Sedileau vesicam suillam & recentem aqua implevit quæ guttatim bidui spatio stillavit, tertio die aqua quæ supererat detracta, aëre vesicam implevit quem illa retinuit. Vix tamen crediderim aquam vase contentam per membranam transmitti. Hæc sane experimenta iteranda mihi videntur.

Ingluviem quoque Galli Indici vulgaris aqua replevit, sed ea non effluxit, seu ingluviem in naturali statu, seu inversa aquam exciperet.

VIII. Illud pene mihi exciderat, nec tacendum tamen, quod exeunte anno superiore à D. Mery in publica domo militum qui in bello membris mu'tari sunt, fuit observatum. Nam militis 72 annos nati aperto cadavere partes omnes thorace & abdomine contentas suis locis emotas invenit ; ita ut quæ in dextro latere extare debuerant, sinistrum latus occuparent, & vicissim. Cordis basis medio loco posita erat, & sinistrorsum versus, corpus ipsum & Mucro in dextram partem promoti. Dexter illius sinus, auricula ejus major, vena itidem cava ad sinistram cordis partem, minor auricula & aorta ad dextram sita erant. Sic pulmonum arteria sinistra cordis parte egressa dextrorsum deflectebat, ita ut & pulmones quoque situm naturalem commutarent : nam dexter in duos tantum, sinister in tres lobos divisus erat contra consuetum naturæ ordinem.

Eadem erat Oesophagi, ventriculi & intestinorum inversio. Pylorus in parte sinistra, unde & duodenum initium capiebat. Jecur itidem in parte sinistra positum, lien in dextra ; venæ quoque & arteriæ naturalem suum situm commutabant.



CAPUT III.

De Mathematicis.

I. Cum Astronomicæ observationes nuper in lucem editæ ea complectantur quæ postremis his annis in Academia acta sunt, nihil est causæ cur in iis recensendis diutius immoremur quæ magno studio & incredibili diligentia fuerunt elaborata.

Omitto id quoque Cometem in Indiis visum fuisse à P. P. Societatis, qui in iis locis versantur, cujus motus, magnitudo, iter, caudæ productio descripta sunt in observationibus Physicis & Mathematicis editis à P. Govie anno 1691: visus est à P. Richaud in regione Pontichery circa diem 8 Decembris, à P. P. de Beze & le Comte Malacæ. In his locis sub conspectum non venit, quod initio Soli esset propior & sub finem ad Polum Australem nimis accederet.

D. Rolle opus suum Algebraicum examinandum dedit D. Galloys qui rogatu Academiæ illud perlegit, ac typis postea id mandatum est.

II. Sub idem tempus Serenissimus Princeps Dux Meduaniensis Orientalis Astronomiæ Fragmentum Siamio à D. de la Loubere Regis Legato allatum ad D. Cassinum misit, qui in ejus interpretatione studium suum posuit, & rei difficillimæ magnam lucem intulit, eamque in volumine nuper edito publicis juris fecit.


Illud præter cætera comperit, Sinensem Epocham in annum salutis reparatæ 638 incidere, quinto ante Persarum Epocham anno. Ea est Astronomica Epochæ novilunii quod in die Æquinoctii verni contigit, cum eodem die Sol deficeret, & dies esset Sabbati. Quatuor hæ notæ nulli alteri quam prædicto anno conveniunt.

III. De isoperimetricis figuris demonstrationes suas legit D. de la Hire, quæ longè faciliores visæ sunt, quam quæ à Clavio sunt usurpatæ. De projectione quoque corporum actum est ex occasione quorundam operum D. de Roberval quæ D. de la Hire cura tum prælo mandabantur.

Post hæc Tractatus à D. Picard elaboratus de ponderibus & mensuris lectus est, qui anno 1693 inter opera posthuma Academiæ in lucem prodit: huic Insertæ sunt observationes D. Auzout. Pes cujusque regionis ad pedem Parisinum est redactus. Is vero in partes 710 divisus quarum Londinensis v. gr. est $675 \frac{1}{2}$ Romanus Capitolii 652 & ita de cæteris. Consimili ratione liquorum mensuras cum antiquas, tum recentiores omnium penè regionum persequitur uti & pondera.

IV. In eodem opusculo aquarum effluentium rationem examinat. Illud præmittit experientia comprobarum, corpus in aqua stagnante natans primum à pondere velocitate æquabili tractum ut 1, deinde trahi velocitate ut 2, seu dimidio tempore à pondere prioris quadruplo, ita ut velocitates sint ut ponderum radices quadratæ. Tum quæ sit necessaria aquæ fluentis declivitas, simul & mensuram aquæ effluentis ex variis experimentis

ANN. colligit. Opusculum est paucis paginis comprehensum, sed quod multa
1690. scitu digna complectitur.



SECTIO SEPTIMA.

De Actis anno 1690.

QUæ ad Botanicam spectant, descriptiones nimirum plantarum quæ ex variis regionibus & ultimis orbis terrarum oris D. Marchant cura sunt allatæ, ab eodem in botto Regio excultæ, à D. Dodart descriptione, ac demum à D. Chastillon delineatæ & æri incisæ silentio prætereunda arbitramur: nam hoc operis Deo dante suo loco & tempore in lucem prodibit.

CAPUT PRIMUM.

De rebus Physicis & Historia animalium.

I. **Q**Uæ ad Physicam spectant, vel mætæ sunt speculationis, vel ad usum vitæ aut corporis sanitatem referuntur, quæ ut tulit occasio, collegimus, si fortè nonnihil utilitatis afferre possint.

Inter Physicas observationes primo loco reponamus Irim quæ Andegavi anno superiori die 4 Julii fuit observata; hujus descriptio à D. de la Hire missa est. Sol in horizonte positus, in occasu rubeus apparebat, Iris itidem tum visa omni ex parte rubeo colore tincta.

II. Cum die 15 Aprilis de fontium origine sermo haberetur, D. de la Chapelle illud à se observatum ait, aquam pluviam ubi pinguem offendit terram; in eam velut in craterem aut lacum coire, quæ paulatim intrinsecit, & sæpe ad extimam usque superficiem attollitur. Unde & alveoli in formam pedis asserini ducuntur aquis colligendis: sed multis in locis, ut in Belsia aquæ colligi nequeunt, quod terra sit levior & poris pervia: ita ut nulla aquarum congeries, nullus crater efficiatur: ubi est alia qua declivitas, eo sæpe aqua confluit.

III. Eodem confessus die idem vir clariss. quædam à D. le Brun præstantissimo nostræ ætatis pictore, lineares humani vultus adumbrationes factas coram exhibuit quibus omnes animi affectus & perturbationes pulchrè exprimuntur. Magnum quoque succini frustum protulit quo muscæ quoddam genus concluditur.

V. Hoc in vegetatione plantarum animadvertit D. Galloys, radices in phiala aqua plena ante diffundi quam caulis crescat, ac ramos ea ex parte esse crassiores, qua radices sunt vegetiores.

VI. D. de la Hire dissertationem de plantarum nutritione legit si-

mul & quædam experimenta a se facta circa aëreas bullulas quæ in phialis aqua plenæ emergunt, cum iis plantæ ad vegetandum fuerunt imposita. *Physica. ca.*

Lagenam vitream & amplam aqua impleverat per complures dies Soli expositam : sed cum id temporis cælum nubilum foret, nullæ in imo vasis bullulæ visæ sunt : ubi sereno aëre lagena calore Solis incaluit, magna bullarum multitudo quæ in fundo lagenæ formabantur, circa horam diei undecimam emerit. Cum autem præ solo aquæ calore tot bullulas sursum efferri non facile sibi persuaderet, ac suspicaretur subjecti lapidis calore eas commoveri, lagenam loco movit, & ligno adhuc calidiori imposuit, tum vero bullæ fere ut in lebetæ cum aqua mediocriter ebullit, iurmatim eruperunt. Deinde lagenæ fundum sic intra vas aqua frigida plenum aptavit, ut non amplius quam unius digiti latitudine mergeretur, sed nullæ fere bullæ tum prodierunt, tamen si lagena Soli esset exposita, & aqua multum caloris contraxisset. Et quidem ubi primum lagena extra aquam posita est, tum bullæ aëreæ quæ prius parti infimæ vasis adhærebant sursum elatæ sunt.

VII. Hoc experimentum alteri occasionem præbuit, quo muscum superficiæ aquæ innatantem in fundo aquæ formari comperit : nam parum limi in fundo hujus lagenæ visum subsidere, quod forte aquæ pluvie cum fontana admixtæ tribuendum ; atque id advertit plantulas instar musci è fundo lagenæ sursum niti, quæ ab aëris bullulis una cœuntibus ferebantur. Hæ bullulæ filamenta in fundo retinuerant, sed cum aliis, quæ circa eas plantulas prodibant conjunctæ, satis validæ fuerunt, quæ radices musci disrumpent, & secum ad superficiem usque abriperent. Unde aqua incallescens & partibus ejus vehementer commotis, aëris particulæ in cœcis illius meatibus antea conclusæ una cœiere & auctæ sunt. Cum autem pars vasis infima satis incaluit ut bullæ dilatentur, tum ex sursum emergunt & mole fiunt majores, quàm ut prementi aquæ resistent : itaque super aquam efferuntur.

VIII. Cum D. le Brun inter pictores nostræ ætatis percelebris mense Febuario obiisset, D. du Verney aperto ejus cadavere cysticum canalem lapidibus plenum & vasa multum dilatata reperit, tumque D. Dodart illud advertit eos qui ex lètero moriuntur, majori ex parte profluvio sanguinis extinguï, quod præ bile effusa sanguis fiat ultra quam par sit fluidus. Ego ipse tum narraui quod nuper videram, Nulliaci tertia ab urbe leuca, hominem hydrope vehementer laborantem, quem multum levavit Zona lintea sale bene exsiccatæ & confuso repleta, circa lumbos apposita. Is per biennium adhuc vitam protraxit, cum antea ex tumore abdominis pene moriturus videretur.

IX. Illud quoque mihi narratum fuit duos homines rusticos & ætate provectos ex hydrope convalescisse, postquam se se in clibanum post panem extractum immisissent.

Ne id quidem prætereundum existimo à D. du Verney testatum aquam stipticam quam vir peruditus D. Lemery nunc Academiæ socius in suo Chymico opere describit, vulneribus optimum esse remedium, atque eandem esse cum aqua stiptica quæ Argentorati cum felici successu usurpatur.

ANN. His subjecit D. Sedileau gemmas rosarum aquæ ardenti vini cum saccharo & cinamomo infusas, Soli per tres hebdomadas expositas, vulneribus, incisionibus & contusionibus mederi; alii balsamum Peruvianum in eundem usum commendarunt. Illud in universum fuit judicatum utile esse vulneribus remedium, quod vi leniter astringente donatur, ut sanguinem sistat, & satis est volatile ut extravasatum sanguinem resolvat ac dissilet, quod demum quodam vernice, ut loquuntur, seu liquore splendido & tenaci sic linit vulnus, ut aëri occludat aditum.

Cum ea æstate cimices solito essent molestiores, idem D. Sedileau hos parietariam herbam querere, eique adhærere monuit. Sublimati solutionem huic insectorum generi infestam esse uti & pediculis comprobavit, cumque hæc relegerem a viro fide digno accepi punices foliis phaseoli ultra adhærescere. Ista quidem omittere nolui quod ului esse possint: tamen non ignoro ejusmodi arcana à multis contemni.

I X. In id potissimum incubuit Academia, ut quæ jam publicatæ olim fuerant animalium descriptiones, ubi se se dabat occasio & eorum copia aderat, accurato examini subjicerentur, ac si quæ fortè deessent, supplerentur.

D. Mery Cystim felleam Leonis exsiccata subjecit oculis, in qua 7 velut sepimenta quasi totidem tabulæ erant, suo quæque foramine perviæ, superiores vesiculæ se se in inferiores per illa foramina exonerant.

X. Die 17 Maii D. Teroude Chirurgus cujus jam fecimus mentionem, molem informem extra uterum puellæ 18 annos natæ repertam attulit, in qua erant capitis rudimenta quædam; nam duæ velut palpebræ pilis & glandulis instructæ apparebant, frontis quoddam specimen lineæ nigræ, quæ supercilii loco erat distinctum; plures capilli satis longi in funiculum contorti supra frontem exstabant, qui funiculus cum fasciculo capillorum erat implexus. Sub majori angulo oculi, duo dentes duri & candidi instar molarium cum gingivis, 3 lineis longi eminebant, tertius, isque major sub prioribus nasci videbatur. Duo alii dentes velut maxillæ inferti videbantur sub quodam foramine eo fere loco ubi aures collocantur, hæc moles informis membranæ duobus in locis adhærebat, hoc monstrum à D. de la Hire fuit delineatum.

XI. Locustarum quæ magnas Poloniæ & Lituaniæ regiones vastaverunt, formam & historiam typis excusam legit D. Galloys. Paucis post diebus vir clariss. D. S. Ussan ejusmodi insecta ad se à Polonia missa coram exhibuit. Vulgaribus locustis non admodum esse dissimiles existimabat D. Sedileau; senis alis muniebantur, ternis ex unoquoque latere. Cum die Junii 8 manè D. Dodart Versaliis Lutetiam iter faceret, incredibilem minorum bufonum post uberiorem pluviam in viâ offendit, qui omnes Versalias versus contendebant. Ubi nullæ erant maculæ aut fossilæ, ibi nec bufones erant. Hinc concludi potest ejusmodi animalcula non ex pluvia, ut vulgo creditur, formari, sed ea sæpe post uberiorem imbrem antè delitescencia prodire.

XII. Die 28 Januarii D. Des Billettes nunc Academiæ socius, & D. Hebert in supremo Senatu patronus pontis Versatilis, Pont ionrmant, quem

in Sequana constructum curaverant, simul & machinæ exhaustiendis aquis *Physi-*
destinatæ typos attulerunt. Pons ille à D. Hebert, machina hydraulica *ca.*
à D. Desbillettes fuit excogitata. Utraque machina ingeniosa & utilis
visâ est.

XIII. Quasdam Heronis Alexandrini propositiones ex libro de spiritalibus decerptas, proposuit D. de la Hire, quæ minùs veræ ab eo sunt judicatæ, easque correxit. Hujus libri examen in aliquot congressibus continuavit. Inter ea quæ annotavit plurima, machinam quæ ab Herone gutta vocitatur, explanavit, quod aquam guttatim per Syphonem emitat, ubi calore Solis vitrea ampulla incaluit. Atque hujus machinæ occasione qua vi, quave ratione succus per fibras plantatum sursum eluctetur, explicare ingressus est. Quod argumentum postea uberius pertractavit.

Die 5 Martii D. Commiers horologii portatilis figuram linearem dedit, cujus Auctorem ait esse D. Harquin in eo genere opificii valde industrium: structura simplicior & à vulgaribus diversa visâ est.

CAPUT II.

De rebus Physicis & Mechanicis.

I. **D**ie 11 Martii D. Varignon systema suum de gravitate corporum cepit exponere, quod hoc ipso anno publici juris factum est. Huic operi ingenioso, si quod sit aliud in hoc genere Philosophiæ naturalis, hunc inscripsit titulum, conjecturæ novæ circa gravitatem. Neque aliud profectò in re adeò obscura exigi debet præter conjecturas easque verisimiles, & à naturâ ipsâ non abhorrentes, quales ex sunt quæ in hoc tractatu distinctè & dispositè proponuntur.

In præfatione systematis sui Ideam, & formam exprimit, simul & argumenti difficultatem, quæ in eo maxime posita est, ut ratio afferatur cur corpus in medio aëre positum, quodque ex se est ad omnem motum indifferens, deorsum potius quàm sursum moveatur.

II. Ac primum ut certa ab incertis, concessa ab iis quæ dubia sunt, sejungat, illud manifestum existimat lignum in aëre suspensum non ab innato quodam appetitu, aut ab ingenitâ propensione deorsum ferri, cum ingeniti illi appetitus in rebus inanimatis sint omnino commentitii. Attractionem quoque omnem jam super rejecimus, neque alia hujus motûs causâ afferri potest præter impulsione à circumfuso fluido, quodcumque illud sit, aut aër crassior, aut æther, aut utrumque, vel si quod sit aliud, licet sub aspectum id non cadat. Non dubium tamen est, quin ejusmodi corpora quæ oculos fugiunt, magnos procreent effectus, ut in vento, in pulvere pyrio, in magnete & in aliis plurimis cernimus. Sed difficultas in eo posita est, ut ratio afferatur cur lignum à circumfuso aëre undique involutum in unam potius partem, quàm in aliam pellatur; unde inæqualis illa aut pressio, aut impulsio oriatur.

ANN.
1690.

III. Corpus sit figuræ cubicæ propius terram positum ; procul à terra fingamus animo fornitem solidioris materiæ & impenetrabilis : hæc postea nobis erit auferenda , ut solent structores tabulata dissolvere , postquam ex usu esse desierint. Tum certe circumjecti aeris partes perpetuo motu agitataz in huius corporis superficies incurrent.

Quæ ex Oriente & Occidente , quæque ex Austro & Septentrione in hoc corpus impingunt , cum nifus earum sint æquales , illud loco suo dimovere non poterunt , nulla adeo est ratio cur in unam potius partem , quàm in aliam lignum illud pensile in aëre impellant. At si duas huius cubici corporis facies supremam & infimam spectemus , jam in his quædam inæqualitatis principia se produnt : nam majori vi impelletur corpus ex eâ parte quæ sursum dirigitur , idque adeo descendat & ad perpendicularum necesse est , cum ad latera deflectere non possit , & equaliter pulsus nulla sit ratio cur in unam potius partem , quàm in aliam declinet ; sed innumera velut fila incumbenris columnæ , eaque è summo aëre ducta indefinenter ferient corpus illud obvium , & deorsum trudent , cum columnæ aeris quæ inferiorem corporis superficiem ferit , longè sit debilior , neque superioris columnæ ictibus valeat obistere.

At si corpus in medio terram inter & fornitem , quam animo fingimus ad multa usque milliaria circumpositam , intervallo situm statuamus , tum illud in statu quietis futurum est , neque enim sursum aut deorsum tender ; ulterius positum prope fornitem seu concamerationem sursum feretur , tum enim columna aeris quæ infimam cubi superficiem percutiet , altior erit & fortior.

Hinc luna quæ corpus est non minus solidum ac compactum , quam terra ipsa , versus terram non decedit.

IV. Itaque jam fornice ipsa , ut nobis inutili detracta , eadem prorsus contingent , si vorticem cuius terra est centrum , contemplemur : nam extra suos limites non excurrit , atque ætheris incumbenris fila , ut in luminis propagatione ad nos usque perveniunt , & gravia quæque premunt corpora , adeo ut gravitas omnis aut levitas à circumfuso liquido , & ab illius indefinenti percussione oriatur. Quo autem modo id fiat , capite primo fufius Auctor explicat.

V. Ac primum quidem is negat gravitatem à motu terræ diurno proficisci , eo quidem modo quo Cartesius exposuit , de quo quidem jam supra egimus : ætheris nimirum partes omnes vorticoso illo motu actas continuo nifu à centro recedere , gravia vero corpora ab iis repelli quæ minori nifu à centro vorticis recedunt. Nam æther ea repellit à se corpora , quæ minori conatu à centro discedunt.

Sed rem ipsam paulo diligentius intuenti id liquebit majorem illam vim in iis esse corporibus , quibus plus inest materiæ. Sic in fundâ circumacta lapis majore conatu à manu recedit , quàm suber , itaque juxta hanc hypothefim levius esset plumbum quam suber , aut lana. Et quidem quò partes corporis sunt magis compactæ , & crassæ , hoc iis plus inest materiæ & major partium copia ad eandem determinationem conspirant.

Deinde partes singulæ huius fluidi , quod unâ cum tellure gyrat , circulos

æquatori parallelas deſcribent, cōminores, quò polis ſunt propiores; nec à tellure pars illius quæque diſcedet niſi per planum circuli quem deſcribit. Quin etiam corpus grave ſecundum idem planum in ſuum locum ſubſtituet, & gravia quæque corpora ab æthereâ materia depreſſa ſecundum lineas huic plano parallelas deſcendent, adeo ut in polo nulla futura ſit amplius gravitas. Imo gravia quæque corpora non ad perpendicularum in terram deſcenderent: nam quæ pars à centro vorticis recedit, hæc ſecundum tangentes rectas excurrit, ut lapis è funda circumacta; illa adeo materia quæ offendet gravia corpora ſecundum rectas tangentes ad terram cogit decidere, & in locum ſuum ſuccedere. Quo quidem modo per tangentes lineas & horizontales ea corpora ad terram deprimentur. Accedit illud quoque juxta Cartefii hypotheſim, materiam ſubtiliſſimam ad centrum cujuſque vorticis niti, atque ea congeſta tot ſoles emergere, quot ſunt ſtellæ fixæ, cur igitur materia in terræ vortice acta à centro ejus vorticis recedere nititur, idque majori vi conatur, quàm craſſiora corpora quibus admifcetur?

VI. Quamobrem non diurnus telluris, aut vorticis motus hunc gravium deſcenſum efficit, nec alia fingi poteſt impreſſio præter aëris aut liquidi circumfuſi motum. Hoc enim omni fluido commune eſt, ut illius partes in perpetuâ ſint agitatione juxta omnes determinationum modos, uti alio loco probatum eſt. Hinc liquores tam facile cedunt, hinc ſales & metalla diſſolvunt, & in partes pœnitius inſenſibiles comminuunt, quòd undequaque in eas impingant.

Quæ cum ita ſint, palam eſt corpus durum in liquidum demerſum, in-deſcenderet ab eo collidi & varias impreſſiones ab eodem excipere juxta numerum partium liquidi quæ in corpus durum incurrunt, & in eandem collisionem conſpirant, ac penes ejusdem motûs quantitatem. Partes quidem illæ corporis liquidi in eandem determinationem conſpirantes ab aliis intercipiuntur innumeris quæ in tranſverſum incurrunt, in quas tamen impreſſionem ipſam tranſmittunt. Atque ita in quocunque liquido quatenus plures ejus particulæ in eadem determinatione conveniunt, innumeras efficiunt columnas quæ varias habent directiones citra ullam conſuſionem, aut interruptionem, ut in lumine & in vento ipſo cernimus, cum per duos aut plures tubos cruciatim ferruminatos impellitur. Cujus rei periculum facere voluit D. Varignon: duos calamos ſic incidit, & in crucis modum conjunxit, ut inciſuræ locum cera obſignatoria agglutinaret, ſicque duo calami in loco inciſuræ inter ſe communicabant. Tum fumo chartæ incenſæ per unum è tubulis perflavit, cum amicus per alterum calamum purum aëra perflaret: fumus tantummodo per eum calamum quem implebat D. Varignon, erumpere viſus eſt. Sic vinum rubrum & aqua per eodem tubulos ore ſimul in duos ſcyphos inſpirati citra conſuſionem illam exierunt. Quocirca non ſolum ventus, aër, & ſpirabilia quæque corpora, ſed etiam liquores craſſiores ex tranſverſo ſic poſſunt ſeſe mutuo interſecare, ut ſibi aut nullo modo, aut perparum obſint.

Et quidem duo flumina quæ ſibi mutuo vel directe, vel ex tranſverſo ſibi occurrunt, directionem ſuam non tuentur, ſi utriuſque profluentem aquam in declive ſpectemus: ſed nunc agitur de motu fluidi cujus partes quoque

AN. versus agitantur, ac filamenta ipsa sibi mutuo occurrere posse contendimus, & interficere citra ullam confusionem, ut in lumine contingit. Atque in liquido corpore nullus est locus sensibilis per quem fila, aut columellæ non transeant in omnes partes directæ: ut in cupâ vinariâ nullum est punctum sensibile, in quod ex omni parte vinum, aut aqua, & illud vicissim quoquo versus non tendat, non solum ex proprio pondere, sed etiam ex fluiditate, quæ tot directionum quæ sibi sunt oppositæ principium est.

VII. Ex his itaque colligitur primò in aëre, ut in aliis omnibus liquidis corporibus non alium esse motum qui descensum gravium efficiat, præter eum qui à fluiditate pendet, eumque solum esse descensûs gravium causam. Quocirca si corpus durum in liquido ejusdem naturæ ita sit constitutum, ut ab extremis æquali distet intervallo, ibi stabit immotum; si autem propius sit uni margini, quàm alteri, ibi non manebit, nisi adeo resistat medium, seu liquidum ipsi divisioni, ut vincat vires columnarum liquidi inæqualium. Cum enim sit ad motum & quietem æque indifferens, quæ fortior erit impressio, hanc sequetur. Sed ea resistentia ejusmodi esse potest ut corpus variis in locis perstare possit, ut vires ferat longioris columnæ incumbentis, aut pellentis: sed ubi percussione differentia liquidi resistentiam vicerit, quod divisioni sui obstat, corpus versus debiliorem seu breviorē pressionis columnam progrediatur necesse est.

Quæ omnia in figura apposita hient dilucidiora: sit terra $p a c b q$ in medio vorticis $A c d E F g H$, corpus B in aëre pensile ad aliquam à terrâ distantiam. Quandoquidem hæc altitudo, qualiscumque sit, nullius est momenti cum semidiametro terræ comparata, quin & ipsa terræ semidiameter cum vortice telluris collata perparvi quoque est momenti, corpus B hoc in loco spectari potest ut centro sui vorticis proximum. Sic columnæ aëris $E B$, & $B H$, uti & $F B$ & $B C$ nihil ferè inter se differunt, quæ etiam tertiam in punctis a & b tangant, & distantia corporis $B c$, à terra nihil sit cum radio comparata, vix earum columnarum positio à positione columnarum horizontalium DB , & BG , discrepat.


Hinc fit, non solum omnes columnas, quæ sunt comprehensæ inter sectores DBE & FBG , quæque corpus B ex obliquo pellunt ex inferiori parte, pene æquales esse columnis intra DBC , & GBH contentis, quæ ex parte superiori iis respondent; sed etiam columnis sectoris DBE , pene ex diametro oppositis columnis sectoris GBF , uti & columnis sectoris DBC , sectori GBH , adeo parvæ restant vires, quæ impressionem faciant in corpus $B c$, sive deorsum, sive sursum pellant, ut si quæ sit inter eas differentia, instat nihili haberi possit, quæque sursum esse potest, impressio pro nihilo censenda est.

Contra quæ vis inest columnis sectoris perpendicularis CBH , adeo superat vim, quæ spatio $B a c b$ continetur, ut hoc corpus undique pressum ab his columnis multo magis versus terram, quàm versus quamcumque aliam vorticis sui partem prematur. Neque adeo id mirum est, si corpus ad motum & quietem omnino indifferens, & actioni liquidi sui, quod aliunde tam parum divisioni resistit, relictum, ab eo deferri se sinat,

&

& hoc ipso, si liberum est, decidat, aut saltem, si quid ei obstat, deorsum premat.

*Physi-
ca.*




Verum id opponi potest, contrarium in aquâ observari: nam lignum in aquam demersum, ab imo ad summum repellitur, tametsi aquæ incumbētis columna multo sit major & fortior columnæ aquæ ligno subiecta: ex quo licet conijcere inferiores aëris columnas licet breviores, non propterea cedere columnis incumbētibus: nam quæ lateribus adjacent, ut in aquâ evenit, satis habent virium, ut corpora sursum repellant, sicque superioribus satis resistunt, ne corpori subiecto pondus imprimant.

Respondet D. Varignon, subtilioris aëris fluiditatem in eo esse positam, ut illius velut filamenta versus omnes partes ferantur, cum crassiores aëris, aquæ & aliorum liquorum partes descensum tantummodo affectent, unde alia corpora liquoribus immersa sursum repellunt.

N D

ANN. 1690. Sit cupa H O, quæ aquâ repleatur, pondus aquæ efficit ut frustum



ligni DE sursum resiliat versus superficiem : nam pondus aquæ deorsum illud pellit, cumque fundus cupæ resistat columnæ KN, actionem omnem in columnas laterales HM, & LO refundit. Cùm autem columna LO æqualis sit gravitatis cum HM, & KN, cumque HM minus prematur propter corpus DE levius corpore DG ejusdem molis seu voluminis cum corpore DE, columna KN tota reflectitur versus HM, & corpus D, sursum repellere nititur contra columnam HD, eâ quidem ratione quâ DG, seu idem aquæ volumen magis ponderat, quam DE.

Contra totius aëris massâ ob stare debet, quominus idem accidat corpori B prioris figuræ. Nam filamenta columella AB, comprehensa, quæ impressionem faciunt versus terræ punctum C, hæc occursum terræ aut alterius obicis reflecti debent per viam columnarum quæ sursum contendunt, non juvare parvam illam columnam ut corpus B sursum trumat : ibi enim minorem offendunt obicem, quàm si factò circuitu per corpus durum CB filamentis descenditibus occurrerent, quorum progressui obstat corpus solidum B. Itaque fila descenditiam quæ corpori B adjacent, nihil ad illud pertinent, neque id magis adjuvant ut sursum, quàm ut deorsum moveatur.

Neque aër crassior qui omnem suam gravitatem, à subtiliori, seu ab æthereâ substantia mutuatur, & multo minorem quam lignum B, quod exempli loco ponimus in priorè figurâ, ejus descensum inhibere non potest ; contra vero aqua quæ majus pondus à fluiditate circumfusi aëris excipit, quam lignum DE in cupâ posterioris figuræ, illud cogit ascendere.

Jam ut propositum gravitatis systema prosequamur, priorè figurâ repetita, circumjecti aëris fluiditas ascensum corporis potest efficere, si procul à terra positum concipiamus ut in x, quod ultra dimidiam distantiam c A & propius extremo vorticis margini statuimus. Tum enim singuli secto-

res $m x d$, $d x h$, $h x n$ ubi sunt aëris columnæ quæ deorsum corpus x , impellerent, minimi sunt momenti, si cum sectoribus $g x n$, $q x p$, $f x m$, huic directæ oppositis comparentur: adeo ut corpus x pellatur fortius versus A , quam versus c , & præ sola aëris fluiditate corpus attollatur: cum autem sectores EBA , FBA , semper inter se sint æquales, & quacumque à terra distantia corpus B , descendere incipiat, aut pergat ascendere, quamcumque impressionem excipiat à columnis quæ dextrorsum aut sinistrorsum illud premunt, corpus in neutram partem declinare debet, sed perpendicularem lineam in descensu, vel ascensu semper describet.

Punctum autem illud aëris medium inter extrema positum in linea perpendiculari $A c$, adeo angustum est, ut si medium divisioni nullo modo resisteret, corpus vel in minima ab eo puncto distantia descendere aut ascendere cogeretur: sed fluidi resistentia efficit, ut corpus manere possit in diversis à terrâ distantis, adeo ut satis amplum sit spatium illud quietis. Sic luna stat in suo quietis spatio in certâ à tellure distantia: quin & ipsa terra, & planetæ solis vortice contenti in suis quique locis manent ex solâ circumjecti fluidi pressione.

Aër vero crassior à subtili materia quâ instar spongiæ imbuirur, pondus omne suum depromit. Quod si tota aëris moles esset sui similis, nec levis esset, nec gravis, tametsi ex aëre crassiore tota constaret: nam partes ejus omnes ex æquo sese invicem, quoquo versum pellerent. Unde ex subtilis materiæ fluiditate pondus omne corporum oritur: sed aër crassior proprio pondere, & fluiditate sua subtilis materiæ fluiditati sociata auget pondus corporum, aut minuit, si cum iis libretur, ut fit in Barometro, ubi incumbentis aëris crassioris pondus cum hydrargyro est in æquilibrio. Atque ubi tubus brevior Barometri intra aquam demergitur, altius ascendit hydrargyrus.

Atque hæc de causâ gravitatis. Quæ autem ad ponderum differentias, & accelerationem motus gravium spectant, capite 2 & 3 fuse persequitur, ut cap. 4 præcipuis difficultatibus quæ opponi possunt, occurrit. Hæc utique videri possunt in prædicto opere.

CAPUT III.

De Rebus Astronomiis.

I. **J**Am ut à Mechanicis ad Astronomica veniamus, D. Cassini theoriâ satellitum perpoliuit, & in variis congressibus legit. Systema suum circa inæquales satellitum motus exposuit, novas observationes circa Jovem, illius maculas & satellites, atque eorum umbras protulit.

Nova in Jove macula se videndam præbuit, cujus revolutio sex minutis tardior quàm primæ jampridem cognitæ inventa est. Multa circa hujus maculæ situm & motum, necnon circa recentes Jovis Zonas observata ab eo fuere.

N n ij

ANN.
1690.

II. Cum die 2. Augusti Rex magnæ Britannię illustris Augustodunensi Episcopo insinuasset, se Regium Observatorium invisere velle, id ipsum à D. de Louvois D. de la Chapelle nuntiatum est, ut Academici omnes die constituto, nempe 13 Augusti eo convenirent circa horam decimam: Principibus Angliæ viris comitatus Rex advenit. Turris Orientalis partem inferiorem primum invisit, ubi quæ nocte proxima factæ fuerant observationes circa Saturnum & illius satellites, est contemplatus. Illud imprimis obiter notatum è quinque Saturni satellitibus quatuor in hoc Observatorio fuisse repertos, præter eum qui multis ante annis à D. Hugens Academiæ socio unâ cum annulo ejusdem Planetæ deprehensus fuerat, adeo ut nunc quinque illius Planetæ comites in conspectum veniant, qui astra Ludovicæ appellantur, iique cum Jovis quatuor comitibus, & septem errantibus stellis ab omni ævo cognitis juncti summam 16 Planetarum efficiunt.

III. Placuit M. B. Regi horum systema & magnam motuum varietatem intento animo contemplari: qui postremo detectus est & Saturno proximus intra diem unum & 21 horas periodum suam absolvit, quam quintus, quique à D. Cassino primo fuit deprehensus, intra dies 80 conficit. In quo illud est singulare quod in unaquaque sua revolutione cum partem suæ orbitæ Orientalem peragrat, per mensem & amplius sui copiam non faciat. Vix aliam hujus Phænomeni causam afferri posse præter extimæ superficiei in hoc Planeta dispositionem, ita ut pars illius lumen Solis quoquo versus regerat, ex altera non item. Illud quoque est animadversum hoc Phænomenon nulli ex Planetis convenire, sed hoc illi esse commune cum stella fixa quæ sita est in collo Ceti, quæque per 7 menses conspectum fugit, & per 4 menses oculis subijci potest, ita ut 11 mensibus exactis consimili splendore recurat.

Noctæ præcedenti secundi satellitis Jovis eclipsis observata fuerat, quæ causam sermoni dedit de utilitate harum observationum, cum ad Geographiam, tum ad Navigationem. Hunc satellitem Jovis usum, ubi primum à Galilæo sunt detecti, prospectum fuisse monuit D. Cassinus, sed ante constitutam Academiam illum exequi non datum, priusquam Ephemerides & tabulæ motuum magno studio essent elaboratæ. In id potissimum incubuisse Academiam, ac Regem Christianissimum, quantæ id foret utilitatis gratum misisse Academicos in varias orbis terrarum plagas, qui satellitem immersiones & emersiones explorarent, & suas observationes cum iis quæ iisdem temporibus hoc in loco fiunt, conferrent. Nam inter se collatas inveniendis longitudinibus seu meridianorum differentis magno ului futuras noverat.

IV. Rex magnæ Britannię se jampridem ea de re certiores factum ait, observationes ab Academia factas quæ navigationi sunt perutiles, cum D. Flamsted (cui Observatorii Anglicani cura est demandata,) & cum quibusdam aliis Regiæ Societatis viris fuisse communicatas, D. Halleum per integrum annum in Insula S. Helenæ commoratum id comperisse, chartas maritimas magnis erroribus esse vitiatas, locorum situs & distantias non mediocriter à veris aberrare.

Id verò à D. Cassino confirmatum fuit ex differentiis longitudinum quæ in tabulis Geographicis sunt designatæ, quæque ab iis quas satellitum eclipses cum in hoc Observatorio, tum in Siamensi & in Sinenfi regno observarunt Patres Societatis Jesu à Rege Christianissimo eò missi ut Mathematici Regii, mirum quantum dissident. Cui Rex M. Britanniaë vehementer assensus adjecit, in id quoque Angliæ Astronomos studium suum contulisse, ut tabulæ Geographicæ ex differentiis meridianorum per satellitum eclipses emendarentur. *Astro-
nom.*

V. Id operis in hoc Observatorio susceptum fuisse innuit D. Cassini, atque instar cujusdam speciminis planisphærium terrestre in pavimento turris Occidentalis fuisse delineatum quoad fieri potuit accuratissimè. Placuit Regi illud intrucri, cumque ex una in aliam turrim se conferret, D. Cassinus qua ratione vitra optica sic aptari possint, ut res objectæ cum in cælo, tum in terra citra tubos conspiciantur, exposuit. Qua quidem methodo usus fuit in detegendis novis Saturni satellitibus. Vitrum objectivum 100 fere pedum, fenestram quæ ad Septentrionem dirigitur à D. Harfouker Batavo elaboratum, sic positum fuerat, ut per oculare vitrum in Australi porta erectum res objectæ eminens sita in urbe ipsa cerneretur. Negavit illud esse necessarium, ut radius visualis ab uno ad alterum vitrum productus objectivo perpendicularis insisteret; sed multis eum gradibus inclinari posse, nec quicquam de perspicuitate rei objectæ, aut distincta ejus visione propterea decedere: adeo ut in ea quam diximus vitrorum distantia, oculare per totam porticûs Observatorii latitudinem moveri loco possit, quò diversæ res objectæ dextrorsum & sinistrorsum positæ objectivo vitro penitus immoto cernantur.

VI. Illud etiam Regiæ Majestati insinuaturn, quantæ sit utilitatis hæc vitra disponendi ratio in ipsis siderum observationibus. In hunc usum turris lignea alta 120 pedibus Regis Christianissimi jussu Marliaco translata est, ubi attollendis aquis inservierat. In ipsis turris angulis tigilla sunt disposita per quæ machina ducitur, qua vitrum objectivum ad Astri locum dirigatur, dum oculare manu tenetur pedi suo insitens, in quo liberè movetur penes foci ab objectivo distantiam.

VII. Planisphærium terrestre à D. D. Sedileau & Chazelles primum delineatum juxta ejus emendationem ab Academia factam Rex contemplarus, simul & loca, cum ab Academicis in diversas orbis partes Regis Christianissimi jussu missis restituta, nimirum à D. D. Picard, de la Hire, Richer; Iterum à D. D. Varin, du Glos, & Deshayes qui in Daniam, & in extremas Galliaë oras, in Promontorium Viride, Antilla; tum à Patribus Societatis qui in Bonæ spei Promontorio, in Siamensi regno, & Orientalibus plagis veras longitudinum differentias multò minores esse quàm quæ in tabulis sunt delineatæ, competerunt.

VIII. Hæc ita se habere Rex ex eo ipso comprobavit, quòd cum in Anglia exploratum esset, quantum spatii gradus unus circumferentiæ maximi in terra circuli occuparet, multò id majus quàm ante creditum fuerat, inventum est. Nam 7: Angliæ milliaria uni gradui respondere competere est, cum antea ad 60 tantum milliaria patere vulgo persuasum esset.

ANN. Quæ hac in re sunt usurpata milliaria 5000 pedes Londinenses continent. Ad hæc à nonnullis qui tum aderant, responsum fuit, jam ab exordio pene nascentis Academiæ anno 1669 id negotii ab ea susceptum, ut quàm accuratissima unius gradus terræ mensura haberetur. Quod per magna triangula sibi mutuò connexa factum fuit, atque ea ratione conclusum, unum maximi terræ gradum circuli 57060 hexapedas Parisienses continere.

IX. Cum autem Rex illud postulasset ut hæc mensura cum ea quæ in Anglia reperta fuit, conferretur, id se facturum recepit D. Cassini. Illud quoque subiecit hoc Academiæ fuisse propositum, quò certior & magis explorata haberetur terræ dimensio, quantum pateat Galliz regnum à Borea in Austrum dimetiri; jamque lineam Meridianam Observatorii Dunkercam usque ex una parte, & in Borbonium tractum ex altera productam, & per triangula sibi mutuò juncta quàm diligentissimè dimensam. Qua quidem ratione octo circumferentiæ gradus explorati habebuntur, neque in ea dimensione major invenietur error quàm in uno gradu. Id verò permagni esse momenti ad Geographiam & navigandi artem, ut certa & fixa habeatur mensura, quantum fieri potest, accurata, qua gradus in leucas & milliaria, ac vicissim leucæ in gradus reducantur. Id quoque Rex M. B. subiecit jussu suo distantiam inter montem trium rupium prope Dublinum & montem dictum Promontorium Sandum in Anglia sumptam per triangulum, cujus basis nota erat & anguli ad tres usque rupes, distantiam præbuerunt 46 milliarium cum semisse. Tum verò subiecit D. Cassini distantiam Cæletum inter & Dubridis arcem à D. de la Hire indagatam quoque fuisse, eamque inventam esse 21360 hexaped. tametsi maiorem tabulæ exhibeant distantiam.

X. Rex M. B. in Planisphærio loca designavit quibus navium gubernatores Angli iter in Indias tentarunt inter Boream & occasum Solis; nihil magis obfuisse quam nebulas quæ in iis regionibus de die cælum & terram subducunt oculis, ita ut nocte tantummodo ad stellas fixas naves dirigi possint. Id visum esse D. Vossio hibernum tempus navigationi opportunius fore discussa caligine. Anglorum itinera per fretum Magellanicum commemoravit, & alias vias in mari pacifico tentatas, ubi in æquali ab Æquinoctiali distantia longe acrius frigus experti sunt. Sic hyemem magis sævire in Canadensi regione quàm in Gallia sub iisdem parallelis animadvertum: adeò ut aëris temperies ex sola climatis positione non sit repetenda.

XI. Tum forte quadam de Insula Taprobana veteribus non incognita sermo incidit. Hanc à nonnullis Geographis recentioribus in Insula Ceilan, ab aliis in Sumatra reponi. Situm illius qualis à Ptolemæo describitur, cum Maldivis insulis magis convenire existimabat D. Cassinus: hæc sunt insularum congeries de quibus nulla apud veteres fit mentio. Taprobanam insulam juxta Promontorium Cori Ptolemæus collocat, quod in mare longius prosectum inter Indum & Gangem vix aliud esse potest quam Promontorium quod Commorinum nuncupatur in eodem situ positum. Idem Taprobanam sub Æquinoctiali constituit ab eo in duas partes inæquales sic divisam, ut

pars major ad Boream, minor ad Austrum deflectat : atque hæc insulæ ab Austro ad Septentriones eo fere modo porriguntur, quo Ptolemæi Taprobana. Illæ referente Picardo vehementi maris profluenti sunt expositæ, qui in rupes illisus interdum quasdam secum abripit, eæque per angustos canales à se mutuo sunt disjunctæ. Sic auctore Linscotio Malabaricę insulæ olim continenti coherentes, vi currentium, ut vocant, sejunctæ fuerunt, ac forte ex iis potuit Taprobana insula coalescere.

XII. Planisphærium deinde ex argento conflatum Rex M. B. inspexit quod D. Cassini olim jusserat faciendum industrio artifice D. Butterfield Anglo, quo Astronomici calculi & operationes majori compendio & facilitate fierent. Machina triplici systemati Ptolemæi, Copernici, & Tychois explicando in parte posteriori sic aptatur, ut iisdem phænomenis exponendis omnino inter se conveniant. Rex primum hæc considerans ad planetarum circulos advertit animum, qui in vero situ & in iusta proportionis posiri longitudines à Sole & terra visas, distantias quoque à terra indicant, idque ope regulæ in plures partes divisæ, cuius usum simul & trium systematum concentum approbavit. Cum annulum vidisset Astronomicum cuius diameter est unius pedis, quique horarum minuta simul & magnetis declinationem exhibet, huic consimilem à se visum ait Rex M. B. neque aliud esse instrumentum indagandis horarum momentis in ipso itinere magis idoneum.

XIII. Ex occasione Magneticæ declinationis quæ per annulos tam facile innotescit, cum de iis quæ Lutetix & aliis in locis factæ sunt observationibus circa illius variationem sermo haberetur, quasdam in Anglia regulas circa illas deviationes inventas esse Rex M. B. admonuit, atque Ephemerides hujus variationis ad decennium usque fuisse descriptas, quæ cum observationibus satis apte consentiebant. Has utique observationes in magno hemisphærio excavato, quod in palatio Regio v. *VVirhal*, est collocatum, factas fuisse, in quo hemisphærio regnante Jacobo I. Linea Meridiana summa cura fuit delineata. Illud quoque subjecit, hoc hemisphærio cum pendulis comparato nonnihil discriminis inter horas matutinas & vespertinas animadversum fuisse, quod refractionibus quæ mane paulo majores sint quam vespere, tribui posse suspicatus est D. Cassinus, qui illud judicabat difficillimum certas variationum quæ in acu Magnetica contingunt, regulas statui posse : cum permagna inæqualitas Parisiis observata fuerit, ac longissimo temporis spatio opus sit, quò variationum leges comprobentur : hanc tamen tentare viam laudandam se arbitrari.

Cum multus ea de re sermo haberetur, tum Rex D. Neuton & aliorum, qui terræ figuram non omni ex parte rotundam ex variis circa Versorium experimentis esse judicabant, opinionem retulit. Hanc utique D. Cassini ex quibusdam observationibus circa Jovem factis ortam esse existimat. Nam Jovis discus non utique rotundus interdum apparuit : sed tamen umbræ telluris pars illa quæ in eclipsibus Lunam obducit, cum sit circularis, id fere persuadet terræ figuras à Sphærica non multum abesse. De telluris figura non perfectè Sphærica conjecturam ex observationibus quas viri

AN N. eruditi ab Academia missi in Antillas, & in Viride promontorium fecerunt, 1690. confirmari utrumque posse: nam pendula quæ secundis quibusque minutis vibrationes suas efficiunt, contrahere iis in locis oportuit. Sed fors est ut discrimen illud in aeris temperiem sit rejiciendum, cum eadem in regione aliquantum discriminis hyemis & æstatis temporibus observetur. Illud vero quidquid est discriminis, constituendum foret, ut pendula essent certiores temporis mensuræ.

XIV. Hæc pendula permagni usûs esse posse in navigatione excepit Rex M. B. Anglum nomine Holms navis gubernatorem duobus pendulis inter se collatis usum esse, atque id bene processisse. Hujus rei in Gallia factam esse experimentum, à nonnullis qui tum aderant, insinuat. Hoc enim D. Hugen facendum proposuerat: etsi multæ incurrunt difficultates, id tamen fatendum est, ex multis pendulis inter se collatis quiddam utile longitudinibus locorum in medio Oceano inveniendis exsculpi posse.

XV. His utrimque circa pendulorum usum dictis, Rex in eum locum ubi machinæ reponuntur conscendit, ac præter cæteras illa quæ à D. Romer excogitata fuit & à perito artifice D. Thuret fabricata, Regis oculis in se convertit. Eclipses omnes quæ futuras, quæ præteritas nullo negotio in Noviluniis & Pleniluniis demonstrat. Alteram quoque Planetarum motibus explicandis juxta systema Copernicanum ab eodem auctore inventam non sine admiratione quadam est contemplatus: nam planetæ unius & ejusdem motus vi circa Solem circuitus suos absolvunt.

XVI. Hinc varios earum machinarum typos oculis lustravit Rex M. B. quibus graviora tolluntur pondera. Ex iis aliquot in navibus sunt usitatæ & ad utiliorem formam redactæ, cujusmodi est illa machina vulgo Cæbestan dicta, quæ ad Axem in peritrochio revocari potest: qua ratione illæ machinæ classibus quibus præfuerat, aptatæ essent, quæve arte fuissent fabricatæ exposuit, simul & docuit non raro id accidisse ut ejusmodi machinæ male constructæ homines interficerent.

XVII. Hydraulicas quoque machinas aquis sursum tollendis Rex M. B. conspicatus, de iis quæ ab Equite Morlant fuerunt excogitatæ, ac de aliis quæ ab Anglo nomine Gourdon inventæ fuerunt, quasque cæteris anteponebat, disseruit.

XVIII. Hinc varia machinarum genera subvehendis ponderibus accommodata contemplatus, & illam maxime à D. Perrault repertam, qua pondera libramine quodam sursum tolluntur; deinde illam quoque intento animo conspexit quæ tum temporis ab Architectis adhibebatur in construendo illius ædis concamerato fastigio, quæ Regis Christianissimi solita munificentia in usum militum qui in bello membrorum capti regis sumptibus aluntur, est exædificata, idque singulari studio Marchionis de Louvois cui publicæ hujus domus cura fuit à Rege demandata. Hæc machina est ejusmodi ut vis motrix longissime à pondere subvehendo applicetur.

Pontis quoque portatilis à D. Couplet excogitati formam Rex M. B. expendit: hujus pontis supra mentionem fecimus. Illius partem aut lignum miles

miles desert & in momento temporis figit, dum in fluvii ripa firmum sit solum aut saxum.

D.

Math.

XIX. Rex M. B. occasione data cum de machinis ab Equite D. Morland sermo haberetur, duas protulit argenteas laminas, fere ut duo numismata, quæ per multas ætates & quolibet anni die proposito, hebdomadae diem indicant, una juxta Julianum, altera juxta Gregorianum Calendarium. Sed ipsemet advertit posteriorem usui esse non posse, elapso hoc præsentis sæculo, quod illius diei qui exeunte sæculo subducendus est, habita ratio non fuerit. Idque D. Cassino præbuit occasionem de tabula ab eo constructa disserendi, quam in usum perpetuum Calendarii Gregoriani pertexit, hanc postea Regiæ Majestati obtulit.

XX. Cum Meridiana instaret hora, ad Turrin Occidentalem secundæ partis ædium itum est, in qua erat speculum ustorium ab industrio artifice D. Villette fabricatum, argentum in foco speculi in momento pene fufum est.

XXI. Instrumenta à D. Sedileau præparata Rex M. B. invisit, tumque altitudine Solis Meridiana explorata, ad eam portatilia sua horologia exegit; unum ex iis quiddam singulare habet, quo horæ & quadrantes horarum citra strepitum iterantur, ubi certo in loco digito premitur.

XXII. Libella qua D. Picard usus fuit in librandis Versaliæ locis considerata. Rex in planam fastigii superficiem descendit, ubi erant vasa quædam quadrata, quibus D. Sedileau ex mandato D. de Louvois jam ab aliquot annis pluvie decidentis, & illius quæ in vapores dissilatur quantitatem dimensus fuerat. Isque pluvie quæ abhinc biennio majore copia intra 24 horas decidit, 14 linearum altitudinem non superasse ostendit; vertente anno ad 17 aut 18 pollices sublatam, ac maximam quæ 24 horarum spatio exhalationem contigerit, ultra 2 aut 3 lineas non excurrisse.

In his colloquiis tantam Rex M. B. eruditionem & peritiam in magnarum rerum varietate ostendit, ut nos omnes qui tum adfuimus, admiratione simul & veneratione ob singularem ejus humanitatem & comitatem impleverit.

XXIII. Mense Decembri nova in Jove macula visa est, quæ per aliquot dies à D. Cassini fuit observata, ut & novæ fasciæ quæ in hoc planeta visæ sunt; postea observationes suas cum aliis ante 24 annos factis, cum Jupiter in Perihelio versaretur, contulit, ac phasæ satis consimiles apparuerunt. Verum ea de re redibit sermo. Die 10 Novembris Mercurius à P. le Comte visus est in Sole instar nigræ maculæ, intra tres horas cum semisse discum Solis peragravit.



SECTIO OCTAVA.

De iis quæ gesta sunt anno 1691.

AB iis ordiamur observationibus Physicis, quas miserunt Patres Societatis: nam ex sunt si quæ aliæ, speculatione dignæ.

CAPUT PRIMUM.

De Physicis Observationibus.

I. **P**atres Societatis ex Indiis Orientalibus suas observationes cum Physicis, tum Astronomicas miserunt quæ anno 1692 cum annotationibus P. Govie in lucem prodire & earum summarium in Acta Academiæ die 31 Junii ejusdem anni collatum. De his quæ ad Physicam spectant hoc loco dicendum.

Primum illud fuit observatum à P. Beze non omni ex parte verum esse quod vulgo creditum est, calorem actiorem esse in locis quæ lineæ Equinoctiali sunt viciniore; 2. liquorem in vulgaribus Thermometris cujusmodi à D. Hubin elaborantur, non ultra 78 gradum Siami æstate ascendere, & ad 52 usque gradum Hiberno tempore interdum deprimi. 3. Mensibus Martio, Aprili, Maio, Octobri, Novembri & Decembri acrior est æstus. Nam mensibus Junio, Julio, Augusto, & Septembri aer in imbrem solvitur. Aquilo tum fere dominatur, Augusto imprimis & Septembri qui assueta præsertim huic cælo corpora majori frigore afficit.

II. Malaca quæ duobus gradibus à linea distat, satis temperato fruitur cælo: idem pene calor & moderatus semper viget, adeo ut per 7 menses spiritus vini in Thermometro inter 60 & 70 gradus consistere visus fuerit. Illa temperies hinc oritur, quod unaquaque hebdomada semel aut bis largior imber decidat. Huic finitima Sumarra hanc vaporum copiam suppeditat: nam & imbres & procellæ ibi crebræ sunt. Unde & tempestates inter Tropicos frequentes quæ non diu sæviunt, sed cum ventis actioribus conjunctæ sunt. Circumjectæ Malacæ regiones amœnitate sua ac foli ubertate commendantur; omne genus fructuum proferunt qui bis in unoquoque anno renascuntur.

III. Bataviæ calor acrior est; isque circa Promontorium *Coromandel* & in finitimis regionibus arenosis urit fortius, præsertim Junio & Julio mensibus. Januario autem mense cum remissior est calor, qui Thermometro continetur liquor, ad 60 usque gradus ascendit, cum mense Junio ad 84 usque gradum clatus esset. Solum plane sterile foret, nisi anniversarij

imbrēs qui per 4 mēses decidunt, terris fertilitatem afferrent. Incolæ in- *Physi-*
gentia aquarum receptacula aut lacus effodiunt, ex quibus rivi ducuntur in *ca.*
subiectas terras, ubi præ siccitate quæ sex aut 7 mēribus durat, valde immi-
nuuntur. Unum ex iis receptaculis observarunt Patres Societatis, cuius am-
bitus tria passuum millia patebat; per sex horas referatis ostiis aqua singulis
diebus vicinas terras alluebat.

IV. Illud in universum statui potest, calorem in Indiis non supra mo-
dum molestum esse: præterquam enim assueti homines hunc facilius fe-
runt, ventus lenis continenter flat ab Aquilone, vel ab Austro. In iis regio-
nibus qui ab Æquinoctiali linea ad Boream deflectunt, Aquilo ab Octobri
mense ad Martii extremos usque dies spirat. Tum ab Aprili ad Septembrem
usque flat Austus; hinc motiones v. *les Moussons*, satis regulares recurrunt.
Unde pluviarum stata sunt tempora, nec tamen in diversis regionibus, iis-
dem plane temporibus decidunt. In Siamensi regno à mense Junio ad Oc-
tobrem continuantur: Bataviæ à Novembri ad Martium usque; extra hæc
tempora raræ sunt pluvix, nisi in Malaca.

V. Malacæ sereno cœlo & liquore in Thermometro ad 68 gradus sublato,
hydrargyrus ad 25 pollicum & 6 linearum altitudinem in Barometro suspen-
sus erat. Atque illud universim ab iis observatum fuit in maiore æstu hy-
drargyrum nonnihil deprimi, etiamsi eadem sit æbris serenitas. Multa alia
circa vim elasticam æbris in Barometro facta sunt experimenta, quæ in pu-
blicum sunt emissâ cura & studio Doctissimi viri P. Govie, Matheseos in
Collegio Ludovici Magni Professoris.

VI. Mitto varias observationes Physicarum mentio facta est in Actis
Academiæ, aut Miscellaneis quæ Gallico sermone anno infrequenti edita
sunt ab Abbate D. Galloys. Nam ea diligentia & perspicuitate sunt ex-
pressæ ut operam nostram minime desiderent. Huius generis etiam sunt quæ
D. Sedileau circa pluviam quæ unoquoque anno decidit quantitatem obser-
vavit. Eam Lutetiæ singulis prope annis ad 19 pollicum altitudinem effert
comperit. Intra 24 horarum spatium non ultra 12 aut 13 lineas visa est
ascendere.

Vertente anno ad 31 usque digitorum altitudinem in vapores diffusi so-
let; maior sit ejus resolutio in angustioribus vasis quam in amplioribus, cum
omnia sunt utrobique paria; maxima fuit exhalatio intra unius diei spatium
3 linearum cum sensisse, cum mense Junio calor esset acerrimus. Sereno &
gelido cœlo sesqui-linea fuit imminuta intra 24 horas: adeo ut tandem pene
omnis aut calore terræ & insensibili exhalatione diffletur.

VII. Hinc multa eruantur circa fontium originem & fluminum lapsus,
circa vaporum qui è mari effruntur & in pluviam concrescunt, copiam,
quæ in memoratis actis & in iis maxime quæ die 3 Maii anni 1693 data
sunt, copiosè explicantur. Qua Methodo, quave ratione usus fuerit D. Se-
dileau in iis omnibus explorandis, acta mensis Februarii anni 1692 dilucide
exponunt.

VIII. Cum aliquot ferræe rubiginis frusta Carnuti in cuiusdam turris
ruina reperta essent in Magnetem conversa, quæ ad D. de la Hire sunt
missa: circa vim magneticam ab ea rubigine contractam conjecturas suas

ANN. proposuit, quæ in lucem tum prodire. Multa quoque à P. P. Fontenay & 1691. Richaud circa declinationem Magnetis & ejus varietatem sunt observata. Ex quibus suspicari licet hanc ab universali causâ oriri, quæ cum analogia quadam ubique vim suam exereret, nisi causæ particulares intercederent: nam ab anno 1686. ad annum 1688 Lutetiæ & Siami aut potius in oppido *Louvo* eadem pene ratione est imminuta. D. Varignon suas de duritie conjecturas proposuit quæ in Actis anni 1692. continentur die 14. Februarii.

Res ipsa digna est, cujus mentionem hoc loco faciamus. Primum, Cartesio non assentitur, qui duritiem in quiete partium corporis sic positam esse putat, ut partes omnes sibi proximæ omnibus obstant, quæ separationem asserre conantur. Is vero contendit in quiete vim esse nullam, quâ motui resistat: vis enim quæque major & minor esse potest, quies autem non suscipit, ut loquuntur, magis aut minus.

2. Neque in eorum sententiam concedit, qui corporum duritiem ex pressione subtilis materiæ circumfusæ duci opinantur. Nam huic producendo effectui jam duritiem aliquam vel in corporis, vel in materiæ subtilis particulis inesse oporteret, idque ipsum est, quod quæritur: utcumque res ea sit

3. Nullam quidem esse in quiete vim, quâ motui resistat, sed tamen vi aliqua opus esse, quæ motum efficiat, & eo majori opus est, quo motus major est producendus.

4. Quamobrem illa resistentia quam in disrumpendo corpore & partibus illius à se invicem divellendis experimur, ex eo oriri potest, quod motus ipse, quæque omnia ad eum efficiendum sunt necessaria, ægrè producantur. Et quidem ex hypothese quod omnia plena sint, ut corpus aliquod dividatur, & partes illius à se mutuo separentur, necesse est ut aliæ simul & eodem tempore in earum locum succedant, ac subito rimis omnibus, & meatibus corporis, quod frangitur, sese accommodent. Quod fieri nequit nisi hæ novæ particule à vicinis sejungantur, & spatium relinquant aliis quæ earum impleant locum, idque ex omni parte, donec hiatus qui inter dividendi corporis partes efficitur, corporum quæ circumjacent magnitudini aptetur. Quamobrem corpus non dividitur, quin alia comolura simul divellantur, ac motus tam repentini fiant, ut partes eorum avulsæ in ipsos hiatus simul incurrant, quod vim exigit eo majorem, quâ plures partes sunt uno & eodem momento separandæ, ac motu tam præcipiti agitantæ.

Quocirca durities corporis in eo posita videtur, quod difficile sit tot divisiones simul efficere, ac tantum materiæ ad motum adeo subitum impellere. Atque eo durius est corpus, quo plures efficiendæ forent divisiones, & eodem tempore inter partes corporum quæ sunt circumjecta: crebriores autem futuræ sunt illæ divisiones, quò in minores partes ea corpora atteri necesse est, cum scilicet eorum pori sunt angustiores. Hinc adeo sequitur ea corpora esse duriora, quorum pori sunt austiores, ita ut si pori sint indefinite parvi, infinita quoque vi opus sit, quâ partes divelli à se invicem possint. Ac corpus quodque durissimum in vacuo facile frangere-tur, cum mille alia corpora in pleno sint dividenda.

D. Dodart gemmas, quales tum temporis sunt in arboribus, suis obductas *Physi-*
 involucris palam exhibuit, fructus quoque attulit, qui ex una parte mala me- *ca.*
 dica, ex altera erant mala aurea.

D. de la Hire quorundam fructuum qui florum expertes vulgo habentur,
 delineatas ostendit figuras, in quibus flores omnibus suis partibus instructi
 conspiciuntur.


CAPUT II.

De iis quæ ad Anatomiam & historiam Animalium spectant.

I. **C**irca historiam Animalium & Anatomem complura in Academia à
 D. D. du Verney & Mery sunt animadversa, eaque speculatione
 digna. Hic partes generationi destinatas in histrice fœmina, fibras cutanei
 musculi & aculeorum motrices novo examini subiecit.

Sic D. du Verney in structione eadem discussit organa quæ procreatio-
 ni serviunt, eaque delineavit D. de la Hire, structuram oculi, trochleæ
 & funiculi quæ velo subducendo ante corneam inserviunt, artificium osten-
 dit, quæve ratione glandula lachrymalis inferior liquorem suppediet ex-
 timis oculis partibus abluendis.

Hoc singulare naturæ artificium positum est in funiculo qui per trochleam
 ductus membranam illam seu interiorem oculi palpebram P, Q, instar veli



fenestris appensi aut distendit, aut adducit. Ea quidem membrana extensa
 est figuræ triangularis, ut complicata circuli segmentum exhibet: ejus basis
 vel origo interiori angulo oculi est finitima, in eo magni circuli margine,
 quem sclerotica tunica cum corneâ efficit, sita est, eaque tertiam & amplius
 ejus circuli portionem occupat, & prorsus immota manet.

Reliqua duo latera dextrorsum & sinistrorsum producuntur, idque sit
 ope musculi, cujus origo est in eodem margine scleroticæ posita, versus
 majorem oculi angulum. In ortu suo amplius est, tum sensim minuitur,
 dum in tendinem exilem & rotundum P S, abeat sub nervo optico: qui
 tendo pertusum alterius musculi tendinem subit: adeo ut hic tendo S per-

ANN. 1691. foratus trochleæ munus obeat, & obftet, ne alter major musculi tendo nervum opticum lædat, dum super eum incedit, isque inflexus posteriorem oculi partem decurrit, ac palpebræ interioris angulo inferitur.

Alter & major musculus, IQ, cujus tendo est perforatus ex scleroticæ itidem margine oritur, sed ex parte priori opposita versus minorem oculi angulum, qui posteriorem oculi partem decurrens alterius musculi tendini occurrit, eumque ut diximus, complectitur. Hujus majoris musculi usus in eo consistit, quod sui tendinis intervntu palpebram anteriorem distendat qui corneam tegat. Hujus actionem adjuvat alter musculus: cum enim magna per corneam tractio futura esset, opus fuit longiori musculo, qui totus in oculi globo collocari non potuit. Quare tam longi musculi actionem per duos mediocres suppletam oportuit, quorum alter inflexus majorem in angusto spatio longitudinem occuparet.

Illud quoque ab eo fuit observatum pisces ova sua non projicere nisi postquam facta est sexuum conjunctio, quæ in momento temporis efficitur. Ac simul id admonuit, glutinosum humorem quo ranarum ova inter se devinciuntur, in oviductu antea contentum fuisse, ac perparum hujus liquoris in aqua diffundi instar gummi Tragacanthi quo ova inter se agglutinentur.

II. Multa à D. Mery circa tres cordis ventriculos in testudine marina, & communicationem dextri cum sinistro sinu per foramen ovale animadvertit, unde pleraque deduxit circa usum ovalis foraminis in fœtu quæ in Miscellanea Academicæ anni 1692 mense Martio collata sunt. Hinc quoque varias misit conjecturas circa fœtus & testudinis respirationem, quæ inter peritissimos Anatomicos nonnullis disceptationibus iisque eruditis locum dedit, unde lux aliqua huic scientiæ afferri potest.

III. Die 1 Decembris D. D. Tournefort & Homberg ab Illustriss. D. de Pontchartrain selecti sunt, qui inter Academicos cooptarentur, ique ab Illustriss. Abbate D. Bignon sunt in consensum admissi.

IV. Sub finem anni 1690 infecta quæ mali aureæ ramis & foliis adhærent D. D. de la Hire & Sedileau observare cœperunt, quæque postea sunt diligentius persecuti. Primum maculæ nigræ visæ sunt, microscopio subiectæ viva animalcula pedibus & antennis instructa apparuere: sub finem Decembris jam quædam ex iis ad unius pene lineæ longitudinem excreverant. Ineunte vere multum aucta sunt & arbori per exilia quædam stamina sic agglutinata, ut vix avelli possent: squamosa erant, nec facile dignosci potuit qua parte alimenta sumerent, subrubrum quoddam punctum inter anteriores pedes, idque depressum videbatur, quod oris loco esse suspicatus est Dominus de la Hire: trium & amplius linearum longitudinem assecuta ineunte Junio ova excludere cœperunt quæ inter se erant connexa. Intra unius horæ spatium 12 fere ova emittebant. Postquam magnam ovorum multitudinem excluderunt hæc animalcula quæ v. *Cimices* appellant, paulatim tabescunt: squama durior facta hæc ova tegit, & ab injuriis aëris tuetur. Quo tempore coëant, vix exploratum haberi potest. Nam ab initio veris arbori per filamenta adhærescunt, adeo ut parva admodum coëre necesse sit. Horum diversos status & figuras in actis Academicæ mensis Januarii anni 1692 invenies.

CAPUT III.

De rebus Mathematicis.

I. **H**ic annus novis observationibus Astronomicis insignis fuit. Anno 1690 mense Decembri D. Cassini novas in Jove maculas & fascias conspexerat, quas brevi post tempore publico scripto descripsit. Unde hæ fasciæ & maculæ in Jove prodeant, quidve hæ phænomena cum iis quæ in terra cernimus habeant commune, quantum sivit subjecta materia adeo abstrusa, exposuit. Quod si, inquit, è cælo telluris orbem contueri liceret, Oceanus terræ circumfusus fere ut major illa australis fascia quæ globum Jovis integrum cingit; mare Mediterraneum, uti aliæ Jovis fasciæ interficæ, reliqua maria ut majores quædam maculæ, sed obscuræ viderentur. Insulæ speciem macularum, sed splendidiorum præ se ferrent, omnes eadem semper apparerent. Nives quibus maxime terræ partes interdum teguntur, splendidius quidem lumen, sed instabile regerent: æstus maris reciprocus & crebræ exundationes alias subinde maculas interim exhiberent, interim oculis subducerent: postremò nubes & vapores atmosphæræ nostræ fascias illas Jovis ac maculas fugaces & incertæ figuræ variis agilitas motibus utcumque adumbrarent.

Ac fortè omnes illæ mutationes quæ in Jovis globo cernuntur, singulis Jovis circa Solem revolutionibus, hoc est 12 annorum spatio, aut saltem certis temporibus periodi 8; annorum, quæ Jupiter eundem cum Sole situm & iisdem in Zodiaci punctis obtinet, eadem quoque mutationes recurrerent. Quemadmodum quæ in terra mutationes contingunt, certas habent revolutiones, quique è cælo terram conspiceret, easdem stasis temporibus reduces contueretur. Quæ forsitan conjecturæ temporum lapsu his phænomenis nonnihil lucis afferent.

II. Variæ ejus generis mutationes hujus anni decursu in Jove contigerunt quas summo studio observavit D. Cassini. E tribus fasciis quæ propior est centro ad Boream deflectens semper sui copiam fecit, non sine aliqua sui mutatione, Dux in illa maculæ à D. Cassino observatæ mense Octobri, eæque splendidiore; sub finem ejus mensis dux aliæ sibi mutuo oppositæ visæ sunt, quæ 9 horarum spatio & 51 minutis suas absoluebant periodos. Hæ fasciæ paulatim contracta est, cum dux hinc inde posite fuerint ampliores, quasi media fascia in alias se se effunderet & exundaret. Sub finem ejusdem mensis 7 aut 8 versus Austrum obscuræ & sibi proximæ fasciæ sub conspectum venerunt.

III. Quibus ex causis eæ fasciæ prodire potuerint, simul & alia in Jove phænomena, novas itidem maculas & earum revolutiones conjecit utis est persequutus, quæ pulchrè exponuntur in Actis mensis Januarii anni 1691, ubi earum figuræ apte sunt delineatæ: satis nobis fuerit ista leviter attingisse.

IV. Illud unum subiciam eo loco annotatum, ante annum 1690 novas in Jove visas non esse maculas. Tum vero Jupiter erat Perihelium, seu Soli

A N N. vicinus, & tamen oppositioni cum Sole proximus. In aliis hujus planetæ periheliis D. Cassini quasdam mutationes in fasciis deprehendit: sed hæ non erant tam variæ & multiplices quam quæ anno 1690 visæ sunt: forte id contingit quod Jove longius à Sole distito, quæ in ejus globo acciderunt, ea conspiciere non liceret, quemadmodum anno prædicto cum Jupiter esset Soli pene oppositus & simul perihelium. Expectanda est consimilis Jovis oppositio, si forte ead. n. macularum multitudo se prodar.

V. Majores in maculis quam in fasciis mutationes acciderunt. Quæ enim macula die 5 Decembris anni 1690 inter mediam & Australem fasciam apparuit, die 23 ejusdem mensis in tres divisa est. Quæ medio erat loco, periodum suam intra novem horas & 51 min. absolvebat; eædem maculæ & in eodem situ mensibus Januario & Februario se videndas præbuere. In hemisphærio altero nova adhuc macula inter duas fascias centro viciniores & obscuras prodiit, cujus revolutiones eodem temporis spatio 9 hor. & 51 min. peractæ. Eodem mense aliæ duæ prodire iis consimiles quæ die 1 Decembris, & iisdem in locis positæ, adeo ut easdem fuisse persuasum habuerit D. Cassini. Quatuor maculas initio rotundas, tum sensim in longum porrectas mense Februario conspexit anno 1692. Aliæ centro Jovis propiores visæ quarum motus erat celerior. Nam intra novem horas & 50 minuta revolutiones suas absolvebant; atque hæ posteriores maculæ in Equinoctialis Jovis sive erant, cum antiqua macula quæque anno 1690, & initio anni 1691 visa est, in parte illius Australi, ubi hiems sex annorum viget, cernerentur.

VI. Observationes Astronomicæ à P. P. Societatis in Orientalibus plagis magna diligentia factæ, & ad Academiam missæ, postea publici juris factæ sunt, quæ multa complectuntur ad Geographiæ institutionem, & navigationis scientiam perutilia. Quantum Chartæ Geographiæ etiam accuratiores à vero aberrent, liquet ex observationibus factis à P. P. Richaud, Noël, Camille, Beze. Nam tabulæ vulgares Indias & Sinense regnum quingentis leucis longius quàm par sit, ad Orientem promonent; Regnum d' *Ava* quod Gallia altero tanto majus est, in tabulis adeo est deformatum, ut vix agnosci possit. Unde & peculiarem illius Chartam rudem adhuc & nondum absolutam P. du Chaz delineavit, sed multo accuratorem, quàm quæ vulgo habentur: urbem *Syriam* Metropolim regni *Pegen* ad latitudinem 16 gr. collocat. *Ava* regni ejus nominis caput 300 leucis ab urbe *Syriam* distat, latit. 2 gr. in medio inter utramque urbem itinere est civitas *Prom* ejusdem magnitudinis cùm *Syriam*; propius *Ava* est *Bakan*, ubi aqua fluminis *Ava* per decem leucarum spatium vi lapidifica donatur, reliqua videri possunt in observationibus editis anno insequenti.

VII. Quæ à P. Martini anno 1654 & à P. Couplet ante sex annos sunt publicatæ Sinenfis imperii tabulæ, longè omnium quæ hætenus prodierant, sunt accuratissimæ: & tamen partem Orientalem hujus regni plus equo 150 nimirum leucis proferunt, ut ex satellitum Jovis eclipsibus in civitate *Hoaingam* à P. Noël factis colligitur.

Permultæ observationes hoc libro continentur, ex quibus locorum latitudines & longitudes sic eruuntur, ut Sinenfis Regio non mediocriter cognita & explorata videatur.

VIII. Ex occasione harum longitudinum D. Cassini in suis notis ad *Astro-* observations P. Noël, quò usque ab Incarnatione Salvatoris progressa fue- *nom.* rit Geographia, paucis exponit. Nam Strabo qui imperante Tiberio Geographiam scripsit, Indos Hispanis Antichthonas ponit. Maximus Tyrius Nerone imperante Sinenſi regno 225 gradus longitudinis tribuit : Ptolemæus ex iis 45 gradus detraxit ; recentiores adhuc 45 gradus è tabulis Ptolemæi subduxere.

IX. Multas quoque in hoc opere circa motus satellitum Jovis difficultates propositas, & à D. Cassini solutas, multa circa Siamensium æram, Calendarium, & Astronomiam ab eodem enodata invenies. Duo Cometæ ibi sunt observati ; prior anno 1686 mense Aug. in Siamensi regno ab Austro in Boream progressus Equatorem secans in 111 gradu Ascensionis rectæ, motu proprio ad Solem accedens tandem illius radiis immersus, conspectum fugit. Alter Malacæ & Pequini mense Decembri anni 1689 observatus motu priori contrario versus Austrum incedens, ineunte Januario videri desit : Duæ iridem ingentes maculæ circa Polum Antarcticum, præter duas albas velut nubeculas jampridem deprehensas. Nonnulla quoque circa lumen illud quod post Solis occasum, & ante illius ortum à D. Cassini observatum fuit, quodque Siam interduum tertia post Solis occasum hora sub oculos venit, ac pleraque alia scitu digna in eo libro continentur.

X. Neque illud prætereundum quod ad Astronomiæ illustrationem maxime pertinet, & à D. de la Hire mense Novembri hujus anni fuit diligenter observatum circa Veneris cum Sole conjunctionem, dum minimam haberet latitudinem. Id enim perraro contingit, & tamen vix certa Veneris cum Sole positio haberi satis accurata potest citra hujus generis observationes. Superiorum quidem Planetarum situs cum Soli opponuntur, facile consequimur ; sed inferiorum conjunctiones cum Sole vix haberi possunt. Anno 1631. Gassendus Mercurium in Sole conspexit, uti Keplerus anno 1621 ante monuerat ; Veneris conjunctionem quam eodem anno futuram promiserat, frustra expectavit. Horoccius Anglus die 24 Novembris anno 1639 paulo ante Solis occasum ex tabulis Rodolphinis Venerem in Sole conspexit. Cum autem Sol ad occasum vergeret, vix per semihoram observari potuit, neque adeo Veneris latitudinem & nodi locum accuratè hinc potuit deducere.

XI. Cum spes nulla esset Veneris in Sole ipso conspiciendæ, D. de la Hire tempus captavit, quo idem Planeta supra Solem positus cum eo conjunctus foret. Quod adhuc tentatum non fuerat, neque id assequi potuisset nisi loco pinnularum Dioptræ quadrantis circuli, tubum opticum, uti jam ab ipsa Academiæ origine usurpatum fuit, aptasset. Hac enim ratione stellæ etiam de die observantur, D. de la Hire fixas jam ab anno 1681 etiam in ipsa Meridie conspexit.

Ea quidem methodo conjunctio Veneris cum Sole ex illius altitudine Meridiana sæpe ab eo fuit observata, sed cum major esset illius latitudo, non omnis erroris aberat suspicio. Mense demum Novembri cum minima esset ejus latitudo, & prope esset ut Soli jungeretur, magno studio verum conjunctionis tempus & veram latitudinem tandem est assecutus. Obser-

AN. vationes ab eo factæ in Actis mensis Februarii anni 1692 sunt consignatæ:
 1691. Ex quibus veram conjunctionem Veneris & Solis die 15 Novembris col-
 ligit, ac nodus illius seu intersectio orbitæ Veneris cum Ecliptica tum fuit
 in 13 gradu 19 min. Sagittarii, minùs 52 min. quàm in tabulis Rodolphinis
 assignatur.

XII. Die 9 Junii D. Cassini hæc in Jove post conjunctionem cum
 Sole observavit, ellipticæ figuræ visus fuit: ita ut major ejus diameter
 ab Oriente in Occidentem porrecta alteram superaret parte circiter deci-
 ma quinta, 1. Quod maculæ prope centrum positæ citius revolutiones suas
 absolvere vise sint, quod Joviter prope Perigæum citius uno minuto quàm
 prope Apogæum revolutionem circa centrum conficeret, cum antea diffe-
 rentia aliquot tantum minut. sec. apparuisset: alia nonnulla animadvertit
 circa Lunam & stellas fixas. Medium Lunæ motum à Veteribus definitum
 cum suis observationibus, uti & latitudinem Spicæ Virginis & quarundam
 aliarum apprimè convenire.

Paulò longiores fuimus in his quæ ad Astronomiam spectant, breviores
 in aliis futuri.

XIII. Problemata quædam Mechanica & nova D. Varignon propo-
 suit. Die 14 Martii structuram machinæ cujusdam exposuit, in qua æquil-
 ibrium inter duo pondera quancumque inter se habeant rationem, fieri
 nequit. Ex hujus machinæ constructione & demonstratione aliud deducit pa-
 radoxum, duo pondera quæ in se se mutuò agunt, sic disponi posse, ut
 unum ascendat altero non descendente. Machinæ delineatio cum demon-
 stratione conjuncta in Commentariis Academiæ asservatur: uti & aliud pro-
 blema Geometricum & Opticum quod est ejusmodi: Oculo dato & ædis
 alicujus fronte, seu directione quavis data, in ea fronte locum invenire in
 quo quævis magnitudo æqualis apparebit cuivis alteri magnitudini minori
 in eadem fronte aut directione ad libitum sumpta.

Sub idem tempus D. d'Alème excogitatam à se machinam aquis attollen-
 dis & magnis ponderibus subvehendis proposuit.

XIV. Quædam alia tum Geometrica, tum Mechanica demonstrarunt
 D. D. de la Hire & Varignon, atque ille quasdam hydraulicas Heronis
 machinas confusæ admodum à Commandino delineatas restituit. Novam ex-
 trahendæ radices quadratæ in majoribus numeris & faciliorem methodum
 exposuit; multa demum observavit circa aquæ ascensum in tubulis vitreis
 quibus charta bibula imponitur, eo, ut videtur, consilio, ut succi nutritii
 in arboribus ascensum explicaret.

XV. Die 30 Junii demonstrationem suam circa liquorum æquilibrium
 exponere incæpit D. Varignon, quam postea est persecutus. Hæc adeo visa
 est digna quæ Actis Academiæ mensis Januarii anno 1692 editis insereretur.
 Theorema jam à multis annis propositum & variis experimentis comproba-
 tum est ejusmodi. Si duo sint tubi æqualis altitudinis & ejusdem basis, quorum
 alter cylindricæ, alter conicæ pene sit figuræ, in basi nempe latior quàm in
 summo, iique aqua repleantur, ac tubus cylindricus ex. gr. 200. aquæ libras,
 conicus 20 tantum capiat: hic tantum ponderis, quantum est in priori sustine-
 bit, quandiu aqua manet liquida, Nam ubi in glaciem concreverit, tum quæ
 majore tubo continetur, longè majus sustinebit pondus.

De re ipsa constat, sed de hujus effectus ratione non inter omnes convenit. Sunt qui eam causam afferant, quod aqua in utroque tubo fundum vasis ex æquo premat: alii tibi in apicem desinentis latera partem ponderis ferre opinantur. Horum sententiæ accedit D. Varignon, & nova quadam via hoc theorema demonstrat. *Astro- nom.*

Post ejus anni inducias D. Cassini quam mente conceperat continuandæ lineæ Meridianæ rationem proposuit, simul & in variis regionibus observatas longitudes quæ Geographiæ & navigandi arti promovendæ admodum utiles judicantur, exposuit. Animadversiones quoque suas in tabulas Geographicas emendatas legit, simul qua ratione ad praxim vel usum hæ redigantur, ostendit.

D. de la Hire Tractatum legit Emanuelis Moschopuli quem è Græco in Latinum vertit: de quadratis magicis inscribitur. Die 24 Novemb. D. Varignon ostendit qua ratione fiat ut qui in orbem currunt, corpus introsum inclinent, & eò magis quò levius aguntur: ex quo firma obequitandi ratio eruitur.





R E G I Æ
SCIENTIARUM ACADEMIÆ
HISTORIA.
LIBER QUARTUS.



NNO superiore, mense Aug. Franciscus Michaël le Tellier Marchio de Louvois Regi ab intimis Consiliis & Secretioribus mandatis, atque ejus in rebus bellicis fidissimus Administer, morte non immatura modo & præcipiti, sed & Galliæ luctuosa abreptus gravi nos & acerbo dolore percussit. Is cum meritorum suorum magnitudine, tum Regis æquissimi judicio collocatus in altissimo dignitatis gradu fuerat. Cum autem fortissimi animi vir esset, maximi laboris, & judicii acerrimi, si quid in re bellica deliberandum erat, in ejus consiliis multum, si quid perficiendum, in ejus vigilantia plurimum Rex Sapientissimus ponebat. Huic multiplici nomine obstricta est Academia, quam autoritate sua & præsidio semper tutatus est, etiam sæviente bello, quo nullum à condita Monarchia majus commemorari potest, nec majori virtute gestum.

Tanti viri desiderium paucis post mensibus non mediocriter leniit nuntius ad nos ex publico rumore perlatus, virum illustrissimum Ludovicum Phelypeaux D. de Pontchartrain Regi item ab intimis Consiliis & Secretioribus mandatis, ac generalem ærarii moderatorem in suam clientelam accepisse Academiam. Hinc enim certa spes fuit, fore ut non deesset honestis artibus summi viri patrocinium. Et certè difficillimis temporibus, cum omnes pene Europæ Principes conjuratione factà extrema quæque Galliæ minarentur, quantà valet apud Regem gratiâ juvare Academicos non destitit. In quo quidem Academia benevolum in se animum perillusttris Abbatis Bignonii, atque egregiam in litteras & litteratos voluntatem, quasi hereditario jure à majoribus acceptam non semel experta est. Jam enim anno superiore ab illustrissimo avunculo designatus, qui huic Eruditorum cætui præflect, eorum unumquemque comitate sua sic sibi devinxit, & benignitate sic accen-

dit, ut sub ejus oculis Academia multò majores, quàm antea progressus fecerit. Id sane singulari studio & auctoritate apud avunculum est consecutus, ut in tanto bellorum tumultu nemo ex Academicis expertus id fuerit, quod queritur Tullius litterarum studiosis usuvenire: *Omnia*, inquit, *nobis studia de manibus excutiantur, simul atque aliquis motus novus bellicum canere caput.* Sed ne in beneficentissimi viri laudes excurram, neve ingenii lumen, vim prudentiæ, doctrinam, eloquentiam, cæteraque animi ornamenta commemorem, modestia ejus facit, & stylo quasi manum injicit. E lemita igitur in viam redeamus.



S E C T I O P R I M A.

De Actis anno 1692.

Q Uæ ad historiam animalium & anatomen spectant, simul & Botanica, Chymica, Physicæ demum generalis varia theorematata non minori studio quàm annis superioribus profecuta est Academia, idque maxime postquam in locum eorum qui ex hac vita decesserant illustriss. D. de Pontchartrain novos Academicos in his disciplinis admodum exercitatos suffecit. Cum autem illud optaret, ut unoquoque mense, quæ forte quadam occurrunt, aut recens sunt inventa, vel ex usu publico excogitata promulgarentur, hanc provinciam clariss. Abbas D. Galloys suscepit, qui omnium primus in Gallia Eruditorum Ephemerides delectu, brevitate & elegantia omnibus nota per complures annos confecerat.

Cum igitur præter ulitatos Academiæ labores, tum in Physicis, tum in Mathematicis disciplinis, quæ majoris sunt momenti, & Eruditorum animos magis ad se convertunt, in acta publica relata fuerint, nihil est causæ cur in iis referendis tempus teramus, summa tantùm rerum capita decurremus. Hoc itaque faciendum.

C A P U T P R I M U M.

De Rebus Anatomicis.

I. S Upetiore anno die 29 Decembris D. du Verney de bilis & succi pancreatici ductibus scriptum legit, quod mensis Februarii anni 1692 Actis publicis insertum fuit: hujus fere ea est summa. Quinque hystrices à se dissectos in Academia fuisse, in his omnibus observasse ductum biliarium non in duodenum intestinum, sed in ventriculum ipsum desinere, uti in uno & in altero struthione. Istuc verò omnibus struthionibus commune est, ut cysti fellea cateant, & duplici ductu hepatico donentur. Ma-

ANN. 1692. *por ex ils juxta pylorum intestino sic inferitur, ut extremum illius versus pylorum dirigatur. Ex quo illud videtur consequens bilem non merum esse excrementum, sed eam digestionem plerumque inservire. Illud etiam ex iis observationibus suspicari licet, ventriculi fermentum non esse succum omni ex parte acidum, sed illud sæpe ex acri & amaro esse temperatum. Nam amara quæque coctionem ventriculi juvant: unde in his animalibus quæ facilius cibos digerunt, bilis in ventriculum effusa in alimenta ventriculo contenta vim suam exacuit.*

II. In hystrice quoque id animadvertit, Pancreatis ductum in jejunum intestinum desinere sesqui-pedis & amplius à pyloro intervallo; longius in structione à pyloro removeretur; adeo ut vix duo illi liquores simul permisceri possint, neque adeo id necesse sit, ut unâ conjuncti in chylum vires suas exerant, tametsi in homine & in plerisque animantibus conjunguntur.

Tum temporis D. Mery brevem dissertationem de circuitu sanguinis in fœtu legit, cujus facta est mentio in Actis 31 Martii.

III. Idem die 6. Februarii Pelicani pellem coram exhibuit cellulis ubique respersam, quæque anno 1686 jam ab eo fuerant animadversa, comprobavit. Illud imprimis, aëra per tracheam immissum omnes cutis implere cellulas; structuram pellis & membranæ in qua plumulæ in hexagona dispositæ radices habent, accuratè descripsit, & alia bene multa quæ in commentarios collata sunt, & anno 1693 actis publicis inserta.

Avis illa est Onacrotalos Plinii, sic dicta, quod asinum rudem voce sua imitetur; ab aliis Pelicanus appellatur. Huic Onacrotali notæ omnes à Plinio assignatæ conveniunt, sacculus imprimis amplus sub gutture, quod piscibus vescatur. Insignis quoque illius est moles, quinque pedum longitudo, volatus ipse, seu distantia inter extrema alarum expansarum ad undecim usque pedes patebat.

Rostri structura præter cæteras partes corporis erat spectabilis: pars ejus superior à radice sua ad extremum usque plana erat & æquabiliter lata, inferioris rostri limbus uterque acutus & secans. Sed rostri & subjecti sacculi conformatio ex ipsa descriptione petenda est. Ista enim ut reliqua pene omnia, figuræ ipsæ & series rerum oculis & animo subjiciunt. Illud peculiare in Pelicano, quod escam pullis in sacco asservatam præbeat, non ut aliæ aves, quæ ex præda vivunt, quæque pullis suis alimoniam vel rostro, vel unguibus allatam subministrant.

Structura pellis, cellularum dispositio, & comæatus aëris in cellulas, in Actis Academiæ mensis Decembris anni 1693 accuratè sunt descripta. In his copiosè & distinctè exponuntur quæ à D. Mery sunt observata anno 1692 circa plumarum radices, & fibras earum motrices in formam hexagonam sic dispositas, ut in centro tubus ipse aut calami basis collocetur, ac fibræ ipsæ in membranam sub pelle positam desinant, atque omnes cellulæ hexagonæ per foraminula in membranis conspicua inter se communicent, adeo ut hi parvi muscoli seu fibræ in varias partes pellem ipsam insectant. Cum autem molles plumulæ in ea membrana quæ inter pellem & eos musculos est interjecta, seu in ipsa pelle

suas habeant fibrillas motrices, ab iis quoque pellem moveri satis est verisimile. Ana-
tom.

Jam anno 1686 D. Meri pellis cellulas aëre oppletas repererat inter dissecandum, fere ut caro bubula vento inflari solet, sed quo itinere aër in eas cellulas se se insinuet, nondum adverterat.

Id verò anno 1692 hac arte detexit. Primum asperâ arteriâ vento inflatâ sacculos membranofos pectoris & abdominis, tum pellis cellulas implevit aër, ita ut à pulmonibus in saccos, hinc in cellulas commearer. Subducto majori musculo pectoris membranulam foraminulis pertusam prope axillas deprehendit, cui aptatus est calamus, & aër perfusus: tum verò sacculi pectoris & abdominis impleti sunt. Fieri potest ut aër aliis quoque viis in eas cellulas commigret, idque fieri in expiratione ipsa verisimillimum putat D. Mery. Nam in ipsa inspiratione dilatato pectore tantum subit aëris, quantum pectus capere potest, nec tum temporis in vesículas pellis commeat, sed expiratione pars aëris in sacculos abdominis, pars altera per vesicularum membranam sub axillâ positam, spongiosam subit membranam quæ corporis musculos involvit, atque inde in pellis cellulas per foraminula membranæ, in quam fibræ plumarum desinunt, quæque inter pellem & spongiosam membranam est interposita; ac demum ex una cellula hexagona in aliam commeat; cum cellularum membranulæ liberum aëri præbeant aditum: ingressu aëris Pelicani volumen sic ampliatur, ut teste Culmanno apud Gesnerum eò usque in sublime feratur, ut instar hirundinis appareat.

I V. D. Charas in Medicina & Chymia clarus, atque ex operibus editis, ex Pharmacopea imprimis notissimus, inter Academicos cooptatus ab illustriss. viro D. de Pontchartrain. Paucis post diebus, nempe 26 Aprilis novam corticis Peruviani parandi rationem proposuit, quæ & usu facilior, & tutior curandis febribus intermittentibus à plerisque judicatur. Cumque mense Augusto ejusdem anni Tertianâ laborarem, hujus periculum feci, & bene processit. Hoc remedium mense Maio in Acta Academiæ relatum publici juris factum est. Cum hæc relegerem, anno 1698, Vir de Arte Medica optime meritis ad plures abiit.

V. Mensibus Julio & Augusto circa viperarum anatomen D. D. du Verney, Mery & Charas laborarunt. Quamplures dissecuerunt, ovaria, oviductus, partes nutritioni & generationi destinatas, structuram dentium & glandularum, musculum quoque qui succum flavum advehit, intento animo indagarunt. Succum in promptuario quodam asservari, per inferiorem dentis partem & apicem propelli, foramen inferius osculo quodam occludi, illius vi quasi Syphone aut Syringe protrudi per dentem, qui à natura pertusus est, existimant.

VI. Ex duabus columbis unam vipera momordit, altera sub ala scalpello vulnerata est, tum succo flavo inuncta: utraque intra 2 horarum spatium extincta est.

D. Mery capitis & ossium structuram, succi flavi promptuarium & scripto legit, simul musculorum, qui ad reptationem & progressivum motum sunt comparati, fabricam demonstravit.

ANN. Pici vulgo *un Pivert* linguam & admirabilem illius structuram D. du
1692. Verney subjecit oculis : in Mechanicam linguæ structuram D. D. de la
Hire & Mery intenderunt animum, de qua postea.

Ineunte Augusto mense D. Sedileau papilionem exhibuit cujus autelia
post exiguum admodum foramen exierat.

D. du Verney ductus salivalis insertionem in viperæ dentem, oculi
quoque structuram coram exhibuit. Tum varia facta sunt experimenta cir-
ca viperarum morsus, si fortè ex iis liquere posset in quo positum sit ejus
venenum. 1. Duæ viperæ ab aliis irritatis sunt vulneratæ : Sed hæ postri-
die bellè se habuerunt. Rana viperæ morsu vulnerata nocte insequenti mor-
tua est. Felis post biduum extinctus, non item canis in ventre à vipera
læsus; sed canis alter, cujus linguæ viperæ dentes impresserant, postridie
mortuus est. Succus flavus vulnere canis in femore inflicto affusus post se-
mi-horam eum necavit. Vulnus 4 aut 5 lineis patibat, idque admodum
lividum apparuit, ac livor ille in carnes ad duos usque pollices porrectus
videbatur. Sanguis in corde & in vasis ex parte fluidus erat, & ex parte
concretus.

VII. Die 3 Septembris idem experimentum iteratum fuit in duobus
canibus, in fele & duabus columbis. Hæ quidem eodem die mortuæ sunt;
postridie unus è canibus adhuc spirabat, qui vulnus lingua lambebat, al-
ter mortuus est : Felis postero die extinctus fuit.

CAPUT II.

De Physicis & Chymicis operationibus.

I. Neunte hoc anno D. Homberg varia circa Phosphorum experimen-
ta fecit. Illius præparationem exposuit, quam ab Inventore ipso Kun-
kelio acceperat, quæque in Acta Academiæ mensis Aprilis relata est & di-
lucide explicata.

Ubi illius originem à quodam Chymico Germano nomine Brand;
repetit, qui sibi persuaserat lapidis Philosophorum arcanum in urina
delitescere. Is magnam vitæ suæ partem in laboribus circa urinam irritis
exegit, ac tandem anno 1669 post acriorem urinæ distillationem in exci-
pulo materiam lucentem invenit; cui postea Phosphori nomen inditum est.
Hunc Kunkelio Electoris Saxonæ Chymico ostendit, sed nemini aperuit
illius præparationem. Post ejus obitum Kunkelius, qui noverat hunc Chy-
mistam in urinæ distillationem potissimum incubuisse, in eâ quærendum esse
Phosphorum non dubitavit, ac tandem arcanum ipsum invenit, neque arcani
hujus tenax fuit, sed cum amicis illud communicavit.

II. Processus summa hæc est : Urina recens leni igni admoveatur, donec
in nigram materiam penè exsiccata abeat, in cellâ vinariâ per tres aut
quatuor menses putrescat; ex eâ fume duas libras, quæ cum 4 libris are-
nularum aut boli accurate misceantur; retortæ optimæ, & bene lutatæ im-
ponantur,

ponantur, præmissis aquæ communis duabus aut tribus libris in excipulo, *Chy-* cuius collum sit oblongius, nudo igni admove retortam. Ignis per duas *mica,* horas lenior, paulatim auctus per tres horas vehemens adhibeatur, tum phlegmatis parum, deinde sal volatilis, postea oleum nigrum & fixidum stillabit, ac tandem Phosphori materia specie nubis candidæ prodibit, quæ parietibus recipientis instar pelliculæ adhærescet, aut ad imum recipientis instar arenulæ decidet, tum igne ultro extincto, excipulus postquam refrigit à retortâ sejungatur, non antea, ne Phosphorus subeunte aëre flammam concipiat.

Quo autem granula in massam coeant, hæc cylindro è ferro albo, seu typo injecta, & aquâ perfusa admoto calore instar ceræ liquantur. Tum affusâ frigidâ Phosphorus concrevit coloris flavi instar ceræ. Eiusmodi virga in frustula secta, inta phialam bene occlusam superfusâ aquâ conditur, ut aëri externo non pateat aditus: tum enim in multos annos servari poterit.

Id consulto monuimus recenti urinâ utendum non fermentatâ. Nam præ diuturnâ fermentatione partes volatiles à fixioribus secretæ ignis ardoribus cito exhalant. Phosphorus autem materia constat omnino volatili: sed ubi urina paulatim exhalavit ante fermentationem, parum spiritus urinosi, & pars major phlegmatis abir in vapores, reliqua volatilia, sal, oleum, & Phosphori materia manent, dum maioris ignis vi separentur: ob eam rationem in crypta nigra illa materia per aliquot menses exhalato phlegmate fermentescit.

Cavendum imprimis est ne utina dum levi caloris igne exhalat, extra vas effundatur, secus non bene procedet operatio: nam pars urinæ pinguior, cum eadem sit levior, in summo extat, dum ebullit, eaque imprimis fervanda est. Nam Phosphorus est pars urinæ pinguis & volatilis terræ valde inflammabili alte insita, atque ut aiunt concentrata.

Nigrior materia cum altero tanto sabuli aut boli permiscetur, ne liquetur in summis ardoribus, quod utique accideret propter sales quibus abundat: fusâ autem materia nihil ex eâ volatile extrahi posset. Eandem ob rationem spiritus nitri aut salis additione boli extrahitur, sic enim fusio inhibetur.

In retortâ autem non fictili, quæ nimis porosa est, sed è silicis pulvere, vulgo *Degrez* fit distillatio, quod testa nimis pervia Phosphori materiæ præberet exitum, neque stillaret in excipulum. Amplum vero illum, & diligenter lutatum esse necesse est, secus confringitur, aut spiritus erumpet. Collum ejus longius esse debet, ut procul sit à furnulo dissitus, secus præ nimio calore fumus ille albus in quo consistit Phosphorus, non concreveret, unde linteis madidis retorta identidem obducitur. Aqua etiam excipuli fundo apponitur, ut granula Phosphori extingnat; igne leniori nigra materia paulatim fuit exsiccata, ne in spumam abiret quæ per retortæ rostrum laberetur.

III. In Actis mensis Decembris varia Phosphori genera distinguit D. Homberg. Primum eorum est qui diu noctuque lucent, sive in sicca, sive in liquidâ sint formâ, iique omnes ex urinâ aut sanguine humano procedunt, variis additamentis fucati.

ANN. 1692. Alii sunt Phosphori, qui ut luceant, diurno lumini exponuntur, seu calidus sit aer, seu frigidus. Hujus generis est lapis Bononiensis, qui solâ calcinatione eam vim adipiscitur, & per aliquot annos hanc tuetur. In eundem censum venit Phosphorus Balduini, cujus præparatio est operosior, ex terrâ quæ in Saxoniâ tantum reperitur, & spiritu quodam acido paratur.

Primi generis Phosphori ex urina aut sanguine humano, quæ ubique videntur occurrere, parantur. Sed tamen in locis tantummodo, in quibus homines cerevisiâ uruntur, bene succedit illa Phosphori præparatio, quod forte vinum nimis spirituosum, nec satis materiæ illius crassioris, quæ gummi refert, suppedit; aut forsitan spiritui vini cum Phosphoro minus convenit, & præcipuum ejus effectum nempe inflammationem inhibet, cum inter duo lintea spiritu vini madida conteritur. Quin etiam lumine suo privatur ubi diutius in spiritu vini asservatur. Et quidem occultus ille particularum ætheris motus sulphur Phosphori inflamat de die, etiam cælo nebuloso, cum nulli se produnt radii.

Aliud Phosphori genus invenit D. Homberg paratu facilis, unam salis Armoniaci partem cum duabus calcis vivæ in aëre extinctæ accurate misceat, crucibulo ad ignem mediocrem mistura imponitur; ubi crucibulum rubere cœperit, tum misturæ fusio incipiet, sed cum eâ in catino attollitur & intumescit, virgâ ferreâ subinde agitari debet, ne effundatur; statim atque fusa fuerit hæc materia in pulvim cupream effusa & refrigerata cinerei est coloris, & quasi vitrescens ferro aut alio duro corpore percussa statim lumen emitit. Cum autem hæc materia sit admodum fragilis, neque adeo experimentum sæpius iterari possit, optimum fuerit crucibulo virgulas ferri aut cupri imponere, quæ hac materia quasi vitro, aut encausto obducuntur, eæque virgæ percussæ, eundem præbent effectum.

IV. Casu quodam fortuito hunc Phosphorum reperit D. Homberg. Huic illud erat propositum ut salem ammoniacum per calcem vivam calcinaret, quò salem fixum & fusilem instar ceræ efficeret, quod ita evenit cum unâ funderentur. Primum illud est demiratus. Sed major fuit ejus admiratio cum terendo hanc materiam fusam, vidit pistillum unoquoque ictu lumen vibrare. Encaustum illud, vulgo *F-mail*, quod virgis ferreis adhæret, in aëre humido, quemadmodum plerique sales fusi, facile liquefit; unde virgæ ferreæ in aëre calido & sicco chartâ involuta diu servantur. Sed de hoc Phosphoro redibit sermo.

V. Phænomena hujus ignis, & singulares effectus in Aëtis mense Junio publicatis breviter exponuntur.

Summa est, hujus ignis longè diversam à vulgari esse naturam: nam ea consumit, quæ alia corpora inflammata non invadunt, atque iis parcit, quæ ab aliis incenduntur. Quæ alios ignes extinguunt, hunc accendunt, & vicissim; fortius adurit quàm ligni flamma, subtilior quàm spiritus vini accensus.

Caro Phosphoro combusta flavescit, & excavata indurefcit instar cornu ex candentis ferri contactu adusti: sæpe ampullæ non attolluntur. Quod si loco ambusto unguentum adhibeatur, crusta intra bidui spatium indu-

citur. Exiis Phosphori flammam ignis vulgaris flamma acriorem esse colligi potest. Chymica.

Hujus flammæ motus ubi Phosphorum absumit, adeo est concitatus, ut per se materiam concipiendo igni admodum idoneam non accendat. Sic granum phosphori charta conclusi attritum incenditur charta illaesa, cui tantummodo coloris atrii vestigium inurit. Quod si frustulum chartæ aut lintei spiritui vini, aut aquæ vini ardenti immerferis, & extremo alteri phosphorum impositum conteras, tum spiritus vini accendetur, tametsi phosphorum non tangit, & charta ipsa flammam concipit. Non idem eveniet, si chartæ aut lintei extremum oleo terebinthinæ immergatur. At si intra linteum spiritu vini imbutum phosphorus obteratur, is flammam non concipiet, quandiu aliquid spiritus vini superfuerit; cum is penitus exhalaverit, tum ægre incendetur, ac citius multo in linteo aqua madido quàm si vini spiritu imbuatur; adeo ut illi cum vini spiritu minùs conveniat, cum in aqua communi diu conservetur, neque ea obstat, quominus vim suam exerat.

VI. Illud quoque est observatione dignum, phosphoro unà cum aqua per duas aut tres hebdomadas permisto, & postea in phialam vitream transfuso, ubi phiala concussa fuerit, aquam scintillas luminis vibrare. Idem continget, ubi per duas aut tres horas phosphorus unà cum aqua in digestionem positus fuerit: non ita eveniet, si cum spiritu vini permistus fuerit. Et tamen si in eum vini spiritum aliquot aquæ guttæ conjiciantur, illæ lumen instar fulguris & momentaneum emittent.

VII. In Acta mensis Decembris ejusdem anni relata quoque sunt quædam experimenta circa lacrymæ vitreæ contractionem, quæ iteravit in novâ sua machina D. Homberg & quasdam circumstantias animadvertit, antea nondum observatas. In priori quidem machina lachrymam disrupto caudæ extremo majori impetu frangi exhausto aëre, quàm in libero aëre compererat, in novâ suâ machinâ non id solum evenit, sed etiam observatum ab eo fuit multo minutius teri illius vitri fragmenta, imo & nonnihil luminis in fractione ipsa vibrare expertus est.

In causas horum effectuum inquirens, rem ipsam ab altiori repetit principio. Cum Auctores diversas hujus fractionis rationes afferant, quarum aliæ aliis penitus adversantur, hinc palam est rem ipsam magnâ obscuritate esse involutam. Sunt qui causam hujus effectus in ipsum aëra inclusum in lacryma, & valdè coactum referant, qui disruptâ caudâ cum impetu erumpit, & in arctos caudæ meatus simul impingens, ipsius latera divellit eamque in pulverem vi suâ elasticâ comminuit.

Alii è contra perparum aëris, & minus coacti in lacrymâ inesse opinantur, adeo ut ruptâ lacrymæ caudâ externus aër per patentis meatus irrumpat & in pulverem eam redigat.

Recentiores hunc effectum subtili materiæ referunt acceptum. Nam hujus particule per apertos meatus caudæ disruptæ turnatim subeuntes continuo itinere in arctiores poros offendunt, ubi nimium arctatæ viam sibi sterunt.

Et quidem primæ opinionis auctores non satis videntur attendere ad eum

A N N. 1691. quo parantur ejusmodi lacrymę modum : cum guttę vitri fusi in aquam conjectę partes ejus exteriores primum indurantur , dum interiores adhuc cendant , & paulatim refrigerantur : tum enim perparum aëris intus inclusi adeo non comprimitur , ut is maxime rarefcat præ calore , nec ille possit lacrymę parietes foras tanta vi protrudere.

Nec secundę sententię cum experimentis in vacuo factis convenit : cum enim exinanito aëre comminuitur lacryma , id fieri non potest ex incurfu repentino externi aëris cujus non est tanta vis ; nec demum quę ex materiā subtili affertur ratio cum eodem experimento consentit : nam si hæc materia vitrum recipientis penetravit citra ullam fractionem , cur lacrymam infractam non pervadet ? Nec minus arctatos in recipiente poros , quàm in lacrymā offendit subtilis illa substantia.

VIII. Rationem itaque aliam ipsi experientię magis consentaneam videtur afferre D. Homberg. Lacrymam vitream laminę calyce non dissimilem putat : utraque enim eodem fere modo in aquā est temperata ; ambę recoctę in igne acceptam temperaturam amittunt , & omni elatere exuuntur. Ensis benę temperatus ad eertum usque punctum incurvatur , tum partes quęque suum recipiunt situm : sed plus satis inflexus in frustra confringitur , & partes reliquę à se invicem divulsę foris & intus pressę ad pristinum situm cum impetu redeunt , sed ex mutuo collisu sæpe in plura abeunt fragmenta.

Non dissimili ratione in lacrymis fit partium fractio caudā disruptā. Nam magna vi cauda flectitur & frangitur , partes reliquę cum magnā celeritate sese restitunt & collidunt se invicem ; eumque vitri materia sit fragilior quàm chalybis , in multo plura frustula comminuitur quàm chalybs.

Ensis recoctus emollitur , frangitur quidem ubi nimium incurvatur , sed alię partes ensis à se mutuo non divelluntur , non enim in situm pristinum restituuntur. Idem evenit in lacrymis ubi recoctę fuerunt.

Sed cur lacrymę majori vi comminuantur in vacuo , quam in libero aëre ; ratio minime obscura est : Nam ubi aër non fuit exhaustus , vitri fragmenta impressione facta in aëra resistentem minori impetu concutuntur , & magnā ex parte vis illa retunditur , cum exhausto aëre majori vi in recipiens impingant , illudque iterum frangant , quod nihil iis obstat.

IX. Die 9 Februarii perillustri Abbas D. de Louvois truncum unā cum radice palmę ex Africa allatum , & in lapidem conversum afferri iussit. Neque id dubium esse potest , quin ea sit vera & genuina conversio ; uti D. de la Hire scripto in Acta publica postea relato demonstravit. Nam duo sunt ejusdem trunci frusta quę cum aliis itidem duobus hujus arboris collata consimilem partium & fibrarum structuram oculis ipsis subjiciunt. Nec minor est horum silicium durities quàm marmoris : sono ipso & gravitate (nam decies graviores sunt eadem mole ligni) lapideam naturam produnt. Alterum ex his fragmentis duos pedes longum & quinque digitos latum portio erat trunci suo cortice nudati. Fibre omnes in longum productę , intus cavę , parenchyma ipsum , seu pars carnea inter eas fibras interjecta instar glutinis firmissimi induruit. Quod autem fibrę tanquam tubuli sint excavati , eam rationem attulit D. de la Hire , quod

corpora oblonga, mollia & densa, ubi exsiccantur, in extimis partibus paulatim instar fornicis concrecant indurata, dum interiores & molliores partes itidem exsiccatae exterioribus adherescunt, atque à centro ad circumferentiam promotæ spatium intus vacuum relinquunt. Sic caules & caudices stirpium, quæ medullam intus recondunt, & majores quarundam arborum surculi instar tuborum excavantur. Idque verissimillimum est fibras ex quibus truncus ille coalescebat cum arbor erat, ubi lapidescere incœpit, intus exininitas fuisse.

Alterum hujus lapidis fragmentum omnino est consimile parti inferiori trunci, qui ligni naturam conservat, fibrarum capillarium eadem est in radice structura. Ex quibus id efficitur hanc genuinam esse ligni in lapidem conversionem, quæ cum ex multis aliis, tum ex eo quod à P. du Chaz observatum fuit in libro eo ipso anno edito à P. Goye observationum Physicarum & Mathematicarum, confirmari potest. Is enim testatur fluvium qui urbem Bakan in regno Avæ præterfluit, per 10 leucarum spatium eam vim habere ut ligna in saxa convertat, & magnas ab eo visas arbores ad summum usque aquæ lapidescentes, cum partes quæ exstabant, & exsiccatae fuerant, ligni naturam retinerent.

X. Paucis post diebus D. de Tournesot fungum nuper in trabe Abbatiz S. Germani repertum coram exhibuit, illius structura Actis publicis mensis Maii Academiæ inserta est & figuris expressa. Quæ circa hujus fungi imo & eorum omnium qui sponne nasci videntur procreationem animadvertit, in erudita dissertatione exposuit. In qua varias ea de re opiniones expendit: cum alii ut plantas omnes, sic fungos seminibus, alii sponne quadam ex certis naturæ legibus plerasque stirpes & fungos imprimis generari opinentur. In eam tamen ferri sententiam magis videtur, ut multarum stirpium, sic fungorum occulta esse semina existimet: cum in nascentis fungi capitello jam striarum minutiores lamellæ adeo regulares appareant, ut complicatas partes tantummodo evolvi verissimillimum videatur, secus enim partes capitelli informes initio fere ut in rudi statua, quam artifex paulatim format, apparerent, non in strias tam aptè distinctæ.

Neque illud nos ab ea sententia dimovere debet, quod grana ex quibus fungi oriuntur, non appareant, id enim in multis plantis usu venit, quarum semina ante inventum Microscopium oculorum aciem omnino fugiebant. Sic veteres negarunt filicis ullum extare semen: cum illud in animum suum inducere non possent tenuem illum pulverem, quo pars hujus plantæ posterior conspergitur, semen illius esse; sed grana illa pulveris Microscopio visa non solum sunt plantæ semina, verum etiam quasi capsulæ multis interdum granulis repletæ. Idipsum de Ruta muraria, de Linaria, Polypodio, lingua cervina, ophiglossa confirmat.

Quin & Corallium inter plantas à plerisque rerum naturalium scriptoribus recensetur: nec abhorret à verissimili illud suo semine instructum esse, cum in variis corporibus quæ è fundo maris eruantur, prima velut ejus initia & quasi inchoati fœtus adnasci videantur; illudque admodum est probabile hos velut embryones è seminibus prodire, quæ lac causticum & acie è globulis qui summities ramorum occupant, decisum reliquit.

ANN. Quare ex eo minime concludendum videtur plantas seminibus destitui, cum
1691. visus aciem fugiunt, sed potius hinc suspicari licet non deesse semina, tamen
 visus oculis non subjiuntur. Atque in eum censum referri possunt fungi
 quorum semina sunt minutiora, quam ut videri possint; neque id magis
 supra se habendum est quam grano populi nigrae totam arborem contineri,
 tamen vix illud semina longum est.

Quod si igitur partium quibus fungus constat, fabricam atque ejus cum
 aliis plantis cognationem, illud demum quod natura in suis operibus in-
 sistit iter ubique sui simile, intento animo contemplemur, hoc imprimis,
 quod tot organa in uno & exiguo granulo jam formata accessione novi succi
 tantummodo complicata evolvantur, in eam sententiam ulterio delabemur,
 fungos ut alias plantas à suis seminibus prodire. Multa alia subijcit specu-
 latione digna quæ in Actis editis legi possunt. Nihil enim necesse est quæ di-
 lucide & eleganter scripta sunt, illa penitus exscribere.

XI. Quare ea quoque refert supervacaneum puro quæ D. Marchant
 à se observata circa quosdam quercuum productiones iisdem pene diebus
 commemoravit, quæque in iis Actis Academiæ sunt diligenter perscripta &
 figuris delineata. Innumerabiles racemi quasi grossulariæ rubræ, Ribes vo-
 cant medici, è summis arborum ramis pendebant.

Exeunte mense Februario D. de la Hire observationes suas circa soni pro-
 pagationem legit. Complura ejus phænomena circa fides tensas & tubam
 marinam excussit.

XII. Mense Aprili varia sunt facta experimenta circa acus nauticas à
 D. D. Cassini, de la Hire & Homberg. Illud imprimis observatum quan-
 tum declinet inferioris Pyxidis acus ubi altera huic variis modis per interjec-
 tum vitrum superponitur.

Cum acus vi magnetica itidem imbuta per vitrum interpositum inferiori
 & mobili acui sic est superposita, ut poli cognomines & utriusque cen-
 tra in eandem lineam convenirent acus inferior & mobilis à Borea versus
 ortum 10 & amplius gradibus deflexit: sed ubi poli oppositi, sibi mutuo
 congruebant, tum acus inferior directionem suam immotam servavit: nam
 materia magnetica quæ per polum Borealem acus immobilis subit, in or-
 bem agitur, & polum australem acus mobilis ad suum motum inflectit, ut
 per eum ingredi possit.

XIII. Ac ne illud quidem silentio transeundum quod vir Religiosus &
 doctus Ordinis S. Benedicti P. Quesnet, & Prior Monasterii S. Gregorii
 prope Rothomagum scripsit ad D. Varignon de Echo singulari, simul hujus
 phænomeni demonstrationem attulit. Res adeo visa est digna quæ in Acta
 publica Academiæ p. 158. referretur. Hujus rei occasione D. de la Hire
 alium soni aut moti aëris effectum satis memorabilem commemoravit,
 qui in æde S. Nicasii Remis observatur: cum altera è campanis quæ
 sunt in summa turris parte, commovetur, hic motus in antea v.
Archontant, quæ parte sui summa cum turri non cohæret, se diffundit:
 adeo ut ejus vibrationes sensu ipso percipiantur. Circa vim Elasticam
 aëris multa fecit experimenta D. Homberg quæ in Actis Academiæ sunt
 publicata.

XIV. Plantarum analyses D. Bourdelin uti superioribus annis est *Chymica* persecutus. Novas suppeditavit D. D. Marchant & Tournefort. Nonnulla quoque opera Chymica D. Homberg protulit, cujusmodi est famosa illa Dianæ arbor à Chymicis adeo jactata quam brevi temporis spatio confecit. Hujus parandæ ratio in Actis Academiæ p. 146 perscripta est.

XV. Quædam annotavit circa plantarum analyses hæcenus factas, quas & stirpium numero & summa in iis resolvendis diligentia spectabiles judicavit. Habita quidem materiæ ipsius ratione pleræque stirpium differentiæ ex varia principiorum temperatione & mistura duci videntur. Ex omnibus enim fere hæc eliciuntur, phlegma, spiritus acidus, vel acer, sal volatilis, oleum, sal fixus, qui interdum tartari, interdum communem salem refert, caput mortuum modò in majori, modò in minori quantitate. Quin etiam in nonnullis quarum vires & effectus sunt admodum dissimiles, videntur analyses pene consimiles, adeo ut hinc concludi possit, ex sola analysi plantarum vires perspectas haberi vix posse, tametsi nonnihil lucis Botanicæ affert & controversiæ complures de natura & diversitate salium in plantis hinc dijudicari possunt.

Illud etiam ex usu futurum existimabat, si materiæ ipsæ à plantiseductæ separatim excuterentur, & variis experimentis probarentur. Placuit ab oleis foetidis quæ sub finem cujusque resolutionis se produnt, initium sumere, & experiri an forte ad usum adhiberi possint. Ac primum ea tetro odore exuenda sunt. Olei tartari semilibram cum duabus libris calcis vivæ permistam leni igne per retortam distillavit, multum phlegmatis primum, tum oleum prodit, quod à phlegmate secretum cum calce iterum mixtum nonnihil phlegmatis dedit, hoc oleum excepit, idque sexies fuit repetitum, quinque phlegmatis admodum foetidi & duæ olei unciae cum semisse prodierunt. Oleum è nigro & denso pellucidum & instar vini Hispanici, odoris non tetri apparuit.

Ex quo id manifestum est olei foetorem ex Empyreumate sive quadam ignis impressione duci: nam ubi olea stillare occipiunt, necdum foetorem contraxere, suum quæque odorem plantæ genuinum spirant. Sed aucto igne olea penè omnia eundem præ se ferunt odorem; partes adustæ & crassæ sublatae nigredinem & densitatem præbent. Calx viva instar filtri particulas nigras & adustas retinet dum oleum purius stillat. Hoc oleo admodum penetranti usus est D. Homberg in doloribus paralyticis & in rheumatismis: oleum tartari odore foetido exutum coram exhibuit,



ANN.
1692.

CAPUT III.

De Astronomicis observationibus.

I. **H**oc vettente anno tot sunt in cælo observata aut nunquam, aut perraro visa phænomena, ut operosum laborem in iis referendis & accurate describendis susciperem, nisi in Acta publica hujus anni jam essent collata. Hujus generis sunt diversæ Jovis periodi ab initio mensis Januarii anni 1691 ad initium usque anni 1692 à D. Cassini observatæ, quarum supra meminimus, quæque in Actis mensis Januarii prædicti anni 1692 diligenter sunt descriptæ. Summa est, anno 1665 insignem in Jove maculam à D. Cassino primum esse conspectam, quæ anno insequenti videri desuit: nulla ab eo tempore tandiu perstare & tam sæpe redire visa est macula; ejusdem semper figuræ & in eodem situ sub oculis venit. Periodum ejus 9 hor. & 55 aut 56 minut. absolvi comperit. Sed ex postremis suis observationibus uno minuto breviorē invenit, cum Jupiter est Soli propior.

II. Ab anno 1665 ad annum usque 1690 raro visæ sunt aliæ maculæ, eæque adeo confusæ erant & fugaces, ut earum revolutiones vix definiri possent. Sed exeunte anno 1690 tanta in Jovis figura & in ejus fasciis accidit mutatio & novarum macularum incredibilis multitudo, ut scripto publico Astronomos ea de re admonendos judicaret. Quis usus ex his phænomenis decerpi posset edocuit, simul & conjecturas suas circa fasciarum & macularum ortum & naturam ex analogia & similitudine eorum quæ in hoc sublunari mundo contingunt exposuit.

III. Exeunte mense Januario 4 satellitum periodis cum Jovis revolutione collatis calculum iniit temporis quod impendunt, ut ad eundem Jovis Meridianum revertantur. Hæ periodi analogiam quandam videntur habere cum motu Lunæ, ubi cum diutna telluris vertigine, in Copernici hypothesi comparatur. Interjectis aliquot diebus unius è satellitibus Saturni conjunctionem cum stella fixa à se observatam protulit, quæ cum singularis fuerit, Actis Academicis mensis Aprilis fuit consignata. Quam raro ejusmodi planetarum cum fixis conjunctiones contingant, hinc licet coniecere, quod vix quatuor aut quinque ab exordio Astronomiæ ad hujus usque sæculi initium memorentur. Utrum satis præcisæ & definitæ eæ fuerint, nonnullus est dubitandi locus. Nam radiorum quasi circumfusa coma stellatum magnitudinem mirum in modum auget: adeo ut fieri potuerit ut inter planetam & stellam interjectum fuerit aliquod spatium, dum nudis oculis hæc astra juncta videbantur. Quæ utilitas ex ejusmodi conjunctionibus colligi possit, eo in loco explicatur. Hæc observatio facta fuit die 19 mensis Junii circa mediam noctem, cum motus Saturni diurnus tum temporis esset trium minutorum. Trium horarum spatio, quo ista duravit observatio, ab hora nimirum decima ad primam usque post-
mediam

mediam noctem, Saturnus ad stellam fixam sui annuli semidiametro, quantum oculis judicari potuit, visus est accedere, adeo ut semidiameter annuli esset 22 sec. cum semisse & integra diameter 45 sec. Quæ ratio dimetiendi planetarum diametros certior omni alia videtur & tutior: Vix enim occurrunt aliz planetarum diametros mensurandi viæ.

*Astro-
nom.*

IV. Die 12 Martii anni 1692 D. de la Hire transitum Lunæ per aliquot Pleiadum stellas observavit. Permagni sunt usus ejusmodi fixarum eclipses planetarum interjectu factæ, ut planetarum motus & sing. perspecti habeantur. Stellulæ quibus hæc constellatio constat, sunt quam plurimæ; earum situs & distantias pulchrè delineatas in Actis hujus mensis reperies, quæ cum designatis à P. Riccioli minus conveniunt: tamen magna cura earum longitudes & latitudes expresserit. Nam earum intervalla longe majora sunt apud P. Ricciolum. Ac subinde fieri potest ut stellæ istæ eandem inter se positionem non servent, quod ex aliis observationibus suspicari licet. Quin etiam Pleiadum stellæ ante 20 annos à D. de la Hire delineatæ cum postrema hac observatione, quantum ad earum situm spectat, minus conveniunt.

Eodem tempore Lunæ transitus per eam constellationem fuit à D. Sedileau observatus, ex illa observatione quæ in iisdem Actis Academicis est consignata, apparentem Lunæ longitudinem & parallaxim eruit.

V. Cum Massiliæ latitudinem ante duo annorum millia Pitheas Gnomonis ope indagasset, hanc Erastothenes primum, tum Hipparchus qui Bisantium eadem methodo invenit in eodem parallelo, ac demum Ptolemæus Pitheæ observationem in suis tabulis Geographicis secutus est. Quare illud operæ pretium se facturum judicavit Petrus Gassendus, si accuratam Poli altitudinem Massiliæ inveniret, ut hinc liquere posset utrum recentiores observationes cum vetustissima consentirent. Illud auctore Peireschio aggressus est anno 1636. Sed cum Gassendus non sibi metipsi satisfecisset, D. Cassini ex propriis observationibus ea de re certior esse voluit, ac die 21 Novembris 1672 ex altitudine Meridiana stellæ Polaris altitudinem Poli invenit, 43 gr. 17 min. 33 sec. quam Ptolemæus ponit 43 gr. 6 camque ex Erastothene & Hipparcho mutuatus est, qui à Pithea eam acceperant, & ratio Gnomonis ad umbram eadem pene fuit, quæ à Pithea inventa est, nempe ad 120, ut 42 minus $\frac{1}{11}$.

VI. Atque hæc de latitudine Massiliensi. Longitudinem ejus ex eclipsi primi satellitis Jovis die 21 Novembris 1691 indagavit. Emergo satellitis ex umbra Jovis ab eo visa est hora 8. 55 min. 34 sec. eadem Massiliæ à Domino Chazelles observata est hora 9. 7 min. 50 sec. neglectis minutis secundis, utriusque observationis differentia est 12 min. unius horæ quæ 3 gradus efficiunt: adeo ut Massilia tribus gradibus ad Orientem magis deflectat quam Lutetia Parisiorum. Verum ista fusi in Actis Academicis explicata reperies, uti & Veneris eclipsim quæ 19. Maii hora post meridiem tertia & 20 min. ex interposito Lunæ à D. Cassino fuit observata, quæque antea nunquam Sole illucescente visa fuerat: sed tubi optici beneficio sub aspectum venit: cum è limbo corporis Lunaris exiret, multo luci-

AN. dior erat Lunâ ipsâ, postquam sui copiam fecit. Lunæ Phasis & Venus ejus margini cohærens in Actis mensis Junii fuit delineata. In Actis mensis Maii conjunctio Martis & Lunæ quæ contigit die 21 Aprilis, commemoratur, eaque factis similis erat conjunctioni ab Aristotele l. 2 de cælo c. 12 relatæ, quam Keplerus accidisse anno 357 ante Christum natum opinatur.

VII. Sic transitum Martis per nebulosam Cancri die 22 & 23 D. D. Cassini & de la Hire magna cura observarunt: tametsi diversas inierunt vias. D. Cassini duas lucidiores ejus constellationis selegerat, quas inter Mars transiturus erat die 23 Maii, ut prædixerat D. le Fevre. D. de la Hire hujus constellationis (nam stella quæque nebulosa est stellarum congeries) figuram longe antea delineatam consuluit, & Martis iter per singulas stellulas in figura sua delineavit, quod Martis positioni cognoscendæ magno est auxilio. Atque hujusmodi planetarum conjunctiones cum stellis fixis & cum nebulosis maximè non mediocriter est in Astronomia utilitatis. De his fusè in Actis mensis Junii.

VIII. Cum die 28 Julii Eclipsis Lunæ eaque horizontalis futura esset; variis in Galliæ locis Astronomi omnia paravere instrumenta quibus accurate observari posset, sed ubique fore per cælum nubibus obductum eam videre non licuit. Lutetiæ interdum per nubila visa est Luna, sed statim oculis se subduxit. Lugduni tamen à D. Cusset, prope Massiliam à D. Chazelles complures maculæ umbra telluris obductæ fuerunt observatæ, sed non eadem utrobique visæ sunt. Cum autem id sæpè eveniat, ut quædam Lunæ maculæ quodam in loco umbra terræ opacatæ, aliæ alibi cernantur, methodum paratam & facilem proposuit D. Cassini quâ in eo casu differentiæ longitudinum exploratæ habeantur, quam in Actis p. 133. dilucide explicatam offendes.

Ininterruptæ observationes occasionem præbuerunt D. Cassini ejus indagandæ methodi, quâ longitudinum differentiæ determinari possint per observationes in diversis locis factas, cum illæ fuerint interruptæ, atque in nullo ex his locis phasès in alio loco visæ fuerint observatæ, sed aliæ tantummodo, paulò ante, aut paulò post visæ.

Hujus methodi ea est ratio: sume lunæ figuram in quâ maculæ sunt designatæ, qualis est ea quæ in Actis 30 Junii incisa fuit. In hac figurâ vestigia umbræ notentur in cujusque maculæ limbo diversis in locis visæ.

Illud cognitu facile est quantùm maculæ diversis in locis observatæ à se invicem distent, ex quâ distantia dignoscitur temporis intervallum, quo umbræ extremum ad alias maculas paulo ante, aut paulo post pervenerint, idque non minus accurate, quàm si earum maculatum immersiones eo in loco visæ fuissent. Quod si itaque immersio alicujus maculæ non fuerit certis in locis visa, longitudinum inter ea loca differentiæ sic exploratæ habebuntur, ac si immediate fuisset observata cujusque maculæ immersio. Quod exemplis observationum à D. Cusset Lugduni, & à D. Chazelles prope Massiliam factis illustrat D. Cassinus, ex quo chartæ lunaris usus ad Geographiæ perfectionem, & ad navigationem ipsam colligitur. In hac chartâ singulæ designantur maculæ quæ tempore eclipsæos magis sunt visibiles, cum aliæ

huic observationi sint minus necessariae, macularum vocabula juxta P. Riccioli selenographiam designavit. *Astro-
nom.*

I X. Veneris cum Sole conjunctionem in longitudine ritè observare permagni est momenti, quo ejus revolutionis tempus definiatur. Hæc juxta tabulas Rodolphinas die 3 Septembris hora quinta cum 40. min. post meridiem Lutetiæ contingere, ex tabulis Danicis Longomontani die 2 hora 7 & 20 min. fieri debuit. Sed die 4 hora 7 matutina & 7 min. à D. Cassino, aut aliquot post minutis à D. Sedileau fuit observata. Meridianum circum per 4. min. temporis pertransiit, cum ejus cornua horizonti essent parallela: adeo ut diameter Veneris minutum unum in suo circulo parallelo, aut quod idem pene fuit, in Æquinoctiali occuparet: maxima ejus latitudo tum fuit 8 gr. 48: vide Acta p. 167.

X. Sic D. de la Hire motum Veneris cum tabulis Rodolphinis minus convenire ex variis observationibus Veneris in suo nodo comperit. Horocius, ut dictum fuit, anno 1639 die 4 Decembris stylo novo Veneris conjunctionem cum Sole observavit: nodus ascendens Veneris tum fuit in 13 gradu, 22 min. 45 sec. Geminorum. Quocirca nodus descendens tum extrabat in gr. 13 Sagittarii, 22 min. 45 sec. Ex observatione D. de la Hire post 52 annos, nempe anno 1691 mense Novembri, idem nodus descendens erat in gr. 13, 19 min. 40 sec. Sagittarii. Quod si nodus ille fixus non esset, sed mobilis, spatio 52 annorum retrogradus fuisset 3 min. 41 sec. cum juxta Kepleri tabulas promotus esse debuisset juxta signorum ordinem 40 min. 40 sec. atque illius locus in tabulis assignatur in grad. 14, 11 min. 53 sec. Sagittarii: adeo ut verisimile sit eum nodum esse immobilem: nam quantulum inest discriminis inter observationes D. de la Hire & Horocii, ex aliis duet potest causis.

Die 19 Maji Venus interpositu corporis Lunaris deficere visa est à D. Cassini. Atque hæc prima est observatio qua Venus Sole super horizontem exstante eclipsim pati Lunæ interjectu visa fuit: tamen conjunctiones Lunæ cum Venere deprehendi possunt de die, cum Luna satis magno à Sole distat intervallo, ut videri possit. Quin etiam Venus illucescente Sole in eadem à Sole distantia conspicitur, in qua Luna cernitur. Imo per aliquot menses de die Venus sub oculis venit cum suæ orbitæ, quam intra 19 menses absolvit, partem inferiorem lustrat. Sed interdum etiam sui copiam facit in parte sui circuli superiore, dummodo locus ejus in cælo sit nobis cognitus.

Eo die Venerem cælo magis sereno exeuntem è disco Lunæ deprehendit D. Maraldi hora de Meridie 3, 10, 6, & Lunæ margini Occidentali adhuc adhærebat. D. Cassinus admonitus eam observavit hora 3, 21, 27 diametro sui altera à Lunæ limbo, quæ inter sui cum Sole conjunctionem & primam quadraturam medio erat intervallo; Venus in cornua diducta paulo amplius quàm dimidia sui parte fugebat, multo splendidiior Lunâ, & apte terminata;



CAPUT IV.

De Geometria & Mechanica.

I. Non minori studio excoltæ sunt hæ purioris Mathematicæ disciplinæ Algebra & Geometria, quæque excogitata sunt præcipua utriusque theorematæ & problematæ Actis publicis sunt inserta. Hujus generis sunt novæ regulæ usu & intellectu faciliores, quas D. Rolle proposuit, ut radices cuborum irrationalium à veris minus unitate abint. Hæ summationis perstrictæ in Actis mensis Januarii p. 16 continentur.

Altera ab eo paulo uberius fuit exposita regula, qua cujuscumque gradus æquationes in primum gradum resolvuntur. Ac prius eam methodum tradidit qua æquationes omnium graduum qui communibus vocibus sunt expressi, resolvuntur Act. 15. Martii p. 53.

II. Die 19 Januarii D. Varignon demonstravit in quovis parallelogrammo, si latera dividantur in partes quotcumque proportionales, rationum ut volueris diversarum, parallelis ad latera ductis per singula puncta divisionum, cellulas ejusdem cujusvis ordinis etiam fore proportionales.

III. Novam methodum demonstrandi rationem Sphæræ superficiei ad superficiem maximi circuli & ad superficiem Cylindri, cujus basis est idem circulus, altitudo Sphæræ diameter, cum quadratura unguis Cylindrici & sinuum figura exposuit D. de la Hire in Actis mensis Maii p. 91.

IV. D. Varignon motuum regulas, quæ à Galilæo & aliis magni nominis Mathematicis fusè sunt explicatæ, nova methodo eaque universalissima demonstravit, quæ in Acta 2 Decembris p. 110 collatæ sunt, & magna brevitate comprehense.


Eodem in loco insigne Geometriæ practicæ problema à D. Pothenot demonstratur, quo positio loci qui sub aspectum non venit, ex iis punctis in quibus sit observatio, designatur: aliam altitudinis inaccessibleis dimetiendæ rationem exposuit.

V. Multa præterea quæ suo quæque tempore prodibunt: cujusmodi est ea parabolæ omnis generis quadratura à D. Varignon proposita & demonstrata die 19 Februarii.

Sub idem tempus D. d'Alembert elaterem exhibuit quem tormentum bellicum in suo recessu intendit, quique dum restituitur, tormentum antirorsum promovet.

V. Illud pene exciderat, quod tamen minime tacendum fuit, quod circa descensum gravium acceleratum à D. Varignon est propositum die 19 Januarii. Hoc quidem Galilæus principii loco posuit, corporum ex alto decidentium velocitatis gradus augeri in ratione temporum: idque ab eo conclusum fuit, corpora gravia motum suum in descensu accelerare in ratione temporum duplicata, & spatia decursa eam inter se habere rationem quam temporum quadrata. Verum hoc inductione tantum & expe-

scientia demonstravit Galilæus, quodque juxta ejus principia ita demonstra- *Geom.*
ri potuit.



AB tempus quodlibet designet, quod grave corpus in suo descensu impendit. Cum ex hypothesi Galilæi velocitates corporis decidentis sint ut tempora, palam est si DE velocitatem acquisitam in parte temporis AD exprimat, illius parallelam FG velocitatem in tempore AF sequenti acquisitam designare. Quæ enim est ratio DE ad FG, eadem est AD ad AF; atque ita de singulis temporum partibus statuendum, donec ad BC ventum fuerit.

Quod si igitur ex singulis punctis lineæ AB parallelæ BC ductæ concipiantur, ex velocitates acquisitas in fine cuiusque temporis designati in lineæ AB exhibebunt. Ergo summa omnium rectarum quæ sunt parallelæ summam quoque velocitatum repræsentant quolibet instanti temporis acquisitarum. Sic summa linearum quæ BC parallelæ trianguli ABC continentur, summam velocitatum quas omnibus temporis momentis AB corpus acquisivit, ut summa earum quæ triangulo AMN sunt comprehensæ, summam velocitatum quas corpus nactum est in tempore AM, designat; atque ita de reliquis statuendum.

Cum autem hæ lineæ sint sibi invicem proximæ & ad se mutuo indefinite accedant, manifestum est earum summam esse ut superficiæ ABC & AMN. Quamobrem summa velocitatum quas corpus inter descendendum in tempore AB acquisivit, eam rationem habet ad summam velocitatum quæ tempore AM sunt comparatæ, ut triangulum ABC ad triangulum AMN, cumque triangula sint similia, eadem est ratio quæ quadrati AB ad quadratum AM. Ergo velocitates quas unoquoque instanti temporis corpus in descensu consequitur, in unam summam coactæ sunt inter se ut quadrata temporum quæ inter descendendum insunt. Cum autem effectus sint suis causis proportionati, palam est spatia à corporibus in descensu peragrata esse ut has summam velocitatum: ergo eadem spatia sunt itidem ut quadrata temporum. Quod demonstratum oportuit.

R r iij

ANN. Idem die 29 Martii demonstravit novam quadraturæ cujusvis parabolæ rationem.

VII. Ineunte hoc anno D. Amontons vir doctus, & in Mechanicis præsertim solers admodum & exercitatus, nunc à Regiâ Academiâ clepsydram proposuit à se excogitaram dimetiendis temporibus accommodatam. Hanc exeunte anno 1694 publici juris fecit multis observationibus Physicis auctam; librum suum Gallicè scriptum Academiæ dicavit, in quo multa extant circa hoc genus clepsydram, Barometri novi, & Thermometri fabricam experimenta, quæ magni usus esse possunt, quæque in secunda potissimum parte hujus opusculi continentur. Jam alia protulerat à se inventa circa res Mechanicas quæ Academiæ probata fuerant.

VIII. Februario mense D. Varignon de machinarum usu in quibus nullus est partium attritus, quales excogitavit D. Perrault, dissertationem legit, quæ postea ab eo aucta fuit, & Actis anni 1693 inserta. Idem de vi funium & vinculorum quibus virgultorum fascies constringuntur, & curægre disrumpantur, disseruit.

Tum etiam motuum acceleratorum leges, juxta omnes quæ excogitari possunt accelerationis ordinatas rationes, exposuit, quæ in Actis mensis Maii pag. 93. continentur. Jam antea principium generale traderat, quod ad omnes motus pertinet, quodque in Acta mensis Decembris anni 1692 relatum est. Quantum hujus enuntiati pateret fecunditas, ex tractatu Galilæi de motu æquabili demonstravit: cui principium suum sic aptavit D. Varignon, ut regulam generalem omni generi motus æquabilis hinc deduxerit. Hæc regula rationes omnes & habitudines quæ excogitari possunt inter potentias motrices, corporum motorum moles seu pondera, decursa spatia, impensa tempora, & velocitates complectitur.



SECTIO SECUNDA.

De Actis Academicis anni 1692.

Quæ gesta sunt in Academia anno 1693 hæc magna ex parte collata sunt in Acta eodem anno publicata; adeo ut nobis satis fuerit illa indicare & strictim decurrere.



CAPUT PRIMUM.

De Physicis observationibus.

I. **N**on aliunde melius quæ sunt Physicæ contemplationis ordiri possumus quàm à Parheliis quæ à D. Cassini die 18 Januarii sub ortum Solis fuerunt observata. Cælo ex ea parte nubibus obducto, horizontis limbum ubi Sol exorturus erat, hora septima & 38 min. lumen splendidum, cujus diameter apparens diametro Solis æqualis videbatur, mox imago Solis inter nebulam luce perfusam in conspectum venit, radiis in horizontem ad normam erectis, & ad altitudinem usque 10 graduum in apicem desinentibus. Hoc Phænomenon primum D. Cassinus pro vero Sole acceperat, sed statim ipse prodiiit ut sereno cælo fulgens & in eodem verticali. Brevi post tempore Sol se condidit in nubes, ac subito tertius, ejusdem magnitudinis & in eadem linea sui copiam fecit, lucis suæ tramitem infra demittens. Interim qui prius apparuerat Sol spurius adhuc cernebatur, ac tandem hora septima 38 min. uterque sol ille spurius evanuit.

II. Confimile quiddam viderat in Provincia D. Chazelles Regius Hydrographiæ Professor, nunc Academiæ Socius anno 1686 die 13 Septembris. Tranquillo mari discus Solis fulgens, sed extremo margine malè terminato emergere inter rubeos vapores visus est. Mox interjecto horæ minuto quasi Sol sub horizonte remaneret, dimidiatus ejus discus rubeo itidem colore infectus, sed æquabilis & exquisitè terminatus apparuit, quem splendor nitidus luminis est subsecutus, quique in conum versus horizontem desinit.

Itaque prima illa Solis species parhelium erat, ejusdem cum priori naturæ, sed non adeo perfectum. In hoc enim à D. Cassini observato Sol verus inter duos spurios interjectus erat : & illi duo radios in oppositas Soli partes, unus sursum, alter deorsum vibrabant.

Perrarò hujus generis Phænomena contingunt, quæ Soli sint adeo vicina : nam centra eorum à centro Solis tantummodo minutis distabant : cum in vulgaribus Parheliis 12 gradibus cum semisse, interdum 45 gr. à centro veri Solis removeantur.

III. Qua ratione ea formari possint, exposuit D. Cassini, idque ut probabilius existimat, hujus generis Parhelia, non ut pervulgata ex reflexione, & refractione radiorum, sed ex sola reflexione prodire. Non enim in iis erat ulla colorum varietas ; pallidiora tantummodo apparebant. Quare querenda sunt in aëre frigido, qualis tum erat, corpora quæ ejusmodi reflexionem radiorum possint efficere : cujus generis esse possunt lamellæ glaciæ tenues, & sibi parallelæ tanquam foliola glaciæ, è quibus sæpe stellulæ nivis coalescunt. Ex iis enim certa quadam ratione dispositis ejusmodi radiorum Solis ad oculos spectatoris reflexionem fieri posse probat

ANN. D. Cassini. Qui ea ratione celebrem illam Batavorum observationem utcum-
1693. que explicari posse existimat, cum in nova Zembla Solem citius 14 diebus-
 quam juxta Astronomiæ principia fieri oportuit, viderunt supra horizontem
 emergere. Verum ista fusiùs loco citato explicata consuli possunt.

I V. Cum D. de la Hire de causis Parheliorum inquire-
 ret, utrum glacies majorem efficiat refractionem quàm aqua, indagare
 voluit. Sed cum bullulæ aëris quæ in glacie sunt dispersæ, obstant quo-
 minus res objectæ conspiciantur, aliam inire hujus rei rationem coactus
 est. Mense Januario aquam quæ per ebullitionem inclusum aëra foras pro-
 truserat, acerrimo frigori de nocte exposuit: sed manè tot aëreis bullis ad-
 huc referta erat, ut transitum lumini non præberet: illud tamen advertit
 aquam illam Soli expositam plures ejusmodi bullas ejicere, adeo ut fri-
 gus meliùs aquam purgaret, quam ignis. Unde eandem aquam gelido aëri
 iterum expositam parte sui summa satis pellucere, & proposito suo idoneam
 reperit: eo artificio usus quod in Aëtis mensis Februarii fusiùs explicatur,
 invenit majorem esse aquæ quàm glaciei refractionem.

V. Quæsitum est cur solam aquam inter liquores frigus dilatat porida
 quàm contrahat. D. Homberg quædam in machina Pneumatica fecit expe-
 rimenta, quæ lucem aliquam huic difficultati enodandæ afferre possunt. Id
 enim advertit aquam quæ in glaciem concrevit, multas aëris bullas emit-
 tere, unde ope machinæ aquam expurgatam aëri gelido cum exposuisset,
 glacies diaphana facta est. Quousque aqua in cylindro vitreo ascendisset,
 ante notatum fuerat, nec congelata: aucta est moles, imò nonnihil est
 imminuta. Quod igitur aquæ congelatæ majorem levitatem & molem
 affert, aër ipse videtur esse intra aquæ meatus conclusus. Quare, ut ipse con-
 jicit, particulæ aquæ congelatæ ab æthereâ substantia minùs agitatæ aëris
 inclusas particulas suo pondere sursum emittunt. Sed ubi summa aquæ su-
 perficies in gelu concreta est, bullæ aëreæ sistuntur, ac mole sua auctæ,
 partes glaciei elaterio suo disjiciunt, & interdum vas ipsum, cum fragilius
 est, nec obstat figura ipsa, confringunt.

Hæc fusiùs exponuntur in Aëtis mensis Februarii, ubi illud quoque ad-
 vertit D. Homberg citiùs aquam congelatam solvi in vacuo, quàm in aë-
 re libero, eam fortè ob rationem, quod æthereâ substantia, quæ aquæ par-
 ticulis motum & fluiditatem impertit, uberior sit in machina, quàm in
 aëre: unde nil in vacuo subito liquatur.

VI. Quàm difficile sit aquam omni aëre expurgare, cum ex aliis mul-
 tis, tum ex iis quæ in Aëtis mensis Martii commemorantur experimentis
 licet conicere. Nam D. Homberg vas cylindricum & vitreum cum apta-
 to tubo, ut in priori experimento aqua ad certam usque altitudinem im-
 plevit, vas machinæ cum suo epistomio admovit; inclusus aër exantlatus
 cum solita ebullitione erupit. Ubi nullus ampliùs exivit, vas è machina
 subductum est, & ritè oclusum; eo deinde succusso partes aquæ à se in-
 vicem divulsæ, tum in se redeuntēs sonum ut in duris corporibus collisis
 ediderunt, pars summa in spumam conversa est, reliqua lacteo colore per-
 fusa, idque maximè in imo vasis; sed candor ille brevi post tempore in
 spumam degeneravit.

Vas

Vas deinde machinæ admotum tamdiu est exinanitum, dum aqua identidem succuffa nullam amplius spumam emitteret. In eo statu diutissime vas perstitit; sed guttula aëris summam tubi partem semper obtinebat, eaque detracta, alia tubinde in illius subibat locum: tametsi nullæ bullulæ ex aqua erumpentes prodire visæ sint: adeo erant minutæ & insensibiles, eaque minis ab aqua premuntur quo sunt minutiores. Eodem die D. Homberg globum vitreum cuius diameter est 10 pollicum, bilanci appendit. Hunc 3 uncis, 3 drachmis, graviorem invenit, quam ubi est aëre vacuus. Globus seu recipiens continet duos pedes cubicos aquæ & $\frac{1}{4}$: adeo ut pes cubicus aëris uni uncia & 48 granis æquiponderet. Verum id postea animadvertit inclusum globo aëra pene altero tanto graviorem esse hieme cum frigus est acerrimum, quam æstate in magno æstu: cum hieme gelu solvitur, & ædium parietes exsudent, tum aër longè gravior est in globo ante exhausto.

VII. Quantum aquæ pluviz singulis mensibus è cælo decideret D. de la Hire jam ab aliquot annis observaverat. Pelvis quadrata cuius superficies in 4 pedes patet, in summa turris Observatorii parte ita est collocata, ut pluviam & nivem exciperet, & in vas subjectum brevi post tempore decideret. Tabulam pertexuit, in qua pluviz deciduz toto quadriennio quantitas indicatur, eaque in Actis mensis Februarii descripta est.

VIII. Anno 1689 aqua pene ad 19 pollicum altitudinem pervenerat. Anno 1690 ad $23\frac{1}{2}$, anno 1691 ad $14\frac{1}{2}$, anno 1692 ad $12\frac{1}{2}$ usque pollices minutis fractionibus neglectis perducta est. Nusquam major copia decedit quam mense Julio anni 1689. Nam ultra 51 lineas ascendit. Illud quoque intuenti apparebit annis pluvius, cuiusmodi fuere anni 1690 & 92 vindemias nec uberes, nec maturas exstitisse: contra evenit anno 1691 qui ficior fuit.

In eodem argumento versatum esse D. Sedileau jam supra innuimus, qui quidem ex iis observationibus eum fructum percipere volebat, ut si fieri posset, fluviorum origini nonnihil afferrent lucis. Quod in Actis mensis Maii copiosè & accuratè explicatum habemus, quæ consulere operæ pretium fuerit. Verùm hoc anno & mense Maio, si bene memini, mors immatura virum eximium in ipso ætatis flore sustulit: erat acutissimo ingenio, non Mathematicis modo disciplinis, sed & cæteris artibus & humanioribus imprimis litteris eruditus. Astronomicis quidem observationibus intentus, & illius scientiæ studio incensus reliquas Mathematicas partes etiam abditas magis & reconditas sic coluit, ut in iis fere omnibus ex æquo excelleret: febri maligna extinctus est.

Illud in universum, ut veri proximum statui potest aquas pluvias fontibus & fluviiis aquam suppeditare. Ex quo efficitur tantum aquæ exhalare, quantum in mare illabitur. Nam si minus aquæ in vapores abiret, mare indefinenter augeretur, ac tandem terram inundaret: si plus aquæ in vapores abiret, mare paulatim detumesceret, & tandem exsiccaretur. Sic continua & perenni circulatione eadem aquæ quantitas quæ è mari in vapores sublata in pluviam abit, in mare itidem revolvitur: aut immediatè, cum in mare ipsum relabitur, aut mediatè per flumina cò infertur. Atque

Sf

ANN. 1693. in superficie terræ certa aquæ quantitas semper manet, quæ partim in vapores tollitur, partim terras irrigat, aut est in aëre pensilis: eaque per fluviorum alveos delabatur: ut nihil dicam de locis subterraneis & anteis occultioribus, in quibus aqua stagnans mare non subit: sed & alii fontē sunt occulti canales per quos aqua maris delapsa foras erumpit.

IX. Cum autem ex observationibus illud constet, plus aquæ intra unius anni spatium exhalare, quàm è cælo decimat: (nam ad duorum usque pedum & novem digitorum altitudinem aquam exhalare compertum fuit,) si terræ superficies esset ubique æqualis non montibus & vallibus aspersa & aqua in eo maneret loco in quem decedit, magna anni parte terræ superficies his in locis arida esset. Sed cum inæqualis sit & mollis terræ superficies, pars aquæ pluviz terram subit, ubi diutius manet, pars altera in loca depressiora labitur, ubi altior cum sit, & superficiem habeat pro mole sua angustiorē, illa exhalationi sufficit & fontium aquæ fluminum perennitati.

Mense Junio D. Cassini, qua ratione in agro Ferrariensi aquæ sint dispositæ, & quibus modis earum divisio fieri possit, ita ut circumjacentis terris non ob sint, coram exposuit. Illius ea de re sententiam summus Pontifex Innoc. XII. ab eo postulaverat, quam postea Romam misit.

CAPUT II.

De Botanicis & Chymicis.

I. **S**entio me paulò longiorem fuisse in iis quæ ad Physicam spectant, Senarrandis. Et tamen multa ex iis omisi quæ in Actis unoquoque mense ejus anni publicatis majori ex parte continentur, uti & ea quæ circa plantarum vegetationem præter communes naturæ leges sunt observata.

In eum censum referri possunt plantæ cujusdam, cui *Fraxinellæ* nomen, portentosa mutatio in floribus, foliis, stylo, & siliquis quæ in folia degenerarunt: quæ quidem à D. Marchant anno superiori observata, & figuris delineata in Actis mensis Martii cum animadversionibus pereruditius continentur. Annus ille pluvius fuit & frigidior, ex quo factum est, ut complures plantæ effretæ grana non extulerint, ac ne floruerint quidem, succo alimentitio præ calotis inopia non satis bene subactis & paratis: unde hæc planta quæ per decennium flores rubeos semper præbuerat, hoc anno partim rubeos, partim virides exhibuit. Nam calore Solis succus bene digestus colorem splendidiorem in floribus efficit. Sic *Laureola*, & quædam ellebori species mense Decembri flores virides emittunt. Contra qui mensibus Augusto & Septembri se effundunt flores, post debitam succi alimentitii coctionem & fermentationem, colorem vegetiorem præ se ferunt.

II. Eandem ob causam siliquæ in folia degenerarunt. Accessit illud quo-

que prava styli conformatio, qui ab ortu suo in plures fuit divisus par-
tes. Quod enim in animantibus est uteri tuba, hoc fere est stylus in plan-
tis: in siliquarum membranas, quæ velut chorion, & Amnios habentur, æ-
ra vegetationi granorum necessarium defert; granum Placentæ per umbi-
licalem funiculum adherescit. Unde & stylus tot è basi sua tubulos emit-
tit, quot sunt siliquæ. Stylus itaque in ortu suo male conformatus, & ci-
tius quàm par esset, exsiccat, quantum satis erat aëris, siliquis suppeditare non potuit. Hæ quidem copiosum exigunt: nam in iis conclusus aër
adeo coarctatur, ut exsiccat cum magno strepitu diffiliant, & grana inter-
dum ultra octo pedes explodant. Deficiente itaque aëre grana formari non
potuerunt, ac succus recens qui semper accessit, eorum procreationi non
impensus, siliquas in formam foliorum produxit, isque per eas continenter
ascendens nova & minora folia procreavit.

III. D. de la Hire in causam ascensus succi nutritii in præcelsis ar-
bores olim inquirens, hanc ex Mechanicis legibus deduxerat, ac per tu-
bulos plantarum cum eluctari succum persuasum habebat: cum autem ple-
rique Philosophi in ea sint opinione, ut putent eum succi ascensum car-
nosæ & spongiosæ substantiæ quæ fibras involvit, acceptum referti oportere, quædam in eam rem fecit experimenta, è quibus liqueret utra senten-
tia esset veri propior.

1. Charta bibulæ frustulum latum sex lineis suspendit parte illius infi-
ma in aquam demersa, aqua ultra sex digitorum altitudinem mox ascen-
dit.

2. In tubo vitreo tres lineas lato, & spongiæ siccæ frustulis non ad-
modum compressis impleto, aqua ultra unius digiti altitudinem sublata non
fuit.

3. In Charta bibula quæ in eodem tubo conclusa est & contorta, sic
tamen ut pars tubi pene dimidia vacua esset, aqua ad 133 linearum alti-
tudinem tridui spatio sic evecta est, ut intra 12 horas primi diei 100 lineas
decurreret.

4. Ubi in eodem tubo Charta non convoluta, sed pressior, adeo ut
nihil pene inanis relinqueret, posita fuit; intra 12 horarum spatium, aqua
ad 112 usque lineas, tum per aliquot dies paulatim facta sublimior tandem
ad 225 usque linearum altitudinem est eluctata. Id vero ab eo fuit animad-
versum, aquæ sursum sublatae parrem rubi interiorem guttis satis crassis per-
fundi, quæ ascensum aquæ promovere potuerunt. Nam hæ guttæ vitri pa-
rietibus adhærescentes chartam sibi proximam madidam efficiebant. Unde
ubi pars tubi inanis fuit, ita ut charta tubum minis oppleret, aqua non ad
tantam altitudinem provecta fuit.

Ex quibus id colligitur, vix illam de ascensu aquæ per partes spongiosas
in proceris arboribus cum legibus quæ in libratissimis liquoribus observantur,
conciliari posse, etsi forte in plantis mediocris staturæ locum obtineant.

Ista quidem experimenta in actis exposita sunt ejusmodi, ut à nobis præ-
teriri non potuerint. Ex iis enim multa speculatione digna erui possunt, quæ
ad Philosophiæ naturalis generalem notitiam spectant.

IV. Hujus generis sunt ea quæ ad vegetationem seu germinationem stir-

Sf ij

A. N. 1693. ³¹⁴ pium pertinent. Illud imprimis excutiendum fuit, utrum aër huic vegetationi omnino sit necessarius, quæ communis est & recepta omnium pene sententia: atque illa vegetatio nihil aliud videtur esse, quàm partium, quæ in ipso germine jam insunt delineatæ, ampliatio & intumescencia. Et quidem spongia aqua madida non minùs in vacuo intumescit quàm in libero aère. Quin & grana terræ mandata non minùs in vacuo videntur, quàm in aère intumescere & germinare posse.

V. Id verò ipsum experiri voluit D. Homberg, ut in Aëtis mensis Junii dilucidè explicatum habemus. Terræ capsulâ lignâ conclusæ varia commisit semina certis locis distincta, portulacæ, nasturtii, lactucæ, chærefolii & Apii sativi machinæ pneumaticæ imposuit: è capsula exhausta aëra, tertio quoque die terra irrigata, tum intra recipiens reposita. Aliam consimilem capsulam cum iisdem seminibus libero aëri exposuit, quæ germinarunt intra paucos dies, in machina longè tardius. & perpauca ex iis semina vegetare visa. Nec duo prima folia lactucæ ad debitam magnitudinem excreverant, ut in nasturtio & portulaca. Vix uno die in vacuo perstitit portulaca; nasturtium per sex dies, lactucæ germen diutius stetit; sed admisso aëre cœpit tabescere, ut & alia semina. Terra sexto post die cum irrigata fuisset, & recipiens aëre exinanitum, intumuit fere ut farinæ massâ cum fermentescit, adeo ut pars ejus è capsula in recipiens deciderit, eaque manibus contrectata subpinguis & mollis visa est, cum antea esset instar arenæ aspera, quod fortè quædam molecule sibi agglutinatæ ab humore disjunctæ fuerint. Nam humor facilius in vacuo has moleculas penetravit & diluit, quàm in aère libero, simul & vacua spatiola in particulis crassioribus excavata implevit, hinc major mollities. Quin & aër in aqua recens affusus dispersus præ illa subpingui & limosa terra liberum non habuit exitum, atque ex illo aëris nisu illa prodiit intumescencia, & velut ebullitio quædam.

VI. Ex iis D. Homberg duo colligebat, præcipuam germinationis causam non in pondus, vel elaterium aëris referri oportere, cum semina in vacuo germinaverint. 2. Ab aëre tamen ut à causâ adjuvante, ut vocant, vegetationem seminum promoveri, cum perpauca se se in vacuo extulerint. Nam aër in unoquoque grano inclusus vi sua elastica magis se dilatat in vacuo, quàm ubi à circumfuso undique premitur, ubi illæ manent præcipuè seminis partes, nec subita rarefactione disrumpuntur, ut accidit in vacuo, ubi nihil fibras seminis adversus inclusum aëra munit & firmat, atque ab eo nimium dilatatæ faciliè lacerantur.

Illud experiri placuit an plantæ quæ in vacuo germinaverant, in libero aëre adoluerent: verum omnes tabescere visæ sunt, quædam citius, ut lactuca, aliæ tardius.

VII. Ac ne id quidem tacendum est, plantulis quæ in vacuo germinarunt, aquæ guttulas semper insidere visas quæ summitates earum attingebant, mox in terram subjectam relabentes. Atque ex guttæ non ex ipsis plantulis, sed è terra irrigata prodeunt, neque aëris pondere aut elaterio, sed materiæ forsan ætheræ vi in sublime aguntur. Etsi enim pondus aëris vaporibus attollendis & librands multum confert, tamen à terra quæ in

recipiente posita est, plus aquæ sursum sublata est in machina, quam ex *Chymica* alia consimili aëri exposita, cum æqualis humor, & calor itidem æqualis esset. Nam globus vitreus exhausto aëre intus aquæ guttis obductus apparuit, atque intra 12 horas aqua fere tota, qua terra in capsula lignea contenta perfusa fuerat, ad imum recipientis decidit: cum in aëre libero campana superposita paucis guttulis aquæ obduceretur: magno quidem argumento particulas aquæ, seu vapores non sola aëris circumfusi, sed æthereæ quoque materia vi in sublimē vibratas fuisse in machina pneumatica. Quamvis id verisimillimum sit ad eandem altitudinem vapores non efferi in vacuo posse, atque in ipso aëre: nam illud admodum est probabile eo usque ascendere vapores, dum sint in æquilibrio cum aëre ipso.

VIII. Hæc quidem de Plantarum vegetatione in universum. Interim D. Tournefort Tractatum suum de Plantis ad certa genera revocandis legere incœpit, qui anno 1694 in lucem prodit. Physicas quoque circa fibrarum in quibusdam plantis contractionem observationes, nec non dissectionem de Plantarum Mechanica variis in consensibus ex scripto legit.

IX. D. Dodart complures stirpium descriptiones à D. D. Marchant & Tournefort propositas cum figuris jam ære incisus contulit.

Analyses quoque stirpium à D. Bourdelin sunt continuatz. Si quæ fortè occurrerent mœdendi arti utiles, ab hujus rei peritis interdum hoc ipsum fuit annotatum. Ex. gr. cum cochleariæ, quæ ubique in scorbuto salutaris habetur, liquores per analysim Chymicam resoluti exponerentur, multos ab eo morbo cochleariæ & nasturtii frequenti usu sanatos esse; acrium usum huic morbo optimum esse remedium viri experti testati sunt. Alii aëris mutationem, aut remedia quæ effratos humores temperant, prætulere.

X. Cum etiam ex occasione analysicos Aconiti de venenorum natura & remediis sermo haberetur, D. Charas id monuit, in arcula cujusdam mulieris norissimæ, quæ ultimo supplicio scelerum suorum pœnas luit, inventam esse aquam omnino inspidam & limpidam, quæ propinata animantibus eas enecavit, atque illius mulieris fratrem succo citri diu vitam produxisse testatus est. Addebat uberiorem aquæ potum adversus venena corrosiva non inutile esse præsidium.

Die 26 Augusti vir pietate & doctrina insignis P. Lamy à Congregatione S. Mauri misit ad me rotulam trunci ex ulmo excisa, quæ utrimque figuram Crucis, qualem gerunt equites Melitenenses graphicè delineatam exhibebat. Quocumque in loco hic truncus dissecaretur, eam crucem exprimebat.

XI. Cum D. Dodart die 2 Decembris plantæ illius pervulgatz, cui Tanacetum nomen, legeret descriptionem, occasione nata nos docuit eam herbam esse basim & fundamentum illius aquæ quam vir illustriſſ. Dux Montrauserius adversus rhumatismos parabat. Folia & summitates hujus plantæ aquæ ardenti vini infundebat. Post frictionem hanc aquam adhibere jubebat parri affictæ, ac sepe id remedii bene procedebat. Cum hujus rei occasione de variis remediis sermo haberetur, D. Tournefort

AN N. allium colicis doloribus optimum esse remedium testatus est.

1693. XII. Tractatum suum de tinctura Antimonii variis in congressibus legit D. Homberg, hanc per varia acetorum genera & spiritum vini elicit. In dissenteris se feliciter adhibuisse hanc tincturam spiritu vini extractam affirmabat.

Die 23 Decembris D. Morin Doctor Medicus in cœtum Academicorum ab illustriss. D. de Pontchartrain adlectus nonnulla de fossilibus disseruit, ac præcipuè de ferri vena, ex qua ferrum malleo ductile extraxit. Hujus rei occasione D. Homberg visum à se hominem dixit, qui tundendo ferrum, illud candens & adurens efficiebat. D. de la Hire se expertum ait virgulam ferri sæpius inflexam & reductam mirum in modum incallescere. D. Homberg adjecit se in Suecia vidisse fusores, qui conjectum in fusum metallum lignum manibus retraherent. Quin & D. Galloys vidit apud Cœnomanos opifices, qui fusum ferrum manibus huc illuc in minutas pilulas spargerent. Paucis post diebus formam & ideam eorum quæ circa mineralia animo concepit, è scripto recitavit D. Morin.

CAPUT III.

De rebus Anatomicis.

I. Neunte hoc anno viperarum anatome, muscutorum, dentium, & viscerum structura diligenter fuit examinata. Quid superiori anno D. Charas acciderit, ut semel & iterum viperæ dentes venenatos digitis infixerint, quodve remedium attulerit, ipsemet scripto exposuit, quod in Actis publicis mensis Januarii habemus explicatum. Ubi inter alia illud commemorat, Ambrosium Parçum Caroli IX. & Henrici III. Chirurgum Montispeffulani à vipera itidem in digito vulneratum fuisse, eumque strictiori ligatura supra vulnus adhibita ab omni periculo liberatum, ut ipsemet l. 21 testatur. D. Charas præter ligaturam 24 grana salis viperini in priori casu hauserat, ut sudorem excitaret: sed solam ligaturam posteriori vulneri adhibuit. Paræus præter ligaturam gossypium aqua vini ardente, in qua theriacam dissolverat, imbutum, vulneri imposuerat. Alio utuntur remedio Pictones, quod eo loco refertur: uti & illud cujus mentionem facit D. Boyle in libro de utilitate Philosophiæ experimentalis. Ferrum candens vulneri quam fieri potest citissimè & proxime vulneri admoveatur, ut venenum foras educatur. Idque bene processit in homine quem vipera momorderat: nam cultri candentis vim per 10 aut 12 horæ minuta calorem quam poterat maximum ferens, manus ejus detumuit: cujus rei sæpius factum est periculum.

II. Cum de venenis olim sermo haberetur in Academia, D. Blondel ait sæpe id contingere in America, ut venatores morfu animalium percussæ vitæ discrimen adeant, neque aliud huic malo esse remedium aut certius, aut facilius quam pulverem pyrium vulneri positum accendere. Et qui-

dem vidi in Normania rusticos parato uti remedio adversus canum rabidum morsus: exsugunt sanguinem & salem vulnere imponunt cum ligatura. *Ana- tom.*

III. In quo positum sit virus viperæ, an in succo flavo intra dentium cava contento, ut videtur D. Redi, an in spiritibus viperæ irritatis, diu agitatum fuit. D. Charas postiori accedebat sententiæ, quam in libri sui de viperæ postrema editione, ex iis quæ sibi acciderunt uberius confirmat.

Hæc quæstio multum & diu ventilata fuit, atque ex variis experimentis illius solutio quæsitæ: qua de re superius egimus.

IV. Nec minori animorum contentione de respiratione in fœtu & in testudine, ac de usu ovalis foraminis, quod patet à ventriculi dextri cordis auricula ad venam pulmonum, de canali qui ab arteriæ pulmonum trunco in Aortam descendente desinit, inter peritissimos Anatomicos disceptatum fuit. Utrum ii ductus circulationi sanguinis ita sint destinati, ut fœtus & testudo diu vivant pulmonibus omnino cessantibus, quod sanguini per hos ductus liber pateat aditus à vena cava ad venam pulmonum, & ab arteria pulmonum in Aortam? an forte alium habeant usum? Illud quidem circa usum respirationis D. Mery in Actis mensis Martii p. 34. contendit fœtum in utero matris conclusum per matris pulmones respirare, neque ad circuitum sanguinis minus necessariam esse respirationem in fœtu, quam in matre ipsa; siquidem ille per placentam uteri materni fundo adhærescentem una cum matris corpore ita connectitur, ut per funiculum umbilicalem, cujus extremum unum in placentam, alterum in umbilicum desinit, sanguinem excipiat per venam umbilicalem, cujus radices in placenta sunt diffusæ, ac vicissim sanguinem per duplicem arteriam in eandem effundat placentam. Vena sanguinem ab arteriis uteri excipit, atque ab utraque arteria umbilicali sanguis fœtus in placentam, hinc in venas uteri remcat.

V. Id vero sæpe fuit à D. Mery observatum, in parte funiculi ita compressa, ut non possit sanguis ab utero matris in fœtum commeari, statim infantem extinguere, si caput intra uterum vel illius canalem conclusum teneatur. At si foras exierit caput, non propterea moritur infans, quantumvis funiculus prematur à reliquo corpore in ipso transitu arcuatus. Atque huius effectus vix alia afferri causa potest, quam respirationis in fœtu ut in matre necessitas, adeo ut aer una cum sanguine materno permixtus circuitum sanguinis in fœtu promoveat, dum pulmones omnino cessant.

Cum autem in partu cor infantis satis habet roboris ut sanguinis circuitum efficiat, ut capite foras prolato spiritus animales huius motus opifices vim suam exerunt, sanguinis circulatio non amplius à materno pendet sanguine.

VI. Itaque in negabat in fœtu hunc esse usum ovalis foraminis & canalis inter arteriam pulmonum & aortam, ut respirationis defectum suppleant: siquidem una cum matre respirat & unum velut corpus cum illa efficit. Nam ubi aëri commercium in funiculi pressione intercipitur, statim moritur. Quin etiam infans capite foras prodeunte, & funiculo ab omni pressione libero, si quid obstat quominus ore ducat aëra, statim is vivere desinit, tametsi & foramen ovale & canalis diu parent postquam natus est infans.

ANN.
1693.

VII. Quædam tamen in testudine experimenta fecerat, quæ contrariæ & vulgo receptæ opinioni videntur suffragari. Testudo enim sublata pectorali testa, quæ sterni loco est, adhuc per septem dies vita produxit, cum canis sterno detracto statim extinctus fuerit: quod in testudine sanguis per apertos in corde ductus circuitum suum diu continuaret, non item in cane, cui oclusi sunt hi ductus: magno quidem indicio nec sætum aëre indigere, ut sanguinis circuitus fiat, quod in corde sætus sanguis ab uno ventriculo in alium recta committet, nec respiratione illi opus sit. Sic utraque maxilla arcte constricta in testudinibus, arque ore & naribus cera obsignatoria rite oclusis, illæ nihilominus citra respirationis usum per 30 & amplius dies vitam protraxere.

VIII. His urique respondet D. Meri in Actis mensis Augusti, aliam ob rationem testudines diutius vivere citra respirationem, quod in iis alia sit cordis structura quam in homine. Nam cor testudinis triplici ventriculo donatur, dextro, sinistro, & medio quodam inter utrumque intersecto. Dextrum à sinistro septum quoddam separat spongiosum, versus basim cordis amplum est foramen pene ut in humano fœtu, sed in medio aliud est foramen quo ambo hi ventriculi dexter & medius inter se communicant. Medius ventriculus utroque multo est angustior, nec aliud quiddam videtur esse quam dextri continuatio, adeo ut tres hi sinus pro uno & eodem habendi sint, neque unus seorsum aut separatim ab aliis agere possit: quod utique ex vasorum dispositione liquet.

Nam in sinu sinistro nulla est arteria quæ sanguinem à vena pulmonum exceptum referat, sed necesse est ut sanguis qui a vena pulmonum in sinistrum sinum delabitur, in dextrum ventriculum transmittatur: sinus intermedius arteriæ pulmonum præbet originem, ac nullam excipit venam. E sinu dextro ortum ducit Aorta, uti & arteria inter pulmonum arteriam & Aortam descendente interjecta, quæ in testudine cum Aorta descendente non coniungitur nisi juxta ventriculum, non ut in fœtu prope Aortæ originem: sinus is dexter truncum quoque venæ cavæ excipit.

IX. Quare medius ventriculus partem duntaxat sanguinis in pulmones deferat, quem sinister in dextrum sinum revehit, ex quo in arterias propellitur. Sic ventriculi omnes junctis viribus sanguinem è ventriculo dextro protrudunt, ac sanguis in duas partes dividitur. Pars ejus præcipua in Aortam & in arteriam illam quæ est velut canalis communicationis; pars altera & minor pulmonum vegetationi & nutritioni destinata è dextro in medium ventriculum, hinc in pulmones deducitur, eorum venam subit & in sinistrum sinum effunditur, ubi nullam offendit arteriam. Quare per apertos meatus in dextrum sinum remeare compellitur. Non ita est in homine: nam septum quod duos ventriculos separat, nullis pervium est foraminibus, & inter ventriculos nullum est commercium; unicuique sua vena, sua iidem est arteria; ambo separatim agunt, & sanguis non idem insitit iter. In testudine tres ventriculi in eandem simul actionem conspirant, ut sanguinem ex uno & eodem ventriculo expellant.

X. Deinde longe major est in homine habita ratione corporis copia sanguinis quam in testudine, uti ex vasorum multitudine & magnitudine colligitur,

colligitur, quæ in testudine & parva extant & numero perpauca. Pulmones quidem in testudine mole sua vincunt pulmones cæterorum animalium: unde & valis donantur longioribus, sed pauciores ramos & minores habent anfractus, unde & minus ii ponderant: cum ex amplis consistant vesiculis quæ vacuæ sunt, quæque venis & arteriis pene destituuntur, quod minorem sanguinis quantitatem excipiant: In testudine enim pulmones quantam implent corporis partem, in homine vix decimam.

XI. Cum ergo in decima corporis humani parte longe major sit copia sanguinis, quam in quarta testudinis parte, reliquum humani corporis longe majori sanguinis quantitate perfundi necesse est, quàm testudinis corpus. Quin & ambo ventriculi cordis in homine longe ampliores sunt, quam tres ventriculi testudinis, nec tantum itineris conficit sanguis in testudine, atque in homine. In illa enim pars magna sanguinis in Aortam è ventriculo dextro commeat, nec pulmones trajicit & in unoquoque circuitu semel tantum per cor transmittitur, cum in homine bis cor pertranseat: nam uterque venæ cavæ truncus in ventriculum dextrum effusus longo itinere per pulmones in sinistrum cordis sinum transmittitur.

Postremo ex cordis & arteriarum pulsu id liquet, sanguinis motum multo tardiorē esse in testudine. Atque ex iis omnibus efficitur, motum sanguinis circularem in testudine non adeo egere respiratione, quod cor illius satis validum sit, ut sanguinem parciorem breviori tramite, junctis viribus & tardiori motu propellat: cum in homine major sit sanguinis moles, longius spatium percurrendum, & celeriori motu opus sit: unde externo aëris subsidio omnino indiget, neque eo carere potest.

XII. Quæ autem ratione aër sanguinis circuitum promoveat, paulo uberius explicat D. Mery loco citato qui consuli potest. Illud primum statuit, dilatato pectore aëra per os & nares subire, asperæ arteriæ ramos, atque ad vesiculas usque pulmonum penetrare. Constricto thorace partem aëris pulmonibus conclusi & pressi è vesiculis in venas cum impetu protrudi putat, sanguinem à tergo versus cor impellere, motum illius accelerare, qui alioqui torperet in pulmonibus. Inclusum in venis pulmonum aëra cum sanguine misceri: siquidem in singulas vesiculas ramuli asperæ arteriæ, & venæ desinunt, ac sanguis unà cum aëre exquisitè mixtus in sinistrum cordis sinum & in artetias deducitur, quem aër leviorē & ad motum magis idoneum efficit; innumeras in sanguine bullulas creat, quæ sanguinis molem augent, cor & arterias sic instant, ut vel minima pressione sanguis cum impetu erumpat. Tum spirituum animalium accessu cor contrahitur, sanguis sinistro sinu & arteriis contentus in extremas corporis partes protrusus per venas in dextrum cordis sinum remeare compellitur. Nam valvulæ venarum eò versus sanguinis motum instant & determinant. Spiritus animales systolen, seu contractionem cordis efficiunt: cum enim fibras distendunt, simul ventriculos cordis arctant. Sed ut videtur D. Mery, aër ipse diastolen procreat, dum suo elaterio ventriculos & arterias distendit, statim atque cessat pressio ab intumescencia fibrarum orta: verum aëris continenter hausti elaterium plus equo auctum circulationem ipsam tandem inhiheret, nisi insensibili perspiratione dissilaretur. Nam spi-

ANN. ritus ipsi animales ab elatere aëris victi cederent, nec cor ipsum possent contrahere.

1693.

XIII. Neque illud abhorret à verisimili hanc insensibilem perspirationem quæ tardius fit in testudine, quàm in aliis animantibus, ex parte causam esse cur ea tamdiu vivat citra respirationem. Nam aër diutius in testudine conclusus vasa distendit, & sanguinem efficit leviores. In homine autem impedita respiratione sanguis fit crassior & gravior, cumque vasa sint eo op-pleta, majori vi opus est, & pressione ut expellatur.

XIV. Accedit illud quoque in testudine pulmones amplos esse, & vesiculas longe majores quam in homine; adeo ut sint quædam velut promptuaria aëris. Unde viperæ & ranæ, in quibus ea est cordis & pulmonum structura, ut diu vivere possint citra respirationem, in Machina Pneumatica vix tandem moriuntur, ut expertus est D. Homberg.

XV. Cum autem in fœtu cordis ventriculi eodem sint modo dispositi, atque in adultis, existimat D. Mery eum itidem aëris respiratione, eo quo diximus modo indigere: tametsi foramen ovale & canalis pateant in fœtu. Verùm is negat ob respirationem id esse à natura provisum, sed ob alios usus de quibus suo loco.

Hæc quidem disceptatio de ovali foramine & illius usu in fœtu paucis post annis inter viros Anatomix peritos aliquantulum efforbuit, atque ex una parte prodit liber D. Mery de circulatione sanguinis in fœtu, ex altera tractatus D. Tauvry de generatione & nutritione fœtus; utrobique hoc argumentum fuse & docte fuit pertractatum. Inter alia de structura cordis & pulmonum testudinis, de ejus respiratione agitatae sunt variae quæstiones. Nam ex Analogia partium testudinis & earum usu in respiratione non infirma ad ovalis foraminis in fœtu usum argumenta D. Mery deducebat. Nec video inter eum & D. Tauvry quoad partium structuram magnam fuisse contentionem, tametsi in earum usu non omnino inter se consentiunt. Verum ea de satis recondita auctores ipsi consuli possunt.

XVI. Mense Maio D. du Vernay pedem Leonis incidit; musculorum structuram & usum exposuit; manuum hominis cum pede anteriori Leonis contulit, & utriusque conformationem; pedis quoque Leonis & Uteri musculos oculis subiecit D. Mery.

XVII. Die 4 Augusti corpus adolescentis à fulmine icti aperuit D. du Verney, atque illius historiam scripto tradidit. Sequanam trajiciebat una cum Principe Emanuele à Lotharingia & ejus Præceptore Doctore Theologo D. Chartier, qui in prora sedebant. Scaphæ partem anteriorem fulmen leviter attingit, hinc reflexum in adolescentis occiput sibi obvium sic incurrit, ut in eo duplex contusio & utraque levis appareret. Adolescens sedens immotus iis qui aderant dormire visus est. Aperto post duas horas corpore, sana erant viscera exceptis pulmonibus qui omnino contabuerant, & multo magis concidisse videbantur, quàm in ullo alio mortis genere. Apertis pulmonibus tracheæ rami ab igne illæsi, sed vasa sanguinea erant exinanita; cor omnino sanum, & ejus ventriculi admodum distenti ex copia sanguinis liquidi, non concreti. Cranium ex ictu fulminis illæsum fuit, uti & partes omnes cerebri, nisi forte quod in parte summa cerebri lymphæ erat congelata intra piaz matris plicas coacta.

Postea D. du Verney structuram capitis in serpentibus, quidve habeat cum viperæ capite commune, ostendit.

XVIII. Ne illud quidem tacendum putem quod D. Merv die 18 Novembris nobis retulit se in pueri aperto cadavere invenisse crassiora intestina inflammata, & gangrenæ proxima, cum tenuiora intestina sana omnino essent. Crebra Enemata cum corticis Peruviani pulvere parata huic injecta fuerant. Quæ, ut ipsi visum est, causa fuit, non mortis forsitan, nam ardenti feбри is laboraverat, sed illius inflammationis in crassioribus intestinis visæ.

XX. Cum ex occasione quadam de colicis doloribus sermo haberetur, D. Tournefort allium his intestinorum torminibus optimum ait esse remedium. Ego quidem interdum vidi ventris tormina fedari hausto pulvere glandis una cum vino generoso. Pars interior glandis & quasi nucleus in pulverem comminuitur. Nec clam me est è diversis causis hunc oriri morbum, nec eodem sanari medicamine.

CAPUT IV.

De rebus Mathematicis.

I. Die 22 Januarii Eclipsis Lunæ totalis Lutetiæ observari non potuit, quod cælum nubibus esset obductum. Hanc Massiliæ observavit D. Chazelles: ex illustrium macularum immersione in telluris umbram, & ex earum emersione quæ tum esset Lunæ latitudo, subductis calculis à D. Cassino conclusum fuit, Eclipticam quæ centrum umbræ pertransit à centro Lunæ quarta parte diametri lunaris tum remotam fuisse. Cum autem differentia meridianorum Lutetiam inter & Massiliam sit 12 horæ minut. ut superius demonstratum fuit, observationes circa initium Eclipsæos, immersionem integram, emersionis initium & finem omni fere ex parte cum calculo à D. le Fevre ante initio consentire visæ sunt.

II. Cum circa septimum diem Decembris anni 1692, Jupiter in oppositione sua cum Sole reperiretur, D. D. de la Hire & Sedileau tempus illius oppositionis magno studio & cura observarunt. Hinc enim medii superiorum planetarum motus, excentricitates & Aphelia eruuntur, cum in iisdem Eclipticæ locis videantur, in quibus ex Sole ipso viderentur. In conjunctione sui copiam non faciunt, extra conjunctionem & oppositionem cum Sole, apparenti inæqualitati ex annuo motu ortæ sunt obnoxii. Unde ejusmodi observationes in oppositionibus accurate fieri solent in Regio Observatorio. Quæ à D. Sedileau diebus 6, 7 & 8 Decembris factæ fuerunt observationes, in Actis mensis Februarii dilucidè exponuntur.

III. Die 13 Decembris D. de la Hire Jovis & Saturni oppositiones jam à multis annis factas cum tabulis Rudolphinis collatas exhibuit, Kepleri Epocham circa Jovis & Saturni oppositiones correxit.

IV. Is ipse die 12 Martii Lunæ per Pleiadas transitum diligenter ob-

AN. servavit, uti videre est in Actis mensis Martii, ubi stellarum è quibus
1693. hæc constellatio coalescit, figura delineata cum numerosis stellulis quæ majoribus tantum telescopiis dereguntur, pulchrè exprimitur. Atque hæc stellulæ quæ idemdem cum Luna conjunctæ eclipsim patiuntur, magno sunt usus, ut Lunæ motus accuratè definiatur.

V. Eodem quoque tempore D. Sedileau Lunæ transitum per Pleiadas & Eclipses aliquot stellarum observavit, atque hinc longitudinem, latitudinem & parallaxim Lunæ eruit.

VI. Inter observationes Astronomicas quæ factæ sunt à P. P. Societatis in Sinensi regno, & quas P. Goye hoc anno publici juris fecit, illa insignis est, Mercurii in Sole visi, à P. Fonrenay facta die 10 Novembris anni 1690 circa meridiem. Hæc Mercurii cum Sole conjunctio Lutetiæ videri non potuit: sed Norimbergæ à D. D. Vvulzelbaur & Eimart hora 8 matutina cum quadrante visus est in Sole Mercurius à Solis limbo semidigito remotus.

VII. Ex utraque illa observatione multa collegit D. Cassini speculatione digna circa locorum longitudines, orbitæ Mercurii ab eclipctica distantiam, seu latitudinem, nodorum situm & motum, de quibus consuli possunt Acta Academiæ 15 die mensis Maii; ac de iis plura dicentur ad annum 1698.

Atque ut ex iis perpauca delibemus, quæ factæ sunt Norimbergæ observationes, indicant Mercurium hora 8, 27 min. 33 sec. è Sole omnino exiisse, cum Cantonii in Sinensi regno hora 3 post meridiem, 18 min. 3 sec. prodierit. Unde longitudinum differentia inter utramque urbem est hor. 6, 50 min. 30 sec. Ex eclipsi Lunarum anno 1685 die 11 Decembris ab iidem viris Doctissimis Norimbergæ factis observationibus, cum iis quæ Lutetiæ sunt itidem factæ collatis, Meridianorum differentia Lutetiam inter & Norimbergam inventa est 32 min. seu dimidiæ horæ vel circiter. Quam differentiam longitudinum si addideris differentiæ jam repertæ inter Cantonium & Norimbergam, habebis merid. differentiam Cantonium inter & Lutetiam hor. 7, 22. Qualis ex observatione eclipseon primi satellitis Jovis fuit explorata.

2. D. Cassinus nodum Mercurii, illius motum, & latitudinem ex his observationibus collegit, quod iterum accuratius præstitit, postquam ejus observationibus correctius exemplar post biennium nactus est.

3. Eadem Meridianorum differentia inter Cantonium & Norimbergam, quæ ex Mercurii emersione è Solis limbo eruitur, quæque per eclipses Lunæ & primi satellitis Jovis est reperta, persuadet parallaxim Mercurii vix esse sensibilem.

VIII. Die 13 Julii stella illustris quæ cor Scorpionis, & Antares v. nominatur, à D. Cassini fuit observata, nec Lunæ corpus eam obduxit propter Lunæ parallaxim, cum Massiliæ eclipsim passa fuerit: quod parallaxeos differentia unius minuti & 50 sec. efficit. Hæc per semihoram corpori Lunari affixa visa est. Quæ ex hac Lunæ cum ea stella conjunctione collegit D. Cassini circa parallaxim Lunæ, ascensionem ejus rectam, & distantiam à terra, die 14 Novembris in primo post inducias congressu legit.


Eodem die D. de la Hire observationem suam circa Martis & Jovis conjunctionem quæ mense Octobri contigit, è scripto recitavit.

Die 21 Novembris P. le Comte qui recens è Sinenſi regno advenerat, una cum P. Floriot in Academiam venit. Ac primum observationes à P. P. Societatis tum in eo regno, tum in ea regione quæ *Pontichery* appellatur, factas exhibuit, 1. Chartam Tartariæ, cujus exemplum delineandum curavit D. Cassinus, 3. Stirpes raras & in Gallia plane incognitas accuratissime delineatas, cum multorum piscium iconibus, 4. varia P. P. Societatis itineraria, Imperii Sinenſis statum politicum, religionem, mores, naturalem historiam, quæque ad situm regionum spectant, duobus voluminibus eleganti stylo & candido complexus est. In iis libris, admirabiles Christianæ Religionis progressus, propensus Imperatoris in Catholicos animus, bonarum artium studium, & alia bene multa continentur: ex quibus facile est intelligere Academiam non tantum scientiis & artibus, sed etiam promovendæ Religioni non inutilem fuisse. Paucis post diebus D. Cassini Tartariæ Chartam protulit, in qua animadvertit Pequini longitudinem decem gradibus majorem quam revera sit, in ea tabula delineari. Longitudines & latitudines multarum urbium ex recentioribus observationibus quam P. P. Jesuitæ miserant, postea emendavit. Ambo D. Cassinus & D. de la Hire existimant Sinenſe Imperium multo esse angustius quam vulgo creditum est.

I X. D. Varignon diebus 30 Maii & 6 Junii 1693, generatim cunei vires juxta quamlibet hypothesim tum figuræ cunei, tum etiam directionis mallei in cuneum impacti, demonstravit. Relatis enim quatuor hac de re Mechanistarum sententiis, quorum alii statuunt vim qua percutitur cuneus, semper esse ad resistantiam seu ad corporis findendi tenacitatem, ut dimidium basis cunei isoscelis ad ejus altitudinem; alii ut est basis tota ad hanc altitudinem; alii, ut dimidia basis ad latus; alii denique, ut maxima fissuræ latitudo ad ejus profunditatem, quam ultra cunei aciem ponunt. His, inquam, relatis de cuneo sententiis, suam protulit D. Varignon, generatimque demonstravit, *Equipollentibus cuneo & corpore findendo, vim qua cunem, ut libet, percutitur, semper esse ad resistantiam seu tenacitatem findendi corporis, ut productum ex sinu totali per sinum anguli quem findentia latera cunei, seu circumscripti cuneo perpendiculariter ad fissuram planum trianguli cujusvis rectilinei comprehendunt, ad productum ex sinu incidentia mallei in cuneum per summam sinuum angulorum ad cunei vel trianguli hunc exhibentis basim positorum: vel (si mavis) ut productum ex sinu totali per hujus trianguli basim, ad productum ex sinu anguli incidentia per summam cæterarum ejusdem trianguli laterum.* Atque hinc eruitur quid verum, falsumve sit in superioribus Mechanistarum sententiis.

Idem die prima Augusti 1693: plures Galilæi propositiones de gravium per inclinata plana descensu, planis contiguis accommodatas & universaliores fecit.





SECTIO TERTIA.

De rebus Mathematicis anno 1694. pertractatis.

Astronomica, Geometrica & Mechanica hoc vertente anno ut superioribus proposita fuerunt & discussa : ab Astronomicis ducemus exordium.

CAPUT PRIMUM.

De rebus Astronomicis.

I. D Ominus Cassini dissertationem de stellæ Polaris ab ipso mundi Polo varia distantia in uno aut altero congressu legit : in qua observationum Astronomicarum antiquitatem ex 1200 annis ante Hipparchum deduxit.

II. Cum vetus Jovis macula circa 13 diem Januarii rediisset, observationes circa hanc maculam à se factas itidem legit mense Martio, atque insignem maculam in tertio Jovis satellite à se deprehensam admonuit. Quin etiam quantum variare possint eclipsion satellitum phases, propter eas quibus inficiuntur maculas, peculiari scripto exposuit.

Die 13 Martii observationes suas circa concursum unius è Jovis maculis cum umbra primi satellitis è scripto legit.

III. Cum D. Chazelles Hydrographiæ Professor Regius, nunc Academiæ Socius Mediterraneum mare Regis jussu lustraret, atque immersiones primi satellitis Jovis accuratè observaret, easdem Lutetiæ & iisdem temporibus D. Cassino observante, differentia longitudinis Lutetiam inter & Melitam Insulam inventa est 12 gr. 8. min. 45 sec. collatis immersionibus ejus satellitis Lutetiæ, & Melitæ simul perspectis. Latitudo Insulæ Melitensis inventa est 35 gr. 53 min. 30 sec.

IV. Consimili ratione Mediterraneum mare ad Ægyptum usque percurrrens, multò id majus, quàm revera sit, in chartis delineatum comperit. Altitudinem Poli 13 min. majorem invenit Alexandriæ quàm à Ptolemæo notata fuerit: longitudinum differentiam Lutetiam inter & Alexandriam invenit unius horæ 51, 11, inter Lutetiam & Magnum Cærum unius horæ 58, 20, sed de his infra fusiis. Pyramides Ægypti eidem Meridiano subjectas, & à Septentrione ad Austrum dispositas invenit.

V. Die 12 Junii filius D. Cassini, annuente illustriss. viro D. de Pontchartrain, & perillustri Abbate Bignon, in Academiam adscitus tabulas exhibuit à se computatas, quibus ad quamlibet stellæ Polaris altitudinem

quacumque hora diei, & quovis die ubique terrarum ejus deviatio horizontalis ad ortum, vel occasum dignoscitur, ut explorata habeatur acus *astronom.* magneticæ declinatio, & Poli altitudo.

VI. Die 22 Junii eclipsis Solis à D. D. Cassini & de la Hire, quantum per cælum nubibus obductum fieri potuit, observata fuit. Lugduni à D. Cusset, Avenione à P. Bonfa Societatis JESU accuratius ea fuit observata.

Lugduni incæpit hora quarta 48, 16; defuit horâ sextâ, 12, 33. Avenione Sol incæpit deficere horâ quartâ, 51 min. 21 sec. Maxima obscuritas fuit 2 digit. $\frac{2}{3}$ horâ quintâ 34 min. 23 sec. Finis horâ sextâ 19 min. 24 sec.

Lunæ eclipsis die 7 Julii circa horam primam à media nocte à D. D. Cassino & de la Hire itidem fuit observata. Hic verò advertit anno 1673. seu 19 ante annis Lunæ eclipsim eodem die contigisse.

VII. Suas in postremam Lunæ eclipsim animadversiones D. Cassini è scripto legit, ac filius ejus rationem proposuit inveniendi diametrorum Solis & Lunæ per obliquum transitum Lunæ. Excunte hoc mense idem D. Cassini filius Chartam Geographicam exhibuit, in qua longitudines & latitudines juxta recentiores observationes erant delineatæ.

VIII. D. de la Hire quæ sit ratio diametri Lunæ ad terræ diametrum peculiari scripto expendit, illam esse 275 partium millesimarum diametri terræ comperit nempe $\frac{1}{275}$.

IX. Filius ejus mense Junio in Academiam cooptatus fuit, ut patrem in perficiendis observationibus adjuvaret. Paucis post diebus D. Maraldi, D. Cassini è sorore nepos itidem selectus fuit à D. de Pontchartrain, qui Academiæ interesset, & avunculum juvaret in observationibus, uti & filius ejusdem paulo autea eidem muneri præfectus fuerat. Quo quidem omnes egregiè functi sunt: non multo post tempore D. Bouleduc in Academiam adlectus fuit à D. de Pontchartrain, qui unâ cum D. Homberg Chymicos labores promoveret.

D. Cassini collectiones omnium conjunctionum Mercurii cum Sole, quarum Astronomi cùm veteres, tum recentiores mentionem fecerunt, è scripto recitavit cum suis annotationibus, die 19 Decembris.

CAPUT IV.

De Rebus Geometricis.

I. Inter alia quæ sunt purioris Geometriæ & Arithmeticæ theorematà D. Varignon illustrium quorundam Geometrarum nostræ ætatis opinionem circa longitudinem spiralis Archimedis refellens, ostendit eam esse longiorem dimidia parte circumferentiæ circuli circumscripti. Idem generalem Methodum, qua tangentes, longitudines, & quadraturæ spiraliū omni generis parabolici, ac proinde etiam hybetbolici & quarumlibet revolutionum inveniuntur, palam exposuit.

II. Aliquot post diebus soliditatem, & gravitatis centrum omnium, ut vocant, ungarum parabolicarum in infinitum usque demonstravit. Is quoque ineunte hoc anno Arithmeticam infinitorum explanavit. Hæc à D. Vvallis insigni Geometra per inductionem tantummodo fuerat demonstrata.

III. D. de la Hire generalem demonstrationem loci angulorum æqualium, quos tangentes sectionum conicarum efficiunt, novam quoque describendi sectiones conicas methodum tradidit.

IV. D. Rolle quandam Diophanti quæstionem solvit, & circuli quadraturam impossibilem esse peculiari scripto ostendit.

Nec prætermittenda est pars illa Geometriæ, quæ cum Physica conjuncta est.

V. D. Varignon generalem tradidit methodum qua mediæ altitudines cujusque receptaculi aquarum, aut centra media cujusque orificii inveniuntur, generalem quoque regulam demonstravit, qua innotescit motus superficiei aquæ vase, aut receptaculo quovis contentæ, quandiu exinanitur.

Idem postea rem ipsam longius persecutus regulam proposuit, qua effluxus aquarum, tubuli ipsi per quos è variis receptaculis aut tubis erumpunt, juxta specificam earum vel cujusque liquoris gravitatem, quæcunque ponatur, & ad quamlibet altitudinem, ad calculum revocantur. Sic calculum inivit ejus qui in machina pneumatica residuus manet aeris, postquam majori ex parte est exantlatus.

Idque demonstratum ab eo fuit decimam-octavam partem aeris superesse post tricenæ exantlationes, cum receptaculum decies majus est ipsius antliæ tubo; atque universim rationem aeris naturalis ad aëra rarefactum in machina pneumatica juxta proportionem recipientis, tubi, antliæ & emboli indagavit.

VI. Idem rationem inveniendæ altitudinum differentiæ in hydrargyro & aëre qui cum premit in tubi inflexi parte ima, per calculum tradidit. D. Mariotte in Tractatu suo *De Motu aquarum*, ut experientia comprobatum docuerat, summam ponderis atmosphæræ, & Mercurii supra horizontem extantis penes altitudinem sumpti, ad solum pondus atmosphæræ eam habere rationem, quam extensio aeris naturalis in tubo habet ad extensionem aeris quem comprimit Mercurius in imo tubi. D. Varignon generalem formulam præferibit, qua per litteras id ipsum quod quæritur, statim invenitur. Idem citra calculum per Geometriam simplicem est consecutus.

Quin etiam modum proposuit inveniendi rationes inter aëra diversis temporibus eodem in loco circumfusum, aut diversis in locis eodem tempore spectatum.

VII. Sub initium anni D. Moutons Lugdunensis eximius Mathematicus misit ad D. Cassinum Tabulas à se compositas, quas Academiæ oblatas voluit. Has ita inscripsit *Trigonometrie artificialis, sive magni Canonis Logarithmetici supplementum exhibens Logarithmos sinuum & tangentium singulis secundis debitos, tum in primis quatuor gradibus quadrantis, tum in earum complementis*. De usu tabularum in Astronomia brevem dissertationem contextuit D. Cassinus, atque ut eas diligenter asservaret, censuit Academia.


VIII. D. de la Hire libellam non minùs accuratam quàm usu facilem coram exhibuit. *Physi-
ca.*

XI. D. Amontons cujus supra mentionem fecimus, Pontonis stru-
turam à se excogitatam & delineatam protulit, quam omnibus aliis è cu-
pro patatis usu expeditiorem existimat, quòd altero tanto solidior sit, &
dimidia parte latior, citiùs in aquam immitti possit, & multò minori sum-
ptu conficiatur.

E duplici asserum ordine constat, qui in formam crucis dispositi, &
clavis ritè sunt compacti; qua parte se tangunt abietini illi asseres, oleo
illiti exteriùs pice & colophonià, tum foliis tenuissimis cupri obducuntur,
asseribus per clavos infixis. Qui inter se committuntur ferruminis stannei
interjectu ultra 20000 pondo ferunt.

IX. Ad Physico-Mechanica referri potest experimentum à D. Cassino
factum citra folia chartæ è duplici filo suspensa. Illa enim ulta perpendi-
culum excurrunt juxta quadratorum numerorum rationem: ita ut novem
folia ter longiùs excurrant, quàm tria: qua de re jam alio loco dixi-
mus.

XI. Die 23 Junii Filius D. Couplet typum moletrinx ad venti impetum
versatilis, sed horizontalis exhibuit, quæ usui esse potest.



SECTIO QUARTA.

De Physicis, Chymicis & Anatomicis.

Eodem anno quæ sunt Physicæ contemplationis, & ea imprimis quæ ad
corporum affectiones, ad Chymicam analysim, anatomen & rem herba-
riam spectant, non minori studio quàm Mathematica sunt indagata.

CAPUT PRIMUM.

De Physicis & Chymicis experimentis.

I. **P**rimùm quidem ineunte hoc anno D. de la Hite quantum aquæ
anno superiori è cælo deciderit, scripto tradidit, simul & varia ex-
perimenta circa fontium originem peculiari dissertatione exposuit, ubi Li-
brum D. Pelor Angli ea de re conscriptum expendit, ac postea ex occa-
sione Tractatus hydrostatici à Bernardino Ramazini Professore Mutinensi
editi *De fontium aqua Mutinensis origine*, idem argumentum fusidè ab eo
discussum fuit. Quæ dissertatio fortè aliquando publici juris fiet.

II. Aliam quoque dissertationem de sono legit, quæ hoc ipso anno pu-
blii juris facta est. De lumine quod in Batometro D. Picard micare jam

Vu

A N N. aliàs diximus, id animadvertit die 15 Maii multis retro annis hoc lumen non apparuisse, sed ante mensem sui copiam fecisse. In Barometro D. Cassini idem effectus se prodit, sed in Barometro D. Picard lux vegetior est, & totum tubi spatium aëre vacuum implet.

III. Die 14 Aprilis D. Homberg novum phosphoti genus subjecit oculis, de quo diximus ad annum 1692. Is paratur ex una parte salis armoniaci, duabus calcis extinctæ in aëre: utrique materiæ contusæ, & crucibulo impostæ frustula ferri immerguntur, ubi materia quasi fusa apparet. Hæc ferri frustula cultri dorso percussa in obscuriori loco lumen vibrant. Lapidem Bononiensem calcinatum exhibuit qui instar prunæ accensæ fulgebat, huic quælibet figura aptari potest. Novum quoque phosphori genus subjecit oculis, Sinaragdinum vocat, sunt lapides quidam virides, qui contusi & prunis ardentibus imponi rutilant.

IV. Die 5 Aprilis ingens Vesuvii incendium erupit, quod ad 18 usque dies duravit: hujus historia ad D. Cassinum missa est. Illud singulare visum, quod mons novus emergerit prope alium veterem, bituminis lacus è terræ sinu prodierit, qui vallem implevit subiectam.

V. D. Homberg quædam in machina pneumatica fecit experimenta, quæ ab eo postulata fuerant. Felis parvuli in machina extincti pellis admodum intumuit, & pene à musculis divulsæ est. Aperti corporis vasa & pulmones non disrupa apparuerunt, uti in alio juniore evenerat, quem D. D. Meri & Homberg in machina expirare siverant. Hujus thorace aperto sanguis è ventriculo cordis dextro exiit, & cor aliquandiu motum suum continuavit; mortuus est fuit post quartam emboli depressionem. Duo catelli recipienti sunt impositi: qui minor erat, post 13 aut 14 emboli ictus interiiit, is tres tantum aut quatuor dies natus erat; major 7 aut 8 dierum, septimo ictu extinctus est, integris vasibus & pulmonibus, qui plus solito rubere visi sunt: adeo ut minuscula animalia magis resistere videantur.

VI. Idem 4 die Septembris pyxidem ex ossibus bovinis factam exhibuit variis distinctam coloribus. Ossis aquæ forti debilitatæ, in qua argentum exsolutum fuerat, ante immersa, tum Soli exposita, atro colore infecta & tornata, instar marmoris erant variegata.

VII. Animadversiones quoque suas in scintillas luminis, & colores qui in vacuo se produnt, legit è scripto. Paucis ante diebus Syphonem receptaculo aptaverat experiundi gratia, an exhausto aëre aqua continenter è crure longiore esslueret. Ita quidem evenit, sed è bullis ex aqua emergentibus motus fuit interruptus: qua de re infra dicemus ad annum 1698.

VIII. Sub initium hujus anni de testa Sinenfi, quam porcellanam vocant, quamque forte veteres concham Veneris dixere, dissertationem legit D. Morin, ubi genuinos illius testæ characteres describit. Candida est, pellucida, pigmento albo ad splendorem illita, vulgo *d'un verni blanc*, tum coruleo colore encausta. Vasa hæc testacea è terra cum sale arctissime permista constare existimat; uberior terra obstat quominus in vitrum abeat, unde opacitatem quandam inducit. Vitri genus quoddam non esse porcellanam vel ex eo liquet, quod gravior sit, & fracta inæqualis & aspera: cum factitia sit polita, æqualis & levis. Qua ratione & nativa, & factitia

parentur, fusè eo loco explicat : è factitiis eam esse optimam putat, quæ *Physi-*
prope Lutetiam in vico, cui nomen *Chaliet*, conficitur in S. Clodovei vico, *ca.*

I X. Idem aliud scriptum legit de cineribus cæruleis, qui parantur è lapide (ut ipsi videtur,) Armeno : eum ipsum esse opinatur quem in monte quodam Arvernæ (Usloniam vocant,) invenit. Cum anno 1688 terram eo in loco ad 22 usque hexapedas effodi jussisset, 200 pene libras lapillorum cærulei coloris in arena cum argilosa terra permixtas collegit. Hi lapilli rotundi sunt, avellanarum magnitudine, graves adeo ut metallici videantur, ac forte halitu quodam è cupri fodina exhalante inficiuntur. Nam in radice montis sunt venæ calaminaris lapidis. Cum lapillos contritos, vasi aquæ pleno impositos diu ferrea spatula agitaasset, spatula qua parte materiam rangebat, dealbata fuit, quasi mercurio esset illita, quæ pars aquæ erat immerita, cuprea visa est.

Cæruleum verò artificiale parari solet cum una parte vitrioli, duabus sulphuris & tribus mercurii. Sed hic color vim ignis non sustinet ob impura sulphura, quæ materiam metallicam unâ secum abripiunt.

Idem postea costam in lapidicina gypsea inventam in monte Martyrum exhibuit. D. Mery existimabat fuisse costam testudinis.

X. Circa calorem & frigus D. Homberg exeunte mense Aprili, & calidiore cælo aquam salسام, quæ hyemis tempore in glaciem concreverat, nondum solutam invenit ; duos quoque penes se liquores esse ait, eosque calidos, qui unâ permixti liquorem admodum frigidum efficiunt.

XI. Quæstio fuit agitata, an liquor aliquis solo motu incalcescat citra fermentationem, aliis assimulantibus, quod sanguis sola motione magis incalcescat, negantibus aliis : atque illa opinio nonnullis visa est probabilior liquorem simplicem, ut aquam, solâ motione non incallescere, cum alia sit ratio liquoris mixti, cujusmodi est sanguis, idque imprimis cum sulphureis abundat partibus.

XII. Die 13 Novembris in primo post inducias congressu D. de la Hire, quæ tum esset acûs magneticæ declinatio, nempe sex graduum 39 min. admonuit. Id quoque advertit tum temporis magnam in Barometro mutationem accidisse : nam intra unius diei spatium ad 16 lineas descendit hydrargyrus, cum venti flarent acrids. Iisdem fere temporibus phialam exhibuit aqua limpida plenam, in qua erant complura animalcula forma cancris non dissimili. Hæc arborum folia sic excedunt, ut artificio quodam incisâ videantur.

De natura & origine illius pigmenti quod cochenillam vocant, cum ageretur, quædam illius grana proculit D. Homberg, eaque rotunda, quasi totidem aurelias, rubeo liquore plena.

XIII. D. Charas granum Kermes coram exhibuit & pulverem, qui inficiendis lanis est optimus ; is plenus videtur ovis, quæ in papiliones abeunt. Observationes suas in ejusmodi grana, seu in coccum baphicum legit.

XIV. D. Homberg liquorem ostendit quo vitrum dissolvitur, neque aliud quidam est præter aquam fortem quæ in vitrum prius candens & liquato plumbo immersum vim suam exerit.

ANN. XV. Hoc ineunte anno D. Charas in Thermarum calorem diligentius
 1694. inquirens, suspicabatur eum ex acido sulphuris in locis vicinis copiosi, atque ex parte ejus inflammabili proficisci. De aceto sulphuris & antimonii ita fere opinatur, sulphur commune cum suo acido ipsi antimonio actu inesse, idque ex eo colligit, quod in præparatione butyri antimonii sub finem cinnabaris attollatur. Unde sales fixi, dum acidum absorbent, quo Mercurius velut ligatus tenebatur, mercurium ipsum liberum dimittunt, qui proprio pondere decidit. Quin etiam ubi igne moderato stibium calcinatur, flamma cærulea ut in sulphure se prodit.

XVI. Quo autem modo antimonii acetum citra alieni corporis additionem extrahatur, subinde tradit. Postremo de tinctura antimonii, cujus usum præstantiorem esse putat, quàm acetii ex eodem minerali præparati, disseruit.

Exeunte hoc anno scriptum aliud legit de præparatione cujusdam remedii, quod panaceam vocat, quod in malignis febribus utile se expertum ait. Hæc panacea è Mercurio, sale marino & vitriolo conficitur.

Illud admonet hydrargyrum, cum in ipsis moratur intestinis, non vacare periculo, nisi unà cum purgante aliquo medicamine conjungatur. Solus enim cum pravis humoribus societatem inir, & corrosivus evadit: alii aliter opinantur, iique viti expertissimi.

CAPUT II.

De rebus Anatomicis.

I. QUæ ad historiam animalium & anatomen spectant, ita sunt in hujus anni decursu continuata, ut complura jam ante animadversa magis ac magis fuerint confirmata, & pleraque inventa. Sic D. du Verney mense Januario, quæ Actis Academiæ circa biliares ductus & pancreatis canalem struthionis inserta fuerant, quæque de interiore membrana quæ villosæ manicæ similis est, uti alia quædam de ejus ventriculo confirmavit, simul id ostendit, ductum hepaticum in stomachum desinere cum bile vitidi. Non enim cupreos denarios hic struthio deglutierat, neque adeo viridis color ex æruginè cupri prodire potuit. Hæc bilis exsiccata admodum viridis est, & granum illius magnam aquæ copiam eo colore tingit. Glandulæ interioris membranæ eum succum viridem non præbent, cum exprimuntur. Unde illud putat admodum verisimile in trituratione ipsa muscutorum ventriculi hunc colorem in omnes diffundi partes.

II. D. Mery musculos rostri, ossis Hyoidis, linguæ & laryngis in pitæco exhibuit, eorum structuram & motus omnes exposuit. Interjectis aliquot diebus musculos pedum evolvit.

III. Descriptiones quorundam animalium lætæ fuerunt: quales D. Perrault exaratas reliquit: à tigre cœptum est, tum elephantis historiam anatomicam legere occœpit D. du Verney: quæ ad structuram spectant,

accuratius sunt discussa. Atque ex occasione nata D. Mery in pelle quæ struthionis pedum plantam tegit, papillas, corpus reticulare, epiderma subjecit oculis sic disposita, uti à Malpighio describuntur.

IV. Filius D. de la Hire coram exhibuit passeris ossa carnibus nudata instar sceleti artificiosè parati: animalcula cancris non dissimilia, quorum supra meminimus, carnem & cerebrum intra unius noctis spatium exederant.

V. D. du Verney fœtum protulit duplicem in pectore conjunctum, inferioris ventris partes omnes geminæ, pars anterior pectoris erat unica.

•D. Mery fœtum exhibuit, cujus exterior forma bufonis non erat ab-similis. Cranium avellanæ magnitudine, partes interiores confusæ admodum erant.

VI. Cum hoc anno febres malignæ Lutetiæ, ac pene in tota Gal-lia sævirent, de remediis idemtidem actum fuit: vesicatoria his febribus utiliter adhiberi admonuit D. du Verney. Et quidem ea vidimus in fa-mulo quodam nostro feliciter usurpata. Adversus cephalalgiam campho-ram in portionibus cardiacis utile esse præsidium, & à se interdum præ-scribi vir expertissimus admonuit. Vino camphorato rheumatismos sæpe curari, uti & pedum aut manuum ustionem præ frigore, vulgo *Engelure*, quo quidem remedio hæmoroides leniuntur, uti & unguento quod è simo equino cum axungia frixo in sartagine paratur, cujus succus postea exprimitur.

VII. Cum de opii usu sermo haberetur, D. Charas in teneismo quo laborabat, non ita pridem illud feliciter usurpasse testatus est. Optimum quoque illud esse odontalgæ remedium, si grani dimidium per biduum aut triduum sumatur, D. Dodart admonuit. D. Charas spiritu salis am-moniaci perfuso gossipio & dentis foramini inserto hos dolores persæpe leniri expertum se ait. Ne illud quidem omittendum puto quod D. Galloys me stranguriæ obnoxium benignè admonuit, Rajum percele-brem auctorem Anglum testari multos urinæ suppressione laborantes sanatos fuisse ab eximio Medico Simone Pauli, admoto cataplasmate quod ex hordei farina & Lupulo una cum recenti butyro vel oleo in sartagine fixis paratur, & perinæo adhibetur. Cujus remedii nondum periculum feci. Ista quidem & alia hujus generis obiter dicta multis fortè non inutilia videbuntur. Verùm ad ea quæ sunt magis instituti nos-tri transeundum.



CAPUT III.

De variis visus affectionibus.

I. **H**OC vertente anno D. de la Hire Physico-Mathematicam dissertationem de varia oculorum structura, ac de iis quæ visioni solent accidere, multis in congressibus legit, atque unâ cum aliis opusculis Mathematicis & Physicis eodem anno publici juris fecit.

Hanc dissertationem in duas secat partes; in priori ea pene omnia quæ ad visionem pertinent, juxta variam oculorum conformationem expendit; in posteriori quibusdam vulgo receptis opinionibus circa modum, quo visio perficitur rejectis, certas præscribit regulas, quibus oculorum dispositio, & vires in variis eorum mutationibus cognosci faciliè possint, seu ipsi secum in diversis temporibus, seu cum aliis conferantur.

Pars Optices melior nova ratione explicata hoc Tractatu continetur: atque operæ pretium nos facturos arbitramur, si præcipua illius capita latine reddita attingamus.

1. Primum quidem triplici visionis genere allato brevis & fortis quæ Myopibus, longæ & debilis, quæ Presbytis convenit, & inter utramque interjectæ, quæ perfecta dici potest, quod in mediocri distantia res objectæ satis distinctè appareant, quæ singulis conveniunt aut mutationes, aut defectus Auctor diligenter prosequitur. Hæc ad tria potissimum refert capita, nempe ad organi vitium, seu organo ipsi, seu humoribus oculi illud insideat, 2 ad nimiam pupillæ dilatationem, 3 ad nimiam ejus contractionem. Quamvis in priori casu nonnihil accessu luminis contrahatur, in posteriori aliquantulum ampliatur in locis obscurioribus: nam licet pupilla angustior fiat in lumine, & amplior in obscuriori loco, non id tamen eadem facilitate fit in pueris, & in iis qui provectiori sunt ætate. In illis muscoli & tendines cum molles sint, atque organum ipsum nempe retina, aut choroïdes tenerum sit & exquisiti sensus, pupillæ musculus facile ampliatur, & constringitur: siquidem delicatioris organi textura, ne forte præ nimio lumine offendatur, contractionis motum exigit. Contra evenit in adultis, quibus musculus ille pupillæ motor jam rigidior est, & in senibus ferè eadem manet pupillæ apertura in locis illustratis & obscuris.


2. Quibus de causis alii sint Myopes, alii presbytæ paucis explicat; ac multa circa distinctam magnitudinis rei objectæ, & distantie perceptionem, circa obscuram vel claram colorum speciem, circa utriusque oculi directionem speculatione digna & intellectu facilia subjicit.

II. Judicium de rerum distantia ex quintuplici causa pendere docet.

1. Ex apparenti earum magnitudine. 2. Ex colorum impressione, quæ duo à pictoribus solent usurpari, ut rerum objectarum distantias exhibeant, atque in iis tantummodo oculos fallunt. 3. Ex directione oculorum, nam uterque oculi axis aliter in remotæ, aliter in proximæ rei nobis ob-

jectæ idem punctum dirigitur. 4. Ex parallaxi rerum objectarum, cum *Optimæ* oculus situm mutat. Nam si duo corpora in certa unius oculi positione *ca.* sibi conjuncta videantur, oculo dextrorsum moto corpus illud, quod ab altero sibi ante conjuncto versus dextram removeri apparet, idem quoque remotius est, & corpus quod ad lævam manet, propius judicatur. 5. Ex distincta vel confusa minutarum partium perceptione de corporis distantia judicamus.

III. Id quoque advertit quemdam esse locum in visus organo, nempe in retinâ, ut ipsi quidem videtur, qui exquisitioris est sensus, adeo ut res objectæ acutius videantur, cum penicillorum ut vocant, apices in eum locum definunt. Unde habitu quodam acquisito oculi globum ita convertimus, ut imago rei quam distinctè cernere volumus, in eo retinæ loco depingatur. Illud retinæ punctum idipsum esse solet, quod directè objectæ rei exponitur, nisi ex defectu organi, aut ex habitu punctum illud medium minus exquisiti sit sensus: adeo ut globum oculi ex obliquo converti necesse sit, quò pictura loco exquisitioris sensûs imprimatur: quod luscis evenire solet. Tamen si id vitii alia quoque ex causâ oriri potest, ubi crystallinus suspenditur non è regione pupillæ, & magis in unam partem, quàm in alteram inclinatur. Nam apices penicillorum qui directè in oculum incurrun, quique ad axem dirigi deberent, in eam partem deflectunt, ubi crystallinus magis attollitur. Sic radii A B, non ad axem E P & punctum



P, sed versus D. diriguntur. At si punctum P retinæ sit sensûs exquisitioris, ut fieri solet, tum radii E B, F B oblique incidentes, in puncto quidem P coibunt, & objectum unde ii prodire radii, distinctius apparebit: oculus adeo in id objectum intentus erit, ad quod tamen non dirigitur, unde & luscus apparebit.

I V. His universim explicatis ad singula visûs genera descendit, ac primum quidem myopum varia explicat phænomena, quæ magna ex parte

344
omittimus, quod ab auctore dilucide & brevi verborum complexu sint explicata. Illud imprimis advertit, myopes ubi humores oculi puri sunt, non turbidi, res objectas propius adnotas distinctè admodum contueri, quod amplè rerum imagines in retinà depingantur, minutas adeò earum partes possint discernere. Quòd si humores turbidi sint, ut in plerisque evenit, confusè erunt imagines, nisi uberiori luce objecta corpora perfundantur. Ubi humores limpidi quidam sunt, sed quodam infecti colore, eodem res colore tinctas exhibent, ut cum per vitrum tinctum intuemur: Sed hoc ipsum non advertimus, nisi repente id vitii incurrat: tum enim recens est memoria colorum quos ante vidimus.

V. Ac nihil forte est cui magis assuescat oculus quàm colorum mutationi. Quod variis probatur exemplis: nam si per vitrum viridi aut rubeo colore paululum tinctum sic rem intueamur, ut alia corpora circumposita obducantur, intra breve temporis spatium colorem ipsum viridem aut rubeum in re visa non advertimus: vix illud nobis persuademus colores alios in Solis, & in accensè candelæ lumine videri: & tamen certum est cæruleum colorem in candelæ accensæ lumine viridem nobis apparere.

VI. Illud prætermittere non possum quod subinde annotat, myopem non attente cum respicere, quocum loquitur, quòd motus oculorum in eo qui loquitur intueri non possit, hinc tamen vis verborum plurimum pendet, & in mentem ipsam loquentis ex motu oculorum non mediocriter penetramus: quare myops totus in verborum sensum intentus oculos nulli rei defixos tenet.

VIII. Myopes vix distinctè percipiunt res objectas, cum pupilla est apertior quam par sit: non enim in illa humorum conformatione radii ab eodem objecti corporis puncto prodeuntes, post triplicem refractionem in idem organi punctum coire possunt.

Illud pulchrè explicat quæ causa sit cur myopes, qui tamen res objectas mediocriter remotas distinguunt, easdem plerumque geminatas cernant, ut horologii lineas in fundo albo delineatas, atque ex præstantissimis Geometricis Cartesio, Robervallio & Hugenio ut certum statuit lentes utrimque convexâ superficie eaque Sphærica donatas non esse satis idoneas, quæ radios ex eodem puncto prodeuntes in idem punctum post duplicem refractionem colligant. Sed aptæ huic rei futuræ sunt, si unam ex iis Sphæricam ponamus, alteram in medio magis extantem, quæ tamen,



versus extrema in sinus oppositos inflectatur, aut certe pars ejus media crassior sit quàm extrema.

Itaque in hac Crystallini conformatione duplex focus futurus est, cum
reç

res eminus videbitur : nam radii medium crystallinum penetrantes citius coibunt , quàm qui extremos illius margines pervadunt , sique velut annulum quemdam depingunt , quòd non tam cito coeant , ac priores radii : idque maximè si pupilla sit apertior & corpus paulò remotius spectetur . Unde objectum nigrum in fundo albo positum in foco crystallini punctum nigrum depinget . At si radii crystallini limbum penetrantes in retina ipsa coeant , qui per medium transeunt crystallinum , non incurrunt in retinam nisi post concursum jam factum , & in ea basim seu picturam omnino perturbatam delineant .

VIII. Quod si pars media crystallini minus convexa sit quàm extremitas , ut fit in presbytiis , tum res geminata videbitur , sed contrariam ob rationem . Nam citius coibunt radii qui margines ipsos pervadent .

Atque ex irregulari figura corneae tunicae aut crystallini ratio ducitur , cur corone circa faces accensas spectentur : nam superficies minus aequabiles & regulares in certis distantis duplicem efficiunt focum , ac circuli luminosi , circa puncta in quibus plures radii colliguntur & distincti sit visio , descripti has coronas nobis exhibent , quæ ubi constantes sunt & semper apparent , vitium esse in crystallino indicant . Sed ubi certis tantum temporibus eas videntur , irregularitas corneae id plerumque efficit , ut accitit , cum diutius oculo manus innixa est : ac subinde colores varii apparebunt , si magna sit refractio , ob superficies admodum irregulares . Rem ita esse hinc comperies , si subnigrum corpus pupillæ admoveatur : cum enim illud partem pupillæ obduxerit , circulus lucidus ex dimidia parte scissus apparebit .

IX. Myopes quibus pupilla est angustior , & sana sunt organa , ii minima quæque objecta discernunt majori luci exposita : nam coni lucidi angustiores , cum acutiores habeant apices , distinctam magis picturam efficiunt , quàm si coni essent obtusiores : sed objecta etiam proxima non vident , nisi eadem valde collustrata : nam imago ampla in fundo oculi depingitur , & lumen multum spargitur .

X. Quo brevior est visus , hoc res objecta major apparet , ubi cum specie illius per vitrum cavum transmissa comparatur : tamen per vitrum concavum longè distinctior conspicitur . Ubi retina minus sana est , vitra cava nullius sunt usus : nam penicillorum apices propius admoti angustiores formant imagines quàm ut organum afficiant , & distinctam præbeant visionem . Sed duo vitra quorum unum convexum , & alterum est cavum , satis amplam efficiunt imaginem , & radios ita disponunt , ut plerique subcant , & in retina coeant .

XI. Illud quoque solemne est myopibus ut minutiores exarent characteres . Idem enim iis evenit quod presbytiis , dum litteras digitales propius admotas legunt : continuus capitis motus iis molestus est , & ipsam mentis attentionem multum infringit .

XII. Interdum evenit ut adolescentes usque ad vigesimum aut vigesimum quintum annum visu donentur temperato , tum ii inter myopes habeantur : cuius rei causam D. de la Hire in vitreum humorem certa ratione productum refert , quod muscoli paulatim crassiores facti oculi globum fortius pre-

AN N. 1694. *mitt, ac proinde retina longius à crystallino removeatur : sive adeps in iis uberior in causa sit cur ab utroque latere oculis arctetur, seu è contra immi-
nuro adipe sclerotica à musculis fortius compressa globum itidem oculi arc-
tius premat. Vix enim cornea tunica, quæ dura est & firma, aut crystalli-
nus humor, cuius natura est homogenea, & liquoribus undique cinctus,
huius effectus causa esse potest.*

XIII. *Myopes quorum pupilla est apertior, lux magna minus offen-
dit quam presbytas, aut eos qui perfecti sunt visu. Nam in illis radii ab
objecto collustrato prodeuntes ampliorem in retina b.sim efficiunt, minus
ad o. lædunt retinam quam in presbytis ubi arctior basis fortius afficit vi-
sûs organum. Cum angustior est pupilla in myope, tùm objecta pro-
pius admota intuetur, & minutiores illius partes satis distinctè percipit,
quod radiorum penicilli, quorum basis est pupilla ipsa, admodum tenues
distinctam in retina depingunt imaginem, tamen omnes eorum apices in
retinam exactè non cadunt.*


XIV. *Hactenus de myopibus, de presbytis breviori stylo dicendum. Nam
ex iis quæ diximus, præcipuè visûs in presbytis affectiones facile intelligun-
tur. Ac primum ii quibus pupilla est angustior, vix distinctè res objectas
percipiunt, nisi in magna luce positas. Nam pauciores radii eminus pro-
deuntes subeunt pupillam quàm ut retinam afficiant : nisi lux uberior angu-
stiam pupillæ compenset : sed cum lux ipsa coarctet pupillam, quod dedit
lucrum, id pene omne detrahit.*

2. *Presbyta quibus retina est sensûs exquisitoris, res minutiores ab
oculis removeant, ut distinctius eas conueri possint. Nam radii eminus
prodeuntes quasi paralleli subeunt oculi pupillam & in retina coeunt, dum-
modo luce paulo uberiore collustrentur. Sed ætatis progressu oculus magis
& magis complanatus res objectas distinctè intueri nequit, nisi radii oculum
subeuntes convergant, quod utique non fit ex sola objecti positione :
nam si propius admoveatur, radii oculum intrabunt divergentes ; si sit remo-
tius, paralleli fere ingredientur.*

XV. *Hoc commodi affert vitra convexa & usitata perspicilia, quod
magnam radiorum copiam inducant in oculum, eosque sic inflectant, ut
in retina distinctam rei depingant imaginem : nam ubi vitrum penetra-
runt, jam minus spatium quam antea occupant, cum ita sint dispositi ut
in unum coituri sint punctum. Cum etiam in presbytis arctior plerumque
sit pupilla, illud quoque afferunt commodi ut pictura non minus afficiat
retinam, quàm si per pupillam apertioiem subiissent. Itaque ope vitri con-
vexi & distincta & viva, ut ita dicam, fit rei objectæ pictura.*

*Atque hoc magis ea est sensibilis, quo vitrum longius ab oculo remo-
vetur : tum enim plures excipit ab objecto radios. Sed idem vitrum ei-
dem oculo ad quamvis rei objectæ distantiam aptari non potest : nam radii
citius coibunt, cum vitrum longius ab oculo distabit : ubi res ob cta mul-
tum à nobis distat, tum vitrum ab oculo duobus aut tribus ad summum pe--
dibus removeatur, ut res ipsa distinctè cerni queat, ac multo ea maior vide-
bitur quam nudo oculo, ita ut presbytis vitrum unum convexum idem prope
commodi afferat quod tubus opticus.*

Quod in appositâ figura sic demonstratur. Sit oculus $G H C D$, *cujus Opti-*
ca.



centrum K vitrum convexum ER , *cujus focus absolutus sit in FI , hoc*
est, radios quasi parallelos excipiens sic inflectat, ut concurrant in FI :
atque ita oculus sit conformatus ut radios quasi parallelos non colligat nisi
in eandem tendant lineam FI . Sit porto objectum TV , ac radii TE , &
 TS ab eodem puncto T quasi paralleli exire, uti & VR , & VS à
puncto V prodire concipiantur. Qui postquam vitrum pertransierunt in
punctis I & F concurrent, per radios præcipuos TSI , & VSF , qui per
centrum vitri S transeunt. Atque hi duo radii TS , & VS efficiunt an-
X x ij

348
ANN. 1694. REGIÆ SCIENTIARUM
gulum TSV, sub quo videtur objectum TV, non habitā ratione distantie vitri ab oculo quæ nullius est momenti ubi cum distantia objecti minus visi comparatur.

Cum igitur hi radii paralleli, postquam vitrum pertransiere jam sint convergentes, & ad puncta I & F tendant, in oculum incurrentes adhuc incurvantur, ut coeant in GH, & omnes coeunt cum radio qui per centrum oculi K transit, quique ut præcipuus censei debet, habitā ratione oculi, nempe in IK & FK, qui ad fundum oculi in H & G perveniunt, ubi pictura rei objectæ TV imprimitur. Atqui angulus HKG, seu IKF, sub quo videtur objectum, major est ISF seu TSV, sub quo videretur nudo oculo citra vitrum: cum sit interior, & super eadem basi FI. Ac TSV paulo major est TKV, sub quo videretur objectum nudo oculo citra vitrum: nam præcipui radii à punctis T & V profecti per centrum oculi K transirent.

XVI. Qui bene conformato donantur oculo, res objectas ad unius pedis distantiam, aut minorem æque perfecte vident, ac magis remotas: adeo ut visus ille perfectus magnam habeat latitudinem, quæ hinc potissimum oritur, quod pupilla facile ampliari ac contrahi possit. Quibus retina est exquisiti sensus, uberiolem lucem ii ferre non possunt. Unde solent pupillam contrahere, ubi objectum paulo illustrius se offert, ita assuefacti arctam habent pupillam, nec minuta quæque objecta vident nisi uberiole luce perfusa, licet presbyta non sint, ii tamen convexis utuntur lentibus, quo plures radii oculum subeant. Sed ne vitra radios nimium infringant, neve ii citius quam par sit coeant, oculum propius rei objectæ admoveere coguntur.


CAPUT IV.

Quædam visus phænomena proponuntur.

I. **P**ostquam D. de la Hire triplex visionis genus sigillatim exposuit, quædam visus phænomena à viris eruditis proposita accuratius expendit. Hujus generis sunt radii quidam luminosi circa facies accensas huc illuc sparsi, quos Cartesius e rugis in superficie humorum oculi exaratis, quæque in axe ipso se interfecant oriri putat. Rohaltius aliam affert hujus phænomeni causam, nimirum reflexionem radiorum ex utriusque palpebræ terço margine, cum pene conniventes propius sibi mutuo admoventur. Aliam huic effectui causam tribuit D. de la Hire, quam fusè & dilucide explicatam longum esset hoc loco exscribere. Quæ etiam de multiplici specie subjicit, cum de nocte candela accensa per oblongam in charta tenui factam fissuram conspicitur, prætermittimus: hujus phænomeni rationem ex utriusque crystallini superficie irregulari quæ radios in diversas retinæ partes detorquet, apte deducit.

II. Sed illud minimè tacendum videtur quod de pupillæ in se libus

tam celeri & expedita contractione & dilatatione subijcit. Iridis apertura *Opni-*
 instar fissuræ nobis apparet, in longum producta juxta lineam AB. Musculi *ca.*
 utrimque versus E & F eam diducunt; occluditur vero vel ab elaterio suo,
 vel ab aliis fibris C D musculosis. Hujus generis animalia quæ noctu victum



quærent eam Iridis structuram exigunt: nam ampliata admodum pupilla distinctè res objectas percipiunt, cum tenui luce perfunduntur. Non ea est Iridis structura in hominibus: nam qui ad Lunæ lumen, aut stellarum legunt, iidem dilatata admodum sunt pupilla, quæ uberius lumen ferre nequit. Qui vero in obscuriori loco diu vixerunt, ubi pupilla multum ampliatur, si repente ad magnam lucem convertant oculos, eorum retina majore luce percussa læditur, ac sæpe visus ipse periclitatur. Simili quidem ratione qui per nives iter fecerunt, res objectas quasi velo capillari & candido obductas cernunt, quod retinæ fibrillæ fortius concussæ fuerint. Id vitii aliquando oculos invadit, quo pupilla admodum dilatata totam pene Irim occupat: seu musculi hanc membranam contrahentes elaterio suo destituantur, seu alter musculus relaxatus contra antagonistam suum niti amplius non possit. Utcumque res se habeat, qui hoc oculi morbo laborant, si lucem ferre nequeunt.

III. Illa pupillæ de nocte dilatatio in causa est cur candela accensa eninus videatur. Quod si forte in Solem oculorum aciem convertimus, tum partes retinæ vehementius concussæ varios exhibent colores, & quasi impressa manet Solis imago, quæ obstat quominus alia contueamur objecta: sed & illa fibrillarum motionem imminuta Solis impressum vestigium, & colores mutantur, qui varii sunt, ubi cum circumjectis corporibus varie coloratis miscentur. Sic illud sæpe evenit ut characteres rubci appareant, postquam in luce Solari diutius continuata est lectio, quod ex retinæ paulo fortiori agitatione evenit ob radios Solis è candida charta reflexos. Atque hæc litteræ ob eandem rationem rubeo colore tinctæ videntur, quæ Mars in cælo colore itidem rubeo tinctus apparet, quod attris maculis obducatur. Atque experientia ipsa ubique confirmat nigra corpora, si aliquantulum sint diaphana, rubere, cum uberiori luci exponuntur, etsi corpora candida in

350
ANN. area nigra videntur cærulea. Quæ ratio vulgo affertur cur cælum cæruleum
1694. videatur, cur Sol & Luna prope horizontem rubescant.

IV. Hæc urique obiter attingimus, ut ad posteriorem hujus tractatus partem venianus, in qua vir acutissimus multis demonstrat rationibus non eas in oculo fieri mutationes quas omnes ferè qui hoc tractant argumentum, excogitarunt, ut modum quo visio perficitur, explicarent. Oculi artificialis, aut tubi optici exemplo usi in ea fuerunt opinione retinam propius adduci ad crystallinum, cum res procul distans contuemur, abduci vero, cum res oculo propiores cernimus, uti fit in oculo artificiali. Sed cum retina admoventi crystallino aut vitreo humori, aut ab eo removeri non possit, in longiori prospectu globum contrahi putant. Contra in rerum vicinarum obtutu eum produci sinxerunt, aut certe crystallini humoris figuram mutari credere, ita ut magis complanatus fiat, cum res cominus cernimus, idque fieri processuum ciliarium ope, quos musculos esse volunt. His contractis & inflatis crystallinum utrimque trahi & complanari, ut laxatis globosiores fieri arbitrantur.

V. Ar peritiores Anatomici nihil musculosum in hoc ligamine ciliarum animadvertunt, atque humor ipse satis firmus ex multis pelliculis quasi lamellis conflatus non ejus videtur esse naturæ, ut figuram mutet, nisi superficies ejus rugosæ fiant, rerum adeo imagines in fundo oculi pervertant.

• Verum non ex structura modo oculi, sed etiam ex hoc vulgari experimento probari potest nullam in oculi figura fieri mutationem, seu cominus, seu eminus res objectis intueamur. Illud ab omnibus penè Opticis traditum est, factis in charta luforia aliquot foraminulis & ita dispositis, ut non amplius intra se distent, quàm pateat pupillæ foramen, rem objectam, ut candelam accensam penes foraminum numerum multiplicatam cerni, dummodo posita sit extra locum, ubi distinctè nudo oculo videretur. Quod si v. gr. res objecta distinctè videri nequeat nisi ultra sex pedes distet, multiplex apparebit, cum propius sistetur: sed una & simplex videbitur, cum in ea contrahatur distantia, in qua res distinctè cernimus. Tum enim radii qui à singulis rei objectæ punctis per foraminula ad oculi fundum perveniunt, in retina singuli depingentur: parvi quippè conii radiosi quorum apices sunt in singulis objecti punctis, & bases in chartæ foraminibus oppositos apices in singulis retinæ punctis constitutos habebunt, simplex adeo visio tum futura est. At si non ea sit oculi conformatio, qua possit radios in retina colligere, conii intra oculum tardius aut citius quam par sit, coibunt, eosque retina ante, aut post coitionem secabit. Unde singula objecti puncta retinam afficiunt in diversis locis, ac multiplex illud apparebit juxta numerum foraminum. Tum etiam singulæ objecti imagines distinctiores cernentur, quàm si objectum sine chartæ interpositu videretur; quod conii radiorum angustiores habeant bases: nam ubi objectum simplici oculo videtur, conii radiosi basis est pupillæ amplitudo: major adeo fit in retina sectio, & major picturæ confusio. Sed lux multò debilior est, cum objectum per foraminula multiplex conspicitur, pauciores enim subeunt radii.

VI. In oculo artificiali idipsum licet experiri, si charta pertusa multis foraminibus vitro anteriori, quod tunicam corneam exhibet, sic admoveatur, ut charta candida quæ retinæ munus obit, in varia distantia à vitro quod crystallini loco ponitur, modò in ipso radiorum concursu, modò propius admoveatur, aut longius ab eo removeatur.

VII. Ex iis & aliis quæ vir doctissimus subjicit experimentis, ut cuiusque visûs noscantur vires ac mutationes quæ in oculis fiunt, & utrum concursus radiorum ultra, an citra retinam fiat (nam si altero ex duobus foraminibus chartæ obducto, species rei objectæ ex eadem parte obliteretur, concursus radiorum sit citra retinam: contra, si ex parte altera imago rei deleatur, concursus fiet ultra retinam:) Ex iis, inquam, omnino conficitur diversam non esse oculi conformationem, seu propiora, seu remotiora intueatur objecta.

Quod si enim oculus ita sit conformatus, ut distinctè cernat objectum sesqui-pede remotum, mutanda erit ejus figura, ut idem objectum sex pedibus distans conspiciat juxta eorum sententiam, qui has oculi mutationes propugnant. Jam ubi per chartam duplici foramine pertusam idem objectum aspiciat, juxta eorum hypotheseim unum & simplex videt objectum, cum aptam huic rei videndam figuram induit, & tamen duplex apparet. Non igitur oculus novam figuram aut conformationem cepit, ut objectum sex pedibus remotum cerneret, atque eadem est cuiusque distantie ratio: nam ultra spatium sex pedum radii velut paralleli subeunt pupillam.

VIII. Neque id dici potest ex interposito chartæ fieri aliquam mutationem in oculo. Nam eodem modo de ipsa distantia judicamus, seu nudo oculo, seu per chartæ foramina res intueamur objectas.

Et quidem cum nudis oculis bene conformatis utimur, ut objectum sesqui pede remotum, & alterum sex pedibus distans intueamur, non ea est inter utrumque spatium differentia, ut in concursu radiorum confusionem inducat: & tamen per duo chartæ foramina objectum longius remotum videbitur duplex, quæ differentia simplici visione non percipitur: nam ex utraque distantia æquè distinctè videri objecta arbitramur.

Quod autem non sine aliqua difficultate molestia oculus ante in objectum propius intentus, in objectum longius remotum distinctè intueundum convertatur: hoc, inquam, non hinc oritur, quod opus sit aliquo temporis spatio, ut oculus aptè se disponat ad remotioris objecti prospectum: sed quia uterque axis oculi in idem punctum non sine aliqua molestia est convertendus. Quod etiam accipit, cum uno intuemur oculo: quod assueti simus oculorum axes in eum locum convertere, cuius distantia utrumque percipitur: cum per tubum opticum objecta variè distita intuemur, eodem oculo, nullam propterea experimus difficultatem.

IX. Nec sola utriusque axis directio hanc difficultatem parit, sed & pupillæ dilatatio, cum remotius est objectum, & constrictio, cum est propius, nonnihil momenti affert. Nam Iris tunica ex omnium pene consensu musculus quidam est, qui pupillam arctat, cum rem plus satis collustratam intuemur, ne radii confertiores lædant organum. Quod experiri facile est in pueris, quorum pupilla citissime dilatur & constringitur; ad-

ANNO
1694.

REGIÆ SCIENTIARUM

352
motu objecto angustior, remoto sit amplior. Quin & objectis variè distictis intueudis hæc pupillæ dilatatio & contractio admodum utilis est: ita ut nihil necesse sit ad variam oculorum conformationem recurrere. Nam radorum coni aut penicilli acutiores picturam efficiunt magis distinctam & accuratam. Quod si igitur ita sit dispositus oculus, ut rem objectam ex septem pedum distantia distinctè percipiat, quò eandem ex unius pedis distantia intueatur, pupillam contrahat necesse est, ut pauciores radios admittat, qui conos acutiores efficiant, ne perturbata sit rei objectæ figura: adeo ut latitudo quæ in diversis oculis occurrit, non ex diversa oculi vel crystallini conformatione quæ subinde mutetur, sed potiùs ex varia pupillæ apertura sit repetenda.



SECTIO QUINTA.

De Botanica.

Superiori & hoc ipso vertente anno D. Tournefort Elementa Botanica in Academia legit, quæ Typis Regiis excusa fuerunt. Ac nescio an quicquam in hoc genere magis elaboratum, aut meliùs dispositum, & elegantius conscriptum prodierit in lucem. Quod enim imprimis sibi proposuit, ut pulcherrimæ hujus scientiæ principia exponeret, ac facilem traderet methodum, quâ plantæ in varietate prope infinita ad certa quædam genera, ac velut capita revocarentur, id omnium Eruditorum consensu sic perfecit, ut vix quicquam desiderati possit majori arte & diligentia compositum.

CAPUT PRIMUM.

De veris Botanica principiis generatim.

I. **N**on integras stirpium figuras, id enim alterius est operis, quod magna ex parte confecit Academia, & aliquando Deo duce prodibit in publicum; non vires quæ iis tribui solent, quod aliquando traditurum se recipit D. Tournefort, & perfecit eo ipso tempore quo hæc prælo mandantur: sed principia quibus plantæ ad sua genera redactæ faciliùs dignoscantur & cujusque generis characteres sic iconibus designavit, ut confundi non possint, si modo ad eas partes, in quibus cujusque generis essentialis, ut ita dicam, nota est, intendatur animus.

II. Postquam Botanica ortum, & progressum paucis exposuit, opus suum in tres dividit partes; in prima quidem, qua ratione plantarum species in sua quæque genera redigantur, inquit; in secunda quasdam
ille

ille præscribit regulas, quibus stirpium genera in certas tribuantur classes; in tertia & genera & classes singillatim enumerat; atque hæc primo volumine continentur: nam in secundo & tertio icones partium, in quibus insignes notæ generum omnium elucescunt, ad vivum expressæ sunt, & æri incisæ.

III. Eodem genere censentur plantæ, in quibus similis est partium structura, & earum maximè, quæ insigni nota, & communi quodam characterè ab aliis secernuntur. Specie verò sunt diversæ; in quibus aliquid est singulare, quod ab aliis ejusdem generis eas discriminat. Characteres generici in unaquaque specie, quoad fieri potest, sibi similes esse debent, & sensibiles, adeo ut adverti faciliè possint. Atque hæc genera certis signati debent nominibus, quæ è structura partium potius quàm ex etymologia petenda sunt. Siquidem notationes nominum magnam sæpe in generum cognitione patiunt confusionem, Atque ex occasione quadam, aut è quibuldam notis, quæ in una aut altera occurrunt specie, indita sunt plantis vocabula: cum tamen ratio habenda sit characteris cujusdam essentialis, qui omnibus æque speciebus conveniat, & cui nomen ipsum, si fieri potest, sit illigatum. Sic Leucoium, si ad nominis originem referatur, violam albam tantummodo, non genus ipsum designabit: idque confusam generis ideam dabit.

IV. Verùm hoc in ea re caput est, ut characterem ipsum genuinum, non spurium & ementitum statuamus, quò species quæque ad suum genus referatur, isque in stirpe ipsa, non foris quaerendus est.

V. In planta verò sunt radix & semen seu fructus, unde & caulis in herbis, truncus in arboribus, folia & flores nascuntur.

Singulæ cujusque stirpis partes duplici genere tubulorum constant, è vasis nempe & tracheis, vasa succum nutritium ad vegetationem plantæ deferunt, Tracheas instar pulmonum esse, & aëre impleri censet Malpighius: hæc duo tubulorum genera in radicibus & ramis sparsa in trunco & caule colliguntur, non sibi mutuo proximè cohererent, sed interjectu utriculorum, & quasi vesicularum connexa. Vesiculæ autem illæ succo velut sanguine implentur, uti ex Malpighio alio loco dictum à nobis fuit.

VI. Tracheas stirpium aptissimè delineatas habes in tabula 451 hujus operis, hæc vasa in spiræ modum contorta, ac pleraque instar tenuis laminæ diducta & convoluta partibus squamarum positis coagmentata cernuntur: eaque faciliè deteges, si ramulum rosæ aut vitis, aut alterius stirpis tenerum distumpas. Illud advertit D. Tournefort eas tracheas, cum franguntur, motu elastico donari: seu lamellæ spirales productæ pristinam formam sibi restituant, & conclusum aëra excutiant, ac vicissim aër ille eas succutiat, & post aliquot itus & reditus pristinum situm recipiant; sive exteriori cedant aëri: nam plus satis productæ elaterio amisso tabescunt. Non enim abhorret à vero hæc vasa esse excipiendo aëri aptata, qui succi motum adjuvat & promovet. Atque hæc trachæ plus minusve dilatantur, ut elaterium aëris fortius est, aut debilius de die aut nocte, præ calore aut frigore juxta varias anni tempestates. Aër quippe plus solito disten-

ANN. tus tracheas quoque distendit, quæ circumjecta vasa sic premunt, ut succus cum iis contentum in eam partem compellant, ubi minor est resistentia.

1694.

VII. Verùm interiores stirpium partes hoc loco non persequimur, sed exteriores tantùm, ac querimus unde character præcipuus cujusque generis sit repetendus, an ex radice, vel è caudice, aut è foliis aut fructibus, aut è floribus, an demum ex pluribus unà conjunctis.

Radices quidem præ cæteris plantæ organis videntur magis ad ejus naturam pertinere: nulla enim sine radice vivit, ne tubera quidem, aut cuscute. Nam in illis tenues velut capilli è rugis prodeuntes, uti & filamenta è cuspida prodeunt.

Reliquæ stirpium partes non in omnibus inveniuntur: tubera & plerique fungi scapo, seu caule, & foliis destituuntur, ac nescio an semina omnibus omnino stirpibus insint, ut in fungis atque iis omnibus quæ in fundo maris nascuntur plantis: tamen admodum probabile est ut animalia, sic stirpes omnes è seminibus oriiri.

VIII. Stirpium partes omnes non sibi solis, sed & aliis formarum videntur: radices succum è terra sumunt, atque in iis primum elaboratur, quem scapo aut truncus excipit, & foliis parat, quæ gemmis nutriendis eundem expurgatum tradunt.

Flores verò tanquam quædam viscera succo excoquendo in seminis aut fructus usum videntur comparati. Semina verò velut ova, ut Aristoteles ex Empedocle docuit, censenda sunt: nihil enim tam simile est ovo quam semen plantæ: in utroque germen ipsum partes omnes velut involutas continet.

Succus plantarum est mistura quædam ex terræ humore, seminis lacte & farina constata, quæ in partes sensibiles paulatim explicatur. Plantarum vita in succi nutritio, quo utriculi aut sacculi distenduntur, omnino posita videtur: accretio fit, cum illæ vesiculæ aut sacculi producantur: unde stirpium magnitudo à natura est definita: nam sacculi ipsi disrumpentur, si ultra præscriptos terminos distenti inrumescant.

IX. His præmissis jam D. Tournefort diligentius examinat, an genera plantarum constitui oporteat ex mutua quinque illarum partium structura quadam, an ex una tantùm, eaque præcipua & insigni magis; verum ex pluribus inter se conjunctis. Ac primum non omnes illæ partes, ac ne quatuor quidem ad constituenda genera conspiciant: cum ne duæ quidem plantarum species in omnium partium consensu, vel in quatuor, aut tribus simul sumptis conveniant. Nam tot fere genera, quot species ponenda erunt, si tantæ partium cognatio ad generis alicujus constitutionem requiratur. Sic quædam ranunculorum species radices habent tuberosas, aliæ fibrosas, aliæ grumosas. Quod si partes quatuor ad definiendum generis characterem ut florem, fructum, caudicem & radicem exigas, plantæ speciem, non genus designabunt.

X. Radicum & truncorum differentia pauciores sunt quam ut generum varietatem inducant. Folia plerisque ad hanc rem magis idonea videntur: sed ubi flores & fructus se produnt, tanta plerumque in iis apparet diversitas ut plantæ, quæ ob similem foliorum structuram sunt consimiles,

eodem genere censerī non possint citra magnam hujus scientiæ confusio- *Bota-*
nem. Eadem est ratio florum quæ huic rei non sufficit. Nam in plerisque *nica.*
plantis diversī generis consimiles sunt flores, uti in leguminibus, convolvulis,
campanulis.

Quare rationibus omnibus subductis duarum, aut ad summum trium par-
tium cognatio in stirpibus requiritur ad earum genera definienda. Radicum
cum foliis comparatio est inutilis: sic enim quæ eodem genere v. gr. ra-
nunculorum continentur, ad plura genera essent referenda. Idem eveniet
si flores cum radicibus, aut folia cum seminibus comparentur.

CAPUT II.

De Plantarum in genera divisione.

I. **R** Estat igitur ut flores cum fructibus conjuncti cum aliis floribus &
seminibus conferantur: insignes illæ sunt cognationes, exque ani-
mo fortius imprimuntur, ut in ranunculis & rosis videre est, uti & in
campanulis, convolvulis, cariophyllis. Quinetiam stirpium species, quæ
hactenus sunt constitutæ, maxima ex parte in flore & fructu hanc habent
similitudinem.

Superioris sæculi Scriptores in eam sententiam citat D. Tournefort, Ges-
nerum imprimis, qui Epist. 103. hæc habet. *Ex his enim potius quàm è*
foliis, stirpium natura & cognationes apparent. His notis à fructu, semine &
flore staphisagriam & consolidam regalem vulgo dictam, Aconito congenerem
facile deprehendi. Idem fere in Epist. ad Occo celebrem Medicum Augusta-
num scribit; id ipsum Cæsarpinus L. 1. de fructu aut semine docuit. *Et*
merito, inquit, *ex fructificandi modo multa emerferunt genera plantarum.*
In nullis aliis partibus tantam organorum multitudinem & distinctionem na-
tura molita est, quanta in fructibus condendis spectatur. Sed omnium claris-
simè Fabius Columna in parte altera Libri, cujus titulus Phytobasanos, idip-
sum declarat. *Foliorum,* inquit, *effigiem in conferendis generibus parvi fa-*
cimus. Non enim ex foliis, sed ex flore seminisque conceptaculo, & ipso po-
tius semine plantarum affinitatem judicamus, respondensque præsertim sapore
in reliqua plante parte. Optandum illud esset, ut viri præstantes ingenio &
doctrina non solum ipsa genera constituendi rationem indicassent, sed etiam
ipsi ad ea recensenda singulatim descendissent, quod nostra ætate viri in hac
scientia peritissimi Morisonius & Raius præstiterunt. Cum autem sola fruc-
tus & floris contemplatio plerumque non sufficiat earum generibus aptè dis-
tinguendis: (sic enim frumentum, secale, avena, hordecum & gramina pe-
ne omnia eodem genere censerentur, cum in iis eadem pene sit fructuum
& florum conformatio) longa nominum serie opus esset, ut species ipse de-
signari possent.

II. Quocirca ut huic incommodo occurrat Auctor noster, genera ipsa
plantarum in duplici ordine constituit: in priori ea collocat, de quibus di-
Y y ij

AN N. Etum est, quæque ex sola floris & fructus structura pendent. Hi quidem
1694. duo sunt velut essentielles generum characteres in plantis quæ fructus & flores proferunt : sed in multis aliis non sufficiunt : unde alter ordo statuendus videtur, in quo præter duas illas partes omnino necessarias, tertia quædam in subsidium vocatur, quæcumque illa sit, interdum radix ipsa : sic liliorum genus erit secundi ordinis, atque à tulipa & corona imperiali propter radicem squamosam genere ipso distabit.

III. Sic foliorum numerus distinguendis generibus interdum utilis est. Quo quidem modo pentaphylla, fraga, pinus, abies, larix penes foliorum dispositionem genere inter se differunt. In abiete folia separata in ramis disponuntur ; in pinu gemina tubulis inclusa prodeunt ; in larice quasi in ferta quædam glomerata cernuntur : penes corticem ilex & suber distinguuntur ; penes florum calices scorfonera & tragopogon vulgò *Barbe de bonc*, genere dissident : in hoc simplex est, in illa squamosus.

Interdum vel coloris habenda est ratio ut in Chrysanthemo & leucanthemo, vulgò *Margue ite* ; vel saporis, ut in eruca & sinapi ; vel cuiusdam quasi habitûs & externæ faciei plantæ, vulgò *le Port de la Plante*, ut in absinthio, abrotano & artemisia. Sic acacia & glycyrrhiza in hoc tantum discrepant, quod hæc herba sit, illa arbor.

IV. Atque hæc de plantarum generibus tum primi, tum secundi ordinis : in quibus illud intuendum, ut in iis constituendis remotæ cuiusdam cognationis, quæque multiplici generi communis sit, ratio non habeatur, neve eodem vocabulo plura quædam exprimentur genera, & è contra ; cavendum quoque est ne ejusdem generis cognationes nimium scrupulosè expendantur : sed iis contenti simus quæ vulgò hominum ita videntur. Sic trifolium pratense purpureum trifoliorum genere censendum est, licet ejus flos acridus intuentibus sit unius folii, in aliis multiplici folio constet. Quinetiam variant aliquando partes plantæ essentielles : sed de his quæ ut plurimum eveniunt, & juxta consuetum naturæ ordinem apparent, omnino est judicandum.

V. Species vero eodem stirpium genere contentæ ita sunt tribuendæ, ut ejus quod magis est singulare in aliquarum partium structura, aut in modo, seu in figura, magnitudine, situ, sapore, odore, vel in cognatione cum notiori aliqua planta habeatur ratio : ita ut communi nomine genus exprimitur, quæque addendæ sunt generis differentię quàm poterit brevi verborum complexu, accuratè tamen distinguantur ; nimia vocum congeries vitætur, & genera ipsa multiplicentur potius quàm arcentur. Nam majori verborum compendio species ipsæ describentur, si sexcenta plantarum genera statuamus, quàm si multò pauciora numerentur, & complures plantas diversè characteris, ut degeneres aut irregulares ad certà genera referamus.



CAPUT III.

De generum in certas classes divisione.

I. **I**N hac stirpium contemplatione vitari vix potest confusio, nisi stipes ipsæ quasi milites exercitus in certos ordines disponantur. Unde non id satis visum est D. Tournefort plantas ad sua genera, ex naturæ ipsius præscripto, non ex alicujus arbitrio, ut plerumque fit, revocare: sed ipsa quæque genera quasi in classes atque in ordines varios, quò dignosci facilius possint, omnino tribuenda esse existimavit: adeo ut genus sit instar cohortis vel ordinis militaris, classis instar legionis. Classem aliquam aut ordinem plantarum assignare non aliud quiddam est, quàm aliquid invenire in quo aliquot genera conveniant, atque ab aliis sejungantur; neque illud quidquid est, quod certum plantarum ordinem vel classem constituit, ex nostro pendet arbitrio, sed ex naturali quadam generum cognatione, quæ ex floribus aut fructibus dicenda est, non ex utrisque simul junctis: secus non classes, sed genera ipsa forent.

II. Jam utrum ex feminibus, seu è fructibus, an è floribus classes illæ plantarum sint distinguendæ, dubitari merito potest. Verum flores ipsi colorum & partium varietate magis sunt sensibiles, & oculis in se magis convertunt. Sæpius cum ipsis fructibus coherant, atque illis succum nutritium præparant, cum adhuc sunt teneri & formari incipiunt. Quanquam in nonnullis plantis, huic velut embryoni, aut ovo plantæ flos non adhærescit, nisi ex parte, ut in cucumere, melone, cucurbita: in aliis ex eodem pediculo flores & fructus oriuntur, sed separati, ut in buxo, & in arboribus, quæ flores amentaceos ferunt, seu nucamenta vulgò *Chatons*, ut nux ipsa, corylus. Sunt in quibus pediculi quidam flores tantum, alii fructus efferunt, ut salix, populus, lupulus: nisi fortè floris nomine donentur filamenta quædam colorata, quæ ex tenero grano vel embryone erumpunt. Quod si damus, multi flores sunt sine fructibus, sed fructus omnes quidam flores comitantur.

III. Quis autem sit florum usus, jam innuimus: sunt quædam velut viscera, quibus succus nutritivus fructui, dum adhuc tener est, destinatur. Dum enim succus intra folia floris circulatur, & percolatur in ipsis rubulis & sacculis, quod subtilius est & ovo nutriendo præparatum, ab aliis partibus minùs ad hanc rem idoneis & crassioribus scernitur, quæ per stamina tanquam per vasa exteriora, & totidem glandulas in staminum apices expelluntur, & exsiccata in minutum abeunt pulverem.

IV. Grana autem seu ova in suis tantum primordiis succo adeo exquirit, & in florum foliis percolato egent, ut fibrillæ quibus constant, & partes plantæ jam in ipso germine delineatæ paulatim intumescant, ac jugem succi ferant appulsus, quem utique sustinere vix possent, si partes crassiores illius succi unà cum subtilioribus & ritè præparatis affluerent. Sed ubi

ANN. flores jam sunt explicati, & prima fructus aut ovi intumescencia facta est, tum illa fructu flores rescantur, non item si fructus in gemma delitescat: tum enim floribus nudatus perit.

V. Cur autem flores brevi tempore tabescant, triplex hujus rei causa afferri potest: 1. vasorum tenuitas, quæ flores pediculo affigunt, ut in ranunculis, & anemone videre est. Hæc enim adeo sunt subtilia, ut flores cum pediculis coherere videantur: ubi pediculi vasa in flores pene integra sparguntur, ut in variis ellebori nigri speciebus, tum flores diu persistent, 2. Ovi ipsius in omnes partes accretio vasa in floris basi posita sensim arctant, ac flos ipse alimentitio succo fraudatus perit. 3. Vasa in embryone flaccida & complicata paulatim eriguntur & tenduntur: unde & succus facilis per ea motum suum continuat, & folia, quæ hinc inde ad latera posita sunt, deserit. Tum vero succus in solo calice, in parenchymate & pelle fructus jam adolescentis præparatus in grana ipsa deferretur, quorum gratia ceteræ partes videntur ab Auctore naturæ fabricatæ. Quod nutritioni minus est idoneum, per cæcos meatus aut tenues velut holoserici pilos exhalat, aut instar floris subtilioris qualem in prunis recentibus cernimus, paulatim excernitur.

VI. Qui autem flores à teneris fructibus divisi sunt, aut ramulis adnascuntur fructuum expertibus, ut sanguinis in animantibus, ita succi massam à superfluo humore fere ut renes expurgant. Atque ubi flores ultra fœtum ipsum aut ovum diffunduntur, ut in rosa, succus à pediculo in tenerioris fructus pellem, & ejus vasa commeat, tum ad flores usque conscendit; in iis diffusus & perpuratus per vasa quæ deferentia dici possunt, in pellem remeant, inde ad partes interiores fructus transmittitur.

VII. Atque hic est foliorum in floribus præcipuus usus, tametsi in omnibus floribus non reperiuntur. Sed in eorum locum stamina, aut filamenta producuntur, ut in avena, pede leonis, & in aliis innumeris; ac plerumque singula stamina suis donantur apicibus.

VIII. In his floribus qui foliis constant, plerumque è fundo assurgunt stamina, ut in liliis, tulipis, quæ in apices desinunt. Atque illa stamina ut vasa excretoria haberi possunt, quæ succum superfluum vel in apices exonerant, cum adsunt; vel per cæcos meatus quasi per transpirationem insensibilem exhalant: interdum pili in extremis staminum pulvere quodam, aut humore viscoso obliti cernuntur. In plerisque apices in duo loculamenta, & cavitates sponte utrimque à latere dehiscunt, ac velut quædam sunt receptacula, in quibus colligitur succus nutritioni minus idoneus, ac credibile est grana pulveris, dum intumescunt, eas cellulas reserare.

IX. Pars floris quæ centrum occupat, & plerumque parte sui infima crassior est, unde & nomen pistilli nata est, tenerum fructum sæpe continet, ut in lilio; interim ex ipsius ovi extremo producitur, ut in umbellatis, aliquando huic tanquam pediculo instar floris innititur; plerumque instar panni serici villosi pilis in parte extrema tegitur, aut vesiculis asperatur. Quæ in apicibus pistillorum sunt rimulæ, fortè aëri præbent aditum; & viscosus succus ex Malpighio infecta arceat, ne obstruat.

X. Quæ pars exteriora floris aut involvit, ut in ranunculis, aut fulcti inftar sustentat, ut in umbellatis, aut utrumque obit munus, ut in rosa, in malo & pyro; sive foliis instruatur, sive iis careat, calix appellatur. Qui aliquando multiplici constat folio, nec diutius durat, quod ejus folia pediculo adhæreant penes pauciora vasa, eaque facile disrumpuntur. Interim unius est folii, quod è pediculi fibris producitur: unde & firmior est. Quæ florum sunt folia, nunquam seminibus involvendis servantur: hoc enim proprium est calicis, qui post foliorum casum plerumque semina inftar capsulæ recondit.

Botanica.

Ex varia florum structurâ D. Tournefort plantas in viginti duas classes distribuit, quarum singulæ varia genera complectuntur. In floribus majus quoddam naturæ artificium, quam in aliis plantarum partibus se prodit, atque in earum structurâ minor mutationi patet locus.

XI. Itaque in duo velut summa genera primum dividi possunt flores; in eos qui foliis seu petalis vestiuntur, & eos qui in stamina diducuntur. Hi ferè omnes calice muniuntur: eorum plerique tenero fructui adhærescunt, atque horum pistillus ipse est fœtus, ut in gramine videre est. Quæ nucamenta ferunt plantæ, ex flores habent in stamina quandoque brevissima diductos. Atque hujusmodi flores non insignes præbent plantarum differentias, quemadmodum flores suis instructi foliis, quorum magna est & incredibilis varietas.

XII. Ac primum flores illi vel sunt simplices, vel compositi. Simples unicum habent florem uno calice contentum, neque ex iis partibus, quas flosculos vulgò *Fleurons*, aut *Semisflosculos* vocant, sunt compacti. Ii simplices sunt flores qui unico folio, sive id regulari figura incidatur, sive irregulari; horum flores alii campanulam, alii infundibulum, alii quiddam aliud referunt.

Ex iis qui pluribus foliis vestiuntur, quidam quatuor in formam crucis dispositis constant, alii totam, aut catiophyllum, nonnulli lilium imitantur.

XIII. Compositi flores è flosculis, aut semisflosculis in magnâ quoque sunt varietate: flosculi omnes ut totidem tubi uno & eodem calice involuti idem vel sertum efficiunt, singuli flosculi embrione seu grano sunt innixi, è cujus fundo aliud filamenrum prodit tubulo tanquam vagina conclusum. Hujus generis sunt flores absynthii, carduorum &c. Qui è semisflosculis velut ferta quadam, hi pluribus constant partibus, quæ postea in folia complanantur. Hos flores cernere licet in Soncho vulgò *Lactron*: lactuca, & aliis. Flores radiosi ex utrisque flosculis & semisflosculis ita sunt compositi, ut flosculi medium velut locum occupent, qui discus aut pelvis appellatur: semisflosculi inftar coronæ circa pelvim disponuntur.

XIV. Atque ut summam faciamus eorum quæ diximus, flores omnes qui petalis seu foliis sunt muniti, vel unico folio continentur, iique ad novem species referuntur juxta divetias eorum formas. Qui multiplici folio donantur, in quinque species sunt divisi, quarum ultima est irregularis, qualis in leguminibus cernitur. Horum flores papilionares dici solent, quod papilionis volantis formam utcumque referant: quod superius ex-

tar folium, vexilli nomen obrinuit, ut inferius idque duplex carinæ nomine donatur; interjecta verò alas vocant. Calix instar poculi aut corniculi, quos tesseri ludere solent, paulatim dilatatur, ex illius fundo pistillus assurgit vagina fimbriata conclusus, qui in fructum abit, & siliqua vocatur: in pisib. & fabis flores ita sunt conformati.

CAPUT IV.

Idem argumentum continuatur.

I. **I**N tertia parte sui operis D. Tournefort singulas plantarum species in sua genera, & hæc in classes ea methodo distribuit, ut discentibus prorsum sternat iter ad hujus scientiæ adyta. Vocabularium in eorum usum sub finem primi voluminis attexit, in quo non solum voces in Botanica usitatas, sed illas etiam, quas ex aliis artibus mutuatus est, sic exponit, ut multa scitu digna circa structuram plantarum doceat, quæ Physicæ non mediocrem afferunt lucem.

In eo quippe partes omnes stirpium, earum naturam & usum velut in transitu, sed accuratè tamen & perspicuè explicat. Atque ut è multis paucæ decerpamus, stirpes omnes lignosas in tria partitur genera satis nota. 1. In arbores, quæ cum sint insignis magnitudinis, uno caudice aut truncò in ramos divisò, in altum se tollunt. 2. In arbusculas aut frutices arboribus minores, quæque ex eadem sæpe radice fruticantur, ut ligustrum, *Troëne*, *silaria* &c. 3. In virgulta. Arbores & frutices seu arbuscula Autumnò gemmas sub axillis foliotum tanquam ova proferunt; non item virgulta, aut dum, seu minores plantæ quæ subarbuscula ab eo nominantur: cujus generis sunt Rosmarinus, Thymus &c. quæ ejusmodi gemmas fructibus sætas non proferunt. Herbæ propriè dicuntur, quarum caules aut scapi maturis seminibus pereunt. Harum radices vel multis persistant annis, vel eodem anno emoriuntur, ut triticum; cum radices eadem manent, postquam fructus extulerunt, eæ vivaces appellantur.

II. Radix in unaquaque planta succum è tetrâ excipit, & in alias partes transmittit: hæc terræ, aut terrestri alicui corpori adhærescit. In radicibus partium contextus, structura & figura spectantur. Textura ipsa vel carnea est, ut in lilio, vel fibris constat intertextis; seu molles sint, ut in fœniculo, seu duræ & lignæ ut in pyro, quercu &c.

Ratione structuræ radices vel è fibris, vel ex aliis radicibus, vel squamis, vel è tunicis componuntur. Harum omnium Icones sub finem tertii Voluminis expressas habes. Sunt quæ è fibris tenuissimis instar capillamenti, seu ascititiæ comæ constant, ut in tritico; in aliis crassiores sunt fibræ, ut in viola.

Quæ ex aliis glomeratis coalescunt, in varias species diducuntur: squamosæ sunt in lilio, bulbosæ & è pluribus tunicis confectæ, ut in cepa, eæque varias induunt figuras,

III. Radicula dicitur pars illa germinis quæ primum se se explicat, & veram radicem in se continet; ut pars superior germinis, in qua cæteræ partes continentur, pluma vocatur. Seminis germen inter duos lobos conclusum his duabus constat partibus.

Pars summa radicis quæ trunco connectitur collum aut collare, vulgò *le Collet* nominatur.

IV. E radice truncus in arboribus, caulis vel scapus in herbis, culmus in tritico ascendit. Partes interiores jam à nobis perstrictæ sunt & aliis in locis fusiùs expositæ, medullæ nimirum, ligni & corticis. Perpaucæ videntur nobis de Alburno quod inter lignum & corticem in arboribus interjacet, ex autore nostro addenda. Id album est & tenerum, quod nondum ligni propriè dicti duritiem adeptum sit, atque ligni naturam intra unum aut plures annos in arboribus paulatim acquirit: nam fibræ ligno propiores paulatim indurantur, cum cortici vicinæ intumescunt alburnum novum gignunt: adeo ut lignum arboris sit vetus albutum, & novum alburnum sit ejusdem arboris recens lignum. Hinc tot circuli concentrici, qui in secto transversim trunco conspiciuntur. Nam diversa alburni vel strata, cum lignosa facta sunt, atque alia aliis inducta colorem variarunt, sive obtexturæ varietatem, seu nutritius succus singulis annis non æquabiliter eorum poros impleverit, aut alia quædam occultior causa è Sole vel è subtiliori materia quærenda sit.

V. Foliorum incredibilis est varietas: undè ex iis potissimum genera plantarum secundi ordinis distinguuntur, ubi characteres essentielles è floribus & fructibus ducti dignoscendæ stirpium naturæ, aut nominibus imponendis non sufficiunt: nec tamen ex solo foliorum aspectu character generis rite deducitur: cum enim flores & fructus erumpunt, tum sæpè mutanda erit generis idea. Ac pauci sunt, si qui sunt, qui è solâ foliorum texturâ & figurâ certum de plantæ characterè judicium ferre possint: nisi fortè iidem sint usu ipso & longâ exercitatione triti. Sed antequam flores ipsos & fructus viderint, dubitanter de his pronuntient necesse est.

Folia, ut de floribus dictum est, aut simplicia sunt, cum ex eadem velut caudâ nascuntur, aut caudici, vel ramo proximè adnascuntur, vel in alia dividuntur folia, ut in pyro; vel sunt composita, seu in eadem caudâ aut costa disponantur, seu in plura folia diducantur, ut in rosâ, Apio &c.

Sic folia aut planam habent superficiem, aut cavam, aut convexam, lævem aut asperam & pilis hirsutam, seu rotunda sit, seu in cuspidis formam conformata, seu stricta & oblonga. Interdum instar fistulæ folium est excavatum; tenue & subtile in multis plantis, ut in hyperico; densum in aliis ut in portulaca, carnosum in quibusdam, ut in sedo.

Sic folia varie laciniata aut incisa, aut dentata in variis plantarum generibus cernuntur. Mitto foliorum varietatem ex situ & dispositione depromptam: adeo ut bina, aut terna, aut quina eidem caudæ cohaereant. Infinita in his omnibus est diversitas, atque eadem discrimina in tertio volumine à tabula 423. ad tab. 441. graphice expressa reperies.

VII. De gemmis, seu oculis tum foliorum, tum fructuum diximus: hinc pendet vis omnis inferendi in scuti gentilitii formam, quam emplastrationem vocant, *Gresser en Ecusson*.

ANN. 1694. Gemma arboris inferitur recentis rami ligno alterius arboris. Gemma integra cum parte illius lignosa qua ligno arboris adhærebat, detrahitur, & cortici arboris in formam T fisso, dum succo tumet, applicatur: cortice ita fisso gemma seu scutum obducitur, & cannabe depexa alligatur. Succus rami per gemmam scuti delatus ovum in gemma conclusum fovet & excludit, dum ejus folia complicata evolvit.

Sic ramo leniter fisso furculus inferitur, vulgo *Greffer en fente*. Trunco aut majori ramo arboris ad libellam, seu horizontaliter secto furculus alterius arboris in hanc fissuram inferitur, in cunei formam paululum incisus, & aliquot gemmis foetus.

Ita furculus inferitur, ut cortex ejus cortici trunci respondeat. Truncus enim fissus elatere suo furculum insirum premit, & succus arboris vasa furculi subit, gemmas ejus explicat. Idem succus in poros furculi effusus fibras unâ conjungit & inter se mutuo sic agglutinat, ut è trunco & furculo unum & idem corpus coalescat.

VII. Tempus aptum est insitioni, cum furculi gemmæ nondum sunt explicatæ: Sic enim nova ejus folia alimento fraudata facile tabescerent: nam succus arboris in vasa furculi facile non subit primis insitionis diebus, atque hoc temporis sic folia possunt marcescere. Sed tamen interdum evenit ut succus agitatus majorem sui copiam suppeditet, & insitio paulò tardius facta benè procedat: unde cum gemmæ se se evolvere incipiunt, & trunci itidem succus in motu est positus, tum opportunum videtur insitionis tempus. Truncum sectum pice leviter obduciendum censet D. Tournesfort, & pars furculi, quæ fissuram subit, tegenda: non probat cataplasmata quæ ex argilla & musco parari solent, cum aqua illa penetret & insectorum pateant injuriis.

Postremo refecandi sunt germinantes in trunco furculi: nam succi in eorum vasa proclivior est motus, ac desletere cogitur, ut in novi furculi vasa committet, fere ut in animalium vulneribus, idque cicatrices efficit, cum secta vasa non facile jungantur, neque eorum extrema sibi mutuo respondeant.

Eadem est ratio insitionis inter corticem & lignum, aut illius quæ inoculatio appellatur, cum detracto arboris cortici in fistulæ modum, novus cortex cum oculo suo ejusdem cum priori figuræ & magnitudinis applicatur.

CAPUT V.

De stirpium natura & usu.

I. **H**Actenus de elementis Botanicis quæ D. Tournesfort anno 1694. tribus voluminibus complexus est. Paucis ab hinc diebus prodit in lucem aliud volumen non mole, sed eruditione, & utilitate magnum de Historia Plantarum, quæ in agro Parisiensi & circumjacentis in locis oc-

currunt. In quo quidem non solum catalogum plantarum accuratum, & Botanicè eruditione plenam, sed & plurimarum ulum cetero iudicio, delectu, ratiōe, analysi & experientia cognitos sic tradidit ut summam eruditionem cum magna utilitate conjunxerit.

Quæ ad historiam pertinent, non sunt nostri instituti, perpaucæ dumtaxat de stirpium natura, & viribus ex docta præfatione quam suo operi præfixit, hoc loco decerpam.

Ac primum id prudenter observat exquisitas plantarum præparaciones abjiciendas non esse, sed vulgatas magis & simplices negligi non oportere: cujusque mixti principia, & eorum dosim natura ipsa sic constituit, ut remedia quæque simpliciora exquisitis, & summa cura elaboratis persæpe sint anteponenda. Quæ enim sunt expurgata, seu pura sulphura, seu alcali, aut acida nominentur, morbis sanandis minus persæpe sunt idonea, quam quæ cum aliis principis sunt conjuncta. Sic sal absynthii summa cura reverberatus ventriculi morbis minus utilis est, quam idem sal succo limonum satiatius.

II. Nihil magis obest medendi arti, quam anticipatæ coloris, frigoris, fermentationis notiones, quæ sæpe obstant ne opportuna adhibeantur remedia: quasi humores in statum naturalem restitui possint citra aliquem motum qui partium texturam mutet, & noxiam materiem separet.

III. Non existimandum est illud ipsum quod magis est actuosum in plantis, per solas qualitates, quæ primæ appellantur, aut per configurationem partium, quæ nobis persæpe est incognita, aut demum per alcali tantummodo, & acidum explicari posse, cum major sit in plantis compositio quam ut per ea principia vires earum innotescant. Sed terræ quoque, aquæ & sulphuris habenda est ratio, atque sales qui in plantis vigent, quique sunt magis compositi, ex collatione cum salibus nobis notis, cum sale communi, sale ammoniaco, alumine, vitriolo & aliis, quæ certa sulphuris terræ & aquæ portione sunt involuta, melius innotescunt. Illud enim palam est in plantis inesse salem, sulphur, aquam & terram, quæ innumeris permixta modis alia pene infinita formant corpora.

IV. De analysi plantarum, & principiorum, ex quibus constant, separatione differit, quæ ratione sales alcali, acidi, nitrosi, vitriolici, ammoniaci dignoscantur, dilucide exponit. Heliotropii solutio, aut charta heliotropio tincta & aqua communi perfusa sales acidus prodit; spiritus nitri, aut salis, aut sulphuris, sales alcali, cum quibus fermentescunt acidi liquores, omnino demonstrant: sic salem ammoniacum, oleum tartari vel calcis solutio detegit; sal nitrosus ex detonatione, vitriolicus ex infusione gallæ, sulphur ex facili inflammatione deprehenditur. Alias omitto probationes in Academia usitatas. Mitto quæ & D. Tournefort circa nitri, salis marini, vitrioli, aluminis, salis ammoniaci, tartari principia & naturam affert probationes. Ex quibus colligit in nitro nullam esse acidi notam, sed salem alcali in eo contineri, tamen ex eo spiritus admodum acidus educitur; salem marinum ex acido & alcali coalescere; in vitriolo multa esse aciditatis indicia, uti & in alumine;

AN N. Salem ammoniacum acrem esse & salsum; tartarum Salem esse essentia-
1694. lem vini.

V. Itaque post varia circa hos sales experimenta eos qui è plantis extrahuntur cum notis & vulgatis conferre non dubitavit. Cum ex. gr. sal essentialis plantæ alicujus cum oleo tartari, vel calcis solutione permixtus odorem afflat urinosum, aut ubi sal volatilis & concretus per analysim educitur è stirpe, in ea Salem ammoniacum analogum vigere indicium est. Nam sal ille volatilis non aliud quiddam videtur esse præter partem salis ammoniaci urinosam, quam sal acidus dimittit liberam, ut ipse sali fixo tartari, aut calcis societur. Oleum fetidum uti & spiritus urinosus eo sale abundat. Unde ejusmodi plantæ inter aperientes, detergentes, febrifugas, & vulnerarias habentur, quæ dotes in Salem ammoniacum cadunt.

Consimili ratione quæ sunt stipticæ & adstringentes, quæque multum acidi cum terra conjuncti per analysim præbent, hæ stirpes Salem aluminis analogum continent. Quæ autem præter acidum & terram Salem alcali plurimum suppeditant, hæ sale non absimili tartaro vitriolato imprægnantur, cumque varia terræ & phlegmatis admixtio variè modificat.

VI. Cum eadem plantæ diversos procreent effectus in humano corpore, ut varie est dispositum, hinc D. Tournefort sumit occasionem pauca, sed utilia de vi medicaminum disserendi, quæ in prædicta præfatione omnino legenda sunt: nam rei admodum abstrusæ, & si quæ sit alia generi humano perutili, non mediocrem lucem asferre possunt. Primum quidem hanc à veteribus acceptam laudat medicaminum divisionem, in ea scilicet, quæ sensibili quodam modo evacuant, & in ea quæ humorum texturam mutando eos in naturalem statum reducant, quæque alterantia dici solent. Primi generis medicamina vel superne, seu vomitu, seu sputo, aut saliva, aut sternutatione noxios humores eliminant, vel infernè deiciunt, seu ea sint purgantia, seu diuretica, quibus addi possunt sudorifica, quæ per cutis oculos meatus serosum humorem expellunt.

Quæ vomitum cient, & dicuntur emetica, per violentos diaphragmatis, & musculorum abdominis motus potius quàm fibrarum ventriculi contractione vim suam exerere arbitrat percelebris Montis Pessulani Professor D. Chirac, cui assentitur D. Tournefort. Nam fibræ ventriculi quasi toridem elateria materiem ventriculo contentam deorsum trudent per intestina, quæque illarum actionem, & nisum intendunt, ut emetica, vim illam magis augere deberent, non vomitum excitare: siquidem fibræ irritatæ deorsum pellunt quæ intus continet ventriculus.

Vomitum quippe uno tantum è tribus modo provocari potest. 1. Cum fibrarum motus, qui natura sua deorsum tendit, præ inflammatione, aut strangulatu invertitur. 2. Cum propter obicem ex duri corporis oppositi exitus humoris occluditur. 3. Cum diaphragmatis, & musculorum abdominis motus vehementior ventriculum exagitat, aut premit arctius.

In vomitu autem qui fit ex hausto medicamine, nulla oritur inflammatio, nullus strangulatus, nulla demum obstructio ex materia quadam indurata & compacta. Quamobrem id reliquum est ut violenti diaphragmatis & musculorum motus vomitum aut nauseam excitent, dum instar torcularis ven-

triculum & intestina sic premunt & succutiunt, ut humores ventriculo contenti per œsophagum remeare cogantur. Hos quidem abdominis & diaphragmatis motus in vomitu experimur, ac plerumque de ingenti pectoris dolore, & quasi ejus disrptione conquerimur. Bota-nica.

Id vero in canibus & felibus cernimus, ventrem manifesto complanari, & diaphragma inter vomendum pelli deorsum. Quin & D. Chirac in cane, cui sublimatum corrosivum præbuerat, idipsum pene demonstravit. Nam ventre ex umbilici regione leviter scisso, cum ventriculum manu tractaret, nullam in eo convulsionem sentiebat aut motum violentum, sed diaphragma una cum musculis abdominis magna vi & celeritate contractum premebat manum qua ventriculum tenebat. Sic enim est à natura comparatum, ut vicinæ partes in alterius quæ vini patitur, subsidium veniant, eique opulentur. Sic in sternutatione respirationis organa una conspirant, ut gravem capitis humorem aut molestas narium irritationes sublevent.

Crebræ diaphragmatis, & musculorum ventris succussiones noxios protrudunt humores per glandulatum quæ reticulo ventriculi copiosè insunt vasa excretoria, fere ut cernimus in linteis sordidis, quæ dum lavantur, repetitis palmulæ ictibus tunduntur. Cum itaque primæ alimentorum viæ sordida & feculenta materia scatent, aut humores ferocientes tumultuantur, (organum vocant) ac nullus est in visceribus abscessus, aut schirrus, tum vomitus est sæpe salutis, quod graviorum morborum materia, quæ stomacho inest, & in eo stagnat, per œsophagum via magis compendiosa & tuta ejiciatur, quam per longos intestinorum anfractus. Addit vir doctus morbis qui paucis abhinc annis, multis in Galliæ Provinciis magnam ediderunt stragem, emetica statim exhibita plurimis salutis fuisse. Humor enim ille acidus instar limonis succi, & viscidus vix excoquitur, nec aciditatem suam longiore mora exuit. Quin imò massam sanguinis magis ac magis inficit, dum funditur, ac frustra expectatur illius coctio, aut ab aliis humoribus secretio, sed sæpe opportuna nuedendi occasio elabitur, dum moras necimus.

VII. Quæ purgantia, aut catartica dicuntur, in fibras ventriculi vim suam exercent, eas plus solito succutiunt, & ad contractionem provocant, tumque crassiores sordes primum excutuntur, fibræ plus satis contractæ glandulas reticuli premunt arctius, ex iis serum quo rurgent, exprimitur: atque ea ratione via sternitur seroso latici, qui è sanguine in glandulas continenter allabitur. Tum enim huic facilius est aditus in eas glandulas, & per eam cribra filtratur, & percolatur. Qui quidem serosi latices una secum devehunt sordes quibus inficitur sanguinis massa. Quo utique modo sanguis vi medicaminis commotus, & quodammodo ebulliens expurgatur.

VIII. Non dissimilis est aliorum medicaminum ratio cum noxios expellant humores, aut naturalem iis statum restituant: seu ipsa fusione serosi humoris copiam suppedient qua feces in visceribus stagnantes prolunant, materiam seu humores ipsos à peregrina materia solutos sic componunt, ut per cribra sibi aptata commodè & liberè transeant. Cum enim majori copia in partes malè affectas illabuntur, si quæ sint, obstructions expediunt. Et quidem

si obstruantur vasa biliaria, illam non auferet obstructionem sanguis uberior cuiusdam medicaminis particulis aperientibus imprægnatus, cum sanguis hos ductus non pervadat: sed bilis ipsa per ea vasa sibi muniet aditum, si sit uberior, aut fluidior. Unde quæ dicuntur hepatica remedia, eadem vel bilem augent, dum sulphureas sanguinis partes liquant, ac bilem magis fluidam reddunt, quo facilius percolari & filtrari queat.

Sic diuretica sale acri fœta majorem urinæ copiam procreant, dum fundunt sanguinem, aut ab eo serum separant. Cum urina est uberior, cribra sua proluat, & ductus per quos meat, melius abstergit, quàm quivis alius humor. Quæ autem inter diuretica sunt acida, dum sanguinem aliquantum incrassant, serum ab eo separant, ilque uberius in renes delabitur. Absorbentia verò eundem procreant effectum, dum imbibunt materiam qua serum velut implicatum tenebatur.

Eadem plane videtur ratio eorum quæ sudorifica dicuntur: nam sudorin materiam vel augent, vel ab ea sanguinem expediunt. Nec sudorum materia ab urina valde discrepat, eaque in renum glandulas vim suam plerumque exerunt. Hæ quippe in jugi actione versantur, non item cutis glandulæ quæ sunt inertes & otiosæ, nisi forte cum præ labore & exercitatione sudor per eas exprimitur: unde rara sunt admodum vera sudorifica.

Sic alia prosequitur medicaminum genera quæ apud Autorem doctum & diligentem legi possunt: sunt enim non curiosa modò, sed imprimis utilia.



SECTIO SEXTA.

De Actis anno 1695.

Cum hoc operis in majorem excreverit molem quàm cogitatione præceperam, hic gradum sistere mihi certum erat: sed viri graves & docti mihi auctores fuerunt, ut hunc laborem ad tricesimum usque annum ab ipso Academiæ ortu producerem, præsertim cum duobus postremis annis luculentæ dissertationes & crebræ observationes amplam nobis suppedient materiem. Primum igitur quæ ad Physicam generalem spectant quam brevissime fieri poterit, erunt perstringenda, tum ad singulares observatio-



CAPUT PRIMUM.

De Physicis quibusdam observationibus.

I. **S**ub initium hujus anni D. de la Hire pluviam quæ superiore anno sterile comperit : adeo ut summa illius longè minor fuerit , quam annis 1613 , 1612 & aliis superioribus. Tamen animadvertit , fontes ipsos non minùs ubertim manasse , quod forte ancipitem , nec ad dijudicandum facilem afferre potest de fontium origine quæstionem , an non aliæ quoque subint eorum causæ occultiores.

II. Mensibus Januario & Februario experti sumus frigus acerrimum , quod utique ad nova circa glaciem experimenta facienda convertit animos. D. Homberg acetum congelatum exhibuit , idque in tres divisum partes , infimo loco subsidit pars tartarea coloris subnigri ; medium locum tenebat pars insipida quæ phlegma dicitur ; pars oleosa , & rubei coloris summum occupavit locum.

Nive frigidiorē esse aëra sæpius observavit D. de la Hire , nam Thermometro intra nivem demerso & obducto , statim vini spiritus ascendere visus est ad 2 gradus cum semisse. Eo subducto ad priorem penè locum rediit , tamen aër radiis solaribus nonnihil incaluisse. Quantum nivis moles minuat , cum in aquam solvitur , identidem observavit , ac subinde reperit aque altitudinem esse nivis partem quintam , & paulo minorem nempe $\frac{1}{5}$.

Id quoque advertit , effusam in pavimento Observatorii aquam lapidibus politis strato , rosarum quæ in ornamentum Architecturæ effingi solent , speciem præbuisse. Sex enim rosæ æqualibus foliis distinctæ erant , atque in earum medio velut costa aut fibra crassior extabat , ex qua innumerabiles prodibant fibrillæ in rectum productæ , & sibi mutuò parallelæ. Ubi major erat aquæ copia , in ramos aptissimè contortos absque ullis foliis distincta glacies apparebat.

Filius ejus varios liquores sic gelido aëri exposuit , ut vitro impositæ ad unius lineæ altitudinem assurgerent. Ex iis acetum nullam induit figuram notatu dignam , neque urina nisi post admisionem aquæ : tum enim longiores velut plumæ duorum fere digitorum apparuerunt. Aqua vini ardens in bullas pene instar nivis concrevit : huic parum aquæ affudit , tumque velut grandinis grana ad 4 linearum altitudinem assurgere visa sunt.

Idem D. Homberg experiri voluit quantum salium congelationes , seu post aliquam humoris exhalationem in crystallos concreciones varient penes externi frigoris vim , aut acriorem , aut remissiore. Duas hujusmodi concreciones protulit : prior excunte Septembri facta fuerat , quæ in massam pellucidam in fundo vasis coluerat ; posterior sub initium Februarii facta , in ipsa liquoris superficie rosas hexagonas exprimebat ; hæc priori erat candidior , eaque temperato aëre solvebatur in liquorem : prior autem cry-

ANN. Italizatio longiori spatio soluta est. Atque hæc circa varios frigoris effectus.

1695.

D. Bouleduc spiritum vitrioli rectificatum, ut aiunt, ita congelatum invenit, ut was ipsum frigerit : nec tamen spiritus sulphuris congelari potuit.

Cum D. Homberg solutionem silicis præparasset, hanc instar gelatinæ in gelu concretam invenit.

III. Die 26 Martii D. de la Hire Epistolam legit Castellione ad Sequinam datam, in qua mentio habebatur magnæ tempestatis, quæ die 10 mensis circa horam à Meridie septimam orta est. Procellæ hujus capite inflammato, ær ignitus apparuit : unde ignis corpuscula, tanquam scintillæ decidebant, adeo ut vicum urbi vicinum mox conflagaturum crederent. Hæ scintillæ his erant consimiles, quæ fabris ferrum candens in incude tudentibus dissiliunt : in terram vibratæ interdum volvebantur colore cæruleo, mox exstinguendæ : per horæ quadrantem in magno terræ tractu hæc procella sæviit ; in cauda nivis flocci, & densiores cadebant. Eodem die circa horam quintam cum semisse magna nivis copia cum typhone quodam delapsa est. Die 17 ejusdem mensis liquor subruer, viscidus, foetidus, & quasi sanguineus variis in locis urbis decidit. Gutte majores eidem muro ex utraque parte visæ sunt, adeo ut vi procellæ aut turbinis eo perlata viderentur.

In machina pneumatica jam antè facta placuit iterare experimenta, ac nova subinde sunt proposita, cum de quibusdam experimentis in ea machina faciendis, circa ova ageretur, ex quibus liqueret an ær intra ova inclusus esset, qui ea disrumperet. D. Homberg albumen ovi à vitello separari ait, idque manere incorruptum, exsiccatum vero fieri pellucidum.

Illud majori est miraculo quod Medicus Tornacensis scripsit ad D. Dard de puella, quam à longo tempore citra cibum & potum vivere opinatur : adeo ut nec sumat, nec excernat quicquam, ut ventriculus pene cum dorso cohereat : & tamen reliquæ partes corporis bene se habent. Verum de facto ipso ante constare oportet, quam in causas inquirere.

IV. Tum verò quædam est de elaterio aeris proposita quæstio, utrum id temporis lapsu debilitetur. D. Galloys eandem quæstionem anno 1669 agitatam fuisse refertus est, tumque D. Roberval experimentum à se tentatum ait, cum adhuc juvenis esset. Sclopetum pneumaticum aëre, ut moris est, vi adactò impleverat, cujus vim elasticam post 16 annos eque vegetam invenit, atque in ipso initio cum aër intrusus fuit.

Anno jam exeunte D. de la Hire paucis demonstravit quâ ratione plumbum vim & nisum majorem in aquam exeret, quàm in ipsum aëra, tametsi aqua de illius pondere multum detrahat. In vas aquâ plenum usque ad operculum conjicitur plumbum, vasis operculo tubus oblongior ante fuit ferruntinatus : cum plumbum demergitur, aqua in tubum sublata fundum vasis eo magis premit, quo alius ascendit. Quæ pressio ut percipi queat, pars vasis ima vesicâ suilla obducitur, laminamque admotam eâ proportionem repellit, qua premitur aqua.

Filius D. de la Hire quoddam Aureliæ genus exhibuit muro per tenuissimum

mun filum fericum adherentis : filum illud per fauces ejus ducebatur, idque commune est pene omnibus ejus generis aureliis: perpaucæ sunt, quibus filum caudam involvit. Botanica.

Mense Maio unum ex iis animalculis quæ tantum edunt strepitum in fenestris cancellaris ex capitis motu, coram exhibuit: hæc vulgò *grifons*, vocitantur.

D. Tournefort de insecto quodam sermonem fecit pediculo non absumili, quod intra $\frac{1}{2}$ unius horæ in culicem abir.

Hæc quidem metæ sunt speculationis: alia sunt proposita, quæ ad usum vitæ spectant.

V. Cum Aprili mense de quodam homine, qui in Suburbio S. Jacobi ex venenato canis rabidi morsu interierat, sermo haberetur, illud fortè ex usu futurum ait D. de la Hire, si remedium in America usitatum adversus venenatos ingentis serpentis morsus usitatum adhiberetur, accenso nimirum pulvere pyrio in ipso vulnere, parte circumjecta priùs scarificata. Quod experiri licet in animalibus, quibus viperæ infligunt vulnera. D. du Clos alia quondam, nec multùm dissimili ratione morsus venenatos sanari aiebat, cum tubus è charta bibula formatus, aqua vini ardente imbura, & vulneri admota accenditur: tum enim virus omne ignis vi efflari assererat.

VI. De atramenti Sinensis præparatione tunc temporis actum fuit. Id verò confici solet ex pinguiori fumo piceæ, vulgò *du noir de fumée*, cui parum fellis bovini, & ictiocolle admiscerur. Cùm etiam de liquore in Sinensi regno usitato, quo splendorem corporibus inducunt, vulgò *du verny de la Chine*, sermo haberetur, D. Homberg ait oleo lavendulæ id parari apud nos, eoque laccam dissolvi, idque fractæ porcellanæ aut Achatilapidi conglutinando utiliter adhiberi.

VII. Paucis post diebus cùm de peste sermo misceretur, D. Tournefort illud advertit hoc morbo grassante Anthraces eos invadere, qui exprimendo oleo navant operam. Atque hujus rei occasione D. Galloys id admonuit à celebri Anatomico Diemerbroëch observatum eos qui Neomagi nigrum saponem vendebant, pesti grassanti obnoxios fuisse, sed loca in quibus tabaci fumus naribus excipi solebat, raro, aut nunquam peste infecta fuisse.

VIII. Qua ratione aurum in liquore frigido & insipido dissolvi queat, D. Homberg paucis aperuit. Illud porro non aliud quiddam est, quàm aqua pluviatilis & pura. Auri quippe limatura priùs in mortariolo vitreo, pilo itidem vitreo vel ligneo tritaturur; liquor per filtrum trajicitur, isque in vaporem dissatur, dum color auri plenior appareat.

Plus aliquantum operæ in exaltando auri colore, cum depressior est, & dilutior, ponunt artifices. Horum industriam sic exposuit D. Homberg. Aurum purum cum mollius sit, id artefactis operibus minus est idoneum. Quare illud argento aut cupro temperant, quo firmitus sit & tenacius. Verum id accidit incommodi, ut ea metallorum temperatio auri colorem multum deprimat. Quare opus est arte ut auro sic permisto genuinus color restituantur. Qua autem methodo artifices soleant procedere, exposuit, eamque illustravit.

ANN. 1695. IX. Quoddam aramenti genus exhibuit D. Homberg ex æruginē & ligno Indico, quod vulgo *Campege* appellatur: quin etiam ex hīs duobus panni nigro colore tinguntur citra ullum ignem. In aqua aluminosa & feruida prius lana ebulliat, ut omnis abscedat pinguedo, tum ligni prædicti in frustula concisi libra una 8 libris aquæ fluviatilis & calidæ per 24 horas vasi fictili imponatur, semi-libra æruginis leviter concisæ duabus aceti libris affunditur, ita ut infusio calida per 24 horas perstet; inclinato vase acetum effunditur in vas subiectum. Aquâ ante præparata ter aut quater pannum perfunde, sic tamen ut singulis vicibus eum exsiccare sinas, post ultimam ablutionem bene exsiccatum pannum aceto æruginē imprægnato semel & iterum perfundes, tumque nigro inficitur colore.

X. Hæc artificum industria nos alterius admonet, cujus processus longè est facilior: eo tendit, ut rerum vestigia, & effigies numismatum gypso statim imprimantur, & impressa muneant. Hanc D. de la Hire paucis exposuit, & coram exhibuit. Cere Hispanicæ candenti ferri ope sensim & citra ullam ebullitionem liquefactæ figura quælibet imprimitur: huic olei guttulis perfusæ gypsum aqua dilutum, in tenuem pulverem antea comminutum, & per cribrum tractum cere superponitur, quod formam typi subiecti excipit.

Alias quoque impressiones in cornu emollito duplicis ferri candentis ope exhibuit D. Homberg: hæc figuræ in torculari seu prælo exprimuntur. Idem alias protulit foliis stanneis insculptas: folium numismati applicatur, frustuli lignei apice propius admoto, & digiti ope pressio: sic enim figura numismatis, & characteres folio metallico impressa manent.

XI. Illud minime tacendum est quod D. de la Hire, cum opus suum de mechanicis legeret, ac de fornicum structura sermonem haberet, in transitu admonuit, arenarium, seu mortarium citius indurari, cum parum salis ammoniaci aquæ admiscetur, postquam intritum est mortarium.

XII. De magnete cum ageretur, difficultates aliquot adversus Cartesii systema proposuit D. Varignon, idque occasione epistolæ, quæ ad D. Homberg missa est, in qua fit mentio cuiusdam proprietatis in acu magnetica recens inventæ, quam Auctor permagni usûs navigationi futuram existimat; sed de facto ipso constare omnino oportere visum est, antequam in novam illius affectionis causam inquiratur.

CAPUT II.

De Plantarum Analyfi.

I. **V** Arias plantarum descriptiones D. Dodart legit annis superioribus; analyses earum itidem factæ, de quibus nihil necesse est plura hoc loco differere. Plantas ipsas suppeditavit D. D. Marchant & Tournefort. Id unum silentio prætermitti non debet, quod D. Homberg mense Junio circa partium, quibus olea plantarum constant diver-

statem peculiari dissertatione exposuit : summa fere hæc est. Plantas per *Plant.* analysim in liquores aqueos, olea, sales, & caput mortuum resolvi : *analys.* ex quibus caput mortuum omni sale exutum, & ignis vi ritè expurgatum, in plantis omnibus est fere uniusmodi : secus de aliis principiis sentiendum : nam in iis magna est saporum, odorum, & consistentiæ differentia, & aquei liquores, olea, sales multum inter se diversos præcreant effectus.

I I. Hæc velut generalis quædam regula statui potest, plantarum grana nondum matura parum olei, majorem phlegmatis, aut aquei liquoris, ac salis fixi præbere copiam, quàm eadem grana ubi ad maturitatis statum pervenere. Quæ enim vasa in granis crudis insunt, succo adhuc aquoso, & admodum fluido, nec dum bene digesto turgent : sed particulae ejus salinae, terrestres & aquæ, progressu temporis accuratius permixtæ, crassiores fiunt, quod oleum paulatim non simul formetur. Neque enim hæc velut pinguedo plantam subit jam facta : sed paulatim & temporis lapsu conrescit. Si quidem è granis per aliquot menses servatis plus olei extrahitur. Sic è seminibus & fructibus, ut è nucibus & olivis per tres aut quatuor menses in locis siccioribus asservatis major olei copia elicitur, idque crassius est, quàm cùm è fructibus recentibus exprimitur. 2. In oleis distillatis ignis unà conjungit eas corporis partes, quæ nondum bene inter se devinctæ erant, nec olei consistentiam adeptæ : postquam enim oleum quantà fieri potuit vi maxima expressum fuit, ex fecibus adhuc multum per distillationem elicitur. Unde fructus & grana solent igni admoveri, priusquam ex iis succus exprimatur : nam calor opportunè adhibitus naturales actiones non parum promovet.

3. Ex iis observationibus id videtur colligi posse, oleum non aliud quiddam esse præter aquosas, salinas, & terrenas particulas corporis densatas, idque confirmatur ex olei crassi, & spissi, quod sub finem distillationis violentæ è plantis extrahi solet.

Cum D. Homberg olei illius fœtidi libram cum calce in aëre extincta, & ad ignem ritè exsiccata ejusdem ponderis miscuisset, distillatione facta in retorta, ut moris est, igne per gradus aucto, & sub finem admodum vehementi, primum quinque phlegmatis, tum decem cum semisse olei uncia prodierunt : cujus octo priores fluidæ, rubeo colore splendide, ac minus erant fœtentes, quàm postremæ duæ uncia cum semisse, quæ spissæ erant, & admodum fœtébant. Liquore aquoso seorsum posito, 10 uncia olei cum semisse una cum novæ calcis libra iterum permixtæ 3 phlegmatis, & 7 olei uncias per retortam, ut ante præbuerunt. Postrema olei uncia nigra erat, & admodum fœtida, sex priores liquidæ, nec tam graviter olebant, atque in prima analysi : distillatione sexies repetita phlegma tandem instar aquæ puræ pellucidum & insipidum stillavit ; oleum ad unciam usque cum semidrachma est imminutum colore succini : sicque per sex illas distillationes olei libra in 15 uncias cum semisse phlegmatis, & unam olei unciam reducta fuit.

4. Id quoque ab eo fuit animadversum, grana nondum matura liquore aquoso, & sale fixo abundare, cum in iis parparum sit olei : ubi matura

AN. fuerunt, parum in iis est phlegmatis, & salis fixi, sed multum olei. Cum
 1695. per iteratas destillationes certa olei quantitas in phlegma pene tota abeat, ita ut parum olei superfit, hinc conjici potest in granis crudioribus phlegma unā cum sale, & aliqua terrestris materiæ portione eam tractu temporis efficere olei copiam, quæ in maturis granis conspicitur, ac mixtum ipsum arte resolvi posse in eadem principia, ex quibus coaluerat. Id vero est admodum probabile salem fixum & terram majori ex parte à calce esse retenta, partem salis aliquam in spiritus acidus abiisse, qui in calce fuerunt superstites: unde & calcis color candidus in cinereum mutatus est, eaque terrestres aliquot olei partes retinuit.

5. Opinionem ille suam ex fructu Indici, quem cacao vocant, analysi confirmavit. Partem illius pinguiorem & oleosam triplici modo ab aliis separavit. Primum destillatione ex una libra tres olei uncias cum quadrante, seu partem fere quintam prolexit. 2. Fructum cacao more solito antea calefactum, & contusum prælo subjiciens ex una ejus libra duas uncias expressit: è fece postquam una cum aqua ebullit, senni uncia olei adhuc expressa fuit. Sed ex eadem fece cum aqua communi permista duas adhuc uncias cum semisse obtinuit: adeo ut summa fuerit quinque unciarum. Postremo fructum cacao calente lapide obterens, ut fieri solet, cum ex eo paratur succus dictus *Chocolat*, ex ea velut subacta massa 13 uncias sumens, octo ebullientis aque libris diluit: refrigerata nullam pinguedinis speciem in superficie præbuit. Sed postquam materia aquæ imposita ebullit, & instar pulvis spissioris densata est, tum pinguedo supernata visa, eaque paulatim collecta, donec nulla amplius existeret, nec materia cochleari amplius tractari præ densitate, & tenacitate nimia, tum verò instar sebi pinguedo illa induruit, quæ odorem cacao non exuit. Sex illius pinguedinis, & paulo amplius uncie protierunt, è fece adhuc uncia extracta est: adeo ut è 13 uncis septem cum quadrante tum olei, tum pinguedinis educere fuerint.

III. Rationem hujus discriminis eam esse conjiciebat D. Homberg, quod fructus ille cacao ex India asportatus, vehementer exsiccatus, ac diu servatus, multum de nativo illo humore amisit, ex quo pars pinguedinis emanat: unde exsuccus retortæ impositus parum olei simplici distillatione præbet in prima analysi: sed pinguedine per expressionem separata in secunda operatione, tum fecibus aqua calida imbutis pinguis materia in fecibus superstes, & plus satis exsiccata partem humoris deperdit recuperavit, ac tantum olei per distillationem exiit, quantum expressione prodierat. In tertio processu, postquam multum aquæ cacao in subactam velut massam redacto affusum est, postquam leni igne per 5 aut 6 horas simul ebullierunt, pinguedinis particula per id tempus humore satis imbutæ unā coaluerunt; sicque olei hac ratione extractum fuit quintuplum ejus, quod in prima distillatione educum fuerat.

In his paulo longiores fuimus: sed nonnihil lucis plantarum analysi videntur inferre posse. Ex iis quoque id confirmatur, quod ante aliquot annos à D. Bourdelin circa olei in sua principia analysim tentatum suo loco exposuimus.

IV. Verum satis multa de analysi, nunc perpauca de quibusdam aliis *Plant. analys.* quæ usui esse possunt, subijciam. Illud imprimis, quod mense Februa-
rio à D. de la Hire fuit observatum in duabus malis aureis, quarum fo-
lia acerrimo hyemis frigore obriguerant, sed remittente frigore eadem fo-
lia demissa, & pene exsiccata se se erexere, pristino vitore restituto. Ra-
tionem hanc attulit: stirpium folia præ humore extrario & congelatioto vi-
deri quasi siderata, quod eorum fibræ distumpantur; cum autem eo in lo-
co bene clauso nullus esset pene humor extrarius, arbores ipsæ cum foliis
incolumes steterunt.

V. Mense Novembri D. Charas filiam suam Simiæ acriori motu
vulneratam petroselinum seu Apio hortensi contuso, & vulnere admoto sta-
tim curatam fuisse testatus est. Cum autem de vulnere curatione sermo
incidisset, D. Mery se multis experimentis edoctum esse ait, vulnera
pleraque sanari, cum quatuor aquæ partibus unâ aquæ ardentis è vino
elicitæ admiscetur, ac linteam, ut moris est, seu penicillum hac aqua
imbutum vulnere apponitur singulis diebus bis renovatum. Vulnus in cranio
cum distillatione humoris in oculos deflui, intra quattiduum ea methodo
curavit.

D. Homberg inter alia artis insectoriæ arcana illud proposuit de co-
lore illo florido & coccineo, quem carminum vocant inducendo. Re-
cipe; drachmas cochenillæ, semi-drachmam granorum illius plantæ, quam
Chan, vocant, 18 grana corticis illius radices vulgo *Autour* dictæ, totidem
aluminis rupei; quinque aquæ libræ in vase stanneo, aut fictili & plum-
bato ebulliant, in quam primum grana chorani injicies, quæ post tres
aut quatuor undas extrahuntur; per linteam aquam trajicitur: eadem aqua
in eodem vase iterum bulliat, in quam cochenillam injicies, quæ tantum-
dem temporis maneat movendo indefinenter, tum vas ab igne statim re-
move: per linteam aquam trajice in vas vitreum, ubi per octo dies liquor
permaneat, qua inclinato vase effusa, qui in fundo vasis subsidit limus,
ipsum est carmini pigmentum, quod in umbra paulatim exsiccatur char-
ta obducta, ne pulvere inficiatur. Pulvis ille rubeus spatula lignea,
aut eburnea collectus in loco sicco asservetur. Quæ subalba videtur co-
chenilla, ea est optima ubi grana sunt crassiora, grana chorani integra,
& subviridi colore tincta aliis præponuntur; quod *Autour* dicunt, candi-
dum sit, idque melius est, quo candidius. Cavendum illud imprimis ut
præscripto tempore bulliant pigmenta, eaque in subtilem pulverem prius
terantur, ac nitida sint lintea; unicuique percolationi suum detur linteam
purum & nitidum.



CAPUT III.

De Spiritu acido.

I. **Q**Uæ de stirpium analysi, de oleorum natura & origine dicta sunt, ad Chymicos labores videri possunt aliquo modo pertinere: nam latius patet hæc scientia, & in omnes pene partes Physicæ se diffundit. Utcumque ea res sit, quæ mox dicturi sumus, Chymia propriè dicta sibi vendicat, atque eo genete censetur, quæ D. Homberg circa spirituum mixtorum corporum acidosis fecit experimenta. De eorum natura & origine è scripto recitavit dissertationem, cujus hoc est velut summarium.

II. Primum illud statuit, spiritus acidus in fossilibus & plantis non aliud quiddam esse præter sales volatiles in liquoris aquei parte exsolutos: neque adeo hos spiritus in peculiarem velut classẽ ab aliis mixti corporis principiis distinctam reduci oportere, uti à plerisque Auctoribus factum est. Hanc sententiam ex eo confirmat, quod omnes hi spiritus unà cum liquore aquoso per distillationem exeant, atque ubi ab eo se se expediunt, salium concretorum, aut crystallorum forma se prodant, quæ prunis ardentibus imposita in fumum abeunt, nullis relictis fecibus.

2. Cum sales concreti permagni usus non habeantur, non multum operæ positum fuit in iis penitus exsiccandis: nam hic pene unus eorum est vius, ut magna phlegmatis parte, quæ unà cum iis salibus ascendit, secreta, corporibus terrenis & metallicis dissolvendis adhibeantur. Nec raro aqua communi diluendi sunt hi spiritus acidi, ut certa quædam exsolvant corpora. Sic aqua fortis cum purior est, & acrior quàm vulgaris esse solet, argentum nequit dissolvere: sed ex ea fit aqua regalis optima, quam ad certum usque gradum aqua communi diluere necesse est ut dissolvat & penetret argentum. Tum vero adhuc acrior est, quàm ut cuprum, ferrum, plumbum faciliè exsolvat, nisi duæ aut tres communis aquæ partes addantur, ut cuprum, aut ferrum, quinque aut sex partes, ut plumbum solvat: secus in calcem hæc metalla redigit.

3. Hoc itidem in aqua regali, quâ aurum solvitur, accidit: eam quippe diluere necesse est, ut stannum exsolvat: quatuor scilicet aut quinque partes aquæ addendæ sunt, alioqui calcem tantum dabit.

4. Quamobrem qui ab acidis spiritibus expectari solet effectus, dissolutio videlicet corporum, ex mixtura ejus quod propriè acidum est, & in salẽ concretum abire potest, cum certa & idonea phlegmatis portione, quod fluidos sales efficit, omnino proficiscitur. Atque hi sales longe diversos effectus, imo & quandoque iis ipsi, qui à salibus stirpium & animalium procedunt, omnino oppositos procreant: nam sales pene omnes animalium & vegetabilium volatiles, iidem sunt urinosi, si ostreorum & cancrorum sales volatiles exceperis, qui nec acidi sunt, nec urinosi.

5. Spiritus acidi nonnisi multo labore solent concrefcere, ac pristinam suam fluiditatem citò recuperant ex aquosi alicujus liquoris vicinia. Hinc nonnulli hujus ætatis scriptores id suspicati sunt, sales illos nihil esse præter certam aquæ modificationem, quæ longa digestionem, & multiplici, ut vocant, cohobatione, seu iterata distillatione cum terrestri, aut metallico corpore exsoluro, hanc contraxit aciditatem: adeo ut hi sales inspidi ut antea, fieri possint.

6. Quædam hanc in rem fecit experimenta D. Homberg, quibus hæc opinio confirmari utcumque posset: duas aquæ partes cum una salis communis miscuit, post cohobationes sexagies repetitas, aqua tandem facta est pene insipida, nec salsa, nec acida. Cum postea aquam variis imposuisset vasculis bene sigillatis, eamque per triennium in digestionem sæpe interrupta reliquisset, pars aquæ refrigeratæ in crystallos abiit, quæ natri fere saporem præ se ferebant. Aqua nimirum sæpius distillata perparum salis secum extulerat: ac digestio ipsa tantum mutationis attulit. Hinc justa est suspicio spiritus acidus longa digestionem magnas mutationes subire posse.

III. Alteram de salium natura dissertationem legit D. Charas, in qua id primum advertit, saltem esse velut mixti corporis animam per omnes ejus partes aquæ interjectu fusam.

2. Tria distinguit salium genera: sunt enim volatiles, iique urinosi, sunt acidi minus volatiles; sunt fixi denique. Animalia urinosi abundant salibus; in his acidi sales sunt minus uberes, iique in pinguedine sunt magna ex parte reconditi: sales fixi in his sunt perpauci. In plantis salum volatilem inesse ait eumque acidum, qui & spiritus vocatur, quod fluidus sit, & salium spiritus quodammodo referat: tamen non aliud quiddam est quàm sal liqore aquoso exsolutus, quique sali fixo & volatili faciliè sociatur. Sales acidi in quibusdam plantis, ut in acetosa non ægrè sejarantur. In aliis non ita faciliè deprehenduntur, iis tamen sal inest, & præsertim in lignosis, quæ ut solidiores sint, aqueis tamen partibus abundant. Sal volatile & sulphureus in parte oleosa, quæ ex utroque sale constat, potissimum delitescit.

3. Ea est interdum in plantis salium copia, ut acres sint, & corrosivæ; ut in alio, flammula, aconito cernimus. In fossilibus spiritus acidi à phlegmate expediti vim suam fortius exerunt, ut liquor vitrioli extremus, quem oleum appellant.

4. In fuligine per naturalem quandam distillationem partes ligni incensi præcipue unæ conjunguntur. Ea siquidem oleosis, salinis, acidi & urinosi partibus constat, idque magno est argumento in plantis sales volatiles vigere, quos forsitan figunt sales acidi in vulgari analysi. Et si enim sales acidi aëri expositi faciliè solvuntur in liquorem, hi tamen firmi sunt & solidi, ubi idoneam offundunt substantiam, cui pertinaciter adhærescunt. Id videre est in acido sale aceti, qui acutè cum plumbo, corallo, margaritis conjungitur, & saporem dulcem contrahit. In illius testificatione, seu leni illius distillatione repetita sal remanet in fundo cucurbitæ colore purpureo, dum solutæ materiæ partes pristinam formam recipiunt.

ANN. In cremore tartari sal est acidus cum volatili ita conjunctus, ut aqua frigida dissolvi nequeat, nisi cum sale tartari fixo ita misceatur, ut salis tartari pars una, cremoris sex aut septem partibus adjiciatur. Tum enim fit sal in aqua frigida solubilis: ex quo paratur sal ille vegetabilis, qui nostra hac ætate adeo celebratur.

5. Cum vegetabilium, aut animalium sales acidi debiliores sunt, quam ut proposito sui serviant, interdum cum salibus acidis fossilium conjunguntur. Sic parum sulphuris plantis incensis, ut sal ex iis elicatur, admistum obstat quominus sal plantæ volatilis dissipetur, quia & salem extractum tuetur ab aëris humiditate.

6. Nonnulla profert exempla salium acidorum, quæ è fossilibus extracti concresecunt, ubi in aliam incurrunt substantiam sibi aptatam: unum enim & idem corpus cum iis efficiunt. Id cernere est in Lunæ, seu argenti crystallis, in eo lapide quem infernalem ob vim ejus causticam appellant, quique cum nitri spiritu paratur; in sublimati corrosivi præparatione, ubi acidi spiritus à sale marino, & vitriolo secreti hydrargyro adhærescunt. Sic in oleo glaciali, seu in butyro antimonii, postquam sublimati vi regulus antimonii solutus leni ignis calore unâ cum sublimato sursum elatus est: tum enim ex utroque candidum quid & compactum efficitur. Sic in cinnabari factitia spiritus sulphuris acidus à pinguiori illius portione secretus unâ cum hydrargyro arctè conjungitur.

Neque hoc prætereundum, quod cum ista legerentur, D. Bouleduc obiter admonuit, morbis pectoris à Medico sibi noto stibii cinnabarim utiliter adhiberi: dosim esse 15 granorum: sed reliqua persequamur.

7. De variis salium generibus in ea dissertatione agitur, de atramento seu vitriolo, de alumine, de sale calcis vivæ. Calchantum seu vitriolum nihil esse existimat D. Charas, præter spiritum sulphuris acidum, qui cum ferri aut cupri particulis, quas exedit, arctè conjungitur. Quod si enim cupri, aut ferri limaturam in spiritu sulphuris dissolveris, humore superfluo exhalato, crystalli optimum dabunt vitriolum. Sic alumen non aliud quiddam videtur esse præter lapides, aut terrestria quædam corpora à spiritu sulphuris exesa. Quod si enim cretam sulphuri spiritu solveris, spiritum paulatim instillando, & quantum ea capere potest, misturam aquæ dilueris, ubi in frigidiori loco crystallos concresecere siveris, tum vetum alumen prodibit.

Salem verò calci inesse vix negari potest, cum effectus omnes procreet, qui à sale fixo oriuntur. Quod si spiritum acidum alicujus fossilis solutioni calcis recentis instilles, exhalato sensim humore, sal quidem in fundo subsidit è sale calcis & acido mineralis sale compositus, adeo ut sal acidus in fixum abeat ita quidem sentibat D. Charas.



CAPUT IV.

De quibusdam aliis experimentis Chymicis.

I. **N**onnulla circa sulphur antimonii fecit experimenta D. Homberg, eaque non aspernanda. Oleum per deliquium, ut vocant Chymici, è scoris reguli antimonii simplicis extractum, & phiala conclusum exhibuit. Id verò nihil esse existimat præter sulphur inflammabile antimonii, quod sales fixi tartari & nitri exsolverunt. Altera phiala tincturam antimonii è vitro antimonii extractam aceti communis ope inclusam habebat. Priori oleo tabula abietina est illita, sed nullo colore tincta; exsiccata tabula antimonii tinctura icidem est perfusa, tum vero nigro admodum colore infecta apparuit. Priori oleo alteri tabulæ inducto acetum superfudit, quod gravem odorem afflavit, & lignum flavo colore tinxit. Hujus discriminis hanc attulit rationem: sulphur ipsum antimonii communi sulphuri non dissimile præcipitatum ab aceto fuisse, & nativum colorem suum servasse cum gravi odore, qualis solet in præcipitationibus sulphuris nares ferire. Sed in priori experimento cum tinctura vitri antimonii fixum suum sulphur, quod non inflammatur, sulphuri inflammabili adjecerit, corpus inde prodiit à communi sulphure omnino diversum, omnis odoris expertus, & coloris admodum nigri. Idem aliud insigne experimentum de mercurio qui è stannoeductus fuit, protulit: processus ipse in tabularia est relatus.

II. Cum anno superiori Chymicus quidam peregrinus in arte suâ peritus, aurum quoddam potabile vendicaret, idque malignis febribus, quæ tum temporis grassabantur ut remedium utile prædicaret, qua illud paretur arte D. Homberg paucis exposuit. Pars una auri in 20, aut 30 partibus spiritus salis dissolvitur; solutioni tantundem olei cujusvis essentialis ut roris marini, aut alterius plantæ aromaticæ affunditur; succusso vase oleum flavo colore tinctum apparet; hoc per infundibulum, aut inclinato vase à spiritu salis separatur; huic oleo quod auro datur, triplum vini spiritus affunditur, qui oxalidis, aut acetosæ alterius plantæ spiritu animatur: ac fortè color ille rubeus non tam ab auro, quam à spiritu acido proficisci videtur.

III. Mense Decembri è scripto legit artem salis cujusdam parandi, qui ferrum penetrat citra fusionem ullam. Jam ante aliquot annos coram exhibuerat stibium sic præparatum, ut instar ceræ fusile esset, & friabile: id erat coloris atrii. Cum hujus materiæ particulam pisi magnitudine tenui argenti laminæ ad lenem ignem admotæ imposuisset, hoc stibii frustulum liquatum est, ac lamellam sic pervasit, ut aqua solet chartam bibulam, nullo inducto foramine: utrumque tantummodo maculam nigram argento impressam reliquit. Quin etiam id totam argenti substantiam, qua penetraverat, colore atro infecit: nec minus ductile in ea parte fuit argentum quàm in aliis locis, quæ colorem nigrum non induerant. Jam ut ad propositum veniamus,

Bbb

Inter varia tentamina, quibus in veram Boracis compositionem inquirebat, materiam offendit quæ in ferro idem pene præstat, quod prædicta sibi præparatio in argento effecerat. Hujus autem materię præparatio cum sit paulo prolixior, hanc omisimus in priori editione, non indigna tamen est quæ publici juris fiat.

Calci vivæ pugni magnitudine distillati aceti quatuor libras affunde; per duos diei continuos simul in digestionem maneat, identidem movendo; postquam id totum refederit, liquorem clarum per inclinationem in vas aliud effunde.

Tum partem unam sulphuris sume, duas nitri, tres salis communis, & decrepiti, ut loquuntur; terantur hæc, & accurate misceantur, crucibulo, seu catillo cum præ ignis caloris catillus erubuerit, paulatim per cochleare misturam impone, ubi materia citra detonationem conceperit flammam, & intumuerit, virga ferrea movenda erit, ac tandiu ignis est continuandus, dum hoc totum quod catillo continetur, liquatum fuerit. Postquam sulphuris flamma defierit, sulam materiem in pelvim cupream effundes, ubi statim indurescet.

His peractis, quæ brevi temporis spatio perficiuntur, sume illius aceti, de cujus præparatione diximus, sex partes, & misturæ prædictæ partem unam; parumper simul incallescant, ut facilior sit dissolutio, quæ non filteretur; tum fiat evaporatio; deinde post refrigerationem tantundem aceti iterum affunde, iterum evaporatio fiat usque ad pelliculam; liquor in cella vinaria reponatur, ut crystalli concrevant, quæ igni vehementiori fusæ ferrum penetrant non pertusum, ferme ut plumbum cupellam.

Quæ quidem operatio Chymica curiosa magis, quam utilis videri posset, nisi aliquid luminis Philosophiæ naturali afferret. Quæ enim hanc missionem ingrediuntur partes sunt calx viva, acetum stillatitium, salpetræ, sal communis, & sulphur commune, quæ seorsum spectatæ nihil ejusmodi possunt efficere; sulphur quidem accensum penetrat ferrum, sed illud fundit ac penitus destruit: cum hæc mistura nec fundat, nec destruat ferrum, sed id æque ductile manet, atque erat antea.

Et quidem illud fieri potest ut pars sulphuris pinguis & inflammabilis una cum parte sui acida, quæ ferri est menstruum, ut vocant, seu dissolvens idoneum, penetret ferrum & eundem in ferro præstet effectum, quem ignis flamma efficit in ejus superficie, dum vitream crustam efficit, vulgo, *macbefer*: sed in hac compositione, quod erat inflammabile & pingue, majori ex parte secretum fuit à sulphure. Quod vero acidum erat, & dissolvens ferri cum partibus nitri, salis communis, & calcis alcalizatis permistum, ferrum ipsum tam cito non potuit destruere, aut eosdem effectus, quos solet sulphur præstare. Et tamen non abhorret à vero, id quod superfuit pinguedinis in sulphure, ferrum penetrasse, & aditum salibus munisse, qui cum de aciditate sua multum amiserint, in ipso transitu tam repentino ferrum destruere non potuerunt. Partes autem ferri violento igni admotæ & valde distantæ misturæ hujus ingressum admovere: sed refrigerati ferri partes statim coarctatæ materiam illam in ferri superficiem extruserunt, neque in substantia

interiore hæſere; hinc ferrum non minus malleo ſubigitur, quam antea, nec rubigine citius exeditur.

Chymica.

I V. Idem æris vulgaris conſciendi artem citra zinkum, aut calaminarem lapidem edocuit. Solet enim conſtari aurichalcum ex 4 aut 5 partibus cupri rubri, & ex una parte zinki, vel ex fuſione cupri & lapidis calaminaris, qui eſt velut zinki vena. In quibuſdam regionibus calaminari admixetur cobaltum, ſeu arſenici vena, quod facile cupro ſocietur: ſed opera ex ea miſtione facta inaurari nequeunt, quod arſenicum ſit admodum volatile, & levi calore ab aurichalco ſtatim diſcedat: cum autem metalli inauratio citra calorem fieri non poſſit, incaleſcente aurichalco arſenicum ſpecie fumi albi erumpens inter ipſum aurichalcum, & aurum ſe inſinuat, idque obſtat quominus unum alteri proxime adhzreſcat. Quod autem ſit aurichalcum Aquis-grani; immune eſt ab arſenico: verum hydrargyrum non facile huic adhzret. Unde artiſces coguntur amalgama ſuum aque forti immergere, antequam operi illud adhibeant: zinko citius diſſoluto mercurius cupro quidem una cum auro inhzret. Quo quidem modo opera paulo rudiora inaurantur, ſed in tenuibus & exquisitis operibus, cujuſmodi ſunt horologia portatilia, id evenit ut aqua fortis exedat, & dentes rotarum inæquales efficiat.

Quare D. Homberg non ita pridem cuprum rubeum ſic parandum docuit, ut eo tutius uti liceat in iis operibus delicatulis inaurandis. Cupri rubri partem una cum tribus mercurii ex arte miſcet; hoc Amalgama per duas horas cum aqua fluviatili ebullire ſinit; per diſtillationem educit mercurium, qui ſemel cohobatur: cuprum quod in retorta ſupereſt, fundit, idque aureum & pulchrum exhibet colorem, quod magis eſt ductile, quàm aurichalcum vulgare.

V. Cuprum quidem cum zinko conſuſum colorem ſuum exuit: nam zinkum pallidius eſt, & nativum cupri colorem diluit: ſed mirari ſubit mercurium adeo volatilem cupro colorem magis dilutum largiri, & native ſuæ albedinis veſtigium illi imprimere. Quod vix concipi poteſt, niſi amalgama cum cupro miſtum quaſdam ſui partes in cupro implicitas relinquat. Nam parte ſui octava minuitur mercurius poſt iteratam diſtillationem, quòd quaſdam mercurii corpuſcula cum cupro ſint conſerta & colligata. Unde poſt multiplicem fuſionem cuprum priſtinæ rubedini reſtituitur, poſtquam mercurius omnis exhalavit: tamenſi cuprum ſic inauratum non augetur pondere, ſed potius minuitur, quod ipſa fuſione & combuſtione quaſdam ejus partes diſcedant.

D. Morin cuprum inargentatum exhibuit, idque non minus ſpecie ipſa pulchrum, quàm ſi argentum foret. Aliud quoque protulit metallum pulcherrimum partim e cupro, partim ex argento conſtatum.



CAPUT V.

De rebus ad Historiam Animalium pertinentibus.

I. **D**ie 12 Februarii D. Varignon conjecturas suas de usu aëris in digestionem alimentorum proposuit. Hæc porro ejus animum subiit cogitatio, an forte qui alimentis continetur aër, caloris naturalis vi sic dilaretur, ut qui majoribus inest poris, cujusmodi sunt sensibiles in pane meatus, facilius habeat exitum, ac meatus illos citra parietum disruptionem distendat: sed qui intra minimas panis, aut cibi cussusque moleculas est interclusus, distendi non potest, quin vim suam exerat in partes cellularum, aut vesicularum, quæ in farina v. gr. molæ attritum eludunt. Has itaque cellulas dirumpit aër nisu suo, & in minores particulas frangit: quæ tandem ita comminuuntur, ut tenuem velut pulvem cum liquore ipso, quo diluuntur, efficiant: cujus pars fluida chyli nomen obtinet.

Contra opposuit D. Homberg, quod si aër rarefcens sic alimenta, quibus inest, dissolvit, cur ignis aëra intra carnum poros conclusum vehementius exagitans, carnes in chyli formam non redigit. Cui D. Varignon respondit coctionem carnum, seu elixationem, seu assationem fiat, in partium sensibilibus separationem esse positam: nam carnes excoquantur, cum ignis particulæ subeunt carnis cellulas, eæque ab aëre dilatato subito rarefcente dirumpuntur soluta fibrarum textura. Cum item ignis corpuscula, quæ è ligno accenso prodeunt, multo sint crassiora, quam spiritus animales, qui nativum efficiunt calorem, ea quidem non satis sunt subtilia, quæ angustiores corporum meatus subeant, & in tenues adeo partes redigant, ut cum aqua, cui carnes incoquantur, genus quoddam pultis chylo non absimilis efficiant. Ac nescio an illud addi possit, carnes in vase ritè ocluso, cujusmodi est machina ossibus emolliendis à D. Papin excogitata, in consimilem chylo pulvem, imo & ossa in gelatinam brevi temporis spatio facefcere: seu aëris, seu ignis particulæ fortius exagitatz ossium moleculas dirumpant, atque ex iis gelatinam chylo non absimilem expriment. Verum ista velut in transitu, nunc ad certiora veniamus, nempe ad ea, quæ magis sunt facti, ut ita loquar, quàm juris.

II. Inter ea quæ præter naturæ ordinem eveniunt, illa imprimis explicatu sunt ardua, quæ extra locum generationis fotmantur.

Die Martii 16 D. Mery coram exhibuit os maxillæ superioris dentibus aliquot munitum, iisque duris, & perfectis, adeo ut verisimilimum sit eos ante decem annos formatos fuisse extra uterum. Cum filia ejusdem mulieris, quæ vix duos nata erat annos, obiisset, corpore ejus dissecto quasi ova, aut 6 linearum in eadem corporis parte reperta sunt, quæ hydatidas esse existimabat in abscessus sine pure tamen conversas.

III. De structura linguæ pici, vulgo, *un Piver*, actum fuit, cujus artificium mechanicum non eodem modo exposuerunt D. Perrault, & Al-

phonus Borellus, ille in mechanica animalium, hic in opere suo de motu animalium. Id vero D. Mery recepit fore ut structuram musculorum, qui producant, & retrahunt pici linguam, actori animo expenderet, ubi primum hujus avis copia facta fuisset: quod postea ab eo effectum est.

Die 16 Novembris D. Mery observationes suas circa varios linguæ pici motus legit è scripto, naturæ artificium, structuram organorum, è quibus hi motus pendent, intento animo contemplatus id primum advertit hujus avis linguam non amplius quam tres aut quatuor lineas in longum patere. Nam truncus & rami ossis hyoïdis ad linguam non pertinent, neque eorum longitudo huic tribuenda est, ut viris pereruditis Alphonso Borello, & D. Perrault visum fuit, qui in hoc argumento versati sunt.

Lingua C, pici ex ossiculo admodum brevi, & corniculo squamoso constat; ea est figuræ pyramidalis, basis ejus cum extremo ossis hyoïdis D. per articulationem committitur.


I V. Os illud hyoïdis stylum parvum referens, duos pollices longum est, nec amplius, quam lineæ semisse crassum; parte sui extremâ & posteriore cum duobus ramulis ossis E, F, minis crassis, quam sit ossis ipsius corpus necitur. Singuli rami duobus quasi filis ossis inæqualis longitudinis constant, hæc unâ junguntur.

Anterius quidem filum uniuscujusque rami sesquipollice tantummodo longum est; posterius, & Alphonso Borello omnino incognitum ad quinque aut sex digitos protenditur, cum tenui cartilagine id junctum est, in quam definit: adeo ut hic ramulus osse hyoïde, & lingua simul junctis triplo sit longior. Hi ramuli qui ad os hyoïdes pertinent, instar arcus sic inflectuntur, ut pars media colli latera occupet, & extrema eorum anteriora sub rostrum inferiori delata in os hyoïdes desinant; extrema autem posteriora quæ summam capitis partem decurrunt, nares à parte dextra subeant, citra tamen ullam cum iis articulationem, quod utique linguæ productionem non parum adjuvat, uti mox dicetur.

V. Os hyoïdes, & anterius ramulorum filamentum vaginula quadam conduntur: quæ vagina ex illa formatur membrana, quæ rostri inferioris partem internam vestit; extremum hujus vaginæ cum orificio corniculi squamosi linguæ conjungitur, eaque producitur, cum lingua extra rostrum profertur, ut contrahitur linguâ intra rostrum redeunte: squamosum illud corniculum, quod ossiculum linguæ tegit, superne convexum est, inferne complanatum & intus cavum: utrimque armatur sextuplici cuspidè admodum tenui, inflexili, & diaphana: extrema cuspidum paululum inflectuntur versus guttur. Idque non abhorret à verisimili corniculum his spiculis munitum ipsum esse organum quo picus prædam suam ad se rapit, hoc quidem facilius, quod illud organum viscosâ quadam materia imbuatur, quæ in extremum rostri inferioris se exonerat per duos tubulos excretorios, qui è duplici prodeunt glandula pyramidalis in utroque latere interiori hujus partis posita.

Quo picus hoc uteretur organo, multis à natura est instructus musculus, quorum nonnulli ad ramulos ossis hyoïdis spectant; iique linguam foras exerunt, alii ad vaginam, quæ os hyoïdes cum filamentis ramulorum inte-

AN N. riorum includit, iique linguam intra rostrum retrahunt B, B: sunt denique sui musculi linguæ proprii, qui eam sursum, deorsum, & utrimque flectunt ad latera.



V I. Unicuique ramulo ossis hyoïdis unus tribuitur musculus, A, A; A, A, qui sua longitudine linguam, os hyoïdes cum suis ramis æquat. Hi duo musculi originem suam ducunt à parte anteriori laterali, & interiore rostri inferioris, iique versus posteriores partes progressi filamenta ossis hyoïdis posteriora involvunt, & summum caput decurrentes ad extrema filamentorum perveniunt, iisque inseruntur. Hinc duo prodeunt ligamenta elaterio prædita I, I, quæ simul juncta tertium L, procreant, quo membranæ narium nectuntur. Hæc ligamenta admodum sunt brevía, sed facile producuntur. Origo musculorum A, A, infra naturalem situm designatur, ut oculis subjiçiatur.

V II. Cum igitur musculorum contractio nullo negotio vincat ligamentorum resistentiam, id intellectu facile est, quomodo ii contracti secum trahant extra nares ramulorum ossis hyoïdis extremas & posteriores partes, easque ad locum suæ originis adducant; ac simul corpus ipsum ossis, fila ramulorum, ac linguam ipsam extra rostrum protrudant. Quod eadem facilitate præstare non possent, quantumvis sint flexibilia filamenta, si musculi ramulo affixi forent, & articulatim connexi cum narium ossibus. Etsi enim quos describunt arcus, ii distendi in rectum queant, hi ramuli quantum satis esset linguæ foras ad quatuor usque pollices extra rostrum proferendæ nullatenus produci potuissent. Quod eo facilius præstant, quod libere

moveantur in his musculis quibus includuntur, tanquam in tubis, nec articulatione cum ossibus narium sint conjuncti.

*Hist.
Anim.*

VIII. Linguae autem intra rostrum reducendæ duo sunt à naturâ concessi musculi vaginæ, quæ os hyoïdes & anteriora ramulorum filamenta conducunt B, B. Cum enim eorum productionem & contractionem antagonistarum productioni, & contractioni æquales esse oporteat, ac lingua idem iter conficiat, dum regreditur, quod percurrerat foras eundo, quò illi commode in tam arcto spatio, quæ inter laryngis partem infimam, & extremum rostri interjacet, collocentur, id fuit à natura provisum, ut uterque musculus circa asperæ arteriæ partem supremam, unde ortum sum caput, circumvolvatur, una item, & altera revolutione, aut circuitu facto in partes contrarias. Tum illi in postica laryngis parte decussatim anteriorem vaginam vestiunt, cui connectuntur. Cum autem vaginæ ipsi extremum corniculi squamosi linguae junctum sit, hinc evenit ut his musculis contractis, vagina in se ipsam tedeat, & linguam in rostrum reducat, ac demum posteriores ramulorum ossis hyoïdis extremitates repellant in nares, cui usui quoque sunt tria ligamenta elastica, quorum fecimus mentionem. Postquam enim producta sunt ab iis musculis, qui linguam foras propellunt, relaxatis his musculis statim illa contrahuntur, & in nares revolvunt ramulos ossis hyoïdis, quibus sunt illigata.

In summâ cranii parte quædam est velut stria, quæ una cum pelle canaliculum efficit, in quo posterior pars ramulorum ossis hyoïdis cum suis musculis concluditur: in quo quidem canali liberè moventur partes illæ. Hic vero canalis obstat quominus rami ossis hyoïdis dextrorsum, aut sinistrorsum à seipsis deflectant, cum antorsum propelluntur, & situm suum facile recuperent, ubi retrorsum reducentur.

IX. His intento animo consideratis, quæ nimirum sit linguae ipsius, ossis hyoïdis, & ramulorum, cum unâ sumuntur, longitudo, quæ sit origo, & insertio musculorum determinata, quorum ope lingua exeritur, & intus se recipit, judicatu facile est Alphonsum Borellum nonnullo errore lapsum esse, cum iis musculis quatuor tantum pollices in longum tribuit. Nam lingua extra rostrum ad quatuor pollices erumpens eandem remittitur viam ubi regreditur; unde muscoli, qui eam producant, & reducant, quatuor itidem pollices produci & contrahi debent, uque adeo longiores 4. digitis eos esse necesse est: non enim tota & integra sui longitudine contrahuntur.

Quamobrem ex quatuor primis musculis, quos Borellus linguae tribuit, ut motus suos perficiat, cum duo ab extremo rostri inferioris, cæteri (ut ipsi visum est) ab anteriore parte cranii oriuntur, & quatuor illi ossis hyoïdis medio inserantur, quod 8 digitos longum est, id planum sit esse. Cum illum ab iis musculis proficisci nullatenus posse, si ut Borello videtur, singuli ultra quatuor pollices in longum non patant.

X. Neque hanc induisset opinionem Borellus, si advertisset duos illos musculos à rostro oriundos totum os hyoïdes & ejus ramos percurrere. In hoc deceptus videtur, quod unumquemque ex his musculis in duos divisisset, ac sola agnoverit filamenta anteriora ramulorum ossis hyoïdis, in

A N N. 1695. quorum extremis quatuor primorum musculorum, quos descripsit, insertiones collocat: sed rami eorum, qui circa asperam arteriam revolvuntur, genuinum usum agnovit. Horum quidem non meminit D. Perrault, quorum actione lingua in rostrum retrahitur. Deinde quatuor Borelli primos linguæ musculos è larynge deducit, quorum duos mittit ad extrema & posteriora ramulorum ossis hyoïdis, duos reliquos ad anteriores illorum extremitates, ut linguam exerant, & reducant; quo quidem modo in Borelli incommodum incurrit, eo quidem magis, quod nullus musculus è larynge prodeat, qui in ramulos ossis hyoïdis desinat. Nullam quoque musculorum, quibus lingua huc illuc movetur, mentionem faciunt, sed eorum tantummodo, qui linguam foras exerunt, & intrus retrahunt.

Hi vero linguæ proprii musculi suam ducunt originem à parte anteriore musculorum ossis hyoïdis: è singulis duo prodeunt, qui omnes in longum & tenuem desinunt tendinem: quatuor illi tendines corpus ossis hyoïdis amplexi ad basim ossiculi linguæ inseruntur. Quando omnes hi musculi conjunctim agunt, linguam in recto situ positam sistent.

Cum superiores musculi contrahuntur, simul linguam sursum movent, ut inferiores deorsum: sed ubi duo musculi ex eodem latere siti vires suas quasi ex consensu exerunt, alternatim illam in partem dextram, aut sinistram trahunt. Cum autem ex omnibus musculis, qui diversos linguæ motus efficiunt, quatuor duntaxat postremi suas habeant insertiones, palam est musculos, qui eam producant, aut reducant, ad eam, si propriè loqui volumus, non pertinere, sed ad vaginam, & ramulos ossis hyoïdis, ubi hi musculi inferuntur: adeo ut motus linguæ intra vel extra rostrum sint harum partium proprii, non linguæ, cum in utroque motu lingua perflare possit immobilis.

Quo hæc facilius intelligi possint, eam figuram subjecit D. Mery **A A A A** musculus est, qui linguam extra rostrum profert.

B B musculus qui linguam intra rostrum retrahit.

C, Lingua, & dentes non bene delineati: nam introrsum flecti debent.

D, Os hyoïdes.

E, Osseum filamentum, seu ramulus anterior ossis hyoïdis,

F, Osseum filamentum, seu ramulus posterior ossis hyoïdis, quem duæ linguæ albæ designant.

G, Unus è quatuor musculis linguæ propriis, quem nigra linea in linguam desinens signat.

XI. De variis quoque morborum remediis, cum identidem, ut fir, sermo incurreret, D. Homburg hypocondriaco morbo hominem sanatum à se dixit, calcis vivæ beneficio in aëre extinctæ: duæ illius partes cum una salis ammoniaci permiscetur, dosis 10 granorum; calx per deliquium soluta inter aperientia medicamina non postremum tenet locum.

D. Bouleduc hemorrhoidas sanari dixit hyosciami, & linariæ ope, cum anguillæ pinguedine ad ignem assatæ, cujus remedii in seipso periculum fecit.

D. Tournesfort anginam ait curari per gargarismos cum muria olivarum quam pinsolinam vocant in Provincia.

Affecto

Affecto hoc anno D. Dodart Epistolam ad se scriptam Vesuntione à *Hist.*
 Viro Clarissimo, in hac Provinciæ præside legit, de puero quodam 10 *Anim.*
 annis nato non procul à Monte-Jura, vulgò *S. Claude*, qui sexto ætatis
 mense solus incedebat: vix annum integrum affectus quocumque veller
 progrediebatur, nec fascias, quibus infantes involvuntur ferre poterat; anno
 septimo virili erat habitu, & barbatulus.

CAPUT VI.

De Rebus Anatomicis.

I. **D**E usu ovalis foraminis in fœtu inter D. Mery, & D. Varignon
 quæstio initio hujus anni est agitata. Negabat ille in ovali for-
 mine ullam valvulam, aut eam quæ eo nomine censetur, ita esse collo-
 catam, ut foramen ipsum possit occludere: cum aqua syphunculo in aor-
 tam, aut pulmonis venam injecta per illud foramen in auriculam cordis
 dextram, atque inde in venam cavam libere transmittatur: quod semel &
 iterum in duplici fœtu palam ostendit. Experimentum illud opposuit D.
 Varignon: cum extremo styli apice hanc valvulam, quæ post mortem
 complicari solet, tam exactè foramini admovisset, ut D. du Verney tu-
 bulo venam pulmonarem perscraret, & D. Varignon filum ceratum & ac-
 censum ex parte altera versùs dextram cordis auriculam manu teneret, nihil
 mota est flamma, & valvulam accuratè foramini applicitam ambo vide-
 runt: sed è venæ cavæ partibus persflatus aër ultero per valvulam dehiscentem
 subiiit.

II. Negabat D. Mery membranam illam omni ex parte foramen ob-
 duxisse, quod prædicto confirmavit experimento. Nam aqua syphone injec-
 ta in aortam, & per venam pulmonum immissa in dextram cordis auriculam
 trajicitur.

Hoc argumentum circa usum ovalis foraminis & Boralli ut vocant, cana-
 lis in fœtu & in testudine paulo uberius est persecutus D. Mery in peculiari
 dissertatione. Ac primum quidem non assentitur communi illi & receptæ
 Anatomicorum recentiorum sententiæ, quæ valvulam in trunco venæ pul-
 monum sic aptatam putant, ut majori sanguinis parti liberum præbeat adi-
 tum à vena cava ad pulmonum venam, ejusque reditum in cavam prohibeat,
 cum ea valvula foramen ovale obducatur, eique impulsu sanguinis è vena pul-
 monum prodeuntis adhærescat.

III. Rem non ita se habere multis rationibus contendit. Ac primum qui-
 dem apud omnes in confesso est arteriarum tubos cum sanguinis per eos
 decurrentis mole certam habere rationem, adeo ut per ampliorem canalem
 major sanguinis copia deferatur. In homine sanguis omnis à vena cava in
 dextrum cordis sinum effunditur, qui per arteriam pulmonum, tum per
 venas pulmonum in sinum sinistram cordis commeat, ac demum per aor-
 tam in totum corpus dimanat: unde utriusque arteriæ diametri in basi cor-

AN. dis æquantur ; dummodo vas utrumque liquore aut aëre impletum naturali
 1695. sua quantitate donetur. Sed eadem arteriæ in fœtu sunt plane inæquales, ac
 longè major est arteriæ pulmonum, quam aortæ diameter : & tamen con-
 trarium planè ex communi recentiorum opinione deducitur. Quod si enim
 pars magna sanguinis venæ cavæ per ovale foramen in truncum venæ pul-
 monum deferretur, neque in dextrum cordis sinum refluit, sed una cum san-
 guine qui venis pulmonum continetur, in sinistrum cordis sinum effundi-
 tur, & per aortam in totum corpus pellitur, id plane consequens est,
 sanguinem, qui eadem velocitate per arteriam pulmonum & aortam fluit,
 longè ampliorem aortæ tubum exigere, quam arteriæ pulmonariæ, &
 eo majorem esse oportere aortam, quo major est sanguinis quantitas per fo-
 ramen ovale transeuntis nec dextrum cordis sinum subeuntis. Nam ex ea
 portione sanguinis quæ è dextro cordis ventriculo manat, detrahenda
 tantummodo erit pars ejus fere tertia, quæ per canalem communicationis
 ab arteria pulmonum in aortæ truncum inferiorem commeat, neque pulmones
 aut sinistrum cordis sinum pertransit. Id tamen ipsa refellit autopsia : nam
 pulmonaris arteriæ truncus in fœtu multo major est ac fere duplus aortæ
 trunci, quod sanguis omnis venæ cavæ in dextrum cordis sinum effusus
 per arteriam pulmonum transmittatur, atque ea sanguinis portione suble-
 vetur aorta, quæ per interjectum canalem in truncum inferiorem ejusdem aortæ
 trajicitur ; necnon ea parte sanguinis in venis pulmonum contenti, qui ab
 auricula cordis sinistra per ovale foramen in ventricululum dextrum cordis re-
 meat, neque in sinistrum cordis ventricululum delabatur.

IV. Quod quidem ex vasorum structura sic demonstrat : pulmonum ar-
 teria in fœtu tres in ramos pene æquales dividitur : primus qui & cana-
 lis communicationis dictus est, in aortam descendentem desinit, reliqui duo
 in pulmones contendunt. Quamobrem sanguinis massa, quæ è ventriculo
 cordis dextro egreditur, & arteriam pulmonum subit, in tres partes di-
 stribuitur, quarum una per canalem prædictum effluit in aortam descen-
 dentem, reliquæ duæ per pulmones trajectæ in sinistram cordis auricu-
 lam, & in aortam contendunt ; sed aortæ truncus, cum adhuc sit multo
 minor, quàm duo rami simul juncti arteriæ pulmonaris, palam est totum
 sanguinem, qui pulmones pertransit, aorta excipi non posse. Quod igi-
 tur superest ex auricula sinistra cordis per foramen ovale in ventricululum
 cordis dextrum remeet necesse est, nec subit sinistrum ventricululum, ne-
 que adeo sanguis venæ cavæ per foramen ovale venam pulmonum subit,
 uti vulgò creditum est : sed pars sanguinis è venis pulmonum hoc foramen
 penetrat, ut in dextrum cordis sinum contendat. Quemadmodum de testu-
 dine dictum fuit, in qua sanguis per venas pulmonum in sinistrum cordis
 sinum redux non aliam inire viam potest, ut ad dextrum ventricululum ap-
 pellat.

V. Ex quibus illud colligit vir peritissimus ad foramen ovale fœtus
 nullam apponi valvulam, in quam sanguis per truncum venæ pulmonum
 continenter fluens directè incurreret, eamque potius occluderet quàm ape-
 riret : nam recto itinere & quasi ad perpendicularum in valvulam impin-
 gens majore nisu foramini ovali eam applicaret, quàm sanguis à vena ca-

va ex obliquo valvulam perstringens contra eam partem obniti posset; ne- *Anna-*
que adeo per ovale foramen sanguis è vena cava in truncum venæ pulmo- *tom.*
num trajicitur.

V I. Idque ex structura foraminis ovalis confirmatur, nullam eo loco esse valvulam: cum illud inter duos semi circulos sit positum & ab iis formatum, quorum unus interiori lateri auriculæ dextræ, & sinistræ auriculæ applicato incisus est, alter verò est parva limbi portio ejus quæ vulgo dicitur valvula, quodque reliquum est ejus valvulæ ambitus, partem sinistræ auriculæ efficit: ex quo illud manifestum est ab ea valvula foramen ovale occludi non posse, cum à suo loco dimoveri nequeat, nec foramini occludendo applicari.

V II. Hoc etiam ipsa confirmat experientia: nam aqua per aortam aut per venas pulmonis injecta ultro ab auricula sinistra per foramen ovale in dextrum cordis ventriculum delabitur. Postremò si aëre per aortam inducto cor ipsum quantum fieri potest, distendatur, atque in eo statu paulatim exsiccare sinas, tum eo dissecto foramen ovale patens apparebit, & ea quæ vulgo habetur valvula, ejusdem prorsus magnitudinis ac nullo modo imminuta.

V III. His explicatis quis sit usus cum ovalis foraminis, tum canalis, quo ambæ arteriæ, pulmonum nempe & aorta inter se communicant, manifestum fiet. Cum enim cor fœtus vi propria motum circularem sanguinis efficere non possit ob rationes superius allatas, quandiu in utero continetur, matris respiratione eget, quò perennis ille motus continetur. Et tamen tantum in fœtu sanguinis est, quantum in adulto homine habità corporis ratione. Quapropter si mater fœtui per venam umbilicalem multo minus aëris suppediet, quàm respiratio cordi humano præbere solet, palam est tantulum aëris quem mater fœtui impertit, non sufficere circulationi sanguinis efficiendæ, nisi natura majori sanguinis parti viam compendiosiorẽ præbeat eà ipsà quam in homine insinit.

Eam ob causam foramen ovale & canalem prædictum aptavit naturæ opifex: si quidem ex universa sanguinis massà, quæ è dextro cordis sinu egreditur, pars una è pulmonum arteria per canalem interjectum in aortam inferiorem delabitur, neque ea per pulmones aut sinistram cordis ventriculum circulator. Ex duabus aliis quæ pulmones pertransiunt, atque in auriculam cordis sinistram effluunt; pars una per foramen ovale in dextrum ventriculum redit, nec per sinistram cordis sinum, aut per alias corporis partes circuitum suum agit: pars altera in sinistram ventriculum delapsa iter suum per aortam conficit.

I X. Quamobrem illud palam est hunc esse ovalis foraminis & canalis usum, ut pars major sanguinis in fœtu multo breviorẽ insinuat viam, quam in homine, atque ut sanguinis in fœtu non minor sit copia, servatà corporis proportione, quàm in ipso homine adulto, circulationi tamen in fœtu efficiendæ multò minus aëris requiritur, quàm in homine.

Hinc etiam ratio afferri potest, cur in machina pneumatica exhausto pene aëre per repetitos antliæ ictus, quod tamen superest aëris circulationem sanguinis diutius conservat in se, cujus foramen ovale & cana-

ANN. 1695. lis adhuc patent, quàm in eo, cujus meatus illi occlusi sunt: cum ille extra machinam tam cito moriatur, quàm felis qui obductos habet prædictos aditus, si utrique intercludatur spiritus: neque adeo mirum est, si fœtus humanus citius extinguatur in utero, ubi præ funiculi umbilicalis pressione privatur aëre, quem mater ei suppeditat, quàm felis recens natus in machina pneumatica.

X. Verùm illud intellectu difficilius videtur, cur ovale foramen & canalis in testudine, & in fœtu ad eundem usum comparata, nempe ut sanguinis iter brevius fiat, cor tamen fœtus non possit sanguinis circulationem tamdiu continuare, ac cor ipsius testudinis intercepta respiratione.

Sed hoc est discriminis inter testudinem & fœtum, quod in testudine sanguinis pars major è dextro cordis ventriculo in aortam, & in eum canalem, cujus sæpe mentionem fecimus, dilabatur, ac per venam cavam in eundem sinum redeat, ubi suum circuitum absolvit, nec pulmones aut sinistrum cordis sinum subit; pars altera quæ pulmones pervadit à sinistro cordis sinu per foramen ovale in dextrum ventriculum com meat; neque per alias corporis partes deferunt. Unde universa sanguinis massa uno circuitu per cor ipsum semel tantummodo transit. In fœtu vero, uti diximus, sanguis universus ab utroque venæ cavæ trunco in dextrum ventriculum effusus in tres partes diducitur in trunco arteriæ pulmonaris; prima per canalem in ramum inferiorem aortæ ingressus in venam cavam redit, neque per pulmones trajicitur, duæ alteræ pulmones pertranseunt, & in auriculam cordis sinistram decidunt, ubi in duas partes dividuntur, una ex iis per foramen ovale in dextrum cordis ventriculum remeat, nec ad sinistrum cordis sinum, aut ad reliquas corporis partes appellit: quæ quidem pars secunda sanguinis, ut prima, tantum unoquoque circuitu cor ipsum fœtus adit, uti universa sanguinis massa in testudine: sed pars sanguinis tertia quæ per aortam excurrit, tantum itineris in fœtu conficit, quantum universus sanguis in homine, qui in unaquaque circulatione ad cor bis revolvitur: primum cum vena cava sanguinem in dextrum ventriculum exonerat, deinde cum venæ pulmonum eam sanguinis portionem in sinum cordis sinistrum deferunt. Hinc cor fœtus debilius est quàm ut circularem sanguinis motum tamdiu citra respirationem continuet, quamdiu testudo ipsa: etsi foramen ovale & canalis in utrisque iter sanguinis brevius & facilius efficiant, quàm in adulto homine. Præterea eadem moles sanguinis in fœtu à corde pellitur, quæ in nato homine, corporis proportionem servata eandem celeritatem huic impertiri debet, vires inter duos cordis ventriculos divise sunt, ut in hominis corde; neque adeo fœtus eodem temporis spatio potest respiratione privari, ac testudo ipsa, cujus cor minus sanguinis protrudit, & minori celeritate, cujus demum vires in unum magis collectæ sunt quàm in fœtu.

Hæc sane si minùs vera, qua de re meam sententiam non interpono, certè vero proxima videntur.

Quemadmodum & idipsum quod in calce suæ dissertationis subjicit, nimirum ob easdem rationes in fœtus jecinore canalem communicationis inter venæ cavæ truncum inferiorem, & truncum venæ portæ à naturæ opi-

fice aptatum fuisse, quò sanguis faciliori & breviori via trajiciatur, qui alio- *Ana-*
qui non satis virium haberet, ut ex vena umbilicali per ramos venæ por- *tom,*
tæ hepatis glandulas, & dispersos in eo viscere ramulos ad cor perveni-
ret.

Interjectis aliquot diebus aliud à se factum experimentum subjecit D. Mery, ligata nimirum venâ cavâ, & aorta asperam arteriam perflavit, tum-
que aër subiit auriculas cordis. Verum de structura, & usu ovalis foraminis
magna inter viros Anatomiz peritos postea orta est disceptatio, suam quisque
scriptis publicis magno studio defendit sententiam. Res est speculatione digna,
de qua forte alio loco dicemus.

Paucis ante diebus linguæ vitulinæ pellem D. Mery subjecit oculis: ex
interiori epidermatidis superficie velut complures aculei assurgunt, qui mem-
branæ reticularis subeunt foraminula, eo prorsus modo, quo cuspides è su-
perficie interiori pellis prodeuntes, eandem membranam penetrant interio-
rem. Genarum pellem ab ipsius linguæ pelle omnino diversam ostendit.
Ea quippe ex pelliculâ, & vera pelle videtur composita, cutis ipsa velut
cornicula pyramidalis figuræ profert, quæ intra pelliculas seu epidermatidis
conos excipiuntur: è membrana glandulosa videtur constare cutis; plures
ex iis quandam glandularum congeriem efficiunt, quæ in papillam abeunt.
Hæc pellis corniculis excepta in eam ducit opinionem parvas illas pyrami-
des in extremis esse perforatas, & liquari per glandulas filtrato præbere
exitum.

Cum mense Decembri de cataractis oculorum, & earum detractione
ageretur, D. Homberg structuram acus, quâ tutius avellantur, in con-
gressu quodam proposuit, eamque coram exhibuit. Nam quæ solent ad
hunc usum adhiberi, pelliculam quæ pupillam obducit, involvunt quidem,
& complicum depriment: sed ea pellicula sæpe satis est valida, quæ instar
elateris se se restituat, & quem habuit situm resumat, adeo ut necesse sit ope-
ratiorem ipsam identidem repetere.

Quo huic incommodo remedium aliquod adhibeatur, acum excogitavit
eiusdem magnitudinis cum iis quæ in hunc usum solent adhiberi. Hæc post-
quam subiit oculum, facile extenditur, ut stringat pelliculam, eamque sic
involvat, ac deprimat, ut reduci amplius non possit. Vide Figuram 1. in
secunda tabella.

A, Est manubrium forcipis, seu volcellæ, vulgo, *pincette*.

B, Est alter ejus ramulus manubrio insertus.

C, Alter ramulus in formam elateris versus priorem ramum in-
flexus.

D, Clavulus instar verticuli.

E, Est apex ramuli & utrinque secans: huic inest parva incisura, qua
altius ramus apex excipitur, ut facilius volfella subeat oculum.

De variis actum est remediis: inter alia D. Dodart, qua ratione urinæ
suppressio à D. Joubert curata fuerit, nos edocuit: nempe vesica supra os
pubis percutiâ fuit. Idem quoque admonuit arthriticis doloribus à nonnemine
sedari, partem affectam urticis verberando. Idem in moribus canum rabi-
dorum ait sanguinem exprimi oportere è vulnere, aqua salsa perfundi sæpius,

Ccc iij

ANN. nec vulnus ligandum, aut obducendum; aqua verò sale, quantum capere
1695. potest, imbuatur.

Adversus viperarum & venenatorum animalium morsus salem communem utiliter adhiberi posse ex eo colligebat D. de la Hire, quod in suis de vipera experimentis asserit D. Charas, multos olim salem communem sub specie salis viperæ vendidisse: nisi enim aliquos iuvasset, id remediū genus brevi infamatum fuisset: illud quoque non inutile futurum iudicabat, si succio statim adhiberetur, quò venenum foras prodiret, nec intus penetraret: id enim sapius fuit experimento comprobatum viperæ venenum exsuccum nihil nocere, contra atque evenit in morfu serpentum in Antillis: sed venatores præmissa scarificatione pulverem pyrium in isto vulnere accendunt, uti ex D. Blondel accepimus, & supra jam innuimus.

CAPUT VII.

De rebus Geometricis, Mechanicis, & Hydrostaticis.

I. **H**Æc utique summam attingimus, quæ partim in Tabulariis Academicæ sunt descripta, suis quæque temporibus vulganda, partim jam sunt edita, illa imprimis quæ vir nobilissimus D. Marchio de l'Hôpital de analysi quantitatum quæ indefinitè sunt parvæ, publici juris fecit, quæque ab exercitatis in hac scientia sunt admodum approbatæ: persuasum id habent ex hac demonstrandi ratione Geometriam mirum in modum auctum iri.

Junio mense idem D. Marchio de l'Hôpital novum theorema demonstravit circa quadraturam Cycloidum, quarum bases sunt arcus circuli, si-ve punctum describens extra, si-ve intra circumferentiam circuli mobilis positum sit.

Mense Martio D. Rolle methodum exposuit qua fractionum exponentes in Algebra evanescant.

II. Die 13 mensis Aprilis P. Nicolaus Societatis Jesu Tractatum Geometricum ad Academiam misit, ubi duo theoremata reliquit inquirenda: paucis post diebus illa demonstravit D. Varignon. Antè aliquot hebdomadas quadraturam curvæ sinuosæ demonstraverat, cujus ordinatæ ad diametrum sunt obliquæ. Hujus figuræ descriptio ab ellipseos formatione pendet: demonstratio tamen à quadrante ellipseos non pendet. Idem demonstravit rectificationem, seu integræ, seu partium, quibus constat linea, quam Cycloidis vulgaris sociam vocant. Brevi post inducias tempore generalem methodum protulit, qua centrales vires omnes habeantur, quibus genus omnes curvarum continetur, quas D. Hugen centrifugas, & D. Newton centripetas appellarunt. Quod fundamentum est præcipuum Philosophiæ naturalis ab iis expositæ.

III. Interjectis aliquot diebus demonstrata ab eo fuit rectificatio, ut loquuntur, seu longitudo & quadratura evolutæ Cycloidis: eo mo-

do descriptæ, quem D. Hugen tradidit, item rectificatio, & quadratura indefinita omnium Cycloïdum, quarum bases sunt circulares, quæcunque ponatur inter punctum eas describens, & centrum circuli mobilis distantia.

Nec multo post tempore evolutiones omnium spiraliū cuiusque generis demonstravit, idque ostendit omnes evolvi in parabolas uno tantum gradu sublimiores. Paulò ante proposuerat novam methodum omnibus refectionibus, & quadraturis indefinitis accommodatam.

IV. D. de la Hire propositionem generalem de sectionibus solidorum Pyramidalium demonstravit.

Sed in Opere suo de Mechanicis hoc vertente anno is potissimum verifatus est. Theoremata & problemata, quæ ad hanc Matheseos partem non ignobilem & usu præcipuam spectant, singillatim exposuit, & demonstravit. Et quidem ad annum 1675 illud à nobis annotatum fuit, Domino Colbert id cordi imprimis fuisse, ut in hoc opus generi humano, si quid aliud utile, Academicis incumbere. Idque à multis tentatum & incœptum fuit, quorum tentamina suo loco non omisimus. Hoc ipsum videtur præstitisse D. de la Hire in hoc opere, quod eodem hoc anno publici juris fecit; partes quippe omnes Mechanices, cùm ad artes, tum ad Physicas disciplinas magis necessarias sic complectitur, ut nihil pene speculatione dignum, aut utilitate ipsa præcipuum videatur omisum.

V. Exeunte Mense Januario D. d'Alembert, cujus identidem mentionem fecimus, typum exhibuit pontis versatilis, qui scilicet attollitur, & deprimitur: ingeniosè excogitatus, neque iisdem vitiis obnoxius visus est, quibus alii hujus generis pontes. Formam hujus pontis delineavit D. de la Hire.

VI. Mense Februario cùm D. Galloys à D. Varignon id postulasset, ut plani inclinati pressionem, cùm directio est plano parallela, demonstraret, id in omnibus, quæ excogitari possunt directionibus ab eo fuit demonstratum, simul ostensum quid ea in re peccasset Cartesius.

VII. Mense Martio ineunte idem demonstravit, quæ proportionem radius Sphæræ per suum gravitatis centrum dividatur, juxta hypothesim vulgo receptam, quæ ponderum directiones in terræ centrum concurrere statuit. Idem, mense Aprili velocitatem aquarum in sublime salientium esse ut radices altitudinum demonstravit. Hoc utique est quasi primum hujus scientiæ, quæ circa motum aquarum versatur, principium, quod nusquam demonstratum fuisse existimat, sed experientia tantummodo comprobatum: adeo ut inter principia ab omnibus constituantur. Nec tamen illius ratio admodum est recondita, sed similitudo ipsa hujus velocitatis cum ea quæ accelerato lapsui aquæ, ab ipsa fontis superficie ad tubi orificium usque inest, ab inquisitione huius rationis omnes deterruit: quòd eam ut effectum hujus accelerationis in oculis habuerint, atque hac una viâ rationem hujus proportionis quesierint, quæ ut naturæ sit consentanea, fortè tamen non est genuina, nec trita ipsius naturæ via. Itaque id acriori animo advertit, quis sit aquæ motus è tubo exeuntis; cumque aqua in omni sua longitudine continuitatem suam tueatur, quæ summo loco est, eadem celeritate descendit, atque ea quæ infimo in loco est posita, nullam adeo esse in tubo ipso acce-

ANN. 1695. *rationem. Quocirca aquæ non è tubo solùm, sed ex omni alio vase æquali motu exit in ipso sui lapsûs initio, atque in medio, quandiu in eadem manet altitudine.*

Perpecta hac motus æqualitate, principii de quo agitur, rationem ex motuum æqualitate deduxit, eamque demonstratam invenit in Cor. 21. regulæ generalis, quam in Actis 31 Decembris anni 1692 vulgavit; quæ etiam ex Coroll. 29 nullo negotio erui potest. Sed nihil necesse est generalem illam adire regulam; id enim satis notum est causas suis effectis esse accommodatas, atque adeo motuum quantitates motricibus viribus in eadem prorsus ratione respondere.

Sint igitur duæ columnæ aquæ AF, CF; exitus aquæ sit in G, vites motrices sunt columnarum pondera, aut pressiones: quantitates motuum, quos pressiones efficiunt, sunt in ratione quantitatis aquæ in temporibus æqualibus effluentis, multiplicatæ per suam cujusque velocitatem, seu in ratione composita ex unaquaque mole aquæ & celeritatis. Quamobrem columnarum AF, & CF pondera, seu columnæ ipsæ sunt in ratione composita quantitatis aquarum, quæ æqualibus exeunt temporibus per foramen G, & velocitatis earundem aquæ quantitatum: cum autem rationes componentes sint æquales, siquidem quantitates aquæ sunt inter se, ut velocitates, quibus è tubo AF effluunt, palam est rationem compositam fore ut utriusque quadratum; ergo columnæ aquæ AF, & CF, aut quod eodem recidit, altitudines AE, & CE, erunt inter se ut quadrata aut molis, aut celeritatis: ac propterea, vel moles aquæ, vel velocitates, aut potius utræque eam inter se habebunt rationem, quam radices AE, & CE superficiiei aquæ supra foramen, per quod aqua effluit.

VIII. Mense Julio lineam curvam ostendit, quam describit corpus grave descendens motu æquali ratione habita horizontis, ad quem æquis temporibus æqualiter accedit.



CAPUT VIII.

De Rebus Astronomicis.

I. **E**Xeunte anno superiori D. Maraldi scriptum legit de fixarum apparenti magnitudine, quæ diversis temporibus mutari visa est: hujus dissertationis hæc est summa.

Præter eas quæ à recentioribus Astronomicis sunt observatæ insignes stellarum mutationes, quibus ita augentur, aut minuuntur, ut visus aciem penitus fugiant, (cujus generis sunt stella in collo Ceti, & duæ in Cygno,) complures ab eo sunt observatæ, quarum apparens magnitudo non medioctiter aucta est, vel imminuta. Quæ sita est in Sagittarii tibia sinistra, & præcedit, à Bayero tertiz magnitudinis est designata: anno 1671 inter stellas sextæ magnitudinis visa est; anno 1676 major apparuit, ut in tertio ordine à D. Hallay notata fuit; anno 1692 vix eam potuit conspiciere D. Maraldi: annis 1693 & 94 ea quartæ magnitudinis apparuit.

II. Complures alias in eadem constellatione designat, quarum apparentes magnitudines multum ab iis quæ in tabulis & chartis sunt notatæ, differunt. Hujus generis est illa, quæ in dextro Sagittarii brachio lucet, quam D. Hallay in tertio ponit ordine, quæque multum est imminuta. Quæ etat in femore, nunc visum planè fugit.

Eadem est ratio extremæ stellæ in serpentis cauda, quam Tycho & Bayerus in tertia classe posuerunt: hanc D. Montanari ad quintam revocavit classem: sed aucta est annis consequentibus.

III. Quasdam in Serpentario notarunt stellas, quantum mutata est magnitudo, imo quædam evanuerunt, ut quæ in præcedenti pede videbatur, à Montanarii temporibus ad hunc usque annum sui copiam non facit. In Leonis constellatione quæ est undecima, anno 1667. à Montanatio visa est, cum ante penitus extincta videretur. D. Maraldi abhinc triennium eam conspexit, sed minutam admodum. Duodecima à Tychone & Bayero in quarta classe reponitur: vix sub oculos cadebat anno 1693. Quæ sextæ magnitudinis notata est, non amplius est visibilis, sed octo huic finitimæ cernuntur, quæ desunt catalogo & chartis.

IV. Illud à D. Kirchio fuit observatum anno 1686 vigesimam quartam Cygni, quæ à Bayero ut quintæ magnitudinis designatur, augeri & minui instar ejus, quæ est in collo Ceti: nullam in ea mutationem potuit animadvertere D. Maraldi anno 1692: sed mense Julio anni 1694, nullum ejus stellæ vestigium extabat, usque ad decimum quintum hujus mensis diem, cum illam primum vidit.

V. Quæ vertente hoc anno circa illam stellam Cygni à D. Maraldi fuerunt observata, & Mense Novembri in Academia lecta, ea sunt speculatione digna, neque à nobis silentio prætermittenda. Primum illud præfatur in sua dissertatione vix ullam in cælo esse constellatam, cui aliqua

Ddd

ANN.
1695.

mutatio ab ineunte hoc sæculo ad hunc usque annum non acciderit. In stella Cygni constellatione tres, eaque insignes visæ sunt: nam præter duas illas pectoris, & capitis stellas adeo celebratas, quæ sæpius sui copiam fecere, & idemtidem evanuerunt, adeo ut reditus sui periodus certa ratione definiri non potuerit, tertia quædam est in collo ejusdem Asterismi à D. Kirchio paucis abhinc annis deprehensa, quæ unoquoque anno per aliquot menses in conspectum venit, tum fugit oculorum aciem. Anno superiori mense Julio eam vidit D. Maraldi ea fere magnitudine, quæ in tabulis Bayeri & Royeri designatur, ac die 15 Julii altitudinem ejus meridiana 73 gr. 21, 30 invenit, quod quidem hoc anno novis observationibus confirmavit. Cùm eam stellam exeunte Augusto anni 1694 quæsiisset, deprehendere illam nullo modo potuit, adeo ut illa se oculis subduxerit eo temporis intervallo, quo inter Julii 15 diem, & Augusti finem interjaceret: neque in conspectum venit, nisi die 30 Julii hujus anni 1695; tum verò ita mole imminuta visa est, ut vix nudis oculis aspicere posset: sed brevi post tempore lumine aucta est: nam die 12 Augusti ut stella sextæ magnitudinis; die 10 jam stellas vicinas quinti ordinis splendore suo æquabat, eaque ad tricesimum usque diem paulatim aucta est: die 9 Septembris nonnihil imminuta, ac sensim deinceps decrescere visa est: ita ut circa 16 Octobris aspectui se omnino subduxerit.

Itaque ex variis observationibus id liquet, die ultimo Augusti ad apicem suæ claritatis venisse. Quod si illæ observationes cum iis quæ à Kirchio factæ sunt, conferantur, periodus variationum erit ferme 13 mensium, cum periodus stellæ Ceti sit 11 mensium, & paulò amplius: ita ut phasis maxima stellæ Cygni singulis annis tantundem retardetur, quantùm stella Ceti solet in unaquaque periodo per 4 menses in conspectum venire: cùm stella Cygni hoc anno spatio duorum mensium cum semisse visibilis fuerit, Utraque stella citius augetur, quàm minuitur: nam intra 13 dies à 30 Julii ad 12 usque Augusti tantundem aucta est, quantum per 16 dies fuit imminuta; nempe rotidem numerantur dies à 19 Septembris, quo stellas quintæ magnitudinis æquabat, usque ad 15 Octobris, quo videri desit.

VI. Quæ in stella Cygni variationes contigerunt, minùs erant sensibiles, quàm quæ in stella Ceti cernuntur: hæc enim stellas tertii ordinis plerumque assequitur, cùm stella Cygni vix æquet stellas quinti ordinis. Complures interdum anni labuntur, quibus stella Ceti in conspectum non venit: cùm enim phasis illius maxima mensibus Aprilis & Junio & Julio contingit, tum radiis solaribus obruitur: sed stella Cygni etiam in sua cum Sole conjunctione quatuor hotis ab occasu Solis persistat super horizontem. Unde quotannis conspici poterit, & facilis judicari, utrum apparens illius magnitudo, tempus quo in conspectum nostrum venit, ac periodus ipsa easdem subeant variationes, quæ in stella Ceti se produnt, Quæ, ut videtur D. Maraldi, vix explicari queunt per revolutionem corporis sphericæ partim lucidi, partim obscuri circa proprium axem: nisi superficies eorum corporum magnas & Physicas subeant mutationes.

VII. Id quoque testatur D. Montanari stellam lucidiorem Medusæ di-
versis annis variæ esse magnitudinis : nullam pene in ea mutationem po-
tuit advertere D. Maraldi annis 1692 & 93. Sed anno 1694 aucta est &
imminuta insigniter , modò quarti, modò tertii, modò secundi ordinis stel-
la apparuit.

Quæ auriculæ dextræ majoris Canis affixa est stella , à Tychone & Baye-
ro tertiæ magnitudinis statuitur : ex observationibus Montanarii anno 1670
non erat amplius visibilis ; annis 1692 & 93 ut stella quarti ordinis vide-
batur. In eadem constellatione quatuor sunt novæ à Montanatio repertæ,
quæ in catalogo Bayeri desiderantur. Idem Montanarius anno 1695 stel-
las 31 & 32 magnæ Navis evanuisse comperit, neque eas videre potuit D.
Maraldi.

In constellatione Andromedæ, quæ littera, A, à Bayero signatur, &
evanuerat, ex observationibus D. Cassini sui copiam fecit, atque ibi re-
centes visuntur. Idem anno 1671 quinque novæ in Cassiopæa conspexit,
quarum duæ adhuc extant, tribus reliquis extinctis : sed tres novæ sexti or-
dinis ibi visuntur.

VIII. Complures alias D. Maraldi, easque recentes in aliis Asterismis
observavit, quas in hoc scripto designat. Ac pleræque ejus generis muta-
tiones in viâ lacteâ contigerunt, quas accurate designat : duæ navis ex-
tinctæ. Quæ sita est in Canis auricula, Medusæ itidem stellæ sunt muta-
tionibus obnoxie ; nova Cassiopææ à Tychone observata, tres Cygni
stellæ, quæ sæpius sub conspectum venerunt, & è conspectu nostro evo-
larunt, ac demum memoratæ stellæ in Serpente & Serpentario, nova à
Keplero in tibiâ Serpentarii visa, hæ, inquam, omnes viâ lacteâ conti-
nentur.

IX. D. Maraldi die 12 Februarii Epistolam legit D. Cassini datam
Bononiæ 26 Januarii. In ea quidem Epistola lineæ Meridianæ, quam in
Ecclesia S. Petronii olim delineaverat, positionem à se exploratam com-
memorat. Id enim placuit expetiri an forte per 40 annos aliquid mutatio-
nis accidisset. Ex Solis altitudine ante & post meridiem sumpta punctum
ipsum mediæ diei eo ipso momento, quo Solis centrum hanc lineam atti-
git meridianam, invenit. Id ipsi perjucundum fuit, quod manifestè hinc
liquetet 40 annorum spatio nullam variationem accidisse. Non eadem oc-
currit evidentia in examine lineæ meridianæ à Tychone olim Uraniburgi
designatæ, quam D. Picard multum diversam à vera invenit : adeo ut du-
bitaverit an potius discrimen illud Tychonis observationibus, quam ulli quæ
acciderit variationi esset tribuenda.

X. Quod ad situm ejus lineæ meridianæ horizontalis spectat, id com-
perit D. Cassini, duo ejus lineæ extrema, & loca in quibus Equinoctia,
& solstitia sunt designata, ad eandem libellam citra ullam mutationem esse
posita : sed in iis locis, quæ columnis fornicem sustentibus sunt finici-
ma, id deprehendit meridianam tribus lineis infra libellam esse depressam,
quasi pavimentum ab ipsis columnis, quæ tamen sunt vetustissimæ, prellum
fuisse. Nam murus, qui ex uno latere fornicem tangit, nunc à fornice
multo amplius divellitur, quam sit lineæ meridianæ depresso. Ex qui-

ANN. bus illud efficitur, non penitus credendum ædificiorum firmitati; ubi
1695. de Astronomicis observationibus agitur, sed certis temporibus eas renovari oportere.

XI. Cum de reformanda orbis terreni chartâ universali mensis Februarii die 9 ageretur, D. de la Hire id sibi persuasum aiebat Lutetiam à primo meridiano non amplius, quàm gradibus 20, 3 min. distare. Siquidem ex observationibus in Gortzâ factis id compertum fuit Lutetiam ab ea 19 tantum gradibus ad ortum removeri. Cumque hæc insula respectu insulæ *Di ferro* ubi primus meridianus constituitur, à Septentrione in Austrum penè dirigatur, non amplius quam unus gradus cum 30 min. longitudinis inter utramque insulam intercipitur.

XII. Die 17 Decembris D. Maraldi legit observationes factas à D. Cassini Bononiæ, & à D. Chazelles Massiliæ postremæ eclipsæ, quæ 20 Novembris contigit: ex quibus conclusiones suas eruit. Hujus eclipsæ initium ex tabulis D. le Fevre fuit Lutetiæ hora sexta 8, 4, medium 7 hora, 21, 46; finis 8 hora, 35, 28; duratio 2 horis, 27, 24; magnitudo digitorum 5, 12.

C A P U T IX.

De Dioptrica & Architectura.

I. **N**on aliud magis siderum scientiam nostra ætate promovit, quàm telescopia ex 2 vitris convexis composita, de quorum origine & usu dissertationem è scripto legit D. de la Hire, simul & quâ ratione ad observationes Astronomicas facilius adhibeantur, exposuit.

Illud imprimis advertit P. Antonium Mariam Schirderum de Rheita Ordinis Capucinorum primum omnium parasse telescopium cum oculari convexo. Libellum ea de re edidit, cui hic titulus præfixus est, *Oculus Enoch & Eliæ*. Majora quidem telescopia vix ullius essent usûs in siderum observationibus, nisi hoc illis accessisset præsidium. Cum enim oculare caryum aptatur tubo vel sex pedes longo, pars rei objectæ adeo parva detegitur, ut planeta vix à stella secerni queat; ocularia vero convexa amplius spatium retegunt: adeo ut longè facilius sit objecta quæque conqueri.

II. Cum autem vitra objectiva ea ratione augeri possint, quâ ocularia focum habent longius productum, & spatium conspectum ocularis magnitudini respondeat, idem spatium per longiores tubos liceret intueri, quod per minores, si materia præstò esset majoribus ocularibus parandis idonea. Sed res non ita se habet, cum ocularia cava adhibentur; nam spatii detecti amplitudo ab objectivi vitri apertura pendet, quæ hoc magis immittit spatium deprehensum, quo longius ab oculari distat vitrum objectivum. Neque hoc dispensium pensari potest vel à majori vitri objectivi apertura, vel à minori vitri ocularis cavitate, ita ut effectus ipse longitudini tubi respondeat,

2. Ut casu quodam fortuito in prima tubi optici inventione convexum vitrum cavo adjunctum fuit, sic admodum verisimile est duo vitra convexa à P. Rheita tubo aptata casu quodam non ex certo consilio: nam ipse perparum commodi hinc cepit: cum tubi 30 aut 40 pedum ex ea quam præscribit regula, rei objectæ non magis augeant imaginem, quam tubi usitati 4 pedum.

3. Quamobrem in tubis majoribus uberius tantum lucis lucrum fecit; quæ in sideribus contuendis non est adeo necessaria. His tamen rei per majores tubos conspectæ majorem quoque speciem esse persuasum habebat, quàm ubi per minorem tubum eam cernebat, quòd duo perfusa esset majore. Neque enim ex Dioptrices regulis perpendet, quas focus ocularium præscribit mensuras, ubi cum focus objectivorum comparantur, rerum objectarum species in majoribus tubis non augeri magis quàm in minoribus tubis.

Tabulam pertexit illius proportionis, quam statuit inter utriusque vitri focos, quæ semper eadem est à 2 partibus ad 40 usque. Pedem in 100 partes tribuit, telescopio 40 pedum ocularis foco unum assignat pedem: cum objectivi focus à vitro distat 20 pedes, ocularis foco tribuit pedis semissem, & ita deinceps.

4. Nondum ei perspecta erat hæc Dioptrices regula, imaginis augmentum datis utriusque vitri focus haberi facile posse, cum foci objectivi distantia à vitro, per ocularis foci à suo vitro distantiam dividitur: quotiens enim exhibet quantum res objecta major appareat, quàm naturalis, quæ scilicet nudis oculis conspicitur.

5. Quod si objectiva vitra, quibus P. Rheita utebatur, ocularia convexiora, aut fortiora, ut vocant, non admittebant, quam ea ipsa, quæ in ejus tabulis describuntur, hæc certè erant nostris longè inferiora. Nam objectivum cujus focus est sex pedum, oculare admittit trium pollicum; quod imaginem 17 majorem efficit. Quod si focus ocularis esset sex pollicum, imago esset tantum 45 major naturali, & parum excederet proportionem à P. Rheita ubique constitutam, qua res objecta major quadragies cernitur. Sed quæ nunc adhibentur vitra objectiva 25 pedum cum ocularis foco 3 digitorum facile conjunguntur, & rerum imagines centies majores efficiunt.

III. Id tamen est incommodi in vitris convexis, ut sidera non facile eorum ope deprehendi possint, si Solem & Lunam exceperis. Qui enim radii imaginem rei objectæ & in foco depingunt, in angustiori spatio contractam, ex oculari vitro exeunt fere paralleli, iique pupillam oculi subire debent, ut objecti speciem in fundo oculi delineent. Sola autem utriusque vitri dispositio in locum ipsum radii nos ducit, & quo in loco oculus sit ponendus indicat. Ac sæpè is locus queritur, nec facile invenitur ob angustam pupillæ aperturam. Accedit illud quoque in tubis longioribus, quæ in foco est rei objectæ imago, brevi temporis spatio magnum iter conficit, & priorem locum, ubi eam positam fuisse judicatum fuerat, cito deserit, sicque visus aciem eludit. Cum duo vitra in eundem includuntur tubum, hic oculum ipsum dirigit, ut eo in loco sistatur, in quam radiosa objecti species incurrit,

IV. At vero cum focus longius à vitro distat, quàm ut tubus adhiberi queat, ac de nocte sunt faciendæ observationes, tum res est majoris operæ. Id enim cavendum est ut astrum ipsum una cum vitro objectivo, & oculari, quod manu regendum est, in eadem recta collocentur. Id quidem difficile alimodum est, quod vitrum objectivum agrè percipitur. Optima autem inveniendi sideris ea est ratio, ut charta candida in loco foci collocetur, atque ibi lucida sideris imago quæratur: hæc vero satis clara noctu apparebit. Tum id statim efficiendum, ut imago ipsa in medium ocularis vitri incidat, quo oculus illam percipiat. Quod utique vix fieri potest, nisi adsit aliquis, qui oculare vitrum in loco imaginis collocet, dum observator per vitrum eam intueretur.

Non possum hoc loco silentio prætermittere præclarum, & si quid aliud est in Dioptrica utile inventum, quod D. Homberg ineunte anno 1691 cum Academiâ communicavit: quod quidem vir doctus & industrius atque inter eruditos notissimus, ut proprium tum temporis sibi vindicabat. Sed illud accidit, quod in limine hujus Operis sæpe evenire diximus, & præsertim hac ætate, cum viri erudiri in perficiendis artibus summo studio elaborant, ut eadem plures excogitent, ac plerique ea sint mentis celeritate, & ingenii soletia ut leviter admoniti artificium omne alicujus machinæ, aut quodvis aliud inventum statim percipiant. Quin etiam illam, de qua mox dicturi sumus, longiora Telescopia percipiendi rationem Clariss. Viris D. D. Hugenio, Campani, & Borello Academiæ Socio, & in Chymicis versatissimo, quique ante aliquot annos è vita decesserat, non incogniram fuisse iusta est suspicio. Nam D. Borellus magna facilitate vitra objectiva cujuscumque magnitudinis elaborabat arcani sui tenax: verum ad rem ipsam veniamus.

Hoc factu difficillimum semper visum fuit vitra objectiva, quæ focos longius proferunt, expolire, propterea quòd typi, seu lances, aut disci, aut quocumque alio donentur vocabulo, vasa illa paululum devexa, in quibus vitra elaborantur, & poliuntur, è metallo conflata majoribus vitris expoliendis apta vix effici possint. Quare illud in mentem venit D. Homberg an latius foret typum vitreum sic adhibere, ut objectivum typo suo vulgo *Bassini*, idoneam præberet figuram eo ipso tempore, quo à typo suo formatur: ac res bene processit.

Vitrum idque purum à bullulis seu lacrymis & venis seligendum ejus magnitudinis & densitatis, quæ fini proposito respondeat, rotundari id debet, priusquam poliat, breviori ligni trunco agglutinatum oportet. Tum aliud vitri frustum sumendum est, unius aut circiter digiti crassitudine, quatuor aut quinque latius priori, idque itidem rotundatum.

Vitrum ligni trunco asfixum expolitur & deteritur ab eo quod majus est, & mobile, quodque priori superpositum in orbem circumagitur. Quam in rem Smitidis, v. *Emeril*, pulvere utendum, non arena quantumvis dura.

Neque necesse est huic posteriori vitro velut manubrium quoddam adhibere, cum manu sola, eaque aliquantulum madente tractari facile possit.

Quo quidem modo vitrum mobile alteri impositum, & diu circumactum excavatur, dum vitrum alterum fixum sit convexum, & eo magis, quo diutius

vitrum mobile agitur. Cum optatam adeptum fuerit convexitatem, quæ ex usu potius quàm ex certis regulis innoscit, tum è trunco cui affixum erat, avellitur, vitro concavo in illius locum substituto. In eo postea convexum vitrum expolitur & perficitur more usitato: nam vitrum concavum deinceps typus erit, seu discus.

Jam ut vitri recens elaborati focus dignosci queat, id alteri vitro cuius focus notus est, ex gr. 50 pedum erit illigandum, ut radios Solares simul excipiant. Quod si utrumque vitrum focum projiciat, v. gr. 40 pedum, focus vitri cogniti 50 pedum dividatur per utriusque foci differentiam, nimirum per 10, tumque prodibunt quinque, hæc multiplicata per 40, efficient 200. Itaque focus vitri recens expoliti 200 pedum futurus est.

V. Sed ut redeamus, unde egressi sumus, qua ratione observator solus id exequi possit, ut oculare vitrum in loco imaginis collocet, D. de la Hire edocuit, quod ne longiores simus, nunc prætermittimus: præterquam res digna nobis videtur, quæ ab Autore ipso publici juris fiat, tametsi citra machinam vitrum minus operose dirigi & sisti posse idem existimat, & modum, quo id perfici queat, paucis exponit.

VI. Sub finem hujus anni D. de la Hire problema Architecturæ imprimis utile proposuit, qua arte possint majores columnæ è variis lapidibus constari, ubi commissuræ non appareant, nec minus firmæ sint, & ad diuturnitatem stabiles, quàm si essent ex uno eodemque lapide formatæ. Id quippe in magnis ædificiis difficillimum semper visum est, columnas ex eadem materia struere: quæ autem sunt ex variis, ut loquuntur, tympanis; v. *Tambours*, sic coagmentatæ, ut alia aliis superposita per axem ferreum, qui mediam pertransit columnam, inter se devinciuntur, id præter cætera habent incommodi, quod ferrum rubiginem contrahat, hinc lapides quantumvis crassi dissiliunt, & ædificia complura non alia ex causa sæpius fatiscunt, quàm ex ferro, quod ipsis ædificiis adhiberi solet. Accedit illud quoque pluviam per juncturas lapidum subire, herbas & arbuta in iis radices agere, quæ crassiores factæ nisu continuo satis habent virium, ut lapidum commissuras disrumpant, eosque suis locis dimoveant.

Illud quidem negari non potest, quin in plerisque lapidicinis occurrant lapides satis magni, ut ex iis columnæ fiant: sed ejusmodi lapides gelu ipsum non ferunt, & in folia diducuntur, cum extra nativum solum efferruntur, ac demum id rarò evenit ut satis densitatis habeant crassioribus columnis efficiendis.

Nonnulli Architecti in Gallia, quò iis mederentur incommodis, complures lapides sic unà compegerunt in columnarum formam, ut juncturæ incisuras subeuntes iis in locis ponerentur, quæ aspectui minus essent expositæ. Sed experimento compertum fuit columnas ex tot frustis, iisque tenuioribus compositas non satis esse solidas, quæ ædificiorum structura sine periculo adhibeantur, nisi fortè iis in locis, ubi nihil oneris esset sustinendum. Rationibus omnibus subductis existimavit D. de la Hire ad tympana omnino redeundum esse, quæ ita sibi mutuò jungi oporteat, ut eadem sit eorum soliditas, ac si unus & idem esset lapis, nec eorum juncturæ appareant.

VII. Quod ad commissuras attinet, sunt quedam in Gallia ædificia, earque spectata, in quibus lapides proximè sibi citra arenatum adhærescunt. Ac licet ea sint perantiqua, in iis tamen juncturæ vix percipiuntur. His exemplis adductus D. Perrault, qui in Architectura, ut in aliis artibus & disciplinis promovendis magnâ cum laude versatus est, Arcum triumphalem jussu Regis Inviictissimi prope S. Antonii suburbium extruere cœperat, lapides per instrumenta, ut moris est, aliis excipiendis parati, & dolati saxeo pulvere aqua permixto consperguntur; superpositi lapides huc illuc moti, & identidem aqua perfusi, dum ambo lapides sibi mutuò aptati, perparum aquæ relinquunt inter lapides interjectæ, quâ paulatim exhalata, arctius sibi mutuò sic cohærent, ut divelli faciliè non possint. Hac quidem ratione lapides sibi mutuò aptandos censet D. de la Hire: sed alium quoque excogitavit modum, quo faciliior esset attritus lapidum, nimirum si cujusque lapidis superioris pars extima in coni formam assurgeret, ita ut apex coni supra basim quinta aut sexta tantum parte basis ipsius extaret & conum superpositi lapidis exciperet pars subjecti lapidis excavata.

Ea quidem ratione singula tympana sibi mutuò sic aptarentur, ut circum axem quæque suum verterentur, nec opus esset ferro, aut alio metallo instar ferruminis, ac demum non alio motu agerentur lapides, quàm motu in orbem. Sic tympana solius figuræ ope sibi invicem arctè cohærent. Aqua cum pulvere saxeo, vulgò, *du Graïs*, in ipso attritu parvos circulos, quasi totidem canaliculos formaret, quorum alii alios exciperent, & compagem efficerent firmiorem. Licebit etiam postquam bene erunt compositi, aquam solam infundere, quæ pulverem saxeum abducit, priusquam tympana in suo situ sistantur. Accedit illud quoque commodum, quod in locis pluvizæ expolitis aqua per commissuras subire vix poterit, quòd illæ sursum tendant. Id demum est observandum, extremam tympanis manum imponi non oportere, nec quæ ad ornatum, & speciem exteriorem spectant, induci, priusquam columna integra absoluta fuerit: tum enim figura idonea, & decor huic apponetur, quasi ex una & eadem constaret materia; quæ ratio vel ex eo est præferenda, quòd tympana è lapidibus minùs idoneis formata rejici facile possint; non item evenit in columnis ex eodem lapide factis; cum enim sint rari admodum, sæpe iis, qualescumque sint, uti coguntur Architecti; & si quid iis acciderit cum eriguntur, & in locis suis collocantur, non ita faciliè abjiciuntur ut tympana, quæ cum leviora sint, parvo labore eriguntur.

Idem mense Julio admonuerat mortarium, seu arenatum citò indurescere, cum aqua diluatur, cui parum salis Armoniaci fuit admixtum: sed de his quæ penè sunt ab instituto aliena, satis multa.



S E C T I O S E P T I M A.

De Actis Physicis anno 1696.

INjunctus nobis labor opinione nostrâ longius est productus. Nam Academix historiam jam ineunte anno 1692 mandare litteris jussi ad hunc usque annum proferre coacti sumus. Ante omnia quæ sunt Physicæ contemplationis, quæque hanc scientiam non mediocriter nostra ætate promoverunt, ea videlicet quæ ad pondus & elaterium aëris spectant, exequamur, tum de rebus Anatomicis, & Botanicis dicemus.

C A P U T P R I M U M.

De Pondere aëris.

I. Exeunte mense Januario D. de la Hire dissertationem de pondere aëris è scripto recitare incœpit : nam ad plures congressus ob argumenti magnitudinem producta est. Ac primum quidem in ea dissertatione id observat nonnullis è veteribus Philosophis id persuasum fuisse gravem esse aëra, sed quæ esset ratio ponderis aëris ad aquæ pondus ante Galilæum in mentem venisse nemini, ut experimentis hoc ipsum comprobaret. Omisiss in hanc rem variis tentaminibus Galilæi, Mercennii, Riccioli, Alphonsi Borelli, & aliorum quæ minus ipsa secum, & cum ratione conveniunt, experimenta à D. Homberg anno 1683 coram nonnullis Academicis facta proposuit, è quibus major huic quæstioni lux affertur potest.

Globum vitreum & cavum, vulgò, *un Balon*, cujus circumferentia erat 43 pollicum, bilanci appendit; tum exhausto aëre in machina pneumatica, leviores cum invenit 10 drachmis, adeo ut pondus aëris ad aquæ pondus esset ut 1, ad 691. Fracto illo globo, iteratum fuit experimentum in globo altero, tumque aër levior visus est, ac ratio ejus ad aquam esse ut 1, ad 832. Quod si media quædam inter utrumque ratio sit incunda, hæc erit ferè ut 1, ad 765.

II. Anno 1693. omnibus Academicis coram idem experimentum factum est in vase vitreo, cujus capacitas erat 2. pedum $\frac{1}{2}$, quod exantlato aëre levius 2. uncis & 4. granis visum est; atque hinc ratio aëris ad aquam, ut 1, ad 1087 conclusa fuit.

Quæ experimenta magnâ cautione facta id videntur evincere, eam invenendi ponderis aëris methodum, licet omnium accuratissimam, minus tamen esse tutam, & certam.

A. N. In Bibliotheca universalis anni 1685 p. 479, ex dissertatione D. Halley in diario eruditorum Anglicano gravitatem aëris cum aquæ gravitate collatam esse ut 1 ad 800 ex variis experimentis in Anglia factis colligitur : ac si bene memini, paulo majorem olim cum essem Londini, D. Boyle reperit, ope longioris vasis, cujus aër in machina pneumatica exhaustus fuerat. Ex altitudine mercurii in tubo Toricelli, quæ sit ratio ponderis inter hydrargyrum, & aëra exploratum haberi posse docet eo loco D. de la Hire : qui observatione à se factâ Telone in Provincia hanc in rem utitur.

III. Ad maris litus hydrargyrum in tubo invenit altum 28 pollices & 2 lineas : ante tres horas invegerat in vertice montis cui nomen Clarus, altum 16 pollices 4 lineas : mons supra mare asurgit 157 hexapedas : ita ut 157 hexapedæ differentiam 21 lin. $\frac{1}{2}$ efficiant in tubo, qualis tum erat aër in maris littore, & in montis illius cacumine, atque adeo inter utramque aëris nempe & hydrargyri altitudinem ratio futura est ut 1 ad 10317 quæ erit reciproca ratio ponderum in eodem volumine aëris & mercurii. Ponamus autem Mercurii ad aquæ gravitatem in eodem volumine esse ut 71 $\frac{1}{2}$ ad 5 $\frac{1}{2}$, hoc est ut 10317 ad 770. Ex iis efficitur aëris ad aquam rationem esse ut 1, ad 770 : cum utrimque æquales sunt moles aut volumina.

Quod si aëra aliquanto plus gravitate ponamus prope maris littora, quàm in summo hujus montis vertice 157 hexap. dimidium hujus altitudinis sumi potest, nimirum 130 hexap. vel circiter, ubi sic premitur, ut ponderet $\frac{1}{277\frac{1}{2}}$ partis aquæ communis, qualis esse solet in Barometro, cum mercurius ad 27 pollices & $\frac{1}{2}$ sublatus est. Postremo ratio utriusque gravitatis, qualem esse diximus ad montis altitudinem 50 hexap. supra maris horizontem determinari potest, ubi mercurius ad 27. pollices $\frac{1}{2}$ attollitur, quæ media est & vulgaris ejus altitudo. Circa medium montis clivum in tubo invenit 27 pollices $\frac{1}{2}$, cum frigidior esset aër eo in loco & serenior, temperatus in parte montis infima.

IV. Celebrè illud experimentum, quod in monte Arvernici factum est, pondus aëris cum aquæ pondere collatum præbet in ratione 1 ad 845, sed eam proportionem minui oportere satis verisimile est : nam D. Perrier qui hoc fecit experimentum, montis altitudinem non adeo sibi perspectam esse fateatur, vulgo eam æstimari ait 500 hexapedarum : ac forte ultra quadringentas hexapedas vix excurrit. Nam præcelsi loci altitudo plus æquo æstimari solet, ob varios itineris anfractus. Unde montis illius prope Telonem positi altitudinem saltem 400 hexapedarum esse opinabatur D. de la Hire, antequam eam esset dimensus.

V. Quæ à D. Cassini facta est observatio in monte, cui nomen Nostra Domina à custodia, *Nostre-Dame de la Garde*, cujus altitudo supra mare est 178 hexapedas, eam præbet proportionem aëris inter & aquam quæ est 1, ad 669 : sed aër non erat eodem modo dispositus. Addit illud etiam D. de la Hire ex observationibus quæ fiunt in locis parum altis, ut 30 aut 40. hexap. non adeo exactas elici posse rationes inter aëris & aquæ pondera. Quæ tamen à D. de la Hire facta est Meudonii prope Lutetiam coram per-

illustri Abbate de Louvois adeo fuit accurata, ut illius ratio quodammodo *Physica* habenda videatur. *ca.*

VI. Idem argumentum mense Martio cum esset agitaturn, D. Homberg observationes legit suas circa ejusdem aëris diversa pondera, ut magis aut minus dilatarur aut comprimitur, penes diversos caloris gradus. Hujus scripti hoc est velut summarium, duas esse præcipuas aëris affectiones, quæ nunc temporis sunt extra omnem controversiam positæ, gravitatem nempe illius, & elaterium: pondus quidem ex ipso Barometro, elaterium cum ex aliis multis, tum ex sclopeto pneumatico demonstratur. Nec semper opus est syringe, aut embolo in comprimendo aëre: sed varii caloris aut frigoris gradus id ipsum plerumque præstant: adeo ut aër nobis circumfusus magis prematur hieme, quam æstate, ac plus aëris certum quoddam spatium, cujusmodi est Sphæra vitrea sæviente hieme quam æstatis temporis occupet, ac globus ipse hiemis tempore gravior sit quam in æstu fervido, cum aër magis dilatarur.

VII. Hoc utique variis comprobatum fuit experimentis à D. Homberg factis. Globum vitreum cujus diameter erat 10 pollicum, vel circiter in machina pneumatica exinanivit æstatis tempore post 130 emboli itus & reditus, tum bilanci appensus est: mox epistomio aperto, ut subiret aër, ad eandem lancem est appensus; tum vero duadus uncias cum semisse gravior inventus est, quam paulò antea cum aëre esset destitutus. Hiemis tempore idem globus toridem exantlationibus fuit exinanitus & in balance positus, tumque duas uncias & sex drachmis levior inventus, quam paulo antea.

Huic experimento aptè convenit cum altero olim citra machinam pneumaticam facto: globum vitreum, cujus diameter erat 17 pollicum in vaporario, vulgo *un Poêle*, servavit per hiemem acerrimam; locus erat calidior, ibi globum appendit bilanci, tum occluso epistomio, & in cubiculum, ubi frigus acre sæviebat, translatus globum paululum levior invenit, quod in densiore aëre minus gravitaret: sed discrimen omne vix unius erat semidrachmæ: cum per duas horas eo in loco stetisset, aperto verticillo aër cum impetu subiit globum, quasi in machina exinanitus fuisset: tum lanci imposuit duas drachmas cum semisse lanci alteri adjecit, ut fieret æquipondium: adeo ut aër trium circiter drachmarum pondere subierit: nam semidrachmæ minus in loco frigidiore ponderabat. Noluit in vaporario globum lanci appendere, ne forte nimium dilatatus aër præ calore vas ipsum confringeret.

VIII. Cum Aprili mense de iis, qui in aquâ submersi post aliquot dies emergunt, sermo haberetur, & causa hujus emersionis quæreretur, hanc attulit D. Varignon, inclusum in corporibus aëra premi arctius, & disrupis fibris evolvi. Id confirmatur ex eo, quod cadavera post aliquod prælium aëri exposita intumescant, dum aër antea pressus se se explicat.




CAPUT I I.

De elaterio aëris.

I. **A**Tque hæc de aënis pondere : de ejusdem elaterio iisdem temporibus actum fuit , ubi de Atmosphæræ altitudine quæsitum est , quod argumentum à D. de la Hire , & D. Varignon non physicè modo , sed & mechanicè tractatum fuit : perpauca è multis seligam , ne ultra quàm paucis , longior sim.

Primum itaque id principii loco ponit D. de la Hire aëris particulas magno elaterio esse præditas , easque graves esse , tum quæ ex duplici illâ affectione sequantur corollaria , ad leges mechanicas examinat.

Atque ut id omne clarum fiat & apertum , ponamus lineam A B multis elateriis constare , quæ longitudinem hexapedæ unâ conficiant , cum liberam habent extensionem , & ab omni pressione sunt libera . Sed ubi alia aliis incumbunt , & inferiora premuntur à superioribus singula elateria flectuntur , & contrahuntur in spatiis , quæ sunt in ratione reciproca oneris superpositi , idque est velut quoddam experientiz principium.



Unde si elateria , quorum alia aliis sunt superposita , suis donentur ponderibus , iisque æqualibus , cum æqualia ponantur elateria : tum elater e d c , in puncto d curvabitur & proprio , & incumbentium pondere : eadem ratione elater c b a , & propria & duorum incumbentium gravitate flectetur in b , elater a z y in puncto z , & suo & incumbentis onere premetur ; sed supremum elaterium suo tantum pondere inflectetur . Quamobrem secundi distantia a z y dimidia pars V y futura est : sic tertii apertura erit tertia pars primi & ita deinceps $\frac{1}{2}, \frac{1}{3}, \frac{1}{4}$ & usque in infinitum . Ac subinde regulam proponit D. de

la Hire, quā ad calculum revocari possit altitudo cuiusque lineæ è variis elatereis constat. *Physi- ca.*

II. Quam regulam dimetiendæ altitudini atmosphæræ subtili quadam ratione applicat. Ponuntur enim particulæ quæque aëris ut elateria sua gravitate prædita, eaque ut inter se æqualia spectari possunt. Idem accidet, si sint inæqualia, & partes ponderibus certa proportionem respondeant. Jam verò ex barometro nota est ratio cuiuslibet altitudinis, seu columnæ aëris ad Mercurium tubo inclusum, & proportio atmosphæræ ad eam altitudinem, si altitudo integra mercurii in tubo suspensi per differentiam altitudinis mercurii quæ inventa est in certa aëris altitudine, dividatur. Sic enim innotesceat quoties ejusmodi aëris altitudo observata contineatur in tota altitudine atmosphæræ, ac subinde altitudo atmosphæræ innotesceat in vatis gradibus pressionis: quin & parvæ altitudines aëris, si sint accuratæ, mensuram dabunt accuratiorem, quàm si majores observentur, quod positio mediz pressionis cuiusque spatii propius ad veram accedat: idque exemplo fiet apertius.

III. Die 11 Februarii anni 1696 altitudinem Mercurii in ima specu Observatorii 27 digit. 8 lin. & 3 punctorum, seu semillis lineæ comperit D. de la Hire. Cum statim Barometrum ad summam turris ligneæ partem translatum fuisset, mercurius in tubo sublatu tantummodo erat ad 27 digit. altitudinem 5 lin. 2. punct. Quamobrem altitudo 37 hexap. $\frac{1}{2}$ seu 225 pedes altitudinis aëris sic pressi, ut inter specum subterraneam, & turris cacumen premitur, dant tres lineas mercurii, punctum unum, seu 19 puncta: nam linea in sex puncta dividitur. Sed tota altitudo mercurii erat 27 digit. 6 lin. 3 punct. seu 2043 punctorum. Quod si igitur altitudo integra 2043 punctorum dividatur per 19 puncta, quæ est differentia utriusque altitudinis mercurii inventæ in ima specu, & in turris fastigio, prodibit numerus 107 $\frac{1}{2}$, qui numerus designat quoties 37, hexap. $\frac{1}{2}$, eæque infimæ in totius atmosphæræ columna contineantur, cùm facta est observatio, in tota altitudine atmosphæræ. Itaque per regulam, quam ante proposuit multiplicandi sunt 225 per 107 $\frac{1}{2}$ & prodibunt 24187 pedes: cujus summæ partes omnes ex ordine sumendæ sunt $\frac{1}{2}, \frac{1}{4}, \frac{1}{8}, \frac{1}{16}, \frac{1}{32}, \frac{1}{64}, \frac{1}{128}, \frac{1}{256}$ usque ad 107 $\frac{1}{2}$, & fiat summa. 17221 pedum, aut 21203 $\frac{1}{2}$ hexap. vel circiter pro totius atmosphæræ altitudine.

Sic in observatione facta Tulonii, si ad 27 hexap. $\frac{1}{2}$ altitudinem, mercurii suspensionem huic convenientem sumamus, & eadem methodo quætur atmosphæræ altitudo, hæc fere consimilis invenitur, nempe 20319 hexap.

IV. In eodem argumento versatus D. Varignon methodo Geometrica progressus hæc statuit velut principia. 1. Totum aëra terram inter & extremam atmosphæram interjectum consimilis esse, & ejusdem naturæ. 2. Eandem aëris molem eò minorem esse, quò magis premitur, idque servata ponderis incumbentis proportionem, adeo ut volumina aëris sint in ratione reciproca ponderum, quod ipsa, ut dictum ante fuit, comprobatur experientia. 3. Differentiæ inter duas altitudines ejusdem columnæ aëris pondus æquale esse ponderi differentiæ quæ est in altitudine hydrargyri in barometris, uti supra probatum fuit ex variis experimentis.

ANN. 1696. Hinc propositiones quasdam deducit more Geometrico, & varia hinc eruit corollaria, quorum illud primum est, absolutam atmosphæræ gravitatem inveniri non posse, cum pars ultima, quæ sola est indefinita, nullo modo explorata haberi queat, quamvis pondus ejus sit vel millefima pars totius columnæ. 2. Atmosphæram non terminari superficie æquabili & unita, cum partes aëris superiores magis ac magis rarefcentes huc illuc sine dispersæ. 3. Negligi posse extremam atmosphæræ partem, cujus ponderis ratio ad totius columnæ pondus datur.

V. Hinc demum quorundam problematum solutionem eruit posito aëre ejusdem ubique naturæ, adeo ut sola pressio & onerum inæqualitas diversitatem aliquam inducat. 1. Barometri ope cujusque præcelsi montis altitudo inveniri potest. 2. Inter exhauriendum aëra machinæ pneumaticæ usque ad certam quantitatem d. finire quæ sit altitudo aëris ejusdem raritatis cum eo quæ in machina superest. 3. In qua aëris altitudine extingueretur animal, quod in machina intercluso spiritu moritur.

VI. His & aliis breviter decursis hæc tandem animadvertit, constitutio: nem aëris hætenus more Geometrico spectatam fuisse juxta experimenta à D. Mariotte facta. Ar si ut Physici compositionem aëris contemplemur, hæc imprimis notanda sunt; non semper aëra comprimi, aut dilari juxta ponderum incumbentium rationem: cum enim exhalationibus & vaporibus sit refertus, imo & quibusdam particulis solidioribus sit permixtus, ubi pressio ad certos fines venerit, ulterius progredi vix licet.

VII. Quamobrem majora pondera non ea ratione premunt, aut densi sunt aëra, quæ premunt minora, quæque à nobis principii loco posita est proportio, intra certos limites erit contrahenda. 2. Pars inferior atmosphæræ vaporibus cum sit permixta, dubitari merito potest an de proportionem constituta hi vapores nihil detrahant, quin & juncti nonnihil mutationis hac in re afferunt, cumque ad certam usque aëris altitudinem venti tollantur, quæri potest quid discriminis in diversis aëris ponderibus hinc afferri possit. Verum ista sunt hujusmodi ut ad exquisitam & Mathematicam subtilitatem non sint exigenda; nec quousque pateat atmosphæra, tam scrupulosè inquire necesse est. Quæ nostra hæc ætate circa illius pondus & vim elasticam aëris sunt observata, mirum quantum lucis Physicæ intulerint.

VIII. Illud pene mihi exciderat, quod ad Physicam maximè pertinet, quantum pluvix in Observatorio deciderit anno superiore: summa fuit ex diligenti observatione D. de la Hire 19 dig. 7, lin. 1. Id vero hoc anno præter solitum accidit, ut mensibus Januario, Febuario, & Martio major imbris copia, quam Junio, Julio, & Augusto ceciderit: cum tunc hi menses tantum pluvix plerumque suppeditent, quantum novem menses reliqui; Corus, Favonius, & Noto-zephyrus, qui hæc ætate regnarunt, calorem adeo debilitarunt, ut fructus debitam non consecuti sint mutabilitatem.



CAPUT III.

*De quibusdam flamma Phenomenis, & aliquot observationibus
Chymicis.*

I. Neunte mense Aprili D. Varignon conjecturas suas de natura flammæ, & specie quam oculis præbet, ex occasione experimenti cujusdam à viris pereruditis D. D. Bernouilli factis proposuit. Experimentum illud est hujusmodi: tubo vitreo inflexo, cujusmodi est thermometer Sanctorii, nisi quod phiala est undique oclusa, quatuor grana nitrati pulveris per orificium tubi imposuit: tubus vasi vitreo aqua pleno sic immersus est, ut aqua tubi ad eandem libellam cum aqua vasis esset composita, speculi ustorii ope accensa sunt grana pulveris pyrii, quibus aqua tubi infra libellam aquæ vase contentæ protulsa est, ac refrigerato tubo aer spatium satis amplum infra eam libellam occupavit; adeo ut aer pulvere nitroso contentus spatium ducentes majus granis ipsis impleverit.

Hinc D. Varignon conjiciebat aëra in corporibus, quæ ignem concipiunt densatum continuo nisu fugam moliri: sed carceres quibus tenetur, vix potest infringere, nisi ignis spicula in ejus veniant subsidium. Hæc tanquam totidem cuneoli subeunt cæcos molecularum meatus, eaque una cum aëre his moleculis incluso, & cum impetu erumpente crassiores & terrestres particulas discutiunt, quæ vicissim in spicula ignita mutantur, & moleculas disrumpunt adjuvante aeris in his moleculis inclusi elaterio. Sic novæ ignis particule produnt, & continuatur ignis cō vehementior, quò aer in accensa materia densatur magis, & crustæ aut muri, quibus captivus includitur, sunt solidiores: hinc tanta vis in bombis & cuniculis inest.

II. Quod flammam attinet, palam est crassiores particulas, quibus detinebatur aer, ab eo quoquo-versus vibrari, & circumjecta corpora disijci: adeo ut subtilis materia in eorum succedat locum. Ac fortè nihil necesse ad subtilis illius materiæ confluxum recurrere: nam flamma non aliud quiddam est præter multitudinem cuspidum aut scintillarum, quæ dissolutæ cum impetu sic avolant, ut sui vestigia relinquunt, pene ut in accensa de nocte exhalatione sulphurea, vel in titione celerius circumacta speciem suam oculo imprimunt, quasi unius & ejusdem continuati corporis. Nam ignitæ illæ & volitantes scintillæ alias atque alias retinæ partes commoveant tanta celeritate, ut motus à primis scintillis excitatus adhuc perseveret, cum postremæ erumpunt: quod vestigium filo ignito non dissimile oculo imprimunt, ac multitudine sua id ipsum efficiunt quod flammam dicimus, quæ è superficie accensi corporis integra prorumpit. Unde ardor flammæ longè minor est, quàm in accenso titione, ubi ignis particule sunt confertæ magis, ac collectæ. Quamobrem ut flammæ species appareat, ea materiæ accensæ spicula non solum ignita esse debent, sed & citissime avolare necesse est, eaque tam numerosa esse oportet, ut inflam-

А. Н. М. mata ejusmodi fila quæ post se relinquunt, continua & minimè interrupta videantur.

1696.

III. Die 14 Aprilis cum D. Cassini ex Italia redux mentionem faceret levis terræ motus, qui tum accidit, cum Bononiæ versaretur, id unum observatione dignum fuit, aquas pridie terræ motus turbidas visas esse. Jam ad Chymicas observationes veniendum.

Exeunte hoc anno D. Homberg de novo suo phosphoro, cujus mentio in Actis publicis Academiæ facta est, sermonem habuit, idque observatum ab eo fuit, quam dedit ejus præparandi formulam in quibusdam circumstantiis non bene procedere. Istius compositio in duabus calcis vivæ, & in aëre extinctæ partibus cum una parte salis ammoniaci permixtis consistit, eaque brevi temporis spatio, & moderato igne perficitur. Cum autem calx variis in regionibus non eodem modo præparetur, dubitavit an aliis in locis experimentum æquè succederet: ea de re scripsit ad amicum quemdam suum in Bataviâ degentem, ubi calx è testis cochlearum, & ostreorum conficitur. Huic vero non successit experimentum, donec tres partes calcis cum una parte salis ammoniaci miscuisset. Tum enim phosphorus prodiit, qui lucem vegetiorem emittebat. Fieri potuit, ut diutius quam par esset materia in fusione ante relicta fuerit, aut igni vehementiori admota sit, utrumque enim obesse comperit, quod majore vi ignis sales ad exactam phosphori compositionem necessarii & volatiles avolent. Sed illud quoque fieri potest, ut calx Batavica, quæ multum salis marini in se se continet, dosim aliam exigit calcis, quàm quæ his in locis conficitur. Accidit illud etiam Salem illum marinum in minori dosi cum sale ammoniaco mixtum plus satis agitari, & minorem terrestris materiæ portionem citius deferere, nec satis diu ab ea retineri: cum autem triplum calcis adhibetur, major terrestris materiæ portio sales illos coarctet ne citius erumpant.

Cum eandem dosim calcis vivæ, nempe triplam cum unâ salis ammoniaci parte miscuisset, adeo sal ille effervuit in ipsa mixtione, antequam igni admoveretur, ut magnam sui spiritus partem nondum igni admotus efflaverit, ac vix catillo impositus, quod reliquum erat spiritus emiseric, neque adeo calx fusa est, ac nullus prodiit phosphorus. Sed tamen casu id accidit, quod phosphorum vegetiorem parandi methodum aperuit. Tres calcis partes cum una salis ammoniaci parte commixtas retortæ testaceæ statim imposuit, cum pars fere media spiritus extillasset, retorta fusa est qua è furnulo extracta est, & crastina die fracta, in ejus fundo reperit crustam vitresactam cinerei coloris, quæ leviter chartæ albastris vividum lumen emittebat, & per 15 dies sicca & lucida permansit; sic sensim madidior facta intumuit, ac tandem abiit in ar nam, neque in oleum per deliquium soluta est. In catillo seu crucibulo idem effectus non prodiit, qui in retorta, quod in catillo major esset ignis aperti vis, ac propterea spiritus salis ammoniaci citius eruperunt relicto capite mortuo penitus inutili. Sed in retorta spiritus conclusi tam cito erumpere, & fugam capessere non potuerunt, & fracta retorta, satis magna eorum copia fuit, ut phosphori effectus præberet, cumque parcius in eâ materia sal superesset, in oleum non soluta est, & diutius sicca permansit.

Hoc

Hoc novi phosphori præclarum, & usu facile inventum in memoriam *Chy-*
revocat aliud non minus curiosum, cujus jam aliàs meminimus. *mica.*

D. Homberg ineunte hoc anno materiam exhibuit argenti laminam sic penetrantem, ut eam non pertunderet, sed per occultos meatus argentum pervaderet.

Is porro liquor non aliud quiddam est, quam mercurius cum regulo antimonii identidem distillatus atque ut loquuntur cohobatus; ex utraque tamen parte laminæ macula subnigra in argenti lamina apparuit. Cum ignem paulo vehementiorem primum admovisset, experimentum non successerat. Res est speculatione digna, quæ fieri possit ut liquor adeo crassus metallum trajiciat, non perforet, nisi eadem subest ratio, quæ in consimili circa ferrum experimento allata fuit. Jam ad Chymicas observationes veniamus.

IV. Illud primo loco ponamus, pleraque corpora in igne examinata nativos suos prodere colores: atque ut de alijs taceam corporibus, metalla ipsa in igne suas habent notas, quibus ab alijs discernantur; in cupro flamma est viridis; argentum dilutum quodammodo cæruleum præbet colorem, flanni & plumbi extimæ superficies flavo, rubeo & purpureo colore tinguntur, & utrumque catillos faciliè penetrat; è ferro velut stiracis scintillantes erumpunt: In auro ejusmodi notæ insignes desunt.

Circa viridem flammæ colorem id observatum fuit, cuprum recens fustum, aut valdè ignitum hanc viridem flammam non exhibere, sed postquam ex humidiorè aëre nonnihil æruginis contraxit, ac diu est ex quo igni vehementiori admotum fuit. Itaque leviores illas cupri particulas ignis calor sursum tollit, quas flamma in minutiora corpuscula dissolvit, quæ in quocumque liquore solvantur, viridem colorem præ se ferunt. Verum quidem est cupri partes vi solius flammæ solvi non posse, quod guttæ crassiores simul confertæ sursum effèri nequeant. Quare necesse est ut cupri superficies priùs à salino corpore, quodcumque illud sit, exesa fuerit: tum enim adeo minutim per flammam spargitur, ut eam colore suo tingat, donec penitus in sublimæ elata fuerit: sed partem cupri illæsam ab humidiorè sale integram & sanam relinquit. Unde & igne modico materia illa viridis separatur, quod minùs arctè cupro adhærescat, ac sæpe viridis color se prodit, cum cuprum non adeo incaluit. Nec verò ille è sulphure, ut loquuntur, cupri proficiscitur, alioqui in diuturna fusione totum illud sulphur, cum sit volatile, fugam capesseret, cupro penitus destructo, ac fieret illud quod cuprum ustum vocant, quod utique cum experientia non convenit.

V. Aurum, ut dictum est, nullum sui indicium in igne præbet: sed duæ sunt illius dotes præcipuæ, & ipsi peculiare, quod nimirum nihil minuat in catillo cinereo, seu in cupella, ubi cum plumbo miscetur, nec in probatione aut cupella antimonii: alia quidem metalla cum plumbo miscentur in catillo, & calcinantur, ut plumbum, quod faciliè in vitrum abit, eorum fusionem acceleret, eaque in vitrum itidem convertat. Cum autem vitri plumbei pars catilli spongiosi meatus subeat, unà subeunt vitra aliorum metallorum, saltem ex parte sui aliqua: quod superest plumbi, in densiorem abit fumum, & secum vehit quod reliquum erat ex alijs

ANN. metallis jam vitrefactis, & plumbo levioribus. Aurum verò cā ignis vi in vitrum non facessit, nec ā plumbo intra carillum, nec in fumum effertur, uti nec argentum in cupella vitrefcit, aut in fumum dissilatur ob easdem rationes.

VI. In cupella antimonii cuncta metalla, ne argento quidem excepto, imminuuntur: magna quippe copia acidi liquoris, quæ antimonii sulphuri inest, metalla solvit, & minutius concidit: unde crassior sulphuris fumus & reguli antimonii ea facilis in sublime tollit. Sed cum liquor ille acidus vim tantummodo habeat aquæ fortis, non item aquæ regalis, quæ sola aurum dissolvit, aurum illæsum relinquit, quod etiam gravius est quàm ut ā fumo antimonii sursum rapiatur. Argenti verò soluti ab acido antimonii partes aliquæ sic in fumum abeunt unā cum reguli antimonii particulis non solutis, ut in ignem & circumjecta loca decendant, nec pereant. Dos altera auri, eique propria hæc est, quod certa ratione præparatum, cum arena, aut silicibus calcinatis permistum, & unā cum iis fulum pulcro & rubeo colore ea tingat. Auri sic parandi ratio ad artem vitrariam pertinet, quam dilucidè in sua dissertatione exposuit D. Homberg.

Varia quidem est rerum, quæ vitra ejusmodi efficiunt compositio, ut vitrum magis, aut minus durum parare volumus: quod si teneriori vitro contenti sumus, hæc erit ejus præparatio. Calcinatos silices, & minutissimè tritos pondere 3 unciarum, per cibum subtilissimum trajectos, magnesiæ itidem subtiliter tritæ 4 grana, tria auri bene præparati grana, unā misce, eaque impone catillo testaceo, seu crucibulo novo, quod cum alio crucibulo bene lutato in figuli furno, quā parte flamma erumpit, & ignis est vehementior, tandiū relinques, quandiu excoquantur vasa fictilia.

Refrigerato furno, & catillo fracto, vitrum reperies in medio colore rubens, pars summa & infima nonnihil sordium contrahit, quæ erunt detrahendæ: ob majorem plumbi copiam minus durum est hoc vitrum, & gravius, sed ubi vitrum & durius & colore vegetiori præditum queritur, octo silicium bene contritorum uncia cum quinque uncis sodæ, duobus granis magnesiæ, & tribus granis auri præparati miscetur. Hæc operatio furnum vitrarium postulat, cui crucibulum apertum imponitur, ut inter tres dies integros identidem extrahatur, cum colore debito materiæ imbuatur.

3. Quod si vitrum bene coloratum, quod fermè æquet duritiæ crystallum rupeam volumus; eadem compositione uti licet, & unum auri granum totam tinget massam. Per tres menses in furno vitrario manet crucibulum, tumque sal cui fusio ipsa refertur accepta, paulatim dissilatur. Silices pristina duritiem recuperant; cumque color in igne plenior fiat, unum auri granum tantum efficit, ac tria grana in superiori operatione.

Aurum vero ita paratur; tria grana auri puri in aqua regali unius drachmæ pondere solvuntur, aquæ pluvialis libra affunditur; contrita vitri materia hac aqua perfunditur, donec pulvis consistentiam assequatur; in vase vitreo, aut testaceo, sed non plumbato fit evaporatio ad ignem indefinenter movendo cum spatulâ lignea. Cum exsiccatur materia, alia subinde aqua affunditur, donec massa aquam auro imprægnatam imbiberit, qua industria tantillum auri cum massa permiscetur.

VII. Idem occasione data de gemmis factitiis copiosè disservit, quæ à *Chy.* vitrariis tam aptè effingi solent, ut solo aspectu à genuinis discerni vix *mica*, possint, adeo nativam harum perspicuitatem, & coloris splendorem æmulantur: durities tantummodo gemmarum factitiis deest. Ex iis aliæ sunt teneriores vitro communi, aliæ virri duritiem equant, aliæ denique sili-cum duritiem assequuntur, imo & Smaragdis sunt firmiores, carbunculis vix inferiores. Cæteris ramen gemmis nativis in duritie cedunt omnes facti-tiæ. Ipsa compositio ex partium componentium, quæ scilicet vitri corpus suppeditant, aut fundunt, aut optatum colorem præbent, apta præparatione pender.

Arena alba hac in operatione minimè utendum est, tametsi crystal-li laminis vitreis utiliter adhibetur; qui enim est color in granis qui-busdam arenæ metallicis, has laminas aut specula non inscit, dummodo vitrum sit pellucidum, nec color plus satis emineat, quin & color ille deleri potest, aut imminui adhibito solito medicamine, aut mag-nesiæ, quæ viriditatem nimiam suo colore subrufo temperat, aut sapharæ, cujus cæruleus color nimiam flavedinem diluit. Nam hi duo colores fla-vus scilicet & viridis sunt præcipua vitri vitia. Flavus plerumque oritur ex particulis venæ ferreæ, quæ in arena occurrit: viridis è cupri verà, aut ex nimia cinerum copia, qui in sale, seu in parte materiæ fundente sunt superstites.

Optima igitur gemmis effingendis materies sunt silices; è quibus ignis elicitor: candidi sunt huic rei aptiores. In igne ad rubedinem usque tor-rentur, tum in aquam frigidam coniecti in frustula facessunt: qui in igne aliquem inducunt colorem, sunt abjiciendi, reliqui exsiccantur: iterum exsiccati & tosti in catillo frigida immerguntur, quod quinque, aut sexies iterandum, dum ipsis digitis teri possint. Cum postremo fuerint ca-tillo impositi, non amplius extinguuntur in aqua, sed in mortariolo ligneo, & pilo itidem ligneo triti per cribrum subtile, aut textum cilicinum tra-jecti lavantur; aqua turbida in vas aliud transfusa ibi quiescit aliquandiu, ac tandem aqua clara inclinato vase effunditur; qui limus in imo vasis sub-sidit, exsiccat; hæc est materia vitri futuri, & quasi corpus ipsum, ex quo gemmæ constabunt. In pulverem adeo subtilem, hanc materiem redac-tam oportuit, ut color per minimas ejus partes diffundi posset; secus ma-culæ in vitro forent coloris expertes.

Materia fundens est minium, quod alia non eget præparatione, nisi sola tribratione, ut cum calcinato silice accuratè misceatur. Fundit quidem mi-nium, seu calx plumbi, sed & in vitrum quoque abit, & siliicum fusionem promovet. Tingens materia sunt metalla, aut res metallicæ. Aurum rubrum colorem impertit, ferrum aureum colorem, cristalli æruginis viridem, mag-nesia calcinata colorem violaceum & dilutiorem; Azuli cæruleum; calx stanni opali colorem præbet.

VIII. Qua methodo hæc præparentur fusè explicat D. Homberg, sed longum esset ire per singula, ac dosim cujusque gemmæ propriam definire. Res esset speculatione digna, nec inutilis: sed ipsa tabularia exscribere, aut latinitate donare non suscepimus.

ANN. Cum gemmæ duriores sunt faciendæ, plumbum, seu minium silicibus non admiscetur. Soda vice plumbi adhibetur, eaque aquâ calente bene purgata, & filtrata priusquam colores cum silicibus præparatis miscantur.

IX. Ac ne à proposito longius abeamus, exemplum illustre nobis proposuit D. Homberg die 28 Martii de inauratione ferri, quam difficillimam experiuntur, qui inaurandis artis operibus incumbunt. Non enim aurum ferro applicari potest: rationem hujus veluti antipathie repetit vir laudatus ex uberiore ferri sulphure. Cum enim auri folia ferro applicantur, quod sine ignis calore non fit, tum fumi subriles & sulphurei à superficie ferri erumpentes inter ferrum, & auri folium interjecti obstant quominus auri folium illud proximè tangat: & tamen auri folia cupro vel argento inducta non alia ratione huic adherescunt, quam quod immediatè tangant subiectum sibi metallum, ut fit in duobus marmoribus, quæ ob mutuum & proximum contactum sibi tenaciter cohærent ex sola æris gravitate.

Huic incommodo artifices ea ratione mederi coguntur: ferri superficiem gladio ad hanc rem idoneo variis in locis incidunt; ac frequentes incisuræ & subriles esse debent; tum in calidioribus cineribus ferrum sic reponunt, ut levi rubedine linteum possit afficere; scopis abigunt sordes. Primum auri folium, idque crassiusculum instrumento politoribus usitato; vulgò *Brunisfoir*, sic applicant, ut intra incisuras subeat, horum cuspides extantes folium auri variis in locis pertundunt, quæ eodem instrumento depresso, quasi totidem hamuli folium auri stringunt. Antequam auri folium ferro applicetur, hoc incallescere necesse est, tum ut expellat æra intra incisuras inclusum; secus enim aurum subire non posset: tum etiam ut paululum dilatentur incisuræ, in quibus remittente calore aurum premitur artius, & retinetur firmius.

Huic folia alia tenuiora deinceps apponuntur, ac sibi mutuò agglutinantur, quod proximus sit & immediatus contactus. Quidam artifices ut labori parcant, & tempori, ferrum lima tantummodo præparant; sed cum non satis altæ sint incisuræ ac pauciores sint velut Barbulæ, quæ folium auri stringunt, inauratio illa diutius non perstat.

CAPUT IV.

De Chymicis aliis laboribus.

I. Quæ diximus magna ex parte ad Chymicas operationes revocari possunt: nam Physica & Chymia cum natura, tum utilitate, & tractatione sunt conjunctæ maxime: cum tamen in plerisque vix ullus sit aut furnalis, aut distillationi, aut analysi locus, sed quædam tantummodo corporum affectiones in iis spectentur, ad naturalem scientiam videntur omnino pertinere: nunc quæ propria sunt arti

Spagyricæ, quæque intra hujus anni decursum sunt agitata, breviter exc- *Chy-*
quamur. *mica,*

Hoc anno vertente stîpium analysi à D. Bourdelin eodem studio, quo antea, & eadem diligentia fuit continuata, de qua nihil necesse est sigillatim differere, cum in magno Academiæ opere de plantis præcipuè analyses certa ratione ac methodo à D. Dodart digestæ contineantur. Ineunte hoc anno olea quædam plantarum per iteratas distillationes expurgavit, atque, ut loquuntur, rectificavit: 5 uncias olei 15 uncias cretæ albæ permiscuit, post octo distillationes 5 uncia olei ad duas cum una drachma redactæ sunt; sales simul sumpti ad duas drachmas, & 45 grana. Aquæ omnes rectificatæ ad unciam cum semisse sunt redactæ, quæ cum spiritu salis efferverunt. In unaquaque distillatione oleum extractum eidem cretæ exsiccatæ fociavit: Aqua in unaquaque distillationeeducta sale volatili erat imprægnata.

Fuliginis quoque analysim semel & iterum perfecit. Quinque ejus libræ in tenuem pulverem comminutæ uncias liquoris undecim sale volatili scetas, acidi tamen non expertes præbuerunt; olei 12 uncias cum semisse, salis drachmas quinque.

II. D. Bouleduc de juniperi essentia sermonem habuit, ac subinde monuit eam patari cum granis juniperi contusis, & unâ cum floribus cerevisiæ fermentatis.

III. De vino & tartaro, ac potissimum de natura vini Hispanici mense Novembri dissertationem legit D. Charas, in qua primum illud notat uvarum succum vini naturam & affectiones ante fermentationem non adipisci. Fermentatione ipsa partes illius in magno positæ motu liquidum corpus, nempe vinum procreant; idque à crassioribus secernitur, quæ interiorum vasum superficiem incrustant, & tartari nomen sibi vindicant. Et tamen utrumque illud corpus suis constat partibus tum activis, & volatilibus, sulphureis imprimis & acidis, tum aliis, quæ magis inertes cum sint, suos tamen habent usus: nam actiuas temperant, ac vino idoneam præbent formam. Ex justa partium inter se proportionem, ex cœli & soli natura præcipuè vini dotes ducuntur.

Tartarum vini solidum, quod à vino secrevit fermentatio, duplici constat sale, acido nempe, & volatili, quem acidus uberius fixum effecit. Hęc enim duo in tartaro dominantur; nonnihil phlegmatis, quod distillatione secernitur, perparum quoque inest olei, quod exit una cum phlegmate; terra demum non deest, quæ solutionibus, & filtrationibus ab aliis partibus separatur. Hęc duplicis corporis secretio, quæ fermentatione solâ perficitur, est Chymicæ operatio quædam naturalis; nec aliam postulat præparationem, quam succi expressionem, qui unâ cum scapis & pelliculis in cella vinaria suis vasis conditus fermentescit, & crassiorem materiam in lateribus vasis deponit: hujus materia & basis sunt feces, sic tamen ut partes magni usus in se contineant. Quæ vino accidunt mutationes, & corruptiones, ex partium minus apta proportionem, interdum ex uberiori salis acidici copia, sæpius ex aqua uberiore dimanant, nunquam fere ex parte spiri-

AN. tuosa, sulphurea, & volatili, quæ cum sit incorrupta, reliquas partes à
1696. corruptione vindicat.

I V. Cum in Andalusia, seu Bætica prope fretum Gaditanum versaretur, anno 1683 circa mensem Decembrem, illud præter cætera observavit, vinum non in doliis, sed in magnis urnis asservari, quæ dolium seu modium Parisinum continent: harum orificium lignæ tabula negligeret operiunt, nec timent ne vapescat vinum. Quin & urnæ partes interiores nullo tartaro obducuntur: id enim in Hispania deest, atque è Gallia asportatur, quod uvæ Solis calore sint magis digestæ & excoctæ, quàm in aliis regionibus, quodque in iis est acidum, sic exaltetur, ut in spiritum sulphureum abeat majori aquæ parte exhalata. Quin & terrestrium partium minus inest, quod Solis æstus cuncta efficiat puriora, acidum omne à volatili separet, & partes quæque tam arte cohereant, ut aëri omnis intercludatur aditus. Unde & purior est in his vinis spiritus, quàm in iis quæ abundant tartaro.

Accedit illud etiam terram in iis regionibus nitro abundare. Quod ipse Madritum iter faciens observavit: nam per vallem latè fuscum transiens mense Maio hanc albam & quasi pruina opertam offendit, quam sapore, candore, perspicuitate verum esse nitrum comperit: vapores quippe nitrosi è terra sublari, & noctu in aere densati recidunt. Id vero est suspicatus nitrum licet acidum, suis tamen spiculis retundere tartari feces, easque volatiles efficere, antequam uvæ maturiscant: unde in ardenti siti uno huius vini cyatho hausto cerebrum turbati sensit.

Ex occasione addit vina Hispanica, quæ in Gallia, Anglia, & in vicinis regionibus vaneunt, ex insulis Canariis asportari, ubi succus uvarum statim atque expressus est, excoquitur usque ad quartæ partis imminutionem; vinum Malacense v. de *Malaga*, magis excoctum flavescere; vina Hispanica extra regnum rarò asportari, quod vix incolis sufficiant.

CAPUT V.

De sale Ammoniaco.

I. P AUCIS post diebus D. Charas dissertationem de sale Ammoniaco recitavit ex scripto. Existimabat salem Ammoniacum qualis his in locis habemus, componi ex una parte salis marini, dimidia parte fuliginis: in quinque urinx partibus exsolutis, & filtratis. Humore exhalato massam superstitem coctam in moles rotundas redigunt, quales Venetiis, vel Antuerpia asportari solent: utrum res ita se habeat valde ambigo: nam si bene memini, D. Borel hanc salis Ammoniaci confectiorem nequicquam tentavit: utcumque ea res sit, fuliginem admiscere, in quâ præter salem volatilem quædam inest salis fixi & acerrimi portio.

I I. Id commune est salibus fixis ut acidus ad se rapiant, qui volatiliū sunt quasi æquipondia. Quæ autem acida sunt potentiora, ea non

continuò sunt magis idonea, vix enim ab iis divelli possunt. Unde & sal *Chymica* marinum ad salis Ammoniaci confectionem commode selectus est: nam quod in eo est acidum, & reliquæ ejus substantiæ implicatur, cum novam offendit materiam, cujus meatus suis aculeis sunt magis accommodati, ultro in eos incurrit, & cito deferit volatile, cui erat sociatum.

III. Id veto palam est, salis fixi, ut tartari, aut nitri, aut similium accessu volatiles sales ab acidis statim deferri, ut fixis socientur, ac sal qui calci inest, tamen is facile dissipatur, ubi solus est, aut aquæ soli admiscetur, cum tamen ille partem acidam salis marini offendit, quæ salem urinæ volatilem implicatum tenebat, tum salis fixi munus obit, & salem marinum sinu suo excipit, idque efficit ut sal communis volatilem urinæ salem dimittat, & in pristinam libertatem asserat.

Accedit illud quoque aquam, quæ sales fixos, & acidos diluit, amborum mutuam in se se actionem, & reactionem plurimum adjuvare, eorum nexum arctius stringere, & libertatem salis volatilis procurare. Ac demum juxta salis Ammoniaci compositio, solutio, & variae ejus præparationes pendent ex salium fixorum, acidorum & volatilium apta proportionem, ut simul coëant & separentur.

IV. His constitutis cum sal Ammoniacus utroque sale constet, volatile & acido simul conjunctis, & fixatis, ubi alterutro opus est, ii divelli nequeunt, nisi utriusque communi nexu disrupto. Quod acidum est, & volatile velut captivum tenebat, statim illud dimittit, ut cum sale fixo, aut cum substantia aliqua minerali societatem ineat; in iis quippe potius idoneos offendit, quibus suos aculeos infigat, unde ad fixa illa corpora confugiendum est, cum sal urinosus & volatilis, seu in forma florum, aut concreti salis, seu in forma liquoris est separandus. Nam sal acidus inita societate cum salibus fixis, aut cum minerali aliqua substantia dimittit salem volatilem suis solutum vinculis.

V. Id utique probant variae tum florum, tum spiritus urinosi præparationes, quæ omnes ex hoc ducuntur principio, salis marini spicula in fixis salibus sic desigi, ut salem volatilem deferant, & pars illius non minima in fundo vasis distillatione, aut sublimatione facta remaneret, nisi novus sal fixus, aut alia quædam substantia, quæ salis cuspidem excipiat, de novo adderetur, ut quod reliquum est salis volatilis, odore quidem minus urinoso, sed copioso tamen, & valdè penetranti ascenderet.

VI. Quod si è salis tartari, & Ammoniaci æquis partibus simul permixtis spiritus aut flores urinosos prolicias, distillatione facta quæ remanent in aqua dissolvantur, filtrentur, coagulentur, salem illum dabunt, quo utebatur olim ut Febrifuga Sylvius del Boë. Quin etiam bene exsiccatas & sublimatus in cucurbita terrea dabit flores candidos admodum penetrantes, & grati saporis, quem à parte acidâ salis marini mutuuntur, & ab aliquâ parte acidi quod inest tartaro, quodque sal urinosus volatile fecit. In præparatione salis Ammoniaci, cum cautiones debite adhibentur, salis fixi aut calcis, aut hæmatis, aut limaturæ vel scorix ferri admixtio salis marini aculeos non detrahit, imò ferri permixtio eos magis penetrantes efficit.

AN N. VII. Odor ille croci, qui in floribus salis Ammoniaci se prodit, ubi
 1696. sublimantur cum lapide hæmatite (unde aromatis Philosophorum cognomen traxerunt) ex ferro aut lapide duci posset, si unius coloris haberetur ratio; sed cum sal Ammoniacus solutus in aqua, tum filtratus, & in vase terreo ac plumbato difflatus, sale in fundo superstite candido, eum ipsum odorem vasi ita impertiat, ut cum pluribus aliis decoctionibus vas idem interfuisset, eæ omnes eundem servarent odorem: hinc conjectari licet eum croci odorem à lapide hæmatite non proficisci, sed ab uno sale ammoniaci.

Illud demum observatione dignum videtur, quod accidit, ubi spiritus volatilis cum acido spiritu salis Ammoniaci permiscetur. Nam si lentè unum alteri affundas, licet ambo effervescaut, phlegma tamen inspidum tantummodo attollitur, atque ambo spiritus simul conjuncti suo odore & sapore mutantur, ille acido & pungente sapore, hic odore urinoso. Ubi humor ignis calore exhalavit, in fundo vasis sal marinus subsidit.

VIII. His quædam addere possumus ex præfatione laudata D. Tournesfort decerpta, quæ ad plantarum analysim spectant. 1. Id observat salern Ammoniacum in plantis ex sale volatili & urinoso deprehendi, idque maxime cum solutio calcis, aut oleum tartari admiscetur. Cum autem in plantis sal urinosus cum sale acido semper sit conjunctus, id existimat plantæ alicujus vim salis ammoniaci, vel huic finitimo potius tribuendam, quam spiritui volatili & puro: cum stirpes quæ salern volatilem & concretum præbent, chartam cærealeam, seu heliotropii succo tinctam rubeo colore inficiant, quemadmodum sal ipse Ammoniacus.

2. Hunc salern in gypseis rudibus, & in terra è fornice cellæ vinariæ erasâ post aquæ infusionem diversis rudis lapidibus repetitam extrahi docet. Hæc enim aqua una cum oleo tartari, vel calcis solutione permista odorem sulphureum emittit. Quin & calcis solutionem albam efficit, ubi sublimati corrosivi solutio addita est, uti fieri solet à sale Ammoniaci: Sale tamen alcali acido, & nitroso imprægnata est hæc infusio. Terra agri, aut horti aquam simili modo affusam iisdem salibus imprægnatam præbere, ex quibus id colligit naturalem quemdam terræ inesse salern, qui de nitroso, & marino, & Ammoniaci participat, vix ulla acidi præbet indicia.

3. In his terræ infusionibus plus inesse salis Ammoniaci arbitratur, quàm prima specie videatur, idque colligit ex odore illo urinoso qui se prodit, & ex colore candido quem solutioni calcis & sublimati impertit. In foliis uberior sæpe est sal ille Ammoniacus; radices & fructus acidum ultro ad se trahunt, oleum in seminibus uberius, phlegma per universam plantam diffunditur.

IX. Ac de salis Ammoniaci compositione, analysi, & usu satis multa: nunc de aliis operationibus Chymicis pressiori stylo agendum. Prima occurrit rudern veterum analysi à D. Bouleduc facta. Id quidem in mentem ejus venit, an forte spiritus nitri è vetustis rudibus extrahi posset. Cum enim in eo spiritu extrahendo opus sit aliquo intermedio, illud à naturâ ipsâ conjunctum videtur: veteres itaque lapides gypseos inter rudera

æra elegit : libræ 16 in pulverem contrusæ leni igne exsiccatæ ad 12 libras redactæ, testacæ retortæ bene lutatæ, ut loquuntur, sunt impositi; in reverberii furno conclusæ : levi ignis calore 12 unciaz phlegmatis prorsus insipidi stillarunt ; ubi vapores apparuere, detracto phlegmate vas vitreum & Sphæricum aptavit, igne per gradus subiecto, ut in spiritu nitri eliciendo fieri solet, quamdiu vapores visi : vasis refrigeratis & apertis 7 ferè unciaz spiritûs, à vulgari nullo modo discrepantis inventæ sunt.

Caput mortuum cum falsum videretur, pars ejus lixivio, filtratione, & exhalatione præmissis materiam falsam præbuit.

Ex hoc experimento non aliud quiddam colligitur, nisi id unum, quod ex vetustis ruderibus salpetræ educi possit, etsi nullo pene fructu.

CAPUT VI.

De quibusdam aliis experimentis.

IDominus Hombert de quorundam vitrorum solutione in aquosis liquoribus egit. Ac primum id observarum ab eo, nullum nobis præsto esse liquorem, qui vitrum commune dissolvat : & tamen sæpe accidere ut in phialis vitreis interiores parietes à liquore in iis contento innumeris rimis incisi appareant, adeo ut amissa perspicuitate vel digitorum levi pressione evadant friabiles : quin & liquor contentus interdum est aqua simplex, sæpius est spiritus acidus, & causticus.

Duo tantum vitrorum genera huic destructioni sunt obnoxia ; quæ scilicet uberiore quàm par sit sale, aut metallo abundant. Vitro autem communi non plus salis admiscetur, quàm necesse sit ad illius fusionem ; & factis diu in igne fornacis permanet, ut sales ex æquo per totam vitri massam diffundantur : unde huic incommodo non subiacet ; uti nec vitra colorata, in quibus perparum inest metallicæ materiæ.

Id quidem notum est, quod diutius vitri materia in catillo, aut olla detinetur fusa, hoc vitrum esse magis pellucidum, dummodo non obstat vitri materia ob nativum colorem.

I I. Id quoque est exploratum, arenam in igne non liquari nisi salium fundentium ope, & quorundam salium copiâ vitri colorem, si quis sit, detrahi : adeo ut crystallum rupeam interdum candore & specie superet : hinc sit ut artifices sæpe tantam salium copiam apponant, ut particulæ silicum, & arenarum pauciores sint, quàm ut sales omnes complecti possint, & tegere ; unde particulæ salis paulatim solvuntur ex liquoris aquei contactu, atque humore imbutæ intumescunt majorem quàm antea locum occupant, & vitri cellulas, quibus continentur, tandem dirumpunt. Sic aditum parant humori extrario, ita ut salina corpuscula vitro circumposita tangat ; quousque ad calcinationem integram ventum sit ; idque à liquore etiam insipido, imo ab humido aëre interdum proficiscitur.

I I I. Quæ vitra metallicâ materiâ abundant, ab acidis tantummodo li-

AN N. 1696. quæribus, qui metallum exedunt, calcinantur: nam corpuscula metallica toto vitri corpore dispersa ex contactu dissolventium immediato soluta intus mescunt eo quo diximus modo.

IV. Mense Aprili observationes aliquot circa vitrum antimonii non spernendas proposuit. Primum illud animadvertit vitrum antimonii more solito paratum inter emetica præcipuo loco censeri. Quæ quidem vis emetica non ex ipso stibio est repetenda: nam illud vomitum non eiet, sed ex ipsa oritur vitri præparatione, qua quibusdam partibus destructis, quæ reliquæ sunt male coherentes, à succo ventriculi ita dissolvuntur, ut membrana interior ventriculi, his aculeis irritata ad eas convulsiones incitetur, quæ vomitum efficiunt.

Quandiu enim partes antimonii integræ perstant, arctius inter se colligantur, quam ut divelli facile possint: sed quibusdam ejus partibus destructis, quæ reliquæ sunt, non eo, quo prius ordine conjunctæ aditus præbent dissolventi liquori per eorum interstitia subeunt. Pars autem illa quæ ignis vi destruitur, est sulphuris acida portio, ita ut pars altera sulphuris pinguis & terrena cum sale fixo permaneat. Succus ventriculi salem illum fixum solvit, ac menstruum fit, seu dissolvens partis illius sulphureæ & mutilatæ, quam pinguem esse diximus, imo & aliarum partium sulphuris: hinc convulsiones & vomitus oriuntur. Et quidem pars illa pinguis & salina potest à vitro separari, adeo ut vim omnem emeticam exuat.

Quò id præstaret, ita processit D. Homberg: spiritus acidi à quercu elicit libram unà cum duobus uncis vitri antimonii in pulverem comminuti posuit per 8 dies in digestionem; spiritus rubeum colorem induit, tum à vitro fuit separatus; vitrum exsiccatum iterum fudit, postquam id in pulverem redegit, novum affudit spiritum quercinum, una digerendum, idque repetitum est quinque, dum spiritus quercinus nullum colorem amplius exhiberet. Vitrum adhuc fustum & vino infusum vi omni emetica erat destitutum; spiritus illi omnes tincti rubedine omnem aciditatem posuerant, priores vero dulces erant & adstringentes.

V. Illud admodum est verisimile rubedinem illam ex parte pinguiori sulphuris inflammabilis produsse; salsum saporem è lixiviali sale & fixo hujus sulphuris oriri, qui cum acido sale spiritus quercini mistus tertium genus salis effecit, ut fieri solet, cum acidi sales fixis & lixivialibus admiscetur; dulcedo autem illa adstringens non aliud quiddam videtur esse quam solutio partis metallicæ antimonii à spiritu acido profecta: quod in aliis videre est metallis, quæ hic spiritus potest exsolvere.

Antimonii communi vitro vinum infusum vim acquirit emeticam, quod vinum stibii sulphur inflammabile ex parte dicitur offendat, & alias ejus solvat moleculas, quæ solutæ vomitum creant, ut diximus. Sed ubi partes illius sulphuris avolarunt à vitro, tum vinum his destitutum alias stibii partes non valet dissolvere, atque in postrema digestionem vinum idem manet quod antea omni vi emetica destitutum.



CAPUT VII.

De Botanicis & Anatomicis.

I. **P**roximum est ut de re herbaria perpauca dicamus : plantas complures D. D. Marchant & Tournefort, cum earum descriptionibus ut annis superioribus protulerunt ; quarum analysim D. Bourdelin exhibuit ; ac tandem earum historiam certo ordine digestam, & varia eruditione ac critica illustratam in unoquoque congressu legit D. Dodard. Si quando stirpium usus idonea auctoritate munitus occurrit, is minimè fuit prætermisus. Eo quippe spectare naturæ debet inquisitio, ut ad hominum utilitatem referatur.

Exemplo sit opium ipsum è papavere expressum, de cujus usu tam varia & multiplices fuerunt Medicorum sententiæ, non solum ob ætatis, sexûs, temperamenti varietatem, sed etiam propter morborum causas tam multiplices, ut vix certum quid & exploratum constitui potuerit, sed incertis conjecturis subnixi vel præstantissimi Medici ejus usu ut periculo interdixerint. Quid vero de hujus succi natura & usu sentiendum esset D. Charas non ex aliorum testimoniis, sed ex seipso & propriis experimentis edoceri voluit : cum esset bene constituto & sano corpore usque ad 6 & 11 grana opii sumere ausus est. Qua de re in sua Pharmacopœa pluribus disseruit.

II. Ac nuperrimè cum diurno morbo paucis ante obitum annis laboraret, cumque debilitatis viribus, & exhaustis spiritibus multum sudaret, ac pruritu importuno vexaretur, nulla corporis parte affecta, granum unum opii sumere singulis diebus statuit, quo quidem vires suas sustentari sensit, cum magna animi tranquillitate citra ullum affectum soporiferum. Arque ut continui sudores somnum fortè prohibuerint, postquam convaluit, eadem opii dosi uti non desit nullo inducto sopore. Illud vero imprimis animadvertit quacumque hora opiumsumeret, eodem semper esse ejus effectus ; imo adstricta alvus non fuit, nec dejectus vini aut cibi appetitus, omnis febris expers. Ex prurigine quæ sudores excipiebat, conjectatus humores acres & corrosivos id morbi procreasse, quos natura per sudores excernebat, hunc naturæ motum sequi oportere judicavit.

III. Vix tamen uni opii grano tantam inesse vim censebat, ut noxios humores foras extruderet : tametsi diaphoreticum esse hoc opii sulphur crederet : sed postquam recuperata sanitate, & non interrupto opii usu sudores cessare advertit, ab eo sudores non excitari persuasum habuit. In ea quidem non erat sententia eisdem opii effectus in aliis quibusque hominibus producum iri, sed quid natura valeat in plerisque morbis efficiendis, qui videntur irregulares, & ab omni specie veri alieni, diligentius advertere non otiosum erit, aut inutile, nec opii usus adeo suspectus esse debet, ut plerique sibi persuadent.

Ggg ij

ANN.
1696.

IV. D. Tournefort in præfatione laudata existimat ab opio aut pro-
duci, aut secerni in sanguine liquorem illum qui somnum conciliat: cum-
que dosis præbetur idonea, sic fundit sanguinem, ut rori illi benigno quo
ligantur spiritus, procreando sufficiat. Quod si ultra quàm par sit, augeat-
ur dosis, serosus humor spirituum motum perturbat ac sæpe hinc soporosi
prodeunt affectus.

De natura & origine cochenillæ quædam orta est controversia, an
granum esset, ut D. Rousseau scripserat, an potius insectum quoddam,
ut D. D. de la Hire & Tournefort videbatur. Hic mense Februarius
epistolam accepit à P. Plumier, ex insula S. Dominici missa, qua In-
sulæ præfectum ab Hispanis accepisse scribit, insecti quoddam genus esse
quod opuntiz & quibusdam aliis plantis adnascitur; quin & D. Rousseau
qui contrarium scripserat D. Domo ingenuè fassus est, se ex quorundam
narratione id accepisse.

Die 4. Julii D. Tournefort cariophylla vino albo insula exhibuit. Horum
flores in formam rosarum sunt dispositi, sætus formatur in calice, qui radiofo
tegumine unde prodeunt ramuli, induitur.

V. Cum de malignis febribus, quæ Aprili mense sæviebant, sermo ha-
beretur, D. Bouleduc ait Rutam Saccharo conditam nimium esse inter optima,
quæ hos morbos avertunt, præsidia.

Ne illud quidem tacendum quod D. Marchant admonuit, cum ana-
lysis herbæ cujusdam quæ à G. Bauhino ornithopodium radice tuberosa
appellatur, coram adhiberetur, Dalecampium testari se experientia edoc-
tum hanc stirpem adversus calculum, aut renum sabulum optimum esse
remedium.

VI. Cum etiam de gangliis, aut tuberculis, vulgo, *Loupes*, sermo
haberetur, D. Galloys mulieri pauperi non ita pridem tuberculum in genu
sanatum ait, mane & sero urinâ applicarâ, quæ diu cum sale communi ebul-
lierat ad consistentiam mellis, atque intra sex hebdomadam spatium curatio-
nem esse factam. Cum etiam ageretur de distillatione in thoracem, D. Gal-
loys se à Domino Regis accepisse ait, sanatum cum fuisse jusculorum &
canceris usu, idque ex Malpighii consilio.

VII. Mense Februario de perspiratione insensibili actum fuit à D.
Dodart, ac de experimentis à Sanctorio per 30 annos hanc in rem factis;
quæ cum Sanctorius sic proferat, quasi ætatis diversitas nihil afferat disci-
minis, hæc sibi aliquantulum suspecta, nec satis firma ad fidem faciendam
videntur. Nam à 33 annis eadem experimenta usurpans id comperit, perspi-
rationes senescente corpore minùs copiosas esse, easque esse parciore, ubi
cum iis, quæ per vias naturales excernimus, conferuntur. Qui enim ea-
dem cibi quantitate vescitur, multo minus perspirat in senectute, quàm in
juventute, sed multo plus per excretionem sensibiles, & vias naturales
emittit: quod utique de seipso expertus est in utroque statu. Idque rationi
videtur consonum: nam ingravescente ætate pori densiores fiunt, & magis
contrahuntur: tum verò calor nativus in dies debilitatus non amplius
suppeditat particulas adeo subtiles, quæ cæcos illos meatus penetrant. Hinc
parciore est occulta transpiratio, atque uberior materia per vias naturales se-
cernitur.

VIII. Paucis post diebus D. Mery duos musculos in avibus exhibuit, *And: tom.* qui palpebram anteriorem ad majorem oculi angulum retrahunt : ex his unus à posteriori globi oculi parte suam ducens originem, interiori palpebræ inferiori ad partem inferiorem majoris anguli ; alter musculus à parte posteriori orbitæ ortus , & per globum oculi ascendens inseritur interiori palpebræ supra majorem angulum.

Mense Januario in musculo quodam fibras carnosas & tendineas à se mutuo separatas ebullitione prævia ostendit, non secus atque epiderma seu cuticula à pelle divellitur. Id quoque in conspectum dedit è fibris tendineis quasdam formari vaginas, quæ separatim involvunt fasciculos carnearum fibrarum, ac subinde fibras cujusque vaginæ transversim secate fibras carnosas.

IX. Hac occasione data suum de structura & motu musculorum systema proposuit. De structurâ jam diximus, musculum nimirum esse partem corporis organicam, quæ ex multis fibrarum carnearum fasciculis constat, è quibus venter musculi conflatur : ab origine sua quæ caput appellatur, obliquè feruntur ad locum suæ insertionis, quæ cauda dici solet : eæ quidem sunt contractionis capaces, non ex seipsis, sed ex spirituum affluxu, quibus penetratæ insistantur.

Omnes illos fasciculos involvunt fibrillæ quædam elaterio præditæ, & transversim positæ, eæque quasi vaginulas efficiunt membranosas, quibus singuli fasciculi obvoluti ab aliis separantur. Eæ quidem fibrillæ elasticæ per se contrahi possunt, ex accidente tantummodo distenduntur, eæque indivulsæ cum tendinum fibris per musculum sparsis coherant.

Tendines è fibrarum congerie coalescunt, quæ fibræ per totum musculi corpus in longum protensæ in utroque extremo colliguntur. Eæ quidem nec elaterio, nec contractione donatæ, ac ne extensionis quidem sunt capaces, nisi vis magna adhibeatur. A fibris carnis coctione ipsæ divelluntur ; magno quidem atq;umento cum iis non esse continuatas, ut vulgo creditur.

Postremo musculus suis donatur nervulis, per quos spiritus animales deferuntur, suis item arteriis, quæ sanguinem in venas transmittunt : partes illæ omnes membranis muniuntur, quibus alii ab aliis secernuntur musculi.

X. Perspectâ musculi structurâ motus illius utcumque concipi, & explicari potest. Ubi animal se ad partem aliquam movendam determinat, spiritus in fibras carneas musculi mittit, quibus inflatæ statim contrahuntur, & fibras tendineas caudæ adducunt, unâ cum parte corporis mobili cui tendo est illigatus. Cum autem hæ fibræ intumescentes minis fiant obliquæ quàm antea, cum laxiores erant, spatiola inter eas interjecta nonnihil augentur ; neque ea replere possunt fibræ illæ carnes etiam inflatæ à spiritibus, ac proinde laxiores essent musculi, nisi fibræ carneæ à se invicem divulsæ sanguinem ab arteriis exciperent, qui vacua spatiola repletet. Sanguis enim uberior ex arteriis compressis exiens interjecta inter fibras implet spatia, eo majore nisu, quò aër unâ cum sanguine permistus majorem affectat dilationem, ubi ex angustiori loco in ampliore migrat.

AN. Quare motus musculorum non tantum à spiritibus pendet, sed etiam à sanguine & aëre, quibus illi intumescunt.

1696.

XI. Quòd si igitur spiritus animales in eos ferantur musculos, quibus brachium flectitur, tum ii contracti flectunt brachium, & secum trahunt eos musculos quibus brachium extenditur. Idque fit duplicem ob rationem, primum enim fibræ transversæ elasticæ, quæque corpus musculi flectentis pervadunt, obistere non possunt tensioni quam spiritus, aër & sanguis efficiunt in fibris carneis, illæ adeo producuntur, & sunt obliquiores quàm antea, dum trant laxiores. Deinde pauciores spiritus in musculos extensores illabuntur, quantum sufficit eorum vitæ: neque adeo satis habent virium, ut motui flectentium musculorum resistant. Sed ubi cessant spiritus in musculos flexores brachii illabi, atque in extensores feruntur, tum his contractis alii laxantur. Horum enim fibræ elasticæ vim spirituum, quæ carneas fibras inflabant, non amplius sentiunt, & contractiores factæ spiritus animales poris fibrarum carnearum inclusos expellunt. Dum carneas ante divulsas propius adducunt, sanguinem adeo & aëra ex spatiis interjectis in venas remeare cogunt, atque ita musculos in naturalem statum restituunt: secus ab antagonistis contractis produci, aut distendi non possent.

XII. Ex quibus palam est triplicem motum in musculis distingui oportere. Primus est voluntarius, qui contractionis dicitur, quique ex spirituum affluxu proficiscitur, & ex animæ nutu pendet. Secundus est naturalis, cum fibræ carneæ relaxantur, idque earum fibrarum ope, quæ sunt elaterio donatæ; quæque fibras carneas constringunt citra violentiam ullam. Tertius musculi motus est quodammodo violentus, cum ab antagonista suo distenditur: nam musculus omnis ab antagonista contracto extenditur. Ista quidem magnam præ se ferunt probabilitatem; neque aliud quæri debet in re admodum obscura, qualis est motus musculorum; structura vero eorum magis est explorata.



SECTIO OCTAVA.

De rebus Mathematicis.

A Physica ad mathesim commodus erit transitus per Astronomiam, quæ ex utraque videtur constare, quæque hoc anno imprimis exulta fuit; ab iis quæ magis sunt ex usu, ducamus exordium.



CAPUT PRIMUM.

De Astronomicis.

I. **D**ominus Cassinus redux ex Italia quas in itinere fecit observationes, & eas imprimis quæ ad præcipuarum urbium, per quas ite fecit, longitudes spectant, coram exposuit. Ac præter cætera animadversiones suas in canonem Paschalem Hyppoliti Portuensis Episcopi sub finem Aprilis è scripto recitavit.

Inter monumenta quibus Bibliotheca Vaticana exornatur, illud insigne est, marmorea statua S. Hyppoliti Martyris in cathedra sedentis, prope cathedram ejus operum catalogus & Canon Paschalis Græcis litteris exarati leguntur. Nulla ejus Canonis extabat ante memoria, nisi in quibusdam autoribus, cum è ruderibus cujusdam oratorii hæc S. Hyppoliti statua eruta fuit, & in Bibliotheca Vaticana collocata studio Cardinalis Corvini, qui postea summus fuit Pontifex Marcelli II. nomine. Hujus Canonis epocham & illius cum aliis magis celebratis, necnon cum Tabulis Astronomicis collationem, ac methodo nunc usurpata post Gregorii XIII. correctionem D. Cassinus intento animo est contemplatus.

II. Hic Canon in duas est divisus partes: quæ ad dextram Cathedræ posita est, Lunas decimas quartas & Paschales Cycli 16 annorum continet, cum diebus mensium Martii & Aprilis quibus eæ contingunt: ferias quoque indicant & dies hebdomadæ, quibus in diversis Cyclis inciderunt. Variatio omnis intra 66 annos absolvitur: etsi tabula ad 112 annos continuatur. Altera tabula quæ ad sinistram est collocata, dies Paschatis cujusque anni complectitur. Priori tabulæ hic est titulus, ut à Patre Bucherio Latine translata fuit.

Anno primo Imperii Alexandri Imperatoris facta est decima quarta paschalis idibus Aprilis, Sabbato, cum mensis Embolisimus fuisset: sequentibus annis continget, sicut in tabula subjectum, in præteritis autem evenit, sicut indicatum est.

III. Ex iis colligitur eam tabulam eodem anno qui primus fuit Alexandri post 14 Lunam Paschalem fuisse conditam: eaque quam potuit accurate, ut ferebant ea tempora, fuit definita. Unde inter omnes pene Chronologos jam constat annum primum Alexandri Severi incidere in annum 212 à nativitate Christi, etsi plerique Chronologistæ ad annum Christi 224 cum annum produxerint. Nam Idus Aprilis, seu dies 13 hujus mensis tum die Sabbati non inciderunt nisi annis 216, 222, & 231. Atque hoc ipso anno 222 media Lunæ cum Sole conjunctio die 30 Martii, nempe 14 diebus ante diem 13 Aprilis contigit. Quamobrem dies ille merito pro die 14 Lunæ sumi potuit, quæ juxta Canonem S. Hyppoliti non potuit alia

ANN. die Sabbati, & die 13 Aprilis occurrere, nisi 56 annis vel ante, vel post hunc annum. Iraque annus Christi 222 idem fuit primi Alexandri Imperatoris, & primus Cycli S. Hyppoliti.

IV. Neque Epochæ tum aptior Calendario Romano seligi potuit: Nam primus dies anni 222 idem fuit primus Lunæ, seu primus post mediam conjunctionem Lunæ cum Sole, quæ pridie contigerat. Atque hinc numerando menses Lunares alternatim plenos 30, & cavi 19 dierum, conjunctiones sequentes occurrunt, 30 Januarii, 28 Februarii, & 30 Martii. Sic primus dies Martii, idem quoque fuit primus Lunæ, quod Epochæ calculum præbet percommodum, ut sequentes lunationes facile determinari possint ex Tabulis Astronomicis. Die 28 Februarii una hora ante meridiem & 7 minutis Romæ contigit. Quæ Epochæ non minus apta est Calendario Romano, quàm ea quæ à Julio Cæsare selecta est anno 44 ante Epocham Christi. Quando annum Romanum, qui erat Luni-Solaris, ad Solarem simplicem redegit, eumque diebus 365 $\frac{1}{4}$ constituit. Primum annum à solstitio Hyemali numerare potuisset, unde sequentes anni incēpissent: sed maluit Cæsar primum annum ducere à media Lunæ cum Sole conjunctione, ut ex hac Epochæ dies Lunæ, quibus consequentes anni inciperent, facilius haberentur. Inter Epocham Julii Cæsaris anno 44 ante Christum & Epocham S. Hyppoliti, quæ 222 post Christum accidit, intercedunt 266 anni, quorum primus fuit Bissextilis, postremus à Bissextili secundus. Ex Tabulis Astronomicis liquebit novilunia anni 227 post Christum prævertere novilunia anni 44 ante Christum, qui vulgo habetur 45, octo horis, & 21 minutis.

V. Est igitur magna quædam periodus inter Epocham Julii Cæsaris & Epocham S. Hyppoliti, eaque est 266 annorum. Hæc constat 14 periodis 19 annorum, seu tribus periodis Calippi, quarum singulæ sunt 76 annorum, eque 19 annos Bissextiles continent. Periodus quidem 19 annorum quæ novilunia ad eosdem dies anni Solaris revocat, quæque Methoni Atheniensi tribui solet, longe ante ea tempora nota fuit, neque adeo erat sancto præfui incognita, etsi ea est multo accuratior: unde illius tantummodo meminit. Quod enim ait in ipso titulo quarti Paschatis: *In præteritis autem evenit, sicut indicatum est*, magno id est argumento eum Cyclum jam ante in usu fuisse: id enim evenire non potuit, nisi hoc Cyclo, vel alio ejusdem rationis usurpato.

Reliqua omitimus ubi priorem tabulam S. Hyppoliti ad calculum revocat, & inito calculo ostendit methodum Gregorianam cum veterum methodo in hoc convenire, quod in utraque primus dies lunæ censeatur non conjunctionis mediæ, sed diei proxime sequentis, idque ex usu veterum, qui à prima Lunæ phasi dies mensis Lunarum numerabant.

In posteriori tabula festa Paschatis designantur, ac semper Pascha die Dominica celebratur, qui vetustissimus est Ecclesiæ ritus à Pio I. & Victore acriter propugnatus, ut à decessoribus suis constanter observatus in memoriam Resurrectionis Dominicæ.

Cum dies 14 Lunæ incidit in Sabbatum, Pascha non die insequenti, qui

qui est 15 Lunæ, sed in alteram diem Dominicam differebatur, quod nolent eo die Pascha celebrare, quo crucifixus est Dominus: id vero nunc temporis non obtinet. Alexandrini Episcopi Paschatis diem post Nicenum Concilium determinare soliti, quod Astronomiæ studium Alexandriae floret, Cyclos Paschales condiderunt.

V I. Post S. Hyppolitum alter Cyclus 84 annorum priori 16 annorum fuit substitutus. Hujus Cycli veram Epocham ad annum Christi 198 refert Eminentiss. Cardinalis Noris ex vetusto exemplari, quod publici juris fecit. Ab Epochâ S. Hyppoliti distat 76 annis, quæ est Calippi periodus; ab Epochâ Julii Cæsaris distat 18 cyclorum decem-novallium numero: adeo ut inter cyclum Julii Cæsaris, S. Hyppoliti, & periodi 84 annorum sit quædam connexio. In hac postrema Epochâ novi-Lunæ non anticipant habita ratione Epochæ S. Hyppoliti nisi 5 hor. 50 min. quibus dies non variatur, adeo ut 13 Aprilis sit itidem 14 Lunæ, ut in tabula Cardinalis Noris videre est, ubi 17 Aprilis dies Paschatis est 18 Lunæ.

V II. Triplici huic Epochæ quartam addi posse existimat D. Cassinus, quæ est anni 32 Epochæ Christi, seu primi ab ejus Resurrectione. Hoc enim anno media Lunæ conjunctio incidit in primum diem Januarii, in meridie Romæ habita ratione. Ab Epochâ Julii Cæsaris distat intervallo periodi Calippicæ, atque hæc Epochâ uti solet D. Cassinus in Computis Chronologicis.

V III. Hoc argumentum prosecutus est die 21 Julii, ubi annotavit errorem Scaligeri in Commentario quem edidit anno 1595 in Canonem Paschalem, & correxit in editione alterius anni 1598. Ex eo error Scaligeri ortus fuerat, quod non advertisset Ecclesiam Latinam olim non celebrasse Pascha die 15 Lunæ, cum incidebat in diem Dominicum. Eandem adhibet correctionem, quoties in tabula S. Hyppoliti Pascha occurrit die 22 Aprilis loco 15 quando fuit dies Dominicus. Sed in altera editione anni 1693 suum ipse agnovit errorem, ac verba Victorini subinde refert, qui hæc habet. *Sin autem die Sabbati plen-Lunium esse contingeret, & consequenti Dominico Luna Decima quinta reperiri, eandem hebdomada transmissa in alterum diem Dominicum, id est, Lunam vicesimam secundam transferri debere Pascha dixerunt.* His allatis Victorini verbis ita concludit Scaliger: *Ergo cognitionem hujus vetustæ rei Hyppolito nostro uni acceptam referimus.* Deinde correctis erroribus, quos ipse in priori editione in tabulam S. Hyppoliti induxerat, hæc addit: *Pulcherrimum igitur est hoc sanctæ vetustatis pignus, in quo operam non lusimus, cum ex illa didicerimus, quæ aliunde non poteramus.* Tum Gregorii Turonensis locum profert, ex quo manifestè colligitur hanc consuetudinem transferendi Pascha à die Dominico 15 Lunæ ad diem 22 Lunæ adhuc anno 588 in Ecclesia Latina viguisse. Quæ translatio Paschatis in Cyclo 84 annorum se prodit, ubi undecies intra illud annorum spatium festum Paschatis transfertur: sed de his iam satis, plura fortasse in suo Calendario olim dabit D. Cassinus.

Die 11 Augusti Calendarium in lamina argentea utrimque insculptum.

H h h

*Astro-
nom.*

ANN. exhibuit, quo dies cujusque hebdomadz, die proposito cujusque anni Juliani & Gregoriani invenitur. Quod Calendarium faciendum jussit rogatus à quibusdam nobilibus Anglis.

CAPUT II.

De solstitio Hiemali.

I. **D**Ux hoc anno contigerunt Lunæ eclipses, prior die 16 Maii, secunda die 9 Novembris. D. Cassini filius die 16 Junii varias è diversis locis missas observationes ejusdem eclipsidis protulit, & inter alias P. Fontanæ Theatini ab Eminent. Cardinali Janfonio missas, & eo coram factas.

Die 9 Novembris altera contigit Lunæ eclipsis, quæ Lutetiz videri non potuit, quod cælum esset nubibus obductum, sed observationes factæ Avenione & Rupellæ lectæ sunt à D. D. Cassino & de la Hire, quæ collatæ cum calculo D. Le Fèvre cum eo ita consentiunt, ut medium eclipsidis Rupellæ observatæ uno tantum horæ minuto à prædicto calculo dissideat.

II. Die 22 Decembris observationes suas circa Hiemale solstitium peractas recitavit D. Cassinus. Sol quidem tum temporis maxima planetarum parte erat comitatus: nam omnes fere planetæ signa Tropico proxima post Solem tenuerunt, non simul, sed alii aliis succedentes. Jam autè biennium Saturnus signum Capricorni occupabat, ex quo exeunte Januario anni consequentis egressurus erat post suam cum Sole conjunctionem. Venus die 28 Novembris idem signum ingressa, ibi cum Marte conjuncta est in longitudine die 9 Decembris, cum Saturno die 19 ejusdem mensis, atque hoc ipso die 22 Decembris hinc egressa.

Mercurius eodem mense Decembri Solem comitatus est in signo Sagittarii, quos ingressus die 11, cum Luna conjungendus die 23, die 1 Januarii hoc signum deserturus.

Luna post illam cum Mercurio conjunctionem Soli die 24 socianda, cum Saturno, Marte, & Venere die 26 copulanda, sed ob latitudinem borealem hos planetas non teget: Solus Jupiter ab iis syzigiis remotus manet in signo Libræ; planetæ reliqui omnes in hac Luna solstitiali minus quam unius signi spatio removentur.

Annales Sinenfes à P. Martini relati concursus 5 planetarum in eodem signo meminerunt: sed D. Cassini in dissertatione peculiari, quam vir Nobiliss. & Doctiss. D. de la Loubere publici juris fecit in relatione sua de regno Siamesi, demonstravit id accidere non potuisse, nisi quingentis annis post tempus quod huic observationi tribuitur juxta eam methodum, qua ad nostram refertur epocham.

III. Omnem diligentiam ac studium adhibuit D. Cassinus, ut quam fieri posset, plurima ex his phænomenis tempore minus commodo ob-

servaret : nam cœlum ante mensem perſepe nubibus obductum obſtabat. *Aſtro-*
In id potiſſimum incubuit , ut planetarum conjunctiones in eodem paral- *nom.*
lelo deprehenderet , quæ obſervationes ſunt certiores & clariores , quod
planetarum temporis quotidiana ſua revolutione per aperturam tubi optici
ad primam ſtellam illam tranſeuntem directi , & in eodem ſitu immobilis
in conſpectum veniant.

Singulas obſervationes commemorat D. Caſſinus , primam Martis &
Veneris die 25 Novembris. Atque hinc differentiam inter Aſcenſiones
rectas utriuſque planetæ eruit 7 grad. 25 : ſed Mars verſus Auſtrum ma-
gis declinabat , quam Venus : unde concluſum ab eo fuit fore ut per
Veneris parallelum tranſiret matutino tempore , die proximo ſequenti : ſed
eo die cœlum omnino nubilum fuit , ac Barometrum ſimplex , quod tempo-
re obſervationis ad 27 dig. & 8 lin. altitudinem aſcenderat , eo die tanta ce-
leritate deſcendit , ut digiti latitudinem intra ſeſqui-diem percurreret , idque
tantummodo altum foret 26 dig. & 8. lin. Quæ in loco obſervatorii eſt
minima fere hydrargyri altitudo : nec tamen ulla in aëre facta eſt mutatio
ſenſibilis.

IV. Nocte ineunte per ſudum tempus utrumque planetam licuit
obſervare , atque ita per complures dies eorum ſitus & loca explorans ,
& comparatione facta inter obſervationes dierum 7 & 12 Decembris
comperit Veneris Aſcenſionem rectam intra 5 dierum ſpatium antever-
tere Aſcenſionem Martis 10 min. 24. ſec. ita ut unoquoque die 2
min. 4 ſec. variaret Aſcenſio , atque omnibus rationibus riſe ſubductis
invenit die 9 Decembris hor. 18. $\frac{1}{4}$ conjunctionem Martis & Veneris con-
tigiffe.

V. Sic die 21 Decembris poſtridie ſolſtitii , cum mane ſerenum eſſet
cœlum , viſus eſt Mercurius major ſolito , & plane rotundus , tamenſi fal-
catus apparere debuiffet , cum inferiorem ſui circuli partem occuparet
idque vaporibus circa horizontem ſuſis tribuendum exiſtimat D. Caſſinus.
Tubo optico & pedum ſuis ſilis inſtructo differentia Aſcenſionis rectæ Solis
& Mercurii ſumpta , tubo in eodem ſitu relicto , dum ſol per eundem cir-
culum horarium tranſiret , quæ differentia inventa eſt unius horæ 13 min.
52 ſec. paulo major quam tabulæ Ephemeridum Argoli exhibeant , &
propior calculo Ephemeridum Meryavachy , quæ hac in re multo ſunt
accuratior.

VI. Ineunte hoc anno D. Maraldi diſſertationem è ſcripto recitavit de
variis mutationibus , quæ circa magnitudinem ſtellarum apparentem accide-
runt juxta veterum Aſtronomorum obſervationes.

D. Caſſinus die 23 Junii obſervationes ſuas legit circa tranſitum Martis
per Jovis parallelum. Idem die 1 Septembris ſcriptum legit de duabus falciis ,
iſque non antea viſis , quas in Saturni globo detexit.

VII. D. Chazelles obſervationes à ſe factas annis 1754 & 54 in variis
maris Mediterranei locis , quod juffu Regis Chriſtianiſſimi obſervando
peragravit , cum Academia , cui jam antea adſcriptus fuerat , communica-
vit , ex quibus urbium aliquot longitudines & latitudines eruit : primum Me-
litam ſe contulit , de cujus longitudine & latitudine jam ſupra diximus. Ex

A N N. insula Melitenſi in Cyprum profectus Larnæ die 29 Decembris latitudinem 1696. invenit 34 gr. 54 min. 54 ſec.

Alexandriam deinde Syriæ, vulgo *Alexandrette* petiit, ubi Solis & Lunæ, ac ſtellarum quaſdam Meridianas cepit altitudines à die 8 Januarii 1694 ad diem 18. Primi ſatellitſ immerſiones & emerſiones aliquot designavit, nec non pyxidſ nauticæ variationem 14, 50 in eaſdem mundi partes. Die 8 & 9 Martii latitudinem Damietæ reperit 31, 21; variationem pyxidſ 12, 30 inter Boream & Zephyrum, ut alias omnes.

VIII. Cæſtri à 19 Martii ad 8 Aprilis uſque complures fecit obſervationes circa Solis, Lunæ, ſtellarum altitudines Meridianas, emerſiones primi ſatellitſ, conjunctionem ſecundi & quarti, & eorum à Jove diſtantiam. Ex emerſione die 1 Aprilis Cæſtri viſa & ad calculum redactâ differentia longitudinum inter Cæſtrum & Lutetiam 1 h. 58, 9. Ex emerſione Cæſtri die 8 obſervata eſt itidem 1 hor. 58, 10.

Collatis altitudinibus Meridianis ſtellæ Polaris, & extremæ caudæ magnæ Urſæ, cum aliſ ſpicæ virginis, & Syrii, altitudo Poli inventa eſt Cæſtri 30 grad. 2 min. 10 ſec.

IX. Circa longitudinem penduli hæc quoque ſunt comperta ex obſervationibus altitudinum Solis inter ſe collatis. Horologium retardari ſolitum 3 min. & 4 ſecundis, ſingulis diebus, cum 19 tantummodo ſecundis tardiùs recurrere deberet, hinc ſequitur illud 2 min. 45 tardiùs quàm medius Solis motus exigat, incedere. Itaque globulum cupreum diametri unius digiti ſuſpenderit filamentò arundineo, eique exſiccato, nec conſorto, quique adeo globi pondere non produceretur, expertus eſt ſilum vel unius capilli latitudine auctum, aut imminutum in vibrationibus penduli ſimpliciſſimi intra 8 aut 10 minuta temporis unius ſecundi minuti differentiam inducere.

Cum igitur pendulum ſimplex ita eſſet compoſitum, ut intra 24 horas præverteret horologium 2 min. 46 ſecun. & cum medio motu Solis conveniret, inter punctum ſuſpenſionis, & ſupremam partem globi cupri diſtantiam dimetiens invenit quarta lineæ parte breviorẽ quàm Lutetiæ.

X. Acus Magneticæ variatio inventa eſt 11 gr. 15 m. Pyramides ipſas inviſit, & omnium maxime verticem conſcendit: prope hanc eſt alia paulò minor, & aliquantò longiùs ſunt aliæ tres in eadem linea conſtitutæ ab ortu in occaſum diſpoſitæ; latera cuiuſque Pyramidis à Borea in Auſtrum directæ, quod utique lineam Meridianam proriùs eſſe immotam evincit. Nam Pyramides multis ſæculis ante pyxidſ nauticæ inventionem erectæ, ſic diſponi aliter non potuerunt, quàm per obſervationes Aſtronomicas ab iis erroribus immunes, quas acus magnetica inducit.

Unum è lateribus baſis funiculo dimetiens invenit 690 pedum; à ſummo vertice ad angulum baſis 640: ſed altitudini deſunt 4 aut quinque hexapedæ, & latus ſubjectæ baſis in ſolo inæquali, & in medio ſe attollente fuit diſmenſum; altitudo ad 600 pedes exigi ipoteſt: baſis quatuor ſunt facies, ſeu 4 trianguſa æquilatera.

Itaque superficies basis erit 11100 hexaped. & solidum Pyramidis 313590 *Geom.*
hexap. cubicarum.

XI. Alexandria à 17 Aprilis usque ad 3 Junii omne genus observationum fecit. Ex variis emersionibus primi satellitis cum Parisiensi calculo collatis, constanter invenit differentiam longitudinum 1 hor. 51 m. & aliquot secund.

Dardanellis latitudo, 40, 10.

Constantinopoli à sexto die Septembris ad finem usque Octobris in Franciæ Palatio observationes omnis generis fecit, differentiam longitudinum inter Constantinopolim & Lutetiam ex immersione primi satellitis die 24 hor. 2, 19, invenit h. 1, 46, 14, die 21 altitudo Solis inventa 49, 48, 35. acus magneticæ variatio 12 grad.

CAPUT III.

De Geometricis.

I. QUæ Matheseos sunt puræ, cujusmodi sunt Geometrica, Arithmetica, & Algebraica, quæque sunt Matheseos cum Physica permixtæ, Mechanica nimirum, Hydrostatica, Optica hoc vertente anno agitata, & pertractata diligenter exscribere si liberet, justo volumine opus esset. Itaque satis nobis fuerit summa eorum capita decurrere, quæ in scriniis Academiæ asservantur.

Ineunte hoc anno nempe die 16 Januarii D. de la Hire quadraturam conchoidis circuli tum integram, tum etiam per partes delineatam & demonstratam exhibuit, uti & cochleæ, seu limacis figuram, quam D. Pascal olim proposuerat, cujus tangentes Dominus de Roberval methodo sua usitata per motus compositos tradidit p. 88. collectionum Mathematicarum, quas D. de la Hire edidit. In hujus, inquam, figuræ descriptione, quæ species quædam est spiralis, D. de Roberval ait eam, quæ huic figuræ describendæ adhibetur regulam aut mensuram, minorem esse oportere diametro circuli generantis, quæque illi ut basis substernitur.

Hæc erat conditio huic figuræ necessaria, quæ si desit, ubique per omnia circuli generantis puncta non aliud quam dimidiata revolutio formabitur, quod cum cochleæ aut limacis nomine à D. Pascal huic figuræ indiro, & ejus usu, cui erat destinata, non conveniret. Sed neque id obijci potest, D. de Roberval limacis tantummodo quadraturam demonstrasse, neque aliud quiddam præter Conchoidem circuli, cujus regula aut mensura minor sit diametro circuli generantis, ab eo spectatum fuisse: quandoquidem ejus methodus non solum ad omne genus conchoidis circuli, sed etiam ad reliqua omnia æquè pertinet.

Is quippe in Tractatu *De Indivisibilibus*, qui in iisdem Collectionibus fuit, evulgatus p. 198 methodum tradit, qua spacia omnium conchoi-

Hhh iij

dum quadrantur, atque ibi circuli conchoides exponuntur, nulla quidem limacis facta mentione, sed nullam adhibet restrictionem. Nam quæ ab eo usurpatur methodus quadrandi, omni generi conchoidum circuli convenit.

Quadraturam verò spatii hujus lineæ, cujuscunque sit naturæ, invenit D. de la Hire eo ipso tempore quo hæ Collectiones typis mandabantur. Hanc utique non solum ad omnes generis conchoidas integras, sed etiam ad omnia earum segmenta, & ad innumeras alias lineas ejusdem speciei pertinere faciliè intelligitur.

II. Longo post tempore, nempe mense Augusto, novum quoddam genus spiralis lineæ certis conditionibus adjectis proposuit D. Sauveur, cujus descriptionem, quadraturam, tangentes D. Varignon paulo post demonstravit.

III. Die 14 Julii D. de Lagny novam Hyperboles quadraturam proposuit, & die 21 ejusdem mensis animadversiones suas in quadraturam Hyperboles à D. Mercatore traditam legit, quam paucis post diebus propugnavit D. de la Hire. Idem D. de Lagny 11 Novembris Tractatum de *Angulo solido* legit.

IV. D. de Varignon Cartesii ovals figuras ex ipsis methodo demonstravit, tum per analysim, tum citra analysim. Idem ineunte Februario illius curvæ, quam cymba per canalem tracta describit, naturam exposuit cum superficie & soliditate corporis hanc lineam describentis, quando circum suam Asymptoton vertitur.

V. Eodem die animadversiones in signa radicalia proposuit D. Rolle, quotve dimensiones ad summum habere debeant æquationes à signis suis liberatæ.

Die decimo Martii observationes quoque suas in æquationes quarti gradus proposuit, ubi ostendit æquationem propositam esse solidam, ubi deducta nulla est radix rationalis, atque hac de re regulas datas esse mutilas & imperfectas.

VI. Cùm analysi quantitarum, quæ in infinitum parvè concipiuntur, ab illustri Marchione nuper editæ Geometrarum ingenia plurimum exerceret, D. Sauveur die 13 Junii demonstrationem linearum proposuit calculi, quem differentialem vocant, in multiplicatione & divisione quantitarum.

VII. Die 7 Aprilis D. Rolle demonstrationes suas Geometricas exposuit, quibus methodum à D. Slusio traditam minus sufficere inveniendis locis vel simplicioribus existimat.

VIII. Die 12 Maii illustriss. Abbas D. Bignon misit ad Academiam novam methodum. D. de Lagny, qui tum Lugduni versabatur, qua problemata indeterminata resolvuntur in numeros integros in simplicibus, duplicibus, triplicibus, &c. æquationibus primi, secundi, tertii, &c. gradus.

In eo quidem scripto illud advertit veteres noluisse in problematibus numericis analyses irrationales admittere, quod numeros irrationales ut veros numeros non agnovérint. Nullam eorum mentionem facit Eucli-

des 1. 7, 8 & 9 Elementorum : decimo quidem Libro lineæ tantùm rectangulorum & quadratorum irrationales, non numeri continentur. Existimavit ille quidem hanc unam esse naturalem & accuratam incommensurabiles rationes considerandi viam, in qua quidem eum errasse putat D. de Lagny, cùm lineæ oëulis tantummodo exponantur, atque ut earum proportionales perspectæ habeantur, ad numeros omnino sit confugiendum, qui intelligibili modo omnium quantitatum inter se rationes exprimunt, cum sunt rationales aut commensurabiles : cùm autem sunt irrationales, nec communem habent mensuram, numeri irrationales, & Logarithmetici easdem rationes, & habitudines exprimunt modo, quantum fieri potest intelligibili ; cui tamen inest quædam indefinita obscuritas : celsi hæc in infinitum minuitur, dum integri numeri substituuntur, qui magis ac magis accedunt ad numerorum irrationalium summam, seu excessu, seu defectu nonnihil aberrent, neque eos unquam æquate possint.

Quin etiam Euclides ipse fractiones rationales pro veris numeris non habuit, quæque ab eo Libro septimo affertur numeri definitio, his non magis convenit, quàm irrationabilibus : nec sane abstracta fractio primo intuitu considerari potest, cùm unitas intelligibilis eadem sit indivisa.

Diophantus qui solutiones omnes irrationales rejicit, integris & fractionibus ubique utitur, quæque proponit problemata, eadem sunt primi gradus, eaque aut infinita, aut certis conditionibus adstricta, quibus rationalia penitus afficiuntur. Una superest difficultas in iis, quæ cùm sint indeterminata, ad irrationalia naturaliter recidunt : atque in hoc omnis industria posita est, ut inæqualitas ita formetur, ut inter infinitas solutiones tum rationales, tum irrationales illæ necessariò reperiuntur. Nisi hæc adhibeatur restrictio, problemata soluta difficillima eiunt adeo facilia, ut quæ proponantur, indigna prorsus videri possint.

Nec immeritò numeri rationales aliis præferuntur, nam quæ perfectè & accuratè percipit animus, eum majori oblectatione complent, quàm quæ imperfectè tantummodò & obscurè percipi possunt.

Diophantus & alii Veteres negativas solutiones non agnovit, eaque videntur penitus abjiciendæ, cùm earum ope positivæ inveniri nequeunt. Tum veto problema est soluti impossibile, quæque affertur solutiones negativæ, eadem sunt positivæ alterius problematis consimilis signa permutando. Varios perfectionis gradus in solutione problematis numerici & indefiniti ad quatuor revocat. Primus est ut numeris rationalibus contineatur. 2. Ut numeri sint positivi. 3. Ut sint integri. 4. Denique ut sint universales, ita ut numeros omnes, qui proposito problemati satisfaciunt, comprehendant.

Hæc utique variis illustrat exemplis, quæ omittimus. Jam decimo die Martii Lugduno miserat duplicem quadraturam analyticam circuli integri, ut cuiusque sectoris & segmenti dati.

I X. D. Sauveur die Junii 30 regulam circa potentias generalem demonstravit, seu illæ sint perfectæ, seu imperfectæ, eaque ad calculum differentialem pertinet.

ANN. 1696. X. D. Varignon die 14 Aprilis Methodum legit & demonstravit, quæ potentiarum summa seu valor invenitur, quarum exponentia sunt ignota: ita ut exponentia illa explorata habeantur cum potentiis, quæ exponentibus sunt affectæ.

XI. D. Sauveur die 8 Maii lineæ Logarithmeticæ demonstrationem attulit, quam regulis sœneratiis applicat.

Idem 7 Julii regulam aliam proposuit inveniendæ summæ potentiarum in progressionem Arithmetica, in qua numerus est infinitus. Hæc summam decurrimus, inventa ipsa, aut excogitata referre contenti non omis- sis diebus & mensibus, quibus sunt proposita: nam demonstrationes in Tabulariis Academiæ asservantur, ex quibus cum opus fuerit, depro- mentur.

XII. D. Couplet die 24 Martii ætem exposuit, qua rubus telescopii 700 pedum rectus permaneat, idque facili & citò ad quamvis rem objectam dirigatur, ac si longitudini ejus nonnulli insint defectus, statim afferatur re- medium. Scriptum illud legit, ac figuras omnes delineavit, quæ Academiæ probatæ sunt.

XIII. Paucis post diebus D. Sauveur Molettrinx ejusdæ formam de- lineavit, quæ vim & celeritatem venti dimetiatur.

XIV. D. de Lagny, qui à die 11 Mensis Decembris anni 1695 jam in Academiam ascitus fuerat, cum Lutetiam venisset, scriptum de accele- rato corporum motu perlegit die 16 Junii. Cumque adversus hypothesim ab eo constitutam objectæ ei fuissent D. Mariotte tum hypothesis, tum ob- servationes, die 18 Augusti animadversiones suas in utrasque proposuit, quas hoc loco summam attingam.

Primum quidem id hypothesis loco ponit D. Mariotte globum plum- beum, cujus diameter est 6 linearum, 15 pedes intra minutum secundum de- scendendo percurrere in vacuo, 14 vero in aëre: adeo ut hæc aëris resistentia eo primo temporis spatio unum pedem detrahat.

Ex hac hypothesis quam merè arbitriariam existimat D. de Lagny, me- thodum tradit D. Mariotte, qua spatium decurrendum ab eo globulo, quolibet numero secundorum dato inveniatur. Quam methodum D. de Lagny ad brevioræ & faciliorem calculum revocat. Sit ex. gr. numerus datus secundorum 2, hujus quadratum numerum per $14\frac{1}{2}$ multiplica, pro- dunt 58, tum cubi numeri 2, qui est 8, dimidio, nempe 4, subducto ab eo numero 58 restabunt 54, qui numerus est pedum, quos intra duo minuta secun- da in descensu suo decurrit globulus plumbeus.

Sic dato numero 10, ejus quadratum 100 multiplica per $14\frac{1}{2}$: summa erit 1450; ex his substrahe 500, quæ est pars dimidia cubi numeri dati 10, restabit numerus 950: tot scilicet pedes intra 10 secunda peragra- bit globus plumbeus. Quæ cum tabula D. Mariotte optimè conveniunt. Hanc vero methodum multiplici ratione reprehendit D. de Lagny, & ea præcipuè quod globus ille post 19 sec. & $\frac{1}{4}$, postquam $1806\frac{1}{4}$ pedes in descensu peragravit, motu deorsum omnino sit destitutus: cum tamen & montes & fodinæ multo altiores occurrant, atque ex his gravia quæque corpora decendant. Id vero consequens futurum sic probat;

probat : Quod si 20 sec. sumantur, quadratum hujus numeri erit 400 ; quod ductum per $14 \frac{1}{2}$ efficit 5800 : ex quo si detrahas 4000 , dimidiam partem cubi numeri dati 20 , quod restabit , illud erit 1800 : adeo ut hic numerus pedum minor sit $1806 \frac{1}{17}$ quos intra 19 sec. & $\frac{1}{4}$ pila plumbea peragraverat. Sic calculo inito post 19 sec. pila cō conscenderet , unde inceperat descendere , atque ita motum suum continuaret sursum.

Quæ quidem absurda in corporibus levioribus , ut in cera , & subere erunt manifestiora. Nam ex illius tabulis globus subereus 6 linearum diametri in descensu suo cessabit , antequam 38 pedes confecerit. Hæc utique omiſſa non oportuit , ut accuratori examini subijciantur , neve errotes , si qui obtesperint , inemendati relinquantur.

XV. Eandem ob rationem D. de la Hire die 14 Julii quasdam propositiones hydrostaticas à D. Mariotte ad incudem revocavit. Illud enim fatendum est , quod in ea dissertatione præfatur , difficillimum esse liquidorum vires , cum in seipsa , aut in dura agunt corpora , accuratè definire. Unde multas in Heronis pneumaticis propositiones ostendit D. de la Hire , quæ defendi nullatenus possunt , ut aliquæ sunt machinæ , quæ si executioni mandarentur , proposito sine fraudarentur. Sic in Opusculo D. Mariotte de aquis nonnulla ejus generis correctione egent. Hujus generis est secunda regula , quam in parte secunda sui operis proponit , ubi nifum & vim aquæ salientis exponit in subiectum receptaculi foramen , simul & aëris impulsus.

In quarta regula alteram proponit machinam D. Mariotte , qua salientis aquæ jactus , & ejus vim dimetiri liceat. In utraque propositione universim enuntiarī probat D. de la Hire , quod in certo tantummodo casu singulari verum est. Cum etiam aër & aqua duo sint corpora liquida naturæ diversæ , quorum unum comprimi facile possit , alterum non item , eorum effectus explicatu sunt difficiliore.

XVI. Neque id mirum si in rebus obscuris partim Physicis , partim Geometricis acerrimo viri ingenio interdum nonnullo errore labantur ; cum propositiones , quæ omnium gentium & ætatum consensum meruerunt , in dubium veniant , & ex certis , ut videbantur , incertæ admodum fiant. Hujus generis est terræ figura Sphærica , de qua ante nostram ætatem nulla pene fuit dubitatio. Nunc tamen de ea re magna est contentio , quam fusè exposuit D. Vatignon die 19 Aug. Cum plerique eam esse Sphæroidis figuræ existiment , ut D. D. Neuton & Hugen , sic tamen ut axis terræ sit brevior diameter , idque ex vi centrifuga , qua gravia quæque corpora à centro motus recedere conantur , D. Hugen colligit. Ac majorem esse nifum illum sub Æquatore , ex pendulorum minori longitudine concludit. Nam diurnus telluris motus , inquit , cum sit major sub Æquatore , quam versus Polos , de corporum gravitate aliquid detrahit , atque methodo Geometrica quæ sit ratio hujus nifus ad gravitatem absolutam inquirat.

Alii contra axem terræ esse majorem illius diametrum opinantur : adeo

ANN. ut singuli Meridiani sint ellipticæ figuræ, idque ex variis terræ mensuris à
1696. diversis Autoribus allatis colligi posse putant.

Mitto alia complura hujus anni decursu agitata, tum in Musica, cujus
novum systema exposuit D. Sauveur, tum in Optica.

XVII. De accelerato motu gravium dissertationem è scripto recitavit
D. de Lagny Mense Junio.





R E G I Æ
SCIENTIARUM ACADEMIÆ
HISTORIA.

LIBER QUINTUS.

De Actis Academiae annis 1697. & 1698.



ISTORIAM Regiæ Scientiarum Academiae quam anno 1698 exeunte in lucem edidimus, nunc persequi Deo juvante aggredimur. Illa quidem editio triginta fere annos complexa ad annum usque 1697 producta est; in hac posteriori quæ hoc ipso anno, & proximè insequenti acta sunt, prosequemur. Longius progressuri si Deus vitam nobis & vires benignitate suâ concesserit.

Anno quidem superiori exeunte illustriss. D. de Pontchartrain tum à secretioribus consiliis & mandatis, ætarii moderator generalis, nunc Gallix Cancellarius D. de Fontenelle à Francicâ Academiâ selegit, qui in Regiâ Scientiarum Academia Secretarii munus obiret. Id enim perillustri Abbati Bignonio exposueram, mihi per ætatem, & affectam valetudinem non licere eâ curâ & diligentia: huic muneri incumbere, quam per tot annos adhibere conatus sum hanc itaque provinciam D. de Fontenelle non politionibus modo litteris, quod omnes litterati norunt, ut qui maxime excultus, sed etiam in Physicis, Mathematicis, & reconditoribus disciplinis admodum exercitatus suscepit magno viri illustrissimi judicio, propter morum & doctrinæ elegantiam & suavitatem: hunc illustriss. Abbas die 9 Januarii anni 1697 in Academiam introduxit.





SECTIO PRIMA.

De rebus Physicis.

QUæ in Academia hoc vertente anno facta sunt dicturi, à Physicis; quòd faciliora sint, ordiemur.

CAPUT PRIMUM.

De iis quæ ad Physicam proprie dictam pertinent.

I. **P**Rimum occurrunt observationes circa pluvie superiori anno decidue quantitatem factas, quas die 9 Januarii exposuit D. de la Hire. Jam ab octo annis diligenter in id opus incubuerat, ut quantum pluvie & solutæ nivis, quot annis decideret, exploratum haberet, si forte inde lux aliqua exponendæ fontium origini pollet accedere.

In hanc rem pelvim plumbeam & quadratam cujus superficies ad quatuor pedes in omnem partem patebat, terræ ad octo pedes effossæ aptavit, ut experiretur an aquæ pluvie in terræ superficiem delapsæ eam penetrare possent, dum tophus occurrat, aut argilla, quæ leviori terræ vulgo subjacent: adeo ut puteis in declivi collium & montium sitis aquam suppedient, aut certe iis fontibus qui non procul à terræ superficie scatent, ubi tophus aut argilla interciditur, perennitatem afferant: verum ab octo annis id nunquam animadvertere potuit, pluvias aut nives solutas ad eam usque altitudinem penetrare terram levioris texture, & recens asportatæ. Nam uni ex angulîs labelli, aut pelvis plumbeæ satis inclinatæ aptavit tubum itidem plumbeum 12 pedes longum, qui in criptam subjectam non parum declivis desinebat: per hunc tubum nihil aquæ ab octo annis effluxit, neque probabile est quicquam per eum tubum deinceps effluxurum: nam ex variis experimentis id compertum habuit aquam pluviam quantumvis copiosam ad duos usque pedes terram non subire, præsertim ubi quibusdam plantis consita est; idque ex multis experimentis circa aquæ & plantis exhalationes factis didicit, pluviam nutriendis, & augendis, vel mediocris altitudinis arboribus satis esse non posse.

Quamvis ex solâ aquæ pluvie in terram decidentis quantitate notâ de fontium origine vix quicquam in universum exploratum haberi queat, nihilominus tamen observationes suas in eam rem continuare voluit. Summam aquæ pluvie, ejus anni decursu ad 19 pollices, & quinque lineas altitudinis pervenisse comperit, Julio mense ad octo tantummodo lineas, mense Junio ad 30, usque pervenit.

II. Inter alia quæ facta sunt in machinâ pneumaticâ experimenta, illud experiri placuit die 10 Aprilis, an liquores mole augetentur in vacuo; idque ex occasione spongiæ aquâ plenæ, quæ in machinâ collocata, & in aquâ subjectâ fluctuans sursum efferri visa est, & deprimi aëre exhausto, aut eo subeunte. Itaque varii liquores matrati, ut vocant, angustioris colli & in partes æquales per lineas nigras divisi sunt impositi, ut liqueret an illi in vacuo minuantur, vel augeantur. Aqua fluvialis & frigida 4 unciarum pondere exhausto aëre statim visa est altior semipollice, variante illa altitudine penes bullarum aëris quantitatem: postquam aëri liber patuit aditus, unâ ferè linea depressior visa est, quàm ante exantlationem aëris. Itaque quatuor unciaæ aquæ ferè decimâ sextâ parte sui voluminis primum auctæ sunt, tum intra semihoram imminuta est altitudo aquæ, & ad statum naturalem tandem revoluta. In aëre libero quæ primum fuit moles aquæ, quatuor guttis est imminuta, hoc est, parte sui quinquagesima supra quingentesimam.

D. Homberg negabat illam mutationem voluminis ex aëre ipso intra aquam antè conclusio proficisci. Nam aër non aliter admiscetur aquæ quàm intercepta illius spatiosa implendo; ille vero plus aut minus loci occupat, ut magis, aut minus premitur; isque elatere suo intumescit in machina, atque egreditur, cum nullum invenit hospitio locum, & rarefactus licet, aquæ tamen replet interstitia: unde & idem semper est volumen aquæ.

Rem ita esse, atque hanc aquæ imminutionem aliunde non oriri quàm ab ipsius aquæ exhalatione, hinc constat, quòd pondus aquæ è machinâeductæ quinque granis imminutum fuerit: nam idem aëris volumen quod est, quinque granorum aquæ, penitus insensibile fuisset, vixque centesimam & sexagesimam grani unus partem æquasset.

III. Multo major in spiritu vini & urinæ fuit imminutio. Nam post decem ictus anthlic tres unciaæ cum 3 drachmis spiritus vini unam drachmam, 4 unciaæ, cum semilit spiritûs urinæ sesqui-drachmam sui ponderis amiserunt; ac sublata utriusque guttulæ sudoris instar tandem stillavere, ut in alembico fieri solet. Aqua vini ardens pondere 3 unciarum, & quinque drachmarum unâ drachma fuit imminuta.

IV. Spiritus salis vix unâ lineâ altius ascendit, ubi ebullire cœpit, quòd minores essent aëris bullæ: ubi desiit ebullitio, liquor pristinae altitudini fuit restitutus, nec in libero aëre situm mutavit sumum, quòd liquores acidi cum sint graviores, non exhalent citra calorem sensibilem. Hujus experimenti occasione D. Homberg experiri voluit an liquores in loco qui in aëre vacuo stillant, in vase distillatorio excepti, ejusdem sint naturæ atque ii liquores qui ignis calore eliciuntur. Aquæ ardentis vini duas uncias parvæ retortæ impositas cum excipulo machinæ pneumaticæ aptavit, globo vitreo, vulgò *le Balon*, circumposito, & aëre exinanito, vapor aquæ ardentis statim sublatus ad summam retortæ partem in excipulum stillavit, eodem prorsus modo, quo solet, ubi lenis ignis calor adhibetur. Trium horarum spatio post exhaustum è globo aëra quatuor fere drachmæ in excipulum stillavere, unâ uncia cum semi-drachma aquæ ardentis in retortâ supersistere: adeo ut trium drachmarum cum semi-drachmâ, seu quintæ fere partis, dis-

ANN. pendium factum fuerit, quòd angustius esset vas distillatorium, quàm ut vapor omnis sublatus eo contineretur. Unde pars illius vaporis magna extra retortam distillata in globum circumpositum dispersa fuit, quod non contigisset, si vas amplum satis extitisset: sed major retorta per epistomium induci non potuit in machinam.

Illud verò in hac distillatione observatum fuit à D. Homberg, intra primæ semi-horæ spatium uberiorem spiritum vini, quàm toto reliqui temporis spatio, seu per duas horas cum semisse, in excipulum stillasse: contra atque evenit in distillationibus solitis, & ignis ope factis. Cujus rei hæc videtur ratio, quòd pars major aëris aquâ ardente contenti statim erumpens magnam aquæ ardentis partem secum abripuerit: sed deinceps aër minori quantitate exiit, ac subinde is pauciores aquæ ardentis partes unâ secum eiecit: nam bullæ aëris exeuntis liquorum exhalationem efficiunt eò majorem, quò majori impetu erumpunt. Unde liquor semel ea ratione extillatus, non amplius sursum tolli, aut distillari potest omni aëre exutus.

VI. Atque illud etiam palam est liquorem in machina diu relictum, sic distillari, ut pars ejus in vase supersit, contra atque evenit in iis quæ ignis calore sunt distillationibus. Nec tamen qui extillatur liquor in vacuo, liquor qui sublatus non fuit, omnino est confimilis: nam partis spirituosæ ab eâ quæ est aquosior sit quædam secretio. Qui enim in excipulum deciderat, multò erat vegetior liquore in retortâ superstitè: tametsi is liquor non erat omni suo phlegmate exutus. Nam ubi in cochleari accensus est, nonnihil aquæ seu phlegmatis non inflammari apparuit, sed liquor qui in retortâ remanserat, quadruplum aquæ in cochleari reliquit; ex quibus concludit D. Homberg quædam principia Chymica mixtis corporibus, plantis præsertim actu inesse, neque ea ignis vi formari ex nova compositione principiorum quæ sint simpliciora: quod tamen ut mihi videtur, accuratiori eget examine.

VII. Aliud experimentum in machinâ pneumaticâ à D. de la Hire propositum fuit die 17 Julii. Aræometrum vasi aquâ pleno machinæ aptatum inter exhauriendum aëra attollitur, quòd aëris bullæ intumescentes Aræometrum attollant. Hoc experimentum à D. Homberg iteratum fuit, sed ubi majores aëris bullæ in minutiores abeunt, tum Aræometrum descendit.

VIII. Filius D. la Hire eodem die, qui fuit Julii ultimus, experimentum à se factum proposuit de aquæ ardentis distillatione, vi caloris solaris peractâ. Cucurbitæ vitreæ libram aquæ vitæ, cui per mensis spatium flores rosæmarini infusæ fuerant, affudit, & aptato alembico hanc radiis solaribus exposuit, linteo madido, eoque subinde aquâ perfuso, ut moris est, capitellum alembici operuit; liquor sursum suolatus est, hunc in quatuor partes divisit, quæ satis erant inter se confimiles, nec fere ab aqua vitæ, qualis fuit ante distillationem, diversæ: sed quæ primùm exiit, paulò vegetior, & odore florum magis imbuta visa est, quàm quæ ultimò fuit destillata.

IX. Paucis post diebus D. Homberg observationes suas circa Aræometrum, vulgò, *peze-liqueur*, è scripto legit. Primum illud advertit dis-

facile admodum esse liquorum vires ex eorum mole aut volumine dimetiri, *Physi-*
 difficultates quippe oriuntur cum ex ipsis liquoribus, tum ex instrumento, *ca.*
 quod volumini dimetiendo adhibetur. Vis elaterii, quæ inest liquoribus,
 qua scilicet moles eorum augetur aut minuitur penes aëris calorem, suâ diffi-
 cultate non caret. Nam liquores quicunque ii sint, inspidi, salii, acidi,
 sulphurei, calido aëri expositi rarefciunt, sed sulphurei imprimis. Quò au-
 tem sunt rariore, aut densiores, eo magis, aut minus resistunt solitæ
 aræometri depressioni. Hinc fit ut spiritus vini, qui æstare optimus judi-
 catur, hyemè ut aqua vitæ communis habeatur, quò æstare rarior sit,
 quàm hyeme. Accedit illud quoque liquorem in magna satis esse quantitate
 oportere, quò vis illius ope aræometri expendi queat: nam vas eo liquore
 implendum est, cui aræometrum innatare, atque altius immergi possit, ut
 collum totum madefcat, secus ex aræometro minime exploratum habebi-
 mus liquoris pondus. Nam sicca quæ sunt corpora etiam graviora aquæ
 innatare notum est è lamellis metallicis, aut aciculis: adeo ut aræometri
 usus omnino inutilis futurus sit, nisi collum illius aquæ immergatur.

Postremo liquores qui aræometro expenduntur, satis diu in vase latiori
 exponi debent, donec aræometri cesset agitatio, quo quidem tempore spi-
 rituosus liquor nonnihil imminuitur, si externus aër sit calidior; contra
 augetur acidus liquor accessione humoris, qui inest circumfuso aëri, adeo
 ut uterque liquor cum spirituosus, tum acidus & salis debiliior fiat; ille
 subtiliorum partium fuga, hic humidiorum additione; sed quæ ex instru-
 mento ipso emergunt difficultates, non minoris sunt momenti. Nam qui
 in vulgari aræometro notantur gradus, ad libellam liquoris vase conclusi
 exigi satis accurate vix possint. Collum enim instrumenti madidum inter-
 dum moleculam ejusdem liquoris ad duas lineas super libellam ipsius liquo-
 ris sustinet, quod verum libellæ locum cum collo instrumenti collatum effi-
 cit incertum; atque hoc spatium interdum satis est discrimini inter duos li-
 quores assignando, quos confundi necesse est, incertum adeo de iis judicium
 pronuntiari.

Præterea aëris bullulæ è liquore prodeuntes exteriori aræometri superficiè
 sæpe adhærentes judicium magis incertum efficiunt, præsertim ubi aræome-
 trum diutius manet intra liquorem demersum: multitudo enim bullarum er-
 rorem non levem potest inducere. Sed præcipuum in usu aræometri in-
 commodum oritur ex difficillimâ comparatione liquoris diligenter examinati
 cum alio liquore, qui viribus à priori dissidet; ubi discriminis gradus ex-
 primendi, vel ad notas ponderum, & molis mensuras sunt referendi, nisi
 forte molesti & difficiles adhibeantur calculi, qui etiam vix certum efficiunt
 judicium.

Itaque D. Homberg in usum suum aliud excogitavit instrumentum huic
 rei magis idoneum. Phiala est usitata, cujusvis capacitatis, perinde est:
 utitur phiala digiti cubici capax, collum illius est longum sesqui-pollice,
 ejus diameter est semi-linea, ubique teres nisi in extremo ubi instar infun-
 duli dilatatur. Ad radicem colli tubulus assurgit collo ipsi parallelus quin-
 que lineas altus, cujus diameter etiam est semi-linea. Hic exitum præbet
 aëri incluso, ubi phiala impletur aqua: quo quidem modo tam facile in-

ANN. pletur, & exiuanitur, ac si collum ejus foret latius. Hujus forma in tabulâ
1697. area 2., expressâ est Fig. 3.

Is vero est hujus instrumenti usus; impletur liquor donec per capillarem tubulum effluat, tum sistitur in collo ad altitudinem usque tubuli; quod superfluit, per tubulum egreditur; phiala parte exteriori sic detergâ, ut nulla remaneat exterior humiditas; exquisitè bilanci appenditur; deinde eo liquore impletur, qui cum priore est conferendus, uter gravior sit, & quantum digitus cubicus unius, digitum itidem cubicum alterius liquoris vincat pondere, statim dignoscitur, idque adeo accurate ut quarta unius grani parte vix aberrari possit. Nam collum ita est angustum ut gutta aquæ ad quinque linearum longitudinem assurgat; cumque liquor collo contentus, ubi phiala repleta est, ad orificium usque tubuli capillaris vulgò deprimi soleat, error si quis sit valde sensibilis, vix erit quadrantis unius grani: nam unius lineæ altitudo in tubulo exiguo faciliè animadvertitur.

X I. Post aliquot dies idem varia circa liquorum gravitatem fecit experimenta. Oleo vitrioli prædictam phialam implevit, quod undecim drachmis & viginti sex granis ad tubuli usque libellam appensum est, eadem aquæ fortis argentum dissolventis moles octo drachmarum, quinquaginta octo granorum inventa est: ubi sic debilitata est aqua fortis ut plumbum dissolveret, pondus ejus fuit 7 drachmarum, 46 granorum; spiritus salis pondus fuit unius uncix, 7 granorum; aquæ flaviatilis 7 drachmarum, octo granorum; aceti distillati 7 drachmarum 10 granorum; aquæ ardentis vini 6 drachmarum, 52 granorum, spiritus vini 6 drachmarum 16 granorum, hydrargyri 3 unciarum, 3 drachmarum 41 granorum.

X II. Eodem die 21 Augusti D. Homberg monuit maculas subrubras; quas ferrum inussit linreo deleti fumo sulphuris. D. Tournesfort cum de unguentis odoratis sermo haberetur, illud obiter admonuit, ex eadem arbore, quæ est acacia Egypti quoddam gummi Arabici genus prodire, è siliquis atramentum fieri, è floribus sufficum, aut unguentum illud parari quo chirorthea Hispanicæ perfundi solent, vulgò *francipane*.

Mensis Julio & Junio D. Morin tractatum suum de salibus & vitriolo è scripto legit, uti & dissertationem de ignis generatione ex silicum collisum. Achatem cum altero affrictum flammam circa scintillas emittere asseruit, pyritem scintillas vibrare cum calyce, uti ferrum cum ferro collisum.

C A P U T I I.

De Operationibus Chymicis.

I. **P**hylicas observationes Chymicæ excipiunt operationes: ex iis seligam quæ utiliores, aut majorem Phylicæ contemplationi lucem afferre videbuntur.

Hujus generis est illa operatio à D. Homberg proposita die 16 Januarii,

xii, quæ ad purgationem argenti vel auri pertinet quæque in arte docimastica magna usus esse potest. Chymica.

Aurum vel argentum sæpe vilioribus metallis, cupro nimirum, vel stannum sic admiscetur, ut difficile sic expurgatu. Ac solent quidem docimastæ cupella, seu catino in hanc rem uti : D. Homberg aliam iniit viam, quæ nobiliora illa metalla cum cupro permista efficit puriora : quæ methodus longe est facilior quàm vulgaris docimastarum agendi ratio per cupellam.

Ea vero est hujusmodi : selibram argenti cum cupro permisti in granula comminuti castillo fictili, seu crucibulo imposuit usque ad rubedinem ; sulphuris communis tantumstem repetitis vicibus sic injectit, ut singulis vicibus expectaret, dum prius injectum omnino incensum & consumptum apparet ; tum fusione facta octo uncie nitri, & totidem tartari & octo uncie limaturæ ferri, non simul, sed per vices ita sunt adjectæ, ut detonatione facta, nova mixtura adderetur ; tum per unius horæ quadrantem fusio est continuata : quod erat in crucibulo argentum & purum, & ductile inventum est. Quæ operatio non amplius quàm sesqui-horæ spatio, unâ tantum fusione & uno in crucibulo fuit absoluta, cum per cupellam facta purgatio alterum tantum temporis & ignis exigat præter cupellæ apparatus, & folium agitationem.

II. Cupri ab argenti separationis ita factæ, ea videtur ratio : quod acidum erat in sulphure, ab aliis principiis ignis vi secretum, argenti cum cupro mixti granula in calcem redegit, cum instar aquæ fortis vi dissolvente donetur. Quæ calcinatio hoc facilior fuit, quod utriusque metalli granula ignis calore ad ruborem usque calefacta acidi ipsius particulis aditum præbuerint : sic acidi hujus spicula argenti & cupri corpusculis sunt implicita in ipsa calcinatione. Nam utriusque metalli pondus octava fere sui parte auctum est : quin & moles quoque eorum increvit. Ex iis duobus metallis cuprum egre, argentum facile reduci potest, hocque ut pristinam suam naturam recuperet, satis est ut in fusione diutius persistet, tum enim sulphur exhalat : verum cautio est ne unâ secum argenti corpuscula abducatur. Unde tutius est ferrum, tartarum & nitrum his addere. Hæc enim corpuscula sulphuris secum auferunt, atque in fusione argenti corpuscula unâ coeunt, & priori formæ metallicæ citra ullum dispendium restituntur. Non eadem facilitate reduci cuprum, revivificari illud necesse est plumbi beneficio non sine illius imminutione.

III. Itaque in hac operatione cuprum adhuc manet, æs usum ut vocant, cum argenti corpuscula jam unâ coierint per fusionem, cumque argentum gravius sit cupro calcinato, seu ære usto, illud in fundo crucibuli subsidit instar reguli, dum cuprum supernat unâ cum ferro instar scoriarum.

IV. Idem est hujus operationi, & illi quæ sit per cupellam finis propositus, & utroque modo expurgatur argentum, sed diversa ratione. Nam in operatione per cupellam plumbum cum impuro argento permixtum ignis ardoribus in vitrum abiit, simul efficit ut partes cupri dispersæ in argento abeant in vitrum. Metallum autem in hujusmodi vitrum conversum est rarius, & majoris molis quàm antea esset in forma metallica : unde ad su-

ANN. perficiem expellitur, atque aliqua sui parte in fumos diffatur. Quamquam vitrum ad margines metalli fusi effluit, ubi in corpus spongiosum cupellæ offendit, quod penetrat, donec nihil amplius occurrat in massa quod vitrescat, tum enim solum & purum remanet argentum.

Alia est argenti à stanno admisto expurgandi ratio: vix illud per cupellam & iteratis laboribus secernitur, nisi cupri rubri paululum unâ cum argento, quod stannum inficit, ante fustum fuerit: tum enim cupri admistum optimum est auro, vel argento remedium, quodcunque metallum huic admistum fuerit, & illi pertinaciter adhæserit. Unde hoc medicaminis utiliter adhiberi solet in fodinis Germaniæ & Hungariæ.

Cur autem plumbum cupro adjectum facilius expurget aurum vel argentum in cupella, quàm cum solum est, ea videtur ratio, quòd metallica, & mineralia quæ sola ægrè calcinantur, cupro sociata, aut furno reverberii exposita, facile in calcem comminuantur. Nam sulphureæ ferri & cupri particule dissolventis cuiusdam partes agunt. Argentum in cupella, ut supra diximus, plumbi vitrificatione ab impuris fossilibus expurgatur, nec ullum minerale vitrescit nisi antè calcinatum fuerit: stannum verò cum cupro junctum facile calcinatur in cupella, deinde vitrescit plumbi beneficio, & citius ab argento secernitur, quàm si prius non facta esset cupri accessio.

Cum tamen per cupellam operatio sit tædii plena, compendiosiorem via usus est D. Homberg, ut stannum ab argento separaret: hanc omittimus ne longiores simus quam par sit. Aliam quoque silentio prætermittimus operandi rationem, ubi argentum stibio, seu antimonio admiscetur, quam die 20 Februarii exposuit, quæ non minus subtilitatis habet, quàm præcedentes.

V. Scriptum aliud ejusdem D. Homberg die sextâ Martii in Academia lectum est, in quo recenset facta à se varia tentamina circa acidus spiritus, explorandi causâ an liquores acidi tandem insipidi fieri possint. Eo sibi proposito sine varios liquores acidos è mineralibus & vegetalibus extractos vasis hermetice sigillatis imposuit, persuasus circumfusus aëra spirituum acidorum volumina augere posse, & eorum aculeos obtundere: cum autem longam annorum seriem postulet hoc experimenti genus, aliam & breviorē inivit viam hydrargyro & spiritu nitri usus. Illius 12 uncias & totidem spiritus nitri retortæ vitreæ affudit, amplum & sphericum excipulum huic statim apavit; spiritum nitri in mercurium vim suam exercere sivit, dum cessaret ebullitio; tum retortâ leni admodum igni arenæ admotâ ebullitio iterum incœpit, qua imminuta sensim auctus est ignis, quousque mercurius dissolveretur. Refrigerato vase liquor distillatus novæ retortæ est affusus, isque novem & amplius unciarum pondere inventus. Huic sex uncie novi hydrargyri imposuit; idem globus vitreus retortæ aptatus: nulla tum facta est ebullitio, quousque igni arenæ imposita fuit retorta: tum enim cœpit ebullitio. Continuata est distillatio ad siccitatem usque, pars dimidia novi hydrargyri in fundo retortæ non dissolutus subsidit, cui affusus est liquor recipiente conclusus 7, unciarum pondere, aliquâ aciditate præditus.

Iterata distillatione liquor qui in globum stillaverat, omnis erat aciditatis expers; spiritus nitri remansit, ut verisimillimum est, mercurio implicatus quem dissolvit, atque unâ cum eo corpus durum & insipidum effecit. Cautio adhibita fuerat ne quid materiæ in his distillationibus decederet: & tamen liquor quinque uncias est imminutus, & mercurius tribus uncias auctus fuit in triplici dissolutione: post quatuor distillationes augmentum illud mercurii è tribus uncias salis acidi prodiit, quæ à mercurio secretæ sunt additione calcis vivæ, ut hydrargyro fluiditatem restitueret; magno ignis ardore spiritus acidus separavit, qui post iteratas distillationes duas hydrargyri uncias dissolvere non potuerunt.

Et certe tres uncias salium acidorum, qui mercurium sic defixerant ut duriores eo efficerentur, duas hydrargyri uncias facile dissolvere poterant, si eandem aciditatem quam prius habuissent, ita ut vis illa adeo vehementem hac operatione destructa fuerit, aut multum retusa.

Experiri etiam voluit an per crebra lixivina sal è calce extraheretur, sed nequicquam id tentatum fuit, neque aliud repertum est post evaporationem præter terrestres & insipidas crustas ex aquâ calcis prodire solitas.

Illud itaque effectum est in hac procedendi ratione ut 12 spiritus nitri uncias in septem aquosi & insipidi liquoris, & in tres uncias solidæ & pene insipidæ materiæ abierint, quæ à mercurio secretæ, & in formam liquoris reversæ vix potuerunt semi-unciam mercurii dissolvere, cum antea 15 uncias ejus mercurii exsolvisent: magno quidem argumento corrodens illud acidum in materiam inspidam verti, atque eandem materiam varie modificatam fieri posse aquam inspidam & spiritum acidum.

VI. D. Bouleduc calculi humani analysim à se factam commemoravit. Die 7 Augusti 32 uncias calculi retortæ fictili impostæ, sub initium leni admodum ignis calore adhibito, tum sensim aucto ita sunt distillatæ, ut exipulus prima caloris impressione velut nube obductus apparuerit. Gravis odor, qualis in distillatione spiritus salis Ammoniaci, & eo foetidior exhalavit; liquor admodum salsus, quique cum acidis effervescebat stillavit; vas ritè occlusis & lutatis, ut aiunt, auctus est ignis per gradus; in globo subiecto seu in recipiente 10 uncias salis volatilis, densi & crystallini repperit, collo retortæ materia admodum compacta & salsa visa est adhærescere, quæ varia examina sibiire potest uti & caput mortuum 16 unciarum: hujus materiæ examen profecutus est D. Bouleduc.

CAPUT III.

De stirpium salibus.

I. **O**bservationes circa plantarum sales urinosos è scripto recitavit D. Homberg die 27 Novembris, quæ meo quidem judicio non mediocrem Physicæ lucem asferre possunt. Ac primum id animadvertit, unum tantummodo esse salium genus quod citra ignem, aut fermentationem è

Kkk ij

444.
 ANN. 1697. plantis extrahitur, nempe salē essentialē: sed analysi per ignem factā tria salium genera eliciuntur, ex quibus sal ipse essentialis constat. Sales illi sunt lixivialis & fixus, sal volatilis & urinosus, sal demum volatilis & acidus, qui in forma sicca, vix se prodit, nisi in quodam alcali terrestri exsolvens, cum quo in crystalli speciem concrevit.

II. In analysi omnium pene stirpium triplex illud salis genus occurrit; & tamen sal acidus non videtur inter eos habendus, qui formam suam à plantā ipsa nactus fuerit, sed verisimillimum est hunc jam antè formatum in salē mineralem, radices plantæ subisse, cum in omni terrarum genere etiam steriliū, occurrat. Sed duo reliqua salium genera in plantis tantummodo, & in animalibus, quæ plantis nutriuntur, aut certè ex aliis animalibus, quæ herbis aut plantis alebantur, ut verisimile est, in ipsis formantur plantis.

Duo ex his salibus, acidus scilicet & lixivialis, alter altetius formam pro artificis arbitrio, imo & formam olei, aut spiritus ardentis induere possunt, siquē ex parte in salē lixiviale redire, ut antea fuit demonstratum.

Verum urinosi sales iidem semper manent, tametsi à planta in animal, cui alendo servierunt, & ex uno animali in aliud commearint: ii semper volatiles & urinosi persistant, quemadmodum plantis inerant, quæ una est ratio cur sales illi in omnibus plantis, & in animalibus sint inter se consimiles & urinosi.

Sal ille etsi admodum volatilis, aliquando tamen alijs corporibus tenaciter adhærescit, etiam in igne vehemēti: quanquam is potest interdum ab iis expediti vel in mediocri igne. Id evenit sali tartari, ex quo per distillationem elicitur urinosus liquor, imo & sal volatilis concretus, idque fit additione aluminis rupei.

III. Quæ quidem operatio est hujusmodi. Partem unam aluminis cum duabus salis tartari siccili retortæ impone, huic amplum aptabis recipiens, per gradus distillatione factā primum exibat spiritus urinosus, tum sal volatilis concreverat admodum candidus & penetrans. Quæ operatio in satis magna quantitate faciendā, secus non succedet: nam minor salis volatilis quantitas in magno recipiente sparsa vix colligi potest, adeo ut quatuor libræ cum semisse materię ad minimum, retortæ imponi debeant.

Neque illud est verisimile hunc salē volatilem ex alumine prodiiſſe: nam ex alumine per distillationem vulgarem non aliud præter spiritum acidum eruitur, neque ex alijs salibus fossilibus emanat, quorum nullus præbet spiritum urinosum. Itaque è sale tartari sal ille volatilis oritur, illius enim partes fixæ salis volatilis particulas velut captivas tenebant: sed quod acidum est in alumine unā cum alcali fixo salis tartari est arcte conjunctum, ac partes volatiles ignis vi sursum efferuntur.

Id vero hoc probabilius videri debet, quòd sal ille volatilis per distillationes non exeat, ubi cum sale tartari alterum tantum aluminis apponitur: tum enim satis magna est acidi copia quæ alcali fixum & volatile tartari implicatum teneat. Ambo hæc Alkali lixiviale & urinosum etsi mutuo sibi obſtare videntur, interdum tamen evenit, ut sal urinosus plantæ vel animalis adeò implicatus sit cum alijs partibus bene odoratis, ut seipsum non prodatur nisi

novi salis lixivialis additione, tumque odor suavis in salem urinosum, & gravem degenerat: quod D. Homberg in paranda moschi tinctura forte accidit. Moschum unā cum spiritu vini paulō debiliori posuerat in digestionē, infusio ipsa moschum omnino redolebat: cum autem ipsi in mentem venisset, parum salis tartari utile futurum extrahendæ tincturæ, affudit paululum olei tartari per deliquium facti, statim odor moschi in gravem urinæ fetorem mutatus est: vas apertum tenuit in digestionē ut gravis ille odor exhalaret, post aliquot dies odor urinosus evanuit, sed moschi odor ingratus & fatuus remansit. Illam odoris mutationem hinc ortam arbitratur, quod sal tartari parti oleosæ moschi, unde odor ille suavis magna ex parte proficiscitur, admixtus quoddam saponis genus effecerit, quod in omni materia pingui & oleosa præstare solet, tumque oleosam moschi partem sejunxit ab aliis quæ sale urinoso abundant. Sal ille oleosa moschi parte non amplius involutus digestionis calore sublatus fetorem urinæ naribus afflavit, qua operatione moschus ita fuit mutatus, ut unam è partibus quibus constabat, simul, & suavem odorem ex accurata mistione prodeuntem amiserit.

I V. Non dissimile argumentum prosecutus D. Tournefort, isque experientia quædam à se facta circa sales qui è terra citra ignis opem extrahuntur die 4. Decembris è scripto recitavit.

Horum summa est, gypsi frustra selegit, qualia è ruderibus eruuntur, vel è locis inferioribus, ubi ignis non accenditur, his contusis dolium penè implevit, ita ut aqua exaret semipedis altitudine, per quatrimum facta est infusio, necdum aqua ullum saluginis præbuit indicium, neque per solitas probationes ullum salis vestigium dedit. Eadem aqua novis ruderibus affusa non nihil ruboris contraxit, acris quoque aut amaræ saluginis, gallæ solutionem subalbo colore tinxit, tum coagulum satis densum, deinde præcipitatum quoddam prodiiit; cum oleo tartari statim coagulum album effecit, tum spiritus urinosus prodiiit, qualis exhalat è misturâ salis ammoniaci cum oleo tartari, sed nullus calor, nulla efferventia visa est. Eadem infusio calci admixta consimilem spiritus urinosi odorem afflavit, adeo ut illud admodum probabile videatur præter nitrum, & salem marinum nonnihil salis ammoniaci calci inesse.

Infusio illa ruderi, seu gypsi post aliquot dies spiritum urinosum fortiter emittit, ex quo suspicatur D. Tournefort salem qui inest aëri, salis ammoniaci, nitri, & salis marini, uti & salem terræ esse compotem; quique sal inest gypso, videtur magna ex parte hinc ortum suum ducere. Nam sal terræ etiam ejus quæ multis in locis cum excrementis animalium est permixta, non tot præbet indicia salis ammoniaci, atque illa gypsi infusio. Unde in vetustis ædificiis scalæ, & in cubiculis calce oblitis, si per aliquot dies occlusa teneantur, odorem efflant spiritus urinosi.

V. Gypsi infusio in sartagine ferreâ exhalata multum ferri contraxit, atque ubi densior facta est, sic effervuit ut identidem ex igne subductam oportuerit, ne effunderetur. Sal ejus in sartagine concrevit in laminam, sed in aëre superficies ejus citius quàm sal tartari liquecebat. Is prunis impositus instar nitri, sed tardius detonare solet, tametsi acredinem, & amaritudinem salis tartari præ se fert, quod insignem ejus misturam arguit. In

AN N. aquâ dissolutus nullum amplius odorem urinosum spirat : ubi salis tartari ; aut calci admixtus fuit , quod erat in eo salis ammoniaci exhalavit , aut ita cum aliis salibus coherebat ut ab iis divelli non potuerit.

V I. Infusio facta è teriâ quæ è muris vetustis , vel è fornibus cellarum erasa est , eadem pene est quæ è gypso rudum. Major est salis fixi copia in iis infusionibus quæ Lutetiæ è gypso parantur , quod satis magnam cinerum copiam admisceant. Ubi etiam hæc infusio cum oleo tartari permiscetur , odorem afflat urinosum. Terræ à multis annis inculatæ aquam assusam per aliquot dies reliquit , idque secundo & tertio iteratum , tertia infusio nonnihil falsa & satis amara apparuit ; exhalata ad dimidiam ejus partem similis visa est infusioni gypsi colore & sapore. Ante evaporationem nullum odorem emisit urinosum , postquam admixta fuit oleo tartari : sed post evaporationem odorem dedit minus gravem quàm gypsi infusio præbuerat. Hæc infusio calcis aquæ admixta colorem aureum ex additione sublimati prodeuntem non inhibet ; ex hac terræ inculatæ infusione permixta cum solutione sublimati corrosivi color albus prodiit , tum præcipitatum : post evaporationem sublimatum huic affusum turbidum apparuit ut in Natro Ægypti evenit , adeo ut inter hos sales magna videatur esse cognatio.

VII. Natrum illud non aliud videtur esse præter salis marini , & salis alcali naturalis misturam , vel certe lapidea est materia quæ in calcem excoqui potest. Quæ in natri compositionem veniunt substantiæ non satis accuratè videntur permiscæ. Nam aqua huic affusa partem tantummodo illius primum exsolvit , quæ scilicet minus resistit ; quod superest natri instar pumicis , aut spongiæ innumerus poris excavatur , & igni admotum instar salis marini crepitat : solutio ejus cæruleæ chartæ colorem non mutat , uti nec sal communis ; cum sale ammoniaco non fermentescit , cum gallâ coagulum album efficit : solutio natri unâ cum spiritu nitri multum effervesceat , non item sal marinus. Hoc etiam cum eo habet commune , ut ejus solutio calcis infusioni admixta colorem aureum ex additione sublimati non prohibeat. Ex his concludit D. de Tournefort terræ salem inesse quemdam sale marino , nitro fixo seu alcali , & sale ammoniaco permixtum , qui naturalis dici potest. Hic citra ignem examini subjectus acidi & alcali præbet indicia.

VIII. Cum sublimati mentio identidem facta fuerit in his observationibus referendis , non erit alienum quæ circa illius preparationem annotavit D. Homberg , hoc loco subijcere. Die 13 Novembris dissertationem ea de re legit in primo post inducias congressu ; illud animadvertit hydrargyrum inter fossilia imprimis esse volatilem , eumque ultro salibus fociari , & cum iis in sublime ferri ; sublimata quæque extra ignem posita sicca apparere , licet quædam ex iis diu liquata in mediocri calore mancant. Ex quo fit ut inter sublimandum vix ea possint à capite mortuo separari : siquidem in fornace vasis sublimatorii , cum non satis refrigitur , ut sublimatum figi possit , in caput mortuum sensim relabitur , adeo ut in summo tantum apice matræ fiat sublimatio , quod longum & iterandum sæpius laborem in aliis vasis exigit , ut è capite mortuo quicquid est volatile extrahatur.

Hoc incommodum ante aliquot dies Domino Homberg acciderat, cum partes æquales sublimati corrosivi, & salis decrepiti unâ sublimare voluit: cui incommodo ut mederetur, retortæ hanc misturam imposuit, ut in vas recipiens per distillationem transiret: sed magna sublimati pars per juncturas excipuli in fumum dissilata est. Itaque detracto igne globum, seu excipulum prope illius fundum parvo foramine pertudit, cumque sic aptavit retortæ, ut foramen extaret in parte superiori. Igne subiecto non obturatis juncturis tum sublimatum in excipulum stillavit citra ullum materiæ per commissuras dispendium, idque partim instar butyri antimonii exsiccati, partim instar nivis concrevit; ac nihil misturæ parti recipientis superiori adhæsit. Quod sublimatum in priori procedendi modo antè in fumos abierit, quàm globum subiret, id in causa videtur fuisse, quòd aër excipulo contentus & præ retortæ calore paulatim dilatatus exierit per commissuras, & sublimatum adhuc in forma fumi extenuatum secum abripuerit: sed idem aër in imâ parte recipientis exitum liberum offendens in secunda operatione solus egressus est, sumque fumus mercurii citra ullum obicem ingressus locum frigidiusculum offendens citò concrevit, nec ulque ad foraminis altitudinem ascendit, sed instar nivis in imo subsidens, mediam excipuli implevit partem citra ullam illius jacturam.

Quod autem mercurius in hac operatione diutius maneat in forma liquida quàm in vulgaris sublimationibus corrosivi, aut mercurii dulcis, hanc D. Homberg affert rationem, quòd majori copia salium oneretur, quàm alia sublimata; cumque abundans illa salis copia in hac operatione salis decrepiti non satis habeat mercurii quò absorbeatur in vehementi ignis calore, huic spiritûs acidi specie sociatur, dum adhuc calet, atque in forma liquida eum tuetur. In primis quidem sublimationibus non minor erat spiritus acidi copia, isque in frigidiori loco concresebat solus mercurio, sed opus fuit iteratâ sæpius operatione; cum sale decrepito major ejus copia separatur, quam ut à mercurio absorberi possit ne in frigidiori quidem loco, sed in olei densioris aut butyri antimonii liquidi forma manet.

Hæc postrema operatio intra spatium duarum horarum fuit absoluta, in sex libris sublimati: cum in vulgari agendi modo tres sublimati libræ spatio 12 horarum non fuerint sursum sublata. Ratio in proclivi est: nam in postremâ agendi methodo sublimatum è retorta exiit eo ipso tempore quo à suis fecibus secretum fuit, cum in vulgari procedendi methodo diutius in vase sublimatorio circulatum in feces subiectas recidat, quod locum satis frigidum non offendat ut possit concrecere.



CAPUT I V.

De Botanicis.

I. **Q**Uæ ad plantarum historiam, & analysim spectant, non minori studio quàm superioribus annis persecuta est Academia. Hujus rei magno est argumento historia plantarum quæ in agro Parisiensi, & circumjunctis in locis occurrunt, hoc vertente anno à D. Tournefort elaborata, & proxime consequenti in lucem edita, cujus mentionem feci ex occasione ad annum 1694, cum de hoc labore continuando usque ad hunc annum tum temporis ne cogitarem quidem. Stirpium descriptiones à D. Dodart recognitæ complures itidem lectæ sunt, & novo examini subjectæ: novas quoque protulerunt D. D. Marchant, & Tournefort, quas nihil necesse est sigillatim hoc loco recensere.

Non possum tamen silentio præterire observationes à D. Tournefort factas circa fructum plantæ cujus nomen est *Apocynum majus, Syriacum, rectum Cornuti*. Semen hujus plantæ alio quàm in cæteris nutritur modo, adeo ut per vasorum funiculum placentæ non cohæreat, sed sola filtratione nutriatur. Jam anno superiori structuram floris coram exhibuerat, sed die secundo hujus anni fructum ipsum protulit, ac semina diversâ plane à cæteris plantis ratione ali demonstravit, cum huic desint vasa, quæ præbeant alimentum.

Fructus hujus plantæ est quoddam siliquæ genus, tres ferè digitis est longus, densioris substantiæ; duplici constat tabula. Quod inter utramque tabulam interjacet spatium, cellulis repletur spongiosis, quæque è variis texuntur vasis cranii animalium diploen referentibus. Neque abhorret à verisimili succum nutritium, qui lacteus est, in his vasis per varios circuitus præparari, è quibus in corpus spongiosum, quod est instar placentæ, deferatur: id verò ab uno extremo fructus ad alterum productum, & quasi in foliola diductum, in suis velut sulcis excipit plurium seminum caudas, è variis filamentis contextas, quasi toridem ellychlinia. Et quidem id observatum fuit à D. Tournefort jam ante complures annos hujus fructus semina placentæ nullatenus adhærescere, neque per vasa, neque per alia quævis corpora, ut in aliis sit feminibus. Verum in hujus plantæ fructu filamenta, seu caudæ in ipsis sulcis in longum jacent, neque dextrorsum, aut sinistrorsum possunt deflectere, sed extrema earum placentæ ipsi adhærescunt. Ex eocaudarum situ conjiciebat eas nutritioni seminis inservire, cum nec vasa, neque alia quævis corpora muneri destinata videantur. Succu nutriti à placentâ in semina commeatus satis apte conferri potest cum liquoris ex uno vase in aliud transitu per gossypii aut panni limbum: adeo ut in apocynoplacenta succum alimentitium in poris suis recondat, eodem succo filamenta caudarum imbuat, quæ ad semina usque eum transmittunt, ubi cauda à semine ipso divellitur, liquoris guttula ab extremo caudæ avulsæ stillat.

stillat, quod utrique cum nutritionis modum confirmat.

II. Opponi quidem potest filtrationem non fieri per panni lacinias, nisi eodem liquore madeant. Verum qui in semine est humor, affinis est maxime huic liquori per caudam transmissio, & illi facile sociatur. Ubi maturuerunt semina extrema quæque caudarum à planceta divelluntur & evanescunt: quod ad alias apocymi species spectat, satis verisimile est, earum semina eodem protus modo ali, & crescere; non item in carduis, jacæis, & aliis seminibus evenit, nam è funiculo vasorum alimoniam trahunt.

III. Cum die 6 Martii de celebrata illa brassiliensi radice, vulgo *hyppecuanagana* dicta sermo incidisset, D. Bouleduc id admonuit subnigræ hujus radicis vires majores esse quam cineræ, ac dosim illius tertia parte minorem se agris dare solitum.

IV. Plantarum analysis D. Bourdelin eadem diligentia, quâ superioribus annis perfecit, quæ nos diu non morabuntur, quod præcipuè unâ cum descriptionibus aliquando prodituræ sint in lucem.

Gummi guaiaci analysim die 27 Februarii exhibuit. Id duarum librarum pondere in pulverem comminutum, & admodum siccum liquoris uncias fere quinque, olei uncias 12 præbuit, salis fere nihil; die 20 Martii butyri recentis analysim protulit; è duabus libris liquoris uncia; cum semisse, odoris admodum gravis, 24 olei uncia, odoris iidem penetrantis & fætidus, ac saporis acerrimi prodire.

Semina mahaleg ceraso affinis, seu ligni S. Lucie duarum librarum pondere, & per triduum in aquæ tribus libris macerata, consueto modo distillata liquorem 55 unciarum pondere, ut in aliis fere seminibus, partim acidum, partim sale volatili fæctum, oleum 10 fere unciarum, sale volatilem concretum ferè unius drachmæ, sale fixum ejusdem pene ponderis præbuere.

Id esse observatum ineunte mense Martio dixit D. de la Hire, è foliis mali Aurantiæ aquam exire glutinosam, hanc lamina vitri arbori subiecta noctu stillantem excepit, eaque guttis perspersa figuræ saris regularis inventa est; folia mali quæ aliis foliis suberant, hac iidem aquâ velut aspersa videbantur. Malus aurea loco sicco occlusa nondum foraseducta fuerat.

Ranunculi nemorosi analysis facta, uti asperuginis dodonei, Lapathi majoris, ut eas omittam analyses cum stirpium, tum animalium, quæ ad has, & complures alias in hoc opere expositas referri facile possunt.

V. Illud majoris est disquisitionis utrum sales fixi è plantis per lixiviam extracti in volatiles abire, & in alia principia simpliciora resolvantur. Ea de re observationes à se factas è scripto legit D. Homberg die 17 Julii.

Summa hæc est, sales alios aliis esse fixiores ut spiritu implicantur acido uberiori, aut pariori, qui salsedinem majorem, aut minorem iis impertitur; neque facile per calcinationem eos spiritus acidos exuunt sales fixi, nisi calcinatione & filtratione sæpius repetitis.

ANN. Duabus uncis salis fixi absinthii communis benè exsiccati, & recens
1697. calcinati 4 libras affudit aquæ ex absinthio distillatæ & recentis, cui sapor
& odor plantæ citra ullam aciditatem inerant, in B. M. distillavit, cohobatione ut vocant sexies repetita, sal in fundo subsidit idem planè qui ante
tot distillationes iteratas, 20 tantummodo granis imminutus, cuius imminutionis non magnam habuit rationem, sed aliis operationibus præbuit occasionem. Cum hujus salis duabus uncis 4 libras spiritus vini optimi affudisset, post distillationes & cohobationes, ut antè iteratas, salem absinthii duabus drachmis & 25 granis imminutum reperit, sal in aquâ solutus; & per filtrum tractus, nihil fecis, aut terreni in filtro reliquit; idem ejus sapor qui antea, sed spiritus vini lixivalem saporem, & odorem induit.

Cum huic sali superstiti tantum salis addidisset, quantum decesserat; ut idem maneret pondus 2 unciarum, aquâ vini ardente 4 librarum pondere affusâ, post distillationem & filtrationem ut prius factas, sal tribus fere drachmis multatus subsidit ingrati saporis, & odoris, quem ex aquæ ardentis phlegmate contraxit, aqua vero atdens odore lixiviali imbuta est.

Vini albi quatuor itidem libræ duabus salis absinthii affusæ, factâ levi effervescentiâ omnem vino & saporem & odorem detraxerunt; idque lixiviali odore infectum, & turbidum visum est: post distillationes, ut prius repetitas, salem sex drachmis cum semisse minutum invenit. Hanc operationem iteravit, ac 9 drachmis cum semisse salis superstitis 4 libras vini sunt affusæ; sex tantummodo salis drachmæ, atque eadem operatione repetita, tres solum remanserunt. Nec dubium est quin eodem procedendi modo ulterius continuato sal penè evanuisse. Spiritus itaque sulphurei salis lixivialis partes sic penetrarunt & comminuerunt per iteratas distillationes, ut eorum vim & naturam immutarint.

Sic enim D. Bourdelin vinum salis tartari affusum cum distillasset citra cohobationem, salem non mediocriter imminutum reperit. Ex quibus id concludi potest sales fixos plantarum spiritu sulphureo vini fieri volatiles. Nec necesse est spiritum sulphureum ejusdem plantæ in eum finem adhibere; sales omnes lixiviales uti & spiritus sulphureos vegetabilium consimiles penè esse hinc conjicit D. Homberg; qui illud quoque animadvertit post spiritus vini, & aquæ ardentis repetitas distillationes salem lixivalem absinthii in aquâ calida solutum, & per chartam bibulam filtratum, nullas fæces in charta reliquisse. Ex quo id concludit partes omnes salis lixivialis in spiritu ardente paulatim dissolvi, ne terrenis quidem partibus exceptis. Atque ea dissolutio hoc magis est accurata, quòd liquores sulphurei sint magna ex parte salini, uti in oleorum analysi fuit demonstratum. Id quidem fatemur post vini iteratas distillationes crassamini nonnihil in filtro remansisse, verum id potius terrestri vini portioni tribuendum videtur, quàm sali, cui admissum fuit.

Quod autem in vino facta operatio sales fixos præ cæteris operationibus in volatiles converterit, in causa fuit spiritus acidus vini, qui unâ cum spiritu sulphureo sales minutius concidit. Nam acida etiam cum sola sunt, sales

linivales in falsos commutant, qui ignis vi per retortæ rostrum exeunt. Sed ubi acidum sulphureo spiritui vini sociatur, tum fit duplex dissolvens, & ambo ita salem fixum comminuunt, ut in capitellum alembici efferri possit. Spiritus vini, & aqua ardens acidi expertes non adeo salem absinthii exsolverunt, atque vinum album utriusque compos; aqua vero absinthii nullum effectum edidit, quod utriusque dissolventis, acidi nempe & sulphurei experts foret.

VII. Die 18 Maii D. Froger qui cum D. de Gennes ex Africa & America nuper redierat, inter alia permulta icones plantarum quarundam & fructuum Academiæ exhibuit: cujus generis erant nux pinea Indica ad fluvium *bambi* in Africa visa, *cahouar* seu cerasum prope Goræam, cerasa brassiliana, eaque striata, ponciadem arbutum quoddam Americanum cujus folia acacie folia referunt, sed rubra; Tabakomba fructus est in Africæ littoribus frequens, qui Granatum refert; fructum alium incognitum protulit magnæ insulæ, in Brassilia, arbor similis est nuci, & fructus nuci viridi non absimilis velut cotona cinctus.

VIII. Die 27 Novembris D. Bourdelin scriptum legit sibi ab amico communicatum de radice quadam Sinensi, quæ apud Sinas multò pluris æstimatur quàm Thæum: hæc vulgo *Sin-sem* appellatur, voce è duabus compositis, ex *Sin*, quod hominem, & *Sen*, quod plantam significat, quia hominis formam utcumque adumbratam gerit, variis eam nominibus eruditi ornant, quibus illius dotes exprimere conantur.

Radix est oblongior in duos divisa ramos, quibus corpus humanum suis erutibus innoxium aliqua ratione exhibet; folia sunt angusta, quæ in aculeos desinunt, flores perpurei. In solo humidiori sub umbra sic crescit ut post longam annorum seriem ad culmen suæ perfectionis perveniat, sub arbore nascitur, quam vocant *Kiachu*, Sycomoro non dissimili.

Quæ nunc est usitata è Provinciâ *Lenton* quæ Tartariæ Orientali est finitima, advehitur: inter Cardiacæ Sinensium judicio primas tenet, atque illius dotes mirum in modum extollunt, in morbis potissimum qui magnam debilitatem asserunt, sive ex casu quodam, sive ex senio oriuntur, permagni usus eam prædicant.

CAPUT V.

De rebus Anatomicis.

I. QUæ circa Anatomiam & historiam Anatomicam hoc anno sunt observata in pauca conferemus, nam pleraque ex iis jam annis superioribus sunt explicata.

Ac primum quidem, ut temporum seriem sequamur, die 6 Martii D. du Verney epistolam legit Chirurghi nomine S. Donat, qui Cisterone in Provincia artem exercet suam: in seroto hominis se reperisse testatur formam infantis, suis 4 membranis involuti, utcumque adumbratam; adeo ut caput,

452
 ANN. oculi, pedes, ossa, cartilagine intertoscæ, & distingui quodammodo possent. Quod si de re ipsa constaret, existimabat D. du Verney, in iis locis polyposas concretiones factas esse, quæ falsas præberent earum partium corporis species.

II. Sic iisdem fere temporibus allata est à D. Mery epistola, à Doctore Medico, & à Chirurgo perscripta è Sanctionum tractu de calculo minoris ovi gallinacæ magnitudine, in eadem corporis parte reperto, quem ibi formatum esse opinabantur. Contra D. Mery ex ipsis circumstantiis collegit hunc calculum è renibus per uretram delapsum in vesicam, ubi diu hæsit donec contractione fibrarum paulatim in uretram pulsus est: hæc vero distrumpitur ubi calculus plus satis eum dilatat canalem. Idque vel ex ipsa rei expositione liquet. Nam ut ipsi scribunt, homo ille jam ab anno decimo cum dysuria laboraret, isque succo parietariæ cum vino albo permisto usus melius se habuisset usque ad quadragesimum annum, nihil profecto opis attulisset hoc remedii genus, si calculus eo in loco fuisset, ubi inventus est circa annum ætatis quadragesimum. Ille autem urinæ viam obstruxit & sanguinem exprellit. Uretram igitur tum obsidebat, non aliam corporis partem: quod aliis etiam rationibus ex ipsa epistola, & facti narratione ductis evincit D. Mery.

III. Idem paucis post diebus quis sit usus illius canalis per quem in fœtu vena porta cum venâ cavâ in jecore communicat, juxta principia sua exposuit. In ea quippe est sententia, ut putet, hunc canalem à natura factum esse ut quâ sanguis ab umbilicali venâ ad cor usque perducitur via, fiat compendiosior, quò scilicet aër qui à matre per venam umbilicalem ad cor usque pervenire debet, sufficiat circulari in fœtu sanguinis motui. Quòd si enim sanguis venæ umbilicalis, longum illud iter per venæ portæ ramos insisteret, & venæ cavæ ramulos pervaderet, quantum illud est aëris per frequentes attritus de motu suo nimium deperderet, quàm ut sanguinis circuitum continuare posset, cum propriis vitibus cor fœtus eum efficere non valeat.

IV. Mense Aprili D. du Verney observationes Anatomicas citra cerebrum humanum exposuit, uti D. Mery capte lybicæ, vulgo *bazelle* ventriculorum exhibuit & observationes suas è scripto recitavit. Id primum animadvertit œsophagum hujus animalis quod est ex genere ruminantium, triplici fibrarum ordine esse instructum, quæ sese mutuo ita intersecant ut lineas spirales delineent. Duo tantummodo plana earum fibrarum quæ carnosæ sunt, auctores agnoscunt, adeo ut unum ex his cibum in ventriculorum deprimat, alterius verò plani fibrarum contractione alimenta sursum in os remeant. Quibus illud opponit D. Mery fibras illas si junctis viribus & simul agant, ut potest contingere, utrique actioni servire non posse nisi alternis sese contrahant initio motus ab extremis oppositis ducto, ut sit in ipsis intestinis, cum materia his contenta in eorum cavitate it, reditque. Quin etiam id fieri potest, ut in ruminatione œsophagi fibræ cessent omnino, ac solæ ventriculi fibræ tum contrahantur. Nam si œsophagi fibræ inter ruminandum ab inferiore œsophagi parte versus superiorem contraherentur, alimenti viam à ventriculo ad œsophagum intercluderent.

Structuram & actionem eum œsophagi, tum partium ventriculi sigillatim exponit D. Mery. Fibras carnosas exterius & interius membranis involvi docet, œsophagi caput, quod pharyngis nomine donatur tribus musculis sibi propriis instructum esse; originem eorum, & usus describit. Primo qui utrimque originem suam ducit ab externa cartilagine tyroidis parte, & ab inferioribus ossis hyoïdis ramis, transversis fibris œsophagum retrorsum complectitur, ubi fibræ unâ coeunt; isque œsophagum stringit, ubi contrahitur, duo reliqui eum dilatant. Ventriculus in quatuor partes dividitur, singulæ suis nominibus designantur. Has D. Mery accurate describit earumque structuram & usus.

Pars ventriculi prima, quæ tres alias simul sumptas vincit amplitudine sua, papillis ferè ubique conspergitur, hæ quidem ex interiore membrana leniter assurgunt, & vestitæ epidermate ejusdem pene sunt figuræ cum curis papillis, adeo ut eodem ferè sensu præditæ videantur.

Quæ pars ventriculi proximè sequitur, & reticulum vulgo appellatur, in varias cellulas, quasi in favos mellis distincta apparet: œsophagi extremitas inter has ventriculi partes sita est.

Pars tertia ventriculi in folia diducitur & papillis aculeatis hirsuta omnium minima est. Hanc excipit quarta quæ in duas quoque partes dirimitur; pars prior foliis itidem in longum porrectis, sed politis & cæcis est distincta; pars ulcima & angustior cum intestino communicat, foliis quidem destituta, sed glandulis est conspersa: hæ quidem, ut probabile est, eam suppeditant materiam, quæ coaguluma appellatur, quòd lacti coagulando adhiberi soleat.

Inter utramque ventriculi membranam anteriorem & posteriorem planum est carnosum in tres ordines fibrarum divisum, quarum aliæ aliis sunt superpositæ: pylorus est instar valvulæ circularis, & intrus replicata.

Intestina glandulis esse destituta existimat D. Mery. Anus triplici musculo instruitur, sphinctere, & duobus artolentibus, qui originem suam ducunt à caudæ vertebra; fasciculus fibrarum carnearum à fibris rectis intestini recti oritur in vertebra caudæ desinit.

V. Die 27 Aprilis cranium hominis exhibuit D. Homberg carie exesum, exterius innumeris foraminibus erat pertusum, & densiori crusta digiri lartitudine densa exasperatum: homo paucis ante diebus diem suum obierat acerbis doloribus ante sex menses vexatus. D. du Verney partes generationi destinatas in duabus mulieribus dissecuit.

V I. Die 18 Maii D. Froger icones quorundam animalium protulit quas in Africa, & in Bassilia delineavit 1. Avis incognitæ in Goræ repetæ colore nigro; galli Indici aut potius Africani magnitudine oblongi & durissimi rostri, cui imminer cornu æqualis longitudinis, antèrè inflexum; 2. pavonis Guinæ qui imperialis vocatur: huic insunt purpureæ plumæ in extremis alarum, oblongum collum, plumulæ nigræ & subriles admodum in summo capite, collectæ in apicem, aut in fasciculum nigrum; in occipite crista erat in coronæ formam; 3. pelicani qui in flumine Gamusi reperitur; 4. monstri ex sue nati cujus rostro imminere velut proboscis, aures erant elephanti similes, 5. suis aquatici *Capivard* dicti, in fluvio S. Annæ in Bras.

454
 ANN. filix littore reperti, suis magnitudine, caput erat leporinum absque cauda!
 1697. 6. Hystricis marini in litore Brassiliæ, alterius itidem piscis cui butæ aut
 crumenæ nomen in insula S. Vincentii inter insulas Promontorii vici-
 dis, alius denique piscis, vulgo puellæ, seu *Demoiselle* Cayennæ captx.

VII. D. Mery die 22 ejusdem mensis observationes anatomicas citra
 partes generationi dicatas in caprâ Lybica sexûs masculini est profectus.
 Quatuor in hoc animali arteriæ spermaticæ erant, & duæ venæ, huic deerant
 proptatæ: reliquas diligenter descitpsit quæ die 5 Junii fuerunt dis-
 cussæ.

VIII. D. Dodart dissertationem typis excusam legit, 12 Junii, in quâ
 observationes à Medicis Remensibus circa quoddam hydropis genus recens
 factæ continentur. Rustica 45 annos nata ante annos 17 tumorem sensit
 exiguum in sinistro hypocondrio, qui non admodum molestus erat sub ini-
 tium, sed progressu temporis ita excrevit, ut in parte inferiori ventris sec-
 tionem facere opottuerit. Vulnere aperto primum exit pus valde excoctum,
 tum corpus mediocris pruni Armeniaci magnitudine, instat vesicæ è mem-
 brana candida formatæ, quæ pelliculam interiorem ovi, ut aqua ibi conclusa
 ipsum ovi albumen referebat; limpida enim erat, sed tamen ignis calore
 non concrevit, aut perparum. Tum incredibilis multitudo globulorum pro-
 diit, quorum nonnulli pilæ palmaris magnitudinem æquabant; aucto vul-
 nere complures alii sacco membranoso involuti visi sunt post ægram mortem.
 Tres alii sacci deprehenfi, qui inter se per sinus interjectos communicabant;
 viscera complura, ut lien, renum alter, pulmones corrupti, pericardium
 aquâ flavâ & lutosâ refertum, jecur non adeo male affectum.

Quâ ratione hi globuli vel hydatides formentur, explicatu, si quid aliud,
 arduum est. Hæ quidem hydatides iis in locis generari solent, ubi vasa lym-
 phatica sunt frequentiora; adeo ut justa sit suspicio hydropem ex uberiore
 aut acriore lymphâ, quæ vasa exedit, aut extra ea effunditur, suam plerum-
 que originem ducere. Sed unde pelliculæ, seu involucra globulorum? An
 forte lymphâ inter valvulas intercepta nec motum suum continuare præ va-
 sorum obstructione, nec regredi potest, quod obstitit valvulæ, in iis spatiis
 interjectis globulos creat, qui vasorum tunicis involvuntur? Sed cur portio
 illa tunicæ in globum tornatur? Et quidem in eo morbo cujus mentionem
 fecimus, & in plerisque ejus generis multo plures globi occurrunt, quàm
 partes vasorum inter valvulas interceptæ suppeditare possint. Deinde sæpe
 hydatides cum suis pediculis reperiuntur; nec demum facile dictu est quæ
 partes abdominis in tot saccos, quales in corpore hujus rusticæ visi sunt, pro-
 duci & extendi poterint.

Illud mihi exciderat quod idem D. Dodart sub hujus anni initium, nempe
 die 16 Januarii narravit, ex medico sibi noto accepisse hydropicos sanatos
 ab eo fuisse postquam arenâ opertos sole æstivo per biduum, aut triduum ex-
 posuit sereno aëri.

IX. Cum de morbo articulari sermo fortè incidisset, nonnulla sunt pro-
 posita remedia. Ex iis unum proposui quo quidam uti solent. Ranunculum
 pratensem tundunt in mortariolo, succum expressum parti affectæ adhibent,
 quod reliquum est plantæ contusæ superponitur cum emplastro è cera in

medio pettuſo; poſt 12 horas detracto emplastro, Betæ folia, tum batdanzæ *ANA?* itidem folia parte ſui terſa applicantur, quibus veſicæ à ranunculo excitatæ *tom.* ſanantur.

D. de la Hire ſibi notum eſſe ait ſenatûs patronum, qui ſapone utitur aquâ vini ardenti antea inſuſo, circum partem affectam in coronæ modum hoc remedium applicat.

D. Galloys aliud remedium ex illuſtri equite D. Temple Anglo deſumptum protulit; muſcus eſt indicus qui in parte affecta incenditur. Hic tractatus inter miſcellanea hujus equitis inferitur, iſque ita inſcribitur, Tentamina de *Moxa* adverſus morbum articulare.

D. Morin aliud longe facilius attulit, notum ſibi ait hominem qui ſalviâ in modum thei præparatâ utitur ut dolores ſedat.

Huic morbo abſtemii minus ſunt obnoxii.

Cum de angina fermo haberetur, quod à primo olim Reginz Chriſtiſſimæ Chirurgo D. Davjd, paulo ante acceperam, propoſui. Nidus eſt hirundinis oleo aut tecenti butyro imbutus, qui in modum cataplaſmatis gutturi applicatur.

X. Die 15 Maii D. du Verney data occasione nos admonuit, in Germaniâ anguillam parvam ſic tubo vitreo aptari, ut microſcopio ſanguis ab arteriis ad venas in pelle remeare videatur. D. Tournefort idem fere conſpici ait in auriculâ vivi cuniculi, cûm oculum inter & lumen diurnum interponitur: ſed hoc ipſum aperte in corde ranæ intueri licet, ut D. du Verney teſtatus eſt: idem & D. Mery ex occasione libri de Chirurgicis operationibus, qui recens prodierat in lucem, confirmant vulnera quæ rarius curantur, hoc citius ſanari: nam aër iis infeſtus eſt maxime, eaque tam operoſe, & ſæpe fruſtra mundari exiſtimant: nam quædam velut cruſtula aut linimentum detrahitur quod naturæ utile eſt ut carnes diſjunctas conglutinet, & ablatas reſtituat. Neque illud prætereundum videtur quod D. Galloys admonuit die 19 Junii Patrem Zylkovſki nomine Societatis Jeſu Polonum in Philoſophiâ nuper editâ inter alia de morbo quem Poloni plicam appellant, id animadvertere, quod ſub initium morbi ſi crines reſecentur, ægri cœci ſiant, non item ſi in morbi declinatione.

XI. Die 19 Junii D. de la Hire infectum delinearat quod D. Homberg in cochenilla repererat, ſpecies eſt quædam ſcarabæi.

Novum genus etucæ exeunte menſe Septembri, & ineunte Octobri ab eo ſuit obſervatum, cujus deſcriptionem exhibuit die 13 Novembris exacto induciarum tempore, ac ſimul is admonuit infecta volatilia maxima ex parte quatuor ſubire mutationes, velut totidem metamorphoſes. Primum enim parva ſunt ova, tum vermes, deinde auriæ, quæ tandem alis inſtructæ volant ut muſcæ & papilioes, quorum formam induunt erucæ. Et tamen novum illud etucæ genus has mutationes non ſubit, quamvis exteriori forma bombycem mediocriſ magnitudinis omnino referat, pilorum plane eſt expers. Quod autem obſervatione dignum videtur, ejuſmodi eruca eſt vivipara, quod in nullo alio genere erucarum eſt obſervatum. D. de la Hire & ejus filius plures hujus generis erucas muris adhærentes viderunt, quæ ſœtus ſuos ediderunt uno & eodem tempore, iique per oriſciâ trachæarum magno co-

A N. natu exierunt matre adhuc vivâ, sed nullo fere nisu, eaque mortua est postquam fetus suos peperit, qui vasa sua umbilicalia & longa & crassa secum trahebant.

Hæc animalcula à numero 12 ad 18 usque pariuntur; paucis post diebus tenuissimis filis quasi fericis se involvunt, suam testam separatim, eamque duram admodum duabus fere lineis longam struunt, in quam per totam hiemem se condunt, nec formam mutant, neque in aurelias abeunt.



SECTIO SECUNDA.

De rebus Astronomicis.

DE Mathematicis acturi ab Astronomicis ducemus initium, quæque sunt magis ex usu publico, aut majorem lucem huic scientiæ afferunt, paulo uberius persequemur.

CAPUT PRIMUM.

De quibusdam observationibus Astronomicis circa solstitia factis.

I. **V**ix aliud quicquam est in Astronomiâ difficilius, quàm solstitia accurate definire; in hoc opus anno superiori D. Cassinus incubuit, ut utrumque solstitium æstivum & hibernum quàm fieri posset diligentissimè observaret, atque hoc ipso anno ineunte, nempe die 12 Januarii cā de re dissertationem è scripto legit, ubi quam inierit viam in utriusque solstitii temporibus cerro definiendis dilucide exposuit.

Altitudines solis meridianas aliquot ante & post solstitia diebus, quantum illi per aëris serenitatem licebat, observavit; earum inter se discrimina in differentias longitudinum convertit, ut inde erueret partem, ut aiunt, proportionalem, & temporum articulos haberet exploratos, in quibus sol à Tropico æquis distabat intervallis, ante & post solstitia. Quà quidem methodo invenit æstivum solstitium anni 1696 die 10 Junii, horâ post meridiem 2, hyemale itidem solstitium ejusdem anni die 20 Decembris horâ de meridie 6, 46, spatium itaque temporis inter æstivum & hyemale solstitium ejusdem anni fuit sex mensium Julianorum, ex quibus tres sunt 31, reliqui 30 dierum, qui simul juncti efficiunt 183 dies, horas 4, 2 post meridiem.

Annus vero Tropicus ex unanimi recentiorum Astronomorum consensu est 365 dierum, horarum 5, 48, vel 49 minutorum.

Spatium temporis inter hyemale, & æstivum solstitium est, 181 dierum: superiori intervallo minus uno die, horâ 2, 54, pars anni dimidia est dierum 182, horarum 14, 54 quæ collata cum spatio temporis inter æstivum &

& hibernum solstitium 183 dierum, horarum 4, 20 differentiam præbet 13 *Astro-*
hor. 26, quantum scilicet intervallum autumnale inter duo solstitia tem- *nom.*
pus medium excedit, & vicissim vernum à medio temporis spatio supe-
ratur.

I I. Hæc utriusque interjecti inter solstitia intervalli inæqualitas non aliunde oritur quam ab Apogæo solis, ubi tardior est solis motus, quam in alio quovis loco suæ orbitæ: unde & tempus motûs apparentis longius efficit temporis spatium in eo semi-circulo, in quo est Apogæum.

Ex quibus palam est Apogæum solis nunc temporis in semi-circulo autumnali Zodiaci versari: quandoquidem sol amplius uno die & aliquot horis quàm in semi-circulo vernali commoratur: cum Hipparchi, Plinii, Ptolemæi, & Albategnii temporibus Apogæum in semi-circulo Zodiaci vernali situm esset, & diutius in eo, quam in autumnali versaretur. Calippus teste Gemino spatium temporis inter solstitium æstivum, & hibernum 182 dierum, Hipparchus, & Ptolemæus, 180 dierum, horarum 15. Astronomi Plinii ætate 187 dierum, hor. 15, invenerunt: adeo ut hæc temporum intervalla autumnalia minora essent dimidio anno 182 dierum, horarum 14, 54, duobus fere diebus Plinii temporibus, cum nunc temporis sit longius dimidio anno, tantummodo 13 horis, & 26, aut circiter.

Quamobrem solis Apogæum à verno semi-circulo in autumnalem commeavit.

I I I. Hipparchus qui anno fere 150 ante natum Christum æquinoctia & solstitia observabat, Apogæum solis in 5, gradu & 30, geminorum reperit. Astronomi recentiores circa medium huius sæculi idem in gradu 6, 30, cancri reponunt, adeo ut intra 18 sæcula 31 gradus Zodiaci decurrerit. Et tamen trium sæculorum spatio Hipparchum inter & Ptolemæum quasi immotum stetit, neque enim hi Astronomi ullam in Apogæo variationem animadvertunt: cum tribus illis sæculis Hipparchum inter & Ptolemæum 5 gradibus promoveri debuisset, habita ratione progressûs quem ab Hipparcho ad nostram usque ætatem fecit: adeo difficile est gradum ipsum in quo est Apogæum solis, certo definire, aut fortè motus illius est admodum inæqualis.

I V. Hic Apogæi motus dignosci potest ex augmento, aut imminutione temporum inter solstitia æstiva & hiberna. D. Cassinus suas quoque observationes cum aliis ante 200 annos Norimbergæ factis conferre voluit, quod majore curâ & diligentia peractæ quàm vetustiores viderentur. Sed calculis omnibus subductis observationes illas incertas esse, nec sibi constare in determinando solstitii die, modò eas excedere, modò deficere compertit: ita ut non immetito Astronomi quidam scripserint opus esse Herculeum solstitiorum tempora certò definire. Et tamen ex aliis observationibus annis 1488, 1500, 1504 inter se collatis id colligit D. Cassini solstitium æstivum anni 1496, die Junii 12, 44 post meridiem accidisse; anno vero 1696 idem evenit die $\frac{10}{12}$ Junii horâ 2, 50 post meridiem. Quamobrem intra 200 annos, anticipatio fuit dierum 2, horarum 2.

V. Rerum ipsa connexio id postulat ut animadversiones quasdam circa reformationem Calendarii Gregoriani à viro docto propositas, cum respon-

ANN. sionibus D. Cassini conjunctis hoc loco subiciamus. Die 13 Martii lectum fuit in Academiâ scriptum D. Crohardi VVeiglii Matheseos Jenę Professore, quod illustrissimus Comes D. D'Avaux tum apud Regem Succorum Legatus miserat ad illustriss. D. de Pontchartrain nune Gallię Cancellarium. Eo scripto machinæ cujusdam, quam panceosum, seu mundum universum Auctor appellat, descriptio continetur. Deinde is proponit methodum conciliandi omnium nationum calendaria. Machina ut exponitur, industriam sui auctoris & ingenium prodit.

Quod autem ille novam & expediam, ut ipsi videtur, disponendi Calendarii in perpetuum duraturi proponit, atque auctoritate publicâ in uno quovis regno Collegium artis consultorum, eique curam Mathematicarum artium, ad quas etiam spectat calendographia, committi oportere : scripto huic respondit D. Cassinus die 6 ejusdem mensis, novam hanc de calendario deliberandi eam relinquendam iis videri, qui veteri utuntur stylo. Qui enim novo utuntur calendario, jam ab annis 115 recepto, & observationibus Astronomicis huc usque habitis comprobato contenti sunt, ne tem actam agant. Cum tamen hujusmodi quę proponuntur collegia erecta fuerint, quid de eorum placitis sentiat Academia regiæ scientiarum cum iis conferre non recusabit.

Quod autem secundo & tertio loco scripserat D. vir doctus : *Injungatur ipsi ut excepsis circa finem hujus seculi currentis 11 diebus, quibus calendarium Julianum omnium confessione celi motum hactenus excessit, curiose præcaveant, excessus ulterius metiendos adhibito computo non cyclico, sicut à 1000 annis huc usque contigit, unde tales excessus nati sunt, semperque nascantur ulterius, sed Astronomico, sicut ab initio christiana religionis per 500 annos factum est.*

Respondet D. Cassinus, Calendario Gregoriano Astronomicas observationes non excludi : tali enim arte est concinnatum, ut ad quamcumque anni solaris, lunarisque mensis magnitudinem rite accommodetur, quique eo utuntur, iidem Astronomicis observationibus dant operam, libenterque cum aliis conferunt, & quâ ratione eo ad futura secula sit utendum, quandocumque opus fuerit, indicabunt.

Ad id veto quod in secundo paragrapho D. VVeiglius subjecerat de cyclis Astronomicis, respondit D. Cassinus computum Cyclicum minime videri aspernandum, atque ab initio Christianæ Religionis usurpatum fuisse probat ex vetustissimis Ecclesiæ scriptoribus, ac potissimum ex prologo S. Cyrilli: neque Theophilus & alii præsules Alexandrini Cyclos rejecere, sed eos perfecerunt, & Cyclo 19 annotum usi sunt, nec Cyclum etiam Alexandrinum Gregoriani respuerunt, sed emendarunt.

VI. Die 30 Martii epistolam à P. de Fontenay Pequini datam, quam D. Cassino reddiderat P. Bouvet, tum è regno Sinenſi redux in cœtu Academicorum lecta est. Illud præter alia P. de Fontenay scribit, Imperatori Sinenſi id esse propositum, ut in suo regno disciplinæ omnes naturales, & Mathematicæ imprimis vigeant ; id vero optare ut quanta esse possunt inter Parisiensem Academiam & hujus imperii Mathematicos sint mutua litterarum commercia, cum daturum operam ut quæ ad natu-

CAPUT II.

De discrimine inter Cyclos lunares & solares.

I. **D**IE 1 Martii D. Cassinus dissertationem legit de eo discrimine quod Cyclos lunares inter & solares intercedit, idque ex observationibus ante Hipparchum factis colligit.

Primum negat nunc temporis illud tam arduum esse differentiam inter solares, & lunares cyclos 19 annorum statuere, atque olim hoc erat ex observationibus trium aut quatuor sæculorum factu difficile. Siquidem præsto sunt nobis multorum retro sæculorum observationes, cum olim diem novilunii cuiusque nosse sufficeret dividendis temporibus, nec de horâ ipsâ quicquam esset sollicitus, nullo fieri modo poterat, ut intra modicum temporis spatium hæc differentia cyclorum perspecta esset, & cognita, siquidem vix ea est unius diei intra duo aut tria sæcula. Nihil adeo mirandum si post ætatem Numæ Pompilii Regis Romanorum, qui annum ad lunæ motum sic constituit, ut vicissim quoque anno lunâ ad eundem cum sole gradum reversâ novus annus inciperet; tria aut quatuor sæcula effluerunt, priusquam Metho Atheniensis, & Calippus lunares periodos in Græciam inducerent, ex eadem hypothesi regressus lunæ cum sole ad eundem Zodiaci gradum post exactos 19 annos.

Nihilominus tamen anni non ita erant inter se æquales quin aliquot horis à se invicem dissiderent. Metho periodum suam ex 19 annis composuit, qui diebus constabant integris: Calippus sex horas Methonis periodo detraxit, atque ex quatuor Methonicis suam texuit periodum 76 annorum; eaque anno primo Imperii Alexandri, annis videlicet 330 ante Christi epocham fuit usu recepta. Is solarem annum, 65 dierum & sex horarum statuit, quam tribus post sæculis Julius Cæsar anni magnitudinem retinuit. Hæc Hypothesis quod simplex esset & facilis, brevi obtinuit, idque etiam postquam Astronomis ea fuit alicujus erroris suspecta: adeo ut septimo post sæculo Alexandrini præsules, quibus id muneris à Nicæno Concilio injunctum fuit, ut certum paschatis diem constituerent, hanc periodum adhibuerint.

II. Astronomi etiam solares inter & lunares periodos discrimina serius animadverterunt, sive ex inveteratæ opinionis præjudicio, sive ob incertam anni solaris magnitudinem. Nam annus paulo major quàm revera sit, habebatur; seu denique quod nimis arduum videretur solis & lunæ motus admodum inæquales explicare: ii quippe solem & lunam interdum plus satis promovent, aut retardant. Hujusmodi inæqualitas motuum in causâ est cur menses lunares, qui à verâ lunæ cum sole conjunctione ad alteram numerantur, quique naturales sunt, & apparentes, non sint inter se æquales, sed alii ab aliis aliquot horis dissideant. Inter longissimos & brevissimos

M m m ij

AN. medio loco interjecti sunt menses 29 dierum, 12 hor. & fere $\frac{1}{2}$ unius horæ sed ii sunt perrari. Huiusmodi fuit hoc ipso anno mensis lunaris, qui die 12 Ianuarii desinit. Longissimi ad dies 29, & horas 19 produci possunt, ut brevissimi ad 29 dies & 7 horas contrahi. Hæc inæqualitas lunarium mensium explicari solet per inæquales celeritatis gradus, qui soli & lunæ conveniunt, penes diversam eorum ab Apogæis, aut à perigæis distantiam.

Cum solis Apogæum habita stellarum fixarum ratione pene immobile videatur, sol qui anniversarium suum motum intra 12 menses lunares & amplius, tertia nimirum mensis parte absolvit, intra unius mensis spatium 29 gradibus ab Apogæo suo recedit: unde & diversa celeritate fertur ab eâ quam mense superiori habuit; cumque post exactum annum ad suum non redeat Apogæum nisi post dies 11 à duodecimo lunari mense, sub anni insequentis initium non eadem est illius ab Apogæo distantia, cum eâ quam habuit superiore anno ineunte.

Luna vero decursu Zodiaco Apogæum suum, quod mobile est, ante finem mensis prætergreditur, & secundum init mensē, cum ab eo jam 25 gradibus distat, quod illi mensibus sequentibus diversos tribuit celeritatis gradus.

Sol autem ad lunæ Apogæum regredi non potest nisi post 14 menses exactos, qui propterea continuata serie sunt inter se inæquales. Luna tamen ad Apogæum suum cum sole recurrit, decimo quinto mense eisdem celeritatis gradus, quos in primo mense nacta fuerat, recuperat.

Verum sol tū temporis ab Apogæo suo jam 39 & amplius gradibus removetur, quod obstat ne priori celeritatis gradui restitatur, neve mensis decimus quintus omnino æqualis sit priori. Cum tamen hæc motus solaris inæqualitas vix $\frac{1}{2}$ lunaris sit inæqualitatis, qui sequuntur 14 menses magnitudinem habent 14 mensium qui præcesserunt magnitudini quodammodo respondentium: post 15 periodos 14 mensium & unam 13, quorum summa est 219 mensium lunarium inter se inæqualium sol ad undecimum gradum à suo Apogæo, & ad tertium ab Apogæo lunari gradum revertitur. Quod utique menses non exactè ut visum est veteribus ante Hipparchum Astronomis, sed præter propter ad eandem magnitudinem revocat.

Hoc discriminis præstantissimum illum Astronomum eo adduxit ut periodum ceteriore simul & accuratiorem excogitaret, quæ solem & lunam Apogæis suis propius admooveret. Hanc invenit 4267 mensium quæ intra 116.007 dies & unam horam absolvitur: solem post eam periodum ad easdem stellas fixas sic accedere comperit, ut 7 tantum gradibus cum semisse ab iis distet, quod utique ad recentiorum hypothesēs quàm proximè accedit. Ex iis quippe sol ad easdem stellas fixas sic recurrit, ut sex tantum gradibus cum semisse ab iis recedat, & ab Apogæo suo 7 gradibus & semis, duobus, aut ad summum tribus minutis ab Apogæo lunæ distet. Ptolemæus ab Hipparcho id demonstratum ait ex observationibus expositis hunc numerum dierum primum esse qui eclipses ad æqualia tempora, & distantias itidem æquales penes longitudinum gradus revocat, inter unam eclipsim & alteram semper intervallum 352 annorum cum semisse inveniri, adeo ut omnes illæ inæqualitates eâ periodo absolvantur. Eâ ratione Hipparchus motum Apogæi lunæ ad

certas exegit leges, cum illud per se & immediate non sit visibile, atque à *Astro-*
 motuum solarium & lunarium inæqualitate sese expediens medium quem- *nom.*
 dam invenit motum, eumque artificialem. Quod sicutque perfecit dividendo
 hunc dierum numerum 126007, & unius horæ in tot partes æquales quot
 sunt menses inæquales, nempe 4267. Medius motus unius mensis prodit 29
 dierum, hor. 12, 44, 3, 15 qui à mense ex hypothesi Gregorianâ computato non
 dissidet nisi 5 min. tert. Quæ differentia spatio 235 mensium, quot periodus de-
 cemnovalis continet, 24 tantum efficit secunda, adeo ut lunaris periodus ex an-
 tiquis Hipparchi observationibus emergens semi-minuro à Gregoriana non
 dissentiat: tamen si unâ horâ 27 ab hypothesi Calippi, & Alexandrinâ dis-
 crepat. Apud eos quippe lunaris periodus æquabat 19 annos solares & Ju-
 lianos 365 dierum, & horarum 6. Annus quidem solaris ex Hipparcho à
 Juliano uno die intra 300 annos dissidebat, ita ut intra 19 annos, 1 hor. 31,
 12, fieret anticipatio. Quatuor minutis intra anni Juliani spatium luna præ-
 vertit. Neque aliud est discrimen periodi lunaris juxta Hipparchum 19 an-
 norum, & 19 annorum solarium juxta illius hypothesim, sed differt à pe-
 riodo Julianâ 19 annorum solarium, unâ horâ, & 27, & à 19 annis solar-
 ibus Gregorii, unâ eisdem horâ, & 58, hoc est fere duabus horis. Quod si
 autem tota periodus Hipparchi 4267 mensium, seu dierum 126007 & unius
 horæ cum hypothesi Gregoriana conferatur, vix semi quadrante horæ ab
 eâ discrepat.

III. Die 17 Aprilis P. Bouvet Societatis Jesu, redux è Sinenſi regno
 epistolam Pequini datam, & à PP. de Fontenay, Gerbillon & Visselou suæ
 Societatis scriptam legit, quâ quidem rogant Academiam, ut in promo-
 vendis scientiis, ac potissimum Astronomicis sibi sint auxilio; nihil enim ad
 Religionis Christianæ existimationem & incrementum magis conferre potest
 in vastâ illâ & latè patenti monarchiâ, quàm Physicæ & Mathematicæ disci-
 plinæ, Astronomia imptimis.

Jam die tertia Martii D. Cassinus ut diximus epistolam à Patre Fonte-
 nay scriptam in eandem sententiam legerat, quam P. Bouvet illi reddiderat.

CAPUT III.

*Dua luna eclipses quarum prior die 6 Martii; Posterior die 29
 Octobris visa est, describuntur.*

I. **P**Rior eclipsis quæ in ipso lunæ occasu sole oriente accidit, propter in-
 terjectas nubes vix sui copiam fecit in ipso sui initio, horâ nempe 4,
 27, 25, neque Lutetiæ, neque aliis fere in Galliæ locis ad occidentem po-
 sitis, ubi diutius visa esset hæc lunæ defectio, cælum magis propitium fuit,
 adeo ut hac quantulâcunque observatione in ipso initio factâ contentos nos
 esse oporteat. Eâ tamen oportune usus est D. Cassinus ad Calendarii dili-
 gentius examen, quod die primo Junii peculiari dissertatione, eâque per-
 magis usûs exposuit.

ANN. II. Hujus anni epacta 7, in Calendario Gregoriano, novilunium die 1697. 22 Aprilis designat, idque solet in Calendario primo post mediæ conjunctionis cum sole diem notari, sive ex veterum imitatione qui novilunium ex primâ lunæ phasi potius quam ex mediâ conjunctione signabant; sive ut dies 14 prius oppositionis contingat. Additis itaque 14 diebus 22 Aprilis ad plenilunium pervenitur die 6 Maii, quo facta est eclipsis. Quantum verò ad remotiora sæcula pertinet, D. Cassinus in diurno eruditorum 18 Februarii demonstravit lunares æquationes Gregorianas, & præstantissimorum Astronomorum qui jam à 13 aut 19 sæculis floruerunt, hypotheseis omnino inter se consentire.

III. Id vero confirmat ex collatione vetustissima observationis cujus meminit Ptolemæus l. 4. Almagesti, cum hac postremâ, quæ die sexto Maii anni 1697 contigit. Prior quidem ex Ptolemæo visa est Babylone anno primo Regis qui l. 4. Regum regnabat, & apud Isaiam 39, est Merodach Balamdam, die 29 Maii mensis Thot Ægyptiorum, eaque totalis visa est horâ ante mediam noctem 4, cum semissè, adeo ut habita ratione longitudinum locorum, Alexandria horâ 5, 20 ante mediam noctem, hora 7, 12 Luteriæ conspecta fuerit, nempe horâ 4, 48 post meridiem contigerit.

Astronomi & Chronographi tempus hujus eclipses ad diem 20 Martii anni 721 ante epocham Christi revocant stylo Juliano. Cum autem post 620 annos sol & luna ad eundem locum Zodiaci recurrant, anno 121 ante vulgarem epocham Christi eclipsis totalis die 16 Martii contigit, si numerandi forma Juliana spectetur.

Nam ut annorum intervalla inter antiquam illam observationem in Juliana computandi ratione certo anno designatam, & recentiore observationem juxta computum Ecclesiasticum à Gregorio XIII. reformatum habeantur, anni Juliani ad Gregorianos sunt reducendi. Sic in proposito exemplo, ab anno 721 ante Christum natum, usque an annum 1680 salutis anni 2400 effluxere; in quo quidem temporis spatio anni Juliani Gregorianos excedunt 18 diebus, ex quibus 10 detracti sunt anno 1582, quare octo restant dies subducendi ex diebus 19 aut 20 Martii anni 721 ante Christi epocham, ita ut eclipsis Babylone observata fuerit die 11 Martii juxta computum ecclesiasticum.

Hac reductione factâ vetus illa observatio cum recenti aliqua Gregoriano stylo designata conferri potest.

Sic in allato exemplo à die 19 Martii, anni 721 ante Christi epocham, in Julianâ computandi forrâ, & diem 5 Maii anni 1697 à Christo nato numerantur anni 2417 civiles Juliani, & 37 dies, 11 horæ. Quod si idem tempus ad formam Gregorianam sit reducendum, tum dies 25 Aprilis postremæ observationi erit assignandus, ac summa erit 2417 annorum civilium in formâ Julianâ & præterea 37 dies, horæ 11, adeo ut Gregoriana computandi ratio Julianam excedat 18 diebus Julianis, & civilibus.

VI. Jam ut ad venses lunares & eorum æquationem Gregorianam veniamus. Hoc annorum numero 2417 cycli decem-novales 127 continentur, & præterea 4 anni. Adcò ut intra 2413 annos Julianos sint 127 cycli integri, quibus dies 7, 17 horæ æquationis Gregorianæ debentur. Calculis subductis

juxta formam Calendarii à D. Cassino propositam, in quâ dies æquationis Astronom. 2500 annis Julianis tribuuntur, plenilunium die 25 Aprilis anni Juliani, 8 hor. *nom.* & die 5 Maii juxta formam Gregorianam accidit, duarum tantum horarum discrimen foret inter observationem & calculum: quod in re chronologica impune negligitur: nam ibi dierum tantummodò integrorum habetur ratio. Juxta alteram methodum à D. Cassino in Astronomiâ indicâ expositam calculis omnibus subductis discrimen est unius horæ 46.

V. Altera lunæ eclipsis die 29 Octobris contigit, sed præ nebuloso cælo vix sub conspectum venit, nec Lutetiæ nec fere in tota Galliâ. D. de la Hire die 16 Novembris hujus mentionem fecit; cælum nubibus obductum fuisse, quandiu duravit eclipsis, usque ad horam 9, ubi per nubila visa est eclipsis nondum defuisse, sed perparum aberat: nam extremum limbi lunaris adhuc deficere visum est: sed horâ 9, 13 $\frac{1}{2}$ eclipsis omnino defierat, quantum videre potuit per intervalla, lunâ inter nubes se prodeunte, horâ 9, 11 omnino defuit. Calculo inito ex suis tabulis initium esse oportuit hor. 6, 28, 49: medium horâ 7, 49, 26, finis hor. 9, 10, 3, duratio hor. 2, 41, 14, magnitudo 7 dig. 56. D. Cassinus hujus eclipses mentionem fecit die 5 Aprilis: neque enim per ærem nubibus obductum eam observare licuit: ex iis quæ factæ sunt ante & post eclipsim observationibus, atque ex aliis quas per epistolas accepit variis in locis peractas expendit an rite calculum inierit. Quæ factæ sunt Avenione & Massiliæ observationes, vix uno minuto dissident à calculo D. Cassini. Filius ejus Roterodami eclipsim observavit unius digiti, hor. 6, 38, 38, finem hor. 9, 21, 24: Patres Societatis Madriti umbræ initium observarunt hor. 6, 4, 25, finem umbræ hor. 8, 46, 52. Albani in Italia totalis emersio hor. 9, 52 observata fuit.

CAPUT IV.

De stellâ in collo ceti posita.

L Hætenus de iis rebus Astronomicis quæ ad computum ecclesiasticum, & ad Calendarii Gregoriani confirmationem permagni sunt usûs, nunc perpauca ex iis attingemus, quæ meræ contemplationis videri possunt, & plus afferre lucis quàm utilitatis. Hujus generis sunt observationes circa stellam in collo ceti factæ, quâ de re D. Cassinus dissertationem legit sub initium hujus anni.

Die 13 Januarii nova illa stella ceti primum in conspectum venit, quæ nec toto mense Decembri, nec incunte Januario sui copiam fecerat, tamen sereno cælo quæsitæ esset diligenter. Die 13 Januarii stellæ tertiæ ordinis jam æquare visâ est, ad quam magnitudinem pervenire non solet, nisi inferiores gradus antè decurrerit.

Jam ante annos centum à Davide Fabricio primum visâ fuerat 13 die Augusti stylo novo, situm illius in 25 gradu 45 Arietis collocavit, latitudinem australem 15 gr. 54 statuit, quæ etiam nunc eadem persistat, uti & fixæ.

AN. rum latitudines quæ mutationi non sunt obnoxie, cum longitudes intra 72
1697. annorum spatium uno pene gradu varientur.

Paucis post annis Bayerus cum daret operam Uranometricæ suæ quam stellarum minoris ordinis multitudine auctam anno 1603 publici juris fecit, ceteri constellationi novam, & eodem in loco affixit stellam quæque magnitudinis, numero 24, eamque litterâ O, designavit, id forte existimans unam esse e stellis antè ommissis, neque attendit animum ad observationem Fabricii.

Nulla postea hujus stellæ mentio facta est ad annum usque 1639, cum duo illustres Astronomi Frenellius & Phocylides post solstitium hibernum eam ut novam penitus habuere, observationum Fabricii, & Bayeri descriptionis immemores. Phocylides die 4 Januarii stylo novo longitudinem ejus 26 gr. 4 min. latitudinem australem 16 gr. 10 constituit. Ab anno 1596, 3, min. in longitudinem eam promotam oportuit, adeoque longitudo ejus ab initio Arietis 16 gr. 10 esse debuit, uti & latitudo 15 gr. 54: sed minus exactum fuisse calculum ipse fatetur. Tum visa est æquare stellæ tertiæ magnitudinis, sed paulatim imminuta vix erat quartæ magnitudinis, cum ineunte Martio radios solares subiit.

Postquam stella è radiis solaribus egressa est, hanc frustra quæsierunt eodem in loco: sed die 17 Novembris ejusdem anni 1539 Phocylides eo ipso in loco, ubi primum visa erat hyeme superiore, hanc conspexit, atque ejus magnitudinem sic variari judicavit ut interdum stellæ secundi ordinis æquare videretur, interdum iis multum esse inferior.

P. Riccioli in 2. Almagesti volumine ubi stellæ novas enumerat, hanc stellam sexto loco recenset, quæque anno 1596 visa est, hanc decimam numerat, quæ duæ essent stellæ, quam tamen unam & eandem esse sirus illius, aut positio demonstrat.

Frequentiores deinceps fuerunt hujus stellæ observationes. Hevelius anno 1660, illam in 16, gr. Arietis, 49, cum australi latitudine 15 gr. 54 reperit, quæ cum latitudine à Fabricio deprehensâ omnino consentit.

I. Bulliadius primus hujus stellæ revolutionem statuit 332 dierum, atque hujus diversas phasæ sic exponit, ut eadem hypothese uti liceat in aliis stellis, quæ consimili penè modo phasæ suas mutant, explicandis. Itaque hanc stellam globum esse suspicatur ex parte sui lucidum, ex parte obscurum, qui circa suum axem ita volvitur, ut pars lucida modò ad telluris globum se convertat, modò ab eo avertat, ita ut non sit nobis visibilis.

D. Cassinus stellæ hujus revolutionem esse 330 dierum cum semisse ex variis observationibus suis colligit. Quo quidem modo intra 19 annos Julianos & 18 horas, revolutiones 21 efficit; adeo ut intra 100 annos, cum primum fuit deprehensa 111, periodos peregerit. Sed difficillimum est tempus ipsum definire, quo pleniori fulget lumine, cum aliquando in eo statu citra ullam mutationem permaneat.

Nec minus arduum est tempus assignare, quo primum se videndam præbet, cum propter aëris inconstantiam, tum ob lunæ lumen quo sæpe obducitur.

aitur. Sic postrema illius phasis ob similes causas & alias nobis incognitas interim citius, tardius interim contingit. Nunquam ea per 165 dies, quæ pars est dimidia integræ revolutionis visa est; raro per dies 150, aliquando per dies tantummodo 108 fuit visibilis. *Astron. nom.*

Hinc D. Cassinus dubitavit an fortè hujus revolutionis poli sint mobiles in ipsâ stellâ, nostri zenith habitâ ratione, an reditus illius ad eandem phasim sint inter se æquales.

III. Ex iis colligit hanc stellam unâ cum mundo conditam idcirco à veteribus observatam non fuisse, quòd tres tantum aut quatuor menses anni sit visibilis, ac plerumque rotius anni decursu oculorum aciem fugiat. Quando pleniori luce fulget mensibus Aprili, aut Maio, tum radii solaribus opprimitur; ac fieri potest ut fixarum descriptio iis ipsis temporibus facta sit, aut certe in iis mensibus quibus videri non potuit. Ex quo enim paulò attentius quaesita est, certis anni mensibus visa fuit, iis exceptis, quibus in maximâ suâ claritate solares subiit radios.

IV. Hujus stellæ exemplo quæ multis aliis accidunt mutationes explicari utrumque possunt; nonnullæ interdum magnitudine suâ minuuntur, vel augentur, imo aliquando penitus evanescent, tum in conspectum veniunt, juxta eandem hypothesim eas nimirum aliqua tantum sui parte esse lucidas, circa suum axem sic volvi, ut aliquando partem sui lumine fulgentem, interim obscuram nobis obverrant. Quin etiam fieri id quoque potest, ut quarundam stellarum pars obscurior multo sit major parte lucidâ, ac distantia ejus à vicinioribus stellis interdum variasse videatur, ut pars illius splendidâ vertigine sua ad ortum potius, quàm ad occasum deflectat.

Hinc ratio affertur potest, cur variis temporibus distantia stellarum diligentissimè observata nonnihil inter se discrepent, cum hæc parva discriminâ ad annuam parallaxim referri nequeant: siquidem ea parallaxis conetarium sæpè procrearet effectum.

V. Hanc demum hypothesim non parum illustrat quinti satellitis Saturni phenomenon, siquidem is parte suæ revolutionis dimidiâ est invisibilis, tumque incipit oculis nostris se subducere post conjunctionem suam cum Saturno in parte sui circuli superiore, quando descendere & propius ad terram accedere incipit; cum scilicet potius eum magnitudine, & splendore auctum oporteret. Contra is crescit, quando à parte sui circuli inferiore ad superiorem progreditur, cum deberet potius decrescere. Id explicari utrumque potest, si illius superficiem sic dispositam esse statuamus, ut pars ejus reflectendo solari ad terram lumini minus sit idonea, quæ quidem pars terræ tum obvertitur, cum est invisibilis.

Consimili ratione D. Cassinus quædam phænomena circa jovis satellites observata explicari posse existimat. Primum enim idem jovis satelles ab eo satis remotus modò major, modò minor interdum apparet.

1. Visa est ab eo insignis macula in tertio satelite, quæ tum videbatur, cum satelles jovis discum procul ab illius umbra pereurrebat, in extremo jovis margine tum macula apparebat statim atque satelles illius limbum attingerat, vestigia satellitis insistente macula donec satelles ipse à disco jovis exisset, tum enim ex eodem loco & eodem tempore exivit illa macula, quæ

NON

ANN. 1697. satellites, nec tamen post exitum è jovis disco macula distingui poterat, Imen satellitis tantummodo temperabat.

3. Jovis & Saturni satellites maculas satis insignes pro ratione sui cujusque disci exhibent, non dissimiles iis quæ nudis oculis in lunâ, vel telescopii beneficio in Marte cernuntur. Neque abhorret à verisimili in plerisque stellis fixis magnas esse maculas quæ phænomena superius allata efficiunt.

VI. Quædam in fasciâ jovis mediâ visæ sunt mutationes quas D. Cassinus die 15 Julii commemoravit. Id jam anno 1691 fuit ab eo animadvertum, nunquam ante visas esse tot maculas in globo jovis, quot mense Septembri anni 1690, cum Jupiter esset perihelium & oppositioni cum sole proximus. In reditu ejus ad perihelium, sed longius ab oppositione cum sole aliarum mutationes factæ sunt in fasciis, sed tanta macularum copia, aut varietas, quanta nunquam visa fuit.

Hoc utique observandum restabat, an contrarium eveniret in Aphelio, mense Septembri. Jupiter Aphelium & radiis solaribus oppressus videri non potuit; ineunte Martio is triplici Zonâ distinctus sic apparuit, ut mediâ esset boreali latior, contra atque videri solet; Australis cæteris angustior, sed solito major. Mense Maio quæ medio loco est fascia interim ætior boreali, interim latior apparuit: adeo ut ejus latitudo inæqualis esse videatur, & partem latiore quandoque nobis obvertat. Non dissimiles mutationes in Saturni globo conspexit, cujus fascia mediam jovis zonam penè æquat latitudine. Superiori anno hæc deerat fascia, sed loco illius duæ prodierunt, una ad Septentrionem, altera ad Austrum vergens.

CAPUT V.

De Mercurio in sole viso.

I. Die 3 Novembris Mercurius in sole visus est, & quartâ potuit diligentia maximâ fuit observatus à D. D. Cassino & de la Hire; utriusque observationes in Actis diei 16 ejusdem mensis sunt perscripse. Sol quidem densiori nebula circumfusus paulo post illius ortum satis distinctè se videntum præbuit; in eo Mercurius versus limbum occidentalem instar nigroris maculæ in conspectum venit, illius diametrum quasi 15 sec. D de la Hire æstimatione ipsâ judicabat: nam tubo optico 6. pedum benè definitus non apparebat, progressu temporis certiores factæ sunt observationes sole è nebula expedito.

Hora 7, 26, 10 D. de la Hire Micrometri ope Mercurium ab occidentali solis margine 2 m. 21 distare comperit; solis altitudines, apparentes supremi limbi solis, & Mercurii exploravit ab hora 7, 53, 10 ad horam usque 8, 8, 53, ubi centrum Mercurii extremum solis marginem attingit. Ex altitudine centri solis cum sex observationibus Mercurii collatâ, quæ esset longitudo, quæ latitudo Mercurii in singulis punctis eruit methodo Geometricâ. Ex

fuis tabulis locum solis horâ 7, 54, 23 invenit in gr. 11, 39, 23 scorpionis, & Mercurii locum ad Eclipticam reductum in gr. 11, 22, 16 scorpionis secundum longitudinem, verâ longitudine paulo minorem. Australis latitudo tum temporis erat 9 m. 9, in sextâ, seu in extremâ observatione hor. 8, 8, 53 longitudo Mercurii fuit in gr. 11, 26, 23 scorpionis, latitudo 9 min. 7.

II. D. Cassinus eodem die suas observationes, & earum confectaria proposuit. Id præfatus est eò majori diligentia hanc Mercurii per discum solis transitum à se observatum fuisse, quod rariùs contingat. Nam à prima observatione quæ anno 1631 à Gassendo Lutetiæ facta est, cælum semper obductum fuit, cum Mercurius solis discum subiit, atque hæc occasione elapsâ illud phænomenon non recurret nisi mense Maio anni 1710.

Altitudines solis meridianæ, & transitus illius per meridianum aliquot antè diebus fuerunt exploratæ, quò per ipsas observationes immediatas citra tabularum opem verus solis locus in ipsâ Mercurii cum sole conjunctione haberetur: quod per aliquot dies consequentes fuit continuatum. Die tertia Novembris solem in ipsâ ortus sui horâ nubes tegebat; exitum illius ex eâ nube intento animo observatores expectabant. D. Maraldi in supremâ observatorii parte positus solem priùs 2 min. deprehendit telescopio 18 pedum quàm qui in parte inferiore erant collocati. Tum quadrans circuli ad solem ita directus fuit, ut sol & Mercurius per utrumque filum horizontale & verticale transirent in foco telescopii aptatum. Quo quidem modo situs Mercurii in sole est definitus urgente occasione, cum nullus esset cunctatione locus. Quæ observandi ratio immunis erat ab illâ varietate quam refractiones solent inducere: tum enim disci solaris limbi, & Mercurii centrum in eadem sumuntur altitudine, cum filum horizontale pertransirent, ubi eadem est horizontalis refractione, neque per ullam refractionem obiectum à filo verticali deflectit: adeo ut temporum differentie inter apparentes eadem sint, quæ inter veros transitus. Etsi enim sol prope horizontem figuræ ellipticæ apparet, quando hac methodo observatur, nulla refractionis habitâ ratione per calculum eadem solis semi-diameter apparens eruitur, quæ per magnam solis altitudinem, ubi ejus discus omni ex parte rotundus videtur.

In parte inferiori Observatorii paratum erat telescopium 4 filis in foco munitum, ut Ascensionis rectæ & declinationis differentie sumerentur, tempore observationis, quo sol suum parallelum radebat. Machinæ parallacticæ, 8 pedum quæ motu simplici solem subsequitur telescopium aptatum fuit. Mercurius instar maculæ nigræ & omnino rotundæ per tubum apparebat. Quadrans circuli, quo situs Mercurii in sole fuit observatus, erat 3 pedum, & 2 pollicum, quo ad solem directo in verticali situ, solis & Mercurii transitus per utrumque filum in foco tubi positum sunt observati.

Horum tempora sunt à D. Cassino definita, observationes circa altitudines meridianas solis & declinationes die 2 & 3 Novembris factas, longitudinem, Ascensionem rectam ab initio libræ, motum diurnum accurate descripsit, ex quibus transitum Solis & Mercurii per horizontale & verticale

N n n ij

А. М. М. filum ad certa tempora deduxit. Moram Mercurii in disco solari subductis calculis invenit. Ex posteriore observatione exit hor. 8, 9, 31, latitudinem Mercurii in exitu invenit, 8 m. 58, & differentiam longitudinum Solis & Mercurii 13, 26 in ipso exitu. Tum sol erat in gr. 11, 13, 19 scorpionis.

Quocirca Mercurius hor. 8, 9, 31 erat in gr. 21, 25, 33 scorpionis, cum hor. 7, 24, 53 esset in eodem gradu 11, 28, 35. Itaque intra 44, 33 unius horæ motus Mercurii retrogradus fuit 1 min. 42, motus vero solis intra idem tempus est 1 min. 51. Itaque motus Mercurii in sole intra 44 m. 33 temporis est 4, 33.

Jam ut habeatur conjunctionis Mercurii cum sole tempus, ut 4, 33, motus Mercurii in sole, est ad 44, 33, sic 13, 26 differentia longitudinum est ad hor. 2, 11, 26, quæ subducenda sunt ab hor. 8, 9, 31, quod tempus est exitus Mercurii. Sic tempus conjunctionis Mercurii cum sole in longitudine fuit hor. 5, 58, 5.

Eodem modo methodum inveniendi reliqua quæ ad locum Mercurii in ipsâ conjunctione spectant, persequitur; apparentem illius in sole viam, illius inclinationem, à primâ observatione ad finem usque, latitudinis imminutionem per id tempus; quæ fuerit latitudo Mercurii in ipsâ conjunctione subductis calculis invenit; & tempus dimidiæ durationis eclipsis, quod fuisse hor. 1, 58, 13 colligit. Sic tempus quo Mercurius ad nodum ubi nulla est latitudo, supputatione factâ, est hor. 13, 37, 10, quod est intervallum temporis inter conjunctionem Mercurii cum sole habitâ ratione longitudinis, & adventum illius ad nodum. Sic diametrum apparentem Mercurii 8 m. ex ipsis observationibus colligit.

III. Hoc argumentum die 23 Novembris profecutus D. Cassinus historiam observationum circa Mercurium in sole visum peculiari dissertatione pertexuit. Primum illud advertit nullum esse in cælo planetam qui minus à sole remotus è terra videatur. Interdum sub vespere eodem fere in loco ubi luna cernitur, sub oculis cadit, uno aut altero die à conjunctione cum sole, tum per aliquot dies cum aliquâ motus varietate ad solem redit, cujus radiis occultatur. Post aliquot menses è radiis solaribus emergit, ac fere ut luna conspicitur uno aut altero die ante conjunctionem cum sole, tum exactis aliquot diebus radiis solaribus manè sic opprimitur, ut paucis post diebus vespere ex iis se expediat.

Intra quatuor menses aut circiter è radiis solaribus emergit, & eos alternis subit, semel mane, iterum vespere, ut ad eandem à sole distantiam & ex eadem parte recurat, qui quidem recursus non omnes sub oculis cadunt; nam sæpe multum temporis impenditur, antequam unus ex iis observari possit. Unde non desunt Astronomi admodum periti, qui fateantur hunc planetam à se nunquam visum esse: omnes illi Mercurii reditus variis temporibus à diversis Astronomis sunt observati, adeo ut tres fere revolutiones intra annum numerentur. Nam Mercurius præter motum annum cum sole communem, altero cietur motu multo celeriore, quo solem interdum præcedere, interdum subsequi videtur.

IV. Cum autem in hac motuum compositione major sit Mercurii celeritas, quàm solis, qui uno & simplici motu Zodiacum peragrat, veteres

sibi persuaserunt, planetas quorum celerior est motus sibi proprius, eosdem esse terræ viciniore, iique iudicarunt Mercurium nobis esse propiorem sole, idque tentarunt, si forte cum in sole ipso intueri possent in ipsis conjunctionibus.

Ptolemæus l. 9. Almagesti testatur quosdam Astronomos à communi veterum sententia recessisse, eosque Mercurium & Venerem sole superiores statuisse, quod ab iis planetis solem occultatum non vidissent. Quibus optime respondet Ptolemæus, id fieri potuisse ut planetæ sole inferiores nullam in sole efficerent eclipsim, quod in plano moveantur, quod per solem & oculum nostrum non transit, ut evenit in lunâ, cujus cum sole conjunctiones citra solis defectionem contingunt.

Ob eam rationem Ptolemæus suam de Mercurio struxit hypothesim, quæ excentricum circum ab eclipticâ declinantem & Mercurium in circumferentiâ epicycli sic collocat, ut centrum illius soli subiectum unâ cum sole anno motu feratur sub eclipticâ, sed illius epicycli planum ab excentrico plano declinet; motum vero huic epicyclo tribuit, qui 4 mensibus absolvitur; ac Mercurius solem interim præcedit, modo eum subsequitur. Tantam epicyclo tribuit magnitudinem, quantam exigunt Mercurii à sole in utramque partem excursionum observationes. In conjunctionibus cum sole Mercurius modo partem sui epicycli superiorem, postquam manè radios solis subit motu suo ab occasu in ortum, modo inferiorem partem occupat, cum motu retrogrado sub vesperam radiis solaribus occultatur.

Perinde erat Ptolemæo epicyclum in quavis à terrâ distantia collocare, dummodo eandem rationem epicycli ad excentricum servaret, ut alternis ad ortum, vel ad occasum digrederetur. Imò potuisset centrum epicycli in sole ipso constituere citra aliud excentricum quàm solis ipsius. Sed obstabat anticipata veterum opinio quâ suum cuique planetæ, proprium & separatum cælum tribuebant.

Atque illud interim mirari subit Ptolemæum varias hypotheses de situ & ordine planetarum referentem non attendisse ad ea quæ tradit Aristoteles l. 2. de Cælo c. 13. ubi quorundam à scholâ Pythagoræ sententiam commemorat, qui solem in medio mundi collocantes, terram inter planetas mobilem statuerunt, quæ est hypothesi à Copernico renovata. In quâ quidem hypothesi Venus & Mercurius proprias circa solem faciunt periodos, & terræ respectu alternis cum sole conjunguntur, modo sole superiores, modo inferiores.

Scriptor vitæ Caroli magni testatur Mercurium visum esse à nonnullis in sole per octiduum anno Christi 807, die 17 Martii. Verum si insignem aliquam maculam solis pro Mercurio sumpsere, nisi forte vitio exscriptoris octo dies pro 8 horis irrepperint: sed nondum invento tubo optico Mercurius in sole videri non potuit, cum insignes maculæ in sole nudis oculis conspiciantur.

V. Jam ut à veteribus ad recentiores veniamus, Keplerus antequam Theoriæ suæ manum extremam imposuisset, nodos seu conjunctiones Mercurii cum sole in ipsis Gemminorum & Sagittarii initis constituit, atque ex hac hypothesi fore ut die 20 Maii anni 1607 cum sole jungeretur, prædixit.

Nun iij

ANN. Eo die summam adhibuit diligentiam ut cum in sole conspiceret ; trajectis radiis solaribus per foramen obscurioris loci , qui solis imaginem in charta depingerent. Tum forte insignis macula in sole apparuit , quam Keplerus minime dubitavit ipsum esse Mercurium. Sed cum post aliquot annos accepisset maculas in sole deprehensas quæ revolutiones suas ferè intra mensem absolverent , non dubitavit quin macula à se visa una esset ex his maculis. Unde exactis aliquot annis nodum orbitæ Mercurii circa medium Tauri & Scorpionis constituit. Hac novâ hypothesi usus primam Mercurii in sole conjunctionem prædixit futuram esse die 7 Septembris anni 1631.

V. Petrus Gassendus ad eam observandam se accinxit , eadem usus arte quâ solis maculas solebat observare , radios solis per tubum opticum trajiciens in chartam oppositam. Contrarium planè illi accidit , atque evenerat Keplero. Nam Mercurium ipsum credidit non aliud quiddam esse quàm maculam , quæ recens emerferat in sole , siquidem pridie hujus diei nulla in sole visa fuerat macula. Itaque situm illius in sole annotavit non adeo exquisite , eo consilio ut mercurium cum eâ maculâ compararet : quod iterum fecit paulo accuratius , longe majorem visum iri Mercurium persuasus ; sed cum tertiâ vice advertisset hauc , ut ipsi videbatur , maculam longe majus in sole percussisse spatium , quàm soleant maculæ , addubitare cœpit an non filius animi fuisset , nec macula esset , sed ipse Mercurius. Rem itâ se habere certior factus post quartam observationem , cum distantiam à centro solis quæ horâ nonâ erat 16 partium , quarum diameter est 60 , invenit 22 partium , tum ad observandum ejus exitum è disco solis se comparavit , qui exitus accidit horâ 10 , 20 , diei 7 Novembris. Observatione factâ egressum fuisse Mercurium ad 33 gradus cum semisse à puncto verticali solis , latitudinem Mercurii in ipso exitu supputatione factâ reperit , 6 , 20 , longitudinem in gr. 14 , 20 ; scorpionis. Reliqua , ut nodum apparentem , ingressum Mercurii in discum solis , tempus quod Mercurius impendit percurrento discum solis 5 hor. medium eclipseos hor. 7 , 58 ad calculos revocavit , ut potuit.

VI. Secunda Mercurii in sole visi observatio facta est à Scaerleto Astronomo Anglo anno 1611 die tertia Novembris in Indiis Orientalibus ; atque ut eam observaret in insulam quæ Suratra dicitur , se contulit.

VII. Tertia Londini facta est die 3 Maii à D. D. Hugenio & Mercatore , anno 1661. Hevelius plures illius conjunctionis phases observavit , è quibus medium eclipseos hor. 7 , 2 , 35 , invenit , initium hor. 2 , 16 , exitum hor. 9 , 56 , durationem integram hor. 7 , 36. D. Cassinus quædam animadversiones in hanc Hevelii observationem fecit idoneo loco referendas.

VIII. Quarta observatio anno 1677 die 7 Novembris à D. D. Gallet , & Beauchamps Avenione facta est , transmissâ solis imagine in chartam oppositam ; situm Mercurii decem in locis disci solaris , & in singulis locis longitudinem ejus & latitudinem calculo designarunt. Medium eclipseos contigit 39 , 14 post meridiem. D. Hallai tum erat in insula S. Helenæ , ingressum Mercurii in sole vidit hor. 9 , 26 , $\frac{1}{2}$, exitum hor. 2 , 41 , 54 , ita ut duratio fuerit hor. 5 , 14 , 24 , medium hor. 2 , 37 , 14 Avenione post meridiem hor. 3 , 3 , 42 : ex quo longitudinum differentia Avenionem inter & insulam.

S. Helenæ colligitur 45 m. unius horæ, sed aliquot minorum in duratione totali & medio eclipseos tempore assignandis differentia irrepsit: ea tamen observatio omnium quæ antea factæ sunt est accuratissima. *Geom.*

Quinta Mercurii in sole visi observatio facta est die 10 Novembris anni 1690 Cantonii in regno Sinenſi à PP. Fontenay & le Comte, de quâ diximus ad annum 1693. Hujus observationis summa ad P. Goye missa est, in qua circumstantiæ quædam magni momenti sunt omiſſæ: sed P. le Comte observationis exemplar genuinum, & accenratum postea secum attulit, ex quo longitudinum differentia Cantonium inter & Norimbergam, ubi exitus Mercurii è sole est observatus, necnon Norimbergam inter & Luteriam, quæ jam è satellitum Jovis, & lunæ defectionibus fuerat antea definita, omnino sunt confirmatæ. Ingressum Mercurii in solem non fuisse observatum P. le Comte in exemplari suo, & vivâ voce, testatus est, quod tubum opticum minorem quam pars esset adhibuissent, nec Mercurium adeò parvum visum iri existimarent.

De postremâ Mercurii observatione à D. D. Cassino & de la Hire, & Maraldo factâ die 3 Novembris satis copiose egimus pro instituto nostro, res est ejusmodi quæ non leviter & quisi in transitu, sed paulo fufius tractanda fuit: de illâ rursus redibit sermo ad annum insequentem.

CAPUT VI.

Problemata Geometrica & Arithmetica.

I. **A**B Astronomiâ ad Geometriam descendimus, cumque ea sit vel pura, vel cum Physicis permixta, primum de iis quæ puræ sunt Geometriæ sic dicemus, ut problemata dumtaxat, & enuntiata, non demonstrationes quæ iustum volumen exigent, proponamus: atque ut ordinem temporum sequamur,

D. de la Hire die 16 Januarii conchoidis circuli quadraturam aut integram, aut per partes scripto tradidit.

Die 16 Februarii illustriss. D. Marchio de l'Hôpital problema proposuit & solvit de cujusdam curvæ linearæ naturâ inveniendâ, idque faciliiori vâ & simpliciori quam sit illa quæ à D. Bernouilly in Actis Lipsiensibus p. 166 proponitur.

II. Die 13 ejusdem mensis D. Varignon scriptum legit de rationibus arcuum & spatorum omnis generis curvarum similium. Quem tractatum elaboravit hac occasione data: in actis eruditorum Lipsiensibus mensis Novembris anni 169: venit insignem proprietatem in parabolis ejusdem foci & axis à D. Tschirnauſe methodo sibi peculiari inventam: harum scilicet arcus inter duas rectas, quæcunque illæ sint à communi foco ductæ, comprehensos, eam habere inter se rationem, quam eorum parametri; & spatia inter eas rectas, & hos arcus comprehensa eam habere inter se rationem, quæ est inter quadrata parametrorum. Quæ quidem proprietas hoc spectabilior est,

AN. quod hæcenus non innotuerit nisi in circulis sibi concentricis, ubi arcus & spatia duabus rectis comprehensa inter se conferuntur. Quod quidem D. Tschirnause ut suæ methodi, quam nondum aperire voluit, specimen prodidit, nec demonstravit.

III. D. Bernouilly Basileæ Professor intentioni animo id ipsum perpendens, non solum focus parabolæ, sed quodvis aliud communis axis punctum ea proprietate donari deprehendit, cujus puncti distantia ab abside, seu ab apice sint inter se ut parametri, idque non solis parabolis, sed etiam curvis omnibus similibus convenire, ut in hyperbolis similibus & aliis. Verum id nondum demonstrare voluit.

I V. D. Varignon in demonstrationem ipsam hujus theorematis inquirens hanc affectionem non ad solos axes, sed universim ad omnes diametros curvarum similium, ut ad similes conicas sectiones pertinere comperit, atque hæc illius mentem subiit cogitatio, idcirco D. Bernouilly solos axes commemorasse, quod nulla sit diameter, quæ ordinatas, obliquas in perpendiculares mutare non possit: quo quidem modo axis quivis diameter evadit.

Itaque id comperit duas curvas similes, quæcunque illæ sint, quarum diametri similes in eadem sint rectâ, quæcunque sit earum inter se ratio, in eodem plano, punctum semper in hac rectâ habere, ex quo omnes rectæ ductæ ad unam item & alteram ex curvis, ubique arcus interceptiunt, quæ certam & constantem inter se habent rationem: & similiter spatia intercepta inter se eam habere rationem, quæ est inter arcuum quadrata. Exempli gratiâ, si curvæ sint sectiones conicæ similes, hæ sectiones erunt inter se ut parametri, & spatia, ut quadrata parametrorum: adeo ut circuli concentrici non solè sint figuræ, quibus inest ejusmodi punctum: præterquam nihil necesse est ut sint concentrici, quò tali puncto donentur, uti hæcenus creditum fuit. Quæ omnia D. Varignon sigillatim demonstrat.

V. Eodem tempore D. de Lagny scriptum legit, cui titulus, triangulorum rationum, seu Methodus quâ invenitur series numerorum omnium quàm exactissime fieri potest, & minoribus notis rationes exprimentur: inter magnitudines datas etiam incommensurabiles: sed hujus scripti exemplar in tabulis Academicis consideratur, quod ab eo non fuerit exscriptum aut traditum, uti neque alia, quorum mentionem faciemus, nec dubito quin ea sit traditurus.

D. de la Hire annotationes quasdam in figuras similes legit die 9. Martij.

Die 23 ejusdem mensis demonstravit rationem inveniendæ hyperbolæ generatricis logarithmicæ positione tantum datæ ad suam asymptoton.

VI. Die 23 Februarii idem scriptum legit de usu qui adhiberi solet circa petitiones aut suppositiones quasdam in methodo nunc usitatâ quantarum quæ indefinite parvæ concipiuntur. Ac primum illud animadvertit permagni usus esse eam methodum quâ Geometræ nostræ ætatis usi sunt in curvarum linearum contemplatione. Veteres quidem Geometræ cum nullam inter curvam & rectam lineam viderent certam esse rationem, curvas, ut verisimile est, ad rectas lineas exigere, aut inter se conferre insuper habuerunt


runt. Archimedes & quidam alii è veteribus rationes inter spatia curvis *Goem.* lineis comprehensâ cum figuris rectilineis confectæ, easque quadrate ut loquuntur Geometræ, susceperant; quæque de circuli quadratura & circumferentiæ rectificatione, ut aiunt, seu in rectam lineam evolutione in eorum libris occurrunt, hoc persuadent, quominus idem circa alias curvas lineas id tentarent, eos esse deterritos.

Nihilominus tamen nostrâ hac ætate Geometræ curvas ut figuras polygonas, quarum latera adeò sint parva, ut nihil sit sensibilis discriminis inter arcus & eorum chordas, contemplari cœperunt, atque hanc viam insistentes innumera pene in hoc genere Geometriæ speculatione digna invenerunt. Cum tamen quidam possint casus incidere, in quibus errorem omnem vitare difficillimum est, nonnulla hanc in rem asserere voluit exemplum D. de la Hire, ex quibus id colligit cautiones adhibendas esse in hujus generis demonstrationibus faciendis.

Ac primum quæ supponi solent omittit, ut de lineis quæ ut parallele ponuntur, tamen in unum coeunt punctum, quando sibi sunt proximæ, ut in triangulo isoscele, cujus basis est minima cum lateribus comparata, anguli ad basim ponuntur recti, nec sunt tamen. Sic arcus æquales ponuntur chordis, quibus subtenduntur: hæc inquam & alia nonnihil dubitationis iis afferunt, qui nihil volunt concedere nisi ad geometriæ apices demonstratum; atque illud ante probarum oportuit falsas illas positiones, quantumvis iterent, summam efficere non posse, quæ alicujus sit momenti.

Verùm ista omittit D. de la Hire, quod ut verisimile est, nullum procreent errorem. Sed aliud exemplum affert ab omnibus qui hac uruntur methodo, concessum, chordam nimirum arcus indefinite parvi eidem arcui esse æqualem, adeò ut eadem prorsus de chordâ & arcu affirmari possint.

Sit igitur semicirculus AEB, cujus diameter AB horizontali ad perpendiculari-



um insitit, eaque sit longitudinis 15 pedum. Id fuit demonstratum futurum esse ut corpus grave quod neglecta mole instar puncti concipitur, à puncto quietis A, per lineam AB, & quamvis aliam chordam ut EB, decidat in B, intra unum minutum secundum temporis: jam si una ex semicirculi subtensis, seu chordis sumatur infinite parva, ut BD, in extremo dia-

ANN. metri AB, terminata, adeò ut sit omnium infima; palam id quoque est
1697. fore ut corpus grave à puncto quietis D cadat in B intra unius minuti secundi spatium; cumque nullum sit discrimen sensibile inter chordam & arcum, tantumlem temporis impendit in descensu per chordam DB.

At vero si idem corpus pendulo in puncto C, affixo concipiamus appensum, id arcum DB motu suo, & spatio unius secundi describet; & tamen arcus ille est tantummodò dimidia vibratio penduli, atque adeo integra vibratio hujus penduli intra duo secunda peragetur; pendulum autem est 7 pedibus $\frac{1}{2}$ longum, ergo pendulum 7 pedum $\frac{1}{2}$ duo temporis secunda impendet in unaquâque vibratione. Quod cum experimentis omnino pugnat, ex quibus id notum est ejusmodi pendulum, quod in unâ vibratione duo insumit secunda 12 pedes, $\frac{1}{2}$ longum esse oportere. Quod utique discrimen majus est quam ut cuivis alteri rei tribui possit, nisi factæ suppositioni, corpus nimirum grave per arcum infinitè parvum & illius subtensam eodem prorsus tempore decidere.

Quin etiam re attentiori animo perpensa inveniemus corpus grave longiori tempore arcum decursurum quàm chordam; quod eo in loco probat D. de la Hire.

Nescio an qui hujus generis methodum sequuntur, non possint respondere demonstrationes in purâ geometriâ quæ à rebus Physicis est abstracta, non in Geometriâ materiæ, temporis & motui concreta adhiberi oportere.

In illâ enim licet lineam infinite, aut potius indefinite parvam supponere, & puncta Mathematica, non item in Geometriâ rebus Physicis permittâ; cavendum esse à transitu à genere in genus, seu ab iis quæ sunt tantum in mente nostrâ, aut in ideis, ad ea quæ sunt in rerum natura. Verum iis de rebus non satis mihi notis meam non interpono sententiam.

VII. Die 13 Aprilis illustriss. Marchio de l'Hôpital quam Secretario Academiæ tradiderat die 16 Martii chartam sigillo suo obsignatam, referavit; problema erat à D. Bernovilly matheſeos Groningæ Professore propositum, de linea celerissimi descensus, in hæc verba: *Determinare lineam curvam data duo puncta in diversis ab horizonte distantius, & non in ead. rectâ verticali posita connectentem, super quâ mobile propria gravitate decurrens, & à superiori puncto moveri incipiens citissime descendat ad punctum inferius.* Tempus præſcribit Geometris à primo anni die ad pascha usque, ut hujus problematis inveniant solutionem. Quam quidem D. de l'Hôpital, jam in chartâ assignata in manus Secretarii deposuit, & reclusâ chartâ die 13 Aprilis in Academiâ solutio facta est.

Die 16 Martii D. de Fontenelle Dominum Carré in cœtum Academiæ induxit, quem illustriss. Abbas D. Bignon admisit, ut D. Varignon adjutorem.

VIII. Die 20 Aprilis D. de Lagny legit supplementum, seu auctarium stereometriæ de figuris solidis inscriptis & circumscriptis solidis. Illud imprimis admonet Euclidem qui de triangulis, polygonis, & polyhedris regularibus inscribendis circulo aut spheræ nihil desiderandum reliquit, nihil tamen de pyramidum inscriptione in universum mandasse litteris, tamen ea

propositio quæ simplicitate suâ digna erat quæ in Elementis Geometriæ pos- *Geom.*
neretur.

IX. Die 17 Aprilis D. Sauveur epistolâ ad Serenissimum Regii sanguinis Principem Condæm scriptâ excerptum legit in congressu Academiæ, de inundo calculo cuiusdam ludi *quinquenove* dicti, ubi ex occasione modum tradit numeros inveniendi simplicissimos, quique datam proportionem, vel rationem expriment.

X. D. de la Hire die 4 Maii generalem methodum exposuit, quâ in ordine, ut vocant magico numeri quadratorum parium disponuntur. Varias esse rationes disponendi in magico ordine numeros quadratos impares, easque ita faciles esse & tritas docet, ut frustra alia inquiretur methodus simplicior aut facilior. Sed res longe aliter se habet in quadratis paribus; quæque hæcenus sunt publicatæ methodi, adeo sunt difficiles & implicite, ut alias à se excogitatas duxerit proponendas, quod saltem sint & intellectu, & factu æque faciles, ac quadratorum numerorum imparium tabulæ. Tum eam disponendi numeros rationem dilucide explicat.

Idem 8 Junii, quo temporis spatio corpus in cycloide atque in ejus portionibus decidat, simul & quasdam alias cycloidis proprietates exposuit, & demonstravit.

XI. D. Varignon duas quoque demonstrationes quæ ad eandem pertinent materiam adjecit: quæ quidem minis sunt simplices, quàm ea quæ paucis ante diebus ab eodem fuit proposita, sed multo sunt faciliores & simpliciores quàm demonstratio à D. Hugens exposita. Neque aliud in re magni momenti, ubi agitur de accuratâ temporis mensurâ, quæsitum est, quàm ut hæc ipsa materia sit intellectu facilior.

Jam die 1 Junii novam demonstrationem circa motus Isochronos proposuerat, quæ brevior & intellectu facilior videtur, quàm quævis alia hæcenus explicata: hoc quidem inventum de motu pendulorum ad horologia aptato, horologia oscillatoria ad summum perfectionis gradum Hugenus perduxerat, digna adeo visa res est quæ si fieri possit, intellectu minus ardua, & minus involuta excogitetur.

XII. Die 15 Novembris circa motus isochronos in cyclôide inversa novam & singularem cycloidis affectionem ex præcedentibus demonstrationibus erutam idem D. Varignon proposuit & demonstravit; eaque est ejusmodi ut non solum in unaquaque ejus portione, vel arcu ab apice sumpto descensus corporis gravis sint isochroni, sed etiam id evenit in singulis partibus eorum arcuum, quæ mutuo sibi respondent: atque hinc problematis imprimis curiosi pender solutio, quod proponit & demonstrat.

Hæc quidem licet ad Geometriam non puram, quæ à rebus Physicis non est secreta, pertinere viderentur, cum tamen sint reconditiora, hoc loco proferenda censuimus.

XIII. Illud merè Geometricum fuit quod D. Carré die 13 Julii proposuit, methodum scilicet generalem, quâ omnis generis parabolas & hyperbolas quadrare ut aiunt, aut dimetiri licet.

Jam ut de Geometriâ practicâ nonnulla subjiciamus, quæque ex usu esse possunt, D. Sauveur scriptum de mensurâ doliorum legit, simul illud pro-

AN. blema proposuit, quadraturam invenire solidi ex segmento circuli aut por-
1697. tione tantummodo ejus super choidam revoluta generati, quod D. de la Hire & D. Varignon diversis methodis solverunt, & demonstrant die 3 Augusti.

Die 7 Decembris D. de la Hire aliud problema geometricum proposuit & solvit: idque multos habere potest usus in Astronomiâ, cum id in illius mentem venerit ex occasione conjunctionis Mercurii cum sole, ad observationem anno 1677 à D. Gallet factam illius usum applicat, ac verum tempus conjunctionis determinat ex latitudine Mercurii quam in singulis suis observationibus invenit.

D. Varignon trium questionum attulit solutionem quæ ante aliquot dies à viro docto & extero sibi erant propositz circa integram calculum.

CAPUT VII.

De Rebus Dioptricis & Mechanicis.

I. **J**Am ut ad Geometriam, ut ita loquar, concretam & Physicæ immixtam veniamus, atque à Dioptricis ducamus exordium: cum de telescopio ageretur & illius usu ac perfectione, cumque D. de la Hire ante annum 1630 negaret telescopia duobus vitris, aut quatuor convexis instructa in usu fuisse, ego quidem illud obiter insinavi P. Scheinerum S. J. in illo opere, quod Rosæ Ursinæ nomine inscripsit, tubi optici pluribus vitris convexis instructi mentionem fecisse, quantum memoriâ consequi poteram: nam ante annos fere 50 hoc volumen satis magnum evolveram. D. de la Hire utrum res ita esset, diligentius explorare voluit, quidve Scheinerus lib. 2. câ de re scripserit die 6 Julii è scripto recitavit, cujus hæc ferè summa est. Ex figurâ c. 16. libri 2, videri quatuor vitrorum convexorum dispositionem tubo optico aptatam P. Scheinero non fuisse incognitam.

Verùm re diligentius expensâ, id palam fuit hoc illi non fuisse propositum; neque enim ullum hujus telescopii ita dispositi usum aperuit, tamen longe majoris est utilitatis, quàm quæ percipitur ex tubo cui duo vitra quorum unum est convexum, alterum cavum, adhibentur. Sed tamen ex figurâ ipsâ c. 26, & ex c. insequenti liquet eam vitrorum connexionem ab eo spectari, quatenus objecta oculo proxima conspiciuntur. Addit quidem in Corollario c. 17 ingeniosum lectorem tubum opticum parare posse è duobus vitris convexis, per quem objecta in chartâ distinctè exhibeantur; & in alio Corollario addit vitra convexa microscopio aptari posse; ac demum c. 32 ait solem observari posse vel unius vitri convexi ope, vel duorum, è quibus unum sit convexum, cavum alterum, vel duobus convexis, aut pluribus ita dispositis ut ante exposuit. Quod suadere potest telescopia ejusmodi pluribus vitris convexis munita ab eo fuisse

fabricata : sed plura non addit ; cum tamen ejusmodi telescopia longe sint utiliora quam illud quo semper utitur è duobus vitris conflatum , convexo uno , cavo altero : adeo ut non aliud quiddam ipsi cognitum fuerit quàm hoc ipsum quod experientiâ acceperat , per microscopium in rebus objectis oculo proximis. Siquidem quæ antè disposuit tria vitra convexa , ad duo tandem revocat quibus res objectæ in cubiculo obscuro exhibentur , aut ad unicum , per quod res objectæ cernitur. Neque expetitus videtur telescopium duobus vitris convexis instructum ; aut certe vitra non ita disposuit , ut idem commodum hinc perciperet , quod ex vulgato suâ ætate telescopio. Nam si duo vitra convexa sic aptasset , uti nunc disponuntur , tantum ex eo telescopio utilitatis habuisset , ut ejus descriptio- nem & usum unquam omisisset.

Ex quibus D. de la Hire colligit hanc utriusque vitri connexionem , qualis adhiberi solebat antè P. Rheita Ordinis Capucinatorum nemini cognitam fuisse. Hanc describit in libello , cui titulus est , *oculus Elia , & Enoch*. Id quidem hoc probabilius efficitur , quòd D. Descartes , qui paulo antè P. Rheita suam dioptricam scripsit , nullam faciat ejus tubi ex vitris convexis conflati mentionem , cum alterius tubi descriptionem non omiserit. Illud magis mirandum est hoc illi in mentem non venisse ut telescopium è vitris convexis pararet , ubi vitrorum dispositionem , & combinationem expendit.

II. Die 17 Augusti D. de la Hire dissertationem D. de Hauteville Academiæ dicatam legit , in quâ rationem à se excogitatam contrahendi telescopia tradit : quid , eâ de re censuerit Academia , in Actis non invenio. Quantum conjecturis assequi possum , ingeniosum est inventum : cum autem executioni mandatum non fuerit , in eo aliquid desiderari justa est suspicio. Vitra utrimque convexa duo aut tria sibi finitima sic disponit ut vitrum cavum primi objectivi foco aptetur , aut paulo supra focum , ac demum oculare vitrum idque convexum radios refractos excipiat. Auctor ipse ingeniosus & doctus non dissimulat tot vitris interjectis magnam radiorum partem reflecti : cui difficultati respondet hoc loco tantum agi utrum ex hypothesi , quod nulla aut parva esset reflexio , radii in idem punctum æque coirent , ac si unum tantummodò esset vitrum objectivum , cujus focus esset 600 pedum.

Sæpe illud evenit in iis quæ partim sunt Geometrica , partim Physica , ut praxis ipsa , ut loqui solemus Theoriæ omni ex parte non respondeat , quòd multa occurrant in rerum naturâ , quæ rationi aut industriz nostræ non obsequuntur : hoc utique in machinatrice frequens est.

III. Neque aliud exemplum in hanc rem afferre necesse est quàm illud ipsum quod hoc anno & superioribus ingeniosorum hominum exercuit industriam , machina videlicet , cujus ope navigium adverso flumine promoveatur. Hujus generis machinæ descriptionem D. de la Hire die 16 Martii proposuit. Vir nobilis diploma Regium in hanc rem est consecutus , eâ qui eam conditione ut typum suæ machinæ Academiæ traderet , quod die 4 Septembris præstitit. Hujus machinæ structuram & usum scripto tra-

AN. didit, D. Varignon die 7 Septembris: quæ illius sint commoda aut incommoda, 1677. & qua ratione perfici ea posset, paucis exposuit.

IV. Mitto dicere de iis disciplinis, quæ à Geometriâ vel ab Arithmeticâ pendent, cujusmodi sunt Architectura, & Musica. Hujus systema novum continuavit D. Sauveur mensè Februario. Architecturæ problema magni usus novâ methodo demonstravit D. de la Hire. Illud autem est ejusmodi, arcus repentis, ut vocant, certis conditionibus addictos describere, quod quidem argumentum fuit à nonnullis Geometris pertractatum. Atque in Pappi Alexandrini collectionibus multæ propositiones eò referuntur. D. Blondel quæ hætenus in hanc rem ad suam usque ætatem scripta sunt collegerat, ac D. de la Hire tractatum edidit de eodem argumento; sed casus omnes qui occurrunt nondum erant provisi. Nec satis est fornicatos ejusmodi arcus delineare, nisi lapides quibus hi arcus juncti sint ac copulati, aptè ad hanc rem secti fuerint: quod utique per focos sectonum conicarum structuræ horum arcuum semper utile fieri solbat longâ operationum serie, quæ satis accuratæ vix esse possunt, ut nihil hac in re desiderari queat. Alias D. de la Hire iniit operandi rationes quas scriptis tradidit, easque simplices & factu non difficiles.





LIBRI V. PARS ALTERA.

De Actis anni 1698.

UÆ acta sunt hoc vertente anno, magno volumine continentur, adeo ut difficile sit tantam rerum copiam sic contrahere ut pleraque ex iis quæ sunt scitu digna, aut ad progressum scientiarum utilia non omittantur.



S E C T I O P R I M A.

De rebus Physicis.

EUndem sequemur ordinem, quem in priori hujus libri parte, nimirum ut à facilioribus ad ea quæ sunt difficiliora progrediamur, à Physicis itaque ordiamur.

C A P U T P R I M U M.

De iis quæ ad Physicam generalem spectant.

1. **I**Nterea quæ sunt Physicæ contemplationis, primum occurrunt observationes à D. de la Hire factæ circa pluviz quantitatem anno superiori sic collectam in observatorio, ut nihil ejus per exhalationem fuerit imminutum. Nam ut identidem divimus, vase quadrato & plano sic excepta fuit, ut per illius angulum aliquantulum declivem in vas subiectum & oclusum efflueret; vasculo figuræ cubicæ quod deciderat aquæ dimensus summam pluviz hoc anno deciduæ invenit ad altitudinem 20 digitorum $\frac{1}{2}$ pervenisse. Mense Junio uberior fuit pluvia, quæ forte causa fuit exundationis fluviorum circa hujus mensis finem. Cum enim mensibus Aprili & Maio plenis fontibus calor esset remissior mense Junio, quàm Maio, parum aquæ

ANN. decidua exhalavit : unde & scaturigines magnam aquæ vim præbuerunt ;
1698. adeò ut exeunte Junio & rivi & flumina exundarent. Id etiam potuit acci-
 dere ut in montes ad Orientem positos magna vis imbrum & nivium deci-
 deret : major autem pars fluviorum nostræ hu us regionis inde suam ducunt
 originem. Accedit illud quoque circa 20 Junii ad exitum usque mensis ven-
 tos humidos & calidos ab occasu perflare solitos esse , quibus nix monti-
 bus infidens liquata una cum imbre satis copiosam fluviorum inundationem
 fecit.

II. Ex Thermometro illud quoque animadvertit D. de la Hire æstum
 totâ æstate majorem non fuisse , quam die 14 Maii. Hydrargyri in Baro-
 metro maxima altitudo fuit die 31 Januarii 18 dig. 4 lin. $\frac{1}{2}$, locus in quo est
 Barometrum 12 hexapedas sequana est altior , Borcâ Zephyro tum flante ,
 vulgo *Nort-ouest*, altitudo minima fuit 26 dig. 10 lin. flante zephyro , ac
 nive decedente : differentia maxima fuit sesqui-pollicis , cum idem penè ven-
 tus spiraret.

III. Hæc ferè D. de la Hire die 15 Jantarii : die autem 24 ejusdem
 mensis D. Homborg observationes quasdam non incuriosas circa diversum
 aëris pondus exposuit. In machinâ pneumatica globum vitæum cujus dia-
 meter est 10 pollicum , exhaustum , & bilanci appensum , tum subeunte
 aëre iterum ponderatum invenit binis uncis & semi-drachmâ graviorem ,
 quàm post exhaustum aëra. Factum est experimentum æstivo tempore , &
 sereno cælo , cum hydrargyrus in barometro simplici altus esset 27 digitis ,
 & 10 lineis , flante euro borcâ. Post duos menses humidior cælo globus
 appensus 2 drachmis cum semisse gravior inventus est , cum tamen in eadem
 fere altitudine esset barometrum , quæ fuit in priori experimento , atque
 idem esset circumfusi aëris calor : & tamen aër $\frac{1}{3}$ gravior visus est quam
 in superiore observatione. Sic pressio aëris in Barometro equalis fuit , sed
 in balance pondus inæquale. Causam hujus discriminis D. Homborg vento
 refert acceptam. Hic erat in priori experimento Eurus-aquilo è terris spi-
 rans & vaporum penè expers , contrâ in posteriori experimento Circius ,
 seu *Nort-ouest* flabat , isque vaporibus refertus , qui quidem minus gravitant ,
 quò altius tolluntur & magnam aëris columnæ partem cum hydrargyro li-
 bratæ occupant : tum enim leviozem efficiunt columnam , quæ nubo cælo
 hydrargyrum in barometro solet deprimere. Sed ubi coacti vapores in plu-
 viam solvuntur , uti accidit in secundâ observatione , pars inferior aëris ,
 quo impletur globus , gravior facta est , quàm si aër serenus fuisset. In se-
 cunda quidem observatione nubes columnam aëris leviozem efficere debuif-
 sent , sed frigidior cum esset & compactior Circius Euro , qui in priori ob-
 servatione spirabat , columnæ ipsi majorem aëris copiam suppeditavit , qui
 aër densior levioribus admixtus vaporibus columnam effecit ejusdem ponde-
 ris , ac si aër serenus & purus extitisset.

IV. Thermometrum quidem eundem fere caloris gradum utrobique
 indicabat ; quare necesse est ut aër frigidior & compactior superiorem colum-
 næ partem occuparet , dum inferior & nobis circumfusus radiis solaribus , ex
 ipsâ reflexione aut ex aliâ occultiore causa magis est dilatatus. Sic in maximo
 æstu grando decidit , cum in superiori aëris parte frigus adeo riget , ut aquæ
 guttæ

guttæ mox in pluviam casuræ in gelu concresecant. Sub mensis Januarii *Physi-*
 initium cum humidum esset cælum, nec tamen pluviosum, post acrius gelu *ca.*
 globus est exinanitus, tumque aëre impletus gravior; drachmis factus est.
 Ineunte Februario & pluvioso & temperato, globus trium drachmarum pon-
 dere levior factus est. Ineunte quidem Januario licet non plueret, aër ta-
 men adeo humidus erat, ut parietes & vitra maderent humore per octo &
 amplius dies. Ineunte Februario etsi aër in imbrem solveretur, muri tamen
 aut vitra non sudabant. Id non abhorret à verosimili ptioris observationis
 temporibus humorem copiosum per aëra esse diffusum, qui partem ejus
 tantummodo infimam obsidebat, ilque in muros & vitra est effusus, quæ ex
 gelu præterito erant ipso aëre frigidiora. Magna hujus humoris pars globum
 vitreum subiit, eumque graviorem effecit. In posteriori observatione regio
 aëris infima minus humida fuit, quàm in priore, sed humor superiorem aëris
 partem in qua formantur pluvix, obsidebat, unde & pars ejus infima qua
 globus repletus est, minus habuit humiditatis; neque enim sudabant muri:
 quod in causa fuit cur levior esset globus vitreus. Itaque excessus ille pon-
 deris in primâ observatione ex aquâ ipsâ quæ globum subiit, omnino pro-
 fectus videtur. Idque ex eo confirmari potest quod utrobique eadem esset
 aëris dilatio, idem penè calor.

Exeunte Januario idem factum est experimentum sevient frigore, globus
 4 uncis cum semisse gravior inventus est quàm exinanitus, eum superiori
 æstate duabus tantum uncis gravior inventus esset sereno & calido cælo:
 adeo ut duplo gravior in posteriori experimento quàm in priori factus fue-
 rit. Tanti discriminis inter easdem aëris moles hanc affert rationem D.
 Homberg quod subtilioris materiæ major motus, ex quo major item orit-
 ur calor, in æstate particulas aëris alias ab aliis sejunxit, & earum quoque
 elateria evolverit. Contrâ hyeme cum subtilis materiæ aëri immixtæ minor
 sit copia, & minor motus, partes aëris proprio suo pondere aliæ aliis in-
 cumbunt, unde & uberior earum copia globum ingreditur. Ex quibus ita
 colligit, diversum aëris pondus non aliunde oriri quàm ex admistione pere-
 grinæ & gravioris materiæ. Quamobrem in magno æstu levior est aër,
 quod subtilis substantiæ major copia cum eo sit permixta. Cum aër calidus
 est & humidus, tum magis ponderat, quàm ubi est tantummodo calidus,
 nam cum aquâ permiscetur; frigidus aër magis ponderat, neque enim is cum
 substantia multo leviori ita permiscetur.

Quæ quidem intelligi debent de aëre in balance appenso, non de aëre
 qui cum hydrargyro libratur in barometro: nam in balance aër in parvâ
 mole expenditur, nulla habitâ ratione totius columnæ, quæ est in æquilibrio
 cum hydrargyri columnâ; neque cum parvâ aëris mole, à sua columnâ
 separatim considerati comparatur, de quibus suprà diximus.

Sub idem tempus cum D. Homberg quorundam liquorum pondera supe-
 riori æstate examinata cum eorundem ponderibus hyemis tempore explora-
 tis contulit. Eandem liquorum molem appendit, sed ea de re uberius alio
 loco dicitur.

I V. Quædam etiam experimenta fecit circa varios syphonis effectus in
 loco vacuo, quæ die 20 Augusti exposuit. Summa hæc est: causam pe-

A. N. N. rennis aquæ fluxus in syphone externi aëris ponderi merito tribui solitam; idipsum tamen experiri voluisse in machinâ pneumaticâ hunc in modum. Vas cylindricum & vitreum duobus digitis latum, & quatuor altum implevit aquâ, huic vasi syphonis vitrei crus brevius immerisit, cujus diameter erat pars tertia unius lineæ; aqua guttatim ex eo effluebat in aëre libero per intervalla duorum secundorum. Vas vitreum unâ cum syphone machinæ aptavit, & minore globo vitreo, ex quo aërem eduxit: inter exhauriendū aëra guttulæ stillarunt eò tardius, quò globus vitreus magis exhauriebatur, adeò ut sub finem aqua stillare penitus desierit. Admisso aëre intra globum aqua è syphone cœpit effluere, idque alternis vicibus semper contigit. Deinde effusâ aquâ vase contentâ in illius locum aquam aëre expurgatam vasi imposuit, syphone aptato, tum exhaurit quantum fieri potuit aëre, aqua è syphone eadem celeritate effluxit, quâ antea in aëre libero. Quod utique visum est receptæ omnium penè philosophorum sententiæ adversari: nempe continentem aquæ fluxum ex aëris gravitate duci, tum enim nullus ferè huic incumberebat aër.

Iteratis sæpe experimentis id comperit, aquam recentem hyeme citius silti quàm æstivo tempore, adeò ut in magno æstu non cesseret stillare, uti nec aqua quæ igni admota ebullit, aut in machinâ per aliquot dies relicta fuit; liquores fermentatos citius silti in quovis tempore, pingues è contra; syphones rotundos, quorum diametri satis patent, ut in libero aëre aqua continenter fluat, exhaurito in machinâ aëre semper silti, quicumque liquor adhibeatur. Verum in angustiori syphone, ubi aqua guttatim decedit, cum in machinâ stillare cesseret, admissio aëre aqua priorem suum motum recuperat: sed in syphone majoris diametri, ubi aqua fluere desierit in machinâ pneumaticâ, non amplius effluit. Ex his conclusum fuit à D. Homberg angustiores illos syphones, qui aquam guttatim reddunt, non ut veros & absolute dictos syphones spectari oportere, atque eorum effectum à quibusdam pendere causis, quibus nihil commune est cum veris syphonibus, qui indefinenter aquam emittunt, quique sublato aëre in quacumque anni tempestate aquam non effundunt, quantumvis novus aër admissus fuerit: is enim iterum suctione trahendus est, ut fluat aqua è longiore tubo. Sed minutiores syphones præter aëris pondus hoc habent peculiare, quòd tubulorum parietes tam prope sibi mutuò admoveantur, ut madere non possint, quin aqua utroque pariete inclusa sibi & parietibus mutuò glutine sic adhærescat, ut tubus semper plenus remaneat, donec copia aucta suo pondere decidat: neque enim eget externi aëris gravitate, quæ etiam si debilius foret, illud aquæ gluten superaret: nam in aëre libero aqua guttatim & per temporum intervalla stillat, gutta præ ipsius pondere quæ in imo tubuli formatur, cumque non satis est aquæ ut guttam efficiat proprio pondere cadentem, aqua in tubo remaneat penilis.

Experiri voluit an major tubus eundem procrearet effectum in vacuo: Tubum parari iussit, cujus diameter esset 3 linearum; eumque sic complanatum voluit, ut duo parietes non amplius, quàm tertiâ parte lineæ inter se distarent, tubus in modum syphonis inflexus eundem in machinâ effectum præbuit, quem prædictus sypho angustior; cessare enim desiit: ubi aqua

recens affusa est, motum stillatim continuavit cum aquâ expurgata: cujus *Hist.* effectus hæc videtur causa, quod bullæ ex aqua ubertim prodeuntes magnam cutris partem oppleant, undè aqua eo citius contenta levior est quàm ut aquam breviori ramo conclusam secum trahat. In aqua expurgata defunt illæ aëris bullæ: Sed ubi aër admittitur intra globum, tum bullæ arctius pressæ liberum aquæ transitum præbent.

CAPUT II.

De his quæ ad naturalem spectant historiam.

I. D. Couplet die 8 Januarii mentionem fecit cujusdam plexus radicis, quo aquæ ductus tubi plumbei Arcolii, vulgò *Arqueuil*, secundo ab urbe milliari obstrui solent, quique vulpis caudam refert, undè & nomen suum duxit. Eum nihil esse comperit præter falicis radices, quæ tuborum glutinum, v. *Soudoure* penetrant, atque ubi intus subiere, sic vegetantur, & humore aquæ ita excresecunt, ut occludant tubos plumbeos, ac motum aquæ intercipient. Tum D. Galloys quod olim in horto illustriss. D. Colbert, v. *Seaux*, quarto ab urbe milliari evenit, nobis enarravit: tubis sic obstructis cum non aliud remedium occurreret, quàm variis in locis eos disrumpere, ut quo in loco illa esset cauda vulpina innotesceret, industrius tum temporis aquilex nomine le *Jongleur* nihil opus esse dixit tanto labore, aut sumptu, quo in loco ea delitesceret se brevi deprehensurum, idque ab eo factum ut receperat. Secus aquarum ductus erat quædam series falicum, unam præ aliis adverterat vegetam & vitentem, hanc ipsam esse quæ caudam vulpinam emiserat, non dubitavit.

II. Illud quoque ad naturalem pertinet historiam, quod D. de Tournefort ad nos retulit die 29 Januarii à D. Martino Lister è Societate Regiâ Londinensi se accepisse, montem esse in Hiberniâ, in quo visuntur columnæ ex lapide astroite compactæ, eæque 4 pedes altæ, & diametri 2 pedum; lapis ille astroites quasi è stellis pluribus figuræ hexagonæ plerumque compingitur, quarum aliz aliis incumbunt & in figuram pyramidalem desinunt. Ex eodem clariss. viro accepit D. de Tournefort illud multis experimentis in Societate Regiâ factis compertum fuisse animalium sanguinem ad totius corporis pondus, ut plurimum esse ut 1, ad 20.

III. Cum de phosphoro ex occasione ageretur die 20 Aprilis, D. Homberg admonuit urinam eorum qui cerevisiâ utuntur phosphoro conficiendo magis esse idoneam, quàm eorum qui vinum potant, ac phosphorum magnam suæ virtutis partem amittere in vini spiritu.

Eodem quoque spectant, nempe ad naturæ hystoriam observationes à D. Homberg factæ circa lapidem Bononiensem quæ ab eo sunt expositæ die 9 Martii.

Is quidem sulphure abundat, quod per calcinationem ignis vi ex parte absumitur, sed pars illius superficiem lapidis instar levioris tinetur, & flavæ.

Ppp ij

A N N. interdem subvitidis afficit. Hoc radiis solaribus in aëre sparsis accenditur; 1698. & minutè ejusmodi flammulæ lucidum lapidem exhibent, cum diurno lumine exponitur, etiam cœlo nebuloso & obscuro, dummodo sol extet supra horizontem. Neque illud omittendum notatu dignum, in crepusculo, quantumvis claro hunc lapidem nulla imbui luce, tametsi interdem crepusculum magis illucescat, quàm dies ipse. Hoc sulphur admodum est volatile, & paulatim in aëre dispergitur, etiam si in pyxide vesicâ involutum & oclusum teneatur. Materię quidem metallicę propius admotæ statim adhærescit, aurum rubeo, argentum nigro, cuprum candido colore afficit, plumbum exedit; lapis aquâ madens, lanam, pilos, crines ipso contactu dissolvit in pulvis modum.

Illud vero proximum videtur, hunc sulphureum halitum cum acido corrosivo, sulphuris liquori acido non dissimili esse conjunctum, sed actuosum & penetrantem magis in certis casibus, ob particulas arsenicales & volatiles huic lapidi proprias, quæque unâ cum sulphure evolant. Vapor ille sulphureus superficiei tenus auro adhærescit, nec exedit tamen, illius colorem tantummodò auget, ac rubeum efficit. Argenti superficiem parum exedit, eamque nonnihil asperam & subnigro colore tinctam efficit, uti & vapor combusti sulphuris. Sic particulæ arsenicales hujus vaporis superficiei cupri jam exesse ab acido sulphuris ita ferè adhærent, ac si arsenici communis vaporibus esset exposita; nec superficiem modò, sed & massam cupri pervadunt in ipsâ fusione, & albo colore eam sic tingunt, ut vix post iteratas fusiones deleri queat. Color tamen ille albus paulatim eluitur, quòd materia illa volatilis ignis vi tandem dissipetur. Quin etiam cuprum arsenico de albatum ipso usu, vel affictu rubeum & nativum colorem recuperat, uti & affictu ipso. Nam particulæ arsenici tenues ac friabiles particulis cupri admixtæ illasâ hujus substantiâ attritu comminuuntur, & divelluntur potius quam cupri moleculæ flexiles & ductiles: adeo ut hæc solæ remaneant cum nativo suo colore, dum partes interiores massæ adhuc manent coloris subalbo tinctæ.

Idem sulphureus vapor superficiem plumbi sic afficit, ut eam in farinæ modum calcinet, quemadmodum acida quæque vel debiliora: hæc enim plumbum in cerussam vertunt.

Quod lapis Bononiensis partes habeat arsenico permixtas, hinc colligi potest, quòd cuprum albo colore inficiat, pilos & lanam dissolvat, unde inter depilantia, quæ scilicet pilos avellunt, haberi potest, in quorum censu auripigmentum numeratur. D. Homberg è lapide Bononiensi citra additionem depilatorum confecit, non minus violentum quàm vulgare ex auripigmento & calce vivâ compositum. Ex quo id suspicatus est terrenam hujus lapidis materiam, quæ sulphuris & arsenici velut vena est, & matrix, à calcis vivæ natura non esse alienam: nam auripigmentum solum non exedit pilos, nisi calci vivæ admixtum.

Idque ex sequenti observatione fuit confirmatum: norunt omnes vulgare illud arramentum quod sympathiæ vocant, parari è solutione plumbi, quæ quidem exarati characteres non apparent in chartâ alba nisi auripigmenti solutioni in aquâ calcis factæ solutio plumbi admoveatur. Nam vel contactu,

vel odore ipso statim nigro colore tincti videntur characteres. Solutionem lapidis Bononienſis recens calcinati in aquâ fluviatili huic auripigmenti ſolutioni ſubſtituit, tum litteræ admodum nigre prodire. Quin etiam lapis ſolus recens calcinatus nec in aquâ exſolutus eundem effectum dedit. Lapis Bononienſis pridem calcinatus hunc non procreat effectum, uti nec auripigmenti vetus ſolutio in aquâ calcis; nam exhalatio ſulphurea, quæ indefinenter diſſipatur, tandem evaneſcit, ſed de atramento illo ſympathiæ poſtea fuſius.

I I. Sub idem tempus D. de la Hire filius conchylia exhibuit in lapides converſa, ſimul & obſervationes ſuas circa quædam corpora intra moles ſaxeas incluſa ſcripto tradidit. Id primum advertit non temerè nonnullis Philoſophis viſum eſſe corpora conſimilis figuræ, quæ in terrâ occurrunt, non ab aliis oriri principiis quàm à quibuſdam ſalibus certo quodam modo diſpoſitis cum terræ & aquæ particulis unâ conjunctis: quæ corpora organicis ſimilia plantas, vel animalia referunt, aut certas & conſtantes præ ſe ferunt figuras. Sic lapis Aſtroites, cujus ſuprà meminimus, certâ & conſtanti ratione formatur, ut nihil dicam de cryſtallo & aliis innumeris; ſic nivis ſcoſculi & ſtellari in ramos effuſi, & roſæ cum foliis explicatæ, ex aquâ, ſale paululum urinoſo conſperſa in congelatione formantur.

Verum non eadem eſt ratio omnium corporum quæ è terrâ effodiuntur certæ & regularis figuræ. Quæ ex. gr. in totâ pene inſulâ Melitenſi foſſilia eruuntur è tophaceo ſolo, ea ſunt proculdubio aut corpora organica, aut ſtirpes in lapides converſæ. Hujus generis ſunt ſerpentum dentes vulgo dicti qui nihil videntur eſſe præter dentes Carchariæ piſcis, aut lamiz qui unâ cum argilla alba, ex quâ tota inſula coaluit, in lapidem ſunt converſi. Aliorum quoque piſcium dentes ibi occurrunt ut ſquamæ Herinacei marini tum aculeatæ, tum aculeis deſtitutæ, quæ mirabilem præ ſe ferunt formam; conchylia quàm plurima, coralliorum rami, oſſa piſcium. Interdum ſola occurrunt terra cui conchylia ut typo ſunt impreſſa, eaque lapideſcente conchylia ipſa ſunt petreſacta. Hæc utique inſulæ Melitenſis ſingularia ſtudioſe examinata & depicta ſunt à pictore Italico Auguſtino Scilla in libro cui titulus eſt, *Vana ſpeculatione deſingannata dal ſenſo*.

Illud maniſeſtum eſt hæc corpora non caſu & temerè eſſe formata, ubi cum plantis, vel animalibus quorum formam expreſſam gerunt, conferuntur; ac difficile quidem eſt explicatu quomodo illæ inſulæ, aut corporum & terrarum unâ lapideſcentium moles ſuprà maris ſuperficiem attolli potuerint: ſed illud explicatu magis arduum videtur, quâ ratione alia quædam corpora, in locis a mari procul diſſiſis etiam duriffimis incluſa ſaxis aut formata fuerint aut in lapides converſa: cujus generis ſunt ea corpora quæ D. de la Hire coram exhibuit, multa ſcilicet conchylia iis ſimilia quæ in maris litore occurrunt. Illa quidem reperta ſunt majoribus ſaxis incluſa æque integra, ac ſi recens concluſa eſſent intra ea ſaxa. In plerisque typus tantum ſupererat ad concham expreſſus, in quo omnia conchæ lineamenta apparebant. In lapidicinis extra ſuburbium S. Jacobi eſt moles quædam ſaxea his conchylis reſerta octo vel circiter digitos alta in imo lapidicinæ; eaque ad duas ulque leucas eſt porrecta. Hæc inter duas moles admodum duas intercipi-

A N. tur; conchylia sunt majori ex parte oblongæ figuræ & in cochleæ modum contortæ. durissimis sunt inclusa lapidibus; moles ipsa duabus aut tribus hexapedis supra sequanz libellam assurgit, 12 ferè hexapedis infrà terræ superficiem depressa. Ea quidem conchylia ejusdem sunt generis cum marinis, tametsi 40 leucis à mari distant. Quamobrem id verisimile est mare ea loca olim inundasse. Et quidem 12 aut 16 hexapedis supra maris libellam extant: adeo ut 10, aut 12 hexapedæ terræ in eum locum postea congestæ videantur. Quin etiam in quibusdam locis suprâ mare 40 aut 50 hexapedas altis silices occurrunt, ex limo subtili, aut argillâ constati qui conchas & squamas piscium quorundam impleverunt; conchis corruptis silices soli remansere, quibus impressa manent lineamenta, & figuræ concharum, aut testarum.

Quâ ratione hæc corpora lapidescant, & lapides ipsi formentur non adeo obscurum est. Nam aquæ complures vi lapidificâ donantur. Aquæ ipsæ quæ à pago cui nomen *Lai* suam ducunt originem quarto ferè ab urbe milliari, tubos plumbeos sic incrustant, ut sæpe aquarum fluxus intercipient; è subtili limo formantur hi lapides, quem aqua secum unâ cum salibus vehit. Hujusmodi sales terræ admisti corpora quæque, ut ligna penetrant, eaque in silices convertunt. Hujus rei exemplum singulare extat in fluvio Indico qui urbem Bakam alluit, ubi partes arborum aquæ immerse lapidescant, reliquis arborum partibus nihil immutatis: quæ de re dictum est ad annum 1692.

Sed quæ in terris supra maris libellam positæ tantæ mutationes sunt, vix explicari possunt, nisi per ingentem aquarum in diluvio universali motum, quo montes eò sunt translati ubi antè erant profunda valles, cujusmodi fuerunt complures insulæ, ut Sicilia, Melita, & aliæ complures; ac valles pleræque, quales fortè extiterunt in locis prope suburbium D. Jacobi impletæ sunt.

III. Die 2 Aprilis D. de la Hire duo parhelia in observatorio vidit, tum sol exstabat supra horizontem 7 gradibus; centrum veri solis à centro spiritû distabat 24 graduum, circa solem ad parheliorum distantiam circulus erat cujus pars interior obscura videbatur, exterior splendida, adeo ut spatium solem inter & eum circulum obscurius esset exteriori circuli limbo; soles eminenti iridis coloribus utcumque tincti apparebant.

C A P U T I I I.

De rebus Chymicis. ac primo de Attramento vulgo Sympathie dicto.

I. **H**ujus atramenti superiori capite mentionem fecimus, sed plenior ejus tractationem in hunc locum rejecimus, de quo D. Homberg die 9 Aprilis, & quibusdam in aliis congressibus observationes suas, easque admodum curiosas protulit, quæ quidem ut sint Physicæ specula-

tionis ad Chymicos labores videntur proprie pertinere. Atramenti sympathici nomine liquor omnis qui in chartâ nullum relinquit vestigium colore tinctum designatur, sed artificio quodam postea fit manifestius. In varias classes digeruntur hæc Atramenta penes diversos, quibus ii liquores se produnt modos. Quod enim initio scriptum fuit, semper est invisibile, idque commune est his omnibus Atramentis. Artificium autem in hoc positum est ut vel novi liquoris fiat additio, vel in nuda scripturæ ad aerem vel ad ignem expositione consistit, aut in affricu cum terrenâ quâdam materia. Hæ sunt quatuor velut classes, ad quas artificium omne hujus Atramenti conficiendi revocatur, & in unaquâque classe sunt variae procedendi rationes: præcipuas tantum attingemus.

In primâ classe occurrit vulgare Atramentum sympathiæ, quod hac methodo conficitur. 4 uncias lithargyri in pulverem comminuti, aceti distillati 2 libras vasi fictili impone, moderato igni admove ut per semiquadrantem horæ ebulliant; spatulâ lignâ identidem agitando lithargyrum: ab igne remove, & misturam calentem filtra, liquorem in vase vitreo bene ocluso serva.

Deinde sume 2 uncias auripigmenti in pulverem contriti, misce cum 4 uncias calcis vivæ itidem in pulverem tritæ, vasi fictili impositis 4 libras aquæ communis affunde; per semiquadrantem horæ unâ ebulliant, movendo quoque spatulâ lignæ, & à priori diversâ: post filtrationem in vase vitreo & bene ocluso serva. Ubi ad usum adhibetur, priori liquore & calamo novo scribitur, exsiccatur scriptura, sed igni non admoveatur; exsiccata vel spongia vel pennæ plumulis scriptura secundo liquore illata statim colore primùm flavo, tum fusco, tandem nigro se prodit. Qui ad scribendum adhibetur liquor, non aliud quiddam est præter plumbum in aceto distillato solutum; pars aceti in ipsâ exsiccatione scripturæ exhalavit, adeo ut nihil in chartâ supersit nisi plumbum eâ dissolventis acidi quantitate delibuti, quæ sufficit ut in cerusiâ aut in salis Saturni forma remaneat, quæ quidem præ nativâ albedine in chartâ non videntur. Secundus liquor est perparum auripigmenti in magnâ aquæ calcis copiâ soluti, qui liquor admodum est volatilis, & multo sale alcali fretus.

II. Itaque illud est admodum probabile in utriusque liquoris confusione partem acidam litterarum fuisse absumptam ab alcali posterioris liquoris, sicque plumbum antè dissolutum nativo colori suo nempe nigro esse restitutum; cumque alcali non destruat acidum, nisi vicissim ab eo deleatur, auripigmenti dissolvens ab aceto distillato destructum, auripigmentum quoque solum deseruit, cujus flavedo cum colore plumbi mista in conspectum venit. Sed color flavus auripigmenti plumbo super inducti primus se ostendit, tum color plumbi qui auripigmenti colorem dilutiorem, ita ut fir, obduxit.

Rem ita esse hinc licet conjicere, quòd novo acido, ut spiritu nitri literis affuso, vel aquâ forti scripturæ color evanescat. Nam plumbum eâ ratione in cerussam redactum oculos fugit in chartâ candidâ, & calcis alcali destruitur; nonnihil tamen flavedinis dispersæ apparebit, ubi auripigmenti pulvis scripturam attigerit, quod aqua fortis auripigmentum non mu-

AN. ter; solutio auripigmenti iterum adjecta scripturam ut antea manifestam
1678. facit.

Cum dissolutio auripigmenti in calcis aquâ sit admodum volatilis halitu suo, & quasi odore per plures chartæ scapos scripturam prodit. Aqua enim calcis auripigmenti particulas secunda vehit per ea chartæ laxioris folia.

III. Id quoque observatum fuit à D. Homberg aquâ calcis exsiccatâ priusquam litteræ omnino nigre apparuerint, licet auripigmentum superfit, nullum tamen effectum prodire per interjecta chartæ folia, atque ut scriptura nigrorem consequatur, prior charta calcis aquâ iterum perfundi debet, quod volutilitas auripigmenti ex calce vivâ pendeat, quæ auripigmento est instar vehiculi, & unâ effectum suum procreant, non separatim.

IV. Die 13 Aprilis aliam atramenti sympathiæ conficiendi rationem proposuit, quæ ad eandem cum superiori classẽ pertinet; sed ex alio principio manat: hac in re priori videtur anteposendum quod omni fœtore careat. Hic vero est procedendi modus, calcem auri in aquâ regali dissolve, ita ut aqua regalis auro sarietur, sex aquæ communis partes huic solutioni affunde, misce in phialâ separatim, ad usum serva. Tum stanni puri rasuram aquæ regali impone, quantum aqua poterit exsolvere, duas aquæ communis partes huic solutioni affunde, misce & in vase vitreo reconde separatim.

Cum utroque hoc liquore uti libuerit, auri solutione in chartâ scribendum: exsicca ut prius scriptura, quæ non apparet; tum calami plumulis in stanni solutione madefactis chartam perfunde, & statim characteres coloris purpurei, seu violacei se prodent. In hujus atramenti præparatione id est singulare, quod duo metalla in eodem menstruo, ut vocant, dissoluta citra ullam effervescentiam, aut præcipitationem, ubi mutuò se tangunt, colorem mutant. Quod in aliis metallis non evenit, ubi in eodem liquore soluta unâ miscentur. Guttis aliquot soluti auri scypho vitreo aquâ pleno impositis, adjectæ itidem aliquot guttæ solutionis stanni liquorem rubeo colore instar vini Burgundiæ præbuerunt, isque clarus non turbidus per 15 dies permansit & amplius.

Causam hujus colorum mutationis hanc attulit D. Homberg, quod stannum inter metalla majorem aquæ regalis copiam absorbat; siquidem pars una stanni in 7 aut 8 aquæ regalis partibus exsoluta in gelatinæ formam unâ cum suo dissolvente concrevit: est enim stannum inter metalla levissimum, & poris maxime pervium. Unde stannum illud quod in atramenti præparatione fuit adhibuit licet dissolutum, nondum tamen satiatum, ubi cum solutione auri confusum fuit, auri menstruum potuit absorbere, ita ut particule auri à suo menstruo non agitatæ quiescerent, ac plures unâ coeuntes sub conspectum venerint, & colorem auri in tenues particulas comminuti & à salium consortio liberi præbuerint, qui color solet esse purpureus. Hic dilutior rubrum colorem præ se fert. Rem ita esse hinc licet coniecere, quod perparum solutionis stanni cum multa auri solutione permixta nullam afferat colorum mutationem, quod stanni quantum id est, auri solutione expletum, aurum ipsum non ita exuat suo dissolvente, ut illius particula

colæ unâ coire possint, & visibiles fieri. Deinde si huic solutioni tubæ Chy-
scypho conclusæ novam affundas aquam regalem, tunc colorem omnem *mica*.
robeum exiit: tum enim abundè est aquæ regalis, quæ stannum satiet, &
aurum iterum dissolvat. Scripturam auri purpuream delebis, si aquâ regali
eam perfundas; hæc iterum se dat in conspectum, ubi stanni solutio adji-
citur; sed chartâ prius est exsiccanda, quàm madescat novæ aquæ regalis
additione.

IV. Hoc argumentum die 7. Maii continuavit D. Homberg, atque
hoc atramenti genus docuit ex eodem minerali per duo menstrua dissolutò
confici, quæ duæ solutiones unâ confusæ nigrescunt ac sese mutuo præci-
pitant. Hujus atramenti materia è scoriis reguli antimonii, & ex vitro ejusdem
mineralis componitur. Processum omittimus, ne in his longiores simus,
quanquam inter luciferas observationes ut loquitur Angliæ Cancellarius, hoc
experimentum merito referri potest.

V. Die 11 Junii de atramenti Magici confectiōe è vegetabilibus paratâ
differuit: quæ è rosis pallidis & recentibus prodit, mihi non videtur omit-
tenda; contusis rosis vini spiritûs valdè rectificati tantum affunditur, quan-
tum satis est ut in pulvis liquidæ modum madescant; soli exponuntur dige-
rendæ, donec omni suo colore exutæ instar chartæ candidæ appareant; pœt
linteum expressus liquor phialâ bene oclusâ servetur. Scriptura eo liquore
exarata non videtur: quò autem appareat, aceto distillato aut spiritu vi-
trioli debilitato per aquæ communis adjunctionem, litteræ colorem roseum
præ se ferunt.

Hinc colligit ex parte rosarum resinosa colorem illum rubeum in his flori-
bus oriri: ea quippe in spiritu vini dissolvitur, ac particulæ resinosæ sese im-
mediatè tangentes in rosis rubris lumen alio modo regerunt, quàm dis-
persæ in dissolvente. Cum autem eadem materia, quæ in rubris rosis occur-
rat, verisimile est hanc rosis rubris confertam magis, & majori copiâ inscisse
quàm candidis, ubi divisa magis est, & sparsa. Quod autem ea materia
rosis albis insit, hinc colligitur, quòd rosæ candidæ spiritui vini infusæ aci-
di cujusque admixtione æquè rubescant, ac rubæ: Diversi hi colores rubei
in rosis non aliud quiddam videntur esse præter varias coloris purpurei com-
missuras, aut transtritus, v. *nuances*, hique acidorum accessu accenduntur
magis, ut in omni colore putpureo, seu violaceo evenit.

VI. Ab eo genere atramenti quod liquoris alterius accessu se videndum
præbet transit D. Homberg ad alia genera, quæ cum antea oculorum aciem
fugerent, acri exposita, vel igni admota scripturam ostendunt. Primum
quidem aurum exsolvit in regali aquâ, quantum ea potest dissolvere, & aquæ
fluviatilis tantum addit, dum maculas flavas chartæ non inurat; hæc bene
mixta phialæ ritè obturatæ imponit. Qui hoc liquore exarati sunt characteres,
non apparent nisi post horæ spatium diurno lumini fuerint expositi, tuncque
purpureum, sed pleniorē colorem exhibent. Scriptura in chartâ complicatâ,
vel in arcâ asservata per duos aut tres menses citrà colorem manet, quem
paulatim postea induit.

Et quidem auri color dissoluti in quovis acidò intactus manet, & solutio
flava semper manet. Sed postquam aurum à dissolvente suo liberum faci-

ANN. tum est, tum violaceum, seu purpureum colorem, eumque pleniorē induit.

Scriptura hæc aurum est dissolutum in acido, quod particulis auri diu solutatum manet, quamvis in chartâ exsiccatâ fuerit scriptura, nec apparent exaratae litteræ; aut si viderentur, ex flavo colore paululum tinctæ apparent. Sed cum solutio auri magnâ aquæ copiâ diluta fuerit, tam paucae sunt in chartâ, & propius intrantibus non apparent: cum autem dissolventis acidum sit volatile, id paulatim ab aureis litteris avolat, tumque visibiles fiunt ut purpurei coloris. Inter substantias volatiles acidæ sunt graviiores, quas subtilis materia agrius attollit, idque paulatim. Unde hi characteres diu manent inconspicui, nisi soli exponantur, aut uberiori luci, tum enim subtilis substantia in eos vim suam fortius exercit, & breviori tempore sales acidos secum abducit.

Alios atramenti sympathiæ parandi modos per solutionem argenti in aquâ forti, cui aqua fluvialis adjicitur, aut per amalgama ex æquis partibus argenti & hydrargyri aquæ communis additione debilitari; vel per dissolutorium bismuthi, vel demum per minium in aceto distillato solutum, omittimus, ut ad alia non minus curiosa veniamus. Illud tamen tacere non possumus omnia sympathiæ atramenta igni exposita in conspectum prodire, idque accidere quod ignis materiam, ex qua fiunt atramenta, in carbones convertat.

VII. Die 17 Decembris D. de la Hire observationes suas circa aquas cisterninas legit è scripto primum: illud præfatur eas haberi omnium saluberrimas, cùm salium missione, aut tincturis è fossilibus decerptis non inficiuntur, ut pleræque fontium aquæ quæ insalubres ex longo usu & diuturnâ experientia judicantur, iis maxime qui infirmo sunt corporis temperamento.

Quibus id persuasum est, si cisternas aquæ pluvias sic construendas curant, ut lapidum compages, & cæmentum quo incrustantur, aquas non inquinant. Sunt qui cavent ne liquatæ nives, aut imbres procellarum cisternas subeant: verum non existimat D. de la Hire eiusmodi aquas aliis esse deteriores. Aliam adhibendam putat cautionem, eamque non contemnendam, cujus mentionem fecit nemo.

Jam à decem annis, quantum aquæ pluviae quotannis decidar, accuratè observat, si forte hinc quid novi circa fontium originem emergat.

Illud primo loco animadvertit, aquam pluviam non ita corruptionis esse obnoxiam, ac fontium aquas, quæ puriores habentur, cujusmodi est aqua Arcolii, v. d' *Arqueuil*, quam sæpe expertus est in vase fictili faventino putrescere, cum in isdem valis aqua pluvia incorrupta servaretur.

2. Persuasus itaque pluviam salubrem esse, cum fontes Arcolii aliò ducerentur, ut tubi lacerarentur, eam magnâ curâ collegit, cavitque ut pura haberetur, quam per arenam trajicere nihil opus erat, ut fieri solet in piscinis quæ è testis, vel arcis aquas excipiunt. Verum id inopinato accidit, ut aqua magno studio collecta ingrati esset odoris & saporis, ac fumum omnino redoleret. In causam hujus rei inquirens, id tandem compertit cum ventum è Borcâ flasse, & urbis fumis permixtas pluviae guttas antequam laberentur, pravo odore esse infectas. Rqm ita esse vel ex eo liquet,

quod flante Austro pluvia ingrati hujus odoris omnino expers postea inven-
ta sit, cum ab eâ cœli plagâ nulli ad Observatorium fumi advehantur. Id-
quæ sæpius expertus est cum ventus ab Aquilone spirabat: tum enim aqua
ingratum odorem semper præ se ferebat. Id vero cavendum maxime, ut
cisternæ rite occludantur, cum ventus ab ea parte spirat, ubi loca sordibus
ejectis destinantur: etsi enim aqua per arenam trajecta expurgatur, sales ta-
men pravis qualitatibus affectos retinet.

Id denique in constructione cisternæ cavendum est, ne lapides pravâ
qualitate aquam afficiant: tametsi aqua pellucet, sæpe tamen noxiâ qualitate
inficitur, ut evenit aquis quæ in lapidicinis gypseis stillat, his quippe incocta
olera sapore amaro jusculum inficiunt.

VIII. Hoc argumentum ineunte mense Januario anni 1699 fusius est perse-
cutus, postquam aquæ pluviz, quæ anno superiori decidit, summam fecit in sin-
gulos menses partitam. Hæc ad 21 usque altitudinem, 11 pollicum & 9 linearum
pervenit, quanta vix multis retro annis contigit. Annus enim pluvius fuit
præ cæteris, cum ultra 19 pollices vix decidat. Tribus mensibus Junio,
Julio, & Augusto in quibus imber uberius esse solet, vix ad 4 pollicum & 9
lin. altitudinem aqua pluvia sublata est.

Verum ut ad cisternarum usum redeamus. Cum aqua cisternarum ad
vitæ usum optima judicaretur, id perpendere voluit, quantum aquæ pluvialis
tectâ ipsâ suppeditare possint. Primum si superficies quadrata 100 hexa-
pedas in quadrum pateat, cujus scilicet latera 10 hexapedis sint longa, quan-
tum dare possit aquæ, ubi ad 18 tantum pollicum altitudinem vertente anno at-
tollitur. Tum verò 5400 pedes cubicos aquæ suggeret. Qui numerus per
365 dies divisus, singulis diebus 14 pedes cubici aquæ, seu 490 pintæ
Parisienses prodibunt, adeo ut per fistulas usitatas 4 lineæ aquæ jugiter fluen-
tis habeantur.

Quod si quadrati latus sit tantummodo 5 hexapedarum, unoquoque die
115 pintas Parisienses dabit, quæ familiæ 10 & amplius hominum sufficiunt.
Quod autem spectat ad structuram cisternarum quæ excipere & servare de-
bent aquas cujusque privatz domus, cum tecti superficies fuerit in quadrum
25 hexapedarum, plumbeo tantum receptaculo opus erit unius hexapedæ
cubicæ, quod 17 modios Parisienses capit, cum cisternulâ purgandæ aquæ
destinatâ, & ad receptaculi latus collocatâ, quæque fluviali arenâ replea-
tur. Cum autem aqua pluvia diu maneat incorrupta, hoc receptaculum ad
primæ contignationis altitudinem certo in loco bene occluso, & muis cras-
sioribus cincto, ne aqua in glaciem concreascit, tuto collocari poterit, tum
enim aqua perinde ut intra terram à congelatione tuta futura est. Illa re-
ceptaculi altitudo hoc commodi affert, quod aqua in omnes domus partes
distribui facile queat, imo & salientem aquam interdum dabit.

Quo autem aqua è cisternula in cisternam derivetur, D. de la Hire
censet cisternulam non ex infimâ parte, ne forte sordes, aut terrestres plu-
viæ particulæ simul cum aquâ exeant & arenam cisternæ penetrantes eam
subeant, sed tubulum plumbeum & instar syphonis inflexum sic aprandum
putat, ut per receptaculi marginem pertranseat, cujus crus unum sabulum
pervadens ad fundum usque cisternulæ pertingat, alterum cisternam subeat,

ANN. aut recepraculum, ejusque orificium paulo sit depressius quam alterius crucis orificium. Sic syphone semel impleto aquæ cisternulæ & receptaculi inter se communicabunt, semper ad libellam positæ.

IX. Die 12 Novembris 1698, qui primus fuit post inducias confessus, D. Tauvry è scripto legit observationes suas circa liquorem è calce extractum. Calx unâ cum sale communi mista funditur, communi aquâ dissolvitur, solutio per filtrum traxita leni calore exhalat, qui in imo vasis sal remanet, in cellâ vinariâ dissolvitur. Consimilis liquor itidem paratur ex calce post distillationem spiritus salis Ammoniaci in vase superflute, quæ eodem modo fusa, exsoluta filtratur, eo quo dictum est modo procedendo.

Uterque hic liquor oleo tartari per deliquium præparato, & spiritu vitrioli cogitur in coagulum album & firmum: adeo ut sales Alkali, & acidi licet oppositi in hunc liquorem simili prorsus modo vim suam exerant. Spiritus salis Ammoniaci nihil fere mutationis huic liquori attulit, nisi id solum, quod paulo fluidiorem eum effecerit: sic partem sanguinis candidiorem acida quæque cogunt, uti & oleum tartari. Alkali tantum volatilia illius fluiditatem ruentur. Cum huic liquori spiritus vitrioli affusus fuit & coagulatus, pristinum fluorem recuperare non potuit additione spiritus salis aut nitri.

Hujus liquoris cum sero sanguinis cognatio in causa fuit cur attentiori animo D. Tauvry eum sit contemplatus, & quæ sequuntur experimenta fecerit. 1. hic liquor heliotropio colorem rubeum non impertit, nec sublimati solutionem præcipitat. 2, ubi olei tartari accessione fuit coagulatus, spiritus salis aut nitri affusione in priorem statum fuit restitutus: sed spiritus vitrioli nihil eum immutavit. 3, Spiritus salis liquori affusus fermentationem excitat cirra ullam præcipitationem; spiritus nitri nullam prorsus excitat fermentationem, aut præcipitationem.

Ex iis & aliis observationibus colligit D. Tauvry non eisdem effectus prodire ex quibusvis acidis, vel Alkali: ex iis etiam liquet quàm difficile sit quasdam dissolvere coagulationes ab acidis quæ terrenis particulis sunt implicata prodeuntes. Nam quæ à spiritu vitrioli facta est coagulatio, neque ab acidis, neque ab Alkali destrui potuit.

Ex quo illud conficitur, sanguini fluorem vix restitui posse, ubi coactus fuit per acida terrestria, ut evenit in melancholicis, hypocondriacis, & in plerisque morbis chronicis. Sed prævertere hujusmodi coagulationes non est alimodum difficile. Perparum spiritus nitri, aut salis liquori affusi inhibuit coagulationem, quam magna spiritus vitrioli copia attulisset, si postea affusus esset. Et quidem liquor ille calcis non aliud quiddam videtur esse præter ipsam calcis substantiam salis marini, vel Ammoniaci acido spiritu exsolutam: oleum tartari hoc acido imbutum calcem præcipitem deprimit, uti accidit in omni præcipitatione, cum Alkali fortius, aut acido certa ratione magis aptatum, quàm illud ipsum quod fuit antè dissolutum, adhibetur. Salis vero Ammoniaci volatili spiritui minus convenit cum calcis Alkali: unde huic liquori nullam asserere debet mutationem. Sic oleum tartari cum spiritu salis fermentescit, non item cum spiritu volatili salis Ammoniaci, quod ea desit proportio, aut apta particularum configuratio spi-

ritui volatili salis Ammoniaci, quæ in spiritu salis reperitur.

X I. Quod autem spiritum vitrioli atinet, constat eum crassiores esse & ca.

graviorem spiritu nitri, aut salis: siquidem sale, aut nitro in spiritu vitrioli exsoluto, spiritus nitri, aut salis, per distillationem attollitur, spiritu vitrioli in imo valis remanente. Quamobrem mirum non est si spiritus vitrioli acidum salis è poris calcis extrudat, & cum calcis particulis mixtus corpus efficiat gravius quam ante coagulationem, simul & præcipitationem efficiat, & calcis moleculas deorsum pellat: nec forte tam idoneus est spiritus vitrioli, qui partes calcis dissolutas servet, quàm spiritus salis; nec satis alre in ejus poros se insinuare porest. Spiritus salis eam destruit coagulationem quam effecit oleum tartari: oleum enim tartari penetrans simul calcis partes coagulatas dissolvit, sed dissolutionem à spiritu vitrioli factam non expugnat, neque illum è poris calcis potest extrudere, quod spiritus vitrioli crassior sit & gravior; spiritus tamen salis cum liquore calcis fermentescit, quod in calce partes supersint quæ non fuerant dissolutæ; nullam fermentationem aut dissolutionem in liquore efficit spiritus nitri, quod illius particulæ minus firmæ sint & subtiliores quàm ut ullum possint sensibilem motum producere.

XII. Eodem die D. Tournefort scriptum jam ante aliquod menses in Academia lectum in Tabularia relatum est: observationes quædam circa terræ sulphur eo scripto continentur: nec solum in Gypso aut in carbone fossili, sed etiam in omni pene terrarum genere materiam pinguem & inflammabilem inesse quibusdam experimentis probat.

Terræ agri minime stercoreati bene exsiccatae & per cribrum trajectæ spiritum vini affudit, ita ut spiritus supra terram 2 digitis extaret. Vas cineribus calidis est impositum; exactis sex diebus spiritus vini tincturam flavam extraxit. Hic spiritus aquæ communis additione albescit, tum in grumos facessit, ac demum resina subflavi coloris præceps decidit. Quod in vulgari vini spiritu non contingit, nisi materiam pinguem & resinolam exsolverit. 2. Admitione aquæ calcis albescit, & substantiam pinguem cogit præcipitem; cum eadem calcis aqua itidem albescit, tum admittio sublimati corrosivi obstat quominus flavescat; vulgaris vini spiritus cum aqua calcis nonnihil incalescit, ac totum aureo colore tingitur solutionis sublimati accessione.

4. Spiritus vini terræ infusus heliotropii colorem non statim immutat, sed interjecto tempore fit quædam præcipitatio, tum liquor violaceum colorem dilutiorem induit: spiritus vini eandem efficit præcipitationem, sed color idem manet.

Ex primâ & secundâ observatione liquet tincturam è vini spiritu extractam sulphure esse imprægnatam; ex terciâ colligitur salem huic inesse tincturæ salis Ammoniaci & urinosi non dissimilem. Ex quartâ colligitur hunc spiritum acidi non esse expertem.



CAPUT IV.

De quibusdam aliis operationibus Chymicis & Physicis.

I. **I**N hujus anni decursu complura alia proposita sunt experimenta, quæ ad Physicam proprie dictam, & ad Chymiam æque pertinent: horum præcipua summatim perstringemus. Atque ut temporum sequamur ordinem, die 16 Februarii de antimonii crudi calcinatione à se factâ D. Bouleduc scriptum legit: quâ quidem in vase fictili peractâ pondus ejus nedom auctum fuit, ut 8 unciz ad sex, & ad 7 ferè drachmas redactæ fuerint: is vero suspicatur antimonium, si quando pondere, per calcinationem auctum fuit, id evenisse quod in vasis metallicis tum facta fuerit calcinatio, & plures metallorum particulæ ab antimonio sint absumptæ.

II. Idem die 2 Aprilis aliud proposuit experimentum, quo quidem deprehendit quantum salis acidi in aceto distillato contineatur. Hanc in rem usus est sale tartari aliquoties fermentato cum aceto distillato: duabus unciz salis tartari candidi & exsiccati disco vitreo impositis acetum distillatum per iteratas vices affudit; donec omnis cessaret effervescencia, quæ quidem levior fuit. Tres unciz aceti distillati & 2 drachmæ primâ hac vice affusæ sunt; post exhalatum humorem, sale tartari ritè exsiccatum acetum distillatum ut prius, per vices repetitas iterum affudit, donec omnis effervencia desineret; quæ multo fuit major quàm in priori operatione, 3 unciz aceti tum opus fuit, evaporatio ut prius facta est. Huic materiz in pulverem comminutæ acetum tertiò affusum penè in eadem quantitate; sub finem exhalationis guriz erant insipidæ ut in secunda operatione. Postremo duæ aceti unciz adj. ctæ sunt, sed post distillationem non minus acidæ exierunt quàm erant antea, unde hujus additamenti nulla est habenda ratio. Aceti 27 unciz huic affusæ sunt, in his adh. 17 unciz fuerunt 7 salis acidi drachmæ.

Experimentum fuit iteratum & idem penè fuit exitus: sed in tertiâ operatione, sale tartari antea in crucibulo calcinato dum colorem cæruleum indueret, usus est, quò porosior fieret, duas itidem ejus uncias adh. bivit, quibus 4 unciz & 2 drachmæ aceti primum appositæ sunt, 30 unciz; in tribus operationibus consumptæ, ac tres unciz tartari prodierunt, augmentum illud è sale acido aceti distillati factum est. Idem sal tartari, idem acetum ubique est adh. bivit, & vasa vitrea semper usurpata, ne quid alienæ materiz accederet.

III. Die 4 Junii observationes suas circa humanum calculum è scripto legit, quas anno superiore incoperat. Duo salium genera tum extraxerat, unum volatile, in excipuli superficie spissum concretum, alterum magnâ ignis vi in retortæ collum sublatum, eique tenaciter adhærens. Hoc prior erat compactus, & gravius, idque multum de salis ammoniaci natura reserere tum temporis existimavit, adeo ut sal marinus à terrâ sua ignis calore

secretus secum volatilem salē sibi obvium sustulerit, & ex utroque salē *Chymica*, fixum, & coagulatum prodūisse crediderit, ut fir in compositione salis ammoniaci; sed ex usitatis probationibus tem aliter se habere postea cognovit.

Itaque calculos humanos eosque terfos 4 unciarum pondere leviter fractos & cucurbitæ impositos balneo vaporis per 24 horas subiecit: quo temporis spatio duæ drachmæ, cum aliquot granis liquotis aquosi, sapore & odore salis volatilis aliquantulum imbuti prodierunt. Eisdem lapides parum immutatos retortæ imposuit, in furno reverbetii accurate ocluso: primo ignis gradu spiritus sursum elati, aucto per gradus igne excipulum benè oclusum vaporibus refertum est, salē volatili ut moris est, concreto. Ubi vapores desierunt, igne ad gradum usque extremum aucto, in excipulo 7 drachmæ salis volatilis & concreti inventæ. Hic spirituum guttas in primo ignis gradu sublatis & flavo colore tinctas absumperat, colorem illum forsitan & sulphure volatili duxit, quòd in minori esset copiâ, quàm ut in olei substantiam facesseret. Cum salē volatili mistum fuit & confusum, ut evenit in distillatione salium volatilium animalium. In collo retortæ, atque in certo recipientis loco materia densa erat, & compacta, instar crystalli diaphana, quæque vix avelli potuit, hanc salē esse ammoniacum ante opinatus fuerat D. Boueleuc, eaque 3 drachmarum $\frac{1}{2}$ inventa est, caput mortuum in retortâ superflēs 2 unciarum pondere omnino contritum & friabile apparuit, licet calculi penè integri fuerint retortæ inditi.

IV. Eundem laborem in 4 uncis calculorum, sed leviorum iteravit, eodem penè exitu. In utrâque operatione substantia quædam admodum tenuis & sicca inter collum retortæ, & illius fornecem adherere visa est, quæ terræ magis, quàm salinæ erat naturæ. In posteriori operatione 3 drachmæ aquæ candidæ ejusdem odoris & saporis cum superiori, salis volatilis & concreti 5 drachmæ cum semisse in collo retortæ, 3 drachmæ salinæ, & crystallinæ materiæ.

Quo autem illius salis compactioris natura dignosci posset, hunc calci vivæ, & extinctæ admiscuit, citra ullum salis ammoniaci indicium; nec gustu salē marinum referebat, sed potius nitrum, unde in prunas arduentes conjectus statim evanuit, nec tamen omnimoda facta est detonatio. sed quiddam ei finitimum apparuit. In catino, seu crucibulo sal fusus carbonum pulvere injecto accensus est sine strepitu. In aquâ solutus, & per filtrum trajectus solutionem sublimati coarctivi flavo colore tinxit, & interfecto ætempore quiddam præcipitato simile apparuit, sed citra effervescentiam ullam. Postquam aëri fuit expositus, ut quidquid in eo erat volatile, in auras abiret, huic spiritus acidus affusus nullam excitavit fermentationem.

E capite mortuo ita calcinato, ut uncia tantum ejus supereffet, ne granum quidem salis fixi extrahi potuit.

V. Die 7 Julii D. de Tournefort duos liquores frigidos exhibuit, qui unâ confusi sic effervuerunt ut fumum flammæ rubræ admistum emiserint. Unus ex his liquoribus est oleum salsæphræ, alter est nitri spiritus. Qua ratione uterque hic liquor præparetur, docuit die 23 Augusti. Olaus Borrichius in primo

ANNO. volumine Actor, Daniæ hoc arcanum vulgaverat, idque ex spiritu nitri & oleo terebrynthine parari docuerat, quod D. de Tournefort experiri voluit servatis omnibus circumstantiis, nec benè successit. Id tentatum ab eo est in oleo essentiali sasaphræ, & spiritu nitri ritè præparato, ac benè processit. Sed nitri spiritus præparatio caute faciendâ: suo phlegmate exuendus est per lenem evaporationem, donec experimentum succedat; punctum illud & summa rei est in præparatione, ubi sistere oportet, ac multa sunt faciendâ tentamina. Idem olea essentialia è multis plantis, & floribus aromaticis elicere constituit, atque in hanc rem oleum essentielle cariophylli adhibuit, quod non æque cito inflammatur, atque oleum essentielle sasaphræ. Hujus rei periculum fecit die 30 Augusti, sed fumus tantummodo densus erupit, non flamma, nec tam bene processit, quam die 2 Julii cum oleo sasaphræ. Æqualis spiritus nitri & olei sasaphræ dosis esse debet, sed majorem spiritus nitri quàm olei cariophylli copiam esse oportet. Cum liquores flammam non concipiunt, coagulum fit densum instar picis aut resinæ fusci coloris, idque ex oleo essentiali à spiritu acido densati coalescit. Unde eorum qui resinas sulphura esse acidorum vi densatas suspicio confirmatur.

CAPUT V.

De quibusdam aliis operationibus Chymicis.

I. Die 17 Decembris 1698 D. Bouleduc experimentum à se factum exposuit circa quoddam minerale marcasitè consimile, quod erat 5 unciarum, 7 drachmarum, & 22 gran. Quique hoc fossile Domino Bouleduc dedit, idem affirmabat hydrargyrum pari pondere eo fossili contineri. Retortæ impositum in furnulo reverberii clauso cum excipulo, igne per gradus accenso quinas uncias Mercurii cum sex drachmis & semisse præbuit, adeo ut 16 granorum tantummodo jactura facta fuerit: duo erant hujus materię frustula, quorum unum admodum durum erat & ægrè frangebatur, alterum valde fragile quod pistillo vitreo tustum Mercurium exprimebat, non item alterum.

II. Die 19 Novembris D. Bourdelin analysim exhibuit aque mineralis S. Amandi: hæc erat pellucida, sed odorem & saporem sulphuris præ se ferebat. Eo die D. Fontenelle Academiæ renuntiavit à D. de Pontchartrain ascitum esse inter Aggregatos Academicos & externos D. de Langlade Medicum Eminentiss. Cardinalis de Bouillon.

III. Die 3 Decembris 1698 D. Homberg observationes suas circa sales plantarum fixos è scripto legit, quarum hæc fere est summa. Jam ante annum quædam experimenta circa sales stirpium fixos in Academia protulit, ex quibus ostendit hos sales fieri posse volatiles per vini spiritum certa ratione adhibuit, adeo ut unâ cum spiritu vini per rostrum alembici stillent. Alia subinde fecit experimenta quibus iidem sales sic retinent vini spiritum, ut soliditatem illi tribuant, adeo ut in igne fixus permaneat, ac sales fixi

&

& spiritus vini naturam suam vicissim commutent per diversos operandi *Chy- mica,* modos.

IV. Sales fixos lixiviales è plantis octo extractos 8 unciarum pondere, & simul permistos catillo imposuit, per 12 horas rubeos tenuit, tum in matrarium prius calefactum eos immisit: unciam unam & 5 drachmas sui ponderis in illà calcinatione amiserunt. Sex drachmas spiritus vini purissimi affusas sal ille fixus sic absorbit, ut pars vasis infima madida non appareret. Vas rite oclusum per duos menses cum semisse in digestionem posuit, lentè primum calore adhibito, tum paulatim aucto, ita ut arenæ calorem digiti amplius ferre non possent, eoque caloris gradu tamdiu continuato dum nullus humor è matrario stillaret. Tum paulatim refrigerato vasi iterum sex drachmas spiritus vini affudit, & eodem pene modo, quo antè procedens detractum matrarium bilanci appendit, idque gravius reperit 2 drachmis & 47 granis quam ubi primum in digestionem positum fuerat.

Hinc D. Homberg conjecit spiritus vini partes salinas & oleosas à salibus fixis detentas fuisse, qui oleo ultro sociantur, ut in saponis confectione cernimus, jique sales fixi initar basis acidis salibus & urinosis subternuntur, eosquo fixos efficiunt.

V. Cum hi sales essent lixiviales, aliis postea 5 salinis uti voluit, cā semè methodo procedens quā prius, sed salem imminutum pondere non invenit, adeo ut hujusmodi sales spiritui vini retinendo non sint idonei. Cujus discriminis hanc rationem esse putat, quod in hoc saliem genere, quidquid est lixiviale, plantarum acidis partibus sit fixatum, unde & eorum fassedo oritur, neque iterum imbui possint oleosis & salinis spiritus vini pariculis. Quam ob rationem ejusmodi sales ad saponis confectionem non adhibentur, cum oleosas spiritus vini partes sistere non valeant: is vero ut verisimile est per latentes opercoli rimas in autas abiit.

Id vero admonet D. Homberg in hac operatione salem exsiccati oportere, priusquam spiritu vini imbuatur, qui paulatim est infundendus.

VI. Die 18 Januarii 1699. D. Homberg observationes suas legit circa acidorum mitigationem: plerique enim recentiores philosophi in eā sunt opinione ut putent mixtorum principia quæ per analysim se produnt, ad unam & eandem materiem revocari oportere, cujus diversæ configurationes, aut modificationes magnam in principis varietatem efficiunt. Hanc materiem aquam ipsam esse communem & inspidam arbitrantur, & variis experimentis suam stabilire conantur opinionem. Quod Domino Homberg occasione præbuit in mixtorum principia diligentius inquirendi; qua de re jam in variis Academiæ congressibus verba fecerat.

Inter complures quibus usus est in acidis spiritibus excutiendis modos, digestionem ipsam adhibuit: spiritus acidus omnis pene generis, aquam fortem, regalem, spiritum salis, nitri, oleum vitrioli, spiritum aceti distillatum diversis sic imposuit vasis digerendos ut quædam ad pedem turris illius furni quem Athanorem vocant, alii ad pedis distantiam ab eā removerentur, quò alii magis quàm alii in digestionem incalcescerent. Uniuscuiusque generis spiritus suis quoque vasis contentos, sed citra ullam digestionem preparatum posuit, & vasa quæque hermetice sigillavit, ne externi aëris subiret:

R t t

AN. humor. Cujusque spiritus vires ex metalli quantitate, quod poterat dissolvere, expendit. Exactis in digestionem quatuor annis spiritus omnes in digestionem positi cum iis qui citra digestionem suis vasis conditi fuerant, contulit, nullum inter acidus spiritus minerales discrimen apparuit. Spiritus acetii in digestionem positus pene erat insipidus, odorem præ se ferebat aromaticum.

VII. Hujus discriminis ea videtur ratio, quod liquores minerales minime fermentati, ipsi fermentationi non sunt obnoxii, eorum adeo difficillima est mutatio. Sed acetum distillatum parum acidi multo phlegmate diluti in se continet, is adeo liquor qui fermentescit, indefinente circulatione aculeos suos amittit, quos ubetius phlegma retundit, cum minerales spiritus parum habeant phlegmatis.

Ex his liquet spiritus acidus vix emolliri, aut deliniri posse. Inter digestionem illas solus spiritus salis vas suum excedere, & calcinare visus est, qui scilicet majori calori fuit expositus. Illud etiam fuit observatum magnam partem vitrioli, quod propius ignem admodum fuit, in crystallos coalescere inter refrigerandum, quod pars phlegmatis præ nimio calore sursum sublatam fuerit; id oleo vitrioli longius ab igne remoto non accidit, neque enim phlegma quod fluiditatem efficit ab acido secretum fuit.

CAPUT VI.

De Botanica.

I. **H**OC anno D. de Tournefort in lucem edidit opus egregium de historia & usu plantarum quæ in agro Parisiensi & circumjacentis in locis occurrunt. Hujus libri mentionem fecimus ad annum 1694, ex occasione elementorum Botanicae, quæ tum lecta fuerunt in Academia & probata, Quò breviores hoc loco erimus, cum stirpium descriptiones à D. D. Dordart, Marchant, & de Tournefort composita, & diligenter excussa, Analyfes quoque à D. Bourdelin factæ in peculiari opere sunt tempore idoneo in lucem proditurae.

II. Die 16 Aprilis cum D. de Tournefort quadam ex prædicto opere de historia stirpium è scripto legisset, D. de la Hire pauca de pigmento illo celebri, vulgo *cochenille* dicto disseruit. Inter alia id admonuit, in regione quâdam Americæ *Guatemala* dictâ arborem opuntiam fructus proferre, qui ubi maturuerunt, finduntur, atque ex iis innumera exeunt insecta quæ excussa subiectis linteis excipiuntur; ex iis obtritris fit pigmentum *cochenilla* dictum.

III. Hujus rei occasione præterire non possum insecti cujusdam quod in Sycomoro inventum est à D. Maraldi, & ab eo descriptum die 16 Julii. Is Julio mense anni 1696 plures lenticulas ad pedem sycomori deprehendit, quarum nonnullæ soli expositæ seipsas movere, & subinde à terrâ subsultare visæ sunt; quod illi occasionem præbuit eas lenticulas diligentius inspicendi;

tumque observatum ab eo fuit duas pelliculas simul cohærentes in ipsâ circumferentiâ lenticulæ, inter utramque pelliculam erucam includi, colore subviridi, tres lineas longam, & pene unâ lineâ crassam. Corpus inter caput & caudam 12 annulis distinctum erat quos accurate describit D. Maraldi, uti & fossilas figuræ ellipticæ quæ in tergo microscopii ope deteguntur; simul duos oculos oblongos, maxillas prominulas; pedes 4, ex utroque latere capitis; expositoræ foli sese agitabant.

Mense Junio anni 1697 cum ejus modi lenticulas sub sycomoro vidisset, utrum in ipsâ formarentur arbore explorare voluit. Folia quidem invenit integra quorum apices erucæ justæ magnitudinis perforaverant. Quo illa modo subierint, non potuit deprehendere: erucæ folium in duas pelliculas dividunt, & medulla, seu parenchymate folii inter duas pelliculas intercepti videntur; atque ibi delitescunt. Superior folii pellicula tenuior est, & viridior, ut inferior est crassior, cui fibræ folii adhaerescunt, non excisæ: sic eruca per 5, aut 6 dies folii medulla nutritur illâ scilicet pelliculis.

Abolutâ periodo suâ intra pelliculas seipsam condit eruca hoc ferme modo: pedes qui prius fibris folii insistebant, vertit in aliam pelliculam, cujus particulas maxillis suis horizoni parallelis secat per spatiola in plures circuli portiones; caudam parti sectæ applicat, tum caput eo convergens ubi erat cauda, partem secat ejusdem pelliculæ in segmenta circuli: quod per duas aut circiter horas conficit, donec pellicula in orbem secta fuerit, sic tamen ut folio adhærescat per filamina in spatiolis interceptis disposita. Tum eruca ex hoc circulo egreditur, & per duas ferè horas manet immota, pellicula in orbem sectâ uritur, ut ex eâ partem sui domicilii dimidiam fabricet; inter duas pelliculas alteram sui domicilii partem ædificat, idque per tenuissimam serici fila perficit. Hæc primùm circumferentiæ primi circuli alligat, & filamentis quæ per spatiorum intervalla reliquit; ex iis per strata aliis superposita pelliculam textit folii pelliculæ consimilem, sed magis pellucidam. Hæc duæ pelliculæ unâ conjunctæ eam formant lenticulam, de quâ diximus. Domicilio absoluto distumpuntur filamenta quibus superior pellicula, & lenticula folio integro erant illigatæ, tumque lenticula in terram decidit, ubi inveniri solet; atque hæc filamenta sensim promotâ lenticulam nonnihil dentatam exhibent.

Anno superiori plures hujusmodi lenticulas D. Maraldi vasi imposuit, quod terra impleverat, adhibita cautione ne humor deesset. Mense Maio hujus anni in muscas sunt transformatæ, quæ duo in capite oblonga cornua & producta gerunt; corpus in duas partes dividitur, quæ intersectu filamentis inter se cohærent. Hæc muscæ quatuor-alis, & sex pedibus sunt instructæ; has omnes mutationes D. Maraldi delineatas tradidit.

IV. D. Tavvry qui die 10 Augusti in Academiam ab illustrissimo D. de Pontchartrain afictus fuerat, scriptum legit de resinis & gummi, cujus hoc est summarium. Resinæ sunt succi, aut lacrymæ plantarum, quæ nesci quo pingui & oleoso dissolvuntur; cum aquâ non facile miscentur, & summam concipiunt: contra gummi nomine succus intelligitur coagulatus, & solidioris substantiæ, qui in aqua simplici facile dissolvitur, neque in igne eâ facilitate inflammatur.

Discrimen inter resinas & gummi non aliunde oriri putat, quàm ex differentia salium, quibus olea utriusque succi bases & fundamenta conerescent. Hoc enim posito resinas à sale acido coagulatas fuisse non ægre intelligimus, cur in aquâ non exsolvantur. Nam earum sulphura ita sibi mutuo sunt admota per spiritus acidos, velut per totidem spicula, ut aquæ moleculis aditus non pateat, quò resinæ partes divellat. Hinc etiam concluditur resinas inflammari facile posse, uti evenit in corporibus ex acido & sulphure conflatis, ut in sulphure ipso.

Quin etiam acidorum spicula rigidiora corporis inflammandi partibus obterendis sunt idonea; atque effectus ignis & acidorum in multa corpora admodum esse similes, ex multis liquet experimentis. Præcipitatum rubrum parari solet emeticum, & causticum ex hydrargyrio calcinato, non illis dissimili quæ ex acidis fieri solent.

V. Contra gummi si sint oleosa corpora per sales alcali coagulata, ratio in promptu erit cur in aquâ solvantur. Nam ejusmodi salibus id proprium est ut partes sulphureas divellant à se invicem, & distrahant, liberum aquæ moleculis aditum præbere debent, ut inter partes oleosi corporis sese influant. Ex quo fit ut hæc corpora non facile incendantur, ac meatus satis pateant, ut ignis spicula per eos avolent: deinde hujusmodi sales alcali acidis absument, qui inflammationem oleosi corporis promovere possunt.

VI. Hæc quidem conjectura variis experimentis confirmari possunt. Cum oleum vitrioli oleo anisi guttatim affunditur, corpus fit omnibus resinæ affectionibus instructum. Sic gummi quiddam consimile efficitur in saponis præparatione. Is quippe ex oleo & salibus alcali fixis componitur, estque instar gummi artificialis in aquâ solubilis, nec inflammabilis. Deinde resinæ pulveres maximâ ex parte heliotropium rubeo colore tingunt, quod gummi pulveres nullo modo afficiunt, adeo ut resinæ acidis, non item gummi doneantur. Eisdem effectus sapo genuensis in heliotropio, & in sublimati corrosivi solutione producit, quos in solutione gummi Arabici, & Adraganti cernimus. In utrisque eandem esse, aut certe consimilem partium texturam hinc conjicere possumus, quod additione olei tartari consistentiam crassiorem, & pleniorum colorem præ se ferant propter oleosarum partium majorem divulsionem à sale alcali inductam. Gummi gutta olei tartari accessione rubeum colorem induit, cum antea flavum esset; gummi aloës pleniori colore imbitur, gummi Arabicum è pellucido flavum colorem adipiscitur, & fit crassius. Idem evenit in solutione saponis quæ accessu olei tartari subflavum colorem præ se fert, sitque crassioris substantiæ & magis viscosæ: nec solutiones gummi paulo crassiores solutionem camphoræ conturbant, quod omnis fere generis liquores præstant. Et quidem si inter dissolventia, & dissoluta aliqua sit similitudo, non dubium est quin resinæ acidis, gummi alcali salibus abundant, cum resinæ in spiritu vini, gummi in aquâ facile dissolvantur, uti sales omnes alcali & fixi & volatiles.

Quod si fortè acidi quidam sales gummi compositionem subeant, ita sunt aliis particulis implicati, ut omni penè actione destituantur,

CAPUT VII.

De Rebus Anatomicis.

I. **C**Um die 8 Januarii D. Mery novum quoddam vas excretorium nondum cognitum in partibus generationi destinatis exhibuisset, ac subinde verba fierent de admirabili structurâ illarum partium, D. Dodart ut rem sæpius à se visam narravit, cochleas, seu limaces videri esse ex hermaphroditarum genere, atque uno & eodem tempore utriusque sexus obire munus; In iis partes generationis prope collum sitas esse, atque ita coire, ut utriusque tantummodò capita ad sese mutuo accedant.

II. Die 15 ejusdem mensis idem D. Mery illud in Rupricaprâ palam fecit, ductum pancreatis non in ipsa intestina, sed in cholodochum desinere, quatuor ventriculos, & partes generationis Rupricapræ, & capree lybice omnino esse consimiles.

III. Die 22 Januarii D. Carré epistolam legit ad se Bresto, seu è portu Brivatensi missam, in quâ singulare quiddam continetur. Viri nobilis, navi regie præfecti, aperto cadavere auricula dextra cordis adeo dilatata in conspectum venit, ut caput infantis recens nati æquaret magnitudine, atque libram sanguinis cum semisse caperet; intus substantiâ ossiâ, & squamosâ erat inducâ, adeo ut instat folliculi aëre inflati dura esset ac tensa. Difficilis huic erat anhelitus, pulsus durus & frequens, vehemens cordis palpitatio. Hoc morbi ante 12 annos, cum iræ vehementis imperum magno conatu inhibuisset, inceptum, & in dies auctum aiebat.

IV. Die 5 Februarii dentium formationem, & progressus palam exhibuit. Verùm hoc argumentum die 13 Augusti fufius est persecutus prolatis maxillis & dentibus ejusque ætatis hominum, atque eâ de re è scripto legit dissertationem, cujus hæc fere summa est.

In fœtu maxilla inferior in duo ossa dividitur, quæ communi vinculo menti medio esse conjuncta: sed paulo post infantem natum hoc glutine indurato os unum è duobus coalescit. Maxilla superior in duo quoque ossa dividitur, quæ ut plurimum totius vitæ decursu manent separata.

In ipso formationis initio unumquodque è quatuor ossibus utriusque maxillæ propriis unam velut fossam efficit instar canaliculi aut helicis, quam materia densa, & glutinosa instar albuminis ovi replet. Hæc dividitur in sex globulos, & exterius quidem gingivis obductos, & intus intra prædictum canaliculum, aut sulcum quâdam involutus membranâ, quæ illos unâ connectit.

Hi globuli antequam in ossa induruerint, jam ea crassitie donantur, quam dentes ipsi in quos facessunt, habituri sunt. Quo tempore ossa maxillarum perficiuntur, præfati sulci, aut canaliculi osseas lamellas utrimque ex transverso proferunt, quæ unâ conjunctæ ossea efficiunt sepimenta, quibus in 6 velut cellulas dividuntur, quas vocant alveolos. Hæc quidem lamellæ pau-

ANN. latim globulos à se invicem sepatant : sed in imo cujusque alveoli , seu in
1698. ipsis sepimentis , v. *clisfms* , restat foramen quo inter se mutuo communi-
cant ipsa sepimenta ; foramen illud vasis ad globulos tenentibus transitum
præbet , atque his globulis dentium materia continetur , de quorum forma-
tione nunc dicendum est.

V. Cuiusque dentis corpus in duas partes dividunt Anatomiæ ; quæ ex-
tat extra gingivas , basis ; quæ intrâ alveolos condita est , radix ab iis voca-
tatur. Basis prior formatur ex eâ portione albuminis quæ gingivam tangit ,
& longius distat à vasis in imo alveorum repentibus , quæque iis suggerunt
succum novum , & liquidum , qui paulatim densatur in humorem viscolum : is
priori succo jam osseam duritiem adepto succedit.

Formata dentis cuiusque basis fit densior eadem manente latitudine : nam
succus recens instar albuminis in os concrefcens , interiori superficiei appli-
catur , tum ad imum alveoli sese insinuat , & paulatim dentis omnia format
latera. Recentis vero albuminis partes quæ in hos facessunt , inter eas
quæ basis superficiem , aut corpus dentis efficiunt , se insinuare non pos-
sunt : siquidem jam ab initio formatus fuit utriusque ambitus , adco ut an-
tequam gingivam perfodiat , ejusdem sit diametri , quam in exitu suo obti-
net : contra atque in aliis ossibus evenit , quorum moles paulatim augetur à
primâ eorum formatione usque ad sævus ortum , & ab ipso ortu ad pro-
vectiorem usque ætatem. Cum autem partes viscosi albuminis dentis ap-
plicentur corporis interioris superficiei , hinc fit ut dentium cava coarctent-
tur , dum ipsi perficiuntur ; contrarium accidit in aliis ossibus , quæ cum au-
gentur , eorum sinus fiunt ampliores.

Glutinosi vero liquoris accessio dum formantur dentes , fit temporis tractus
unde corpus eorum ex multis velut stratis , aut lamellis , quarum aliæ aliis
inseruntur , constat videretur , instar thecarum quæ in boum aut arietum
cornibus mutuo sese excipiunt , & excipiuntur. Sed tamen inter utrasque
cavitates illud est discriminis , quod in cornibus quæ ultimò formatur theca ,
sit omnium latissima , in dentibus verò eadem est maxime contracta. Unde
corpus ipsum n dentis coarctatum in apicem radix appellatur ; cornu verò
basis quæ est velut illius ostium , arctari nequit : nam ossis coronalis apo-
phytes parte sui latiori replentur.

Dentes igitur quasi ex variis crustulis sibi mutuo inductis temporum suc-
cessionem formati basi n habent è primis velut lamellis constata , corpus è
secundis quæ prioribus inducuntur , ut radices ex tertio velut ordine crusta-
rum quæ tandem cavum ipsum dentium occludunt : quod in dentibus pue-
rorum & senum ultro deciduis videre est. Idque fit diverso plane mo-
do atque in aliis ossibus , ubi corpus ipsum prius formatur , tum illius
extrema.

VI. Cum autem longitudo dentium quam procedente tempore acqui-
runt , in ipsis concludi non possit alveolis , quod sinus non satis sint pro-
fundi , basim cuiusque dentis in partem oppositam paulatim propelli neces-
se est : nam cuiusque alveoli pars ima obstat magis dentis productioni. Unde
per gingivam dehiscere cogitur , & per eam corpus dentis sibi parat aditum ,
quod summos sæpe & lethales infantibus affert dolores. Accidit illud

quoque, dentes ab ipsis alveolis pelli, cum horum cavitas paulatim contrahitur, & profunditas eorum minuitur.

Cum etiam dentes paulatim conformentur, quæ intus sunt foramina, non occluduntur, nisi dentibus omnino absolutis: unde & eorum sinus, aut fossulæ procedente tempore figuram suam consequuntur. Tuber illud exterius quod in basi primum extat, intus cavum erat; corpus vero dentis, quod post basim formatur unâ cum basi latum & altum, cum eâ sinum postea efficit, quem membrana albuminis ad libellam posita occludit in dentibus molaribus. Ossea lamina versus margines sensim dilatata cavum illud omnino claudit, ac tandem pars ima cavitatis eo magis arctatur, quò radices in extremis fiunt angustiores.

VII. Itaque albumen dentis cavo inclusum juxta solidioris partis typum formari, & in extima illius superficie exteriorem dentis figuram debet exprimere. Quod utique observatur, quandiu radices sunt excavatæ: nam iis occlusis albumen succo è vasis manante instaurari amplius non potest, atque ossis duritiem adipiscitur. In ea porro mutatione albuminis minuitur moles, unde & dentes intus manent inanes, & superest quidem membrana illa quæ albumen ex quo dentes formati sunt, involvebat: nam ea tantum extimas dentis partes tegit, donec corpus ipsum dentis alveolum divellat, & gingivam perforet.

VIII. Ex senis dentibus quorum primordia in unoquoque maxillarum osse cernuntur in fœtu, duo incisivi omnium ptini gingivam perforant, tum molaris canini proximus, mox caninus ipse; atque ex duobus molaribus posterius se prodit, qui in extremo otis magis eminet, isque ultimo loco formatur.

Sex illi dentes in pueris decidunt, atque in eorum locum alii succedunt, iique crassiores. Cur autem excidant, hæc videtur ratio, quòd dentium radices dum occluduntur, vasa ipsa quæ succum alimentitium afferebant, perferant, adeo ut succus quo implentur vasa, eas pervadere amplius non possit: pars illius succi in meatus ossis maxillaris effunditur; quæ ossi nutriendo est idonea, in osseam mutata substantiam dentium implet alveolos, qui arctati primigenios dentes expellunt, dum pars altera succi nutritii dentium generationi accommodata è poris ossium maxillæ quibus excipitur, novos sibi parat alveolos, quos succus ille aggestus dilatat: cum densata factisset in albumen, ex quo novi dentes gradatim ut priores formantur. Interim evenit ut posteriores dentes prius formentur, quàm radices superiorum occlusæ penitus fuerint, quod ex nimia succi copiâ contingit, quam dentium cava omnem capere non possunt, unde in poros ossis maxillaris effunditur.

In senibus dentes non renovantur, quòd succus ille ex quo nascuntur, in pueris tantum abundet, atque in provecliori ætate omnino exhauriatur. Unde dentes molares, seu genuini qui in juvenibus erumpunt, non renascuntur.

Hæc quidem de formatione dentium ex D. Mery, si bene illius sensum intellexi, res enim est satis implicata.

D. du Verney dic; Mattii structuram pharyngis in cane exhibuit, simul

ANN. ostendit eosdem musculos ibi reperiri quos Anatomistæ vuulæ tribuunt , ta-
1698. metris in canibus hæc deest.

IX. Die 19 Aprilis illud ex occasione quæsitum est cur in capitis vulne-
ribus capilli non renascantur ; comque nonnulli ex iis qui aderant , unguem
in secunda digitorum phalange primâ resectâ renasci dixissent , idque in du-
bium venisset , D. Hombert sublato crassiori crure in cancris , aliud pe-
nè æquale renasci testatus est , quod explicatu satis difficile videtur.

X. Die 7 Maii D. Mery observationes suas circa quosdam musculos ca-
præ Lybice , collatione factâ cum humani corporis musculis protulit. Qua-
tuor musculos capiti flectendo destinatos , eorum originem & usum , mus-
culos item ossis hyoidis , epiglottidis , pharyngis , vuulæ & linguæ & quibus in
rebus à musculis humanis discrepent accuratè exposuit.

Idem die 9 Julii dissertationem suam de motu musculorum è scripto legit,
cujus amplam fecimus mentionem ad annum 1696 , quod sententiam suam
in quibuldam congressibus aperuisset , & me hortante eam scripto con-
signasset.

XI. Idem die 21 Maii , quæ in dissectione duorum puerorum cadaveribus ,
paucis antè diebus sunt à se observata , è scripto legit. Prior ex his pueris ante
6 hebdomadas in capite ictus sine vulnere obierat : in cerebri substantiâ gru-
m sanguinis coagulati magnitudine ovi gallinacei inventus , citra ullam
sanguinis effusionem , vel sub cranio , vel inter membranas , vel in ventri-
culis. Paucis ante mortem diebus visu & auditu multatus fuerat. Alteri ex
iis pueris incisio in collo vesicæ facta fuerat ; magna apparuit pelvis & vaso-
rum dilatatio ex urinæ retentione , nullus enim inventus est calculus. Chi-
rurgus Nosocomii ad eum duos canis renes attulit , quorum unus plane exes-
us erat à verme ulnam longo , & tres lineas lato intra renis membra-
nam condito , quem coram exhibuit , de cujus structurâ paulo post dico-
mus.

XII. D. de Tournefort epistolam legit quam ad amicum miserat circa
expositionem Aphorismi in quo hæc habet Hippocrates , *Concolia non
verò cruda medicari oportet , ac movere , nisi materia turgeat ; ut plurimum
verò non surgit.* In hoc Aphorismo duo distinguit D. de Tournefort , ptius
est generale quoddam præceptum quod citra exceptionem ab Hippocratis
discipulis admitti debet , crudos nempe humores , & nondum coctos eva-
cuari non oportere , sed coctionem ipsam expectandam , nisi materia quæ
morbi causa est , in motu sit , & orgasmo , hoc est , nisi præcipuis corporis
partibus immineat , easque simul invadat.

Pars altera Aphorismi , *Raro autem turgēt* , est peculiaris quædam Hip-
pocratis observatio , & quæstio est facti , utrum sæpe , an raro turgeat , id-
que penes diversas regiones variari solet. Unde illud medico incumbit dili-
genter expendere qui morbi in loco , ubi degit , grassari soleant. Existimat
D. de Tournefort in Græciâ morbos acutos minus frequentes existere. Rheu-
matismi , distillationes , hæcticæ & intermittentes febres ibi sæpe occurrunt ;
peri pneumonia ibi non adeo est periculosa ; morbi cutanei , ut impetigines
in eâ regione sunt frequentiores.

Inter acutos morbos pestis fere unâ ibi grassatur , sed rarius quàm in
Egypto.

Ægypto, aut in *Asiâ minore*. Quos hæc lues invasit, hi nihilominus solent *Ana-*
in vicis suas res agere; quod si in ipso morbi initio succurrerent, & buboni *tom.*
scarotica adhiberentur una cum emeticis, & cardiacis, ægri majori ex parte
sanarentur.

Verum ut ad Aphorismi intellectum redeamus, præceptum cum obser-
vatione ad unctâ confundi non debet, neque hinc concludendum rarò pur-
gandum esse in morborum initiis, sed potius id sæpè aut rarò faciendum, ut
orgasmus frequens est, aut rarus in eâ regione, in quâ versamur. In Galliâ
autem morbi sæpè cum orgasmo sunt conjuncti: unde si Hippocrates
in Galliâ scripisset, illud forsan addidisset, materia autem ut plurimum tur-
get, orgasmi signa aliquando fallunt, unde magnâ cautione utendum est,
ubi hæc indicia sunt ambigua.

XIII. Die 25 Junii D. Mery vermis in rene canis inventi formam tra-
didit: longus erat duos pedes cum semisse, & linearum erat corporis diame-
ter, triplici foramine erat perforatum: primum in extremâ capitis parte po-
situm erat omnium maximum, secundum in extremitate caudæ, à quo ter-
tium duobus digitis aut circiter distabat.

Pellis erat à duobus fibrarum planis contexta, quorum exterius alteri erat
superpositum, è fibris in orbem dispositis; interius vero è fibris rectis & pa-
rallelis constabat. Ex eâ pellis structurâ quæ ad motum vermicularem perti-
nent, facilius intelliguntur: contractis enim fibris rectis cauda versus caput
adducitur, corpus intumescit, mox contractis fibris circularibus corpus
productum, & antrorsum promotum tantundem spatii percurrit fibris rec-
tis arctatis, quantum fibris circularibus contractis. Color erat sanguineus,
qui demerso in aquam evanuit, ita ut color ille rubeus, quo pellis tincta
apparuit, ex ipsius renis carne suam ducat originem. Unde interior super-
ficies tota erat glandulis conspersa, quæ urâ conjunctæ colorem pellis omnino
candidum præbebant.

Hæ glandulæ rotundæ erant: cujusque diameter unius lineæ semisse, atque
aliæ alias contingebant; sic tamen ut transversæ fibrillæ quasi totidem fibulæ,
vel annuli plures glandulæ in se conclusas haberent. Ex his forte glandulis
exsudans humor pellem adeo lævem & lubricam efficit, nec tamen excre-
toria foraminula detegere potuit D. Mery, etiam adhibito microscopio.
Aperto corpore pellis intus cavum quoddam efficere visa est secundum cor-
poris longitudinem productum. In eo erant duo canales è capitis foramine,
seu ex ore ipsius vermis oriundi: horum alter in extremum caudæ foramen,
alter in aliud foramen, seu in anum definebat, nulli parti hic adhærebat,
nisi pelli penes duo sui extrema, ubi lineas rectas exhibebat: in medio sui in
varios gyros erat contortus, qui tamen nulla membrana erant inter se con-
nexi, adeò ut hic quidem canalis intestini loco esset, sed mesenterii nullum
extabat vestigium. Quod pars hujus intestinalis canalis mediâ crassior esset,
id forte causæ fuit, cur excrementis scateret, non item extremæ illius
partes.

Alterum ductum ab ore ad extremum usque caudæ protensum pulmonum
vices obire existimat D. Mery: cinetei coloris erat, tres fere lineas latus,
variis rugis, aut flexibus crispatus; pelli ex utraq; parte per fibrillas adhæ-

AN. rebat, quarum singulæ è pelle ortæ nodum efficiebant, ex quo quatuor aut
1698. quinque aliæ prodibant fibrillæ, quæ in latera hujus ductus desinebant. Magnum illum pellis saccum in duas partes æquales sic dividebant, ut ambæ in tres alias per prædictas fibrillas & duas membranas, quæ pulmonum pellem illigabant, iterum essent divisæ. Membranæ unâ fere lineâ latæ secundum omnem pellis longitudinem erant productæ, atque inter eas & pulmonem efficiebant ductum ita oclusum ut aëri insufflato nullus pateret exitus in reliquum pellis cavum, atque ex membranulis, quæ pulmonibus adhærebant, rugas omnes pulmonum efficiebant : iis resectis rugæ evanescebant.

Pulmo prope caudam in corpus album, rotundum, & complicatum duobus digitis longum, & unâ lineâ latum desinebat ; ex innumeris constabat granis glandulosi, ex quibus unâ conjunctis formabatur tubulus, qui ex unâ parte cum pulmone communicabat, ex alterâ in caudæ foramen patebat : hujus corporis usum, & illius cognationem cum aliis partibus definire satis difficile videtur.

XIV. Die 16 Novembris D. de Tournefort epistolam legit scriptam à Domino Cochon Dupuis Doctore Medico, quique Rupellæ Medicinam exercet; is quoque opusculum ad eum misit quo observationes circa eventum prorsus singularem continentur.

Puella cum domus recens extractæ inferiori contignationem habitasset, pituitæ eruptionem contraxit, quæ inito matrimonio desit ; sed abdomen plus satis intumuit quasi gravida esset. Quin & indicia aderant graviditatis uno excepto. Exactis 9 mensibus dolores parturientis experta est, qui desierunt, post 18 menses hi rediere, sed irriti. Tumor interim venris augebatur, nec hydropes tamen eam laborare Medici censuerunt. Mortua tandem est, cadaver dissectum, in utroque abdominis latere tumor ingens apparuit. Ambo 35 librarum pondus æquabar, simplici membranâ variis coloribus tinctâ erant involuti, intus cellulis satis firmis distincti, quæ vesiculis referre erant aqua pellucidâ majori ex parte plenis ; in nonnullis aqua erat aut subflava, aut subrubra, aut etiam nigra, omnes tenuissimâ membranâ cinctæ, in quibus propagines vasorum huc illud sparsæ, apparebant. Quædam ex iis ovum gallinaceum mole suâ æquabant, aliæ multo minores, ut pisca minuitiora.

Quod verò est observatu dignum, ovaria ipsa decrant, quæque cum iis connexa sunt, tubæ ligamenta latiora, vasa spermatica multo erant solito crassiora.

Ex iis conjecit D. Dupuis hos tumores ovaria ipsa fuisse, quæ uberiore pituitæ lapsu adeo excreverant, ex quo mulier in loco humidiori habitaverat, post illius connubium pituita quam ore ejiciebat, cursu in partes generationi destinatas præ infirmitate, aut alia ex causâ mutato. Existimat autem hunc eventum systemati ovarum non mediocriter favere, vel ex eo maxime quod vesiculæ ab ovario divelli poruerint.

XV. Hoc est summarium libri, quem D. Dodart excutiendum suscepit, ut quid ea de re sentiret, ad Academiam referret. Quod præstitit die 3 Decembris, iisque factum omnino esse singulare, dilucide à D. du Puy expositum, atque

ex eo consecraria recte deducta iudicavit. Illud subiecit mulierem ejusmodi *And.*
vesiculas pene innumerabiles pisorum magnitudine ex utero effudisse, quas *tom.*
ipse vidit, exili membranâ erant involutæ, & liquore pellucido repletæ. Cum
autem in hoc systemate duo sint intellectu difficilia, non videri vesiculas ab
ovario divelli posse, atque ut divellantur membranam quâ ovarium involvitur,
omnino ob stare quominus foras prodire queant: priori difficultati ex
observatione D. du Puy occurritur, alteri quoque occurri potest ex obser-
vatione à D. de la Hire factâ in piscibus ex genere Galei: nam in iis ovaria
foraminibus quæ sub sensus veniunt, sunt pertusa: ac fieri potest ut in aliis
animantibus adeo sint exilia, ut sub oculis non cadant, aut ipsa formentur
cum res ipsa exigit.

XVI. Die ultimo Decembris 1698 D. de la Hire structuram & usum ejus-
dam membranæ quæ in avium oculis occurrat, quamque D. Perrault in
mechanicâ animalium vocat nigrum marsupium, aut loculum, exposuit.
Hæc membrana in vitreo humore est collocata, basis ejus in fundo oculi
sita, ubi nervus opticus subit oculum, extremum alterum instar funiculi
tenuis crystallini humoris lateri adhærescit. Hæc atro colore inficitur, ex
foliis constat figuræ triangularis, cujusque trianguli latus minimum mem-
branæ cuidam cohæret, quæ totam occupat nervi optici oculum ingredien-
tis basim, & loca ipsa in quæ desinunt hæc foliorum latera sunt quasi toti-
dem radii à centro membranæ prodeuntes, quorum extrema in funiculum
contrahuntur; hic velut quoddam tendinis genus videtur, qui è medio ba-
sis prodit ad crystallinum usque productus huic adhæret; aliud cujusque fo-
lii latus idque longius, & nonnihil curvum in vitreo humore fluctuat. Hi
folliculi exilioribus vasis sunt conspersi, iique ut fibræ carnez & musculares
apparent. Idque clarius tum conspicitur, cum pars illa aquæ fuit immersa,
hæc enim atrum colorem quo illita erat, abstergit. Quæ quidem in figurâ
quarta secundæ tabulæ pri incisë intueri licet.

Quod autem ad hujus folliis, aut loculi usum attinet, hunc D. de la Hire
avibus omnino necessarium arbitratur, ut eos quibus aluntur cibos, secer-
nant, secus eos non perciperent. Sic enim oculi in avibus sunt dispositi, ut
eorum orbitæ ita sint cranio incisë, ut longitudine capitis obversâ, quæ an-
teriorum posita sunt & circa rostri apicem, obliquis tantum radiis aspiciant,
& confusa sit pictura rerum objectarum, ut videre est in lente vitrea accensæ
candelæ ex obliquo objectâ, hæc enim non distinctam, sed confusam can-
delæ imaginem in chartâ oppositâ depingit. At crystallinus humor ad eam
orbitæ partem adductus, quæ majori oculi angulo respondet, radios magis
directos, & propius ad perpendicularum accedentes excipit: tum enim ten-
dine ipsius marsupii aut folliis, à quo adducitur versus oculi fundum, cum
opposito crystallini latere erigitur. Nam processus ciliaris huic motui facile
obsequitur. Quo quidem modo radii qui humorem aqueum penetrarunt, di-
recte in crystallinum incurrunt & distinctam in retinâ, aut in choroide pic-
turam depingunt.

Loculus autem ille, aut atra erumena non aliud quiddam videtur esse
præter muscolum ex variis conflatum folliculis, quorum unus est tendo-
communis, qui crystallino adhærescit, ut eum versus oculi fundum addu-

AN. cat. Hic musculus ab auctore naturę huic parti fuit illigatus, ubi nulla est
 1698. visio, cum ibi desit tunica choroides. Aves quidem sæpe ad latera convertunt
 oculum, quo res objectas distincte contueantur, tum enim crystallinus situm
 suum naturalem obtinet: at uno tantum oculo tum intuentur, ac debiliore
 est visio, quàm ubi ambo oculi ad eam conspirant, sed res positas ante rostrum,
 ut alimenta videre non possunt.



SECTIO SECUNDA.

De Mathefi.

I Nitium ab Astronomiâ ut superiori anno capiemus, deinde ad Geometriam, & alias disciplinas progrediemur.

CAPUT PRIMUM.

De rebus Astronomicis.

L.D. Cassinus die 18 Januarii epistolam legit à P. Fontenay scriptam de Mercurio in sole viso anno 1690, in quâ primum de observationibus Cantonii factis ab eodem P. Fontenay & aliis PP. Societatis fit mentio, quarum summarium primo ad P. Goye missum designabat quidem ingressum Mercurii in discum solis, sed ex conjecturâ tantum: nam ex posteriori commentariolo per P. le Comte misso liquet eum non observatum fuisse. Quamobrem nullam illius ingressus rationem se habuisse in Aëtis Academiæ anno 1693. editis, ad Geographiæ usum testatur D. Cassinus: sed tantummodo intendit animum ad ipsius Mercurii exitum è disco solis, ex quo longitudinum differentiam inter Cantonium & Lutetiam eruit, 7 hor. 23, quæ nullâ emendatione eget. Tum variis observationibus PP. Societatis circa Mercurium factis & inter se collatis circa diversas ejus phases, eclipsis medium Cantonii hor. 1, 26 post meridiem accidisse comperit semihorâ citius quàm ex priori calculo conclusum fuerat, ejusque integram durationem fuisse hor. 3, 42, cum semisse. Nodum quoque Mercurii ex illa observatione invenit non in gr. 13, 8, sed in gr. 14, 32 Tauri. Quamobrem nihil est causæ cur eum nodum retrogressum fuisse ponamus, quod anno 1677 ex observationibus D. Gallet in 14 gradu, 9 inventus fuerit: sed potius non-nihil juxta signorum seriem videtur promotus, tametsi in tam parvo temporis intervallo difficillimum est motum illius annum certò definire, cum nodus ipse ad certa minuta determinari vix possit. Ex eadem observatione orbitæ Mercurii cum ellipticâ inclinationem into calculo reperit 6, gr. 40 paulo minorem eâ quæ ex Tabulis Rodolphinis colligitur.

His præmissis observationes suas die 3 Novembris anni superioris factas *Astro-*
commemorat, de quibus suo loco diximus, easque cum observationibus Can- *nom.*
tonii factis contendit, tempus omne quo Mercurius exiit è limbo solis fuit 1,
46, ex observationibus Cantonii; 1, 40, Parisiis.

II. D. Cassini filius qui tunc erat in Bataviâ, Mercurium prope solis marginem inter nebula conspexit, ex illius observatione longitudinum differentia Roterodamum inter, & Lutetiam est 10, 46 hor. unius; eadem pene differentia meridianorum eruitur ex eclipsi lunæ quæ 19 Septembris contigit, hujus finis Lutetiz hor. 9, 11, Roterodami post meridiem, hor. 9, 21, 34 fuit observatus.

III. Eodem die nimirum 18 Januarii D. de la Hire quæ sint adhibendæ cautiones in observationibus quæ in apertis campis fiunt, circuli quadrantis ope tubo optico instructi, è scripto legit: ubi inter alia id advertit, serica fila tubo inclusa, atque in foco vitri objectivi posita solis calore intendi, si antea bene tensa non fuerint: at si tensa prius fuerint, ceram mollem, cui adherent, ira subire, ut crispata, & quasi undulantia nulli amplius usui esse possint, nisi in priorem statum restituantur, quod factu difficile est in aperto campo: sed huic incommodo præverti potest, si tubus opticus charta candidâ sæpius complicata, & laxiori involvarur. Hoc enim modo tubus non adeò incalescet. Alia quoque profert incommoda, quæque his adhiberi possunt remedia. Idem quâ ratione, in instrumenro, cujus limbus in gradus totummodò est divisus, minuta designari & observari possint, paucis exponit.

IV. Die 5 Julii D. Cassinus observationes Mercurii in sole visi Norimbergæ factas à D. Vurzelbaur cum observationibus Lutetiæ factis contulit. Cælum Norimbergæ ab ortu solis usque ad exitum Mercurii è solis margine satis serenum fuit, non potuit tamen videri nisi post horæ ferè quadrantem ab ortu solis.

Imago solis excepta est per telescopium in chartâ oppositâ, cujus imaginis diameter erat unius pedis $\frac{1}{2}$. Hæc divisa erat in quatuor partes per diametrum horizontalem & verticalem, ac Mercurii posicio earum linearum ratione habitâ fuit definita: observatione factâ addita est ejus ab ecclipticâ declinatio in primâ Mercurii phasi, & in illius è sole exitu, cujus limbus occidentalis limbum itidem solis occidentalem attingit horâ 8, 43, 19; Lutetiz vero hor. 8, 8, 38: hinc Meridianorum differentia eruitur 34 min 41. Exitus Mercurii totalis è sole hor. 8, 45, 21, Lutetiz hor. 8, 10, 24, Meridianorum differentia, 34 min. 57.

VI. In Actis Academiæ anni 1693, 15 Maii plures lunæ deficientis phases Norimbergæ & Lutetiæ observatæ, & inter se collatæ Meridianorum differentiam dederunt modò 32 min. modò 33, 30, inter extremas media selecta est 32, 30. D. Cizemchmid Argentorati Mathematicus in epistolâ ad D. Cassinum misâ scribit D. VVurzelbaur in libro edito Meridianorum differentiam Lutetiam inter & Norimbergam 31 min. 20 ex eadem eclipsi deducere. Paulo majorem eam statuit D. Cizemchmid ex collatis variis lunæ defectionibus, eamque 35 min. definit, quæ propius videtur accedere ad differentiam ex observatione Mercurii deductam.

ANN. 1698. Ex aliis circumstantiis hujus observationis, atque ex delineata solis imaginē quæ ad diametrum 7 pollicum redacta est, longitudines & latitudines Mercurii solis habitâ ratione D. Cassinus invenit. Longitudinem illius in exitu Norimbergæ min. 13, 30, Lutetiæ, 13, 26, latitudinem Norimbergæ 8, min. 48, Lutetiæ 8, 38, longitudinis differentia est 4, sec. latitudinis 10. Reliquas circumstantias persequitur D. Cassinus, qui illud quoque admonet, orbitæ Mercurii inclinationem ex suis observationibus erutam parum differre ab eâ quæ ex Tabulis Rodolphinis colligitur per calculum.

Mercurius Norimbergæ intra 2 min. 2, Lutetiæ intra 1, 45, exiit è sole, adeo ut Norimbergæ major visus fuerit quam Lutetiæ, Diametrum Mercurii cum solis diametro contulit D. VVurzelbaur, eamque invenit 11 sec. Lutetiæ visa est 8 sec. Mercurius à D. VVurzelbaur, ex dimidio minor visus est, quam ante septennium neque omni ex parte rotundus, neque unius & ejusdem coloris: sed ex lumine & umbriâ permixtus apparuit. Quod proculdubio ex refractione radorum per vitra telescopii accidit; potuit enim tubus opticus aliquandò à perpendicularo deflectere. Lutetiæ semper visus est per tubum opticum, & vitra colorata omni ex parte rotundus. Non enim rei obiectæ imago per tubum opticum trajecta tam distincta in chartâ oppositâ conspicitur, quam directè visa per eundem tubum.

VII. Die 12 Julii D. Cassinus scriptum legit quo postremæ illius tabulæ Satellitum Jovis, & medius primi Satellitis motus expenduntur. In illis tabulis consiciendis medium satellitum motum deduxit ex collatis observationibus eclipseon, quæ quàm maximo fieri potuit temporum intervallo, & in iisdem prope circumstantiis contigerunt. Hoc temporis spatium inter eclipses interjectum per primi satellitis revolutionum numerum divisum est, cum ejus periodus jam esset definita, adeo ut intra 3000 annos, vix unius revolutionis errorem subesse persuasum haberet; cumque eâ ratione unius periodi mensura multo esset accuratior, quàm per prima tentamina. Hac quidem methodo primi satellitis periodus quo eclipses illius ad idem punctum temporis revocat, unius diei, 18 hor. 28, 36 inventa est, præter aliqua minuta tertia, quæ neglecta sunt, quod parvi momenti viderentur, & difficiliorem præbuisent calculum.

Post editas tabulas collatis recentioribus observationibus cum superioribus D. Cassinus id compertum habuit minutum secundum subduci posse 25 revolutionibus primi satellitis, ut in tabulis assignatur, adeo ut 8 intra annum sint subtrahendæ, quarum ratio facile haberi potest, ut tabulæ cum observationibus magis consentiant.

Quod spectat ad primi satellitis anomaliam, medium hujus satellitis motum synodicum non à veri motus jovis linea desumit, quemadmodum à Mario & è Hodierno qui tabulas satellitum jovis inchoarunt, factum fuit, sed à lineâ medii motus jovis. Id enim rationi consonum videtur, ut idem sit terminus æqualitatis satellitum, qui præcipui sideris circa quod suas absolvent periodos; atque hanc hypothesim observationes ipsæ confirmant. Inter utramque hanc hypothesim major est differentia, quàm ut ea nos latere possit. Nam in primo satelite usque ad quinque gradus, cum semisse pervenit, quos intra 39 min. unius horæ percurrit.

Postquam per observationes inter se maximo temporum intervallo diffi-
 tas, easque Aphelio, & perihelio jovis viciniore, ac quantum fieri potuit, *Astro-*
 oppositionibus jovis cum sole propiores, medius satellitis motus fuit consti- *nom.*
 tutus, atque epocha prope eos limites inventa est, D. Cassinus hoc tandem
 comperit, prope medias jovis distantias, cum ab Aphelio ad perihelium
 descendit, & mox sui copiam facturus est, æquationem esse subtrahendam
 40 min. aut 41; à perihelio autem versus Aphelium progredienti in iisdem
 circumstantiis æquationem addendam penè eandem. In utroque situ paulo
 major erat eà quæ ex vulgari & recepta motus jovis hypothese deducitur,
 quàm in ultimâ tabularum editione non ausus est deserere, quod 30 & am-
 plius observationes eclipsion primi satellitis ex iis tabulis in eodem minuto
 consentirent. Re tamen ipsâ diu & rite expensâ id comperit D. Cassinus,
 hac æquatione tricesimâ sui parte auctâ, observationes eclipsion quæ prope
 oppositiones cum sole contingunt, majori ex parte accuratiores fore, adeo
 ut inter observationes & tabulas discrimen vix ultra minutum unius horæ
 excurrat.

VIII. Die 10 Januarii anni 1699 D. Cassini scriptum legit de 4, plane-
 tarum conjunctione, quæ die primo Januarii anni 1699 contigit. Prima fuit
 solis & lunæ conjunctio, quæ horâ decimâ matutinâ, & 15 accidit prope
 lunæ Apogæum, & solis perigæum, ac prope maximam lunæ latitudinem.
 Hanc conjunctionem epacta Gregoriana hujus anni 1699, nempe XXIX,
 optime designat, idque Clavii expositioni apte convenit. Is enim advertit
 lunę diem 19 postremo anni die 1698 evenire. Quocirca die primo Janua-
 rii anni proxime consequentis 1699, juxta Calendarium & Martyrologium
 dies est lunę tricesimus, aut conjunctio cum sole.

Epactæ in Calendario sic tribuuntur in singulos menses, ut Epacta quæ
 primo diei lunæ assignatur, primus ille lunæ juxta Gregorianum Calendarium
 sit postridie conjunctionis: in illo enim solet esse prima lunæ phasis; idque
 more veteribus usitato qui lunarem mensem ex eo die numerabant, quo lunę
 primus sub aspectum veniebat.

Itaque Epacta 29 hujus anni die 2 Januarii in Calendario designatur; adeo
 ut primus lunæ dies sit 2 Januarii. Hinc primo die Februarii & Aprilis hoc
 anno collocantur. Sic dies singuli Aprilis cum mense primo ecclesiastico
 concurrunt, ac frustra quæritur an luna mensi Martio vel Aprili sit attribuenda:
 nam lunę ad eos menses referuntur, in quos incurrit.

Cum igitur epactæ Calendarii Gregoriani cum luna post exactos 116 an-
 nos qui à reformatione Calendarii anno 1683 facta effluerunt, adeo ex æte
 consentiant, consensus ille idem futurus est, postquam dies integer subductus
 fuerit anno proximo futuro: adeo ut annus 1700 qui bissextilis fuisse, uno
 die detracto fiat communis; atque epactæ Gregorianæ tam accuratæ futuræ
 sunt, ac si nihil vel anno, vel lunæ motui subductum fuisset. Hęc substractio
 fit epactis, cum anno dies unus subducitur.

Cum autem inter ultimum Decembris & ultimum diem Februarii 59 dies
 sint interjecti in anno communi, qui duos menses lunares efficiunt, unum ple-
 num 30, alterum, ut vocant, cavum 19 dierum, epacta annua, quæ diem lunæ
 postremo anni die dedit, eandem quoque postremo Februarii anni hujus

ANN. 1658. Epacta anni insequentis, quæ erit 9, indicabit lunam fore 9 dierum: ultimo die Februarii. D. Cassinus jam antea ostenderat epactas Gregorianas: non minus certis niti principiis quàm tabulas Astronomicas vel exactissimas: post correctionem Calendarii compositas. Quapropter futuris sæculis non minus aptæ futuræ sunt, quàm sint nunc temporis.

IX. Eodem die conjunctio Martis, Veneris & Saturni contigit. Martem Saturno adeo vicinus erat, ut D. Cassinus spatium interjectum inter hos planetas vix distinguere potuerit. Die 24 Januarii idem legit observationes hujus conjunctionis Massiliæ factas à P. Feüillet Ordinis Minimorum. Proximus fuit Saturno hor. 8, 40 Parisiis minima inter utrumque planetam distantia fuit 3 m. & 10: P. Feüillet Massiliæ hor. 8, 51, 38 eam conjunctionem minimam invenit, Meridianorum differentia est 12, aut 13 minutorum. Paulomajor visa est hæc planetarum distantia Parisiis quàm Massiliæ.

Quod si hujusmodi conjunctiones observarentur, hinc differentia meridianorum satis accurata erui posset, dummodo idem non accideret quod anno 1672, cum Mars visus est conjunctus cum stella fixa Aquarii littera γ, designata: hæc enim tubo oprico distingui non potuit, nisi postquam Mars ab eo recessit; tumque instat nuncti paulatim incrementis videri cœpit, quod D. Cassinus Atmosphæræ Martis late diffusæ attribuit, idque confirmare poterit, si forte sese dederit occasio.

X. Die 14 Januarii D. Cassinus vidit Mercurium in maximâ suâ digressionē à sole, tum bifariam factam apparuisse observavit: hujus observationis circumstantias die 17 Januarii sigillatim exposuit: eodem die D. de la Hire observationes suas circa conjunctionem Martis & Saturni à scripto legit, item Veneris & Martis.

C A P U T I I.

De aliis observationibus Astronomicis.

I. **D**ie 10 Maii filius D. Cassini quasdam observationes à se in Bataviæ factas circa poli altitudinem legit à scripto. Ac primum Bataviæ chartas Athlanti Janfonii insertas, & editas anno 1647 commemorat, ubi Meridiani & paralleli in gradus & minuta dividuntur, easque omnium quæ antea prodierant censet esse accuratissimas, tabulis P. Riccioli, aliis omnibus eas anteposit. Regio est habitâ ratione multitudinis incolarum, soli angustioris, quàm tamen dimeriri exacte necesse est, propter multitudinem alveorum quos excavarunt, & ingentis molis opera quæ exundationem maris inhibent, nec non ob dividendas terras quæ ex alluvione accesserunt. In præcipuis quoque urbibus peritissimi Astronomi exire qui poli altitudines diligenter observarunt, atque inter alios Snellius id egregie præstitit, eo sibi proposito fine, ut terræ mensuram haberet accuratam. Illius observationes, dimensionibus à se factis multum profuerunt, non solum ut unius gradus circumferentiæ terræ latitudinem definiret, sed etiam ut Bataviæ tabulæ exacte

exacte sculperentur. Quæ tamen post ejus ætatem prodire tabulæ in minutis *Astro-*
cum Snellii observationibus non omnes conveniunt. *nom.*

II. Prodierunt nuper Amsterodami novæ Nicolai Vistcheri tabulæ in gradus & minuta divisa, cum in longitudine, tum in latitudine, quæ valde accuratæ habentur: eæ tamen Lugduni Batavorum & Alcmari latitudines, sex aut septem minutis majores præbent, quàm à Snellio fuerint observatæ, & inter utramque hanc urbem latitudinum differentia minor est sesqui minuto, quod in dimidiâ parte unius gradus minime spernendum videtur, cum terræ mensura omnis huic fundamento innitatur. Quo quidem modo ad eam quæ ab Academiâ inventa est propius accedunt. Tabulæ Jansonii & Hondii Lugduni Batavorum latitudinem paulo minorem quàm Vistcherus, aliquanto majorem quàm Snellius exhibent, & Alcmari minorem, quàm Snellius, & Vistcherus.


III. Itaque operæ pretium facturus existimavit D. Cassinus, si utriusque hujus urbis latitudinem exploraret, ut liqueret quæ esset ratio unius gradus circumferentiæ terræ in Bataviâ inventi, ad unum gradum in Galliâ dimensum. Quamobrem eo consilio Lugdunum Batavorum, & Alcmaram profectus est, ut poli altitudinem in utrâque urbe exploraret. Ex stellæ polaris altitudine, habitâ refractionum ratione invenit altitudinem poli Lugduni Batavorum 52, gr. 9, 45, Alcmari 52, gr. 38, 10; differentia itaque latitudinum minor inventa est 1 min. 20, eâ quæ à Snellio fuit observata.

IV. Die 1 Februarii D. de la Hire generalem methodum proposuit construendi horologia solaria in quacunque superficie, dato quovis umbræ puncto, poli altitudine, & solis declinatione: verùm hanc methodum publici juris fecit in opusculo de Gnomonicâ hoc ipso anno edito.

Die 10 Novembris D. Cassinus scriptum D. de Fontenelles tradidit in Acta referendum, quod ante aliquot menses legerat de intervallis temporum quæ inter eclipses primi satellitis jovis interjacent, eaque cum revolutione jovis ad suum Aphelium comparavit. Eâ collatione opus habuit, ut usum tabularum quas petierat, iis redderet faciliorem, quibus minis notæ sunt Astronomicæ hypothesæ, per quas planetarum motus inæquales inveniuntur: adeo ut calculorum molestia eos levaret, & fastidii plenas supputationes temporibus inveniendis eximeret. Id quidem oneris in se transferre voluit: quod utique perfecit, cuique revolutioni satellitum suam tribuendo inæqualitatem.

Hoc vero principii loco ponit, quod intellectu facile est, temporum intervalla inter eclipses cujusque satellitis breviora esse, cum Jupiter ad suum Aphelium pervenit, ubi motus jovis tardior est, quam ubi in perihelio versatur ac motus illius est velocior; variare illam inæqualitatem intervallorum penes diversos ab Aphelio, aux perihelio distantias. Siquidem umbra quam Jupiter projicit in orbitam satellitis, in illâ movetur orbita eâ velocitate, quæ jovis in suo excentrico, & ex sole visi velocitati certa proportione respondet. Quod in lineari figurâ dilucide demonstrat, ductâ per centrum solis S, & centrum excentrici jovis C, rectâ P S C A, quæ axis futura est Jupiter Aphelium in A, perihelium in P, in Aphelio orbis satellitis B D, describitur. Jam in alio situ Jupiter in I constitutus concepiatur, ejusdem

A. N. N. Satellitis orbis $BE D$, ducta recta à centro solis per centrum jovis $SI E$;
 1698. umbram jovis in orbe satellitis in puncto soli opposito designabit, cujus orbis axis IE futurus est. Quod si rectam BID , parallelam axi producto



$BASP$, duxeris, arcus BE motus umbræ à puncto B sumptus angulum BIE dimetietur æqualem angulo ASI , qui motus est apparens jovis à sole visi.

Quod si per simplicem ellipsim motum jovis juxta aliam hypothefim exprimere volumus, in recta PA , quæ est axis inter centrum C , & Aphelium A , punctum G medio loco positum accipias, hoc erit centrum medii motus, circa quod angulus AGI quem axis GA cum recta GIF ducta ab eo puncto per centrum jovis I , efficit, quique æquis temporibus æqualiter augetur; itaque hæc linea GIF est linea medii motus jovis, quæ designat in puncto F , eclipses medias satellitis, quæ evenirent, si sol esset in puncto G positus. Inter mediam & veram eclipsim erit arcus FE , qui metitur angulum EIF , æqualem angulo GIS , quæ est jovis æquatio.

Id autem ponimus eo ipso tempore quo Jupiter progreditur ab A in I ; satellitem unam aut plures efficere revolutiones per puncta $E F D B$, progredientem. Ex quo id liquet ad veram jovis umbram à puncto E prius venturum, quàm ad apparentem locum in F , atque eodem erit proportio inter tempus veræ & apparentis eclipses, quæ est inter arcum EF ad integrum circulum, dummodo nulla alia intercedat causa,

Quamobrem prope Aphelium veræ eclipses sunt frequentiores quam mediz ob eandem causam, quæ motum jovis retardat in orbe suo, & umbræ ejus in orbe satellitis : contra prope perihelium mediæ eclipses veras prævertunt, atque ibi veræ sunt rariores. Intervalla temporum inter veras eclipses ea ratione augentur, quâ Jupiter recedit ab Aphelio, ut minuuntur, quò propius accedit ad perihelium ; prope medias distantias æquantur mediis intervallis, ubi æquationes jovis sunt maximæ.

His explicatis D. Cassini in tabularum constructione quot eclipses primi satellitis contingant intra unam jovis revolutionem inquirens, intra unam ad Aphelium periodos, eas numero 2448 comprehensas invenit. Nam Jupiter unam in Zodiaco revolutionem absolvit intra 12 annos Julianos, & præterea quatuor gradus 20, 24, conficit, quos gradus spatio 51 dierum 9 hor. 48 decurrit. Ad eundem igitur Zodiaci gradum recurrit spatio 12 annorum Julian. minus 52 dierum, 9 hor. 48. Ex hypothesi D. Cassini intra 12 annos Julianos motus Aphelii est 10 min. 30 sec. æqualis ferè motui fixarum : Jupiter hæc 10 minuta & 30 sec. spatio 2 dierum & 38 min. unius horæ conficit. Itaque Jupiter ad suum redit Aphelium intra 12 annos Julianos minus 50, 2 diebus 9 hor. 10.

Juxta tabulas D. Cassini postremæ editionis primus satelles conficit 2477 periodos intra 12 annos Julianos 24 hor. 41, 12 habitâ ratione solis & umbræ jovis ; 29 periodos absolvit intra 51 dies 7 hor. 49, 24. Quamobrem 2448 efficit revolutiones spatio 12 annorum, minus 50 diebus 9 hor. 8 : quo quidem tempore redit ad suum Aphelium, ac deest tantummodo 1 min. 48 unius horæ, quominus primus satelles absolvat 2448 revolutiones. In postremâ tabularum emendatione unum minutum secundum unius horæ detraxit 25 periodis primi satellitis ; quæ intra 2448 revolutiones satellitis efficiunt 1 h. m. 28, 11 sec. defunt itaque tantummodo 10 sec. quominus satelles absolvat 2448 revolutiones intra jovis ad suum Aphelium reditum.

Atque ea est hujus numeri ad calculum incundum commoditas, quòd partes quæ aliquotæ dicuntur, bene multas contineat. Numerus ille 2448 partium totum complectitur circulum, pars ejus dimidia 1224, semicirculum exhibet, ut 612 quadrantem circuli, seu tria signa, pars duodecima 204 signum integrum, pars vigesima quarta 102, 15 gradus, quorum pars tertia 34, gradus quinque præbet. Quod urique facilem munit viam ad æquationes revolutionum per numeros extrahendas, uti ex tabulis D. Cassini liquet, in quibus emendatio postrema medii motus satellitis, quam apertissime hic numerus calculo ipsi consentiat, omnino demonstrat.



CAPUT III.

De Cometâ in cælo visâ.

I. Die 6 Septembris D. de la Hire observationes Cometæ quem die 2 hujus mensis vidit in cassiopeæ constellatione, è scripto recitavit. Cum attentius hanc constellationem intueretur, prope stellam cathedræ quam Bayerus nota X designat, nebulosam stellamprehendit fere huic similem quæ in cingulo Andromedæ conspicitur. Cum autem stellam hoc in loco ejus formæ se vidisse unquam non meminisset, locum ejus parvi telescopii ope tum designavit, prope stellulam quæ in tabulis desideratur, quæque inter X, & B, interjacet; tumque hanc nebulosam cum capillatio ut plerosque omnes cometas conspexit. Circa mediam noctem eam stellam mutas se locum comperit, ac versus Zenith nonnihil sublaram, ita ut proprio motu contra signorum ordinem ab ortu in occasum profecta fuerit.

II. Quarto die mensis cum serenum esset cælum, nihil amplius superesse in eo loco, ubi die 2 stellam conspexerat, omnino persuasus, ac tandem tubo optico explorans circumjecta loca, hanc supra Cephei humerum orientalemprehendit circa horam decimam, eaque fere duplo major quam die 2 visa est telescopio 6 pedum; caput ejus subrubro colore, sed obscurius tinctum apparuit, cum circumfuso lumine, ut in aliis cometis evenit, & caudæ quædam species soli pene opposita videbatur, sed brevis admodum; paulo major erat stella quartæ magnitudinis quæ est in humero Cephei, quæque littera I, designatur & quarti ordinis, sed non ita micabat.

III. Die 6, tertiâ à mediâ nocte horâ cum semisse per nubila visus esset cometa prope duas stellulas quæ sunt in manu Cephei; de magnitudine ejus judicari non potuit præ nubibus quibus cælum erat obductum, sed caudæ ejus in conspectum venit, eaque perbrevis.

A primâ observatione die 2, ad secundam die 4 factam conclusum fuit à D. de la Hire motum ejus diurnum fuisse 7 graduum, sed ab observatione diei 4 horâ decimâ, usque ad sextum diem hor. à mediâ nocte $3\frac{1}{2}$ proprius ejus motus fuit 7 hor. 36, unde motum ejus in rectam lineam porrectus à primâ observatione ad tertiam usque fuit 23 gr. 10, ad polum mundi proprius 26 pene gradibus accessit.

IV. Die 12 Novembris D. Cassinus hujus cometæ motum & phænomena cum motu & phænomenis illius cometæ qui anno 1652 visus est, sic contulit ut idem prorsus astrum videatur. Jam ut supra innuimus, cometæ qui anno 1580 apparuit phænomena, cum iis quæ in cometâ anno 177 fuerant à Tycho observata sic contulerat, ut non dubitaverit jam ab initio, quod iter deinceps insisteret, scripto publice edito prænuntiare. Postquam oculis se subduxit, librum de cometis Ludovico magno dicatum vulgavit, in quo præter cætera demonstravit hunc cometam non longius à prioris cometæ tramite digressum fuisse, quam luna in sua revolutione à superiori deflectat;

Cometa anni 1680 eisdem celeritatis gradus est consecutus quos ex Ty-
chonis observationibus per consequentes dies prior cometa decurrere
visus fuit. Adeo ut hinc conjectari liceat eundem fuisse cometam qui post
unam aut plures periodos eandem semitam, eadem vestigia insistere visus est.
Illud quoque ab eo fuerat observatum plures alios non procul ab eâ semitâ
progressos, adeo ut nec amplius quam Zodiaci latitudine ab eo tramite de-
flecterent, & peculiarem Zodiacum cometæ frequentare videantur. Cum
tamen plures alii cometæ ad eundem tramitem revocari non possent, illud
excutiendum supererat an forte quidam in conspectum nostrum venirent,
qui eandem aut proximam cum aliis alibi observatis inirent viam, quem-
admodum cometa anni 1577 eundem tenuit cursum cum cometa anni
1680.

V. Hujusmodi fuit cometa qui mense Septembri hujus anni à D. de la
Hite primum fuit deprehensus. Is enim eandem prorsus tenuit viam quam
cometa qui mense Decembri anni 1652 apparuit, instituisset, si diutius sub
oculis venisset.

Et quidem D. Cassinus cum primas hujus cometæ observationes fecit, in
eâ erat opinione cometas esse novos cæli sætus. Cum tamen postea adver-
tisset motum illius inæqualem ad certam equalitatem revocari posse, uti in
planetis evenit, jam addubitare cœpit an non forte cometæ inter veros pla-
netas essent adscribendi, adeo ut tum se videndos præbent, cum terræ sunt
propiores, ii vero se oculis nostris subducant, cum à nobis longius remo-
ventur. Hujus cometæ diameter minui visa est eâ ratione quâ motus ejus
apparet tardior erat, sub ejus initium 9, aut 10 gradus decurrebat, ac postea
intra unius hebdomadæ spatium vix duos gradus confecit, tumque ejus ap-
parens diameter eadem pene ratione decescebat. Illud consequens videbatur
majorem illius à terra distantiam in causa esse cur ejus diameter apparens mi-
nueretur. Cum igitur nulla spes esset fore ut post paucos dies sub aspectum
nostrum veniret, tum D. Cassinus in epistolâ ad serenissimum Ducem Mu-
tinensem scripta & publici juris facta quod iter institueret cometa, si diutius
visibilis foret, exposuit.

VI. Hoc ipsum iter à D. Cassino designatum tenuit cometa mensis Sep-
tembris hujus anni, per clipeum Persei, per ejus faciem, per enssem, per
genu Cassiopeæ, per lumbos, per ejus cathedram eodem prorsus in loco,
ubi visa est nova stella anni 1572 omnium Astronomorum scriptis celebrata.
Hæc prædictio innirebatur observationibus quas fecerat unâ cum Marchione
Malvasia à die 21 Decembris ad diem usque 29 ejusdem mensis, quæque cum
aliis duabus à Cardinali Boncompagnone Archiepiscopo Bononiensi ante
factis, & ex aliis Florentiâ missis à Serenissimo Principe Leopoldo, hunc co-
meten in magno circulo qui eclipticam in 28 gr. Tauri secabat, & in
declinatione 76 gr. versus Aquarium collocatum fuisse persuadebant.
Hunc circulum continuavit D. Cassinus, constellationes quæ occurrerant
designans.

Quæ usque ad 5 Januarii factæ sunt observationes, paululum declinate ad
Orientem contra institutum cometæ iter persuadebant. Alii Astronomi come-
tam fere in eodem circulo constituerunt. Reliquum hujus cometæ iter et

AN. variis Astronomis describit D. Cassinus. Hoc in loco multi alii cometæ visi sunt præter eum qui hoc anno à D. de la Hire die 2 Decembris visus est instar stellæ tertiæ aut quartæ magnitudinis. Hunc sub vespertam diei 4 ostendit D. Cassino; qui ad 18 usque Decembris observatum per eandem constellationes transisse, quas descriperat anno 1652 deprehendit, nisi quod sub finem parum declinare visus sit, uti & cometa anni 1651: vestigium illius in globum transtulit, qui eclipticam secabat in 23 gradu scorpionis ad 2 aut 3 gradus distantia à prioris cometæ intersectione: adeo ut si idem fuerit cum superiori cometa, nonius ejus motu quodam feratur contra signorum seriem. Sic luna motu illo non magnum describit circulum per stellas fixas, sed spiralem quâ versus orientem deflectit. Hic quoque cometa ad 76 usque gradus ab ecliptica deflexit, cum phasis pene maxima esset circa die 6 & 7 Septembris: eadem cometæ anni 1652 fuit assignata latitudo.

Distantiam à terrâ cum est perigæus quæsit eâ methodo qua usus est in cometa anni 7652, quamque fusiis exposuit occasione cometæ anni 1664. Hac posita hypothefi cometam in permagni circuli, aut alterius figuræ circumferentiâ moveri, qui circulus terræ est valde excentricus, ejusque circumferentiæ pars, quam multorum dierum spatio percurrit, admodum est exigua cum reliquâ peripheriâ comparata, & sensuum judicio à rectâ lineâ non differt: per hanc lineam satis æqualiter deferitur. Juxta hanc hypothefim texuntur ephemerides cometæ, quæ si cum observationibus consentiunt, hinc concludit hypothefim esse vero proximam. Atque eâ ratione hypothefim de cometâ anni 1664 sic emendavit ut eo ipso tempore quo motus illius erat 12 graduum contra seriem signorum, prædixit Regiæ Sueciæ futurum ut cometa esset stationarius, tum retrogradus juxta signorum ordinem, uti secundæ illius ephemerides designant.

VII. Itaque D. Cassinus hypothefim de motu cometæ per lineam rectam non posuit ut absolutam, quod illi tribuit Hevelius, sed quasi in rem præsentem, eam constituit, & velut jure fiduciario, *par provision*, quod ista hypothefis utilis esset inveniendæ perigæo, & medio cometæ motui assignando, ut eâ ratione ad veram hypothefim perveniret. Itaque ex observationibus factis 4, 7 & 9 Septembris id collegit eum ad perigæum suum pervenisse die 7 Septembris.

VIII. Hoc argumentum anno proxime insequenti continuavit D. Cassinus, ac die 31 Jan. de itinere peragrato ab hoc cometa fusiis disseruit. Vestigia ejus ex multis observationibus quæsit, variis insistentis methodis, & illâ imprimis quam anno 1665 vulgavit in Theoriâ cometæ qui tum sub aspectum venit. Hujus hypothefis summa est, lineam describi à cometâ quæ observationum temporibus vix à rectâ dissidet, interjecta spatiorum intervalla esse æqualia, tametsi inæqualia videntur. Itaque ex tribus observationibus, per tempora interjecta quæsit quæ esset ratio inter vera locorum quæ observata sunt intervalla, quam methodum in lineari schemate jam tum edito, & tunc postea repetito exhibuit.

Totum hoc systema breviter & dilucide in Historia Gallicè scripta anni 1699 continetur. Cometæ circulos valde nobis excentricos motu suo describunt, adeo ut hæc sidera sub aspectum nostrum non veniant nisi in parvâ

admodum suæ revolutionis portione; extra hunc exiguum sui circuli arcum nobis finitimum in spatia remotiora se recipiunt, ac se nostris subducunt oculis: partem illam circuli portionem nobis viciniorem D. Cassini inter Veneris & Martis orbitas constituit, quantum licuit ex parallaxi quorundam cometarum conjicere, quales fuere cometæ annorum 1652, & 1680: si longius à nobis distarent, nulla prorsus esset eorum parallaxis sensibilis, quæ in Marte & Venere vix percipitur.

IX. His positis D. Cassini cometas cum planetis sic contendit, ut verisimile sit in utrisque motus esse conformes. Primum enim ubi cometarum tramites ad stellas fixas referuntur, videntur arcum magni sphaeræ circuli, cujus planum telluris centrum pertranſit, satis diu percurrere; ab eo nonnihil deflectunt sub finem, & eo magis, quo phasis eorum minor est, ac fini suo sunt propiores: idem prope in planetis evenit. Horum orbita eclipticam in duobus secat punctis, qui nodi vocitantur. Quod si hi nodi sibi essent eæ diametro oppositi, planetæ cujusque orbita magnum describeret circulum: sed cum hi nodi non sint stabiles, & indefinenter moveantur, id usu venit ut planeta eo temporis spatio, quo planeta v. gr. luna, à primo Arietis ad primum Libræ gradum pervenit, nodi ejus mutaverint locum, neque eclipticam in primo libræ gradu planeta pertranſeat, sed citra, vel ultra hunc locum, neque adeo planetæ orbita sit magnus sphaeræ circulus. Atque hic flexus planetæ ob nodorum motum magis quàm revera sit inæqualis apparet, quòd terra non sit in medio orbitæ planetarum collocata, si lunam exceperis: hinc fit ut quod in se spectatum esset æquabile, oculis nostris inæquale appareat, atque ipsa augetur inæqualitas nostri & planetarum habitæ ratione. Nam terra in Copernici systemate, & planetarum motus variè complicati multas inducunt anomalias apparentes, idque potiori ratione in cometis.

2. Ut planetæ sic cometæ multo citius moveri videntur, cum terræ sunt propiores, & in æquâ à perigæo distantis equalis est eorum velocitas.

Quamobrem inæqualis eorum velocitas ad inæqualem à terrâ distantiam revocari potest: sed non satis liquet verum esse eum cometæ motum, quem ut æquabilem fingimus: nam minor est arcus circuli portio, in quo cernimus cometen, quàm ut inæqualitates, si quæ sint, à nobis percipiuntur, ac forte versus ut planetarum sic cometarum motus revera est inæqualis. Quamobrem ex observationibus factis quandiu cometa est visibilis, tempus in ægrè revolutionis colligi non potest.

3. Duos non invenies planetas, quorum orbitæ eclipticam sub eodem angulo interfecent, aut quorum nodi iidem in punctis eclipticæ sint positi, & velocitas apparens in perigæo sit eadem. Quod si igitur duo cometæ diversis temporibus visi in his tribus conveniant, non abhorret à vero unum & eundem esse cometam. Hujus generis ut diximus, fuerunt cometæ anni 1577, & 1680; item cometæ anni 1652, & 1698, ac plures alii: non quod necesse sit cometas in his tribus omnino convenire, quò unus & idem sit: sed ubi hæc concurrunt, vix possumus de his aliter judicare. Cometæ nodi inter unam & alteram revolutionem mutari possunt, & eclipticam in diversis angulis secare; variari etiam possunt cometæ excentricitas, aut à terrâ distantia.

A N N. 1698. Has omnes irregularitates in lunâ ipsâ observat D. Cassinus, quæ in cometâ si occurrerent, hoc ipso esse planetæ similior. Sed tamen in reditu suo difficilior esset illum ut eundem agnoscere, idque tantummodo post multas revolutiones palam fieret; atque multorum sæculorum experientia hujusmodi variationum periodi innotescerent: difficile admodum est de reditu alicujus cometæ certum judicium ferre. Quantumvis enim hi reditus essent æquabiles, vix percipi potest cometa. Illius magnitudo minui potest, aut recipi, & Physice, aut optice tantummodo, & habitâ nostri ratione.

Hoc exemplo quinti satellitis Saturni jam supra exposuimus, cum prior est terræ nostros fugit oculos, idque dimidiæ suæ revolutionis tempore. Quod si idem cometæ accideret in perigæo, sub conspectum nostrum non caderet. Quin & ad perigæum accedens si solem offundat, de die incederet & ejus luce obduceretur. Quid, si cauda sua mulceretur, vix ut cometa dignosci poterit, cum ex caudis ipsis cometæ percipiantur. Et quidem cauda illa quæ adeo tenuis est substantiæ, ut per illam stellæ videantur, oculorum aciem facile eludit, sive ob æris temperiem, sive ob realem & Physicam sui mutationem.

C A P U T I V.

De Geometricis.

I. Q Uæ ad puram Geometriam spectant, cursim attingemus problemata. Die 4 Januarii D. de la Hire problema Geometricum circa sectiones conicas proposuit & solvit. Die 8 Februarii D. Varignon novæ curvæ in folii modum formari structuram cum ejus quadraturâ demonstravit, simul & varias ejus affectiones exposuit.

II. Idem die 15, & 22 Martii generationem & affectiones omnis generis spiraliû demonstravit. Die 11 Decembris 1674 earum tangentes & quadraturas; die 12 Novembris exhibuerat evolutiones & longitudines omnium spiraliû, quarum radii vel ordinatæ concurrentes eam inter se habent rationem quam arcuum circularium quævis potentia, quibus exprimuntur evolutiones his respondententes: sed licet infinitus sit harum spiraliû numerus, nihil est tamen præter genus quoddam idque admodum limitatum linearum, quas postea excogitavit spiraliû, postquam diligentius attendit spirales eo modo formatas ab iis nullo pacto differre, quæ inveniri possent, si arcus illi revolutionum ut ordinatæ parabolarum omnis generis in infinitum sumerentur, quarum abscissæ æquales forent ordinatis spirarum quarum concurrentibus.

III. Id adeo D. Varignon in mentem subiit alias his curvas aut potius curvam generatim, quam generatricem vocat, omnes omnino complectentem in locum parabolarum substituere. Atque hinc infinita prope genera spiraliû prodire vidit, ab iis, de quibus mox dictum est, diversas. Sunt quidem

quidem infinitæ ut priores, & ejusdem ambitus, sed aliæ quoque sunt innumerabiles ex parte poli, aut centri, quarum quædam sunt illimitatæ, aliæ finitæ ab unâ extremitate, aliæ ex utraque parte finitæ. Quibusdam sunt puncta inflexionis, aliæ semel aut sæpius in seipsas redeunt instar plexuum, aut nodorum, aliæ reflectuntur: exempla in hanc adducit plurima.

IV. D. de la Hire die 28 Junii tractatum suum de omni genere cycloidis jam ante aliquot dies incœptum absolvit, ac generalem methodum exposuit, quâ earum tangentes, puncta inflexionum, superficies, & longitudines inveniantur.

Quid cycloidis nomine intelligatur, primum exponit: linea est à puncto superficiæ planæ, alteri superficiæ itidem planæ semper applicatæ descripta, dum linea recta, aut curva, quæcunque illa sit, quam generatricem vocant, quæque in eadem superficiæ cui prædictum inest punctum, describitur, super lineam rectam aut curvam volvitur, quæ basis cycloidis futura est. Ex quâ descriptione palam est basim cycloidis semper fore æqualem lineæ rectæ, vel curvæ, quæ cycloidem generat, seu toræ, & integra, seu ex parte ea sumatur: neque enim necesse est hanc basim terminari cycloidis concursu, sed ea terminatur duobus punctis ad libitum sumptis, aut curvæ aut rectæ generatricis, in quibus basim tetigit in principio & fine cycloidis delineatæ, aut alicujus ÷ cycloidis partibus. Nam pars illius separatim considerari potest, præterquam sunt cycloides infinitæ, quod à curva generatrice pendet, aut à basis ipsius naturâ.

V. His præmissis ad intellectum eorum quæ postea est demonstraturus, primum determinat tangentem cycloidis, rum quæ ad tangentem, quæque ad punctum inflexionis spectant, demonstrat, postremo eâdem methodo superficies cycloidum & longitudines curvarum determinat ac demonstrat.

VI. D. Varignon die 26 Julij incœptas ab aliquot diebus demonstrationes circa superficiem conorum obliquorum absolvit. Cylindri inquit & conî, quorum bases sunt circuli, ad elementa Geometriæ pertinere omnibus semper persuasum fuit; superficies & solida conorum rectorum & cylindrorum cum rectorum, rum obliquorum, imo & solida conorum obliquorum jam reperta sunt, & definita: sed eorum superficies, à nemine, quod sciam, inventas arbitror. Archimedes & alij Geometriæ ultra conos rectos non sunt progressi, D. Barou Lect. Geom. pag. 117 & seq. superficiem tantummodo conî, cujus basis sit hyperbole æquilatera, certis conditionibus adjectis dimensas est: sed dimensionem superficiem, conorum obliquorum, quorum bases sunt circulares nemo hæcenus scriptis prodidit. Id vero D. Varignon in hoc tractatu præstitit.

VII. D. Varignon die 28 Novembris 1698 methodum proposuit, quâ dividitur angulus rectilineus in quot libuerit partes æquales. Quod unum est è problematis Geometricis hæcenus quæstis.

VIII. Cum D. Ozannau nuper librum edidisset, in quo regulam novam exponit per commodam resolvendi triangula citra opem tabularum sinuum, eamque solius experientiæ fundamento innixam, D. Cassini eam dignam esse judicavit, quæ illustretur, illam adeò die 6 Decembris proposuit suis annotationibus auctam.

ANN. 1698. ⁵¹² I X. Die 13 Decembris D. Varignon de ratione temporum quæ gravia corpora in descensu per diversas curvas impendunt, juxta omnes quæ excogitari possunt hypotheses circa velocitatum variationem disseruit, quod argumentum mense Januario insequentis anni est profecutus.

X. D. Sauveur die 15 Novembris varia demonstravit problemata de lineis quas describunt duo corpora eidem virgæ illigata.

XI. Die 24 Januarii 1699 D. de la Hire qua ratione distantias inaccessibleis dimetiri liceat ostendit. Idem problema D. Varignon die 31 Januarii aliâ quoque ratione solvit, uterque methodo simplici & expeditâ usus est.

XII. Die vero 31 D. de la Hire aliud problema Alhazeni circa radiorum reflectiones solvit. Hæc & alia ejus generis quæ novitate suâ & utilitate commendantur quæque suis temporibus prodibunt in lucem, tum propofita sunt & soluta.

XIII. Die 2 Augusti D. Sauveur propositiones quasdam Geometricas, à D. Parent inventas circa sectiones conicas demonstravit, has demonstrationes probavit Academia.

C A P U T V I.

De iis quæ ad Geometriam Physicæ admistam spectant, ubi de Mechanicâ & Staticâ.

I. **D**ie 4 Januarii, qui primus hujus anni fuit congressus Academicus; D. Varignon methodum generalem demonstravit qua curvæ isochronæ juxta quamlibet hypothesim accelerationis motus in gravium descensu inveniuntur, adeo ut æquis temporibus diversos arcus describant in quacumque ratione ponatur acceleratio.

II. Inter præclara & utiliora nostræ hujus ætatis inventa illud merito habetur, quod invenit D. Hugen, quâcumque altitudine descensus fiat in cycloide inversâ, corpus in descensu semper ad imam cycloidis partem æquis temporibus decidere. Sed quæ ab eo offertur demonstratio, uti & ea quam D. Varignon anno superiore exhibuit, ad Galilæi tantummodo hypothesim est accommodata, quæ ut verisimilis sit, non ea tamen est extra omnem dubitationem. Itaque illud ipsum juxta omnes quæ excogitari possunt hypotheses, expendere statuit: cum Galilæus statuât velocitates acquisitas in fine descensus eam inter se habere rationem, quam altitudinum radices, D. Varignon eas universim ponit, ut quas habuerit earum altitudinum potentias.

III. Die 5 Julii regulam generalem proposuit ad omne genus motûs accelerati, ac celeritates ad libitum variatas accommodatam, atque ejus usum ad motus per quasvis lineas curvas cum Mechanicas, tum Geometricas decursas die 6 Septembris exhibuit. Ex quo novam deduxit rationem quâ demonstrantur decursus gravium isochroni in cycloide inversâ.

IV. Die 2 Maii idem explicare cœpit quâ figurâ aut curvitate fufum donati oporteat, ut eâdem vi semper chordam trahat in horologiis elatericis

instructis. Demonstrationes in hanc rem factas die 10 exposuit, hæc præfatus, *Geom.*
elateris actionem continuatam horologiis valde utilem fore loco ponderis
appensi. Hoc acris cogitantibus venit in mentem quâ ratione motus inæ-
qualis fieri æquabilis posset, an elaterium successive vim suam in vestis bra-
chia modò longiora, modò breviora exerens, cum evolvitur, id efficiat,
tentatum est. Hanc ob rationem fufus est adhibitus in formam coni trun-
cati, circa quem funiculus involvitur contrarias in partes tympani, vel do-
lioli quo elater concluditur. Quo quidem verti necesse est tympanum cum
elaterio evolvitur. Cum autem in tenuiori fusi parte hæc incipiat evolutio,
in eam vis maxima elaterii incumbit, ac versus crassiores tympani partes sen-
sim progrediens, hoc est, in longiores & longiores vestes incumbens, quo
magis debilitatur elaterium.

Ita quidem hætenus tentatum est elateriorum quæ varie intenduntur inæ-
qualitates emendare, ut ex his æquabilis horologiorum motus prodiret. Nec
dubium est quin res bene procederet, si fufus potuisset inveniri cujus radii,
seu distantie ambientis superficiei ab axe essent in reciproca ratione cum
elaterii viribus, hoc est si in fuso radii per vires aut potentias elaterii in fufum
agentis multiplicati ubique æquales summas efficerent. Id quidem experien-
tiâ compertum est fufum non omnino conicæ figuræ in medio nonnihil exca-
vatum esse oportere, sed quæ & qualis debeat esse cavitas illa, nemo adhuc
excogitavit, hoc est, quæ sit natura illius curvæ quæ circa suum axem rotata
eum producat fufum, digna res adeo visa est D. Varignon quæ acriori ani-
mo perpendatur. Id vero per sectiones conicas, & quædam problemata est
consecutus.

Die 30 Augusti universalem exposuit regulam, quâ tempus à gravi cor-
pore in descensu impensum per quamcumque lineam curvam determinatur.

V. Jam ut ad machinatricem veniamus, D. Couplet machinam exposuit,
& delineavit quâ olim usus est unâ cum D. Cassino, ut aquæ profluentis
vires penes diversas fluminis altitudines dimetirentur. Hujus mentionem fe-
cimus ad annum 1669.

VI. D. Varignon die 12 Aprilis novum penduli genus à P. Jacobo Ale-
xandro Ordinis S. Benedicti, Congregationis S. Mauri excogitaram propo-
suit, quo motum solis apparentem non medium ejus motum sequi debet.
Hoc inventum valde ingeniosum ab Academiâ fuit judicatum, cû magna
ex eo utilitas vix sperari potest.

VII. Eodem die D. de la Hire instrumentum proposuit celeritati aquæ
currentis, aut venti dimetiendæ accommodatum.

Die 19 Aprilis D. Varignon regulam exposuit quâ distantia loci ubi ful-
men cuditur, ex sonitu & fulgure, imò & distantia locorum valde remotorum
ex tormenti fragore aut sclopeti judicari potest, cum flamma conspicitur,
& strepitus auribus ex alio loco percipitur.

Eodem quippe momento temporis fulgur, & tonitruum bombæ, & utrumque
in bombardili erumpunt, nosque admonent fulminis jam formati: sed citius
ad nos lumen pervenit, quam strepitus, & eo citius quo longius à nobis
distat locus in quo cuditur, ac soni propagatio est in temporum ratione.
Illud autem observatum à se ait Hugenius in L. de lumine, uno temporis

ANN. minuto secundo sonum 180 hexapedas percurrere : unde intra 4 sec. hexapēdas 710 decurret , & ita de cæteris.

VIII. Die 18 Maii D. Carré observationes quasdam circa liquorum æquilibrium legit è scripto : omnes huic innituntur principio, fluidum in quo liquoris gutta natat , cum in omnes moveatur partes , eam ubique æquabiliter premere, unde eam efficit rotundam : perfecte rotunda esse desinit , ubi inæqualis est pressio , aut si forte corpori quod madefacit , adhæreat , minus in eam licet aëri exteriori , quàm parte ea corpus aliquod tangit.

IX. Cum sermo incidisset de ascensu aquæ in tubum capillarem , D. Carré illud subjecit huiusmodi tubulum capillarem , si figuræ sit conicæ , & impleatur per angustius osculum idque inversum ad perpendicularum horizontis erigatur , cum aqua descendet ; sed paululum inclinato tubo , aqua quæ descendat iam sursum ascendet , quod aqua in plano inclinata fortiores impressionem ab aëre inferiore sursum enitente excipiat , quàm ab aëre superiore , qui eadem facilitate per arctius orificium tubuli subire non potest.

Illud quoque observabat plagulam panis non fermentati , v. *pain à chanter* qui aquâ diluitur in pultis modum , spiritu vini comminui in particulas duras instar arenulæ : quod inquiebat , in parres minutiores dividatur à vini spiritu , quæ cum sese per superficies terlas contingant , arctius inter se cohzrent.





R E G I Æ
SCIENTIARUM ACADEMIÆ
HISTORIA.
LIBER SEXTUS.




IS pro nostra facultate tractatis non dubitarem huic operi finem imponere, sed vir illustrissimus, quique jubere poterat, auctor mihi fuit accedente Academiæ consensu, ut ad finem usque hujus sæculi illud perducerem. Et sane minus curæ & laboris exigunt quæ sequuntur, cum ea sint Gallice perscripta, & in certum digesta ordinem, eaque tam dilucide & ornate à clarissimo Viro Academiæ Secretario sunt pertractata, ut opera nostra omnino supervacanea videretur, nisi illud nobis esset propositum: externos qui Gallicè non sciunt, quique Matheseos & Physices studio tenentur, hoc qualicumque nostro labore demereri.

Sextum & extremum hujus Historiæ librum non ab alio ducendum est exordio, quàm à novâ Academiæ formâ, quâ ineunte hoc anno ex Ludovici Magni præscripto fuit decorata.

Is quidem legibus à sapientissimo Rege sancitis sic præfinita est omnis agendi ratio, ut litteraria tranquillitas minimè perturbetur. Id enim sæpe evenit in frequentioribus cæribus ut contentionis studio pleraque tumultu confundantur: cui incommodo cautum fuit Regiis constitutionibus. Non quod omnem contentionem ab eruditorum conventu amotam oporteat: nam ubi omnis animorum collisio cessat, studia languere solent & hebescere. Sed nihil à conspectu veritatis nos longius abducit, quàm vehemens illa animorum agitatio, quæ ut tempestas quædam huc illuc nos jactat, & extra propositam quæstionem nos plerumque abripit. Ii tamen nimium morosi ac difficiles nobis videntur, qui omnes contro-

ANN. 1699. veritas in eruditorum confessibus sublatas volunt ; nec satis advertunt quanta sit in rebus obscuritas , quam illæ sint à natura ipsa involutæ. Sed illud quoque fatendum est ipsâ dimicatione , cum paulo acrior est , tot perturbationum velut fluctibus animos exagitari , ut vix apud se esse possint. Sed vereor ne alieno loco & tempore mores informare videar , non historiam scribere ; ad institutum igitur nostrum redeundum est , atque ante omnia constitutiones à Ludovico Magno in novâ Academiæ instauratione factæ nobis sunt proponendæ.





P R Æ S C R I P T Æ

A L U D O V I C O M A G N O

R E G I Æ S C I E N T I A R U M

A C A D E M I Æ S A N C T I O N E S.

QUò testatior sit omnibus solita Ludovici Magni erga Regiam Scientiarum Academiam benevolentia, hæc statuit Rex munificentissimus, quæritè deinceps observentur.

I.

Perpetuus Regiæ Scientiarum Academiæ patronus Rex esto. Academia Regis mandata ab eorum uno, qui sunt à Secretioribus, quem huic muneri Rex ipsè præfecerit, accipiat.

I I.

Predicta Academia ex quatuor Academicorum ordinibus constabit, Honorariorum, Pensionariorum, Aggregatorum, & Alumnorum. Prima classis denos, tres aliæ vicenos habebunt. Neque quisquam, nisi qui à Rege vel assumptus, vel probatus fuerit, ulli classi adscribetur.

I I I.

Honorarii omnes Regnicolæ sint, eruditione vel in Mathematicis, vel in Physicis spectabiles; ex quibus unus præses erit; neque ullus unquam in Pensionariorum ordinem transcribetur.

I V.

Pensionarii omnes Lutetiæ domicilium habeant. Ex iis tres Geometriz sint, tres Astronomiæ, tres Mechanicis, tres Anatomicis, Chymicis tres, tres item Botanici operam dent, quibus unus Secretarius, & quæstor unus addantur.

V.

Aggregatorum idem numerus esto: ex quibus placet duodecim esse Regnicolas; duosque Geometriæ, Astronomiæ duos, duos item Mechanicis, totidem Anatomicæ, Chymicæ, & Botaniciæ operam navare: Octo vero reliqui Galli sint an externi, nullo discrimine censeantur; harum disciplinarum & artium quam libuerit amplexantur.

V I.

Quisquis in Alumnorum ordinem adscribetur, is Lutetiæ Parisiorum degito, & quod doctrinæ genus profitebitur Academicus Pensionarius, cui datus fuerit, in id incumbito. Quod si quis cum Pensionariorum, tum etiam Alumnorum ad ea vocetur munera, quæ alibi quàm in urbe præsentiam assiduam exigunt, in ejus locum alius, perinde ac si mortis causâ vacaret, sufficiatur.

V I I.

Cùm locus vacabit honorarii, Academicorum suffragio legatur, qui à Rege comprobetur.

V I I I.

Cum locus vacabit Pensionarii, tres Academicorum suffragio legantur, ex quibus duo saltem aggregati aut Alumni sint; iique Regi, ut quem videbitur assumat, offerantur.

I X.

Cum locus vacabit Aggregati, duo similiter Academicorum suffragio legantur, quorum unus saltem è numero sit Alumnorum; iique Regi, ut quem videbitur assumat, sistantur.

X.

Qui vacuum Alumni locum obtineat, Pensionarius ipse legito; qui, si probatus fuerit Academicorum suffragio, Regi postea proponatur.

X I.

Nemo ad obtinendum in Academiâ locum, nisi qui sit integris moribus, & spectatâ probitate, Regi offeratur.

X I I.

Nemo regulari instituto adstrictus in Academiam nisi fortè in Honorarii locum assumatur.

X I I I.

Nemo quoque in Pensionariorum aut Aggregatorum ordinem, nisi is aut ex aliquo opere, còque insigni edito, aut ex alicujus disciplinæ curriculum cum laude confecto; aut alicujus machinæ, aliùve cujuscumque rei non ignobilis inventione claruerit, Regi proponatur.

X I V.

Nemo in Pensionariorum, aut Aggregatorum ordinem, nisi qui saltem vigesimum quintum ætatis annum attigerit, nominetur.

X V.

Nemo pariter infra viginti annorum ætatem in Alumnorum ordinem adsciscatur.

X V I.

X V I.

Conventus Academici diebus Mercurii & Sabbati, in Regiis ædibus celebrentur. Quibus diebus si festum intervenieit, pridie habeantur.

X V I I.

Unaquæque conventuum Academicorum sessio duarum saltem horarum, à tertiâ ad quintam esto.

X V I I I.

Feriæ Academicæ ab octavo Septembris die ad undecimum usque Novembris producantur. Præterea quindenis Paschatis diebus, necnon hebdomadâ Pentecostes, & à Nativitate Christi ad Epiphaniam usque vacationes sunt.

X I X.

Academicorum unusquisque conventus omnes frequentet: neque Pensionariorum quisquam negotiorum suorum causâ, extra induciarum tempus, ultra duos menses, nisi impetratâ à Rege veniâ absit.

X X.

Cum multa ex operibus ab Academiâ universim elaboratis incurrere incommoda usus ipse docuerit; Academicorum unusquisque peculiarem sibi studiorum suorum materiam sumito, de quâ ad Academiam referat, ut mutuis observationibus veritas illustretur.

X X I.

Primo quoque singulorum annorum conventu, Pensionarii Academici quod sibi propositum opus habeant, in quo elaborent, scripto denuncient; cæteri quoque, ut idem faciant invirentur.

X X I I.

Quaquam singuli Academici ad ea præcipuè quæ sunt ejus artis, cui se potissimum addixerunt, animum appellere debent; universi tamen cogitationes suas & labores cò conferant, unde utilitas aut lux aliqua ad diversas Matheseos partes, vel ad artium incrementa, vel ad Historiæ naturalis notitiam possit accedere.

X X I I I.

In unoquoque congressu duo saltem ex Pensionariis quasdam observationes in eam, cui incumbunt, scientiam recitent. Aggregatis item quidquid cogitaverint aut observaverint, promendi potestas esto. Cum Honorariis, tum Pensionariis, tum etiam Aggregatis, juxta artes suas de proposito argumento cogitata promendi potestas sit, non item Alumnis nisi cum à præside rogati fuerint.

X X I V.

Quæcunque ab Academicis in conventum afferentur observationes , eo ipso die Secretario descriptæ tradantur ; ut , ubi usus fuerit , consulantur.

X X V.

Quæcunque ab Academicis experimenta proferentur , ab iisdem in conventu , si commodum erit : sin minus , nonnullis coram iterentur.

X X V I.

Si qui fortè inter se dissentiant Academici , in id intenta Academia sit ; ne quis asperioribus verbis vel scripto , vel voce alterum insectetur. Eadem in oppugnandâ quorumvis doctorum sententiâ moderatio sit.

X X V I I.

Ut quam primùm edoceatur Academia , si quid novi cùm in Mathematicis , cùm in Physicis repertum fuerit , id ei curæ sit , ut cum eruditis seu Luteriæ , seu in Provinciis degant , imò etiam cum exteris litterarum commercio tueatur. Quòd qui fecerit diligentissimè , is in quâvis electione competitoribus anteponatur.

X X V I I I.

Id muneris uni alicui ex Academicis iungatur , ut , si qua vel in Galliâ , vel alibi prodierint in lucem scripta de Mathematicis aut Physicis , diligenter legat , & de iis ad Academiam sic referat , ut à censurâ absteat , quæque usui esse poterunt , ea tantummodo decerpant.

X X I X.

Quæ aliis in locis facta fuerint experimenta , si res tanti visâ fuerit , hæc in Academiâ iterentur : quod consonum , quod absonum fuerit in tabulas referatur.

X X X.

Quæcunque opera statuerit vir Academicus publici juris facere , hæc vel ab Academiâ universâ , vel ab iis quibus datum id negotii fuerit expendantur : alioqui non approbentur : neque quis Academicus nomen scriptis iis præfigat quæ in lucem prodibunt , nisi prius ab Academiâ comprobata fuerint.

X X X I.

Academia , si Rex ita iussêrit , machinas omnes , quarum privilegia à Rege postulantur expendat : quæ si novæ sint aut utiles , id scripto testetur ; machinarum autem inventores extypa Academiæ tradant.

X X X I I.

Honorarii , Pensionarii , Aggregati in iis rebus quæ ad disciplinas & artes tantummodò pertinent , suffragii jus habento.

X X X I I.

Ubi de electionibus aut de rebus ad Academiam spectantibus agetur, solis Honorariis, aut Pensionariis suffragii jus esto. Suffragia per tabulas sunt.

X X X I V.

Nemo alienus ad solitos Academiarum conventus admittatur, nisi si quis novæ alicujus machinæ, aut inventi cujuscumque gratiâ à Secretatio introducat.

X X X V.

Ad publicos autem cæteris qui bis unoquoque anno futuri sunt, nimirum postridie Sancti Martini, & festorum Paschaliū, quivis admittatur.

X X X V I.

Præses unâ cum Honorariis in supremâ mensæ parte sedeat; ex utroque ~~sedes~~ latere Pensionarii; Aggregati in extremâ parte: Alumnorum verò unusquisque ponè eum Academicum sedeat cui Alumnus datus fuerit.

X X X V I I.

Præses in quolibet consessu, atque in iis omnibus, quæ ad Academiam spectabunt, id sedulo curet, ut compositè & ordine cuncta fiant. Ipse vel Regi, vel ei regni Secretario, quem Rex ipse præposuerit, rationem reddat.

X X X V I I I.

In unoquoque conventu, quæcunque res in deliberationem venerit, de eâ sententias Academici ex ordine rogantor: Quod pluribus placuerit, pronuntiator.

X X X I X.

Die primo Januarii ejusque anni Rex præsidem Academiarum creabit. Quæ creatio tametsi singulis annis erit renovanda, tamen prorogabitur hæc eadem præsidi provincia, quamdiu Regiæ majestati visum fuerit; cumque fieri possit, ut vel valetudine, vel negotiis impeditus consessui non interfit, Rex simul alterum designabit Academicum, qui absentis vices obeat.

X L.

Quæcunque in unoquoque Academiarum consessu proposita, agitata, discussa, & constituta fuerint, Secretarius summatim colligat; quidquid è scripto recitatum fuerit, in tabulas referat. Si quid ex Academicarum tabulis exscriptum cuipiam sive Academico, sive alieno, cujus id interfit,

Xxx ij,

REGIÆ SCIENTIARUM

532
ANN. tradatur, id chirographo Secretarii muniatur. Vertente anno præcipua-
1699. rum rerum, quæ tabulariis continentur, breviarium per argumenta diges-
tum publicetur.

X L I.

Tabulæ, cujuscunque sint generis, ad Academiam quovis modo per-
tinentes, penes Secretarium manean. Ei singulæ à præfide cum indice con-
festim tradantur: tum mense Decembri quot annis index recensetur; &
is, quæ totius anni decursu adjecta fuerint, augeatur.

X L I I.

Secretarius sit perpetuus: qui si per valetudinem aut probabilem ali-
quam causam interesse conventibus non poterit, quem volet ex Academi-
cis, qui vicem suam impleat, seligat.

X L I I I.

Libri omnes, instrumenta, machinæ, cætera denique Academiæ su-
pellex quæstoris custodiæ tradatur. Cum officium hoc aggredietur, huic
præfides cuncta ex perscripto indice tradito. Index vertente anno à præfide
recensetur: si qua facta fuerit accessio per totum anni decursum, ea in
indicem referatur.

X L I V.

Quæstor, quæ res suæ fidei conceditæ sunt, earum viris doctis & vi-
sere cupientibus copiam faciat. Eas extra repositorium exportari injussu
Academiæ ne sinat. Si quid super hæc re jussit Academia, id scriptum
habeat.

X L V.

Quæstor item perpetuus esto. Si quando legitimâ de causâ quæ sunt
sui muneris obire non poterit, unum ex Academicis, qui vicem suam
gerat, designet.

X L V I.

Quò facilius sit diversorum quæ ab Academicis elaborari poterunt ope-
rum editio, Rex Academiæ potestatem facit eligendi sibi typographum, cui
hujus electionis ergò, quæ necessaria sunt, tum excudendis, tum diven-
dendis Academicorum operibus ab ipsamet Academiâ probatis privilegia
Rex jubebit expediri.

X L V I I.

Quò magis ad labores suos continuandos excitentur Academici, Rex so-
litas pensiones impetietur. Insuper beneficia extra oîd nem pro dignitate
operum largietur.

XLVIII.

Quò etiam Academici suis in studiis adjuvantur, & quam quisque proficetur artem magis ac magis promoveat; qui ad varia experimenta, aut disquisitiones necessarii sunt, sumptus Rex pro munificentia, & benignitate suâ suppeditare perget.

XLIX.

Ut sua sit assiduitati in Academiæ congressibus merces, Academicis Pensionariis qui unicuique confessui aderunt, Rex quadraginta numismata largietur.

L.

Placet demùm uti hæ constitutiones proximo confessu recitentur, in tabulas referantur, & diligentissimè, prout jacent, observentur. Quod si quis Academicus contra fecerit, is pro delicti gravitate pœnas Regi persolvat. Datum in Regia Versaliarum die Januarii vigesimo septimo, anno millesimo sexcentesimo nonagesimo nono.



LIBRI VI. PARS PRIOR.

De iis quæ Acta sunt anno 1699.

HUc librum ut superiorem in duas secabimus partes; priori quæ anno 1699 in Academia discussa fuerunt, summatim exponemus; in posteriori parte hujus sæculi extremi anni Acta persequemur.

SECTIO PRIMA.

De iis quæ ad Physicam pertinent.

QUæ hoc vertente anno in Academia sunt proposita, ea quidem magnâ ex parte in Acta, seu in Commentarios jam prelo consignatos, & in Historiam Gallico sermone conscriptam à Viro clarissimo collata sunt. Quæ omnia sigillatim si persequi volumus, nec modum reperiemus, & frustra laborabimus: summa itaque rerum capita decurrere nobis satis fuerit, & quasi digitum ad fontes intendere.

CAPUT PRIMUM.

De luce & coloribus.

I. **Q**UO ipsius Historiæ Gallicæ sequamur ordinem, ab iis quæ ad Physicam generalem spectant, ducemus exordium. Primum quidem occurrit brevis, sed elegans P. Malbranchii Academici honorarii dissertatio, in quâ suum de lucis, & colorum naturâ systema proponit intellectu minus arduum, quod cum soni systemate magis noto consentiat. Sonum, ut omnes norunt, vibrationes corporis sonori efficiunt, quæ seu majores arcus, seu minores percurreant, quantum sensu judicari potest, iisdem temporum intervallis peraguntur: adeo ut discrimen omne inter sonos ab iis vibrationibus prodeuntes ex eo repetendum videatur, quod alius sit alio plenior, alius sit alio vehementior, aut debiliior. Cum autem uno & eodem temporis

intervallo frequentiores, aut minus frequentes efficiunt vibrationes, tum *Phys.*
variarum sonorum species oriuntur, quæ toni vocitantur. Quæ enim sunt fre-
quentiores, acutos, minus frequentes tonos efficiunt graviore.

Hanc sonorum notionem luminis & coloribus explicandis adhibet P. Malbranche: minores enim corporis lucidi particule in perpetuo versantur motu, eoque celerrimo; quo tota subtilis materie moles ad oculos usque nostros diffusa per vibrationes continuas premitur, majores quidem vibrationes fortioris luminis speciem præbent in corpore lucido & illuminato; atque ut crebriores sunt aut tardiores, varias colorum species præbent, neque uberius lumen, aut parcius coloris genus mutat.

Cum autem vibrationes quæ iisdem sunt temporibus penes numeros infinitos, & innumerabiles respectus variari possint, hinc tanta emergit colorum varietas, ex quâ vicissim nascuntur diversi respectus, iique ab æqualitate remotiores. Quod si exempli gratiâ corpus coloratum 12 efficiat pressionis vibrationes, cum aliud corpus sex tantummodo exierit in subtilem materiam, hoc magis à priori in colore discrepat, quàm aliud corpus ex quo 9, vibrationes prodeunt eodem temporis intervallo.

Et quidem omnes pene numerorum respectus ex quibus diversi oriuntur toni, in Musica designati fuerunt. Sed idem fieri posse in coloribus non crediderim. Id quidem experiendi notum est, defixis oculis in solem, aut in aliud corpus valde lucidum per aliquod temporis spatium, mox iis clausis, coloris albi impressionem remanere, tum flavi, mox rubei, deinde cærulei, qui in nigrum tandem definit: Ex quo id concludi potest, dummodo eadem semper sit colorum series, eorum qui primi se produnt, colorum vibrationes esse magis concitatas.

Hujus phænomeni occasione D. Homberg experimentum à se factum circa colorum, qui sibi succedunt ordinem, commemoravit. Vitrum rude admodum ex utràque parte & impolitum foramini aptavit, quod luminis præbebat aditum: cum id vitrum parum admodum pelluceret, res objectæ tantummodo albæ ultra vitrum politæ sub aspectum veniebant: vitrum aliquantulum politum quæ candida erant objecta melius exhibebat, & flava videri cœpta; vitro magis ac magis expolito tum diversi colores hoc ordine dispositi, primum flavus, tum viridis, rubeus, cæruleus, & ater ex ordine sui copiam fecerunt.

I I. In Cartesii systemate lumen per secundi elementi globulos transmittitur, quos in rectas lineas subtilis materie corporis lucidi impellit. Colores autem globuli efficiunt, qui motu in rectas lineas accepto à subtilissimâ primi elementi materiâ, ad motum rotationis circa suum centrum sunt determinati, atque ut motus directus cum circulari varie permiscetur, diversi prodeunt colores.

Sed illud præter cætera intellectu difficile videtur, quid fieri possit, ut idem globulus durus & solidus, qualis à Cartesio ponitur, simul tot motibus in gyrum actis, & diversis adeo generis agitur. Quod omnino accidere necesse est, ubi tot radii qui ad oculum diversa colorum genera perferunt, in eodem velut puncto sese interfecant citra confusionem ullam aut sui destructionem, ut singulis momentis experimur.

ANN. 11. Itaque P. Malbranche in globulorum locum substituit perparvos
1699. subtilis materiæ vortices comprimi faciles, quique simul & iisdem tempori-
bus in diversis sui partibus varias excipiunt pressiones; quantumvis enim
minutæ sint, aliis constant particulis, cum materia sit in infinitum scētilis,
& minima quæque sphaerula, omnibus punctis quantumvis magnæ sphe-
ræ possit respondere, ex hypothēsi materiæ in infinitum divisibilis. At-
que hæc de lucis & colorum systemate, nunc ad observationes quasdam
Physicas veniendum.

I V. D. Maraldi cum observationes circa Barometrum annis 1697,
& 98 factis in quādam urbe Angliæ cui nomen, vulgò *Upminster*, cum
iis quæ in Regio observatorio iisdem annis factæ sunt, contulisset, hæc
animadvertit.

1. Utrobique sæpius diversos perflare ventos, & tamen diversis an-
ni tempestatibus sæpe accidere ut iidem spirent, tumque ii sunt vehē-
mentiores, & satis diu vigent: interdum tamen contra accidit, sed
rarius.

2. Sæpe etiam id evenit ut eadem utrobique fuerit aëris constitutio, seu
pluvium esset cælum, aut serenum.

3. Sæpius ad eandem alititudinem suspenditur hydrargyrus in duobus
his locis, seu attollatur, seu deprimatur. Cum ad summam altitudinem Lu-
tetie sublatus est hydrargyrus, aut ad minimam depressus, idem evenit in eā
urbe Angliæ, sed ibi depressior erat hydrargyrus; aut 4 lineis, Anglicana
mensura ad Gallicanam redacta.

4. Boreā flante, aut ventis huic finitimis altior sæpius est hydrargyrus
quàm cum Auster, & Africus spirant: interdum tamen contra evenit. His
duobus annis cum Mercurius valde depressus fuit, tum copiosa nix effusa
est; sed hæc variationes hydrargyri non sibi constant.

Pluvie vertente anno decidit quantitas in duobus itidem locis inter se
collatæ sunt, cum vir illustriss. D. Vauban Academicus honorarius mi-
si set ad Academiam commentariolum de aquæ pluvie quantitate in arce
Insularum in Belgio collectæ ab anno 1685 ad annum usque 1694 dimensæ,
quæ cum observationibus à D. de la Hire ab anno 1689 ad annum
usque 1694 factis, sunt comparatæ. Atque ex iis per capita perscriptis
liquet uberiorē imbris copiam in eā Belgii urbe decidisse quàm Lutetiæ,
adeo ut inito calculo quantitas pluvie delapsæ ad mediani inter extremas
redacta per sex annos ultimos quot annis Insulis fuerit ferme 23 pollicum,
Lutetiæ 20.



CAPUT II.

De Historiâ naturali.

L H Oc ad Physicam contemplationem imprimis spectat, quæ in unâ quâque regione propria sunt & singularia observare & in eorum causas inquirere, postquam res ipsæ fuerunt diligentius exploratæ, Clarissimus Abbas D. Galloys cum suscepisset illa velut naturæ miracula, quæ in variis Regni Galliarum locis occurrunt, expendere, initium cepit à celebri fonte quem quartâ ab urbe Gratianopoli leucâ perpetuo ardere cum veteres, tum recentiores Auctores ut rem notissimam tradunt. Atque ut de factò constaret, D. de la Hire scripsit ad D. Dieulamant, qui in eo tractu Architecturæ militari à Rege erat præpositus. Hic ad locum prædictum se contulit, primum comperit fontem illum ardentem non esse, sed exiguum solum sex pedes longum, & 4 latum, in quo levis flamma huc illuc discurrens cernitur, qualis ex aquâ ardente vini se prodit, eaque saxo molliori adhærescit, quod cæruleum lapidem & fatiscentem refert. Hoc solum est in clivo satis arduo situm; ad pedes 12 infra eum locum rivulus à vicinis montibus manat, qui forte propius illud solum ardens olim manabat, adeo ut aquæ inflammatæ vulgari opinioni locum dederit. Nam ut de aliis taceam, S. Aug. in libris de civitate Dei de hoc fonte ut de re notissima discrit. Ex quidem in tractatu de Meteoris c. 14. Physicæ veteris & novæ mentionem fecimus fontis quem Poloni admirabilem vocant, quique situs est in Palatinatu Krakoviz minoris Poloniz. Huic cum fax accensa admovetur, levis & discurrens flamma fere ut in vini spiritu accenditur.

II. Verùm ut ad institutum redeamus, flamma de qua nunc agimus, non videtur è patenti saxi foramine, aut è rimâ quâdam erumpere, neque ulla in circumjacentis locis materia alendræ huic flammæ idonea deprehenditur; odorem tantummodo afflat sulphureum, neque ulli cineres ibi visuntur; quidam nitri candidi genus ibi cernitur prope ardentem eum locum.

Accole id quoque testati sunt, hunc ignem hyeme & cælo humido fortius ardere, multum imminui in magno æstu, ac sæpe exingui æstate exeunte, postea tamen velut sua sponte, quin & admoto alio igne cito & cum strepitu accenditur.

III. Illud quoque à D. Dieulamant observatum fuit solum huic flammæ circumjacens ultro scindi & fatiscere, & infra delabi: quod quidem non igni accenso tribuendum est, sed aquis per saxa molliora, & pertusa interfluentibus, quæ terram ipsam unâ secum abducunt. Quod quidem in certis Delphinatûs locis, ac præcipue in eo tractu vulgo *le Chanseau* dicto tam insigne est, & spectabile, ut duo pagi in diversis collocati montibus ita siti ut in conspectum mutuum non venirent præ interjectis aliis montibus, subito utrobique apparere cœperint subsidentibus interpositis montibus.

ANN. D. Galloys in causas hujus ignis phenomenon diligentius inquirens, eum
1699. instar minoris Vulcani habuit. Id quidem omnibus notum est quasdam sub-
stantias unâ permistas ultro incendi, ut chalybis limaturam cum sulphure
confusam; vixque in alias causas referri possunt ignes subterranei. Difficile
quidem explicatu videtur, qui fieri possit ut per tot ætates ignis ille accensus
maneant: sed huic difficultati respondet non adeo ignem actuosum esse, ubi
non patet aëri liber aditus, ac verisimillimum est perparum aëris ad hunc
ignem accedere, cum in saxo unde erumpit, nulla sint foramina, nec ulla se
prodit rimula. Atque ut olim flamma aquam penetraverit, ut forte Aug.
temporibus, bituminosi illi halitus aquam pervadere potuerunt ab eâ in-
tacti.

IV. Ad historiam naturæ & Physicam generalem revocari potest aquarum
mineralium examen. D. Regis inter Academicos aggregatos coopatus, cum ad
aquas de *Baraluc* in Occitaniâ valde celebratas se contulisset, his non solum ut
æger usus est, sed etiam ut eximius Philosophus illas diligentius expendit,
cumque illinc rediisset quæ ibi fecit experimenta, in Academiæ Acta re-
tulit.

1. His aquis uti solent ut balneo, & potu, idque quater tantummodo,
seu per dies 4 consequentes quæ his utendi regula experienciâ ipsa fuit con-
stitutâ.

2. Hæc quidem aquæ fumum indefinenter emittunt, qui nonnihil odo-
ris sulphurei præ se fert; tactu ipso tam calidè percipiuntur, quàm aqua
communis ebullitioni proxima: sed brevi post tempore calor ille facile tole-
ratur. Idem evenit cum potatur, calor primùm sentitur vehementior, sed
postea non ægre hauritur, neque vi adurente prædria est. Nam acetosæ
folia in ea suum virorem servant, neque ova recentia in eam per tres horæ
quadrantes demersa indurancur, imo nihilò magis mutantur, quàm si aquæ
frigidiæ fuissent immersa.

3. Qui in eâ lavantur aquâ adeo sudant, ut per horæ quadrantem vix
perstare in balneo possint; ea pellem efficit mollem, & levem, paululum
unctuosam, quod è sulphure quodam admodum subtili & volatili profici-
scisci videtur, hoc sulphur præ volatilitate sua extrahi non potest.

4. Aquæ sapore sunt salso, quæ tamen salfugo multominus ingrata est
maris salfugine, neque adeo linguam pungit.

5. D. Regis una cum D. Didier hujus regionis Medico indagare voluit
an forte hæc aqua saltem quemdam acidum & volatilem à sale alcali solu-
tum & expeditum contineret, qui calorem illum perenni fermentationi
conjunctum efficeret. Et quidem tinctura è malvæ floribus extracta hac aquâ
persusa rubeo colore tincta apparuit, ut ex acidorum admistione fieri solet,
quemadmodum ea tinctura salium alcali additione viridem præbet colorem.
Cum autem aqua sponte sua refrigerescit, tum tincturæ color idem manet qui
antea, quantumvis aqua postea incalescat, magno quidem indicio hunc
salem non modò acidum esse, sed etiam impense volatilem, quicquæ statim
ex aqua avolet. Ubi sal ille acidus & volatilis evolavit, sal alcali fixus re-
manet post distillationem in B. M. Is enim tincturam florum malvæ viridi co-
lore donavit.

VI. D. Bouleduc aquas de S. Amando prope Tornacum aliquot abhinc *Chymica.* annis celebratas variis probationibus Chymicis subjecit, nullum indicium aciditatis aut alcalinæ naturæ dederunt. Quod accuratam principiorum mistionem innuere videtur; acetum plumbi, & aqua calcis colorem album tantummodo præbuerunt. Aquâ illa ignis calore in vapores diffusâ terra in imo vasis alba reledit, quæ exsiccata paululum scintillare visâ est, 12 hujus terræ grana singulæ libræ aquæ dederunt, ac 3 fere salis grana ex 12 terræ illius grani prodire.

CAPUT III.

De rebus Chymicis.

I. **A** Physicâ generali ad particularem nobis transeundum videtur, ad Chymiam nimirum, Anatomiam & Botanicam. Et quidem à rebus Chymicis propterea ordiemur, quod Physicæ generali sit finitima, eaque porissimum in corporum principia, & eorum analysim incumbat. Huic scientiæ quæ nostro hoc sæculo magnos progressus egit, præcipuam operam dedere D. D. Bourdelin, Homberg, Bouleduc, & Lemery viri in hac scientiâ, & in medendi arte admodum exercitati. Analyse stirpium D. Bourdelin continuavit, de quâ ob rationes identidem allatas nihil necesse est hoc loco disserere. D. Lemery opus aggressus est, quod multum curæ ac laboris exigit, nempe de stibii, seu ut loquimur, antimonii principiis, natura & usu, adeo ut hujus fossilis vires omnes & proprietates, & varios illius tractandi modos, quæque ad artem medendi utilitatem aliquam afferre possunt, exponenda susceperit; varias operationes coram exhibuit, de quibus nihil hoc loco dicemus, cum opus illud publici juris facturus sit.

II. Cum autem spiritus acidi non aliud quiddam sint quam liquores aduosi salis particulis forti, unde vim omnem suam mutuuntur, illud permagni interest etiam ad medendi artem, nosse quâ proportionem sales illi acidi unâ cum inutuli phlegmate misceantur. Hanc in rem D. Homberg usus est sale tartari, qui inter sales alcali primas tenet, quique acidis liquoribus facile impregnatur. Itaque unciam salis tartari spiritu acido v. gr. nitri exsatiavit, tum omni humore exhalato sal tartari exsiccatus, auctus est pondere ex spiritus nitri accessione; quod ponderis augmentum est sal ipse qui spiritui nitri inerat; uncia spiritus nitri, cum 2 drachmis & granis 36 affusa fuit salii tartari, hic operatione peractâ auctus est 3 drachmis, quantum scilicet acidi salis continebat: adeo ut in uncia hujus spiritus 2 drachmæ salis acidi delitebant. Tabulam pertexit præcipuis liquoribus acidis in Chymiâ usitatis accommodatam.

III. Id quoque operæ pretium illi visum est nosse quantum unus spiritus magis ponderet quam alius. Quod ut citra errorem sensibilem præstaret, novum Aræometri genus à se inventum adhibuit, quod mense Aprili exposuit, tumque varias operationes circa salium acidorum naturam, & mensuram, è scripto legit. Hujus scripti hæc est summa. Yyy ij

AN N. IV. Cum Chymiâ præter cæteras artes accuratas operationes exigit, cum in materia delectu, tum in dosi ipsâ, compositionem rerum, in quibus operatio quæque versatur, exacte dimetiri necesse est, secus irritus sæpe futurus est labor, neque ex voto succedet. Quæ sicca sunt aut solida ponderibus facile in balance appenduntur, sed quæ liquida sunt, ac potissimum salibus acidis fœta, quæque ex vegetabilibus, & fossilibus nonnisi phlegmate diluta se produnt, vix ita licet expendere, ut quantum salis acidi in se habeant, dignosci à nobis certo possit.

V. Id quidem non inficiamus Aræometri vulgaris ope cognosci posse utri è duobus acidis spiritibus plus aut minus insit phlegmatis, sed nullo potest modo, aut ex pondere, aut ex mole decerni quantum plus in uno quam in altero sit ponderis, ubi utriusque vires diversis temporibus expenduntur: cum diversi plane sint effectus eorum penes diversam aëris temperiem: præterquam idem semper adhibendum esset Aræometrum, cum vix duo penitus inter se similia, uti nec duo thermometra fieri possint.

Anxæ aliquot annos D. Homberg novum aræometrum, idque multo accuratius proposuerat, cujus supra mentionem fecimus. Illud liquoris pondus sic exhibet, ut vix quintâ unius guttæ parte absterret. Quantum liquori phlegmatis, quantum acidi salis insit spiritui acido, indicat. Structura, ejus forma & usus superius expressa sunt, atque ejus ope omne liquorum genus expendi potest. Idque tabula 2, figura 3, habes delineatum.

Cum autem liquores æstate dilaxentur, hyeme contrahantur, hinc difficultas quædam oritur, ubi spirituum pondera & vires inter se comparantur, idque sit diversis temporibus. Quò huic incommodo occurreret D. Homberg tabulam contexit liquorum, qui in Chymiâ magis usurpantur, in quâ ponderibus maximis æstatis ardoribus & hyemis acerrimo frigore inter se collatis discrimen omne quovis inter extrema tempore internosci queat.

VI. Tum alteram subjecit tabulam de qua mox paulo ante diximus, in quâ designat quantum certa salis tartari quantitas, cujusque spiritus acidi absorpsit, ut omnino exsatiaretur, & quo pondere auctus fuerit sal tartari omni humore exhalato. Hoc ponderis augmentum demonstrat quantum salis acidi inesset liquori quo sal tartari imbutus fuit.

Posterior tabula superiori conjuncta, & utraque cum spiritibus acidis ad aræometrum exactis comparata, quæ salis acidi quantitas insit liquori exhibet.

Atque ex his observationibus plures effectus explicari possunt alioqui satis difficiles, ex. gr. regalis aquæ uncia è spiritu nitri & sale ammoniaco paratæ alterum tantum auri dissolvi, quam ab uncia spiritus salis non minus à phlegmate suo exuri, quàm fuit nitri spiritus: quòd ex ipsis observationibus uncia spiritus nitri salis acidi duplum contineat ejus spiritus qui salis uncia continetur.

VII. Die 8 Martii 1699 D. Homberg quâ ratione ferrum aut chalybs à rubigine illæsum servari possit, paucis exposuit. Adipis suilli, vulgo *la panne* minutius concisi octo libras pellibus & carnibus detractis vasi fictili novo & plumbato imponi jubet tribus aut quatuor aquæ cochlearibus additis; liqua-

tas adeps & per linteum trajectus eidem vasi affunditur cum 4 uncias camphoræ contritæ; leni ignis calori unâ ebulliant, dum camphora penitus dissolvatur; tumque adhuc calenti plumbaginem, vulgo *de la mine de plomb*, tantum injice, quantum necesse est ut ferri colorem induat. Hoc adipe fuillo ferrum aut chalybs illinatur, postquam sic incaluerit, ut vix manibus atrectari possit, quo facilius adeps penetret, tum linteo abstergendum, adeps sic paratus vasi rite occluso imponendus, ne exhalet.

CAPUT IV.

De rebus quæ ad Physicam & Chymiam spectant.

I. Cum id Academiæ sit maxime propositum ut non solum promovendis scientiis, sed ut artibus operam suam ac studium impendat, ab arte typorum, cui litteræ, & litterati plurimum debent, initium capiendum duxit, eamque artem quantum fieri poterit, perficiendum suscepit.

Ac primum de materiâ ipsâ typorum actum est. Quæ vulgo adhiberi solet mixtura è cupro rubeo, stibio, seu antimonio & plumbo componitur: 20 libræ cupri, tantundem antimonii, & 100 plumbi libræ unâ miscentur; cuprum & stibium per strata alternis in catino ordinibus disposita liquantur, scortis detractis plumbum separatim fustum catino imponitur.

Hac mysturâ typographi hæcenus usi sunt: sed cum novis characteribus qui in Regiâ Typographiâ cuduntur, ista compositio fuit adhibita, tum vero apparuit typos ipsos scalpro vulgo *poinson* designatas formas non satis exprimere, cum litterarum crura, vulgo *les jambages* non in quadrum, sed in rotundum formentur, characterè ipso plus satis arctato.

Itaque perillustri Abbas D. Bignon hoc à D. Homberg postulavit, ut in hujus materiæ præparationem intenderet animum, & vulgatam, si fieri posset, emendaret.

II. Id variis tentavit modis, ac subinde persuasus characterum crura nimium rotundari, quod fusa materia citius quam par sit, refrigeret, neque adeo ea possit matricum sulcos subire; maciem verò litterarum nimio calori refert acceptam. Quo enim magis incalcescit metallum in fusione, hoc magis augetur ejus moles; atque ubi refrigerat, typum suum non omnino implet, unde & character minor est justo, nec suum æquat archetypum.

III. Itaque ut utrique huic vitio idoneum adhibeatur remedium, id judicavit D. Homberg, concretionem metallicam parandam esse è rebus quæ facilius liquantur, quàm usitata compositio. Quæ quidem ratione nimia characterum macies vitatur. Atque ut characteres suis archetypis sint similiores, id censuit, compositionem quærì oportere quæ in ipsâ fusione facilius fluat, & in matricis angulos citius se insinuans crura, aut parastas characterum quadrata magis efficiat.

Varia in hanc rem proposuit tentamina: sed illud magis ex voto successit;

Yyy ii

ANN. quod tertio loco recenset; vulgaris nimirum & antiquæ concretionis
1699. $\frac{1}{4}$ cum $\frac{1}{8}$ illius fossilis, quod bismuthum vocant, & $\frac{1}{8}$ stanni unâ permiscens, quæ ex eâ confusione prodiit materia, eam nacta est duritiem, quam exigunt characteres, iique sunt optime formati. Veteris itaque & usitatz materiz sex partes, una stanni, una itidem bismuthi, in unum conflatz concretionem effecerunt, quæ hujus artis magistris probata est, & vulgarâ compositione longe præstantior fuit judicata. Nam littera per convexam lentem acrius inspecta, partes sui minores archetypis suis omnino consimiles, crura bene expressâ, non rotundata, sed quadranguli formâ, corpus non macie immixtum subjecit oculis: mixtura paulo durior visa est vulgari, & minus fragilis, adeo ut characteres majoris usus futuri sint, & in longius tempus duraturi videantur.

I V. In eodem argumento versatus est D. Jaugeon unus ex iis qui à Rege selecti sunt anno 1693 ut perficiendis artibus incumberent, qui quidem cæteris mense Martio hujus anni 1699 in unum corpus cum aliis Academicis coaluit.

Itaque D. Jaugeon die 17 Maii dissertationem è scripto recitavit, de Typographia quæ inter artes postremis his sæculis excogitatas utilitate & dignitate præcipua est, exornandâ & perficiendâ. Hoc sibi esse propositum ait ut litterarum notas in linguis pene omnibus usurpatas, nomenclationes cum historia conjunctas colligat, characteres itidem Astronomicos, Algebraicos, Chymicos, Musicos, eorum definitiones, structuram quoque & formam litterarum, seu rectæ sint, seu in se mutuo reclinent, initiales sint, an aliis permiscæ, quibus elementis aut principiis innitantur; qua arte scalpri vulgo *poingsons*, & alia usitata Typographiæ machinamenta fabricentur, simul quæ recens inventa sunt, aut excogitata, ut exquisitam perfectionem consequantur, quave ratione character archetypo cupreo, v. *la matrice*, extremo scalpri insculptus imprimatur; formæ ipsius, v. *le moule* fabrica; ut litterarum fusio, & alia quæ ad præclaram hanc artem pertinent; qua methodo in his omnibus procedat, exposuit, atque Arabum elementarium syllabum & litteram A exempli loco protulit, processum omnem fusionis materiz, ex qua formantur characteres, decurrens.

V. Die 24 Julii historiam Alphabeti ut vocant, seu elementarii Græcorum Elenchi, quoque modo litterarum notæ in Græciam pervenerint, quis ab initio earum esset numerus, quave temporum successione auctus fuit, & à Græcia in Italiam, unde in Galliam perlatæ; & ubique fere in magno honore habitæ sunt, quantumvis Sarraceni eas penitus extinguere conati fuerint exposuit. Idem argumentum, quæque ad hanc typorum artem spectant postea est prosecutus.

VI. Ad Chymiam quoque & Physicam proprie dictam spectat illud quod die 28 Novembris 1699 D. Homberg scriptum legit de injectionibus anatomicis, quæve sit materia his perficiendis maximè idonea. Hanc enim imprimis cupiunt qui rebus Anatomicis navant operam, ut vasa & eorum rami illasæ conserventur, & materia fluida quæ syringe est injecta, ad vasorum extrema perveniat, atque in iis perferat infracta. In eam rem utuntur cæteris, mercurio, therebentinâ & aliis ejus generis. Hæc quidem de facili

fluunt, sed iis deest consistentia & firmitas, ac frigida tempestate nimis sunt fragilia. Hydrargyrus per exiles rimas statim effluit, cumque ei aliquantum metalli adjicitur, ne diffluat, adeo fragilis est, ut pene fiat inutilis.

VII. D. Homberg quandam metalli misturam adhibuit, quæ leni calore liquefcens vasa ipsa non adurit, quæque inflexa non facile frangitur. Hac usus est potissimum in vasis majusculis, ut in asperæ arteriæ ramis: sed æt subito rarefcens præ calore metalli fusi jactum ipsum solet inhibere, aut vasa ipsa disrumpit, aut demum parte metalli immisâ, quod reliquum est, non subit: adeo ut male cohereant inter se injecti liquoris partes. Interdum tamen res bene processit, cum per vasorum extrema æt liberum habuit exitum. Cui incommodo ut occurreret, machinâ quâdam usus est, quæ satis bene successit; sed cum nimiam assiduitatem exigit, aliam tentavit viam ope machinæ pneumaticæ. Rationem itaque cogitavit vasa machinæ sic aptandi ut fufum metallum externi aëris pondere ea subiret: nam exhausto aëre è vasis, nihil obstat quominus materia metallica vasa ipsa subeat. Hanc in rem campanâ vitreâ usus est, in cujus parte summâ collum pene ut in lagenâ exatbat. Huic cupreum epistomium bene detritum cum collo sic aptavit, ut nullum aëri præberet aditum. Hujus emissarii tubi, seu epistomii pars exterior erat instar infundibili; pars altera intra campanam inclusa variis foraminibus in cochleæ modum formatis sic pertusa fuit, ut plures tubuli his inferi possent, iisque vasa animalis applicari: unicuique tubulo vas implendum illigatum fuit funiculo. Tum epistomio cupreo intra campanæ collum immisso, campana machinæ pneumaticæ admota est, exhausto aëre metallum liquidum per infundibulum affusum fuit, quod usque ad extrema vasorum manavit citra ullum interclusum aëra: vasis ipsis detractis eorum figura metallo impressa, eaque incorrupta perstat.

Hujus metalli ea est compositio; partes æquales plumbi, bismuthi & stanni unâ fuse, quæ bene mistæ speciem metalli constant, ac leni admodum calore liquantur. Hæc tamen adhibenda est cautio, ut epistomium & collum campanæ separatim valde incalescant, priusquam epistomium intra collum intrudatur & metallum affundatur, secus campana confringeretur; quandiu illa exinanitur, ferrum calidum epistomio est admovendum, ne metallum concrefcant in ipso infundibulo; idque pingui materia illini debet, quæ utcumque consistat, nec plus satis sit fluida, nec præ calore crepitet, ne collum campanæ frangatur. Oleum lini, aut olivarum cum minio mistum instar unguenti ad hanc rem optimum est. Duæ partes olei cum una minii miscentur, coctione ipsa quidquid est aëris difflatur, ne incalescens creper. Cavendum ne vasa quæ implenda sunt, antè fuerint aquæ immersa, aut exprimendus est ex iis humor, eaque bene sunt exsiccanda: secus æt his conclusus metalli fusionem inhibebit.



CAPUT V.

De Rebus Anatomicis.

I. IN iis quæ ad Anatomiam, & ad Historiam animalium spectant, non immorabimur, quod ea majori ex parte in libris editis fuerint publicata. Cujus generis est solennis illa de ovali foramine in fœtu, & illius usu disceptatio, de quâ multâ diximus ad annum 1693; eaque hoc anno fuit renovata inter D. D. Mery & Tavvry: uterque sententiam suam libris in publicum editis de circuitu sanguinis in fœtu propugnavit. Cui D. Meri tractatum subjecit de Lythoromiâ.

D. du Verney sententiam suam peculiari dissertatione aperuit, quæ in Acta anni 1699 collata est: multa sane scitu digna ex illâ animorum collisione prodierunt quæ robus admodum reconditis magnam possunt asserere lucem.

II. Et quidem D. Tavvry omnem penè fortis historiam complexus videtur. Ac præter alia ovorum systema pro viribus ruetur, atque illud ex testudinis terrestris accuratâ dissectione confirmat. Quæ enim in muliere & viparæ omnibus difficultatem asserunt, hæc in testudinibus sunt magis intellectu ardua, cum tamen ex sint viparæ; tubæ uteri sunt tenues admodum, laxæ, fluctuantes in ventre, adeo ut omnino ineptæ videantur, quæ ex ovario ipsâ excipiant ova, eaque in uterum adducant. Quin etiam versus extrema angustis admodum foraminibus sunt pertusæ ovi magnitudinis minus idoneis.

III. Id etiam advertit quadrupedia ovipara duplici ovario donari, & tuba duplici, quæ ova ad uterum perferunt: hæc tubæ ex utraq; parte abdominis sunt collocatæ; in volatilibus contra unum est ovarium, tubâ unica. Hujus discriminis hanc esse rationem putat, quod quadrupedum incessus exitum ovorum & eorum per tubas descensum adjuvet: tum enim abdominis viscera alternis mota ovaria duo & tubas premunt. Sed in volatilibus ossa abdominis huic pressioni femorum obstant; in iis adeo frustra esset duplex ovarium, aut duplex tuba: unde in medio dorsi ea sunt collocata, ut ex utroque latere æqualiter premantur à membranis quæ in volatilibus instar saccorum formata in ipsâ respiratione implentur & deplentur.

IV. Quædam addit de placentâ quæ in muliere & in multis animantibus ab utero cum effusione sanguinis separatur, in ruminantibus verò nihil exie præter lacteum succum; prioris generis animalia sunt carnivora, quæ posterioris sunt generis, eadem herbis vescuntur. Illud vero proximum putat animalia jam à primâ sui formatione præparari ad excipiendum alimentum suæ naturæ accommodatum: succus enim nutritius à matre in fœtum placentæ interjectu deducitur.

V. Addit illud quoque fœtum liquori innatare, quem membrana Amnios dicta

dicta proxime involvit; hoc liquore sætum ali multa probant indicia, illud præ cæteris, quod liquori qui ventriculo formati sætus continetur, is sit consimilis, isque ut verisimile est, per os subiit in ventriculum. Sed præter hanc membranam, & alteram, quæ Amnios involvitur, tertia quidam est urinæ receptaculum, unde & membranæ urinariæ nomen accepit. Versus placentam, in quâ succus nutritius percolatur, ea est collocata. Verum hîc se offert non spernenda difficultas. Nam si res ita se habeat, succus ille alimentitius liquorem membrana urinariâ contentum pervadet, quo inquinatus omnem suam benignitatem amitteret. Existimat D. Sauvvy membranæ quæ Amnios dicitur cavitatem primis formationis temporibus succo alimentitio impleri, cum nullus est in membranâ urinariâ liquor, eâ vero repletâ & sætu jam validiori membrana urinaria impleri tum incipit, Amnios nihil amplius alimenti ad se trahit, sed in eâ quasi in cella penuaria alimentum ad parturiam usque necessarium asservatur. Idque ex eo confirmari potest quod urinaria eò plenior sit, quò sætus est provector, tumque Amnios magis inanitur.

Cum de motu sanguinis in sætu Anatomici cum Academici, tum exteri magnâ contentione pugnarent, interea D. du Verney in veteri & communi sententiâ de usu ovalis foraminis perstabat, neque is tamen otiosus, & quasi insinuatius manebat. Cum autem persuasum haberet cordis in testudine structuram, ubi sanguis è sinu sinistro in dextrum per apertum ostium commeat, hanc occasionem præbuisse D. Mery ut systema suum de structura, & usu ovalis foraminis in sætu excogitaret, adeo ut idem pene esset utrobique sanguinis motus, D. du Verney cordis mechanicam in testudine intento animo expendit; idque in peculiari dissertatione quæ inter Academiæ acta est edita, probandum suscepit, ex cordis testudinis fabricâ non satis firma duci posse argumenta, ad motum sanguinis in sætu humano consimilem stabilendum.

VI. Interea vir eruditione & ingenio præstans D. Chemineau Doctor Medicus cor sætus humani, cuius structura omnino erat singularis, & quæstioni de ovali foramine solvendæ idonea videbatur, coram exhibuit. Cor enim illud tribus ventriculis, qui inter se communicabant, instructum erat, fere ut in testudine. Venam cavam dexter sinus excipiebat, non item pulmonis arteriam; vena pulmonis in sinum sinistrum se exonebat, neque ex eo aorta, ut in aliis omnibus; sed utraque arteria & aorta & pulmonaris tertio ventriculo erant implantatæ & insertæ, atque earum ostia sic erant disposita, ut sanguis è sinu dextro in tertium pelleretur, viam pulmonaris arteriæ rectâ insisteret, & sanguis à sinistro sinu in tertium hunc ventriculum exoneratus truncum aortæ facile subiret. Nullus erat canalis communicationis inter arteriam pulmonarem & aortam descendentem. Pulmonis arteria in ipso exitu multo minor erat, quam in duobus ramis, in quos truncus divisus fuit, postquam subiit pulmones; truncus ipse pars erat tantummodo dimidia cuiusque rami. Ex quo id videbatur sequi exeuntem è corde in pulmones sanguinem ægè eos pervadere, adeo ut cogereretur ramos arteriæ pulmonaris dilatare. Sic aortæ diameter dupla erat diametri arteriæ pulmonaris. Quæ quidem D. Mery sententiæ non videntur suffragari: sed cor illud

ANN. omnino erat singulare & monstro simile, ex quo nihil videtur concludi posse
1699. adversus consuetudinem naturæ ordinem, aut alterutram sententiam. Quod si diutius vixisset infans, cor ipsum non ita fuisset dispositum atque in aliis, quorum sanguis longe aliud iter insistit. Non enim in illâ triplicis ventriculi fabricâ hæc sanguinis communicatio mutari potuisset; atque id omnino necessarium erat ut sanguis è dextro & sinistro sinu in tertium commear, quò subiret arterias; sanguis fortassis uberior pulmones ingressus facilius eos pervaderet potuisset, isque inter arteriam pulmonum & aortam majori æqualitate esset divisus. Sed infans ille etiam adultus fortis naturam non pernitens exuisset: nam diutius, & pene ad libitum respiratione carere potuisset, ut amphibia.

VII. Hoc loco præterire non possum observationem à D. Poupert factam inter dissecandum senis pene centenarii corpus. Novem scilicet postremas dorsii vertebrae, quæ in os unum, & continuum sic coaluerant, ut cartilagine omnes ossæ naturam induerint, ac præter transversas apophyses vertebrarum, aliæ excreverint anteriores eæque transversæ ex utroque latere, in ipsis articulationibus cuiusque vertebrae sitæ. Quæ in dextro latere vertebrarum erant positæ, quæque erant aliis majores, & rotundatæ ossæ candido recenti erant induræ, quod non ita pridem formatum fuisse verisimillimum est. Atque illa vegetatio instar metalli fusi inter singulas vertebrarum apophyses sese insinuans eas tenacius agglutinabat. Quæ à sinistro latere erant apophyses, eadem erant breviores, papillis non absimiles, quas natura recenti quoque ossæ candido incrustabat, quasi senem renovare tentaret: sic veteri stipiti novus quandoque cortex adnascitur, in quo rami succrescunt in plures annos duraturi.

Idem quoque dentium & plumarum ortus, atque accretionem *MURRO* conferens, quâ ratione vegetentur, exposuit: quæ dissertatio hujus anni actis inserta fuit & publici juris facta.

VIII. D. de la Hire filius circa dentes illud animadvertit, in adultis non os ipsum dentis crescere, sed illius tantummodo crustam, ac veluti encaustum, *l'émail*; cujus natura ab ossæ omnino est diversa; ex innumeris id constat filamentis, quorum radices cum ossæ ferè ut in cornibus coherant. Hæc filamenta sic aptata in dente fracto facile conspiciuntur, atque suam ducunt originem ab eâ parte ossis quæ gingivis est contigua, eaque quasi perstrata sunt disposita, ad os ipsum valde inclinata, in basim dentis pene ad perpendiculariculum incident, unde & major est eorum resistentia, cum in eâ parte conatu majore opus sit. Horum velut staminum accretionem eo fieri modo putat, quo unguum vegetationem. Quod si casu quodam pars aliqua illius encausti dirumpatur, atque os ipsum acri sit expositum, staminum radicibus avulsis, os ex eâ parte carie inficietur dente corrupto: non enim ossa animalium patenti aëri exposita integra manere possunt. Id quoque potest contingere ut hæc filamenta in quibusdam dentibus per fasciculos disposita, in extremis tantum coeant, atque horum fasciculorum partes juxta ossa positæ non satis accurate inter se coherant, uti in dentis molaris basi intueri licet hos fasciculos à se invicem separatos. Cumque extrema filamentorum paulatim atterantur, illa divisio satis augetur, ut quasdam cibi particulas exci-

piant, tumque in dentis basi quædam fiet scissura, qua dens nudatus tandem *Ann.*
purescet. *tom.*

I X. Variæ quoque dissectiones factæ sunt in Academiâ quas nimis longum esset singillatim referre, tamen operosæ fuerunt, & magnam lucem Anatomix afferre possunt. Hujus generis fuit accurata femoris & pedis aquilæ à D. Mery facta dissectio: musculos omnes variis modis sibi mutuo implicitos, magnitudinem, insertionem, motus, vires ingentes unguium, & musculorum ad vivum delineatas figuras exposuit.

Sic pellicani Versaliis allati partes dissecuit, musculos qui varios colli motus exerunt, alarum itidem musculos & membranas exhibuit. Tigris quoque in Sinensi regno dilectæ descriptio ad P. Goye S. J. & inter Academicos honorarios adlecti missa à PP. ejusdem Societatis, & cum Academiâ communicata lecta fuit, & discussa. Hujus generis Tigres nigris fasciis distinctæ in Europâ pene sunt incognitæ. Tigres tantummodo maculatæ videntur, quæ tamen à prioribus nullo fere alio discrimine secernuntur. Tigris illa radiata, quæque à Sinensi Imperatore cum quatuor aliis occisa fuerat, 26½ libris pendebat cum una ex aliis 400 librarum pondus æquaret. In ea quæ dissecta fuit pars tertia ventriculi vermibus repleta inventa est, cum tamen eam non fuisse corruptam unus ex iis qui huic dissectioni aderant, testatus fuerit. Cum ex occasione ageretur de hydrophobiâ, seu aquæ & liquidorum omnium horrore, quæ rabiem comitatur, D. Sauvvy paucis ante diebus juvenem à se visum testatus est, qui ex canis rabiosi morsu eo morbo laborabat, quique visâ aquâ in furorē agebatur: mortui cadaver aperuit, si forte quiddam cum eo symptomate hydrophobiæ conjunctum inveniret. Oesophagi interiora inflammata apparebant, Aspera arteria eodem ardore nonnihil contacta videbatur; cystis fellea bile pene nigra erat repleta; in pericardio perpartum aquæ supererat, arteriæ liquido admodum sanguine plenz, venæ non item, sed erant pene inanes; nusquam sanguis coagulatus visus est; nec post mortem coactus est etiam frigido aëri expositus, cum tamen sanguis emissus è venâ aliquot ante diebus, cito coaluisset; cerebrum & omnes ejus partes sicciotes erant, uti & medullæ spinæ initium, & omnes corporis muscoli.

Ad hæc D. Sauvvy conjecturas suas direxit, salivam & bilem primum veneno esse inquinatas, ægrum vomitu ejecisse materiem quâ oesophagus ulceratus potuit odium cibi cilm solidi, tum liquidi imprimis creare, tum liquida sales noxios bile aut salivâ involutos exsolverem. In alias causas symptomatum quæ luctuosum hunc morbum, nec satis cognitum inquirere, hinc concludit acerbis & calidis medicamentis hunc morbum magis irritari, si saltem marinum exceperis, quo partes sanguinis una conjungi possunt. Fors est ut Mercurius in magnâ quantitate sumptus obices illos revelleret quibus arctantur venæ, & sanguinis circulatio inhiheretur. Quin & præcipitantia humorum acredinem salivæ & bilis temperarent, tum lactis haustus succum nutritium, quo sanguis destituitur, instauraret.

D. Poupert dissertationem de scorbuto legit è scripto quæ Actis hujus anni inserta est, & edita complures eâ labe contactos vidit, ac multa sunt ab eo observata circa hujus morbi circumstantias.

ANN. Die 22 Augusti D. Homberg observationes suas circa insectum quoddam, secus flumina & rivos frequens, quod nobilis puellæ, vulgo *Demoiselle* nomine insignitur : tamen varia insectorum genera eo donantur nomine. Illius generis, quod describendum suscipit, hæc fere est historia. Mas & femina ejusdem fere sunt magnitudinis, longitudo est 20 linearum, utriusque sexus corpus æque gracile, nisi quod in femina extremum ventris crassius est, ambo admodum actuosi & acres. Maris color est violaceus & lucidus toto corpore; quatuor alæ pellucidæ cum magnâ maculâ in medio cuiusque alæ, eaque purpurea, feminae corpus cinerei coloris qui in vitidum vergit, alæ itidem pellucunt absque maculis: cum quiescunt quatuor alæ sibi mutuo ita admoventur, ut unius alæ speciem præbeant, cum alia hujus generis insecta porrectas semper habeant alas; caput pro mole corporis admodum crassum tenui filo cum trunco necitur.

Venter ab eo loco cui alæ insitæ sunt usque ad extremum corporis porrectus in 10 annulos porrigitur, qui sursum, deorsumve, non ad latera moventur. Pectus pars illa dici potest cui alæ inferuntur. Videntur tamen illius pulmones in medio ventris sit: nam pars illa alternis intumescit & detumescit per exigua intervalla; extremus in mare articulus est simplex annulus, isque anus est quatuor uncinis instructus, quorum duo sunt superiores, totidem inferiores, & exiliores, quos aperit, & claudit fere un cancris; in extremo ventris feminae duo quoque sunt tubuli, quorum superior, ani vicem fungitur, alter inferior, qui ad uterum aditus est: uterque hic canalus duobus aculeis instructus est, cum anus maris quatuor uncis muniatur.

Qua ratione hæc animalcula coeant, D. Homberg fusius describit. Vidit ipse feminam folio arboris insidentem à mare prætervolante abreptam, uncinis collo infixis, qui cum in junci folio resedissent, unâ coierunt eo quo exposuit modo, & figuris delineavit: partes maris generationi destinatas pectori contineri circa secundum annulum existimat, ut in femina in extremo ventris positæ sunt; unde in ipso coitu ventrem inflectere cogitur, cumque pectoris maris subicere. Multa discucit ejusmodi animalcula, nulla in feminis ova reperit, ac subinde fieri potest ut exclusis ovis brevi intereant; uti & mares brevi post coitum tempore.

Quæ prima coepit illius generis insecta, circa dies 18 Julii vegetiora erant & prolixiora quam quæ aliquot post diebus.

D. Poupert tum recensuit varia insectorum genera, in quibus uterque sexus confundi videtur; lumbricos imprimis, aut vermes caudâ rotunda in hominis & æquorum intestinis frequentes; cuncta limacum genera, hirudines. Cum autem ejusmodi insecta sint reptilia & ossium expertia, id putat verisimile eandem esse rationem insectorum omnium quæ reptilia sunt & ossibus destituta. Natura quippe variare solet circa diversa animalium genera, non item circa ejusdem generis species.



CAPUT VI.

De Botanicâ

Varias stirpium descriptiones & earum usus profecuti sunt D. D. Marchand, & Tournefort, quorundam analyses D. Bourdelin exhibuit, qui exeunte hoc anno extremum diem suum obiit, natus annos 79. Vir erat indefessu laboris, in Chymicâ & in medendi arte experientissimus, sincerus idem & candidus; iudicio acri & perspicaci. Egri cujuscumque conditionis ad eum adibant de morbis quique suis consultari, iis ultro, & gratis quid faciendum existimaret, cum vivâ voce, tum scripto consilium dabat, plerumque non asseveranter, sed dubitanter, cum probe nosset quæ ad artem medendi spectant, hæc magnâ ex parte in conjecturis esse posita.

Jam ut ad ea veniamus quæ sunt Physicæ contemplationis.

II. D. Dodart dissertationem è scripto legit de arborum velut habitu. Res ipsa fusius & explicatius in Actis Academicis continetur, cujus hoc est summarium ab ipso Auctore contractum. Quoad gestum seu habitum plantarum res ipsa vulgaris est, parallelismus ramorum cum solo; sive plano, sive inclinato in parulis arboribus, quales sunt maximè pomiferae, & quædam glandiferarum sylvestrium, ut Fagus, Quercus, & Echinararum, ut castanea. Vulgaris quidem res, sed mira, præterea à nemine quod sciam animadversa. Sic autem res se habet, ut inclinato ad planum stipite, rami nihilominus ad planum sint quodammodo paralleli; vicissim stipite ad perpendicularum stante in inclinato solo, rami sint itidem inclinato solo paralleli; denique stipite eodem habitu in supercilio clivi stante utrimque rami sequantur habitum soli, sive ad planam, sive ad deexam ejus partem.

Causam rei diu sciscitatus conjicit ex habitu radicum & fibrarum tractione super punctum divaricationis ramorum & radicum gestum hunc fieri, idque machinula quadam ad hanc similitudinem comparatâ repræsentat.

Cujus phænomeni hanc affert causam in dissertatione sua, quòd radices arboris ad illius soli, aut plani, unde ipsa assurgit, situm ita sese accommodent, ut succum alimentitium inde sugant, ubi quam minimum offendant obicem. Quod utique fit dum inter geminum solum effunduntur, ubi minus est impediementi, quàm si deorsum recta tenderent. Hæc adeo radicum projectio, plano ipsi cui caudex vel arbor insistit, erit parallela. Radices vero unâ cum trunco & ramis ex iisdem constant fibris & rectis & sibi mutuo parallelis, eæque ab extremis radicibus ad caudicem usque & ad ramorum apices extenduntur.

Quocirca hæ fibræ duplicem efficiunt angulum, aut inflexionem, unum in collo radice, ubi cum stipite cohæret, alterum efficiunt angulum in rami cujusque collo cum stipite. Cum igitur radices sint parallelæ plano ipsi cui

Z z z iij

ANN. arbor innititur, ubi arboris truncus huic plano infistit ad perpendicularum, is quo-
 1699. que supra radices ad normam erigitur; idem inclinatur ad radicum projectio-
 nem, ut ad planum ipsum. In priori casu fibræ ab extremis radicem con-
 tinuatæ ad ramorum usque extrema, ex utraque parte colli radices cum
 trunco rectum efficiunt angulum; in posteriori casu angulorum alter est ob-
 tusus, alter acutus, alterni vero sibi mutuò æquales, hinc parallelismus.
 Quod si enim fibra ab extrema radice orta angulum obtusum facit cum ar-
 boris caudice in collo ipso, eaque obtusum itidem, vel rectum efficeret an-
 gulum in collo rami, ubi candici cohæret, hæc fibra multo productior eva-
 deret: sed fibræ lignosæ ut facile flecti possunt, sic ægrè producuntur. Qua-
 mobrem fibra quæ in radices & trunci collo flexu suo obtusum comprehen-
 dit angulum, ex eodem latere rami è trunco prodeuntis, angulum efficit
 acutum obtusi anguli complementum, ita ut rami sint ipsis radicibus, aut soli
 plano paralleli.

Nihil igitur mirum est, si in parulis arboribus basis cuiusque ramorum
 apicis, *de la touffe*, sit solo subiecto parallela, ac solum ipsum ab illo ramo-
 rum globo obumbreretur. Atque illa parallelismi affectatio adeo constans est,
 ut si forte arbor è subiecto assurgat plano partim horizontali, partim ad ho-
 rizontem inclinato, basis ipsius apicis, seu conferti illius velut ramorum ca-
 pillitii ex una parte horizonti sit parallela, ex altera tantumdem incli-
 nentur.

III. Die 16 Maii 1699 D. Homberg dissertationem è scripto legit in
 quâ stirpium sales expendit, utrum eos è terrâ plantæ trahant, an fermenta-
 tione quâdam, aut aliâ quâvis ratione in plantis ipsis formetur. Cum qui-
 dam stirpium sales, qui dicuntur essentielles in ignem con ecti neri, seu salis
 petræ, alii salis communis effectus procreent: hinc suspicari licet genuinum
 saltem petræ aut saltem communem plantis inesse, adeo ut hos sales stirpium
 radices attrahant illasæ eorum natura, nisi forte plurium salinum admixtio
 aliquam inducat diversitatem. Cum autem videamus duas plantas diversi
 generis & ita sibi vicinas, ut earum radices in terrâ dispersæ pene confusæ
 sint, & permixtæ, suum servare proprium saporem aut odorem, tamen
 communi velut succo nutriantur, qui ex æquo utrique utilis est, hinc iusta
 oritur suspicio succum à planta exsuctum posse aut ex fermentatione, aut aliâ
 ex causâ naturam illius salis qui in plantam sublatus est, exuere, adeo ut sal
 petræ salis marini, interdum urinoli formam induat, ut plantæ fibræ, aut or-
 gana sunt disposita.

Quo autem id ipsum diligentius expendere D. Homberg, quædam fecit
 experimenta quæ lucem aliquam rei satis involutæ inferre possunt: capsam
 terrâ horrensi & nigri implevit, aquam calidam sæpius huic affudit, ut eam
 sale quantum fieri posset, omnino spoliaret. Eandem hujus terræ molem
 aliis capsis ex æquo distribuit. Ex iis duas sclegit, quibus aquam infudit sale-
 petræ sic imprægnatam, ut unicuique duæ nitri uncie imponerentur, cum
 singulæ capsæ terram caperent 100 fere librarum; duæ reliquæ terrâ insipidâ
 oppletæ sunt, cautione adhibita, ut aquâ tantum purâ irrigarentur. Fœni-
 culi semen sparit in unam è capsis sale-petræ irrigatam, & in alteram, cui terra
 æneat insipida, in aliis itidem duabus nasturtium hortense posuit.

IV. Grana in singulis sparsa optime germinarunt, nasturtium ad 7 aut 8 Bot.
pollicum altitudinem cum excrevisset, avulsū est 25 unciarum pondere; in nica.
terrâ inspidâ enatū, 27 unciarum cum semisse, in terrâ nitro irrigata; nulla
in utroque sale apparuit saporis differentia, igne utraque examinata nullum
fere discrimen ex ipsa analysi apparuit, nisi illud tantum quod terra nitro
irrigata paulo amplius olei, salis cum fixi, tum volatilis præbuerit, cumque
majus aliquanto nasturtii pondus in terrâ nitro impregnata prodierit, quā
in terrâ inspidâ, hinc forte conjici potest salem, si minus ad vegetationem
stirpium, certe ad eam augmentum nonnihil asferre momenti.

Fœniculum diutius sivit excrecere priusquam ejus analysim aggredieretur.
Quod in terrâ inspidâ germinavit, & colore ad flavum vergente corporis
habitu, & pondere multo inferius fuit, humiliter quoque & quasi exsuccum;
pondus illius erat 19 unciarum, cum alterius pondus esset duarum librarum.
Analysī factâ, liquoris acidi plus extractum est ex eo quod terræ inspidæ
mandatum fuerat, minus olei, salis fixi multo minus, duæ tantummodo
drachmæ cum 10 granis: cum ex altera tres drachmæ prodierint. Id etiam
forte evenit quod fœniculum esset altero proventus & floribus emittendis
propius: tum enim stirpes plus salis, & minus acidi liquoris proferunt. In
utraque capsâ grana æque cito germinarunt; exacto mense D. Homberg ani-
madvertit alterius capsæ fœniculum, minus bene vegetari; in nasturtio id ip-
sum observare non potuit, quod forsitan citius avulsū fuerit; si diutius id
excrecere sivillet, idem quod fœniculo evenire potuisset.

Hoc unice satis verisimile est junioreta plantam in duobus locis quasi in
placenta seminis satis alimenti invenire, quando ii perstant lobi, tumque solâ
aquâ ipsi opus est ut crescat, aquâ per radices subeunte, eaque in corpus
plantæ advectâ jam bene præparata, tanquam succo idoneo. Sed absumptis
lobis planta in terrâ ipsâ succum nutritivum querit; ac necesse est ut humor
ille pingui materiæ & salsæ admisceatur, quæ fibris plantæ adhærescat, dum
aquosus humor paulatim exhalat, secus augeri desinit, & tandem est mori-
tura. Quod forsitan causa fuit, cur fœniculum capsæ sale exutæ non ita ado-
leverit, ut alterius capsæ fœniculum: nec tamen illud penitus emarcuit,
quod lotiones aquæ calidæ etiam sæpius repetitæ non omnes omnino sales
extraxerint, sed eos tantum qui citius aquâ exsolvantur, quique succum ma-
gis exquisitum suppeditant, dum materia pinguior, quæque ab aquâ solvi
nequit, in terrâ superstes manet: hæc succi nutritii pars quædam est inter
præcipuas, sed quæ sit inutilis, nisi salî alicui societur, qui illam dissolvat, ut à
radicibus exsugî possit.

V. Et quidem illud in utriusque plantæ analysi observatione dignum est,
nasturtium nitro, seu sale admodum acido irrigatum, nullum acidi indicium,
sed principia alcali fœta dedisse, uti & nasturtium omne in terra fertili &
stercorata satum. Sic fœniculum nitro persusum, multum acidi, & salem
fixum acido stirpis suæ temperatum exhibuit: quocirca sal acidus à stirpe
quæ multo Alkali fœta est, exsuctus nihil fere in plantâ acidi relinquit, &
contra quæ acidæ est naturæ in terrâ omni pene sale spoliata germinans,
multum per analysim acidi suppeditat, ex quo illud concludi potest sales in
plantis maximâ ex parte formari, quales se produnt; adeo ut sales qui terræ

ANN. infunt, configurationem suam in ipsis plantis prorsus mutant penes plantarum
1699. organa, & fermenta plantis insita.

VI. Cum Tamarisci saris frequens sit usus in arte Medendi, D. de Tournefort die 3 Junii de illius origine, natura & effectibus disseruit, & arborem ex qua fructus ille excerpitur, pulchrè descripsit, quæ descriptio in Aëtis hujus anni Gallicis p. 96. & sequentibus est consignata. Tamariscus arbor est nucis juglandis instar, procera, & parula, quæ in Africa, Arabia & in quibusdam Indiæ Orientalis regionibus reperitur. D. de Tournefort anno 1689 unam ex iis arboribus in regno Granatensi offendit, illius partes omnes intento animo est contemplatus, quæ loco citato videri possunt. Fructus quasi duplici filiquâ, quarum una alteram involvit, aut substantia medullo-^{sa}, quales in pharnapoliis vernalis est, repletur. Hæc pulpa est subnigri coloris, acidi saporis, & vinosi, glutinosæ substantiæ; semina terna aut quaterna filiquis continentur, duplici in cujusque seminis extremo lobo germen unius lineæ longitudine in fossula inclusum jacet.

Sex libræ pulpæ in 8 libris aquæ dilutæ sex drachmas salis essentialis per analysim percuerunt. Sal ille duorum mensium spatio parietibus fictilis capedinis, v. terrine, adhæsit: quo quidem tempore liquor filtratus situm non contraxit, ut fit in plerisque plantarum succis. Id vero notatu dignum observat D. de Tournefort, præpropere nimis salem essentialem ex hujusmodi succis extrahi solitum: horum enim eadem est ratio quæ tartari, quod à vino nisi post certum temporis spatium non secernitur. Itaque diu expectandum est, donec succi è plantis expressi salem omnem essentialem depo-^{nant}, neve mucorem contrahant; oleum ad digiti aquæ altitudinem affundi debet, & in vase fictili per annum sunt relinquendi. Sic magna salis essentialis copia è sumaria post 7 aut 8 menses colligitur, cum vix aliquot grana post 7 aut 8 dies more solito extrahuntur. Sal ille è tamariscis extractus cremori tartari omnino consimilis videtur: acidulus est, neque in aqua frigida dissolvitur, oleo tartari perfusus o-^{re}orem vinosum non spargit. Tamarisci aqua communi diluti post aliquot mensium digestionem spiritum tantummodo acidum spiritui aceti non dissimilem præbent, adeo ut quicquid iis inest acidi ab omphacii naturâ non abhorreat, cujus sal essentialis à tartaro non discrepat. Ex quo quidem ratio afferri potest, cur tamarisci alvum solvant: Nam ex aceto constant & sulphure, adeo ut pars resinosa acido animata hunc procreet effectum, quemadmodum Mannæ omphacii diluti vis purgatrix augeri solet. Fossilium tantummodo acida purgantium vim debilitant, non item spiritus aceti, aut citri, aut limonii.

VII. Illud quoque non tacendum à D. de Tournefort observatum, quodam genus salis essentialis cremori tartari non dissimilis tamariscorum ramis interdum adhærescere. Sal ille exhalat, & indurefcit, postquam succus nutritius extra vasa sua præ nimio æstu effusus fuit: quod in multis aliis evenit arboribus, ut in Acere aut in Sycomoro vulgari jam observatum alibi diximus. Tiliæ folia hoc sale sunt perspersa æstate affictâ. Quod eorum sententiam consummat, qui negant Manna Calabriæ à cælo delabi, sed per ramos & folia orni transsudare. Hinc D. de Tournefort id vero simillimum existimat, Manna Calabriæ non aliud quiddam esse præter illius arboris salem
essentialem


essentialem sulphuri admistum, Manna itidem Brigantinum, *de Briançon*, ipsum *Astro-*
esse salem essentiali Laricis, v. *Melezé*, cum sulphurea portione con- *nom.*
iunctum; in-ò & saccharum quarundam arundinum quæ in Australi Ame-
rica, & in Hispania coluntur, salem quoque esse essentiali.

VIII. Hinc D. Tournefort succorum effluvia in plantis ad quatuor ge-
nera revocat. Primum sale essentiali plantæ abundat, ut manna saccharum,
mel ipsum & liquores omnes qui saccharum referunt, quique in florum parte
infima sunt reconditi, & è plantis ipsis dimanant. Sic in regionibus calidio-
ribus folia salicum saccharo quodam candido operata videntur. Atque
ad verisimillimum est hos liquores ab apibus colligi, & in eorum organis
perfici.

2. Sunt resinæ puræ & oleosi succi extra sua vasa effusi. In Abietis
cortice vasa, quæ hos succos deferunt, & canales his repleti oculis ipsis
cernuntur.

3. Sunt succi aquosi, & glutinosi instar mucilaginis, cujus generis sunt
gummi in sola aquâ solubilia ut in nostris cerasis, & prunæ.

4. Sunt resinæ, & gummi quæ partim in aqua, partim in spiritu vini
dissolvuntur, de quibus alibi dicturus est.



SECTIO ALTERA.

De *Mathesi*.

DE Mathematicis tractaturi ab Astronomicis ducemus exordium.

CAPUT PRIMUM.

De *Astronomicis*.

I. **M**itto hoc loco referre observationes circa jovis maculas & fascias
à D. Cassino factas quæ interdum à se mutuo distrahuntur, in-
terdum unâ confunduntur: nam de his sæpe diximus; sed stellæ in disco Lu-
næ visæ à P. Feüillet Ordinis Minimorum, & eximii Astronomi observatio-
cum sit singularis, & cum Academiâ communicata, silentio non est præte-
reunda. Die 7 Martii anni 1699 hor. 9, 39 cornu australe lunæ ab eo fuit
observatum, quod Hyadas percurrens stellam, quæ est ad latius occidentale
Aldeboram, quæque à Bayero littera θ designatur, mox obductura erat.
Illud vero in hac observatione fuit singulare, quod ubi stella extremum lim-
bum lunæ lucidum attigisset, eaque adeo à corpore lunari tegi debuisset, per
aliquot tamen minuta horâ secunda disco lunari illuminato insistere visa est.

Aaaa

ANNO 1699. quo quidem tempore aliquantum progressâ tandem omnino evanuit. Quod si lunam atmosphæra cingeret, hujus phænomeni ratio obscura non esset, radii quippe refracti ad nos usque deducti illius stellæ imaginem in corpus lunæ retraherent. Sed nullam esse in lunâ hujusmodi atmosphæram longe est probabilius. Unde cum D. de la Hire ejusdem observationis faciendæ captasset occasionem, aliam hujus phænomeni invenit rationem. Viderat stellam æquabili motu ad lunæ limbum semper accedere: at si lunæ circumfusa esset atmosphæra, quàm primum stella eam attigisset, statim radii ejus refracti sub iis angulis ad oculum venissent, qui ab iis diversi fuissent, quibus ante refractionem ad nos usque pervenerant, iique itineris à stella decursi apparentem longitudinem mutassent.

Objecta quidem lucida nobis majora apparent, quàm revera videri debeant: nam propter eorum distantiam radii facilius coeunt, & citra retinam coeuntes majorem imaginem, sed confusam in retinâ depingunt. Tubi optici hoc incrementum addititium & falsum rebus objectis non penitus detrahunt. Itaque D. de la Hire suspicatur stellam eo temporis spatio in disco lunari conspici, quo unâ cum auctâ imagine lunæ concurrat, eo exacto luna reipsa stellam occultat. De parallaxi annui orbis postea actum fuit.

II. In systemate Copernici axis terræ semper sibi ipsi parallelus motu annuo quoddam cylindri genus describit, quod ad stellas usque productum basim circularem in firmamento delineat.

Quodlibet hujus circumferentiæ punctum est polus mundi cuilibet diei respondens. Sic polus terræ, & totius orbis vertente anno indefinenter mutari deberet, quod quidem cum ipsis observationibus non cohereret. Atque hoc est præcipuum adversus Copernici systema argumentum, quod aliter dilui non potest, nisi hac positâ hypothesi, orbem annuum terræ cum fixarum distantia comparatum esse ita exiguum, ut basis illius cylindri huic æqualis instar puncti se habeat; neque ut circumferentia, sed ut centrum aut punctum censendum sit: adeo ut diameter orbis annui, seu dupla solis à terrâ distantia, pro nihilo habenda sit. Quæ sane hypothesis violenta omnino multis videtur. Ab hoc systemate minus abhorreret animus si aliqua inter polos mutationi accideret, quæ non aliunde quàm ab axi terræ oriretur.

III. D. Flamsted inter Angliæ Astronomos valde illustris, in diversis anni temporibus stellæ polaris à polo ipso distantiam variatam observavit, atque hanc variationem à motu terræ proficisci arbitratur. D. Cassinus filius observationes D. Flamsted cum iis quæ in observatorio factæ sunt, consentire fatetur, sed negat ejusmodi variationes ejusmodi esse quæ in motum terræ annum referri possint, idque probat argumentis ex intimâ Geometriâ & Astronomiâ petitis.

III. Cum in cælo ipso terræ mensuram, & locorum situs quætere oporteat, Patres Societatis in variis terræ regionibus, quas propagandæ Christianæ Religionis causa peragraverunt, complures fecerunt observationes quas Pater Goye Academicus honorarius collegit, & cum Academiâ communicavit: præcipuarum civitatum Sincensium longitudines & latitudines in Historiâ Academiæ Gallice scripta assignatas invenies.

D. le Fevre die 12 Martii Lunatis eclipscos, quæ futura erat die 13 hunc *Astro-*
exhibuit calculum. *nomy*

Initium futurum est 3 h. 36, 41.

Medium 7, 22, 7.

Finis 8, 47, 33.

Magnitudo 7 digitorum, 42.

Quæ prædictio cum observationibus à D. D. Cassini & de la Hire factis omnino consentiens, quam accuratæ sint tabulæ D. le Fevre satis persuadet.

Die 23 Septembris solis eclipsis ab iisdem Astronomis fuit observata quousque in hac sublimi & reconditâ materiâ humani ingenii progressa sit industria, ex scripto D. Cassini facile intelligitur.

Umbra à lunâ in terræ superficiem projecta, motum illius ab occasu incertum consequitur: quæ à partibus Americæ Orientalibus & Boream versus positis incipiens ad occiduas Sinensis regni regiones definit, postquam mediam Africam & Æquatorem ipsum pertransiit. Hujus umbræ ad dimidiam fere partem septentrionalem nostri hæmispherii protensæ, ac versus polum pars magna in terram non pervenit.

V. In hac umbrâ D. Cassinus mediam describit lineam quæ per solis & lunæ centra ducta densiorem effecit obscuritatem. Eodem prius modo per terræ superficiem ea est ducta, hæc cuncta orbis terrestis loca, in quibus eclipsis centralis ut vocant, visa est, delineata demonstrat; ex utraq; hujus lineæ parte umbra est dilutior, atque ibi partialis tantummodo erat eclipsis, quæ hoc minor erat, & umbra debilior, quo loca erant viciniora extremo margini. Quantâ celeritate hæc umbra terram percurrat ipse definit, tanta est ut globus bombardilis illius celeritatem non assequatur. Cum recta per solis & lunæ centra ducta orbis terrestis centrum pervadit, eique insitit ad perpendicularum, umbræ projectio est circulus, secus est oblongior, & eo magis irregularis, quo radii extremi quibus cingitur, magis ad diversas terræ partes, in quas incurrunt, & variis modis inclinantur. Hæc projectæ umbræ obliquitas id efficit, ut latius pateat, nec tam rapide pertransseat. Radii quibus umbra terminatur distracti, & extiorum per refractionem projecti umbram augent.

Postquam D. Cassini loca designavit, in quibus eclipsis centralis videri potuit, id postea inquit an eadem quoque totalis videri potuerit. Hoc utique ex diametris apparentibus solis & lunæ judicatur, si diameter solis sit major, eclipsis erit annularis, nam soli superest limbus lucidus, quo cingitur lunæ discus obscurior; lunæ diameter major eclipsim totali majorem efficit, & sol per aliquot momenta obducitur, si æquales sint diametri, totalis est eclipsis, sed ad momentum tantummodo. Habenda quoque est ratio horæ quâ in iis locis visa est eclipsis centralis. Non enim luna à tellure adeo distat, ut distantia illius cum est in meridiano & in horizonte non sit aliæ ejus momenti, minor est cum horizontem stringit, quod longius à nobis distet, propior est & major in meridiano, tametsi oculorum judicio minor

ANN. videatur, sed error est in oculo qui nihil mutat de reali variatione, quam dis-
1699. versæ efficiunt distantie.

V I. Die 17 Junii D. Cassinus quædam phænomena die 10 in jove obser-
vata recensuit, quæ in Actis p. 103 descripta invenies. Macula erat insignis
fasciæ tenui, quæ erat instar diametri jovis, affixa. Hæc hora 10, 38 centrum
jovis occupabat. Aliæ itidem tres postea visæ sunt. Duæ fasciæ subobscuræ,
de quibus sit mentio in Actis Academiæ olim editis, quæque anno 1691, &
1692 sunt observatæ, non amplius eadem occupant loca, & magis inter se
distant, quàm antea; si tamen sunt eadem cum prioribus, an potius novæ
sunt, quæ aliis deletis emerferunt. Magna quidem in fasciis accidit mutatio.
Nam interdum sunt arctiores, interdum latiores; aliquando interruptæ,
mox coalescunt. Borealis fascia per 40 annos omnium latissima, abhinc bien-
nio valde contracta est.

C A P U T I I.

De Geometricis.

I. Q Uæ ad Geometriam, & Algebram pertinent, stricte attingimus;
quod in Acta Academiæ relata fuerint, & prelo subjecta. Hujus
generis est illud problema à D. Bernouilly Matheseos Groningæ Professore,
& inter Aggregatos Academiæ cooptato solutum ac missum ad Academiam
à D. Varignon relatum. *Quadrare infinita prope segmenta, & sectores cy-
cloidis, hoc est spatia quæ aut sola, aut cum rectis lineis comprehendunt*,
accurate dimetiri, id enim vocant quadraturam. Cum illud spatium men-
surari potest, qualicumque sit curvæ portio, & partes diametri, seu ordi-
natæ quæ una cum linea curva spatium illud comprehendunt, hæc dicitur
quadratura absoluta, qualis habetur parabolæ. At sæpe evenit ut spatia tan-
tummodo certis curvæ portionibus, aut quibusdam ordinatis quadrari, seu
mensurari possint.

II. Cycloidis dimensionem indefinitam à circulo illius generatore pen-
dere, illam adeo esse impossibilem persuasum ante fuerat: sed D. Hugen-
primus omnium certi cujusdam spatii quadraturam invenit, tum D. Leibniz
alterius itidem determinati spatii mensuram reperit, postea D. Ber-
nouilly Matheseos Groningæ Professor, & inter Geometras illustres,
infinita prope spatia quæ mensurari possunt, excogitavit. Sic Geometria in-
credibiles facit progressus ubi ab eximiis tractatur ingeniis. Hæc tamen qua-
dratura est tantummodo ut loquuntur partialis: nam quibusdam arctatur
conditionibus; species est, cui infinita subsunt individua, sed species est
tamen.

III. Illud fuit anno superiore Geometris Europæ propositum problema,
ex hypothesi quòd corpus oblique ad horizontem decideret, quænam sit curva
linea ab eo descripta, ut quam citissime fieri possit, id decidat. Non enim,
quod mirandum magis est, rectam lineam licet omni curva breviorẽ iisdem

punctis terminata corpus illud describet, soluto problemate à paucis Geometris hanc lineam cycloidem esse compertum fuit.

Acceleratio corporum gravium, qualem statuit Galilæus, universim recepta est. Juxta hanc hypothesim corpus inter decidendum cum cycloidem describit, æquis semper temporibus descendit, licet magis aut minus accedat ad horizontem, atque ex majore aut minore altitudine decidat.

At si posita Galilæi progressionem in descensûs acceleratione corpus æquis temporibus ad horizontem semper æqualiter accedere volumus, jam non amplius cycloidem, sed aliam describet curvam.

Altitudo ipsa, & descensûs acceleratio in linea rectâ ad horizontem perpendiculari designantur, quæ curvæ diametret futura est, & cujus diversæ partes diversis itidem respondent arcibus.

Cycloides vero est ejusmodi, ut corpus à quo describitur, si ex majori altitudine delabatur, quoddam velocitatis augmentum acquirat quæ juxta Galilæi hypothesim definitur. Arcus cycloidalis describendus major eam quâ donatur velocitatem, omnino consumit, adeo ut corpus majori velocitate motum citius non decidat, nec tardius, si longius illi iter sit conficiendum, atque hinc oritur æqualitas temporum, tametsi arcus sint inæquales. Sed longe aliter res se habet in eâ curvâ quæ nunc quaeritur: id enim exigitur, ut corpus grave, quod è dupla cadit altitudine, duplum quoque temporis spatium impendat, atque ut arcus quem inter cadendum describit, sit ejusmodi, ut præter velocitatis augmentum duplo temporis spatio opus sit, quo eum describat.

III. D. Leibnits id comperit, hanc curvam esse secundam parabolam cubicam: hæc illi inest proprietas, quod corpus grave curvam illam in descensu descripturum, ut æquis temporibus ad horizontem æqualibus spatiis accedat, in ipso descensûs initio hanc delincare non possit, idque necesse sit, ut rectam lineam è certa altitudine primum percutrat, quam hujus parabolæ natura determinat.

IV. In eo statu problema erat cum à D. Leibnits, & à D. Bernouilly solutum fuit: sed D. Varignon illius solutionem nimis arctatam esse arbitrat, aliis terminis eam expressit, qui multo latius patent, adeo ut corpora ad horizontem æqualiter accedant, non modo æquis temporum intervallis, sed in eâ quâ libuerit temporum ratione. Neque id necesse fuerit Galilæi progressionem sequi, eâ quippe admissâ hypothesi, quæcumque excogitata fuerit, ex hac methodo adeo generali infinitus curvarum numerus prodibit quas exigent omnes quæ fingi possunt hypotheses.

V. Ista quidem de rebus Geometricis quæ in Actis publicis continentur, nunc perpaucâ de Algebraicis, tametsi quæ mox attulimus ut quidam Algebrae fructus habenda sunt. Quam illud sit difficile æquationes resolvere, ex quo ultra secundum pervenerint gradum, norunt omnes qui in hac scientiâ versati sunt. D. Varignon methodum excogitavit ad hunc gradum, simul & ad tertium accommodatam, adeo simplicem & facilem, ut mirum sit hanc non fuisse antea inventam: hæc in commentariis excusa est & publicata. Quamvis summa Algebrae utilitas ad omnem omnino Mathematicum celeberrimos Geometras excitatis, ut eam perficerent, satendum tamen est illam adhuc

AN. esse admodum imperfectam, & methodos magis exoptatas nondum esse detectas. Quin etiam D. Rolle qui in hac scientiâ magnos progressus fecit, in variis confessibus proposuit, Algebraicas methodos ab optimis auctoribus propositas, quæquæ ut tunc vulgo habentur, suis mendis non carere, & interdum eas falsas esse. Hoc magnum quidem foret viris doctis persuadere: Sed majus quiddam se facturum sperat D. Rolle, nempe ut in eatum locum sufficiat rutiore & certiores methodos quæ majoris operis pars futura est, neque ex eo quicquam decerpi oportere judicatum fuit.

Doctor Ramondus Coninkius præpositus Palatii Limæ facello libellum edidit Limæ excusum anno 1696, in quo solutionem famosi problematis de cubi duplicatione à se inventam putat: hunc librum misit ad Academiam D. Bruynsteem urbis Brugensis quætor, atque ejus ea de re sententiam rogavit. D. de la Hire cui id muneris datum est, ut problematis solutionem expenderet, paralogsimum in eâ delitescentem, & satis involutum apprehendit.

CAPUT III.

De Mechanicis.

I. Geometriæ mechanica est conjuncta maxime, imo & nostra hac ætate ex Algebra ipsa magna cepit incrementa: cû enim è Physicâ causas & principia sua deducit, motuum nempe & potentiarum vires, tamen momenta ipsa determinat Geometria, & Algebra velut ad calculos ea revocat, unde ad vitæ humanæ usum, ad artes pene omnes & belli & pacis machinatrix cum magnâ utilitate adhibetur. Neque alio nobis exemplo opus est, ut id ipsum probemus, quam illud ipsum quod est in manibus, quodque ad navium fabricam spectat.

Id utique est notissimum corpus in liquido positum partes liquidi scindere, & distrahere, quæ huic separationi resistunt. Hæ quidem, (si nulla habeatur ratio cujusdam velut glutinis, quo inter se plus aut minus partes coherent in diversis liquidis) hoc magis resistunt, quo incursum corporis in liquidum aut collisio ipsa magis accedit ad perpendicularum.

Quamobrem ut corpus, quod vehitur in liquido facilius moveatur, ea figura donari debet, quâ liquidum excipiat ex obliquo, quantum fieri potest maximè. Triangularis figuræ apice antrosum promoti partes ejus omnes oblique feriunt corpus oppositum: sed cum eadem in omnibus sit obliquitas, optandum id foret, ut unaquæque pars in liquidum semper obliquius incurreret, quàm illius proxima. Hoc perpetuum obliquitatis augmentum tantummodo reperiri potest in lineâ curva, cujus unumquodque punctum spectari potest ut recta infinite parva in alias sibi vicinas inclinata. Quæ autem sit illa curva, cujus obliquitas, aut inclinatio indefinenter mutata in omnibus & singulis partibus omnium esset aptissima dividendis liquidi partibus, problema est, cujus difficultatem soli Geometræ iique eximii sentiunt; quodque

per solam Geometriam recens inventam & summa industria tractatam alle- Geom.
qui licet Hoc solvit D. Marchio de l'Hospital; D. quidem Neuton illi
præverterat, tametsi solutionem ejus non divulgavit, sed specimen ejus ex quâ-
dam curvæ illius proprietate ita exhibuit, ut eâ de re dubitare non liceat.
Siquidem D. de l'Hospital hanc statim curvæ affectionem in curvâ à se in-
ventâ agnovit, adeo ut utraque sit eadem. D. Facio hoc quoque problema
solvit, sed per anfractus adeo difficiles, ut circuitus ille D. de l'Hospital cò-
impulerit, ut vim ingenii sui & methodi perspicuitatem ad eam rem inten-
deret.

Id quidem constat navem cum cætera sunt æqualia, nunquam velis cele-
rius ferri, nisi cum majorem distrahendæ aquæ facilitatem ex figurâ ipsâ
nacta fuerit. Quæ autem sit illa figura nunquam innotuisset, nisi Geome-
tria illa sublimis, quæ ob nimiam sublimitatem multis videtur inuicilis, adhi-
bita fuisset.

I I. Illud quoque ad machinatricem videtur pettinere, ut vires ferendis,
aut movendis oneribus necessariæ ad leges mechanicas exigantur. Hoc qui-
dem omne à structurâ muscutorum, & eorum nisu, nec non à situ ipso cor-
poris pendet. Experienciâ tantummodo diversorum muscutorum vires cog-
noscamus. Sic homo flexis in terrâ genibus, pedum extremis innixus, solis
musculus femorum & crurum contractis totum erigit corpus, cujus pondus
140 librarum ponitur: atque hinc concludit D. de la Hire eam vim tum in-
flecte his musculis nempe 140 librarum. Idem homo genibus paulo inflexis
se erigit, quamvis onus 150 librarum ferat, tumque femoris & crurum
musculi pares sunt attolendo ponderi 190 librarum: sed ultra 2, aut 3 polli-
cum altitudinem vix attollitur. Consimili modo quæ sit & quanta vis in lum-
borum, humerorum, & brachiorum musculis expendit, illorum vim ad 170,
horum ad 160 usque libras in simplici, non violento admodum motu ex-
tendit.

I I I. Constitutis variotum musculorum viribus ad hos motus exerendos,
id visum est D. de la Hire, quâ ratione illæ applicari possint iis actionibus,
in quibus est aliquis Mechanicæ locus, ubi scilicet vectis ratio occurrit, ac
vires subinde augentur, vel minuuntur penes majorem aut minorem veloci-
tatem cum majore aut minore pondere comparatam. Ex. gr. in ipso incessu
dum pes promovetur, arcum describit circuli, & totum erigit corpus ad eam
altitudinem quæ est inter arcus apicem, & subiectum planum. Cum autem
hic arcus satis sit amplus habitâ ratione suæ altitudinis, quæ parva admodum
est, motus pedis & ejus velocitas pares sunt corporis ponderi ad parvam alti-
tudinem attollendo. Atque hinc aliam etuit utilitatem ex positione partium
machinæ prodeuntem.

Cum itaque musculi femorum & crurum eâ vi donentur, quâ pondus
190 libr. attollant usque ad 2, vel 3, pollicum altitudinem, hinc sequitur
hominem incedere posse oneratum pondere 150, dummodo crura plus sa-
tis non extendat: secus portio circuli, quam pes describit, minor erit quàm
par sit habitâ altitudinis ratione, sicque commodum illud ex Mechanica
profectum amittet. Unde homo sic oneratus per scalam cujus gradus sunt 5
pollicum, non ascendet,

ANN. IV. Ex his & aliis quæ subtilioris sunt mechanices, D. de la Hire vim
1699. omnem hominis qui inter incedendum onus trahit, ad paucas libras tantummodo extendit, cum directio est horizontalis; quæ quidem vis paulo major esset, si idem homo recedendo traheret: unde & remiges retrorsum corpus agunt.

Illud quoque experienciâ notum est equum tantum posse in trahendo, quantum 7 homines, adeo ut hujus virces 189 libris trahendis pares esse possint. Equus in trahendo prorsum hominem vincit & musculorum viribus, & totius corporis dispositione, sed homo in ascensu vincit equum, idque D. de la Hire existimat tres homines qui singuli 100 libr. pondere onerantur, citius per clivum ascendere, quam equum 300 librarum pondere onustum.

V. Ad Machinatricem imprimis pertinet descriptio portæ quæ in mole operis in sequana prope Trecas suscepta, ut eo in loco fiat navigabilis, novo & singulari artificio constructa est. Hujus partes, structuram & commoda D. des B.illettes die 2 Maji dilucide exposuit, & typum linearibus figuris expressit. Primum hoc habent commodi quod adversus aquarum impetum, & tempestatum injurias sint penè invictæ; 2. quod facillime, & citissime pateant, adeo ut qui à 100 hexapedis nauta pastoritio cornu admonuerit, hanc apertam inveniar, nihil interrupta navigatione. 3. si quid in ea sit refarciendum, illam extra aquam à duobus hominibus transferri poterit & loco suo statim restitui. Si forte quid obstat, quominus libere aperiri aut claudi possit, quod congesta arena, aut quidvis aliud obstat, nullo id negotio amoveri poterit; 4. etsi omni alia hujus generis tutior sit, simplicior, & firmiter minori tamen sumptu ea constructur, neque iis obnoxia est incommodis, aut fortuitis casibus, quibus aliæ sunt expositæ. Hanc illustriss. D. Dux de Roïannes excogitavit; ut ingenio erat ad Mechanicas artes, & ad eas præsertim quæ circa motus aquarum versantur, velut à natura ipsa comparatò. Hujus portæ descriptionem Geometricam, structuram & obliquam partium quarundam imaginem habes in Actis Academiæ hujus anni 1699. p. 63 & seq. dilucide explicatam.

VI. De clepsydri quæ scilicet horas metiuntur ex continuo aquæ fluxu, ac de earum divisione actum fuit in Academiâ.

Quod si intra 12 horas tota aqua effluat, in cujusque horæ fine notatur locus vasis, quò pervenit aqua ex continuâ illius depressione, sicque in gradus dividi solet clepsydra.

Velocitate inæquali exit aqua ab initio ad finem usque, atque eâ ratione velocitas, minuitur quâ descensus gravis corporis augetur.

At vero cum clepsydra est alterius figuræ, quam cylindricæ, ut si in parte summa sit latior, quam in parte infima, tum divisio ejus est paulò operosior. Quamobrem ut puncta divisionum habeantur, vasis figura cognita esse debet, & velocitatis aquæ ratio definienda.

D. Varignon formulam præscribit Geometricam quæ hujusmodi est, ut vasis figura, & velocitas aquæ ad libitum determinatæ clepsydre divisionem præbeant; ac reciprocè clepsydre divisione, & aquæ velocitate cognitis quæ sit figura vasis innotescat. Quin etiam aquæ velocitatem dabit, ubi vasis figura, & graduum distinctio perspectæ fuerint.

VII.

VI. Perpauca dicam de cujusdam pistriini à D. Amontons excogitati structurâ, quod non aquæ, aut aeris, sed ignis & caloris vi agitur. Illius enim fabrica in Historiâ Gallicâ, quantum fieri potuit, dilucide fuit exposita. Hoc principii loco ponit D. Amontons caloris vim in aëra ipsū multum posse: cum is liberè distendi potest, calor ejus molem dumtaxat auget, & rariorem efficit. Quod si nullo potest modo extendi, illius tantummodo elaterem intendit calor; ubi ad certos usque terminos potest rarefcere, hoc ipso vis elaterii tantumdem imminuitur. Frigus contra coarctat aëra, & illius elaterium imminuit: aër cujus elater crescit, majus pondus sustinet, aut attollit, quam sit 28 pollicum seu hydrargyri pondus, aut 32 aquæ pedum, quantum scilicet aër ferre solet.

His principiis suam machinam superstruit D. Amontons, atque omnia ad quædam experimenta à se facta exigit. Ex. gr. aquæ ferventis calore volumen aëris elaterem tertiâ tantummodo sui parte augeri posse.

VII. Cum D. Amontons inter differendum de machinâ suâ, id velut in transitu dixisset, falsam esse illam persuasionem, licet satis vulgarem, affricum duorum corporum, quæ moventur & sibi mutuo applicantur, hoc majorem esse, quò superficies inter se conjunctæ & collisæ sunt majores: id verò se expertum ait, non illum augeri affricum, nisi penes corporum majorem aut minorem pressionem, vel penes majora aut minora quibus onerantur pondera.

Cum autem id plane novum videretur, placuit D. de la Hire statim ipsam consulere experientiam. Mensæ ligneæ & impolite ligna quædam minime expolita & inæqualis molis imposuit, eaque sic ponderibus oneravit, ut omnium æqualia essent pondera. Tum quidem expertus est singulis eodem pondere sibi illigato & per trochileam minorem trajecto opus esse, ut secundum mensam duci aut moveri inciperent. Idem in marmoribus male politis mensæ itidem marmoreæ & rudi impostis, & per eam ductis expertus est. In causam ipsam hujus rei animum intendens hanc excogitavit rationem.

Duorum corporum quæ sibi mutuo applicantur, si silentia ex iis oritur particulis quæ eorum superficiem exasperant. Quod si ex sint flexiles, deprimi quidem debent, & deorsum inflecti; si duræ sint & rigidæ, aliæ insertæ sese expedire nituntur. In priori casu sunt toridem elateria quæ flecti oporteat, & curvari; atque in eo posita est omnis morus difficultas: quod idem pondus ab eodem ferri debeat elaterio, aut à duobus priori æqualibus, perinde est. Nam si duo sint superanda; id singula minus inflectet, si unum sit tantummodo elaterium, illud duplo magis deprimet.

Quamobrem si in duabus ejusdem superficiæ partibus iisque æqualibus numerus sit æqualis earum particularum, quæ elaterio donantur, & sunt flexiles, major superficies tam facile super aliam ducetur superficiem, ac si minor esset, dummodo æqualia semper sint pondera. Nam etiam si plura sint elateria superanda; minus ea quoque flectentur. At si pondus majus sit, eo magis illa deprimet, majorem adeo offendet obicem. Jam in casu altero, ubi partes sunt mutuo sibi implicatæ & ita duræ ut nec frangi, nec deteri saltem in extremis possint, quò plana sibi admota expediri à se invicem queant, alterum ex iis attolli necesse est: quòd autem id ægre fiat, non ex plani ani-

AN. plitudine, sed ex solo pondere hoc repeti debet. At si partium duriorum extremi apices frangi possint, aur atteri, ubi aliæ aliis incumbunt, tum ex majori earum numero major oritur difficultas, cumque plures in ampliori superficie ponamus, affictus ipsi planorum amplitudini eadem proportionem respondebunt.

VIII. Hoc quoque advertit D. de la Hire in alio quodam casu eandem occurrere affictuum proportionem. Id quidem omnibus notum est, duo plana marmorea admodum tersa, & polita sibi mutuo applicata vix à se invicem divelli posse, quòd nullus inter ea sit interjectus aër, qui elateris sui continuo nisu marmor incumbens attollete conetur, & potentiam adjuvet sublevantem, tumque marmorea lamina quæ basis est incumbentis aëreæ columnæ, quæque nullo alio libratur aëre, hoc magis premitur, quò major est illius columnæ basis: nam columnarum altitudines cum sint æquales, earum moles & pondera eam inter se habent rationem, quam bases ipsæ.

IX. In plerisque machinis partes quæ sibi mutuo à motu & superpositis ponderibus se invicem premunt, oleo vel axungia oblini solent. Quo fit, ut ex iis interclusus aër pellatur: nam illius particulæ crassiusculæ adeo minutam divisionem non admittunt, atque aqua vel oleum, neque tam arcta subeunt spatiosa. Quocirca partes machinæ sic oblitæ totum incumbentis atmosphæræ pondus ferunt, cò majus, quò majori donantur superficiæ; atque earum affictus eam fere habent rationem, quam superficies. Cum autem in machinis magna semper affictus habita fuerit ratio, hæc invaluit opinio affictus pro superficialium amplitudine majores esse aut minores, nec peculiarem in plerisque machinis esse rationem animadversum fuerat.

X. D. Amontons qui primus vulgarem hunc errorem deprehenderat, hoc argumentum longius est profecutus, ac methodum tradidit supputandi quantum afferat impedimenti affictus in machinâ: quod æstimatione quadam, eaque rudi admodum dignosci hæcenus non potuit.

Primum id ex variis experimentis didicit, in ligno, ferro, plumbo, cupro, ex quibus constat machinarum pars maxima, eosdem pene obices ex attritu mutuo occurrere, cum axungia oblita fustunt; atque hanc resistenciam tertiam fere partem esse eorum quibus premuntur ponderum.

Id quoque palam est attritum eo majori difficultate vinci, quo velocius partes attritæ feruntur. Unde hæc velocitas cum potentia quâ moveri machina, & affictus vinci debent, est conferenda, Quod si potentia æquis temporibus alterum tantum spatii conficiat, quantum partes sibi mutuo affictæ, eâ ratione duplo fit major, seu vim acquirit quâ oppositi obices ex affictu orti partem dimidiam imminuit, adeo ut affictus ipse tantummodo sit pars sexta pressiois, cum alioqui esset pars ejus tertia.

Quod si homo pondus v. gr. 30 librarum funi per trochleam trajecto illic ligatur sustineat, is funem trochleæ applicat eodem pondere, adeo ut pressio ex utraq; parte & ponderis, & hominis sit 60 librarum; affictus autem est pars tertia hujus pressiois, nempe 20 librarum, positâ velocitate potentia æquali ponderis ipsius velocitati. Quamobrem ut pondus 30 librarum

sursum tollatur, potentiâ opus est 30 librarum & paulo amplius, quasi ponderi 30 librarum, 20 addit fuissent.

XI. Ex iis concluditur quantum sæpe nos fallat calculus, cum in machinis tantummodo potentiæ cum ponderibus, & distantia ab hypomochlio comparantur & affectus ipsi negliguntur; ac subinde fieri potest ut attritus omnem machinæ ex situ ortam detrahat utilitatem.

Est alius isque non contemnendus obex qui machinarum effectus non mediocriter imminuit, funium nimirum qui sæpius in machinâ contorquentur rigor, quem D. Amontons diligentius expendit, atque hæc potissimum animadvertit.

Funem eo difficilius flecti, quo rigidior est, & tensior præ pondere eum trahente, 2, quò idem est crassior, 3, quò flexus magis incurvatur aut circa minorem cylindrum involvitur.

Tum id quoque suscepit examinandum quâ proportionem diversi illi obices crescant. Quæ ex ponderibus funem trahentibus oritur resistentia, auctis ponderibus similiter augetur; quæ ex crassitie funium, juxta diametrorum rationem crescit; quæ ex rigore funium proficiscitur, eò quoque major est, quò flecti citius coguntur. Quantum illa rigiditas detrimentum pariat effectui machinæ, diligentius examinat.

CAPUT IV.

De Catoptrici & Dioptrici.

I. CUM oculus in speculum per obliquam admodum lineam dirigatur, tum candelæ accensæ, & propius admoæ imaginem cernimus sæpius multiplicatam, ita ut ipsæ imagines semper debiliores appareant. Hujus phænomeni satis vulgaris rationem è principiis Optices, & Catoptrices attulit D. de la Hire, eamque dilucide exposuit. Quod si duæ tantum essent imagines, causa ipsa non valde esset involuta: duæ quippe sunt reflexiones, una in priori speculi superficie, altera in posteriori quæ stanno inducta est. Ex omnibus radiis qui in priorem incurrunt superficiem, pars minor reflectitur, cæteri speculum penetrant & franguntur intra vitrum, iique in statum desinunt, unde resiliunt iterum refracti; cumque uberores radii per posteriorem reflexionem exeant, vividam magis expiunt rei objectæ imaginem. Quo quidem modo duæ tantum imagines explicantur, cum tamen plures simul appareant.

II. Eadem fere est ratio alterius phænomeni quod est hujusmodi: cum per vitrum planum & politum res luminosa, qualis est candelæ accensa, conspicitur, ea quoque multiplex apparet, sed imagines quasi gradatim debiliores sunt, æqualibus intervallis a se mutuo distantes, & eò distinctiores cernuntur, quò recta linea ab objecto ad oculum ducta est obliquior. Veram hujus phænomeni posterioris rationem D. de la Hire ex simplicibus & perspicuis Optices principiis deducit, eaque ad prius phænomenon facile appli-

ANN. cari potest. Punctum quodlibet luminosum est apex conï radioſi, cujus ba-
 1699. ſis eſt oculi pupilla; radii unâ coeuntes per varias reſractiones in idem retinæ
 punctum deſinunt, & lucidi corporis punctum in eâ depingunt. Hæc qui-
 dem imago nunquam duplex eſt, niſi ex cauſa aliqua, quæcumque illa ſit,
 alter conus ex eodem puncto luminoso proſectus pupillam pervadat, & in
 priorem conum ex tranſverſo incurrens radios ſuos in alio retinæ loco colli-
 gat: tum enim palam eſt fore ut duo prædicti conï ſiſe mutuo interſecent.
 Quo res ſit apertior axes tantummodo utriuſque conï deinceps, non
 conos ipſos memorabimus, cum de pluribus & diverſis radiis mentionem
 faciemus.

III. Et quidem radii ex eodem puncto rei objectæ prodeuntes longius
 progreſſi à ſe mutuo diſcedunt: cum autem pupilla quæ eſt baſis conï radio-
 ſi ſit anguſtiſor, acutum admodum efficiant angulum neceſſe eſt, ubi objec-
 tum ultra tres pedes ab oculo removetur, tumque angulum efficiunt ita
 acutum, ut pro nullo habeatur, & radii quaſi paralleli cenſendi ſint. Quo-
 circa radii omnes qui ab eodem puncto objecti ad pupillam contendunt,
 aut paralleli ſunt, aut divergentes, ſeu à ſe mutuo diſtracti. Quo igitur ſe
 mutuo interſecent, quædam cauſa exterior accedat neceſſe eſt. Illa porro in-
 terſectio omnino requiritur ut plures delineentur imagines ejuſdem objecti,
 & corpus quoddam diaphanum interjectum radios ita diſponat, ut ad ſe mu-
 tuo accedant, & ſint, ut loquuntur, convergentes.

IV. Itaque radius qui priorem vitri plani ſuperficiem penetravit, à poſte-
 riori ſuperficie reſilire poteſt verſus priorem, hinc ruruſ ad poſterioſiorem
 progreſſi, & ex eâ reſecti, idque per plures itus, & reditus intra vitri
 craſſitiem varias reflexiones efficere, ſic tamen ut unaquæque reflexio cum
 debilitet.

V. Vitrum cujus duæ ſuperſicies oppoſitæ ſunt omnino ſibi parallelæ,
 de parallelismo radiorum ab eodem objecti puncto prodeunantium, quique vi-
 trum penetrarunt, nihil detrahet, quæcumque intra vitrum factæ fuerint re-
 flexiones. Quo igitur multiplicentur rei objectæ imagines, radios ab eodem
 puncto proſectos non parallelos excipiat neceſſe eſt, tumque id contingere
 poterit, ut unus poſt varios itus & reditus intra vitrum alteri ex obliquo oc-
 currat in ipſâ oculi pupilla.

VI. At vero cum duæ vitri ſuperſicies non ſunt ſibi omnino parallelæ,
 quatenus radii ad oculum prodeuntes eas pervadunt, parallelismus deſtruitur
 radiorum qui ad oculos diriguntur, quique ab eodem objecti aliquantum
 remoti puncto exierunt. Tum enim radium, qui vitrum pervaviſſe irreflexus,
 alius qui reſlexus fuit, ſecabit in pupillâ, totque ejuſdem puncti futuræ ſunt
 imagines, quot diverſi radii ſæpius reſlexi ſibi mutuo occurrent, eò minus
 vegeti, quo plures reflexiones factæ fuerint. Prima quidem imago vegetior
 eſt, quia nullam experitur aliam reflexionem, reliquæ eo minus ſunt vege-
 tæ, quò plures paſſæ ſunt reflexiones. Unde objectum lucidum eſſe debet
 aut valde illuminatum: ſecus ſecundæ imagines minus expreſſæ futuræ ſunt,
 aut à circumſuſis objectis obducentur.

Quo ſitus vitri eſt obliquior habita ratione rectæ lineæ, quæ ab oculo ad
 rem objectam, vel ad imaginem dirigitur, hoc major inter ipſas imagines

mutua apparet distantia, eæque minus confusæ videntur: unde minus obliqua positio eas propius sibi invicem admovet, ac magis confundi.

VII. Ex his colligi potest in vitris, quæ licet æqualiter densæ videantur, tamen res objectas multiplicant, superficies non exquisitè esse parallelas, sed rugis & undis eas esse exasperatas, ac parallelismi defectus, qui non est sensibilis, radiis ipsius luminis sit sensibilis. Atque ex hac Theoriâ D. de la Hire eruit tutum explorandi modum, an vitro insit vel minimâ in densitate ipsa inæqualitas, & quâ in parte illa delirescat, cumque potissima in perficiendis telescopiis vitris & centrâ eorum definiendis difficultas posita sit in maxima densitate aut crassitie eorum inveniendâ, quò præcisè in centro figuræ collocetur, cum bene sunt elaborata & expolita, ex constitutis principiis facilem eruit methodum quâ id ipsum perficiatur. Sic quæ prius meræ speculationis esse visâ sunt, ad exitum perducta, ad usum ipsum, & utiles operationes nos docunt.

Hactenus de iis quæ ad Opticam, vel Catoptricam spectant, nunc de iis agendum quæ ad dioptricam magis videntur pertinere.

VII. Die 24 Martii D. Homberg scriptum legit, in quo effectus vitri cujusdam ustorii, & eo utendi ratio continentur. D. Tschirnauze nobilis Germanus unus ex Academicis aggregatis artem parandi vitra utrimque convexa, quorum diameter ad tres aut quatuor pedes patet, excogitavit, varios eorum effectus, quovemodo ad usum sint adhibenda cum D. Homberg communicavit. Figuram habes in secunda tabella ænæ delineatam.

Vitrum A B suo pede ut in speculo ustorio, quale in Observatorio extat, instructum ita Soli obvertitur, ut radios solis ad perpendicularium vibratos excipiat. Id vero innotescit, cum imago solis in foco E omni ex parte rotunda appareat. Hos scilicet excipiet tabula C D, quæ vitro A B erit parallela. Quod si imago solis sit ovalis, aut ellipseæ figuræ sic vitrum inclinati & flecti debet, dum solis effigies omnino rotunda fiat, tum verò plumbum liquabit, lignum incendet & lapides czruleos, vulgo *arduis* in vitra conversos dabit ad 12 pedum distantiam, ubi foci diameter sesqui-pollicis futura est. Quo focus sit vegetior, contrahendus est interpositu secundæ lentis F G, priori A B parallelæ, tumque focus accedet ad H, atque illius diameter 8 linearum futura est: sed vis illius multo major erit, adeo ut corpora quæ in E, fundi non poterant, cito liquecant in H.

VIII. Inter effectus hujus vitri hi sunt præcipui, lignum quodcumque illud sit etiam madidum statim flammam concipiet, aqua angusto vase contenta cito ebulliet; metalla dummodo non sint plus satis crassa, paulatim fundentur; ferrum in laminas diductum primum incandescet, tum liquecet. Tegulæ, ardescæ, pumices, testæ, talei statim rubescunt, tum in vitrum abeunt, sulphur, pix resina etiam sub aquâ liquantur; pinus aut aliud lignum teneum extrinsecus vix immutatim apparet, sed intus in carbonem mutatur. Carboni ligneo excavato si materia quævis imponatur, effectus erunt multo majores. Metallum enim quodcumque illud sit carboni pertuso impossibilem citò liquatur; ferrum scintillas vibrat ut in ultrina ferraria, quin & metalla plumbum imprimis & stannum diutius sic decetia volant, cineres ligui & herbarum vitrescunt.

ANN. Quæ corpora fundi vix possunt, in pulverem redacta, aut sale aliquo ad-
 1699. jecto funduntur. Quæ nigra sunt citius immutantur, cum in fusione nigra-
 tem suam servant. Alba quæ sunt & fusione ipsa nigrescunt, ægrius funduntur :
 sed quæ nigra sunt, quæque in fusione albescunt, vel demum quæ cum alba
 sint, in fusione suam retinent candorem, ut silices, calx, creta Anglicana
 vix immutantur.

Metalla porcellanæ imposita vitrescunt, dummodo porcellana satis densa
 sit, ut fusioni resistat, & ignis per gradus admoveatur, ne dissiliat.

Aurum in vitrificatione purpureum & pulchrum induit colorem.

Quod si majore globo vitreo materia ex facili fusilis ut sulphur zincum,
 bismuthum &c. longius ab eâ parte globi quæ radios solis admittit, quæque
 est A B, ne globus ipse frangatur, est collocanda, tum insoliti quidam
 effectus se produnt : nitrum v. gr. idoneæ dosi adhibicum in fumum abit,
 adeo ut spiritus nitri brevi temporis spatio exstillari eâ ratione possit; parum
 materiæ primum erit apponendum, cui jam fusc paulatim alia est adjicienda.
 Quo quidem modo quatuor argenti unciaz simul in fusione teneri possunt :
 solidior materia quæ facile liquefcit, alterius fusionem sic promovebit, & fun-
 dentis loco erit, cum aliud corpus quod ægè liquefcit, fundendum est. Quin-
 & sæpe duo corpora, quæ separatim vix liquantur, ut creta Anglicana, aut
 silex, una conjuncta facile liquefcunt. Parum cupri eo modo fusi in frigi-
 dam statim conjectum vehementem edit strepitum in aquâ, & vas fictile satis
 densum interdum confringitur, & cuprum ipsum in auras abit.

Cum metalla in fusione exhalent, citius quædam, alia tardius, eâ ratione
 expurgari poterunt, ut argentum plumbi admistione in vulgari catillo seu cu-
 pella : sic omnis generis vitra colorata fieri poterunt.

Quæque corpora si metalla exceperis, colores suos in fusione exuunt, uti
 & gemmæ ipsæ. Alios præterea effectus non minus mirabiles prætere. Hæc
 sane digna sunt, quæ variis probentur experimentis; alia enim aliis lucem
 afferent. Licebit quoque vitra telescopiis & microscopiis aptata ea ratione
 fingere.



N
 Chy
 gred

I.
 naris
 tum



LIBRI VI. PARS ALTERA.

De Actis anni 1700.

D ultimum sæculi, & Historiæ nostræ annum Deo duce pervenimus, nunc nobis danda est opera ne forte idem nobis contingat, quod inertibus poëtis, ut in extremo suscepti operis actu deficiamus.

Et quidem hoc vettente anno tot inventa, & præclara ingenii cogitata, tot eruditæ dissertationes non curiosæ modo, sed ad vires humanæ usum peritiles prodierunt, ut difficilis sit in tantâ rerum varietate delectus, & nobis maxime, quos proposita brevitatis non sinit paulo liberius evagari, ac subinde cavendum ne liber in majorem quam par sit, molem excurret. Quod utique præstabimus si ad commentarios ipsos Gallice exaratos & ad Historiam itidem Gallico sermone pereleganter, & dilucide conscriptam plerumque lectorem mittamus, ut ex ipsius hautiat fontibus quæ paucis constatere coacti sumus.



S E C T I O P R I M A.

De rebus Physicis.

N E à consueto recedamus ordine, primum de iis quæ sunt merè contemplationis, & Physicæ propriè dictæ, dicendum nobis est, tum ad Chymicæ operationes, ad Anatomicas observationes & ad Botanicam progrediemur.

C A P U T P R I M U M.

De iis quæ ad naturæ Historiam & Physiologiam spectant.

I Ta natura connexæ sunt res omnes & consertæ, ut ex se mutuo lucem accipiant; idque imprimis exprimitur in iis, quibus hic mundus sublimaris constat partibus, & in communibus corporum affectionibus. Quantum ex. gr. Barometri, & Thermometri usus Physicæ contemplationi lucis

A. M. attulerit, quantum accuratæ acûs magneticæ observationes eandem ornave-
 1700. rint scientiam, ut alia omittam plurima, nemini ignotum puto.

II. Illud adeo Academiæ visum est non indignum sollicitudine suâ, id-
 que jam à multis annis D. de la Hire in se recepit, ut Barometri, & Ther-
 mometri variationes indefinenter observaret, quantum singulis annis aquæ
 pluviz decideret in terram, quantum acus magnetica in his locis variaret.
 Nam ex constitutione aëris, & ejus pondere inter se collatis, ex illius tem-
 perie humida aut secca, ex variis caloris aut frigoris gradibus quid annum
 sterilem aut fertilem, salubrem aut insalubrem effecerit, ut quidam morbi
 endemici præ aliis orti fuerint, non sine probabili aliqua ratione conjici po-
 terit, idque maxime, si per multos consequentes annos observationes con-
 tinuerentur; atque hinc forsan quæstio illa inter Physicas percelebris de fon-
 tium origine, utrum pluvia aut nivium liquatio eorum peremittat effi-
 ciat, certius judicari poterit. Sic acus magnetica cum recta ad polum non
 dirigatur, sed hinc inde Occidentem versus, aut Orientem deflectat, id
 foret ex usu publico, ut ejusmodi variationes diversis in locis diligenter ob-
 servarentur, quod fortè magneticum, imo & nostri hujus vorticis systema
 non parum illustraret; sed ad institutum nostrum veniamus.

III. Cum D. Abbas Galloys examen eorum quæ in Galliâ occurrunt
 singularia continuaret, de quodam insigni Delphinatûs monte, quem inac-
 cessum vocitant, disleruit. Inversus est illius situs, & quasi apici suo inni-
 xus videtur; nam basis ejus ambitus est mille duntaxat passuum, cum sum-
 mum multò latius pateat, ac circuitus illius sit 2000 passuum; unde is vi-
 detur omnino inaccessible. Cum tamen Carolus VIII. in Italianam pergeret
 anno 1492, quosdam misit viros satis industrios & audaces, qui ad montis
 summum usque conscenderent; ibi Rupricapras tantummodo offenderunt,
 neque id explicatu facile est, quo illæ modo eò potuerint ascendere; nullæ
 ibi visæ sunt arbores, sed pratum lare patens; unius pene milliaris se
 in ascensu peragrasse existimabant. In planitie ipsâ collis acutus affurgit, unde
 acûs nomen monti est inditum.

IV. Aliud quoque non minus singulare in Delphinatu à D. Galloys resan-
 tum fuit de Speluncâ quæ est prope Gratianopolim, vulgo *la grotte de*
Nôtre-Dame de la Baume. Aditus ejus est miræ altitudinis; lacus est sub
 monte, cuius latitudo in leucam patet. Franciscus primus cum in Delphi-
 natu versaretur, quosdam misit qui duas pene leucas in cymbulâ vecti per-
 grarunt: sed magno terribi strepitu ulterius progredi non ausi redierunt ac-
 censis facibus, quas asseribus impositas accenderunt, quæque eodem in loco
 oculis eorum sunt subductæ, adeo ut verisimile sit extare quemdam in
 aquâ vorticem. Parochus quidam hujus vicinæ post multos annos eò se
 contulit, qui itinerarium longe à priori diversum mandavit litteris; seu aliam
 inierit viam, seu minus esset meticulosus, præcipientes aquas vidit, quædam
 offendit loca sicciora, in aliis fornix adeo erat humilis ut pronus in cymbâ
 jacere cogeretur.

V. Quæ in conventu publico è scripto lecta fuit à D. Dodart de vocis
 formatione dissertatio, si proprie loqui volumus, ad Physicam omnino per-
 tinet, tametsi eâ quoque Anatomica censeri potest. Placuit illi &
 meritò

meritò hujus disputationis principia paulo altius repetere, & perpauca de soni *Physica* naturâ, ac de illius propagatione præfari.

Illud primo loco statuit, ad soni productionem necessariam esse celerissimam aëris commotionem, quandoquidem intra minutum secundum ad 180 hexapedas usque diffunditur, adeo ut intra unius horæ sparium 283 leucas sonus percurreret, si causæ nullæ exteriores illius propagationi obstarent. Hunc motum aëri non aliunde quàm à vibrationibus concitatis particularum sonori corporis proficisci rationes Physicæ omnino persuadent. Quæ quidem aëris particulæ vi quâdam elasticâ donantur: quæcumque sit exterior causa, unde illa prodit impressio, vibrationum diversitas sonum sic temperat & modificat ut tonorum efficiat varietatem, adeo ut crebriores vibrationes eodem tempore præeuntes tonum efficiant acutiorem.

VI. Id quoque satis notum est instrumenti musici fides quæ semper æquabiliter sunt tensæ, æquis temporibus plures efficere vibrationes, quò sunt breviores: & vicissim ubi eadem semper manet longitudo, quò major est tensio, eò crebriores sunt vibrationes. Sic duo funes æquè tensi, quorum unus alterius sit duplus, tonum efficient, qui diapason, seu octava vocitatur; si unus sit ad alterum, ut 2 ad 3, ita ut ratio sit sesquialtera, tonus prodibit qui diapente, seu quinta dici solet. Quod si inter eos illa sit ratio quæ 3 ad 4, tonus prodibit diatessaron, vulgo quarta & ita porro. Hinc concentus illi musici, seu proportionibus harmonicæ ex eâ quæ inter fidium longitudines intercedit proportionem emergunt. Sic ubi inter fides ea est ratio quæ 1 ad 4, vel 1 ad 8, tum dupla, aut tripla octava exurget: arque hæc postremæ rationes cum prioribus comparatæ 1 ad 2, vel 2 ad 3, sunt remotæ magis.

VII. Qui ad aures nostras appellit sonus, non is tantummodo est, qui à sonoro corpore recta proficiscitur, sed is etiam qui à corpore sonoro manans in alia itidem vicina corpora incurrens, inde ad aures nostras reflexus longius iter percurrit, ut ad nos usque perveniat, quàm qui directè diffunditur. Quanquam illa temporum differentia est nobis insensibilis in tam exiguis corporum intervallis, & tanta hujus motus celeritate, idque maxime cum auris perceptio non adeo est exquisita, & duos confundit sonos, qui exiguo temporis spatio inter se differunt. Sed hic defectus in nostrum cedit commodum, cum soni illi una conjuncti sese mutuo adjuvant, & fortius aures percellunt.

Sonus ille ex corporum occurso ad nos usque resiliens majores directo sonno addit vires, quo vibrationes ejus unâ cum sonori corporis vibrationibus conjunctæ tonos efficiant in propiori ratione sibi mutuo aptatos, qualis est 1, ad 2, vel 2 ad 3 &c. Illud interdum contingit, ut corpora quæ sonum reflectunt, sono producendo sint magis idonea, quàm corpus ipsum sonorum; & superiorem efficiant tonum, qui priorem extinguit: adeo ut solus ad aures appellat; tamen ex iis non prodierit sonus, ac potiori ratione id sæpius evenit ut tonus ex utroque sit compositus, ex sonori scilicet & reflectentium tonis.

VIII. Hoc posito soni systemate, qua ratione vox humana, & diversi illius toni formantur D. Dodart diligentius expendit. Et quidem aspera ac-

Cccc.

ANN. 1700. **tertia** per quam spiritum ducimus & reddimus, parte sui summâ rimulam habet ovalis penè figuræ, quæque dilatari facile potest, & contrahi, adeo ut ductus ille tibiam quodammodo referat. Unde & veteribus id persuasum fuit vocem in trachæâ, ut in tibiâ formari. Sed Galenus primus animadvertit in trachæâ, seu in ductu hujus fistulæ sonum ipsum edi non posse, aut certe eam non esse primarium vocis organum; id vero rimulæ quæ Glottis appellatur, tribui oportere. Nam loquimur, aut cantamus, cum aërem reddimus, non autem cum eum inspiratione ducimus: tum vero aër pulmonibus conclusus ex angustioribus vasis in ampliora commeat, donec tubum trachææ valde amplum subeundo liberiori motu eum decurrat, neque adeo vim ullam ibi patiatur, ut majori celeritate impulsus sonum procreare possit. Sed rimula in summâ trachææ parte posita cum sit angustior, aërem è majori spatio per eam rimulam magno impetu erumpentem admodum agitati & duo rimulæ labra vehementer ab eo concuti necesse est. Hinc crebræ vibrationes fiunt, cum ambæ illæ membranulæ tremulo motu sonum edunt, qui in oris & narium cavitate resonat, & vires majores acquirit. Præcipuè vocis dotes ex illo aëris resultu pendent: unde si inter loquendum nares occlusas habeamus, vox erit ingrata, quod non oris solius, sed & narium cava ad soni suavitatem unâ concurrant, ac si desit alterutrum, id nostras offendit aures.

Non igitur asperæ arteriæ ductus est soni causa primaria: sed ne ille quidem ad vocis explanationem, aut ad pleniorum sonum confert, ut causa secundaria, uti visum est Galeno: nam id omne quidquid est, in oris & narium cavitate perficitur. Atque ut trachea sonum variis reflexionibus intensiorem efficeret, ac resonantem, necesse id foret, ut aër in rimula modificatus & sonus jam factus in asperam remearet arteriam, atque illius parietes crebris ictibus verberaret: quod minime evenit, nisi fortè in violentâ tussis, cum glottis variis convulsionibus concussa erumpenti aëri negat exitum; neque is egreditur nisi per varias reflexiones in cavo asperæ arteriæ roboratus.

In avibus quidem aquaticis, quarum vox est intensior, trachea ipsa resonat, quod glottis in illius parte infimâ, non in supremâ, ut in homine posita sit. Quamobrem asperæ arteriæ ductus non est vocis effectrix causa, ne secundaria quidem, sed eum tantummodo habet usum ut per eum canalem aër deferatur.

IX. Vocis autem modos aut tonos D. Dodart in ipsis indagat instrumentis pneumaticis, cum vocis organa sint ferè ejus generis. Jam supra monuimus id fieri posse, ut tonus ab ipso corpore sonum reflectente, & resonante potius, quàm ab ipso corpore sonoro prodeat. Sic Lituus musicus, v. *le haut-bois*, nullum ederet sonum nisi aptatam sibi haberet lingulam, v. *une hanche*; aër per summum Litui orificium impulsus tenues illas membranulas admodum mobiles, quibus constat lingula, verberat & tremulos efficit motus: tonus autem non aliunde quàm ex tibiâ illius decumante longitudine proficiscitur: Agitatus aër à lingula parietes tibiæ interiores concutit, & per iteratas reflexiones sonus intenditur; fibræ lignæ in longum dispositæ tremunt, quoque tibia est productior, hoc tonus est gravior; ut acutior est

in breviori tibiâ ; suus tamen lingula inest tonus , sed ejus innumerabiles *Physi-*
reflexiones in ipsâ cavitate instrumenti iteratæ tonum lingulae pene exstingunt. *ca.*
 Non aliud ars ipsa præstare potest , quam id cavere ne tonus lingulae litui
 tono sit dissonus , sed cum illo consentiat , isque efficiat modos har-
 monicos, eosque remotiores , (nam in prioribus id fieri nequit) & ita quan-
 tum fieri potest , mutuo se adjuvent. Hanc proportionem explorando tan-
 tummodo , & tentando inveniunt tibicines. Sic in organi pneumatici fistu-
 lis angulatis , v. à *biscan* , sonum efficit lingula : sed tubi longitudine tonum
 determinat. In quibuscumque fistularum ordinibus sola lingula tonum efficit pe-
 nes sui elaterii longitudinem : interdum tonus ex æquo pendet à dimensione
 tubi , & lingulae. Verum in ipso vocis organo à naturâ ipsâ elaborato nihil
 occurrit , quod instrumentis ab arte excogitatis omni ex parte simile sit , ac
 tonus oris tantum & narium cavitati sonum reflectenti , aut rimulae quæ glot-
 tis dicitur , quæque sonum efficit , omnino tribuendus videtur ; cumque tam
 variae tonorum differentiae ab eodem prodeant instrumento , necesse est ut
 pars illa quæ tonos efficit , eas mutationes subeat , quæ tantæ varietati sono-
 rum procreandæ sunt idoneæ.

Tonus gravis plus aëris exigit , quam acutus. Trachea sese dilatat , & con-
 trahit , ut aëri præbeat exitum ; ubi contrahitur , tubum ab ore retrahit ; con-
 tra producitur , ubi tonus est acutior , tumque finit oris canalem contrahi
 adeo ut in ore productiore toni graviores , & in breviori acutiores formari
 videantur. Verum id observat D. Dodart in eo organi pneumatici ordine ,
 qui vocem humanam refert , & cujus tonum sola efficit lingula , tubum pro-
 ductiorem sex pollices non excedere , adeo ut tonum ipsum non possit effi-
 cere , nec cavum oris humani , quantumvis gravioris sit , obtusique toni , ad
 sex pollices patet , neque adeo tonum ab eâ cavitate prodire est veri-
 simile.

XI. Quamobrem id unum superest , ut glottis & sonum , & tonum effi-
 ciat penes varias suæ rimulae varietates. Figuram nacta est ellipticam , quæque
 adeo facile contrahitur & dilatur ad certos usque limites. Quo quidem
 modo fibræ è quibus texuntur ejus membranæ , longiores sunt , cum toni
 sunt graviores , ut breviores sunt , cum toni sunt acutiores. Tum etiam os
 in tonis obtusioribus producitur , in acutioribus contrahitur ; reflexiones suas
 tonorum varietati accommodat penes aliquam proportionem harmonicam &
 remotam. Natura quæ nihil negligit , hos sonorum resultus sic temperavit ,
 ut vocis suavitati servirent.

XII. Et quidem telescopii fabrica oculi structuram refert , ut tuba audi-
 tus organum ; ac consimili modo sonum augent : sed nullum instrumentum
 pneumaticum ab arte profectum vocis humanæ structuram sic imitatur , ut
 tonos ejusdem rimæ mutatione efficiat. Ac nulla quidem materia præsto est
 artificii adeo flexilis , ut ea prodeat rimula quovis momento sic mutabilis , ut
 quolibet variatio cuiusvis tono respondeat. Quin etiam consideranti quantum
 vocis toni , ac semitoni , & omnes particulae ejusdem toni variari possint , an-
 tequam ad octavam perveniat , illud manifestum erit ex calculo à D. Do-
 dart inito rimulam , de quâ sæpe loquimur , quæque ita est angusta , ut mi-
 nor sit lineæ latitudine , cujus singulis momentis longitudo variatur , actu esse

ANN. divisam in 6911 particulas, quarum aliz aliis sunt majores. Nam subductis 1700. calculis tonos in totidem partes dividi posse comperit.

Al forte ars humana tam minutas divisiones assequi poterit; ac subinde miramur naturam potuisse id exequi, neque illud minus stupendum est, ita exquisitum esse & subtilem auri sensum, ut eam percipiat inter tonos differentiam, quæ suam ducit originem à particula adeo minuta ut vix ea sit pars 6911 unius lineæ: nec tamen fibras glottidis ut ad octavam à tono depressiore ascendat, dimidia sui parte contrahi necesse est, ita ut minor ellipsoos diameter tantumdem brevior fiat: non enim longitudine sola, sed & tensione tonos efficit, quodque deest exquisitæ mensuræ, id supplet tensio ipsa. Atque hoc ipsum eò est mirabilius, quòd mechanica omnis pendeat ex longitudinum & tensionum in eadem proportionem complexu, ac multò difficiliores sunt illæ rationes, quod sunt inter se complicate. Sed homo ipse totus magno est miraculo, atque in eum tot conspirant mirabilia ut numerum harum divisionum ~~grotte~~ longe superent.

XIII. Illud quoque est Physicæ speculationis, quod factum est à D. Lemery in Academia cujusdam aquæ lapidificæ examen. Fons ille est in Arvernia prope Claramontium. Hæc aqua in lagenæ fundo deponit quædam arenæ granula cinerei coloris, & quosdam lapillos subalbos. Ex analysi & usitatis probationibus liquet huic aquæ acidum quoddam inesse, quo, ut verisimile est, lapidea substantia fuit dissoluta; quæ pertransiit aqua, pars ejus gravior ad imum præceps decidit, sed pars levior in aqua diffusa vim illam lapidificam retinet; nec propterea calculum in renibus generat, ut experientia constat; qui enim hanc aquam bibunt, non magis huic morbo sunt obnoxii, quàm alii; nec quicquam calculo & hujusmodi lapidibus commune est, uti alio in loco innuimus.

XIV. Quandoquidem de aquarum examine dicere occæpimus, idque ad Physicam proprie dictam maximè pertinet, non erit alienum observationes quæ à D. Geoffroy superiori anno factæ sunt circa Thermas dictas vulgo *Bourbonnenses*, & Plumbarias, v. *Plumbieres*, quæ prope Lingonas celebrantur, hoc loco subicere. Bourbonnii fons est, cujus aqua limpidi, & valde salis, non fætida est, nec pravi saporis, etsi in fundo valis limum atrum & admodum fætidum deponit. Conchæ seu crateris margines colore ad flavum vergente tinguntur, quæ iis non tenaciter adhæret substantia odore sulphureo. Adeo calida est aqua, ut manus eam paulo diutius ferre non possint; potatur tamen citra oris adustionem; usitatæ probationes, sublimati corrosivi, gallæ, vitrioli, aut calcis vivæ nihil ei mutationes afferunt, sal tartari coagulum efficit.

Thermas plumbarias intactas relinquunt vulgata criteria, ne sale quidam tartari excepto. Ibi sunt fontes aquæ frigidæ; lapides qui saponem referunt, in iis fontibus frequentes occurrunt; alii in pulverem contriti, & in prunas conjecti ardent instar sulphuris, sed ejus odore non inficiuntur. Herba Hepatica in aquis illis saponariis frequens est, non item in aliis fontibus calidis aut frigidis. Fons est in horto P. P. Capucinatorum tepidus, ex quo deauratæ paleæ extrahuntur.

XV. Quod utique nos admonet observationis, quæ nobis prætermittenda

non videtur. Cum D. Burlet cuidam ægro potendam aquam è thermis Chy-Aquisgranensibus præcepisset, post triduum vidit pateram argenteam, qua mica-uti solebat, intus deauratam. Id à sulphure, quod in iis aquis copiosum est, proficisci existimat D. Homberg.

CAPUT II.

De quibusdam rebus Physicis simul & Chymicis.

I. **P**hysicæ speculationi Chymicas quasdam operationes subjicimus ob magnam utriusque scientiæ cognationem, si tamen hæ disciplinæ diversæ sunt, cum ex iisdem ducantur fontibus, & ambæ rerum naturalium principia inquirent, diligentius, Physica proprie dicta speculando, Chymia operando. Exemplo sit stibium, seu antimonium, de cujus præparatione & usu D. Lemery complura fecit experimenta hoc vertente anno, quæ in opus hac de re conscriptum conferet.

Cum in priori editione hujus Historiæ mentionem obiter fecissem liquoris acidi quem D. Charas se ex Antimonio extraxisse aiebat, vir doctus epistolam Novi Castri in Angliā datam ad me misit, qua rogabat, ut hujus liquoris extrahendi rationem ad eum, si fieri posset, mitterem. Id enim visum est ei in arte Chymica paradoxum quoddam. Ea de re in Academia agitatā D. Homberg sententiam rogatus ait, hoc plerisque mineralibus commune esse, ut principia è quibus constant, vix extrahi possint, quod arctius inter se devincta sint. Atque hoc plerisque fallit in re propoſita de liquore stibii acido, quod liquor ille è terra argillosa, quæ sæpius antimonio est admixta. eliciatur: cum stibium purum nullum ferè præbeat ejusmodi liquorem. Non id tamen inficiatur quin stibium ab ea terrâ purum liquorem acidum per operationem exquisitam & difficilem interdum suppediet: sed acidum illud non aliud quiddam est quam spiritus sulphuris antimonii, quod sulphuri communi est simillimum, & utriusque spiritûs eisdem planè effectus esse semper comperit D. Homberg; neque hic spiritus è parte metallica stibii eruitur, sed è sulphure ipso, quo stibium abundat.

II. Die 21 Aprilis D. Lemery in publico Academiæ conventu Chymicam operationem coram exhibuit, ex quâ lux aliqua fulminis & tonitruî origini & naturæ explicandis potest accedere. Ac primum quidem illud ab omnibus concessum ponit, materiam ex quâ fulgur & fulmen procedunt, non aliud quiddam esse præter sulphur inflammatum, & magno impetu vibratum. Nihil enim novimus, quod citius inflammetur, & motu rapidiori feratur, quam sulphur ipsum; hanc esse fulminis materiam odor ipse persuadet. Unde igitur hoc sulphur oriatur nobis intuendum est. Atque illud satis est verisimile ex eadem materiâ cudi fulmina, terræmotus, typhones, & ignes subterraneos. Ista quidem D. Lemery in opere suo Chymico occasione præparationis cujusdam Chymicæ, quâ vitriolum, ut vocant, Martis, conficitur, scire exposuit. Ex æquis limaturæ ferri & sulphuris in pulverem contriti

ANN.
1700.

partibus aquâ dilutis fit mixtura, quæ in massam redacta spatio 2, aut 3 horarum citra ignem manet quasi in digestionem quadam. Hæc massa fermentescens incalescit, interim ex ea dehiscente vapores erumpunt calidi tantummodo, ubi mixtura est in mediocri quantitate: sed in majori mole, ut 30 aut 40 librarum, flammæ erumpunt. Tum enim spicula sulphuris acida cum ferri particulis luctantia calorem & flammam procreant. Neque illud abhorret à verisimili quæ à visceribus terræ prodeunt incendia, ex illa vehementi fermentatione sulphuris & ferri excitari. Nam ubi desierunt ejusmodi eruptiones, sulphur copiosum in terræ superficie jacet, atque in rimis ipsis quas ignis fecit, visuntur scorix, quales ferè in ultrinis ferrariis occurrunt ex ferro in vitrum quoddam converso, v. *machefer*.

III. Post ultimam sui operis editionem hoc ipsum aliis confirmavit experimentis. Eandem mixturam limaturæ ferri & pulveris sulphurei ollis fictilibus longis & angustis imposuit, ut ex eâ magis pressâ flammæ erumperent majori copiâ, materia intumescens: 50 libris hujus materiæ ollam implevit, quæ in terrâ defossa est: post 8, aut 9 horarum spatium terra superposita intumuit, ac subinde dehiscens primum exhalationibus sulphureis & calidis, tum flammis erumpentibus exitum præbuit, effuso circum flavo, & subnigro quodam pulvere. In ollâ refrigerata pulvis tantummodo ater, & gravis superfuit, limaturâ nempe ferri suo sulphure magnâ ex parte exutâ.

IV. Ex illa ferri & sulphuris fermentatione terræ fremitum oriri jam diximus: cum ventus sulphureus ex violenta illa fermentatione ortus exitum non habet, tum diu perstat tremor ille terræ: sed dato exitu ventus magno impetu prorumpens typhonem, v. *Onragan* sæpe procreat: hinc ignes subterraneos oriri putat D. Lemery, & varios eorum effectus è variis causis duci, seu ex majori copiâ materiæ, seu ex aëre subeunte. Quin etiam ignes fatuos ex iisdem causis proficisci opinatur, & eos maxime quæ cælo calidiori prope aquas sursum efferuntur ex habitu sulphureo, sed debili admodum, & tenui. Horum motus magnâ ex parte est debilitatus, dum per occultos terræ meatus, aut per aquam halitus ille quasi percolatus fuit, adeo ut levior tantummodo flamma sursum tollatur, quo deficiente pabulo diutius non persistat.

Thermas quoque ex igne subterraneo, aut ex terra sulphureâ quam aquæ pervadunt, incalescere videtur admodum probabile, cum ad crateris margines sulphur aquâ quiescente interdum colligatur.

V. Sulphureus ille ventus tanto impetu interdum erumpit, ut ad nubes usque sublatus fulmen & tonitrua procreet. Nam sulphur illud subtile, atque ut loquuntur, exaltatum sic in nubibus implicatur, & premitur, ut concussum flammam concipiat, ac nubem magno impetu scindens, & fulmen & tonitru efficiat, cum ex arctiori loco magnâ vi prorumpens aëra vehementi ictu verberat, & rapidiori motu volvitur instar pulveris pyrii intra tormentum bombardile accensis. Accedit nitrum subtile per aëra diffusum, quod vim sulphuris exauit.

Neque illud mirum videri debet, quòd sulphurea & pinguis materia in nube torida incendatur, cum illud camphoræ, & bitumini commune sit ut

in aquâ ipsâ ardeant. Quin etiam fieri illud potest, ut pars sulphureæ materiæ, in aqua cum detonatione quadam extingatur instar ferri candentis, *Chymica*, dum aquæ immergitur, pars altera subtilior in flammam abeat.

V. Hæc quidem D. Lemery luculento experimento coram illustri consessu confirmavit. Vasi satis amplo, cui collum resectum fuerat, tres uncias optimi spiritus vitrioli, & 12 uncias aquæ communis affudit: postquam hæc mixtura parum incaluit, sesqui unciam limaturæ ferri iteratis vicibus in vas conjecit, statim vapores albi sublati sunt, quibus solum ceratum, & accensus admotum est prope matrati orificium, tumque vapore accenso fulminatio cum strepitu orta, eaque auctâ, ubi solum accensum identidem admovebatur; ac subinde matrati flammâ intus discurrente impletum fuit.

In hoc quidem experimento quædam sunt observanda: primum ebullitionem illam ex dissolutione ferri per spiritum vitrioli ortam, sed spiritum illum aquâ dilutum oportuit: secus enim ejus spicula limaturæ ferri arctius coherentes libere movere se non potuissent, neque ulla facta esset fulminatio.

2. Deinde liquor ipse debuit increscere, quò dissolventis aculei ferrum penetrarent: sed cavendum fuit, ne calor nimius esset, alioqui admotâ candellâ, in collo tantummodo matrati flamma prodierat citram ullam fulminationem: nam strepitus ex materiæ accenso sulphure in parte inâ vâsis oritur, ubi aqua obstat quominus sursum effertur, & ab ea sese exeat.

3. Quòd sulphur in vapores abeat, & inflammetur, id limaturæ ferri tribuendum est: nam spiritus vitrioli, & aqua nihil in se habent inflammabile, sed ferrum abundat sulphure, quod rarefactum & evolutum per atramenti, seu vitrioli spiritum in vaporem facile inflammabilem exhalatur.

4. Spiritus salis, sulphuris & aluminis, eundem producunt effectum, non item spiritus nitri.

Cæterum hæc operatio non tantum est lucifera, sed etiam lucrifera, ut loquitur Verulamius: nam ex ea, quæ in vase residet materiâ paratur vitriolum Martis eo quidem modo quo D. Lemery in suâ dissertatione exposuit: sed eam omitimus præparationem, ne longiores simus, eaque videri potest in opere ejus Chymico.

VI. Die 24 Aprilis D. Burler Medicus Parisiensis & ex Regiâ Academiâ dissertationem non minus utilem quam eruditam de usu aquæ calcis in Medicinâ è scripto recitavit, quæ ad Physicam juxta & Chymiam revocari potest.

Solutio calcis cum ignis particulis sit scæta, inter remedia topica, & ea maxime quæ exsiccant & consumunt ante hanc ætatem fuit celebrata, non inter ea quæ ore intus sumuntur. Sed aliquot abhinc annis usus ejus in regionibus ad septentrionem positis multum increbuit, & inter artis arcana à plerisque habetur. Optimum esse morbis chronicis remedium, & inter alterantia valde eximium D. Burler, cum in Bataviâ versaretur à Medico & docto, & candido accepit, qui unâquaque hebdomadâ 60 & amplius hujus aquæ libras

A N N. variis fucatz modis, ægris solebat exhibere. Hujus aquæ vim, & effectus
1700. acriori animo expendit D. Burlet.

Ac primum quidem id advertit calcis aquam non ubique ejusdem esse naturæ. In Bataviâ & in plerisque locis mari finitimis calcem è conchiliis parant: sed ea minus ad medicinæ usum idonea videtur; quæ è saxo duriori, & eo quo alibi diximus modo calx conficitur, ut ad structuram ædificiorum, sic ad medicamina longe præstantior videtur, præsertim cum recens est, & minus aëri exposita, atque in loco sicciori servata: sex aquæ pluviz & calidæ partes uni calcis libræ spatio 24 horarum affundi solent, tum aqua per chartam emporeticam trajicitur. Aqua calida & pluvia calcem melius dissolvit quàm aqua communis & frigida; eidem calci tantumdem aquæ iterum affundi potest quæ debilior futura est. Ea solutio cum aliis liquoribus ægrè permiscetur, cum syrupis omnibus fermentescit, atque acidi liquoris admixtio eam turbat.

VII. Mitto varia tentamina circa illius in arte medendi usum facta in dysenteria & Astmate, in phthysi nondum adulta, in scrophulis: cum eâ minus succederent, ac sæpius ex hujus aquæ usu fastidium cibi & defectio appetitus oriretur, D. Burlet Medicum illum adiit, cujus mentionem fecimus, quique adeo hoc remedium extulerat, tum verò is varias aquæ illius adhibendæ modos & misturas pro morborum varietate, quæque hætenus ut arcana habuerat, cum eo communicavit. Calcis aquam naturæ alkalinz & fermentis omnibus acidis, unde morbi plerique omnes chronici oriuntur, destruendis idoneam esse persuasus, in curandâ cachexia, scorbuto, hydropse, pica, hepatis obstructionibus hanc solebat adhibere, eamque interim cum alterantibus, interim cum purgantibus, sæpius cum metallorum tinctura quadam, quæ multum in Bataviâ & Germania celebratur, conjunctam præbebat. Hæc tinctura in libro cui titulus est Chymia rationalis, Lugduni Batavorum, anno 1687 edito descripta invenitur.

VIII. Tinctura ex stanno, cupro, regulo. Antimonii Martialis simul fusis paratur. Hinc prodit massa metallica, cui nonnulli electri mineralis nomen indiderunt. Hæc massa in pulverem contrita carbonum & nitri additione, & detonatione conficitur: cum vini spiritu aut juniperi in digestionem posita spiritum rutilo colore tingit.

Medicus ille 2 libris aquæ calcis, 2 aut tres uncias hujus tincturæ affundebat, sex uncias hujus mysturæ unoquoque die hauriendas hydropicis & scorbuticis præscribebat. Hujus remedio ope per urinarum viam aquæ in magna copia excernuntur. In quartanis & in febrium intermittentium quæ magis sunt pertinaces omni genere, aquæ calcis cum guttis aliquot hujus tincturæ, corticis peruviani, v. *Quinquina* effectum certiores efficiunt.

IX. Varias hujus remedii formulas in Bataviâ cum felici exiru præscriptas vidit D. Burlet. Regio est frigida, & aër paludum vaporibus crassior, potus è cerevisiâ, cibus è caseo, butyro, piscibus; unde sanguis fit crudior, minus fluidus, quique facile in minoribus vasis sistitur. Hinc obstructiones & morbi chronici, quibus alterantia majori sunt usui, atque interea calcis solutio cum tincturâ metallorum admodum penetrante conjuncta feliciter adhibetur.

Secd

Sed D. Burlet rem longe aliter se habere in his regionibus, ut Lutetiæ *Chymica*. expertus est, iidem sæpe morbi occurrunt, sed non ex iisdem oriuntur causis, non idem aër ducitur, aliis utimur alimentis, sanguis non adeo crassus, ac medicamina alterantia non ita bene procedunt atque in Bataviâ, & Germaniâ. Tinctura metallorum cum in nostris corporibus non offendat pituitam adeo densam, sanguinem tam languidum, in quem vires suas exacuat, quique illius aculeos obtundat, hæc fibras ventricoli nimis exagitat, & fermentationem plus satis vehementem in sanguine accendit. Nam hæc tinctura, quantumvis illius pattoni dissentiant, est ex genere corrodentium, non enim aliud quiddam est quam partes stibii sulphuræ, & salinæ cum nitri alkali fixo conjunctæ, non metallorum partes ex iis decisq; hujus compositionem subeunt. Sales tartari & nitri unâ calcinati eadem prorsus spiritum vini tincturâ, & colore imbuunt, & eosdem producunt effectus. Hinc D. Burlet eadem postea usus est tincturâ in morbis qui è nimia cruditate & obstructione nascuntur, non adhibiti calcis aqua. Quam ubi adhibuit, secundam sæpe priori anteposuit, atque uni calcis libræ octo aquæ pluvialis affudit, eamque quoad potuit & ægri sine fastidio hauserunt, cum lacte conjunxit, aut cum prisanâ à D. Boyle in tractatu de specificis remediis descripta, quæ est ejusmodi,

Octo libris aquæ calcis lignum sassafræ, anisi glycyrrhiza ana 4 uncie citra calorem infundantur, uvarum Damascenarum, aut Corinthiarum duæ uncie: dosis est 2 unciarum bis unoquoque die.

Id vero testatur D. Burlet sæpe aquam calcis ab eo datam esse, nec effectum illius expectationi respondisse, ut in optimis quibus remediis evenit, sed eam ægris nocuisse nunquam. Hanc exterius adhibitam, imo & intus sumptam inter absorbentia & vulneraria numerari D. Spon in novis Aphorismis testatur.

X. Hæc autem sunt à D. Burlet circa hujus aquæ usum observata. Sæpe ægris appetitum cibi dejecit, & frangit, adeo ut vinum Canariense, aut Absinthii, aut Teriacam præbere interdum necesse sit, maciem aliquando inducit, & exsiccatur plus satis, interdum ventrem efficit pigrum. Quamobrem ubi appetitus cibi debilior, aut fastidium inest, aut macies, aut alvus constricta; aut major sitis, nullus est huic aquæ locus; interioribus & exterioribus ulceribus, lacti, aut decoctioni vulnerariæ adjuncta sæpius est utilis, quemadmodum & hæmorrhagiæ, cuilibet obstructioni, aut tumori cum in schirrum aut cancerum non abiit; scrophulis nondum inveteratis prodest. Solutio calcis lacti admista, ejus coagulationem inhibet, vim purgatricem Aloes scammonæi & jalappæ exacuit.

Unde vires effectus illius aquæ dimanant, explicatu satis est difficile. An ignis particulæ moleculis calcis conclusæ aquæ affusione ruptis carcerebus avolant, & eum quem in illius extinctione cernimus calorem, procreant: quæ quidem effervescencia paulatim desinit, & aqua restat quibusdam terrenis calcis moleculis imprægnata; leviores & magis solubiles naturæ alkalinæ tantummodo supersunt, è quibus hi procedunt effectus. Sed non satis liquet quid per ignitas illas particulas intelligatur, an sulphur aliquod, quod, ex igne cum impetu erumpens intra calcis meatus conclu-

ANN. 1700. dicitur; an forte sal calcis, qui saxo inerat ante calcinationem, quem ignis à crassioribus partibus solum effecit subtiliorem; an sal ipsius ligni in furno accensi, qui ab igne volatilis factus, partium lapidis magis terrenarum occurſu implicatus, motu suo multatus fuit. Nec tamen in promptu est huiusmodi salis terrenis particulis involuti existentiam demonstrare, cum neque distillatione, neque exhalatione se prodant. Ex aqua calcis nihil salis extrahitur, sed concretio tantummodo terrestrium particularum alcalinæ materię, aliis Alkali terrenę substantię non dissimilis, quęque ut calx pota sæpius cibi appetitum frangunt, & fastidium ingenerant, quod fermenti in stomacho positi obtundant aculeos, eaque similiter lactis coagulationem inhihent, hæmorrhagias sistunt, dum acida absorbent, & sanguinem efficiunt fluidiorem, ac demum eisdem plane producunt effectus quos solutio calcis.

XI. Id vulgatum satis est & tritum solutione salium, ut salis marini, nitri, salis ammoniaci, vitrioli, &c. aquę frigus intendi, quod fluiditatis motum qui aquę inest, imminuant: nam sales illi antea immoti, partem motus simul & caloris in se transferunt. Nec tamen id solutionibus omnibus salium convenit, nam salis alcali & fixi solutio est calidior, quod forte sales illi per calcinationem igneas particulas in suis poris reconditas servant, quę solutę se produnt.

Verum illud mirari subit, qui fieri possit ut solutiones cum fermentatione conjunctę, nec sine strepitu intumescerent frigidę sint, & liquorem Thermometro conclusum deprimant, nec facile est cum tanto motus augmento refrigerationem conciliare. Quin etiam sæpe ex his frigidis fermentationibus vapores calidi efferuntur: ubi sal ammoniacus unā cum oleo vitrioli miscetur, si liquori Thermometrum immergatur, statim spiritus vini Thermometro conclusus descendit, dum in altero Thermometro sic collocato, ut vaporem è fermentatione frigida sursum sublatum excipiat, statim ascendit. D. Geofroy Academicus aggregatus in consessu publico post paschales feriis multa in hanc rem protulit experimenta. Sublimati corrosivi & salis ammoniaci equis partibus in pulverem redactis acetum distillarum affudit, hinc frigus intensum valdè prodit. Sic ex oleo vitrioli & aqua communi calor vehemens oritur citra ebullitionem.

XII. Gutte Anglicanę aliquot abhinc annis valde celebratę, adhuc inter arcana paucis cognita numerantur. Carolus II. Magnę Britannię Rex magno pretio emit harum compositionem, neque eam vulgavit Angli: sed Vir Clariss. & Doctiss. è Societate Regia Anglicanā inter Medicos Londinenses D. Lister guttarum præparationem cum D. de Tournefort non ita pridem communicavit, eo consilio ut multis prodesset. Hę gutte non aliud quiddam sunt quam spiritus volatilis è serico crudo distillatus, cum oleo cinnamoni v. *canelle*, aut quovis essentiali oleo, ut aiunt, rectificatus. Id autem D. de Tournefort experientia comprobavit hoc uno guttas illas salis Ammoniaci, aut cornu cervi præparationi anteponi, quod odorem magis tolerabilem præ se ferant, atque ex eorum omnium analysi id magna probabilitate colligitur, unicum aut singulare præsidium in his guttis non esse positum,

XIII. D. Bouleduc analysim hypæcuanæ albæ, cineræ & subnigræ *Chymica.* primum per distillationem, tum per extractionis methodum aggressus, ex hac posteriori analysi partes salinas & resinosas huic radici uberioribus inesse cognovit, salem quidem aquâ pluviz distillatâ, sulphur aut resinam spiritu vini extraxit. Cum autem in hac radice sal præ sulphure dominetur, id fieri posse existimat D. Bouleduc, ut sales in aquâ soluti sulphureas partes secum abducant, aut eorum ope aqua eosdem facilius exsolvat, eaque sola principiis activis mixti imprægnetur: quod experimentis fuit confirmatum.

Extracta hypæcuanæ cinerei coloris in variis morbis cautione adhibita ab eo sunt explorata, quorum historias recenset, ac feces ipsæ radicis sale suo & sulphure exutæ non inutiles repetitæ sunt. Radicis albæ, quæ debilior est, & subnigræ, quæ est violenta magis, partes inter se contulit: in subnigrâ pauciores sunt partes salinæ & sulphuræ quam in cinerea, tamen illa vim habet majorem, adeo ut vis illa in certa dosi, & principiorum crasi magis quam in eorum copia posita videatur, nec semper ratiocinium cum experientia conveniat.

In albâ radice multo parcius est resina, quam in cinerea, atque hinc vis ejus debilior est, plus salis illi inest.

Est alia in Brasilia planta, cujus meminit Piso qui primus omnium hypæcuanæ radicis mentionem fecit.

Hæc Caa apia vocitatur iisdem fere dotibus prædita est, quibus hypæcuanæ, & ad eosdem usus adhibetur, vulneribus quæ à sagittis venenatis inflicta sunt, salutarem uti & adversus serpentum morsus commendant. Hujus descriptionem legit D. Geoffroy.

CAPUT III.

De quibusdam aliis operationibus Chymicis.

I. D. Le 20 Februarii D. Homberg scriptum legit in quo vires salium Alkali dimetiendi ratio continetur. Jam ante aliquot menses spirituum acidorum vires per suum Aræometrum dimetiendi methodum tradiderat, quæ autem ratione vires Alkali mensurari, & quantum acidorum retinere queant, inquirendum censuit, quod nonnihil utilitatis arti medendi inde possit accedere. Nam plerique medici ejusmodi sales alkali male affecto ventriculo præscribunt. De salibus quidem alkali cum fixis, tum volatilibus jam identidem verba fecerat, de terrenis tantummodo hoc in loco disserit.

Vis acidorum in dissolvendo, ut vis alkali in eo posita est, quod sint dissolubilia: atque ut horum vires ad certas alkali exigeret mensuras, quædam alkali exsatiavit spiritibus acidis, quorum vires antea per Aræometrum exploraverat, uniuscujusque pondere cum aquæ fluviatilis gravitate collato. Et quidem acida quæque non sunt uniusmodi, cum quædam certa exsolvant corpora, quæ ab aliis intacta manent & illæsa. Ad duo tamen genera revocari ea possunt, quorum unum aquas fortes, alterum aquas regales com-

Dddd ij

ANN. plectitur. Neque id abhorret à verosimili acidæ quæ in corporibus nostris tu-
 1500. multuantur, alia aquæ forti, alia aquæ regali esse cognata: nam quosdam
 morbos certa sanant alcali, alia non item. Itaque se operæ pretium fac-
 turum existimat D. Homberg, si terrena alcali per acidæ utriusque generis,
 nimirum per nitri, & salis spiritus expenderet. Utrumque spiritum suo
 phlegmate sic exiit, ut ejusdem voluminis idem esset pondus. Ita præparati
 & cum aqua fluminis collati cujusque spiritus acidus pondus eam habere ra-
 tionem ad aquam comperit, quæ est 1, ad 4, adeo ut cujusque spiritus volu-
 men æquale uni aquæ uncia 10 drachmas penderet. Cum enim utriusque
 acidus ad idem alcali diversam habitudinem aut rationem perspectam habere
 vellet, necesse ei fuit ut utriusque acidus vires æquarentur in eadem mole, aut
 volumine. Cum igitur phlegma, seu aqua cui innatant ambo hi spiritus, sit
 ejusdem naturæ & ponderis cum aqua fluviali, pars illa quinta, quæ spiritus
 acidus aquam vincunt pondere, à salibus proficiscitur, & salium utriusque
 æquantur pondera.

II. His positis terrestria alcali in pulverem trita, nempe oculos cancri,
 corallium, uniones, conchas margaritíferas, lapidem Besahar cum orienta-
 lem, tum occidentalem, humanum calculum, ostræorum testas, cornu cer-
 vinum calcinatum, calcem vivam, bolum, terram sigillaram primum in una
 spiritus nitri uncia, tum in spiritu salis ejusdem ponderis exsolvenda posuit,
 & quantum è singulis, & quam cito fuerint dissoluta, diligenter annotavit.
 Nec bolum, nec terram sigillatam, aut Tripolitanam, seu lapidem Samium
 ambo hi spiritus solverunt; spiritus nitri in dissolvendo multo efficacior vi-
 sus est, tametsi uterque spiritus æqualis pondetis per Aræometrum factus
 fuerit. Cujusque alcali diversa quantitas, ut eandem spiritus acidus quantita-
 tem absorbeat, acidus vim passivam, ut ita dicam, dimittitur.

III. Hujus discriminis ratio videtur posita partim in configuratione salium
 volatilium acidorum, quibus constant spiritus acidus, partim in diversitate
 figurarum quas nacti sunt pori in ipsis alcali, atque sales acidus plus aut minus
 dissolvunt alcali, ut illorum aculei acutiores sunt, aut obtusiores, ac pori al-
 cali magis aut minus acidus conveniunt, ut acies ipsæ salium volatilium aci-
 dorum numero sunt plures, vel pauciores. Nec tamen acidorum particulæ
 ex formâ salium è quibus extracti sunt duci potest, cum sales quique misti
 sunt ex acidis & alcali, ac crystalli acidorum variant penes varietatem alcali
 quod dissolverunt. Sic spiritus nitri, quo argentum fuit dissolubile, in la-
 mellas tenues, latas, & figuræ triangularis concrevit; in cupri dissolutione
 crystalli oblongæ & densæ, ac figuræ hexagonæ se produnt, sale tartari sa-
 tiatus in acus oblongas quæ est salis-petræ figura genuina, cogitur.

IV. Lapidem Bezoar, & calculum humanum præter alia alcali lentè ad-
 modum solvuntur ab acidis, tametsi sale volatili alcalino abundant; qui for-
 tius effervescent, quàm terrena quæque alcali, cujusmodi est testa ostræorum.
 Hujus rei forte causa est oleum crassum, quod hos lapides involvit, quod-
 que spirituum aculeos sic obtundit, ut spiritus ignis calori exponere necesse
 fuerit. Majorem effervescentiam spiritus acidus creant in calce vivâ, quàm in
 calce extinctâ, sed calx viva non citius solvitur quàm extincta. Magno qui-
 dem argumento calcem vivam non abundare alcali volatili, qui in extinctâ

diffletur : nam alcali volatile plus acidi retinet, quàm alcali terrestre. Unde Chy-
si uberior esset alcali volatilis copia in calce vivâ, quàm in extinctâ, ube-
riore acido opus esset, quò exsatiari posset. Et tamen negare non possumus
quin calx viva multa efficiat quæ extinctâ non valet efficere, adeo ut ma-
teria quædam actiuosa calci vivæ insit, quâ caret extinctâ. Illud proximum
vero videtur in viva calce ignis particulas superesse quæ inter calcinandum
subiere, his exhalatis calx ipsa extinctâ dicitur. Nec desunt exempla ex qui-
bus corpora calcinata augeri pondere colligitur, uti de regulo antimonii per
speculum ustorium calcinato diximus. Ignem autem illam particulæ licet ad-
modum actuosæ, non eæ tamen naturam sortitæ sunt alcalinam quæ
acidum retineat : unde calx viva non plus absorbet acidi quàm ex-
tinctâ.

V. Inter alcali quæ examinanda suscepit D. Homberg, ostreorum con-
chas adhibuit, quòd earum pulverem male affecto ventriculo sæpe utiliter
præbuerit. Spiritus nitri, aut salis præ cæteris alcali ejusdem fere generis,
cujusmodi sunt uniones, aut conchæ margaritifera, ostreorum testæ, facilius
dissolvit. Id fortè evenit, quod abundant multo sale marino, qui vel lingua
ipsâ percipitur. Sal ille ad dissolutionem ostreorum testas disponit, unde eæ
sunt valde friabiles, & acidorum aculeos ultro admittunt : cum margaritæ &
earum conchæ eo sale destitutæ duræ sint admodum, compactæ, & solutæ
difficiles : quæ solutio majore vi & tumultu perficitur. Sal ille qui conchis
ostreorum plurimus inest, non videtur solum marinus esse, sed etiam ex ipso
ostreo manare. Hinc ejus sapor est admodum penetrans, & odor acer ; acce-
dit & salinus ille humor qui inter folia conchæ est interjectus, cum frangitur
concha, priusquam sit exsiccata.

VI. Pulverem conchæ sic præparat D. Homberg ; parte ejus utitur cavâ,
ablutis sordibus exterioribus ad solem per aliquot dies exsiccata, in mortario
marmoreo terit ; in pulvis speciem contusam iterum soli exponit, rursus con-
tusam per subtile incerniculum trajicit : dosis est à 20, ad 30 grana in vini
albi ; aut 6 cochlearibus ; mane sumitur per tres hebdomadas, aut mensem in-
tegrum.

Illud non omittendum videtur, spiritu nitri semper majorem alcali quan-
tatem fuisse dissolutam, quàm spiritu salis. An forte sales acidi ex quibus
constat sal marinus, crassiores sunt, & minus penetrantes, quàm sales nitrosi
nam in utroque spiritu æquale erat salis pondus, ita ut crassiorum partium mi-
nor esset quantitas, minorem adeo producerent effectum.

VII. Die 12 Maii idem è scripto recitavit observationes suas circa Mer-
curii dissolventia. Primum quidem illud advertit, dissolventia metallorum ad
duo genera referri solere, nimirum ad aquas fortes, & regales ; tametsi quæ-
dam metalla ab utrisque solvuntur : aurum & stannum aquâ tantum regali,
argentum & plumbum sola aquâ forti, ferrum & cuprum utraq; ex æquo
exsolvuntur. Ad hanc classem Mercurium referri oportere ex iis quæ sequun-
tur observationibus planum fiet : tametsi eum ab aquâ forti tantummodo ex-
solvi hæcenus creditum est. Id utique constat hydrargyrum, citra ullam præ-
parationem aquæ regali aut spiritui salis impositum non eodem dissolvi modo,
quo ab aqua forti, aut spiritu nitri. Sed certâ ratione præparatus citius in

ANN. 1700. aquâ regali, quàm in aquâ forti exsolvi potest. Quin etiam quamvis nulla præcelleret præparatio, dummodo certus virium gradus aquæ regali & diuturna digestio accesserit, citius Mercurium solvit, quàm aqua fortis. Quod ipse expertus est D. Homberg cum variis experimentis acida retundere, & lenire tentaret. Inter alia tentamina quæ circa metalla fecit occasione data, uni uncie hydrargyri affudit 4 uncias spiritûs salis suo phlegmate ita exuti, ut cum aquâ purâ collati pondus ad aquæ pondus eam haberet rationem, quæ est 4 ad 3; trium hebdomadarum spatio Mercurius in calcem reductus est, quæ lapidis cærulei, seu ardesiæ colorem præ se ferebat; quæ paulatim est imminuta, adeo ut post quinque digestionis menses, sedimentum illud subnigrum in eadem mole persisterit. Aperto vase ablutum sedimentum drachmæ unius pondere inventum est: huic novus salis spiritus est affusus, in digestionem positum est, nec solutum. Sed postea cum spiritu nitri in digestionem positum omnino fuit dissolutum, ac solutio illa eodem modo cuprum dealbavit, ac solet vulgaris hydrargyus. Magno quidem argumento hoc sedimentum non aliud quiddam esse quàm Mercurium ipsum. Cum autem spiritus salis illud intactum reliquerit, hinc licet colligere hydrargyrum non esse corpus omnino simplex & uniusmodi. Quod aliis quoque experimentis se aliquando probaturum recepit D. Homberg.

VIII. Eadem post tentamina continuavit cum aquis regalibus compositis, nempe cum aquâ forti, cui sal ammoniacus accessit; cum spiritu nitri unâ cum spiritu salis conjuncto; cum spiritu nitri una cum sale communi, ut loquuntur, cohobato; atque iidem ferè prodierunt effectus. Aqua fortis cui sal ammoniacus affusus fuerat, ebullitionem fecit, quæ non ex aquâ forti prodit, sed ex sale ammoniaco, eaque ebullitio aliquando per plures dies continuatur, licet nihil metallici huic accesserit: sed tamen hæc ebullitio nulli erat effervescentiæ conjuncta. Quod si dissolutionem in aquâ regali accelerare velis, parum sublimati corrosivi ante Mercurium liquidum ponendum erit. Sublimatum corrosivum jam exsolutum & una cum aquâ regali confusum Mercurii liquidi particulas sic disponit, ut aquæ regalis aculeos facilius excipiant, & citius ab iis penetrantur, magno temporis compendio, cuius pars tertia lucro apponitur. Cum duæ illæ solutiones una post alteram in eodem liquore fiunt, nulla sit præparatio, quæ tum evenit, cum separatim factæ, postea unâ confunduntur, tamen post digestionem liquor præcipitatum suum resumit, & totum sic dissolvitur, ut omnino pelluceat. Hujus ea videtur ratio, quod duo illa menstrua, seu dissolventia diversæ sint naturæ, unde & illorum aculei, ubi unâ confunduntur, figuras suas mutant, corpus adeo solutum dimitunt ad tempus: sed in ipsa digestionem una conjuncti novum efficiunt dissolvens.

Cum Mercurius in sublimatum corrosivum abit, tum fit Mercurii perfecta solutio ab acidis spiritibus salis communis & vitrioli, ex quibus coalescit regale dissolvens. Imo vitriolum ipsum ut minus necessarium circa ullum dispendium abesse potest, atque unum salis communis acidum Mercurium in sublime aget. Sic multi Artifices argillam loco vitrioli adhibent, quâ salis fusio inhibetur, adeo ut vitriolum in hac operatione intermediū secretis vice tantummodo fungi videatur, ut bolus vel argilla.

Quod autem vera fiat Mercurii dissolutio per salem communem, cum ex eo fit corrosivum sublimatum, hinc etiam colligitur, quòd sublimatum illud eodem prorsus modo aquæ communis affusione liquecat, quo argenti & vitrioli crystalli liquecunt in aquâ, & præcipites cadunt additione alcalium, seu volatilia sint, seu lixivialia.

IX. Inter dissolutiones Mercurii factas per spiritum salis, & per sublimatum est quoddam insigne discrimen, tametsi utrique eadem sit subjecta materies, nempe liquidus Mercurius; eadem est effectrix causa, salis nimirum communis spiritus acidus, ubi nitrum abest, & vitriolum. Nam ut una Mercurii uncia spiritu salis dissolvatur, quatuor aut quinque mensium spatium impenditur; ut dissolvatur per sublimatum, unâ hora id perficitur. Cujus rei ea videtur ratio, quòd Mercurius cum sale communi permixtus, ignis vi in fumum effertur, seu in partes admodum exiles, & attenuatas, quæ undique involutæ ab acido salis una cum Mercurii vapore sublato, statim dissolvuntur, quòd tota Mercurii moles, quasi in superficies, aut particulas extenuata, atque ex omni parte oppugnata ab acido simul sublata tam cito exsolvi possit, quàm una atomus, aut molecula Mercurii. Sed in priori solutione non idem evenit, ubi Mercurius liquidus in fundo vasis dissolventi itidem liquido subjectus manet, nec à dissolvente tangitur, nisi in exigua sui parte, ac multum temporis requiritur, ut una illius superficies post alteram ab acido liquore affici & exsolvi possit, idque maxime cum dissolvens vim suam minus valide exerit.

Mercurius in sublimatum corrosivum redactus quàm facillime solvitur in aquis regalibus, quarum eadem est natura quæ salis communis, cum quo Mercurius fuit in sublime elatus. Eum quoque dissolvunt aquæ fortes minerales: nam una cum sublimato permixtæ fiunt regales. Verum id mirum videri potest vegetalium spiritus acidus, qui ferrum, cuprum, & plumbum exedunt, sublimatum corrosivum non solvere, nisi sal ammoniacus his, ut aceto distillato accesserit, qui sublimato Mercurio est affinis. An forte partes quædam oleosæ & pingues in aceto supersunt, quas sal ammoniacus absorbet: & quidem nullo opus est acido ut sublimatum corrosivum solvatur, cum in aquâ communi tam facile liquecat.

X. Die 7 Julii anni 1700. D. Homberg observationes suas circa Mercurii dissolventia quam jam ante legere inceperat, continuavit. Et quidem in priori scripto jam ostenderat mineralium acidis cujuscumque essent naturæ, ab aliis citius, ab aliis tardius eum dissolvi; quædam integram effecere solutionem, alia non item, sed quoddam sedimentum in fundo vasis relinquere, quod dissolvi nequit. Ex quo illud collegit hydrargyrum non esse unius modi, neque ejus partes omnes esse homogeneas, ac fore ut ex aliis quoque observationibus hanc conjecturam confirmaret, tum recepit.

Una ex iis observationibus longam & molestam operationem est consecuta, quam distincte commemorat, eamque nunc omittimus, quod excerpta tantummodo, non dissertationes integras Academicorum in gratiam potissimum exterorum tradere velimus, cum ejusmodi scripta in Historiâ Gallicâ distincte & explicate tradita habeantur. Summa est, reguli Martis & Veneris cum hydrargyro amalgama facti, quod aqua calida tam diu abluitur, dum

AN. aqua omnem nigrorem exuerit. Mox exsiccatur amalgama, in retortâ extillatur, 1700. è Mercurio extillato novum amalgama cum novo regulo paratur, idque ut prius in digestionē positum lavari & distillari solet. Quod sæpius iteratur donec aqua ipsa in quâ amalgamata quinquies, aut sexties lota sunt, non amplius sit sordida, post amalgama sextò distillatum, paulatim fiat nitidior, adeo ut nonâ, aut decimâ lotionē peractâ aqua omnino pelluceat, neque turbida appareat.

Aquæ ipsæ in quibus lota sunt amalgata, non nisi post sextam amalgama claræ & nitidæ apparent, nihil postea nigredinis, nihil turbidum se prodire, nec quicquam sordis è Mercurio separatur: nec sordes illæ ex regulo proficisci possunt, tametsi Mercurius è cinnabari vivificatus, ut aiunt, omnino purus videtur. Siquidem idem hydrargyrum cum novo Mercurio permixtus, nullas amplius sordes, nullam præbet nigredinem, cum novum sit amalgama: magno quidem indicio atrum illum colorem non ex regulo, sed ex ipso prodire hydrargyro. Secus enim non minus sordium post decimum amalgama, quàm post primum estatet, ac novus regulus novas sordes efficeret.

His sordes collegit D. Homberg, exsiccatas invenit nihil esse præter terrestrem materiem & levem cinerei caloris quæ ignis ardoribus exposita fundi non potuit, sed boracis & sublimati additione, encausti certis coloribus inusti speciem præbuit.

Cavendum vero est ne lotionibus fervidior aqua adhibeatur, tum enim amalgama liquidius fieret, & Mercurius regulum dimitteret specie nigri, & gravis pulveris, qui purus est regulus longe alterius naturæ à nostro pulvere. Nam & facile in igne funditur, in regulum cogitur, & longe majoris est ponderis: cum pulvis cinereus vitrescat tantum, cum ignis vehementior admovetur.

E tribus hydrargyri libris 5 drachmæ cum semisse hujus pulveris prodire, cujus natura à Mercurio diversa est. Est enim Mercurius, ut norunt omnes, admodum volatilis, metallorum omnium superficies, si ferrum exceperis, facile afficit, iis adhæret, metalla efficit fragilia, iisque soliditatem & firmitatem admittit; pulvis ille cinereus contra fixior est, nulli metallo coheret, si una cum metallo funditur, in vitrum abit, metallo supernat; illud fragile non efficit. Id tamen permitum videri potest, quod è Mercurio volatili prodeat materia quædam adeo fixa, ut vi caloris vitrescat. Verum id mirari desines, si acriori animo consideres in amalgamate plumbi, stanni, imo & argenti à Mercurio hæc afferri; atque in distillatione metalla adeo fixa cum separatim spectantur, sed ei conjuncta una cum illo extillari, tametsi ea sunt naturæ omnino peregrinæ. Quod si iterum leniori ignis calore fiat distillatio, Mercurius quidem stillabit, sed metalla in imo retortæ subsident, nec Mercurius illis fixitatem adimit, uti nec illa Mercurio volatilitatem.

Id suspicari non possumus pulverem illum cinereum hydrargyro permixtum fuisse, postquam è vena ipsaeductus fuit. Nam ejusmodi admixtionem omnino separantur ab hydrargyro postquam è cinabari quasi suscitatus reviviscit: est igitur pulvis ille Mercurio congenitus & pars ejus intime conjuncta quæ hac operatione ab eo separatur.

Quod

Quod si res ita sint, qui superest hydrargyrus, à communi Mercurio di-
versus est, idque ex quibusdam effectibus colligit D. Homberg qui in com-
muni Mercurio occurrunt quos aliquando proferet. *Chymica.*

Et quidem notum est, quam valida sit sulphuris in Mercurium actio, adeo
ut suspicari liceat sulphuream reguli antimonii materiem vices agere dissol-
ventis in secretionem ejus pulveris à reliquo Mercurii corpore, neque illi vim
ullam esse in alias Mercurii partes. Postquam enim secretus fuit pulvis ille
per 5, aut 6 lotiones & amalgamata, regulus in Mercurium vim suam non
amplius exerit, & aquæ lotionum deinceps puræ sunt & perspicuæ. Quod
satis apte cum reguli sulphure convenit, id enim corpus integrum Mercurii
dissolvit, cum alterum partem duntaxat fixam hydrargyri per hanc operatio-
nem dissolvat, atque eâ parte exhaustâ, nihil amplius separatur & idem manet
hydrargyrus nihil mutatus.

Quo autem modo hæc operatio fiat, explicatu est difficile, an eo, quo
jam diximus modo, nempe sulphur antimonii per amalgama in corpus hy-
drargyri introductum eam dissolvit antimonii partem quæ est dissolutionis
capax, & cinereum pulverem separat, quod reliquum est in Mercurio inrac-
tum manet, huic enim sulphuri in eam Mercurii partem præcipuam nihil li-
cet, neque in eam vim suam exerit.

An potius Mercurius ipse ut corpus liquidum concipi debet, quod intra
occultos suos meatus moleculas terrenæ materiæ, quæ nondum in Mercurii
naturam abiit, sic includit, ut à Mercurio ipso divelli nequeant, nisi
per aliam materiam quæ intra illa spatia semel admissa moleculas expellat
& in eorum locum succedat. Hæc utique materia regulo inest ejus confi-
gurationis, ut his spatiis, seu interstitiis hydrargyri commodius exci-
piatur, quam terrenæ illæ partes è venâ ipsâ seu ex fodinâ allatæ. Ita-
que nova illa materia in motu posita & per amalgata, lotiones, & calo-
rem digestionum in illa sese insinuat spatia, ex quibus priorem mate-
riam levem & terrestrem suo pondere extrudit. Unde & Mercurius hæc
peractâ operatione augetur pondere, quod nova illa materia priorem vin-
cat, eamque idcirco extruserit, quod sit gravior; ut sit in liquoribus di-
versis ponderis, qui ultro sic disponuntur, ut suum quisque locum & situm
teneat.

Hujus separationis causam puro stibii regulo tribuit D. Homberg, non
ferro aut cupro, quod hæc operatio æquè succedat in regulo simplici, atque
in regulo Martis; sed ferrum adjicitur, quod ejus accessione major reguli
copia prodeat, quàm ubi parum ferri non additur; sic corporis additio amal-
gama citius, & facilius efficitur.



CAPUT IV.

De Botanicâ.

I. Q Uæ ad vegetationem stirpium spectant peculiari dissertatione exposuit D. Dodart, cujus hoc est summarium ab Auctore mihi traditum.

„ Circulatione humoris plantarum reprobata qualis à Peralto & Mariotto
„ describitur, inducitur nova non circulatio, sed quædam reciprocatio humo-
„ ris terreni vel aërei, id est, humoris è terra per radices alentis truncum, ramos,
„ furculos ab aëre per furculos nutrientis, ramos, caudicem, radices.
„ Quod probatur tum argumentis à vegetatione ductis, quibus patet radices
„ producere stipitem, ramos furculos, vicissim furculos producere radicem, tum
„ experimentis quorum præcipuum est, quod si eadem die duæ arbores ejusdem
„ speciei transplantantur, ramis radicibusque ad eum quo fieri solet modum
„ truncate, postquam utraque solum novum comprehenderit, si uni, ramorum
„ nonnulli annuatim provenientes præscindantur, hæc trunco & radicibus
„ minus multo proficiat, quam altera quæ sibi permittitur; quod contra
„ evenire debuit si solis radicibus arbor fruticaret. De stirpium incredibili fecunditate
„ aliam eo scripto legit dissertationem, cujus hæc est summa ab eodem viro clariss. conscripta.

„ Fecunditas plantarum non spontanea consideratur, quæ vulgo nota & à
„ nonnullis authoribus aliquot exemplis demonstrata est, quamquam non tanta,
„ quanta multis aliis exemplis demonstrari posset: sed coacta & quasi vi quadam
„ expressa per putationem, truncationem, & cæteras plantarum clades.
„ Quæ quo plures sunt, eo magis planta repullulat, nec in arboribus tantum,
„ quarum exempla nonnulla referuntur, ut Castaneæ equinæ Americanæ, ulmi
„ &c. Sed multo magis in oleribus culinariis, quæ quò magis refecantur, eo numerosius
„ fruticant; quod fieri non posse videtur, nisi quod latentes naturæ
„ copiæ eo pacto emicare coguntur, eæque non novæ, sed ab origine conditæ,
„ & in tales casus cum sænore reparandos reconditæ. Quorum exempla referuntur,
„ eaque stupendæ fecunditatis. Quibus apparet nihil novum generari, sed ab antiquo
„ genita, & quasi reposita evolvi sensim, & in conspectum venire. Atque hæc
„ fecunditas non nova quidem & hæcenus ignota, sed saltem non satis
„ considerata est, ut eo modo exposita, & ad numerum quasi certum exacta
„ nova videri possit.

„ Tanta autem ea est in arboribus, ut aliquot exemplis pateat arborem tur-
„ bine ramis omnibus truncatam, sic hoc damnum compensare posse, ut pro
„ singulis ramis amissis 5760, aut 8180 possit reponere. Quæ fecunditas
„ quanta sit, si ex seminibus æstimetur in ulmo inita ratione, probatur etiam
„ spontaneam seminis ulmi fecunditatem, si ex annuo proventa ineatur summa,
„ seminum toto ulmi ævo etiam sine putatione provenientium ascendere,
„ ex uno semine, ut minimum ad ducenties centena millia. Itaque simili ra-

tione compertum habetur uno anno in oleribus quæ assidue ad radicem truncantur, verbi gratia in specie Lapathi, quæ Acetosa pratensis dicitur à Casp. Bauhino, hoc est, in oxalide culinaria tot surgere cauliculos, ut si ex eadem planta sponte ruri genita æstimentur, & unaquæque sineretur ad justam magnitudinem excrecere, futurum fuerit, ut semina in unoquoque cauliculo concepta ad minimum eo numero proventura fuerint, qui non paucioribus quam 13 figuris comprehendi possit, hoc est saltem millione millionum, centenis multis millionum, item centenis millionum aliquot, &c. Ecce tibi summa 1, 419, 381, 604, 410, seminum occultorum in uno grano latentium.

II. Aliud æque vulgare & mirum nec satis inculcatum, multò minus declaratum, Cathetismus plantarum, sive perpendiculi quædam affectatio in tantum, ut etiam ad perpendiculum inverso semine radícula sursum spectans ima petat, vicissim ad summum contendat plantula ad imum conversa, cujus rei causas exponit probabiles, sed factò minus certas. Quod compensat historia aliorum eodem spectantium.

III. Die 18 Augusti 1700 D. Homberg observationes suas circa plantarum olea è scripto legit. Initio quidem illud advertit è plantis omnibus per ignis analysim olei portionem quandam educam fuisse, sed cum magno discrimine, non in quantitate modò, sed etiam in qualitate oleorum, idque penes artificis operandi modum. Planta quævis citra ullam præparationem retortæ imposita, & quasi ex abrupto distillata minus olei fœtidi præbet, quam ubi paulatim extillatur; eadem fermentatione præmissa majorem olei essentialis copiam suppeditat, cum est aromatica, quam si fermentatio non præcesserit.

IV. Itaque oleum uberius aut parcius è planta per distillationem variis educitur modis: è quibus plures tentavit D. Homberg. Circa plantarum analyses illud constanter evenit, ut distillatione petacta in capite mortuo quod in retorta supereat, plus dimidia parte, imò & $\frac{1}{2}$ de ejus pondere decedat inter calcinandum vase recluso, aut aperto igne; atque in id vulgo consentiunt, partem illam capitis mortui, quæ exhalar, quamdam esse olei portionem, quæ exsiccata cum parte terrena & sale fixo plantæ, ab iis divelli non potuit in retortâ, vi ignis oclusi.

Id quoque observatur, oleum fœtidum plantæ non exire nisi sub finem distillationis, cum pars acidior, & sal urinofus à planta separata stillant, adeo ut tria illa stirpium principia per retortæ rostrum exant fere eodem tempore.

V. Illud etiam experimur plurimum olei tum educi, cum major est in plantâ acidi copia cum aliqua salis volatilis quantitate, atque oleum illud tum liquidum esse, & caput mortuum in calcinatione minus imminui. Idque videre est in calcinatione meliloti, malvæ, prunellæ, Abrotoni, pimpinellæ, plantæ sensivæ, &c. Contra, quæ parum habent acidi & volatilis, oleum densum in parvâ quantitate præbent cum uberiori capite mortuo, quod inter calcinandum plurimum imminuitur; adeo ut pars major olei in capite mortuo remaneat, ut videre est in analysi Heliotropii Dascoridis, in Galegâ Ægyptiaca, in Dacunculo, aut Serpentiariâ majori, in Ambrosiâ maritimâ, &c.

Ecce ij

ANN. Ex his fuscipatus est D. Homberg liquores acidos, & sales volatiles quidam affertre adjumenti oleis extrahendis, iisque vehiculo esse posse.

1702.

V I. Inter multa hanc in rem tentamina usus est sale volatili solo, sed irritato conatu, uti & acido cum sale volatili conjuncto : at solius acidi operâ usus est eventus meliori. Primo quidem acetum distillatum oleo fœtido & crasso permistum adhibuit, sabulo stampensi, utraque in globulos finxit, re-tortæ sunt impositæ, acetum gravi odore empyteumatis oneratum primum exiit, tum oleum initio nonnihil liquidum, sed majori ex parte crassum, de aceti quantitate parum decedere visum est, sed admodum erat debilitatum. Et quidem acetum illud stillaticium minorem acidi copiam in se continet, quàm ut vires suas in oleum possit exerere : cum tamen omnem suum acorem exuerit, illud est probabile oleum hac aciditate imbutum fuisse.

V II. In secundo tentamine unam spiritus salis partem cum duabus olei fœtidi & crassi plantarum permiscuit, hinc levis orta effervescencia, quæ cessante, mistura cum sabulo confusa fuit extillata. Primum spiritus acidus prodit ad $\frac{1}{2}$ spiritus salis ante affusi, sed is multum fuit debilitatus. Quod stillavit oleum, cum antea nigrum esset & opacum, & odoris gravis, liquidum erat pene totum, & pellucidum, nec adeo fœtidum ac prius, ac quinta fere sui ponderis parte mulctatum. Ex quo tentamine in priori sua sententia D. Homberg fuit confirmatus, acida mineralia stirpium oleosæ materiz sociari posse citra sui destructionem, atque eorum effectus esse magis sensibiles quàm aceti distillari. Cum tamen oleorum fœtor obstat, quominus usui esse possint, ab incæpto omnino destitit, atque in olea essentialia, & aromatica magis incubuit.

V III. Uni itaque seminis fœniculi libræ leviter contusæ sex libras aquæ communis affudit ; per 15 dies mansit infusio, tum arenæ balneo extillata, & distillata, quæ cohobatio bis fuit iterata : duæ drachmæ cum 56 granis olei essentialis prodierunt. Libræ iterum seminis fœniculi, ut prius contusi affusæ sunt tres unciz spiritus salis jam antè unâ aquæ communis librâ diluxæ ; infusio frigida per dies octo facta, 10 libræ aquæ tepidæ huic affusæ ; cuncta in digestionem leni posita sunt per 8 dies in Athenore, peractâ distillatione, & paulo amplius drachmæ olei essentialis prodierunt, idque non adeo igneum ac prius visum est.

Id persuasum fuit D. Homberg spiritu salis non solum intendi fermentationem, quæ distillationi cuiusque materiz spirituosæ omnino est necessaria, sed cum quoque oleosis partibus sociari, quas liquidiores efficit, unde & facilius in sublime aguntur præ calore. In secundo tentamine non dissimilis effectus in oleo fœtido apparuit. Quin & camphoræ liquefactio, & in oleo solutio per spiritus acidos hoc ipsum confirmat. Myropolæ seu unguentario qui oleum rosarum essentiali summo labore distillabat, auctor olim fuit D. Homberg, ut rosas ante distillationem per 15 dies maceraret in aquâ communi spiritu vitrioli sic temperatâ, ut nonnihil acoris contraheret ; eâque ratione pene tertiâ sui parte oleum essentiali increvit.

I X. D. Reneaume è Regiâ Academiâ, & Medicus Parisiensis novam nunc juglandis speciem Botanicis hæcenus incognitam in Provinciâ Bituri-

cenſi reperit, quam nucem juglandem folio eleganter diſſecto, vel Acanthi *Botanica.* folio indigetat.

X. D. de Tournefort elegantem de plantis marinis diſſertationem è ſcripto recitavit, in quâ præter alia bene multa obſervat plantas, quæ in maris fundo naſcuntur, nullis fulciri radicibus: nam ſolidis quibuſdam corporibus lamellâ quâdam terſâ & poliâ, quæque nullas emitit fibras, ſic adhæſcunt, ut ſaxa aut ſilices quibus ſunt affixæ ad eas nutriendas minus idonea videantur: adeo ut peculiari quodam modo alantur ac creſcant. Forſan è limo denſiori & oleoſo quem in fundo maris exſugunt, incrementa ſumunt.

Illud etiam in his plantis eſt ſingulare, quòd grana, aut ſemina nulla oculis ſubſciant, nec facile intelligitur ubi illa recondi poſſint, præſertim in plantis lapideis, cujuſmodi ſunt corallia & fungi marini, quæ lapidum potius, quam ſtirpium ſpeciem præ ſe ferunt, quorum ſubſtantia durior eſt, & ſui ubique ſimilior, quàm ut grana intus concludat, aut foras emittat.

Etiſi ea ſunt corpora certa ratione formata, & organis diſtincta, adeo ut proſeminari, & generari debeant ex conſtanti naturæ lege. Hæc enim tam ſibi æqualis aut conſimilis in natura agendi ratio id videtur exigere, ut ſint in plantis marinis, ut in terrenis quædam ſemina. Et ſane interdum videtur ab extremis corallii ramulis quædam lactis acris & viſcoſi ſpecies prodire, quod credibile eſt ad imum delabi; neque id cum aqua miſceri, ſed ſubtili quodam ſemine imprægnatum obvio cuique corpori adhæſcere. Hinc D. de Tournefort corallia coram exhibuit cujuſvis ætatis, à primo ſui exordio inſtar puncti rubei, quod vix ſenſu percipitur, ad ultimam ſui uſque perfectionem, conchylis aut ſilicibus, in quibus vegetantur, affixa.

XI. Quam conjecturam non ad corallia modò, & ad plantas omnes lapideas, quæ in mari naſcuntur, ſed etiam ad genuinos lapides adhiberi poſſe ſuſpicatur: ii quippe è materiâ liquidâ ſingi poſſunt. Silices exhibuit formatos in conchylis, quorum adeo anguſtum erat foramen, ut ſilices ſubire intus non potuerint, niſi fortè cum adhuc liquidi erant. In his poſtea indureſcentes quandam naſti ſunt vegetationem: natura quippe ſuſceptum iter ſolite inſiſtere, arque ut ſtirpes quædam ſunt lapideæ, ſic nihil vetat quominus plerique lapides in plantarum cenſu habeantur: verum huiuſmodi conjecturas tempori & experientiæ maturandas relinquimus.

Hoc quidem anno Academia præclarum iniiit conſilium Botanicæ promovendæ peritile. Illud permagni viſum eſt momenri eas ſtirpes habere perſpectas, quas veteres ſcriptis ſuis mandaverunt, quò remedia ab iis adeo commendata nobis innoteſcerent, eaque, ſi fieri poſſet, meliora eſſicerentur, aut ſi ita contingeret, qui irreperunt errores, demerentur. At ſtirpes illæ magnâ ex parte nos fugiunt, ob mutata eorum nomina, vel ob regionum diverſitatem, figuræ ſunt admodum diſſimiles, neque eadem plane ſunt vires.

XII. Quæ quidem omnia vix haberi poſſunt explorata & cognita, niſi ſi quis forte in hæc ſcientiâ admodum exercitatus, in Græciam, Aſiam, Ægyptum ſe conferat ut ibi Theophraſti, Dioſcoridis, & aliorum qui in his regionibus vixerunt ſcripta intentu animo excutiat; & plantas omnes quarum

A N N. mentionem fecerunt, accurato & diligenti subiciat examini. D. de Tournefort, qui tantos in Botanicâ progressus fecit, quique varias peragravit regiones ut nobilem hanc scientiam illustraret, id oneris ultro suscepit. Illustrissimus Comes de D. Pontchartrain Regi à Secretioribus mandatis, qui & eo nomine Academiarum curam gerit, litterarum, & bonarum artium studiosissimus hoc D. de Tournefort propositum ad regem detulit. Rex probato Academiæ consilio iussit, ut virum in Botanicâ versatum, & designandi peritum quem elegisset Academia, sibi comitem adjungeret, sumptus ad longinquam hanc professionem necessarios, quæque opus sunt ad liberum commercium, & levandam itineris molestiam solitâ suâ munificentia abunde suppeditari præcepit. Mense Martio profectus est D. de Tournefort non magis scientiarum studio incensus, quam ut se Regia benignitate dignum præstaret. Neque id unum illi fuit propositum, ut intra unius Botanicæ fines se contineret, sed metallorum quoque & fossilium scientiam, morborum, qui regionibus, ad quas se conferret, sunt peculiare, animalium quæ rariora sunt notitiam, quidquid demum ad Historiam naturalem pertinet, animo complexus longum hoc iter ingressus est.

Vix Massiliam usque pervenerat, cum opportunam navem conscendendi tempus expectans, quarundam stirpium, & piscium formas designatas, & parum cognitatas misit ad Academiam. Ex locis omnibus quæ in Archipelago peragravit, & unde scribendi illi fuit potestas quam plures misit stirpium figuratas descriptiones, quas Rex sibi exhiberi iussit, easque probare visus est.

CAPUT V.

De Rebus Anatomicis.

I. A Nno superiori D. Vernage Medicus Parisiensis paracentesim puellæ hydropicæ præscribere coactus non sine admiratione vidit lac, non aquam per tubulum exire. Cum liquorem illum ad Academiam perferri curasset, is colore & gustu lac referebat, igni admotus instar lactis intumescens lacte tamen falfior erat, & levior, inter decidendum spumosis apparebat, neque acidorum sed salis tartari admitione coebatur. Decimo tertio quoque die operationem iterari necesse fuit, ac 13 aut 14 pintas Parisienses seu 26 aut etiam 28 libras educere.

II. Illud quidem primâ fronte satis verisimile visum fuit, hunc liquorem non aliud quiddam esse quam chylum à lacteo vase disrupto effusum. Id quoque acceperat D. Vernage hanc puellam hortulanam magno conatu & sæpius repetito onus viribus suis majus sublevasse, ac brevi post tempore in eum morbum incurrisse; sed illud obstabat imprimis quod sal tartari chylum non coagulet. Accedebat illud quoque ejus dejectiones ipsis alimentis fuisse proportionatas, adeo ut illud esset credibile chylum more solito una cum sanguine misceri, tametsi illa erat admodum extenuata. Quæ potuisset igitur

singulis diebus unam chyli inutilis libram conficere, præter eum qui ad usum naturalem impendi debuit?

And.
som.

Illud itaque nonnullis visum est, liquorem illum non aliud fuisse præter aquam, qualis in hydropicis occurrit, sed eam chylo extra vasa fuso temperatam, idque in hoc hydropice singulare fuisse, quod unâ cum vase lacteo disrupto conjunctus esset, atque ex eo vase fontem satis uberem hujus liquoris manare potuisset. Siquidem ubi chylus fluere desiit, lymphæ per eos ductus labitur. Præterea lymphæ extra vasa sua effusa & urinosis salibus imprægnata falsum saporem & alia spurii illius lactis ex chylo, & sero falso compositi indicia exhibebat.

III. D. Mery cætera assentiri visus alium excogitavit modum, quo in abdomen liquor effundi potuit. Hoc illi in mentem venit satis probabile, liquorem potuisse per membranas ventriculi & intestinorum percolari, si quid illi aut membranarum contextui accidit extra usitatum naturæ ordinem. Id sæpe expertus fuerat aquam quæ ventriculum & intestina in utroquo extremo ligata impleverat, per eorum meatus effluere, quos quidem meatus aër penetrare nequit. Non raro id advertebat lacteum chylum per uteri substantiam, & apertas mulierum quæ recens pepererant carnes stillare. Atque interdum id evenire, ut purgantibus, & diureticis aquæ hydropicorum effusæ in abdomine viam dejectionibus usitatum insistant, cæque per intestinorum membranas quasi per filtra trajiciantur.

IV. His adjecit D. Hombert, aquam facilius quædam pervadere viscera quam aëra, cujus rei hanc esse rationem, quod aqua minuta quædam filamina membranarum exeat, sicque sibi muniat viam, per quam aër ipse transire non potuit. Probationis loco hoc afferebat experimentum: per vesicam aëre impletam, & lapide oneratam aër ipse non exiit, sed postquam vesica sic onusta in aquam demersa est, statim aëri patuit exitus, disrupto illius carcere.

Anno exacto mortua est hydropica, apertum est cadaver, sed sorte nimis præpropere, adeo ut Academia rescire non potuerit, quæ fuerit hujus hydropis adeo singularis causa.

V. D. du Verney dissertationem de natura & structura medullæ è scriptis legit, cujus hæc est summa. Quæ ossibus continetur medulla, tamen videtur simplex esse & uniusmodi, ex innumeris tamen constat sacculis membranis, qui inter se communicant: nam ex iis in alios patent aditus, atque omnes oleo quodam subtili implentur, quod è sanguine extractum fuit & secretum.

Quis autem sit medullæ usus, diligentius investigans eam veterum rejecit sententiam, qua medullam ossi alimento esse statuerant, quod vasa sanguinea ossibus deesse videantur. Verum id eos fefellit, quod ossa juniorum animalium non satis expenderint: nam in iis sanguinea vasa sub oculos veniunt; exacta primâ ætate adeo illa arctantur vasa ut visus aciem fugiant, cum in ossibus breviorum, tum in avium ossibus & plumis. Sed eadem illæ partes quibus ab initio majore alimenti copia opus fuit, in progressu ætatis, quando diu perstat vita, nutritione & alimento egens, eadem vasa quæ ineunte ætate

ANN. id suppeditant. Ac plura quidem ossa omni medulla sunt destituta, & tamen
1700. ut cætera nutriuntur.

Cum igitur medulla os ipsum non alar, non alius ejus videtur usus, quàm ut illud emolliat, & oleo suo minus fragile efficiat. Et quidem medulla ossis substantiam tam facilè pervadit, ut mortuo animali illud penetret, & ex albo flavum post aliquod temporis spatium efficiat: nam leni calore medullam ante conclusam os imbibit.

Sensum inesse medullæ multis experimentis demonstrat quæ in commentariis hujus anni videri possunt.

VI. Observationes Anatomicæ, & dissertationes bene multæ è scripto sunt recitatæ, quæ in iisdem commentariis Academiæ & in Historiâ Gallicâ fusæ & dilucidè explicatæ operam nostram minime desiderant. Novum genus herniæ ante incognitum exposuit D. Lyre Medicus Parisiensis, nunc Academicus aggregatus. Portio est intestini, quæ inter annulos musculorum è cavo abdominis sic in scrotum descendit, ut unius tantummodo lateris intestini membrana intra annulum subeat, & paulatim producta tubum efficiat rectum & simplicem, fere ut ramus è trunco arboris ad latus projicitur; tum verò eo loco membrana multò est tenuior: nam produci in longum non potuit, nisi imminuta ejus crassitie. Quæ è ventriculo manant recrementa, liberum habent transitum usque ad extrema intestinorum: nam pars canalis restat, quæ non est obstructa. Unde æger vomitu non laborat: sed licet recrementa libere ad latus sacci deducantur, quæ tamen saccum subire, exitum sæpe interclusum offendunt: membrana intestini quæ productior facta multum de vi suâ elastica amisit, ut par est, contrahi nequit, nec contenta expellere: hinc gangræna interdum oritur.

VII. Quæstio non contemnenda orta est de aëre qui inspiratione subit pulmones, quique sanguini admistus per venas pulmonares ad cor usque deferretur, & unà cum sanguine per arterias in universum corpus distributus vim elasticam & celeritatem circulationi necessariam impertit sanguini; quid, inquam, de illo fiat aëre postquam ad extremas usque arterias, & ad interiorum pellis superficiem deductus est. Is enim tandem è corpore exeat necessè est, alioqui nimium redundantis copia vasa quæque plus satis distenderet, eorum elaterium infringeret, ipsum adeo sisteret sanguinem, & difficilem prorsus anhelitum, seu molestam respirationem efficeret.

Quæstio ipsa prima specie soluta videtur facilis: nam per occultos cutis meatus vel ipsis sudoribus liber patet exitus. Imo ejus materiæ perspirabilis pars melior per cæcos illos cutis meatus indefinenter diffusa id videtur evincere per eodem poros aëra ipsum multo tenuiorem elabi posse. Nonnulli eâ solutione contenti nihil ulterius inquirendum putarunt. Verum difficultas ipsa non omnino est profligata. Quod si enim aër illos cutis poros pervadit, id merito quærit D. Mery, cur idem non avolet cum vase, aut arteria paulo ampliore cordis, aut ventriculi concluditur; cur animalia in vacuo, seu in machinâ pneumatica adeo intumescant? tum enim aër inclusus & liber ab æterni aëris pondere dilatus facilem haberet exitum per patentés cutis poros.

Illud non inficiamus erumpere aërem à quibusdam animantibus in machi-
 na pneumaticâ, sed D. Mery ex animalium pelle cum prodire contendit. Ex
 piscibus quidem vivis aër egreditur, sed is erat in quibusdam velut locus sub
 squamis reconditus, nec corpus piscis detumescit hoc aëre dilato.

Non igitur per cutis poros aër ipse avolat, cumque ad extremas usque ar-
 terias pervenit unâ cum sanguine, venulas subeat necesse est, atque ad dex-
 trum usque cordis sinum eum comitatus in pulmones redeat per arterias,
 postquam per venas subiit, ex arteriis vesiculas pulmonis ingressus per tra-
 cheam egreditur. Quod quidem aëris iter non ratione modò sed experienciâ
 ipsâ, & insufflatione confirmatur. Et quidem aër magis videtur necessarius
 sanguini venoso, quam arterioso; venis etenim per parva inest vis elastica,
 si cum arteriis conferantur, & multo major sanguinis copia iis continetur,
 illis adeo vi exteriori promovendo sanguini magis quam arteriis opus est:
 cum aëris vires longo circuitu sint debilitatæ, ac circulatione peractâ fractus
 novo aëri cedat necesse est.

Observationes Anatomicæ bene multæ factæ sunt & propositæ, pluresque
 omittimus cum in Historiâ Gallicâ & in Commentariis fusiore stylo sint des-
 criptæ.

VIII. Hujus generis est descriptio vasorum quæ Omphalo-mesenterica
 vocat D. du Verney, quæque deprehendit in quartâ fœtus quorundam ani-
 malium membrana. Hæc per funiculum ad umbilicum usque deducta in me-
 senterium desinunt.

1. D. Poupart dissecto puellæ septennis corpore, nullam in sinistro latere
 venam, aut arteriam emulgentem, nullam itidem venam, vel arteriam sper-
 maticam, nec renem, nec ureterem invenit.

3. D. Tavvry epistolam legit à D. Courtial Medico Tholosano scriptam,
 de muliere 12 annos nata, quæ post diurnam ægritudinem cœpit paulatim
 decrescere, ad unius usque pedis altitudinem. Post obitum ossa quæque ex-
 ceptis dentibus visâ sunt instar ceræ mollia, & flexibilia, omnis cavitatis & me-
 dullæ experia.

4. D. Homberg mulieris cujusdam mentionem fecit annos 20 natæ, cui
 intra sex mensium spatium vicesies secta est vena; injecto enemate ex aqua
 vini ardente, hanc in ore ipso statim sentire visâ, eâque inebriata retento ene-
 mate magnam urinæ copiam emisit.

5. D. Lyre lienem in lapidem omnino conversum coram ostendit, vasis
 omnibus & ligamentis, quibus assolet, adhærescentem. Homo erat 60 annos
 natus qui nunquam de splenicis doloribus questus fuerat. Alterius quoque
 splenis tunicam ossæam exhibuit.

Idem cor juvenis cujusdam in aquâ extincti protulit, cujus foramen ovale
 adhuc patebat, aut saltem membrana quæ illud occludit, minus tenaciter ad-
 hærescens ipsâ cordis contractatione avulsâ est.

6. D. du Verney mentionem fecit infantis quinquennis qui de acerrimo
 dolore ad radices nasi conquestus lenta fibre per tres menses est divixatus;
 hanc violentæ convulsiones sunt consecutæ. Eo extincto vermis in sinu cerebri
 superiori inventus est 4 pollices longus, teretis lumbricis consimilis, qui per 9
 horas vivus persistit.

ANN. Idem de puella narravit , quæ lectum suum componens cum plumam
1700. casu quodam deglutisset , acerrimo dolore correpta est , tumore ad Laryngis
latus exorto , eoque aperto pluma statim foras prodiiit.

7. In ranâ recens mortuâ id coram demonstravit , nervis qui ad crura du-
cuntur , in abdomine scapello paululum irritatis , partes illas femoris & cru-
ris fremitu quodam & convulsione agitari. Tum iisdem nervis in ventre sec-
tis , & manu tensis ac scapello itidem irritatis iidem prodierunt effectus. His
fortè nervis liquores adhuc inerant , ex quorum undulatione partium fremitus
illi oriebantur , adeo ut nervi non aliud quiddam videantur esse quam tu-
buli , quorum effectus omnis à liquore contento pendet.

8. D. Lemery coram exhibuit calculum fere 14 unciarum pondere Me-
lonis mediocris magnitudine è vesica equè eductum. Postquam is extractus
fuit , durior factus est , & exsiccatus odorem urinosum exiit.

Idem lepusculum , aut potius duos à capite ad pectus usque unâ con-
iunctos ostendit , unum utriusque caput , una erat facies , quatuor tamen
erant auticulæ ; cavitas perparva oris loco erat , nec aditus patebat alimentis ;
& tamen extra uterum matris vixerunt : nam à venatore in nemore manu capti
sunt ; unicuique proprium cor , suus quique pulmo , & ventriculus inter dis-
secandum inventa sunt.

9. Omitto sævus menstruofos quos D. Mery exhibuit , sed prætermittere
non possum historiam omnino singularem de puella optimi temperamenti
cujus vox post febrem intermittentem & sanatam extincta est. Huic remedia
solita nihil profuere : in ardore febris loquebatur. D. Lemery ea de re consul-
tus post quædam remedia nequicquam tentata , tandem vulneraria instar herbæ
Thæi parata præscripsit : horum infusione sumptâ vox statim illi fuit resti-
tuta per semi-horæ spatium , tum rursus extincta ; ex usu illius infusionis vox
paulatim est confirmata , adeo ut vespere tantummodo minueretur , idque
præsertim cum sero ad auram frigidiusculam deambulabat : sed tandem sum-
pto uno item & altero hujus infusionis cochleari , vox ipsa redibat statim at-
que hunc liquorem hauferat , qui frigidus esset an calidus perinde fuit. Hunc
effectum aquæ calidæ quidam tribuerunt , sed ea frustra fuit adhibita. De-
coctio herbarum in quibus uberius est acidum , acetaria , fructus crudi , pisces ,
longius inter cibi sumptionem intervallum , imo caphæi , & liquoris vulgo
Chocilat usus vocem ejus extinguit , non item esus carniū , aut lactis , &
vini haustus ; ampullam infusionis prædictæ semper secum defert , ac vocem
suam in sua perula reconditam habere se dicitur.


10. D. Poupart juvenis cuiusdam qui præceps ex alto deciderat , vulnus in
cranio factum , insignia quædam ejus symptomatica , & circumstantias omnes
exposuit. Inter alia in medio suturæ sagittalis foramen exile visum est , per
quod pus copiosum exibat , suppuratione certis temporum intervallis cessante
ægrum ter aut quater de die acerbæ convulsiones invadebant per horæ
quadrantem in brachio dextro , & in maxillâ itidem dextrâ dolor acerrimus :
os detectum carne rosei coloris opertum apparuit , fracturâ omnino conglu-
tinatâ.

Unde suppuratione omnino cessante convulsiones recrudescentes iisdem
in locis , & febris antea occulta ingravescens , ægrum de medio sustulerunt ,

D. Poupart post ægri mortem cranium intento animo contemplatus fissuram *Geom.* invenit omnino ferruminatam, sex pollicum longitudine, & unius lineæ latitudine, illæsa tamen dura matre.

Nunc nullum in oculis dolorem, nec tumorem æger senserat; lobus cerebri sinister totus in abscessum abierat, cum dexter lobus, & cerebellum bene se haberent. Suppuratio illa periodica, convulsiones quæ dextrum latus afficiebant, cum abscessus cerebri in sinistro latere coaluisset, pars cerebri dimidia putrescens cum febris aut nulla esset aut levior, nisi postremis morbi diebus, ac dura Merynx ab omni inflammatione immunis amplam philosophandi materiam suggerunt.

Idem observationem Domini Chirac in hanc rem attulit de homine qui in latere cerebri dextro vulneratus convulsiones in sinistro latere expertus fuerat: hæc, inquam, acriori animo discussa systemati motuum qui à cerebro dimanant, lucem aliquam asferre poterunt; atque hinc discimus initium & extremum diversorum motuum cruciatim sibi mutuo occurrere. Hujus rei occasione D. Poupart se vidisse ait mulierem cui dimidium cranium detractum fuerat, eoque eleemosynas excipiebat, pars dimidia duræ matris cum aëri esset exposita, eamque leviter quidam attigisset, ingenti clamore dolorem suum expressit, mille scintillis oculis perculosos affitmans.



SECTIO ALTERA.

De Mathesi.

QUæ ad Mathematicas pertinent disciplinas, breviter decurremus, cum fusè in Historiâ Gallicâ, & in Actis ipsis Academiæ sint pertractata.

CAPUT PRIMUM.

De Geometricis.

I. D. Bernouïlly Groningæ Matheseos Professor hoc problema proposuerat Geometris solvendum. *In plano verticali curvam lineam invenire, quam corpus inter descendendum libero motu & proprio pondere describat, lineæ singulis punctis semper insistsens cum vi equali gravitatis absolute.*

Quod si in hoc corpore unius gravitatis absolutæ haberetur ratio; problema foret solutu impossibile. Cum enim curva ex infinitis lineis rectis sit composita, iisque in infinitum parvis, quæ unâ conjunctæ quosdam efficiunt angulos, ac curva, de quâ agitur, in plano verticali constituta supponatur,

F f f f ij

ANN. unumquodque ex illius punctis, nisi fortè primum & ultimum exceperis;
 1700. erit velut planum aliquod minutissimum ad horizontem inclinatum. Id vero
 liquet corpus plano inclinato innixum suæ gravitati æqualem in illud planum
 non efficere impressionem, ea quippe hoc minor est, quò minus planum pre-
 mit corpus huic impositum. Cum enim planum est verticale, tum nullam
 corporis gravitatem sustinet, eaque non oneratur, nisi cum planum est infi-
 nitè, ut ita dicam, inclinarum, & horizontale. Quamobrem quæ nunc quæ-
 ritur curva, totum corporis pondus ferre non posset, nisi in duobus punctis,
 quorum tangentes forent horizontales, si forte hæc duo haberet puncta; re-
 liqua quæ essent exiguæ tantummodò lineæ rectæ, ad horizontem semper di-
 versimodè inclinatæ, partem duntaxat ponderis portarent, eamque diversam
 penes differentiam inclinationum rectarum in his punctis curvam tangentium.
 Problema itaque solvi nullatenus poterit, si unius gravitatis absolutæ ratio
 habeatur.

Verum corpus grave, quod in descensu suo curvam describit, quadam alia
 vi donatur, eaque ab ejus gravitate diversâ est. Quæ enim moventur cor-
 pora, motum secundum rectas lineas dirigunt: ea quippe est simplicissima
 motus directio. Quæ v. gr. moventur in orbem, ab exteriori causa impel-
 luntur, quæ singulis momentis corpora à rectâ lineâ detorquet, & versùs ali-
 quod centrum sic inflectit, ut in distantia semper equali ab eo centro velut
 coacta teneantur. Si vis illa extraria & contraria cessaret, statim in rectam
 lineam, quæ tangit punctum ipsum, in quo tum erat corpus, cum libertatem
 velut suam nactum est, moveretur; idque magis ac magis ab eo centro, circa
 quodolvebatur, recederet. Resistentia corporum quâ vi extrariæ indefinen-
 ter obfistunt, & nifus continuus ut à centro sui motus recedant, vis centrifuga
 ab Hugenio vocitur.

Corpus autem quod motu suo circulum describere cogitur, illum quam
 potest maximum delineat. Nam major circulus minùs quodammodo circu-
 lus est, ac minùs à rectâ lineâ dissidet, quàm minor circulus; & corpus ma-
 jorem vim patitur à causâ extrariâ ubi parvum motu suo describit circulum,
 vim adeo suam centrifugam tum fortius exerit.

III. Eadem est ratio quæ circuli, in curvis omnibus: hanc enim infiniti
 prope circulorum arcus indefinitè parvi componunt, quos diversi penitus ra-
 dii efficiunt: adeo ut ibi lineâ cò magis curvetur, quò arcus minoris circuli
 sunt portiones quædam, & radiis minoribus descripti concipiuntur. Corpus
 igitur quod motu suo curvam describit, quolibet instanti ab eo puncto, quod
 est centrum arcûs infinite parvi, tum ab eo descripti nititur recedere vi sua
 centrifugâ; atque hic nifus hoc major est, quò arcus ille infinite parvus circuli
 minoris est portio quædam. Unde in eadem curva vis illa centrifuga,
 à quâ curva delineatur, semper variatur penes diversâ puncta in quibus mo-
 bile reperitur.

Illud adeo fieri posset, ut in curvâ à corpore delineatâ, gravitatis im-
 pressionem semper diversâ existente vis centrifuga, sic variaretur, ut una
 alterius excessum emendaret, aut ejus expletet defectum, ita ut utrius-
 que simul sumptæ effectus absolutus corporis gravitati semper æqualis
 foret.

IV. Hoc erat à D. Bernouilly problema propositum à nemine solutum: ad hoc quidem opus erat vis illius centrifugæ theoriâ, & perfectâ cognitione. Id tantummodo erat cognitum, vim centrifugam corporis hoc esse majorem, quò minor circulus à corpore describitur, & illud gravius est, ac majore celeritate fertur: sed mutua rationum inter absolutam gravitatem, & vim centrifugam mensura, aut regula nondum erat plane explorata.

V. Multa quidem theoremata in hanc rem proposuerat D. Hugen in calce sui libri de Horologio oscillatorio, quibus hæc proportionem erant definitæ: sed theoremata ipsa erant nudè proposita, & demonstrationibus destituta: scientiam illam sibi cognitam nondum evulgare voluerat, Geometris instar ænigmati hoc arcanum solvendum proponere contentus.

Perilluistris D. Marchio de l'Hôpital methodo sua usus primum proponit theoriâ virium quæ centrifugæ dicuntur in circulo, eo quidem modo qui in Historia Gallicâ fuscè & distinctè exponitur: deinde propositum problema solvit.

VI. Eo ipso tempore quo de vi centrifugâ agebatur D. Varignon theoriæ suæ anno 1698 de variatis, seu de acceleratis, aut retardatis motibus corporum juxta certam proportionem exposuit multa adjecit speculatione digna, ad quorum intelligentiam perpaucâ præmisit intellectu non ardua, atque ex iis plura deducit theoremata altæ speculationis.

Velocitas motûs, inquit, est ratio, seu habitudo spatii decursi & tempo is: cum per tempus spatium dividitur, quotiens velocitatem præbet. Quò majus est spatium & brevis est tempus, hoc major est velocitas, & majus est quotiens divisionis: adeo ut tempus multiplicatum per velocitatem spatium decursum producat, ut spatium divisum per velocitatem motus, ipsum dat tempus, quæsitum, cumque ex his tribus duo data sunt, tertium facile eruitur.

VII. Hæc vera sunt tantummodo, ubi motus sunt uniformes, aut æquabiles; cum spatia temporibus certa ratione respondent: sed ubi motus sunt accelerati, ut in descensu gravium, aut retardati, ut in aquæ lapsu è vase, aut è piscinâ per angustum foramen, tum semper variat motus. Et tamen D. Varignon hos motus tam varios, quam æquabiles sic exponit, ut ex iis eadem eruat conclusaria.

In motu sibi æquali ratio spatii ad tempus exprimi potest per triangulum, cujus altitudo in tot partes, quot libuerit, per totidem bases sibi mutuo parallelas distribuitur; diversæ altitudinis partes diversa exhibent spatia decursa, ut bases tempora exprimunt: cum in triangulo inter bases eadem sit proportio, quæ inter altitudines quæ iis respondent; ubi motus sunt uniformes, tempora sunt inter se ut spatia, atque in duplo tempore duplum itidem est spatium à mobili peragratum.

Sed res aliter se habet in motu accelerato, ubi v. gr. in duplo tempore spatium est quadruplum, tumque motus ille per triangulum representari nequit: sed linea curva tum est adhibenda. Nam in curva linea ex. gr. in parabola ordinatæ, seu bases parallele non eam habent inter se rationem, quam abscissæ, seu altitudines quæ ordinatis ipsis respondent; ac diversa est in

A N N. utrisque proportio. Itaque ordinatæ motûs variati exprimentis temporibus
1700. juxta certam rationem crescentibus, aut decreſcentibus erunt accomodatæ,
dum abſciſſæ juxta aliam rationem ſpatia decurſa exhibebunt. Sic in hypo-
theſi Galilæi, quâ ſpatium à gravi corpore in deſcenſu decurſum juxta tem-
porum quadrata creſcunt, parabola hanc proportionem oculis & animo ſub-
jicit. Nam ordinatis ſumptis pro temporibus, & abſciſſis pro ſpatiis, ordinata
alterius dupla reſpondet abſciſſæ alterius quadruplæ. Non quòd motus ille
variatus ſiat in parabolâ, aut in quâvis aliâ curvâ, ſed parabola aut quævis alia
rationes ipſas quæ ſunt inter ſpatia & tempora per abſciſſas & ordinatas repræ-
ſentat in motu variato, ſive ſit acceleratus, ſive retardatus. Et quidem poſitâ
terrâ immobili corporis per rectam lineam deſcendentis parabola exhibet
motum acceleratum.

VIII. Quo motus illos variatos ad eandem cum æqualibus regulam exi-
geret D. Varignon, uſus eſt illâ Geometriâ, quam infinite parvorum vocant,
quæque D. de l'Hôpital adeo promovit. Methodum huic rei demonſtran-
dæ à D. Varignon excogitatam, quæque ad hanc theoriâ ſpectant, jam
expoſuerat anno 1698, eaque in Gallicâ Hiſtoriâ fuſe & accurate continen-
tur. Sed eam theoriâ hoc anno latius diffuſam, & illuſtiorẽ effecit,
cum vires centrales in eam induxit. Sic enim vocat vires quæ ſemper eadẽ
ſunt, & ſemper ſunt applicatæ, quæque mobile ad certum punctum dirigunt:
talis eſt notio vulgaris gravitatis.

Celeritas, tempus & ſpatium ſimul inter ſe compoſita & combinata tripli-
cem duntaxat eorũ habitudinem aut rationem ſuppeditant: ſed vi illâ cen-
trali adjecta ſextuplex emergit inter ea habitudo. D. Varignon hanc novam
methodum ſic diſpoſuit, ut una ex ſextuplici illâ ratione, vel habitudine
cognitâ, aliz quinque innotefcant; vel quod eodem recidit, quavis ex iis ex-
preſſâ habitudine per abſciſſas & ordinatas alicujus curvæ, & una ex his ſex
data, reliquæ ultro eruuntur. Multa præterea quæ nos longius abducerent,
illa in primis quæ ad motus inæquales planetarum ſubtili admodum ratione
ſunt excogitata à D. D. Leibnitz & Neuton, quæque D. Varignon multum
promovit: hæc loco citato videri poſſunt.

I X. Jam ut ad ea quæ magis ſunt ex uſu publico veniamus, de meſura
trianguli actum fuit, & quâ ratione illius ſuperficiem dimetiri liceat. Quod
utique ſit, cum aliquot angulos, una cum aliquot lateribus exploratos habe-
mus. Si ſoli anguli noti fuerint, quæ ſit laterum abſoluta magnitudo, non
cognoſcimus, ſed proportio tantummodo laterum inter ſe, perſpecta nobis
erit, ſi tria tantum latera ſint nota, Theo & alii quidam Geometræ hoc pro-
blema ſolverunt per difficiles anfractus: cum res ſit magnæ utilitatis in
Geometriâ, D. de la Hire ſolutionem ejus ſimpliciorẽ & faciliorem excogi-
tavit, quæ Actis Academiæ eſt conſignata.

X. Hoc quidem anno prodiit in lucem opus Geometricum & Algebræ
cum à D. Carré elaboratum, in quo nova traditur Methodus meſurandi
per calculum, quem vocant integram ſpatia, aut ſuperficies & ſolida ipſa,
inveniendi centra gravitatis percuſſionis, & oſcillationis. Hujus operis argu-
mentum in eruditorum diurno 6 Decembris anni 1700 habes diſertè explica-
tum, ubi novi hujus calculi origo, ſimplicitas, & fecunditas proponuntur.

CAPUT II.

De Rebus Astronomicis.

I. **E**X occasione eclipses quæ superiori anno die 5 Martii contigit, D. Cassini expendit utrum ea quæ ab ipso inventa est regula & periodus 116000 annotum, quæque ab eodem fuit explicata in calce regularum Astronomiæ indicæ cum hujus eclipses tempore conveniret; is vero plenilunium in die 5 Martii incidere ex ea regula comperit. Periodus illa novilunia ad eadem Zodiaci puncta, ad eundem hebdomadæ diem, & horam sub eodem Meridiano revocat, eaque Epactis in Calendario Gregoriano longe faciliori methodo definiendis aptatur. Cum enim tres sint anni ex quatuor centesimis, qui Bissextili die carent, atque ex eorum numero fuerit hic annus 1700, D. Cassini regulam suam de Epactis inveniendis huic anno applicare voluit.

II. Superiori anno mentionem fecimus defectionis solaris quæ die 23 Septembris contigit. D. Cassini è diversis regionibus & civitatibus litteras accepit, ex quibus longitudinum differentias Lutetiam inter & eas urbes collegit. Et quidem olim eclipses Solis ad eum usum non sunt adhibitæ, quòd eodem temporis momento sol non deficiat omnibus spectatoribus, ut in Lunari eclipsi evenit. Nam Luna reipsa deficit, non item sol, & illius phasæ in diversis locis omnino sunt diversæ: sed methodo ipsi familiari, quam cum Academia jam ab initio communicavit, uti libro primo innuimus, & superiori anno paulo explicatius fuit expositum, longitudinum differentias etiam à solis eclipsibus deducere consuevit. Res eò tedit, ut ex solis observatione, atque ex elementis Astronomicis per eam correctis locus in quo est centrum Lunæ in Zodiaco secundum longitudinem & latitudinem ad duas, vel plures horas ad nostrum meridianum ita determinetur, ut ex dato aliunde Lunæ loco possit horæ minutum quo Luna talem locum obtinet, inveniri ad nostrum pariter meridianum.

Deinde ut ex eclipsis phasi alibi observata, iisdemque elementis correctis locus centri Lunæ in Zodiaco ad horam ibi observatam inveniat: is enim locus Lunæ per priorem determinationem dat horæ minutum ad nostrum meridianum, ad quod Luna talem locum obtinet.

Hoc tempus collatum cum tempore phasæ à remoto observatore annotato dat differentiam Meridianorum inter duo observationum loca.

Ad hujus methodi facilitatem, & perspicuitatem D. Cassinus uritur schemate, quo terra à solis radiis centralibus, & sol à radiis visualibus observatoris ad datum tempus projicitur in orbe Lunæ, in quo semita ipsius motus monstrui Lunæ ad solem, & ipsius apparentis discus describitur, & comparatur cum solis disco apparente, qui motu diurno lineam repræsentantem parallelum observatoris in orbe Lunæ projectum videtur describere.

Hac methodo tales deduxit differentias Meridianorum à Parisiensi ex illa

detulit. Ita inscriptus est, *Refractio solis innocui in Septentrionalibus oris jussu Astronomi Caroli XI. Regis Suecorum &c. à Joanne Bilberg.*

Cum Rex Sueciz in urbe quæ Tornco in VVest-Botnia anno 1694 ad gradum latitudinis 65, 45 versaretur, circa solis solstitium æstivum, nec sol tum temporis occubisset, anno insequenti eò misit Mathematicos, ut accuratiores facerent observationes, quæ eo libro continentur: ex quibus à D. D. Cassini & de la Hire conclusum fuit, in eà latitudine refractiones horizontales nostris esse duplo majores, cum in hoc climate sidera dimidio gradu attollant. Illud nemini in mentem venisset, verum solem in ortu suo visum non esse, sed falsam illius imaginem, quæ veri solis speciem præbet; atque hoc magis falsa solis imagine nos deludi, quò longius ab Æquatore discedimus. Magnæ illæ refractiones his populis utiles admodum sunt: nam citius reddunt, lumen illius ad eos inflectendo, quod aliis destinatum videbatur; atque ut verisimillimum est, ær ille crassior iis præbet crepuscula nostris multo longiora. In maximâ noctis sex mensium obscuritate sub polo, sole 23 tantummodo gradibus cum semisse sub horizontem depresso, crepusculum etiam nocte illuni non parum illucescit, ac densior ær quæ his populis affert incommoda ex parte compensat. Illud tamen merito advertit D. de la Hire, crassum illum æra non propterea esse graviolem: nam in Barometro Stokkomii tantum attollitur hydrargyrus, ac Lutetiz & plerisque aliis in locis.

VI. Nulla res observationibus Astronomicis rite faciendis necessaria magis est, quam temporis accurata mensura, neque haberi potest exacta & præcisa, nisi ope pendulorum. Et quidem longitudo penduli quod secunda minuta juxta medium solis motum designat, Lutetiz est 3 pedum, 8 lin. $\frac{1}{4}$ D. Richer cum Cayennæ degeret, illud una linea $\frac{1}{2}$ brevius esse oportere compertit. D. Couplet filius cum esset Uliassipone, 2 lineis $\frac{1}{2}$ brevius reperit, quam Lutetiz, & in Brasiliensis tegni urbe quâdam ad latitudinem australem 6 gr. 38, 18, brevius illud 3 lineis $\frac{1}{2}$ illud constituit. D. des Hayes in epistola ad D. Cassinum propius ad D. Couplet quàm ad D. Richer mensuram accedit.

Quamvis his mensuris pendulorum, quæ multum & operæ & curæ exigunt, nondum omnino acquiescendum videatur, id tamen certum est breviora esse in locis prope æquatorem sitis, quàm in his regionibus. Ex quo illud videtur consequens corporum gravitatem minorem esse prope Æquatorem, & idem corpus tardius eo loci decidere. An fortè gravitas corporum ab æthereâ materiâ, quæ à centro terræ recedere nititur, & in suum locum substituere corpora ad majorem motum minus idonea, ubique non iam circulum vim suam exerit, neque adeo substantia æthereâ circa terram perfectum describit circulum. Quæ autem ab ea circa terram linea describitur, eadem est cum circumferentiâ terræ, quæ circa suum axem vertitur. Hinc adeo concludit D. Hugen circumferentiam terræ non esse circularem, quatenus ab Æquatore ad polos porrigitur. Sed ista accuratorem disquisitionem postulant.

• Cum hæc typis mandarentur, D. Cassinum reducem ex itinere quod

Gggg

ANN. Regis jussu anno 1700 circa mensem Augustum ingressus fuerat, rogavi; ut itinerarii, & operis jam anno 1683 suscepti, tandem ad finem perducti summarium mecum communicare dignaretur, quò Historia Academiæ ad finem usque 17 sæculi perducta tam præclaris observationibus & laboribus decorata, hoc velut sigillo obsignata clauderetur: summam rerum actarum ipsius verbis referam.



De Meridianâ lineâ ab Observatorio Regio ad Meridionales regni fines perductâ.

CUM in ductu Meridiani Parisiensis per Meridionales Galliæ partes magna esset inter Geographos dissensio, operæ pretium erat hunc certâ ratione & methodo ad australes regni fines perducere. Hoc operis D. Cassino junctum à Ludovico Magno, & jam ante complures annos ad extremos usque Biturigum fines promotum jussu Regis hoc anno fuit continuatum.

Ducta ab initio per regium Observatorium linea Meridiana ex Solis in æstivo solstitio, & fixarum, quæ hîc semper sunt conspicuæ, & horizonti in minimâ sui altitudine viciniores, iteratis observationibus, versus Meridiem hac ratione producta est.

Observata sunt loca, huic lineæ Meridianæ circumjecta, ad plures leucas ab invicem remota, eorumque anguli ad Meridianam ipsam & ad se invicem magnis sumpti sunt instrumentis. Ex iis autem per triangulorum efformationem determinatis ductæ sunt ad lineam Meridianam perpendiculares, quæ eorum distantiam à Meridianâ ad ortum vel occasum determinant, & abscindunt ejusdem lineæ Meridianæ partem, quæ paralleli loci ab Observatorio distantiam exhibet.

Quæ operatio fuit continuata ad alia loca versus Meridiem ex angulis; & ex se mutuo conspicua.

Sed ubi nulla hujusmodi occurrerant objecta, opportunis in locis per longam indagationem quæsitis, arbores erigebantur, aut tumuli ex se mutuo, & ex præcedentibus locis, ac sequentibus visibiles. Quo quidem modo ad Pyreneos usque montes, qui Galliam ab Hispaniâ determinant, nunquam interruptâ triangulorum serie opus ipsum perductum fuit.

Huic operi perficiendo D. Cassinus sibi asciverat adjutores, è Regiâ Academiâ, D. Cassinum filium suum, D. Maraldum è sorore nepotem, & D. Couplet filium, quibus apud Ruthenos accessit D. Chazelles è freto Gaditano redux, qui priori descriptioni egregiam navarat operam.

Ubi ad distantiam ab urbe Parisiensi 36000 hexapedarum ventum est; cum in montes tunc glacie rigentes, & à litore Ruscinonis 30000 & amplius hexapedis ad occasum distantes incideret Meridiana Parisiensis, series triangulorum ad montes magis orientales, ad litus usque Mediterranei ma-

ris converſa eſt. Primo ut diſtancia portuum vicinorum ab hac lineâ Meri-
dianâ determinaretur, quæ navigationibus dirigendis uſui foret, tum ut in
ipſa litoris planitie ingens ſumeretur baſis quæ à locis determinatis videre-
tur, unde poſſet ejus longitudo cum per continuatam triangulorum ſeriem,
tum per hexapedas immediate menſurari, quo utriuſque nodi conſenſus ex-
penderetur, tum etiam ut locus habitationi opportunus quique ex locis jam
deſignatis conſpici poſſet, cœleſtibus obſervationibus idoneus haberetur. Lo-
cus dimetiendæ baſi percommodus inventus eſt ad Auſtrum oppidi Leuca-
tæ: ubi ingens eſt planities à locis ſublunioribus, quæ per triangula fuerant
determinata, viſibilis, inter terminos à ſe invicem diſſitos 7000 & amplius
hexapedis.

Cum autem terræ ipſius rotunditas, mutuum terminorum conſpectum
arcebat, eò tranſlatæ ſunt præceſſæ arbores, è quibus proſpectus pateret
mutuus è diſſitis locis, ubi factæ fuerant obſervationes. Horum diſtan-
tia periculis accuratiſſimè dimenſa 7246 hexapedarum inventa eſt; eandem
que ſerè longitudinem triangulorum ſeries continuata præbuit. Quo qui-
dem præclaro experimento palam fuit quàm bene ſibi conſentiret opus ip-
ſum totum.

Jam in præcipuis urbibus, nempe Aureliæ, Biturigæ, Ruthenis, Albige,
Carcaſſone, Perpiniani, & aliarum, quatum deſignatæ fuerant poſitiones
per triangula, determinatæ ſunt latitudines & diſtantiæ à Meridiano Pari-
ſienſi, ſumptis fixarum & ſolis per magna instrumenta altitudinibus Meri-
dianis. Patatum fuerat in eam rem majus instrumentum cujus radius
erat 10 pedum, hujus ope factæ ſunt poſtremæ obſervationes in oppido Illi-
beri ad litus maris, eoque ſtellarum aliquot prope verticem tranſcuntium,
ut capellæ, ſequentis humeri aurigæ, Majoris urſæ, & Lyræ ſumptæ ſunt
altitudines, quarum prima & ultima de die conmodè obſervantur. Hæ
quidem collatæ cum aliis eorundem ſiderum obſervationibus cum à D.
Caſſino, tum à D. de la Hire in Regio Obſervatorio habitis, exigua reduc-
tione factâ, diſſerentiam latitudinis præbuerunt 6 gr. 18. min. ad diſtanti-
am parallelorum 3600 90 hexapedarum. Unde ſingulis gradibus, ſi quidem
gradus ſuperficii terræ ſibi invicem ſunt æquales, hexapedæ, 57157 tribue-
rentur, ſalva reductione faciendâ ob inæqualitatem montium, per quos itum
eſt. D. Picard in agro Pariſienſi 57060 hexapedas uni gradui tribuetat,
adeo ut diſcrimen ſit 93 hexaped. quibus vix debentur ſex ſcrupula ſecunda
unius gradus in utriſque obſervationibus inter ſe collatis, quæ etiam in magnis
instrumentis vix ſunt ſenſibilis.

Sed quæ ducta eſt linea ad Auſtrum, tranſit per plurima loca maris ſu-
perficie multo altiora, quàm quæ à D. Picard ducta fuit prope Lute-
tiam. Quantum eſſent mari altiora exploratum fuit cum Geometricis
operationibus, tum per altitudinem hydrargyri comparatam cum eâ quæ
tum temporis erat in maris littore, ut utriuſque raſſio haberetur,
quorundam autem montium altitudines inventæ ſunt 1400 hexopedas ex-
cedere.

Eximium quoque hoc experimentum factum eſt, conſenſus nimirum du-

» plicis methodi determinandi longitudes locorum Meridianam lineam cir-
 » cumstantium, prior methodus est per observatas locorum latitudes, & co-
 » rum distantias à meridiano in hexapedis conversis in gradus & minuta paral-
 » leli; posterior est per observationes Eclipsium præcipuè Satellitum Jovis ibi-
 » dem & Parisiis, vel aliis in locis, quorum differentia à Meridiano Parisiensi
 » fuerat jampridem definita, sæpius habitas. Inter utrumque modum non ma-
 » jor differentia inventa est quàm quæ solet inter observationes diversis in lo-
 » cis repetitis intercedere. Cum autem olim per hujusmodi observationes Pa-
 » risiis, in Promontorio Setio, & in Urbe Montis-Pessulani differentia longitu-
 » dinis fuerit definita, eousque producta sunt triangula eorum distantiam à
 » Meridiano Parisiensi priori methodo determinantia, eademque ad minutum
 » fermè inventa est quæ per ejusmodi Eclipsium observationes fuerat determi-
 » nata. Ex his observationibus evidenter patuit plagas Orientales oræ Narbo-
 » nensis & Ruscinonis multo longius à Meridiano Parisiensi ortum versus ex-
 » tendi quam in chartis nuper correctis fuerat representatum, & propterea spa-
 » tium inter littus Aquitanicum & Narbonense multo amplius esse quàm in
 » ipsis mappis correctioribus exhibeatur: in iis enim littus Aquitanicum admo-
 » tum fuerat Meridianæ Parisiensi juxta observationum ibi habitatum exigen-
 » tiam, litus vero Narbonense ubi nondum observationes factæ fuerant, eodem
 » fere modo relictum fuerat, unde spatium inter utrumque littus minus fuerat
 » coarctatum.

Atque hic est hujus operosi laboris & Regiæ munificentia digni exitus.
 Hic quoque finem imponimus labori nostro, ex quo non ingenii, non
 eruditionis, ac ne industriæ quidem, sed obsequii laudem unam capta-
 mus. Deo uni & Trino laus omnis & gloria; ut par est, tribuatur.
*Quis est enim, ut præclare Augustinus Tract. vii. in Joannem, qui
 consideras opera Dei, quibus regitur & administratur hic mundus, & non
 obstruere, obruiturque miraculis? . . . Et videmus hæc, & si est in no-
 bis spiritus illius, sic nobis placens, ut Artifex laudeatur, non ut ad opera con-
 versi ab Artifice avertamur, & faciem quodammodo ponentes ad ea quæ fecit, dor-
 sum ad Artificem qui fecit.*

FINIS.

I N D E X

V E R B O R U M E T R E R U M.

A

A Cademię Regię Scientiarum prima institutio, & quibus de causis à Rege Christianissimo fuerit constituta, pag. 2, 3, 4. E quibus Academicis ab initio conflata fuerit, cum Mathematicis, tum Physicis, 4, 5. Quę prima illius fuerint exordia, 6, 8. Academię nova forma, & sanctiones à Ludovico Magno illi præscriptę, 125, 127. Academicorum Opera ante annum 1681 publicata, 202. Academicorum qui vitę functi sunt, nomina & elogia, 140, 155, 180, 215, 233, 250, 265, 303, 321, 349. Aceti distillati analysi, 424. Accipenseris, v. *un sturgeon*, descriptio, 67. Acidum & Alkali, 15, 116, & *alibi passim*, ut 263. vires, 579. Aequinoctium utrumque Cayennę, & alibi sæpe observatum, 111. Aëstus maris reciprocus variis in locis exploratus, 152, 207, 212. Aëris pondus & elaterium, 368, 401 & seq. Afflictus corporum unde oriatur, 561. Alces, v. *Elan*, descriptio, 125. Alexandrię latitudo, & longitudo explorata, 334. Algebra novę regulę, 316. Opus Algebraicum, 273. Alimentum distributio, 141.

Alopecias, seu vulpes marina, 124. Aluminis natura, 376. Amaritudinis causa, & illius detractio, 181. Analysis mixtorum, 60, 37, & *alibi sæpe*, ut 17, 116, 218, ubi de analysi purgantium, & diureticorum. Anatomię tractandę ratio, 16. Anatomicę observationes, 523. Anginę curatio, v. *esquinancie*, 455. Animalium anatomie generatim, 88. Antimonii tinctura spiritui vini extracta, 326. Antimonii liquor acidus, 573. Apocynum majus, 448. Apogęa & excentricitates planetarum inveniendi ratio, 51, 16. Apogęum solis, 457, 460. Apii hortensis, seu petroselinii ulus in vulneribus, 373. Apoplexię novum genus, 264. Aphorismi famosi explicatio, 104. Aquarum natura & pondus quomodo explorentur, 60, 21. Aquarum mineralium varia examina, & analyses, 14, 21, 24, 25, 21, & *alibi sæpe*, ut 518, 572. Aquę mineralis per æolipilam erumpentis usus, 183. Aquę marinę salugo quomodo tolli possit, 59, 200, de aquę profluentis motu & pressione, 44, de vi motrice aquę & aëris, 47, & seq. Aquę salientis motus juxta fontis altitudinem & rubulorum latitudinem G g g g iij

ad calculum revocantur. 177, 178,
item 217

Aquæ salientis è puteis profundis educuntur in agro Bononiensi & in Austria. 99

Aquæ stipticæ præparatio. 158, 175

Aquæ fontium quæ Versalias ducuntur, examinantur. 215, & *seq.*

Aqua fortis, 374. Aqua regalis, *ibid.* & earum usus.

Aquilarum varia genera, & descriptio, 131

Aræometrum, 91. Novum Aræometrum. 412, 540

de Arborum habitu. 149

Arenarum. 400

Arithmetica nova progressio. 193

Attramentum finense, 369. Novum atramenti genus, 370. Attramenta sympathiæ dicta. 487, & *seq.*

Atmosphæræ altitudo. 405

Auditus organum in piscibus. 185

Avis picta, v. *paintade*. 264

Avis tardæ descriptio, v. *outarde*. 132

Avis regiæ descriptio. 259

Avis paradisi. 220

Avium volatus. 134, respiratio. 136.

271. plumarum structura. 134

Aves incognitæ in Goræa. 413

Auri solutio in aqua. 369

Auri cuiusdam quod potabile dicunt præparatio. 377

Auri duæ proprietates. 409

Aurum fulminans. 158

Aurichalcum, seu æs: vulgare citra lapidem calaminarem conficitur, & illius usus. 379

B

Barometri diversæ altitudines in Zona torrida, de die minores, noctu majores, 212, 221. Variæ observationes circa Barometra. 136.

168, *item* 215

Barometra hydrargyri & aquæ inter se collata. 222

Barometri lumen. 317

Bilis natura & usus. 302

Botanicæ exercitationes quales esse debeant. 10, 11

Botanicæ principia, seu elementa. 351 & *seq.*

Bulbi renovatio in lilio cruento. 169

in Bulbo tulippæ folia expressa. 157

idem, in Bulbo narcissi bifolii. 170

C

Cacao analysi, 258. ubi de Cholatio; oleo ex eo eductum, 171. illius siliquæ. 245

Cæmenti cuiusdam præparatio. 184

Calcis præparatio & usus, 29, & *seq.* liquor è calce. 422

Calculi humani analysi. 424

Calcinatione quædam fossilia augeri pondere. 13, 14

Caloris effectus varii. 183, 210, 266, 326

Calor in Indiis qualis sit. 220

Calendarii Gregoriani defensio. 457

461, 511

Cameli descriptio. 122, ejus tubera, 264

Camphoræ usus, 341, & *alibi*.

Cannabi analysi. 138

Canon S. Hyppoliti. 413

Canis rabidi morsus. 169, 147

Caphæi analysi. 252

Capillorum structura & vegetatio, 161

Capra Lybica, v. *Gazelles*. 123, 451

Cariophylla. 420

Carmincus color. 37

Casuclis, seu avis Indicæ descriptio. 136

Castoris, seu Fibri descriptio. 124

Castoreum. *ibid.*

Catoptices phænomenon quoddam. 163. ejus quædam theorematum. 172

Cercopitheci descriptio. 126. 264

Ceræ quæ cavitati auris inest, effectus,

102

Cervi Canadensis, & cervæ Sardinie descriptio. 112

Cervini cornu structura, & origo. *ibid.*
Chalybis limaturæ aqua persulfæ & distillatæ analysis. 118

Chameleontis descriptio. 120. & seq.

Charta Geographica juxta recentiores observationes. 115

Charta Tartariæ. 333

Ciconiæ descriptio. 119

Cichorei silvestris analysis. 163

Clepsydræ. 560

Cisternarum structura & usus. 490

Coagulationes liquorum, 74. & seq. *item* 145, 146, 177, 244, 251.

Coagulationis causæ. 78 & seq.

Coaguli vitulini natura. 260

Cocci Baphici grana, seu Kermes pulvis. 339

Cochenillæ grana. 420, 455, 498

Coco analysis. 180

Columnæ lapideæ è tympanis coagulationatæ. 329

Cometa anni 1677. & illius phænomena. 162

Cometa anni 1680. 203

Cometa anni 1682. 212

Cometa anni 1698. 516. & seq.

Conchylia & majores conchæ è terra effossæ, 245. *fulus*, 485. concharum pulvis. 581

Conchoidis quadratura. 429

Congelatio. 25. 233

Conjunctiones Planetarum anno 1696 326

Corvi marini, v. *Cormorant*, descriptio. 130

Criteria, quibus stirpium principia dignosci utcumque possunt, 115, 116, & *alibi sepe*.

Crocodili descriptio. 198

Cuprum quomodo inauratur. 369

Curvarum tangentibus, 190 & *alibi sepe*.

Cycli solares & lunares. 190, 315,

452

Cycloidis dimensio. 556

Cyprinus piscis, v. *carpe*. 265

D

Sereniss. Franciæ Delphinus anno 1677 Academiam & Observatorium invisit, & eo coram quædam facta sunt experimenta. 157, 166
Dentes elephantis. 128
Dentium formatio. 271, 501, 546
Dioptricæ quædam theorematum, 397.

476
Dissertationes Physicæ.

1. de Aquis mineralibus in universum. 11

2. de gravium descensu, 80, 277, 317

3. de pondere aëris, & ejus elatetio. 401, 404, 480

4. de fontium origine. 321

5. de glaciæ. 23, 233, 320, 367.

6. de mellis origine. 171

7. de calcis natura & præparatione. 29, 492. *item*, de usu aquæ calcis in medicina. 575

8. de Aræometro, v. *peze-liqueur*.

9. de liquorum coagulatione. 74, & 78

10. de calore. 183, 210, 290, 266, 326

11. de duritie. 190

12. de vitreis lacrymis. 3, 8

13. de luce & coloribus, 314. de lucis propagatione. 148, 176

14. de flamma. 407

Chymica.

1. de Analyfi generatim. 19, 311, 371

2. de Phosphori origine, natura, & varietate. 305, 408, 485

3. de spiritibus acidis, & salinum differentitiis. 374, 512

4. de sale ammoniaco. 414

5. de stirpium salibus. 444, 496, 497

Botanica.

1. de plantarum historia universim, 113
de earum vegetatione, 175, 323
de earum viribus, 116, 162
elementa Botanica. 252
2. de circuitu succi nutritii in plantis. 62, 586
3. de arborum habitu. 549
4. de fungorum ortu. 309

Anatomica.

1. de visionis organo. 62
2. de variis visus affectionibus. 342
3. de motu peristaltico. 141
4. de lacerto cujus cauda amputata fuit. 253
5. de respiratione avium. 271
6. de respiratione fœtus, & testudinis. 227
7. de usu ovalis foraminis in fœtu, 385, 544
8. de structura & usus cujusdam membrane quæ in avium oculis occurrit. 507
9. de structura & motu muscutorum, 421
10. de linguae pici, v. *un pivers*, structura & motu. 380
11. de voce humana. 561

Mechanica, & Astronomica.

1. de hydrostaticis. 44, 371
 2. de ignitorum globorum projectione. 165
 3. de solis defectione. 110, 240, 555, 599
 4. de Mercurio in sole viso. 332, 460, 508
 5. de canone paschali. 423
 6. de Cometis. 162, 203, 212, 516
 7. de quibusdam Saturni & Jovis phenomenonis. 224, 233, 295
 8. de mutata quarundam stellarum magnitudine apparente. 323
 9. de stella in collo ceti posita. 463
 10. de intervallis temporum quæ inter eclipses primi jovis Satellitis interjacent. 313
- Diureticorum vires. 366

E Chini, v. *Heriffon*, descriptio, 124, 127
Echo singularis. 110

Eclipses Lunæ, 41, 42. *Item*, Eclipses Lunæ in Apogæo, 247. horizontalis, 47, & aliæ passim suis quæque temporibus designantur; uti & Eclipses solis, ut anno 1672. Eclipses solis Lutetiæ & Cayennæ observata, 110. Ubi nova Eclipses solaris delineandus methodus proponitur, *item* 555, 599

Eclipses solaris prædictio, 240, 241

Effervescencia liquorum, 145

Elaterii vis & ejus causæ, 98, 168

Elephantis dissectio & descriptio, 196

Emeticorum vires. 364

Epochæ aliquot veteres & novæ. 191

Epocha Sinensium. 273

Ephemerides motus primi Satellitis jovis correctæ, 188

Erinacei dissectio. 66, 253

Erucarum varietates species, 66, & *alibi*

sape, ut 499

Experimenta quomodo faciendâ, 12

33

Extractum carnis elixatæ in tabulas

reductum. 143

F

Febres malignæ, 345, 420
Felis odoratæ, v. *Civetæ*, dissectio. 172, 236, 254

Fellis suilli analysi. 258

Fermentationes frigide. 578

Ferrum frigore contractum, 269, & *alibi*. Quomodo à rubigine illæsum

servetur. 340

Fibræ morrices. 173, 421

Flammæ quædam phenomena. 407

Fœtus historia. 144

Fontium origo. 274, 321

Fontes

Fontes quidam singulares. [266](#), [337](#)

Fons lapidificus. [372](#)

Fraxinellæ mutatio quædam singularis,
& illius causæ. [322](#)

Frigoris varia phenomena. [12](#), [23](#),
[233](#), [267](#), [269](#). Cur solam aquam
dilatet, [310](#). Frigus aquæ solutio-
ne salium intenditur. [378](#)

Frontini Liber ab Academicis Latine
redditus. [249](#)

Fuliginis natura, & principia. [375](#)

Fulminis ictu adolescentis occisi ca-
daver dissectum, [330](#)

Fulminis origo, & natura. [573](#)

Fungorum primordia, [269](#). Fungi sin-
gularis structura, [309](#). Fungi Mar-
cassitis argentei refertur. [222](#)

Fusi horologii figura qualis esse debet.
[322](#)

G

Galliarum tabula instaurata, [214](#), [233](#)
[242](#). Sculpta est in fine operis.

Gallinæ Africanæ, v. *Pintade*, des-
criptio. [130](#)

Gallinæ sultanæ descriptio. [220](#)

Ganglii curatio. [420](#)

Geometrici tractatus varii. [195](#), [208](#)
[216](#), [320](#), & alibi passim.

Gemmae factitiæ. [410](#)

Glacies quomodo concresecat, [23](#), [233](#)
[320](#)

Glaciei velut officina quædam in Co-
mitatu Burgundie. [251](#)

Gorææ latitudo & longitudo. [212](#)

Gravium descensus & acceleratio, [80](#)
& seq. [177](#), [317](#), [317](#)

Gus seu Geranos Machina. [39](#)

Gruis Africanæ descriptio. [253](#)

Gryphi descriptio. [264](#)

Gummi analysis, [162](#). Gummi inter
& resinas discrimina. [429](#)

Gummi gutta. [160](#)

Guttæ Anglicanæ. [178](#)

Gypso impressa effigies, [370](#). illius

analysis.

H

[445](#)

Herniæ genus quoddam singula-
re. [192](#)

Heronis Alexandrini Liber de spirita-
libus examinatur. [277](#)

Heilbronæ ad Necrum novum phœ-
nomenon visum. [170](#)

Historia animalium generatim. [118](#)

Historiæ plantarum prodromus. [113](#)

Horologium oscillatorium Hugenii,
[201](#)

Horologium portatile, [195](#), [249](#), &
alibi passim.

Hydargyri usus, [340](#). Non indura-
tur plumbi fumo, [144](#). Effectus in
argenti laminâ, [409](#). Illius dissol-
ventia. [358](#)

Hydropis genus quoddam inauditum.
[454](#), [590](#)

Hydrostatica experimenta, [45](#), [217](#),
[273](#), [392](#), [433](#)

Hydrocephali descriptio. [173](#)

Hyenæ, v. *Civette*, descriptio. [125](#)

Hypericæ varietates, & vires.
[585](#)

Hystricis, v. *Porc-épio*, forma, pel-
lis, aculei. [129](#), [127](#), [301](#)

I

IBis descriptio. [219](#)

Ignis extinctio in camino. [215](#)

Injectiones anatomicæ. [543](#)

Insecta, quæ mali aureæ foliis ini-
dunt, [194](#). Aliud in lycomoræ, [498](#)

Insecti cujusdam, v. *Demoiselle*,
dicti descriptio. [548](#)

Jovis maculæ, & fasciæ, [163](#), [173](#), [295](#)
[212](#), & alibi sæpe, uti de illius Sa-
tellitibus. Insignis macula in ter-
tio Jovis Satellite, [173](#). Eorum
eclipses & earum usus, [187](#), [188](#)
[513](#): ubi de temporum intervallis
quæ inter eclipses primi Satellitis
interjacent.

H b h

Jovis revolutio circa suum axem, 175
198, & *alibi*.
 Jovis eclipsis, 186
 Iris ex omni parte rubea, 174. Sub
 quo angulo videatur, 194
 Juniperi essentia, 413

L

L Actis analysis, 119
 Lacerti Indici exuviz, 220
 Lacerti viridis cauda resecta renasci
 visa est, 253
 Lacrymæ vitreæ, 107
 Lacus Huronum æstu recepto agi-
 tatus, 189
 Lapidum concretio, 18. Variæ con-
 cretiones lapideæ in aquæ ducti-
 bus, 158. Earum solutiones, *ibid.*
 Lapis Indicus qui vulnera sanare per-
 hibetur, 222
 Lapidis Bononiensis calcinatio, 258
 Leonis & Leæne anatome, 120
 Libellæ structura, & usus, 100, 146
149, 168
 Librationis motus in Luna, 147
 Linea Meridiana in Ecclesia S. Pe-
 tronii Bononiæ delineata per 40
 annos nihil est mutata, 395
 Lineæ Meridianæ ab Oceano ad Ma-
 re Mediterraneum per Observato-
 rium Regium ducendæ ratio pro-
 posita, 217. Executioni mandari
 cæpta anno 1683, perfecta anno
 1700 & 1701, 602

Liquoris ex hydropicoeducti analysis,
233
 Liquorum effervescencia, & coagula-
 tio, 145, 181, 232, 495
 Liquorum æquilibrium, 279, 298
524
 Longitudines & latitudines aliquot
 urbium, 207, 213, 226, & *alibi*
passim.
 Longitudinum differentiz qua ratio-
 ne haberi possint à viatoribus per

Eclipses primi satellitis Jovis;
 etiamsi observatio alio in loco f. & a
 non fuerit, 226. & *seq.* Item
 quomodo per maculas lunæ inter-
 ruptis observationibus habeantur,
 in Lunari eclipsi, 314

Ludovicus Magnus Academiam invi-
 sit anno 1631, 102. Observatorium,
217

Luminis propagatio, 148. De luce
 & coloribus generatim, 535
 Lumen deprehensum secundum Zo-
 diacum porrectum, 226, 246
 Lupi cervarii descriptio, 254
 Lutræ dissectio & descriptio, 124
 & 125

M

M Achina pneumatica, & varia
 quæ in ea facta sunt experimen-
 ta, 57, 122, 160, 320, 437.
 Ubi de liquorum augmento in va-
 cuo.

Machina planetaria D. Roëmer, al-
 tera motibus Lunæ dimetiendis,
 tertia D. de la Hire ad Eclipses
 inveniendas, 192

Machinarum typi propositi, 39, 156,
263, & *alia passim*. Mecha-
 nicum opus jussu Regis Christiani
 susceptum, 150. & *seq.* Variæ Ma-
 chinæ propositæ, 154. & *alibi*
sepe.

Macrocephali infantis descriptio,
221

Maculæ Solis, 105, 175, 189, 239.
 Earum revolutio, 156, & *alibi*.

Magnetis Theoria ab Hugenio pro-
 posita, 134. Quædam ejus phæ-
 nomena, 320. Variæ ejus declina-
 tiones, 248, 292

Magnes è ferri rubigine productus,
291

Malaca, *ibid.*

Marcasitæ vitriolicæ, & cupræ, 17

18, 151. Marcasita quædam hydrat-
gyri. 496
Martis maculæ, 27-189. Illius paral-
laxis & diameter, 107, 219, 289
Eum atmosphæra cingi iusta suspici-
cio est, 108. Transitus ejus per
nebulosam cancri. 314
Maffilia longitudo & latitudo. 313
Medullæ natura & usus. 591
Mellis origo. 471
Mercurius in sole visus anno 1677.
163. tum anno 1691. Norimbergæ,
& Cantonii in Sinenfi regno, 312,
508. Tandem die 3. Novembris
1697. 466, 508
Metallorum purgatio. 441
Micrometri origo & usus. 16
Microscopii novi varia phænomena.
181
Monstri bicipitis descriptio. 174
Muris odorati descriptio, 258
Myopum variæ affectiones, 344. &
seq.

N

Narium structura. 772, 221
Natri natura & solutio. 446
Navium fabrica quædam singularis.
208
Naves à diffractione tutiores. 178
de Nive. 269
Nitrosi vapores. 414
Nostoc, quem florem cæli vocant, 16
169
Numerorum certa progressio. 288

O

Observatorii Regii jacta sunt fun-
damenta anno 1667. 38. Nu-
mismata in prior tabella incisum
formam illius exhibet, 104. Illud
cum anno 1790 inviseret Jacobus
II. Rex M. B. quæ in eo contin-
entur instrumenta Astronomica,
& machinas lustravit. 484

Observationes in Dania factæ à D.
Picard, anno 1671. 104. quæ à
D. Cassino in Provincia, 106,
quæ à D. Richer in America, 109,
159
Observationes factæ in mari Medi-
terraneo annis 1693, & 1694.
427 & seq.
Oculi structura, 343 & seq. ubi præ-
cipua optices fundamenta.
Oculi structura in Avibus, quæ ex
præda vivunt. 72
Oculus struthionis. 269, 253
Oculus felis in aquam demersus. 237
Olei è plantis extracti, & feridi ana-
lysis per iteratas distillationes facta,
143, 371. Unde oleorum factor, 311
De eorum quantitate & varietate,
587. Oleum essentialè plantarum,
588
Opii usus. 341, 371, 419
Organorum inversio in militis cadâ-
vere. 272
Otus, seu Numidiæ puella, & ejus
descriptio. 132
Ovalis foraminis in fœtu structura &
usus. 327, 383. 545

P

Palangæ, v. Rouleau. 256
Palmæ truncus in lapidem con-
versus. 308
Palpebræ interioris in avibus structu-
ra. 137, 191, 197
Paludosa loca in quibusdam Germa-
niæ Provinciis attolluntur. 221
Parabolarum amplitudines in projec-
tionibus exploratæ. 161. & seq.
Pantheræ descriptio. 186
Parietorum nova phænomena, 3, 2
486
Parietariæ adhærent pumices. 276
Pelicani descriptio. 102
Penduli longitudo minor in Zona
torrida, 112, 159, 212. In
H h h h ij

Ægypto etiam brevior quam *Lutetia*. 428, item 601
 de percussione, aut collisione corporum *Tractatus* editus. 98
 de peste. 369
Phosphori effectus singulares. 210
 origo illius & preparatio. 304
338, 408
Phænicopteri, v. *Flamand*, descriptio. 220
Pici, v. *un pivert*, linguæ structura. 351
Pisciculus, qui est instar *Barometri*. 252
Planetarum concursus. 511
Planisphærii D. Cassini descriptio. 192
Planisphærium terrestre in pavimento Observatorii delineatum. 127
Plantarum vires, 115, *analysis*, 61, 311, 371, *principia*, 82, 311, vegetatio, 62, 274, earum *germinatio in vacuo*, 323, *fœcunditas*, 186, *cathetismus*, 587
Plantæ marinæ. 582
Plantarum in sua genera divisio, 355, *natura & usus*. 115, 362, & *alibi sæpe*.
Platæ, v. *Palette*, *dissectio*. 125
Pleiadum constellatio. 313, 332
Plica Palonica, 455
Plumarum textura, & *usus*. 314
Pluviæ quotannis deciduæ mensura, 291, 321, 436
Pluviarum in Indiis statuta tempora, 290
 de ponderibus & *mensuris*. 273
Pontonis structura, 317
Portæ in Sequanâ extractæ usus. 416
Porcellanæ characteres, 338
Problemata indeterminata resolvi in numeros integros, 430.
Problemata Geometrica, *Algebraica*, *Mechanica* passim.

Projectionum doctrina, 166, 167
Purgantium vires. 364
Pyramidum Ægypti situs & mensuræ. 418

Q

Quadrata magica. 478
Quadraturæ curvarum variis in locis, ut *Hyperboles*, 51, 430, *Conchoidis*, 429, *Cochleæ*, seu *limacis*, *ibid.* ac de his sæpe *alias*.
Quinquinæ, seu *corticis peruviani nova præparandi ratio*. 303

R

Refractiones, 108, 600 & *alibi sæpe*, earum *causæ*. 164
Refractionum aquæ & glaciæ differentia. 320

Remedia variis morbis proposita.

1. *Parti corporis præ frigore sideratæ nix est remedium*. 23
2. *Aqua stiptica*, quæ sistit sanguinem, 158, item 75
3. *Folia lappæ seu personatæ adversus venena*. 182
4. *Sputum sanguinis curatum per opium & syrupum granatorum*. 183
5. *Alexipharca quædam*, 244, 315, *contra viperarum, & serpentum morsus*.
6. *In Siamensi regno utuntur ligno de Solon dicto sanandis febribus*.
7. *Dyssenteriæ curantur purgantibus, & emeticis, ac potissimum radice Ipecacuanhæ*. 270
8. *Hydropem curatum fuisse per eupatorium, ibid.* alio quoque *remedio*. 275

VERBORUM ET RERUM.

9. Vulnerum curatio. 276
10. Adversus cimices, & pumices, *ibid.*
11. Alii usus adversus dolores colicos, 332; uti & nuclei glandis.
12. Opii usus adversus tenesum, odontalgiam, 341. *item* 419
13. Adversus febres malignas vesicatoria anno 1674 utiliter usurpata; adversus cephalalgiam, manuum ustionem præ frigore, hæmorrhoides, reumatismos, camphorata, 341. emeticorum usus in malignis febribus, 365. *item* 420
14. Contra stranguriam, *ibid.* & 389
15. Morbi hypocondriaci curatio, 384. Hæmorrhoidæ sanatur, *ibid.* Angina, *ibid.* & 455. Arthritici doloris, 389. morsus canis rabidi, *ibid.* Viperarum morsus, 390
16. Ganglia, aut tubercula, v. *Louper*, 420. Arenulæ renum, distillatio, *ibid.*
17. Adversus morbum articulare, 454, 455
18. Rosarum gemmæ, contusionibus & incisionibus medentur. 276
19. Strumarum curatio, 182
20. Lapilli abstergendis oculorum sordibus idonei. 252
21. Mali citrei succus adversus quædam venena, 244. Uti & pulvis cornu Rupricapæ, *ibid.* Succus portulacæ verrucas sanat, *ibid.* & punctiones apum.
22. Scorbuti curatio. 207, 325

S

Sacchari quoddam genus in Aceris foliis, 244. *Item* sycamore vulgari, 269. E tamarisci foliis, 352. Sic manna in foliis orni, ut

sal essentialis earum anbonum erumpit; & saccharum in arundinibus Americis, *ibid.*
Salis communis analysis. 16, 17, 158
Salis communis in nitrum conversio, *ibid.*
Sal anomalus Boylei. 15
Salium natura, & genera, 173, 444
Salis volatilis cum spiritu salis mistura. 210
Salis fixi in volatilem conversio, 444, 450
Salis stirpium, *ibid.* & 550
Sal quidam ferrum penetrat citra fusionem. 378
Salis ammoniaci natura & proprietates, 414, hic plantis, & terris inest. 416, 445
Salivæ natura. 260
Salsugo aquæ marinæ quomodo detrahitur. 59, 201, 231
Sanguinis transfusio. 19
Sanguinis in fœtu circulatio, 319, 344
Sanguinis humani analysis. 233
Saporum natura. 126, 181
Saturnum circa suum axem verti verisimile, 224, 225. illius Zonæ, & annulus, *ibid.* *item* 188
Saturni duo satellites minores deprehensi anno 1684. 238. Eorum periodi. 113
Saturni satellitis inventionem secundus, sed quintus ordine observatus fuit anno 1671. 118
Saturni & Jovis conjunctio. 225
Saturni eclipsis ex Luræ interj. ctu, 174, illius cum stella fixa conjunctio. 113
Satellitum Jovis variz configurationes, 171. Primi satellitis emersionum lumina major immersionum summa; hinc quæstio orta est de luminis propagatione, 148
H h h h iij

& 176. Ubi de maculis & umbris
satellitum.

Sciurus, v. *un icurētil*, Mexicanus.

244.
Simiarum diversę species. 127, &
123

Sin-fer radix Sinenfis. 451

Solis insignis macula, 150. illius mo-
tus in figura delineatus, *Ibid.* 139.
256 & *alibi sepe*.

Sol in utroque Equinoctio Cayen-
nę observatus, 131. Et utrumque
solstitium, 109. Solstitium hye-
male anno 1696. observatum,
426, & 456.

Spadi piscis ensis. 265

Sonorum quędam affectiones, 101,
310, 569

Speculum cavum & vitreum combu-
rens. 260

Speculum planum telescopia apta-
tum. 176

Speculi ustorii & metallici varii effec-
tus. 144. 183

Spiritus acidi nihil sunt præter sales
volatiles phlegmate dilutos, 314 &
seq. Eorum mitigatio, 422. Pon-
dus. 139

Stellę quędam qualibet hora diei vi-
sz. 226

Variz in stellis fixis mutationes.
123

Stellę polaris à polo mundi varia di-
stantia. 554

Stellę quę cor Scorpionis dicitur,
cum luna conjunctio. 332

Struthionis, v. *Antruche*, descriptio,
133. pennę, 134. oculus, 259.
bilis. 140

Sublimati præparatio. 446

Succus plantarum an circuletur, 62,
& 586

Succi nutritii in plantas ascensus, &
illius causę. 323

Succorum in plantis effluvia. 553

T

Tabulę Geographicę ex variis
observationibus correctę. 186

Tabulę regni Sinenfis, & Indiarum,
296

Tamarisci descriptio, & analysi,
552

Tanaceti usus ad vetus reumatismum,
325

Telescopii usus facilior per speculum
metallicum. 176

Telescopii duobus vitris convexis in-
structi inventio, 397. usus, nova
expoliendi vitra majora ratio,
397

de Telescopio Tractatus. 194

Terrę dimensio incępta anno 1699,
99 & *seq.*

Terrę tremor anno 1682. 222

Terrę motus qui Smyrnę accidit an-
no 1688. 266

Terrarum analysi. 244. 416

Terrę sulphur. 493

Testudinis terrestris descriptio, 138.
marinę, 245. pulmonum & cor-
dis structura, 325 & *seq.* Sangui-
nis circulatio. 388

Thermarum calor. 21, 340

Tigris discussio. 185, & 147

Tormenti bellici recessus. 222

Transpiratio. 170. 420

Trigonometrię supplementum. 136

Tritici tubulus die 23 Martii micro-
scopii ope examinatus. 170

Tropicorum distantia. 109

Tuborum per quos aqua delabatur,
quę sit resistentia. 217

Tubercula, v. *ruffe*. 221

Typhonis imminentię signa. 261

Typorum materia. 543

Typographię perficiendę ratio. 442

V

V Alvulæ in venis, cui sunt ufui, 142
 Vecturæ. 40. 41
 Vegetatio feminum in machina pneu-
 matica. 314
 Vegetatio plantarum in lagena occlu-
 sâ. 145
 Venenati morsus, 327. 369
 Veneris & solis conjunctio. 297.
 315
 Veneris eclipsis à corpore lunari,
315. illius nodi, ibid.
 de Ventis. 160. 352
 Ventriculi fermentum. 302
 Vermis in rene canis descriptio. 505
 Vesicæ structura. 171
 Vesuvii incendium anno 1694.
338
 Viperarum anatome, & venenum,
 303, 326

Vitri convexi quædam proprietates,
195
 Vitri dissolvens. 417
 Visus organum in retina, an in cho-
 roide. 79
 Visus variz affectiones, 341. &
 seq. Varia ejus phenomena, 148.
 & seq.
 Vituli marini dissectio. 126
 Volatus avium. 134
 Uraniburgi latitudo, 105. Observa-
 tiones ibi factæ. 106
 Urinæ analysi. 263
 Urinæ arenulæ. 270
 Urli dissectio. 122
 Vulnerum curatio. 276. 455

Z

Z iberti, v. *Givette*, dissectio;
 125.

FINIS.



E R R A T A.

| <i>Pagina,</i> | <i>Linea ;</i> | <i>Errores ,</i> | <i>Correcti ,</i> |
|----------------|---|-----------------------|-------------------|
| 3 | 37 | Ecclesiastica | Ecclesiastica |
| 6 | 16 | sit | sint |
| 8 | 35 | cordis | cordi |
| 15 | 16 | Angeli | Angli |
| 47 | 29 | amplius | amplus |
| 58 | 45 | fiatuli | fiatili |
| 89 | 17 | postea diligenter,&c. | delenda. |
| 178 | 11 | quod | quot |
| 189 | 15 | paulo post | delendum |
| 203 | 32 | obse. vatum | observatus |
| 236 | 17 | tube | tabe |
| 272 | 9 | gecesim | genesim |
| 281 | in figura littera, a, ponenda est loco, S, & littera, h, est male expressa. | | |
| 284 | 11 | Ludovicæ, | Ludovicæa |
| 304 | 5 | post | per, |
| 330 | 18 | ea de | adde, re |
| 363 | 3 | cognitos | cognitum |
| 376 | 32 & 39 | aquæ, sentibar, | aqua-senticbat |
| 390 | 43 | omnes | omne |
| 398 | 21 | percipiendi, | perficiendi |
| 408 | 35 & 37 | est-adstricta | dele - afficta |
| 439 | 43 | capax | capaci |
| 468 | 23 | min. 8. | adde secund. |
| 496 | 22 | hor. | hoc |
| 514 | 20 | eodem | eadem |
| 520 | 2 | esse | esset |
| 544 | 17 & 18 | magis vivapę | minus-viviparę |
| 575 | 16 | coherentes | coherentia |

Sunt alii minores errores qui sensum non obscurant, uti nec plerique ex iis quos annotavimus.

MAG 2013A77

10

